

四庫全書存目叢書編纂委員會編

齊魯書社

四庫全書存目叢書

四庫全書存目叢書編纂委員會編

齊魯書社

四庫全書存目叢書

史部
第五〇冊



責任編輯：孫言誠 賀 偉

ISBN 7-5333-0535-3



2327/0B

四庫全書存目叢書·史部五〇

(大陸版·限中國大陸發行)

四庫全書存目叢書編纂委員會編

齊魯書社出版發行

(濟南經九路勝利大街)

金壇古籍印刷廠印製

787×1092 毫米 16 開本 50.25 印張

1996 年 8 月第 1 版 1996 年 8 月第 1 次印刷

印數 1-100

ISBN 7-5333-0535-3

Z·37 史部定價：87600 圓

史部第五〇冊目次

史部·雜史類

平播全書十五卷

〔明〕李化龍撰
中山圖書館藏明萬曆刻本

.....
一

平播全書十五卷

〔明〕李化龍撰

中山圖書館藏明萬曆刻本

附《四庫全書總目·平播全書

十五卷》提要

平播全書敘

上之二十有八年御史大夫兼

司馬督府李公帥師平播

已馳露布獻俘

闕下

嘉悅令從公次第諸文武功

及區畫善後事成備疏俱

上諸大夫以

公經略西南文告檄書與

先後諸疏皆足詔來祀垂

不朽也以屬守南大叅王

君編次為卷凡十五鏤成

謂不佞悌久在行間與觀

其心不可無言以弁其端

悌也不類曷足識

公之大獨念是書也嗚

主上中興之盛錄平蠻將吏之

功備矣出師才百十四日

闢兩郡二千里封疆奏二

百餘年所未得志於西南

夷盛事紀之大常自有

家祿土分茅彞典燬矣

公也不自功且無樂人焉

其功亦何庸敘唯是玄機

睿筭石畫淵猶所繇速于

底績足以泣神鬼而舒

宵旰者有其本之文檄不載

也悌日奉幄籌不披吐萬

一以彰往鏡來嗣茲何攷

焉夫靈武之師朔方以靖

玄菟之捷屬國以金播不

聞乎而敢逆顏行雖其井

觀岬負哉然猾酋也豈自

給若爾固有所恃矣今天

下冒易言播也易曰高宗

伐鬼方三年克之以商道

赫焉中興舉一鬼國尚淹

三年孔父所謂憊也史稱

楚頃襄王遣莊躄略巴黔

漢武帝遣唐蒙開夜郎然

躄即王滇自為聲教蒙入

筵關猶閉昆明唐之南詔

乍臣乍叛罷救中國蓋漢
唐之盛已然矣楊端取播
于南詔而世守之八百年
來未以易也無論宋元即
我

明運方開

皇以大抗百蠻君長重足向風

日所出入之邦靡不屬焉
納賚然傳穎川率二十四
將軍南下善闡其所削平
自段明而外無聞焉鎮黔
馬都督燁威讐羅夷不獲
自完首領正統間麓川之
後用兵五十萬三往十閱

年而思祿猶據孟養嘉靖
初思田之役始剿終撫而
盧蘇竟遁天誅今襲威閔
為西南夷觀晒播酋規之
所自逆也白石口而後震
黔楚危三川脫復滋蔓諸
蠻生心真南數千里非

上家有矣此豈小故也哉

公弱冠魁海內振鐸梁魯
稱絕唱入貳罔政銀臺旋
以中丞節撫遼至則有鎮
武之捷馘首虜千數進貳
司馬于是

公文武兼才為世推轂無

兩矣移養歸來東山之望
勃勃中原以播之弗靖西
南鼎沸

主上採輿望特從田間起

公授總督川湖貴州節得
便宜行事

尚方劍編裨以下不用命

者誅以狷文武無大小遠
近惟部署兵馬錢糧器械
惟調度

公廼提三尺擁六傳建三
藩節制于錦水之陽賊揣
且剿又欲張威挾撫也遂
屠城戮將渝州且空城以

避勢甚岌岌

公陽為詰責緩之而陰積
糧治器程量軍實選將集
兵課期分路計定方移節
渝州登壇誓師八路徂征
時賊欲衝突乎固未易矣
梯由洮河來度棧閣遵錦

江延見父老旁及輿阜言
播甚悉罔不人人難播也
謂婁山諸嶽五丁莫開海
龍國高千仞難躋似以徒
費兵力終歸一撫耳悌曰
唯唯否否及抵渝侍公吉
語日聞捷音狎至酋知名

渠魁非獻首，棘門則稽顙。
戲下破關，克峒如振落發。
象則何也。

公膚敏，豁達急戎機，則倚
馬數檄，坐策千里當窾會。
披狐兔則黠結，站驪弄羅。
蠻長爭奇，驅先徵調，則秦

越滇廣齊魏燕士奮戎行。
治芻餉則舳舻銜尾，絡繹
肩馱，効飛輓，犒卒伍則牛
酒魚鹽，薪蒸糗，糒充宿飽。
拯疾厄則醫藥湯散，金創
疫癘濟緩急，壯軍威則五
帥二師，八路斬關揚羆虎。

聯兵勢則總一監司，軟血
擔盟申要束，而又陷陳摧
鋒，縣重賞破關，克堂崇世
官大將受餌，禡厥職貳師。
觀望責以死，中軍勒限取
其頭，賞信若萬戶及躬罰
必若三尺在頸，至于二帥

壁後閱月未拔，不難移前。
兵攻後捐萬金，使貪所繇。
連拔二城，盡成俘馘，尚有
逸於䟽外者，總之太虛無。
物空洞有容，巖巖千仞不
可攀，泱泱萬頃不可淆，轉
圜善任，揅縱有神，所以本

也故自出師訖賊平䟽數
十上檄百千下隔千里而
面譚洞幽微于觀火軍法
穰苴之嚴綜理武鄉之密
宅心子儀之寬決策晉公
之斷納降曹彬之仁而文
章肖謫仙勛業紹衛公又
其家世淵源由來者遠耶
昔淮陰謂漢高曰臣多多
益善又謂高帝善將將今
播之役兵逾二十萬分之
八路相雄合之遞攻蓄銳
繇斯以推即百萬可已非
多多益善耶且也

平橋全書

卷序

十一

廟蒼時下動中機宜籌自中
樞妙協著蔡頰牧在
禁近夔龍秉節鉞以茲將將
何亂不平
國運中興有以矣竊觀
國家威靈遠軼漢代漢時丞
相多自列侯出塞大猷唾
手萬戶流光史冊不謂濫
觴
今甲文階不侯茅土之爵亦
時有之威寧等封雖以首
虜靖遠世祚寔自征蠻粵
考靖遠誓詞思祿所服也
未幾輒渡金沙以攻猛密

平橋全書

卷序

十二

石爛江枯問之水濱耳自
公平播百蠻君長狐兔舍
悲鯨鯢不波唐交綏之外
國宋斧畫之餘邦無敢越
志詎直拓地二千里哉傳
穎川而後無功矣成功之
後

公歔然若無屏居苦伏深
自摧剝疆吏上重事又憑
牀裁定之痛嚴懷慈徃徃
以臯魚之感發悲愴之調
至今人不可讀
國為奇勛家為死孝
公之謂矣酬勛有無奚知

為第西南之人謳唵肖象
引領

國恩我

皇快于志而託重眷留督府圖
其難為封疆不朽其不遜
烈麓川也明甚則開國山
河以慰西南半壁為

公拭目之望也不筮矣若
曰師保我
公四世其同曉前事也何
庸尸祝焉昔周大夫為宣
王誅玁狁而百蠻從其詩
曰征伐玁狁蠻荆來威
公也以之又曰文武吉甫

萬邦為憲以豫齊遼蜀驗
之又曰吉甫燕喜既多受
祉有我

聖明在

萬曆庚子嘉平四川等處
提刑按察司按察使燕布
政司左叅議管分守川東

道事張悌頓首謹序

平播全書

卷一

十四

平播 卷之一目錄

奏議

報到任疏

請設中軍疏

報播酋屯兵疏

報楊酋陷城疏

議貴州移帥募兵疏

議留陝銀及取滇銀疏

請罷開礦疏

添設裨將疏

再報播酋情形疏

防兵鼓譟疏

請內帑增兵餉疏

更調府佐縣令疏

目錄終

平播全書

卷一

十四

平播全 卷之一

奏

報到任疏

欽差總督川湖貴州軍務兼理糧餉巡撫四川地方

兵部右侍郎兼都察院右僉都御史李化龍

謹

奏為到任事臣原任兵部右侍郎兼都察院右僉

都御史巡撫遼東奉

旨任籍養病萬曆貳拾柒年叁月貳拾捌日准吏部

平播全

卷一

咨為欽奉

聖旨事四川巡撫員缺比照兩廣事例改銜總督四

川湖廣貴州叅省軍務兼理糧餉該本部等衙

門會推疏名類

請奉

聖旨李化龍著以原官起改總督川湖貴州軍務兼

理糧餉巡撫四川地方寫勅與他欽此備咨到臣

臣望

闕焚禾 頭謝

臣訖續從吏部咨該臣

奏為久病庸臣驟膺

新命懇乞

天恩俯容辭免以安分義以重地方事奉

聖旨西方有事特設督撫李化龍著兼程前去到任

管事不准辭該部知道欽此又准兵部咨為狡酋

殘暴無忌等事奉

聖旨楊應龍輒敢糾苗殺官好生悖逆可惡者即催

督撫李化龍郭子章及劉綎著遵旨一併星馳到

平播全

卷一

任調兵進剿不許延緩滋亂餘俱依擬行欽此又

准兵部咨為播苗大殺官兵飛報緊急軍情等

事奉

聖旨是這叛苗圍劫事情著該巡按嚴勘具奏李化

龍并郭子章徐部裡馬上差人催他到任俱限於

伍月內接管行事欽此又准吏部移送

新頒

勅書壹道關防壹顆到臣臣接領欽遵兼程於本年

伍月貳拾捌日入四川境隨准前任巡撫右僉

都御史譚希思咨送原領

符驗關防吏卷到臣接管行事除舊關防壹顆另疏

奏繳外為照臣化龍才術短淺品格下中文不足

以經邦武不足以定亂况當病廢已分沉淪過

蒙

皇上收之泥塗之中授以節鉞之寄任兼督撫舉軍

民夷虜悉聽指揮地盡西南總已蜀楚黔咸歸

統馭

寵榮若此報稱謂何臣敢不勉效忠貞力圖建豎民

平播全書

卷十

三

年

力竭矣必噓枯起仆拯萬姓之瘡痍

國體在焉須勵氣

宣威息卷藩之氛稷奠封疆於萬里釋

宵旰於

九重此臣所以報

皇上而酬

恩遇之職分也臣無任感戴激切屏營之至除應行

事宜陸續料理陳

請外所有到任接管行事日期合行

奏報為此具本專差承差張顯恩齎捧謹具奏

聞奉

聖旨該部知道

平播全書

卷一

四

年

請設中軍疏

題為循例

請設兵將以重事權以養戰守事臣本書生不習軍旅頃因西方有事

皇上特設總督俾兼參省軍務過採

廷推起臣於田間而任之控辭不獲且奉

嚴旨臣惟入臣之義事不避難遂冒暑攜家兼程抵

任已於伍月貳拾捌日入境交代受事陸月初

拾日至省城延見吏民臣畿內人也去蜀遠在

平播全書

卷一

五

坤

肆伍千里不知蜀事入其地乃知蜀蓋偷安弛

備之國自開創以至於今非一日之積也其中

沃野千里四面皆溪山土司環而居之蜀故無

兵將止借土司為兵將諸凡征討止調土司此

輩有忠順者有桀驁者甚至熟知內地虛實肆

然驕蹇不奉漢法至與官兵相抗則今日播州

是已夫居重馭輕

王道之經尾大不掉立國所忌儆令鎮城有兵

壹貳枝諸所征調不倚土司未必至是故鎮城

之應設兵將自昔已然不獨今也今臣業已為

總督兼參省又當多事用兵之際兵將之設尤

不容已查得各邊總督俱有中軍官主傳宣以

副總兵為之又有標兵貳參枝備調遠應援以

遊擊領之臣今事任相同相應照例設立中軍

副總兵壹員領兵遊擊貳員聽兵部銓除標兵

貳枝各參千聽臣於本省及別省召募臣又查

得各邊督撫俱有

欽頌

平播全書

卷一

六

坤

令旗

令牌以便行事今蜀中巡撫衙門舊有

符驗壹道

令旗拾貳杆

令牌拾貳面但原係

欽頒巡撫收掌者臣衙門既已改設

旗牌亦宜另給以新耳目以重責成臣又查得先

年總督邢玠所領

勅書內云如川貴兵力不敷即將湖廣土漢兵就近

調取其浙江福建雲南兵將俱聽調遣截殺及近日兵部覆

請貴州總兵事任亦奉

旨雲南廣西一體應援搗剿今湖廣已為巨屬應得

徑行調遣其浙江福建雲南廣西原未議及但

浙福兵雄天下雲廣壤地相比必須並得調遣

乃便行事亦應照前申明至於陝西一帶各邊

俱係勁兵又去蜀最近雖禦慶事重而防秋有

時儻此中夷情重大兵力不敷亦容臣與各邊

平播全書

卷一

七

海

督撫酌量衝緩就近借調壹貳枝則力逸功倍

又與彼地防守不大相妨亦應預行申明以便

斟酌調取又山東有召募南兵原為防倭今苦

於難散正在戍守若借以防播尤為兩便以上

事宜通應題

請伏乞

勅下兵部查議如果臣言可行乞賜覆

請將臣標下銓除中軍副總兵壹員領兵遊擊貳員

俱以熟練勇敢知兵將官為之浙江福建雲南

廣西將領及土漢官兵容臣酌量事勢緩急量

行調取文到之日所司即行遣發山東及陝西

一帶亦得借調臣隨時定與各督撫計議相應

必不敢虛彼實此其新設官軍應給廩糧公費

之類容臣查例行布政司支給各兵應用餉銀

容臣查川湖貳省應動錢糧動支一面奏

聞不足之數另行陳

請議處再乞

內府製造

平播全書

卷一

八

符驗壹道

令旗拾杆

令牌拾面

頒發臣收掌應用先年巡撫所收

旗牌另行

奏繳再照軍興之際不時差人原有勘合火牌見

在不多亦行該部再給大勘合肆拾道小勘合

陸拾道火牌捌拾張通前用完再

請統乞

勅下該部覆

請行臣遵照施行緣係循例

請設兵將以重事權以資戰守事理未敢擅便為此

具本專差承差陳治道齋捧謹題請

旨奉

聖旨兵部知道本部覆奉

聖旨該鎮督撫新設事權宜重這偏選標兵推補將

官調用各省兵馬議處錢糧等項都依擬行軍旅

重大必須事事從實不許徇情顧面因循虛假各

鎮亦宜用心助力毋得坐視陳用賓沐濬等都馬

上行文與他每知道山東防倭等兵著精練好的

差忠勇將官領去還立限與他

報播酋屯兵疏

為土酋糾領苗兵劫掠內地事萬曆貳拾柒年

陸月初拾日據兵巡上川東道副使莫睿呈為

急報夷情事陸月初捌日據重慶府呈據綦江

縣申稱卑職赴夔廠交木行至涪州於伍月貳

拾肆日准房遊擊手本據播州逃出綦民趙明

口報楊應龍整點戈甲分付苗兵收拾飯米草

把聲言要打綦南等處又據松坎民張榆亦報

同前事煩請回縣計議等情於叁拾日回縣本

日據驛丞杜連雲申稱播目張漢清已於貳拾

捌日劄兵松坎各地方速備乾糧蠟布候本

司刻下調用又據松坎民張倫報稱關外發出

苗兵拾餘萬四下潛伏要乘內兵未齊之時拏

命來戰陸月初壹日又據驛丞杜連雲齎播文

貳角一申兵巡道一申本縣拆看內稱苗兵之

出無他意也止欲明我地界取我叛奴等情申

報到府又准房遊擊手本為夷情事本年伍月

叁拾日據安穩驛丞杜連雲報稱本月貳拾捌

日播州坐寨張漢清... 領兵劄營地... 苗光坪緝言前來尋取播州奸奴令孤培拜逃
出投民各軍在彼住劄等語塘報間陸月初壹
日又據偵探陳士玄等報稱三元壩劄兵貳大
營相離安穩伍拾里等情到營看得楊酋狡詐
百端陽為尋取讎民陰懷捨掠地方其謀為不
軌者雖未可壘而效前取袁子升之故智必矣
前後劄兵叁營欲領兵前去拒堵約我兵貳千
餘名又綦江通播道路數處不惟寡不敵眾且
慮顧此失彼即日統兵四壘口舊營處所劄兵
防範外所有應調官兵速發下營立候分布等
因塘報到府轉報到道該本道一面差人齎牌
諭酋禍福責令撤兵一面移文房遊擊酋果入
犯整兵拒堵彼若止劄營播地我兵不得輕進
去後看得酋狡猾桀驁今此之來果謀先發制
人未可知果止威力挾我未可知我兵在綦者
不滿叁千南川止於陸百江津止於肆百彼若
全力攻我約苗兵可得貳萬眾寡不敵既已可

慮酋之悖逆如此已如火將燎原若非急行調
集披髮纓冠而往尤恐後時今日之事真所謂
時刻不容再緩等因陸月拾壹日又據該道呈
為夷勢猖獗請兵應援事據重慶府呈據綦江
縣申稱本月初叁日據丁山里民高仕偉李漢
霸民李萬璿安穩驛丞杜連雲報稱楊酋發兵
萬餘壹營劄安穩壩壹營劄苗兒坪壹營劄黔
脚壩地方居民罄盡逃散牛馬財貨恣意搶虜
聲言不日攻打綦江等情到縣請之速發新召
萬縣精兵下縣以備應援等因又據該縣申稱
本月初叁日申時據偵探探兵向朝祿等回稱
播酋統兵萬餘直攻趕水地方逢河即卸民房
搭障渡過居民空境而逃等情到縣看得趕水
離縣伍拾里半日可到房遊擊欲出兵堵截慮
城無兵難以堅守暫劄營城下所有應援官兵
懇乞速發以救然眉等因據此除萬縣兵并府
城兵共捌百名行張良賢領發外合行飛報等
因到道查得綦江縣城壹日至趕水由趕水壹

日至安穩出安穩卽播州界此乃往婁山關大路又自播州由小路不由安穩卽可抵趕水本道向恐兵屯安穩播苗潛劄趕水扼我咽喉故議房遊擊暫駐綦江縣今播兵敢於直入趕水此乃內地非播州界矣此首狂逞公然叛逆何辭自解乞賜調兵遣將前往救援等因陸月拾貳日又據該道呈爲飛報夷情事據重慶府呈據南川縣申稱本月初叁日叁鼓時分據鄧坎村黨正李芳等走報本月初叁日早楊應龍差婁國英政等統苗數千餘馬兵百餘至鄧坎村安攘關劄住聞言欲打劫鄧坎并南川等情到縣看係楊首乘虛爲亂劫虜地方本縣雖有官兵陸百但衆寡不敵乞發兵將督剿以救然眉等因又據防禦南川指揮唐宗舜報稱相同行間又據綦江縣申爲夷苗劫掠官民事本月初肆日據巡檢黎廣元申稱初叁日辰時忽被苗兵數百人一湧到鎮驚散居民男婦牛馬財物任意般虞將本司衙舍盡行打毀等情又據驛

丞李時明申稱附驛居民聞播兵劄營趕水觀音寺橫行劫掠盡已逃避早職家眷驚慌涕泣亦避對河杜會家等情本日聞報後房遊擊親率兵至黃金坪地方各苗亦退止趕水不敢前來早縣看得逆首自擬必死不憚捐生且兵衆力強一時難推其鋒而居民又畏首如虎不能立足事干地方大變等因到道看得播首敢於狂逞既親統大兵擾我綦江而又以偏師分犯南川劫掠居民牛豬倉穀皆爲所有公然反叛難以再有乞賜選將召兵前來應援等因同日又據遊擊房嘉寵塘報內稱首兵劄營安穩等處楊應龍父子已出點脚壩分撥各兵攻打綦江地名益井河安穩等處俱被燒劫牛馬穀石盡劫人口俱逃又稱張樣等領兵已入趕水巡檢居民逃走早職親督丁兵前去魚涼河截殺外乞速發兵救援等情同日又據敘馬廬兵備道副使李廷謨呈爲地方事准建武遊擊楊敏政手本據坐鎮伍畝堡指揮王繼祖報稱陸月

初柒日卯時聞夷地銃響隨據偵探軍兵走報播夷萬餘出大魚灣在斫木找筏渡水去堡未及半日等情又據該堡領兵官龔萬祿報稱下赤水夷目袁年吐稱楊應龍果往綦江差趙總營帶軍參肆百將火牌說帖仰丁山赤水仁懷等處取兵割磨刀溪講說開路既不拆堡退兵楊應龍親帶人馬打入合江儻死不免一遭今趙總營果到箐口等情又據袁年申報前情相同及抄牌報道除令官兵加謹隄防外合行呈報等因拾肆日又據重慶府呈據南川縣申稱婁國督苗數千到鄧坎村至初伍日打劫居民有逸勇鄉兵截殺斬獲苗頭壹顆餘退伍里劉營等情拾柒日又據遊擊房嘉龍塘報本月初捌日據偵探家丁報稱楊酋發兵割住地名毋渡三溪拾叁營約兵捌玖千見在劫掠鄉民卑職當同張良賢率兵前去堵截果見劉營是實欲渡無船與之隔河對敵當時銃炮打死射中數多拒敵至晚次日恐酋分兵侵縣內留家

丁叁拾名軍兵貳百名設伏坐塘餘兵帶回與綦江討賊副船截殺隨據家丁百總張喜等報稱瞭見播兵百餘由上流來圍我每撞遇對敵斬獲苗級叁拾名顆生擒伍名其餘奔山入箐等因拾捌日又據重慶府呈據南川縣申稱播苗於初柒日劫東鄉村被兵敵殺斬獲苗頭肆顆等因同日又據遊擊楊敏政呈據永鎮堡百戶張承宗報稱楊應龍差陳提調前至箐口王繼先調兵壹千又於儒溪調壹千并起赤水等處欲攻伍畝堡馬街子等情又據指揮王繼祖報稱播夷在地名龍門里割有肆營陸續添增其數難約鄉兵保甲聞酋勢大俱願送父母妻子家家盡移拾壹日播夷在磨刀溪對山立營要講播界情由又據楊應龍差夷兵投遞手書到職看得楊應龍統夷為害假投手書計在緩兵奸宄莫測等因同日又據重慶府呈據綦江縣申稱本月拾貳日據新慶居民陳希忠張之俊趙可元等回稱楊酋帶兵陸萬親割一大營

在官壩其餘俱散劉在三溪母渡小河堡等處
日則縱苗搶劫夜則各收本營處去人口老弱
者令其守營少壯者令其般運婦女任從姦淫
不從者當時殺死營內豎立大黃旗壹面上書
擒亡剿叛又小旗伍面招諭羣民有歸降者即
免剿殺等情到縣看得逆酋所為不止虎噬一
方直欲鯨吞全蜀且綦邑乃酋第一層門出路
把截不謹縱之出柙勢必難禦等情到府除行
各土司備兵聽調外事在然眉合行轉報等因
拾玖日又據敘瀘兵備道副使李廷謨呈准遵
擊楊敏政手本報稱拾叁日亥時據伍畝堡指
揮王繼祖把守官劉海等揭報本日午時官兵
於界上與夷會講說稱要將各處官兵撤回又
要揚遊擊回書如無回書要割合江穀食用等
調兵齊打至合江少不得是這一遭又據哨報
隊長奚老三稱本日卯時入袁年營哨看見上
下夷兵劊捌箇大營不知其數午時與播目陳
世賢等至磨刀溪橋上會講他說伍畝堡是我

家放馬場毗廬寺是我家佛堂馬街子是我渡
口惟江北纔是你合江地方等語看得各首藉
以索書撤兵拆堡為言漸次添兵恐意在內犯
且各堡官兵又奉明文調發松潘防虜各兵心
愈攜貳等情到道除行堅壁清野慎加防堵外
合行通報等因同日又據合江縣申據指揮王
繼祖揭報前情相同及稱卑縣兵力單弱建武
馬湖諸兵萬總鎮又調建武兵往松潘彼心益
搖乞速止之以保城池等因貳拾壹日又據兵
巡上川東道副使莫睿呈據南川縣防禦指揮
唐宗舜申准南川縣手本據快手徐淵報稱要
國領兵千餘破劫東鄉村卑職於初捌日領兵
前去堵截初玖日彼先發苗兵百餘過河前來
劫殺至午時各官兵奮勇截殺斬級貳拾貳顆
彼苗復追各兵黑夜難敵將首級盡棄止獲伍
功被苗虜去人口數拾餘名等因又據房遊擊
塘報陸月初陸日擒獲播苗袁志剛郭林審據
吐稱楊應龍說如今

朝廷不容我只得捨命出綦江拚著做當時他妻
子勸留不住等刀斫殺楊朝棟分兵貳萬往貴
州地方去了楊應龍於前月拾柒日點兵陸萬
分爲叁路壹路張漢清張樣陸罕郭俊領兵由
松坎出苗兒坪安穩趕水壹路婁國領兵由婁
家里出真州壹路楊應龍親領兵出點脚壩楊
燕塘丁山老馬寨約至柿旗山會合連日天雨
水隔楊應龍沿路行不得復回苗兒坪我每撞
遇家兵擒等其餘苗兵渡河奔走柿旗山等楊
應龍到齊先講地方事後擄殺等情據綦江
縣申報陸月初陸汨據扶歡堡鄉勇李仕孝等
掣獲播苗王尚邦陳守兵到縣審據供稱楊應
龍已親自統兵數萬在於苗兒岡劄柴營趕水
劄柴營又於柿旗山毋渡等處劄營放言要卽
目統兵到縣與房遊擊講話是的本縣查得柿
旗山毋渡止離縣貳拾伍里即時可到今苗猖
狂捨命而來居民驚惶星散內兵力寡難敵危
急在於斯須等因又據南川縣申報據指揮唐

宗舜報稱楊應龍差苗兵數千馬兵貳百餘前
來東鄉村住劄聞言欲劫廢東鄉南川等情看
得東鄉去縣不滿貳拾餘里今播苗猖獗意欲
乘虛爲亂但兵不滿陸百勢處危急等因又據
江津縣申報陸月初柒日據筭溪等里黨正陶
榮等報稱探得楊苗來提頭目楊真母柱各處
目把督苗數萬出劫綦江江津合江未知來否
本縣城牆因水泛衝頽今暫立柵欄一面脩築
今報夷情民心倉惶等因又據重慶府申報陸
月拾伍日據綦江縣申本月拾叁日據扶歡堡
被害居民霍良用唐天辰等報稱楊苗見內兵
出戰復加兵到營盡將民房拆却脩立大營又
發牌到州取兵肆萬立意圍城見今殺死居民
老幼男婦堆屍滿野流血成河江內日夜漂出
男婦身屍不計其數情慘冤極等情到縣看得
苗勢日猖苗兵日加殺戮無辜赤子四野號哀
莫能救援恐孤城兵寡餉盡一旦危急噬臍莫
及等因到府查得綦江伍里上叁里鄰播俱被

播苗劫殺本府城外大江漂流死屍日有百餘
有無頭者有無手足者有大小叁貳人拴繫一
處者無辜赤子遭兇首毒手彼蒼豈縱之使然
耶首於三溪河外多割空營又使苗呼房遊擊
而罵之此多方以誘之之計也除移書房遊擊
鎮靜固守外應調之兵應發之餉應遣之將宜
及時施行等因到道該本道看得楊酋之初欲
出兵也其妻田氏與幼子環侍泣諫不從甚欲
拔刀斫殺此其兇心狂逞為何如者今兵入內
地號稱陸萬雖係虛聲然貳叁萬乃其力所能
辦者大營割於苗兒岡猶曰播地乃壹營割於
趕水則入綦江界壹日已在百里之內矣又分
偏師一犯南川一犯江津吾方以文告緩彼而
彼即以申文誤我此其包藏禍心真為叵測又
查酋自伍月貳拾柒日已到苗兒岡今貳拾餘
日無所進攻者其意欲以遊騎零兵誘房遊擊
深入而取之一也又素聞我兵將善射敢戰彼
恐一戰而敗各苗瓦解故為持重不發二也總

之非愛我而不攻也然綦江之危已如累卵矣
必添兵貳千割於離城拾餘里以為聲援犄角
又南川必添兵壹千割於鄧坎村江津必添兵
壹千割於張市堡庶叁縣可保無虞不然壹縣
失守川東震驚此莫大之禍也又查酋之初至
也不殺壹人本道猶冀其悔禍今則縱苗兵於
村落四出村民得逃者父母兄弟妻子離散劫
不及逃者皆為苗所俘獲從之者令其般運劫
掠之物入播不從者殺之所得婦女恣苗奸汙
從者驅之入播不從者亦殺之皆投諸溪流今
屍流府城大江而下者相續哀哀赤子皆內地
數拾年休養而生聚者何罪何辜生者驅逐不
異犬鷄死者斬艾如同草菅也又令苗兵般搶
村民米穀布疋牛猪等物十室十空拒閉者縱
火焚之自來酷暴未有如酋我兵雖有叁千而
酋兵拾倍之戰則懼於覆沒守則坐於塗炭非
大發糧兵恐噬臍難及等因各陸續呈報到臣
為照播苗揚應龍恃其地利之險兵力之疆玩

侮

中朝蓄志欲逞久矣年來假以擒擊叛奴一犯合

江再犯恭江殺戮之慘節經

奏報然猶未敢悉師以出也自覆沒黔兵之後益

復長其雄心公然揭撥統兵內犯恣行殺戮尚

且增兵未已莫睹其終而內地承平日久武備

疎濶臣以伍月貳拾捌日入境首業以伍月貳

拾柒日到遠地入省城警報旁午目前兵將無

可調發會總兵萬蓋自松潘來見臣議秋防事

五播全書 卷一 李世勳

臣乃遣令急夫重慶一帶防禦又調發各土漢

兵可貳萬令分布防守第道里迴遠難以倏集

縱令一呼而至烏合之衆僅足自守無言戰矣

重慶所屬縣分如恭江合江南川江津等處處

處通播處處無備即近日議設防兵恭江止貳

千肆百合江止壹千貳百乃恭江雖已報完合

江猶然未募日來告急之使不絕於途臣多方

徵調如塞漏舟東拆西補始及衆障蓋遐方絕

徼法犯人玩所從來矣法無恃其不來恃吾有

以待之內地所以待酋若此何怪其橫行無忌也至於劉綎身為大將奉有

嚴旨令與臣暨郭子章俱伍月視事乃臣等俱如期

至而綎且至今不知所在縱有請告一節得

旨之後無程過蔡今亦當至彼日馳數百里黃柑遺

撤離者獨何人哉綎久在行間其自處常不後

於前人或未知蜀急若此耳除臣一面申明軍

令嚴督兵將相機戰守及於本處及近省召募

徵調增兵防禦嗣有急息陸續再報外伏乞

五播全書 卷一 李世勳

勅下兵部查議將臣前疏所

請設兵將事急行議

覆以便調度總兵劉綎馬上差人催促速到無令萬

蓋獨當其難且畏防虜庶夷患不深地方事尚

可圖矣緣係土酋糾領苗兵劫掠內地事理未

敢擅便為此具本專差承差徐嘉諫齋捧謹題

請

旨奉

聖旨兵部便看了來說本部覆奉

聖旨楊應龍罪惡多端朝廷念其先世恭順姑准贖死乃敢逆天背恩屢次狂逞今又公然領兵內地罪不容誅且彼處撫鎮文武等官何故任其竊發不早偵探原議招兵何故至今未備欺蔽玩縱莫此為甚該科便叅看了來你部裏即馬上差人著李化龍嚴督所司慎加防禦准便宜行事不許有誤機事一面速行料理兵食應付其劉綎世受國恩又今敘功在邇特寄重任待之不薄何為遷延逗遛不為朝廷盡力便馬上嚴催他去若有別情著他早奏將來毋致誤事不便司道官凡係用兵處所的吏部就近更調有才略諳機宜的去府縣官許該撫按於本省內揀選調用

報播首陷城疏

題為急報播首陷城殺將亭萬曆貳拾柒年陸月貳拾陸日據兵巡上川東道副使莫睿呈稱本月貳拾貳日卯時據綦江縣塘報本月貳拾日房遊擊張良賢與播兵城下一戰播兵死者有數拾人家兵死者捌人張良賢被圍朱層宰殺出貳拾壹日播兵劉營在城口內兵俱收在城上互相抵敵本日楊應龍傳令箭壹枝要遠發本頭何邦卿等陸拾餘名如壹名不發立至滿城塗炭危在頃刻乞速救援等因貳拾柒日又據總兵萬鰲報稱本職於本月貳拾壹日到重慶貳拾貳日寅時據塘報前情相同及稱本日申時據防守兵阿位陳天富報稱貳拾壹日天明時楊應龍督率苗兵數萬攻圍城池房遊擊被火藥燒傷苗兵隨卽上城張良賢胡守備馬知縣不知生死等情到職未委虛的查實另報等因同日又據兵巡上川東道副使莫睿呈據偵探軍情報稱陸月貳拾日楊首統兵

擄萬從參路逼近綦江縣城房遊擊拜張良賢
分兵壹千守城以兵貳千出敵頗有斬獲苗兵
退去至貳拾壹日辰時楊首親統衆兵圍城數
匝房遊擊於城上親放火磚誤入火藥桶內燒
死我兵數人苗兵乘機蜂屯蟻聚上城又於城
內大戰房遊擊張良賢皆陣亡守備胡汝寧入
水渰死千戶等官未知存亡各兵馬損傷逃出
俟查明另報等因通報到臣查本月貳拾肆等
日據副使莫睿呈准房遊擊手本稱探得播兵
萬餘屯劄貳拾肆營聲言先打綦江後到重慶
各將會議於拾柒日令張良賢為先鋒其餘官
兵本營隨為犄角到舊東溪撞遇播兵壹處對
敵數陣斬獲苗級壹拾貳顆追趕落水死傷不
計其數又稱拾玖日播苗一湧到東溪街上將
各民家小廬去肆拾餘人殺死擄人刀弩傷百
餘人等因前來隨牌行該道及總兵叮嚀各將
領軍兵今我防兵數少寡難敵衆惟宜堅壁固
守以待援兵毋輕率鮮謀為敵所誘知被圍城

緊急自當出奇制勝務保萬全去後先經臣於
陸月拾叁等日檄調龍安參將柴尚仁雅黎遊
擊吳文傑并遣差旗牌官標兵等役每日分投
於通省敘州江安等有司鎮雄永寧等土府調
集漢土軍兵馳赴重慶分布防援一面行布政
司動銀分發州縣糴穀碾米運至重慶聽用又
經備將東南各道并重慶綦江等府州縣各節
報楊首統兵入犯緣由已於本月貳拾陸日具
疏題

報訖今據報到前因為照首自招撫以來氣日驕威
日熾假以擒拏逃奴為名鄰播一帶縣邑歲被
其毒然向來止目把領兵以出耳未嘗親統多
兵公然內犯也即有擒獲亦止橫行郊野風雨
飄忽一飽即歸耳未嘗攻城殺將居然若一敵
國也乃今且入我嚴城殺我驍將兇威虐焰不
可嚮邇豈天有意給其惡而然耶臣一入省城
即聞警報徵調四出驛騎交錯所發援兵參萬
有奇乃道旣阻脩兵非素練徒爾熱中何能奏

手且徵兵之檄方行破城之報已至臣且奈之何哉今重慶日告急矣瀘州南川江津一帶且震動矣臣已申嚴各城益脩守具以待援兵顧全蜀兵力已自可見利鈍之數尚不可知即使借調他方投袂而起猶或可及一有遷延坐失機會臣恐其為報讎之師而非救急之役也裹瘡飲血析骸易子臣不敢不為諸臣勉之批亢擣虛張疑設伏臣不敢不與諸臣圖之惟望皇上重念全蜀亟

平播全書
賜拯救

勅下兵部將臣前疏所

請刻行調發庶裨戰守夫久病而蓄艾亡羊而補牢雖無補於前尚有待於後行之稍遲禍如發矢不可追已臣無任激切待

命之至除俟兵餉稍集臣即隨其向往相機防禦并委官前去查勘損傷官軍實數與印信倉庫獄囚另

奏外緣係急報播首陷城殺將事理未敢擅便為

此具本專差承差李朝恩齋捧謹題請

旨奉

聖旨兵部知道本部覆奉

聖旨綦江失守蜀事甚急可憂著總督率屬勵兵相機防剿不得仍蹈前人玩縱輕率等弊合行事宜作速奏來陝西延綏甘肅浙江等兵俱准如數調發仍著揀選精銳刻期赴援軍火器械給與隨營應用各鎮官宜同心協濟不得有分彼此漢土諸兵到日仍著劉綎提督伊素稱忠勇欲以功名表見你部裏馬上再行論催著他奮身報國延綏捌衛兵還再議來餘俱依擬

平播全書

卷一

三

條議貴州移帥增府佐募苗兵疏

題為貴竹帖危敬陳安邊伍策以佐緩急事萬曆

貳拾柒年陸月內准兵部咨該巡按直隸監察

御史蕭重望題前事內開一清尺籍一議督鎮

一拓疆圉一督積逋本部覆議黔地彈丸之區

實通滇咽喉之路乃今狂酋肆虐事勢帖危以

故慮周桑梓策計安攘除事隸別部者聽其徑

自議覆外所有事關本部者相應開列前件覆

議上

請定奪等因又准戶部咨同前事俱題奉

欽依備咨前來除移文黔省撫臣及通行貴州布政

司會同按察司查議去後續據貳司通詳及撫

臣移咨到臣該臣謹會同巡撫貴州兼理湖北

川東地方軍務都察院右副都御史郭子章巡

按四川監察御史趙標巡按貴州監察御史宋

興祖議照貴州古夜郎羅施之地夷漢雜居所

宜因俗為治難盡以文法束縛之者第事貴審

時勢須通變當寧謐之會則法網自宜闊疎臣

助勦之秋則綜理無嫌微密今御史以事關

梓上言時宜誠綢繆牖戶至計所有列款募苗

兵移大帥更裨將增府佐與責成清查積逋錢

糧等件均屬目前急務既經該省貳司詳議允

當又該臣等覆查相同應合照款開列前件議

擬具

題伏乞

勅下戶兵貳部再加查議如果相應覆議上

請行臣等轉行遵照施行緣係貴竹帖危敬陳安邊

伍策以佐緩急事理未敢擅便為此具本專差

承差葉承嗣齎捧謹題請

旨

計開

一清尺籍募苗兵御史蕭重望議謂貴州

各衛所額軍脆怯欲汰去老弱勾補逃

亡又應責成各長官司召募苗兵等因

本部覆議應行總督撫按著實清查揀

壯勇汰老弱務足原額以備緩急近見

該省疏內紅苗兵臨敵潰損殆盡今
議召募而復及於勸能恤勞深得鼓舞
之術亦應併行督撫按官議處妥當應
徑行者徑行應奏

請者奏

請

前件臣等看得清尺籍募苗兵一節今貴
州貴前黃平等貳拾衛所額軍雖少尚
有拾分之柒但各軍士俱係洪武年間
額充至今子孫相沿頂補不惟老弱者
不堪從征即少壯者亦止備數項者
練之役衛軍半覆可鑒已苗兵儘悍堪
以禦敵但貴中司帑匱乏所不足者募
金耳俟錢糧充足當亟行召募更加訓
練自可即戎伏乞

聖裁

一議督鎮增將吏議謂以總督改駐貴州
貴州巡撫撫蜀便貴州總兵駐銅仁清

浪去銅仁甚近要移銅仁守備於清浪

移清浪參將於銅仁總兵專駐偏橋適

中及將普安守備改設參遊宿以重兵

龍泉司為思石要害乞增設思南府同

知駐劄該司等因本部覆議總督之設

先該科臣為黔楚蜀地里錯壤而播界

參省黔為彈丸之區糧餉悉仰川湖原

議督臣平時駐劄四川上游以便節制

有警移駐鄰近有事去處調度則黔蜀

皆得隨便駐節及查總兵先年駐銅仁

為苗賊出沒今播患方殷不妨量移備

清浪參將移駐銅仁其控制苗夷事權

頗重苟非加銜曷隆體統至若普安接

軫滇南改將增兵勢固難已龍泉為思

石要區宜設協守府佐但事體更張不

厭詳慎應行總督撫按悉心會議妥當

具

奏以憑覆

請定奪

前件臣等看得總督設於四川原係居重

馭輕部覆已明無容再議總兵始以防

苗設於銅仁今銅仁地方稍稱輯寧偏

橋鄰播為患方殷委應將銅仁總兵移

鎮偏橋以重彈壓清浪叅將移駐銅仁

銅仁守備移於清浪一轉移間事體俱

便普安守備設於安莊衛接據滇中夷

苗錯雜委應改設叅將壹員第令防播

為急應將銅仁叅將暫移興隆普安叅

將暫移新添通候事定之日仍回原鎮

見任普安守備趙大用聽調別用思南

府佐原少委應增設府同知壹員駐劄

龍泉與思石守備協守即以附近知州

資俸相應者陞補查得土司吏目半不

到任合無酌量裁革肆員少資俸新不

足行該府於餘稅銀內另議仍照四川

建武安邊同知事例

平播全書

卷一

三五

聖裁

頒降關防以便申達軍機夷情至於總兵叅將各官
勅書通應更換開載信地責任行事伏乞
聖裁

一拓疆圍壯邊藩議謂黔省重鎮單弱可

憂近日偏橋之事可為殷鑒議待播事

平定割楚之偏橋鎮遠平溪清浪又割

蜀之永寧烏撒鎮雄以拓黔壤等因本

部覆議裂土分疆版圖久定不加會議

猶恐楚蜀別有窒礙應通行參省總督

撫按衙門詳加商確要見所議割地之

事如果安便可行即酌定改正不得私

意執拗儻有未便亦明白聲言具奏

定奪

前件臣等查得黔省本叢爾之區而平清

偏鎮肆衛又屬於楚永播烏鎮土司又

屬於蜀似應割屬黔中以便控制但今

地方多故一更改間彼此互相推諉恐

致誤事俟寧謐之日通行參省另議伏

平播全書

卷一

三六

天

聖裁

乙

一督積逋議謂貴州壹省每歲川湖協濟錢糧在四川有司全完而土司與湖省所屬節年未完數多等以本部覆議恭候

命下移咨四川湖廣各將每年協濟貴州糧銀務要

盡數催徵完解儻仍前後時逋負經承

各官聽貴州撫按叅治如經收入等乾

沒侵隱領解員役在途遷延依律究治

立限比追

前件臣等查得貴州原額官軍募兵糧餉

議於川湖糧銀內支給共銀陸萬捌千

有奇募兵錢糧按季支領合省貳拾衛

所官軍應支糧餉尚有半年未給者有

捌玖箇月未給者祇因湖廣長蘆榔等

府州縣錢糧節年拖欠銀陸萬貳千叁

百柒拾陸兩肆錢以分有零四川土司

在烏撒烏蒙東川等府共欠貳萬肆千

陸百餘兩在播酋楊應龍共欠貳萬叁

千伍百餘兩今應龍已無望矣其餘拖

欠地方除臣等另文行催外即使如數

解足僅可補支官軍與舊募兵之糧餉

今值地方多事新募勁兵必須增餉如

蒙

允念黔省物力難支乞照撫臣別疏所

請閩廣等處准借庫銀叁拾萬兩接濟軍餉庶可支

持伏乞

聖裁奉

聖旨該部知道本部覆奉

聖旨依擬行

請留陝銀取雲南銀充餉疏

題爲查復改解銀兩接濟軍餉事據四川布政使

司呈奉 臣紙牌照得川省每年協濟陝西軍餉

銀壹拾萬肆百叁拾伍兩貳錢先是前院會

題松潘防虜調將募兵經費不貲議於前銀內自

貳拾伍年起每年留叁萬兩在川防虜止解柒

萬肆百叁拾伍兩貳錢協濟陝中業經部覆奉

有

欽依遵行訖貳拾柒年叁月內戶部咨稱松潘防虜

已息取解原留銀叁萬照舊運陝行司議稱虜

尚未退將兵未撤原留銀兩仍應再留等因存

卷今該本部院檢查看得前銀留用專爲防虜

虜既未回將兵見在防守該司照舊議留叁萬

兩自是相應第目今事勢又異往昔播苗內訌

破城屠將東南一帶處處應防應募精兵不啻

數萬所費餉銀亟應預處今該司庫貯既無幾

兩

兩節又難輕議所有摘解陝銀柒萬以本地之銀

留本地之用自是事理之當然者又查雲南先

年兵興節次借過餉銀肆拾萬兩原議事寧解

還除先解拾萬兩以作俸本支用近又還拾萬

兩以作四川協濟軍餉仍有貳拾萬兩未經解

回今川省多事比之先日滇南不啻數倍即尋

常尚應相借况久借豈應不還仰司會同按察

司計議防播官兵糧餉與軍中應用製造火器

衣甲買馬等項大約用銀若干該司庫貯堪充

軍餉銀兩有無足用儻若不足應於何項措處

陝西濟邊銀兩應否全留雲南原借未還餉銀

應否取還逐一議安通詳以憑會

題奉此該本司左布政使程正誼會同按察司署

印副使盧泮看得云云等因到臣卷查先准戶

部咨前事內稱四川布政司每年協濟陝西肆

鎮軍餉銀壹拾萬肆百叁拾伍兩貳錢萬曆貳

拾伍年該四川撫按

題稱松潘召集官兵防虜經費不貲要將前銀內

每年議留叁萬兩以充兵食於太倉每年照數

補解陝西待事寧照舊起解該本部看得川省
虜今已寧前留銀兩煩自貳拾柒年起仍解陝
西接濟等因前來備行該司查議隨據回稱松
潘地方切鄰北虜近日住牧界外窺伺內地未
嘗一日忘情於松今年暮春羣虜出沒官兵擒
斬壹拾伍名顆正控弦露刃之時則此防守之
兵誰肯議撤一人原留陝銀乞仍留用等因通
詳前撫巨移咨間茲以播事孔棘牌行查議去
後今據前因該巨會同巡按四川監察御史趙
標議照川省自有虜警以來歲用錢糧每多浮
額去先年無事之時已迥異矣加之採辦大木
設防播酋通省庫藏搜括一空東那西湊以應
目前且時下播患正殷今自陸月報警之後日
每調兵運餉羽書交馳以故防守漢土官兵所
支本折與買備糧糗製器買馬諸費更繁該司
只得於正項內借支應用蓋事端初起已若此
矣查得寧夏朝鮮用兵費
內帑至伍百萬今川省用兵不減貳處祇因

內帑空乏尚未敢分毫議及若本地之銀又供他
餉目前經用憑何取給即日陝西額餉不容短
少然今無事地方尚可搜補即如各處之兵移
調川省則原設餉銀自可別用通融接濟在一
查覈之間耳蓋今日之他省即昔日之四川而
今日之四川即常日之陝西此理甚明據議協
濟陝省前銀委應暫留至於滇南原借蜀川銀
兩除已還與解貴州抵川協濟之數外尚有貳
拾萬兩未還今滇南寧靜別無他費即不敢望
分外借給亦自應償還原數不然我有事則資
之以圖功彼有事則置之於度外無論披髮纓
冠之義即鄰比報施之常亦甚不侔矣所有前
項貳事併應具
題伏乞
勅下戶部再加查議上
請將四川每年協濟陝西肆鎮銀壹拾萬肆百叁拾
伍兩貳錢暫留川省接濟軍餉待播事結局之
日遞年照舊仍解陝西其雲南原借四川未還

銀貳拾萬兩乞

勅雲南撫按嚴立限期令該布政司如數差官解四

川布政司收貯聽支庶時艱得以急濟而防播

禦虜均有攸賴矣緣係查復改解銀兩接濟軍

餉事理未敢擅便為此具本專差承差陳堯化

齋捧謹題請

旨奉

聖旨戶部知道本部覆奉

聖旨

平播全書

卷十

四

聖旨

請罷開礦疏

題為直隸地方艱危之狀以希

特恩以消隱禍事臣受

命總督參省防剿播酋祇畏

簡書冒暑入蜀甫至則報酋已親統大兵侵犯蜀境

臣方調兵遣將宵晝弗寧無何又報酋已攻下

綦江漸逼重慶臣且十道徵兵寢食為廢目今

兵漸集勢漸張酋亦且劄兵境上莫測向往而

我兵微將寡烏合之眾僅足自守無能撲滅此

平播全書

卷四

四

積衰之勢非止一朝臣不敢不勉竭庸駑力圖

底定乃臣有所大憂者不在兵糧不在叛逆而

在內地之人心此如厝火積薪而寢處其上不

能一夕安者也夫巴蜀僻在一隅夷漢雜居易

動難安自昔記之矣治蜀者必須鎮以靜定綏

以寬仁乃足以和民而懷遠固圉而安疆顧今

寇在門庭急於焚溺勢不得不興師動衆又不

得不勞民傷財小民固已難之矣然猶可曰此

佚道之使生道之殺上為不得已之從而下為

不得已之供獎以大義動以至情猶可使也乃
至有得已而不足以搖民而資敵如徵稅開
礦之事及今不止隱禍且大臣亦何敢無言夫
礦稅之事奉有

成命差有監臣而臣與按臣且有調停之責有阻撓
之戒以故臣一至地方即與按臣會行該司查
議定為規條立為則例期於如額以稱

上指即礦洞亦令隨便開採各有司止為防守無得
阻撓臣為

陛下理財裕

國以為無遺憾矣乃節據各府縣申報多謂播酋
內訌士民流散商賈不行坐派稅銀何從出辦

重慶等處且謂城門已閉委官已回將來計數
要稅何處陪補則臣於是乎技窮而無所之矣
夫蜀敵國也半為山箐半為土司其稱沃野可
耕者僅千里止耳今東南一帶兵所至已為荆
棘兵所不至亦為荒墟西北一帶方且招兵買
馬運糧製器不從鬼輸皆須民力此何等景象

何等時勢而尚堪為額外之徵乎據言利者必

以為稅取於商不取於民不知兵戈擾攘之地

顛沛流離之秋土著者已不安其家遷徙者肯

輕入其地商不足則不得不取盈於民以待盡

之民供意外之取其不轉徙而為寇者幾何方

欲招客兵而先自散其民方欲攜叛黨而且更

借之兵即有孫吳何能為計此臣所為焦心勞

思太息而不禁者也至於蜀之礦山半在夷地

即在蜀者亦用力甚難獲利甚少益不足為有

無者臣以為當與權稅並罷便然此猶奉

旨在先者也臣近日又接邸報見應天衛百戶范倉

一本為恪遵

祖制等事奉

聖旨這所奏貴州地方稅課并土產名馬有裨國用

准差奏內內官監左監丞張慶督率官兵前去彼

處會同撫按等官照例徵收銀兩解進不許擾害

地方寫勅與他該衙門知道欽此臣一見之不覺

驚愕失措夫貴州何地此時何時而尚可為此

事乎蓋貴州原非省會止以通滇一線因開府立鎮強名曰省其實皆高山峻嶺軍民無幾尚不能當他省一大府有何名馬方物其誰不知之彼武弁貧窘無聊又見各省俱有稅使以爲貴州雖稱瘠薄然但得誑奏

聖明奉

旨徵稅傳食萬里逍遙數月計至彼處即不如額且可充囊此不過爲身家之計已耳豈復有一毫爲

爲

國之心乎夫懷其爲往日之貴州也止於無稅而已乃今自播酋造逆一破偏橋枯骨遍野再戰飛練流血成淵至今驛路阻絕人煙稀少逆酋且信信思逞急於燒眉臣與撫臣郭子章每筭及該省兵糧計無所之移書嘆惋今且驅遺民守危地小民如坐漏舟已有遠心驟聞此舉將謂稅無從出必括於民轉相驚恐勢必逃散遐方孤城誰爲填實他日必有士卒不戰滅門不守之勢而一方之事去矣

陛下天縱聰明必不忍以一方輿圖易數千稅課或亦未知地方情事謾然應之云耳臣以爲貴州稅使宜急罷勿遣便臣爲參方總督湖廣亦係臣屬亦有防播之事然其地去播稍遠中禍未深臣不敢多爲不必然之說以聳動

陛下惟是四川貴州去播甚邇受禍甚慘民心最危時勢最急臣若隱默不言恐禍機竊發不可收拾當是時而言之則晚矣臣謹會同巡按四川

監察御史趙標貴州撫臣郭子章按臣宋興祖

直陳艱危情狀乞恩

陛下伏望將貴州中使暫免遣行四川中使或令姑儘見收稅銀少辦方物暫取回京待播事寧靜之日另議庶兩省上民雖在湯火尚免糜沸臣得以大義勉之令爲

國家效死禦寇或底定有期

太平可望矣臣無任激切仰望之至緣係直陳地方艱危之狀以希

特恩以消隱禍事理未敢擅便爲此具本專差承差

陳堯化齋捧謹題

百

平播全書

卷一

四九

添設裨將疏

題為播防孽盡正放虜患隄備尤急乞

賜復增副總添設裨將以重事權以安邊鎮事據四

川布政使司呈奉_臣紙牌照得松潘原有副總

兵壹員統設東南北叁路自貳拾肆年間因達

虜突犯漳臘等處官兵斬馘去後狡虜時懷報

復潛住東塞出沒無常兩院會

題議改建武總兵駐劄松潘就近提調叁路將領

軍兵其副總裁去改擬遊擊駐守建武各有責

任關係頗重頃接邸報兵部具

題將總兵萬鏊陞任南京員缺即以總兵劉綎填

補已經奉有

俞旨但劉綎既奉

命領兵防播勢必駐守重慶一帶松潘僻在一隅恐

不能遙制應與瀘合添設將兵事宜一併從長

查議為此仰司會同按都貳司計議松潘副總

員缺應否暫復待播事完日議處如當議復該

衙門應用事理俱照舊額議給其瀘合江津彭

平播全書

卷一

五

武一帶即今事勢若此應否再添將兵至於松
潘總兵既駐守重慶本官供需與部下員役在
松額支糧餉作何支解議妥通詳以憑會

題等因奉此該本司左布政使程正誼會同按都

貳司署印副使盧泮看得云云等因到臣該臣

謹會同巡按四川監察御史趙標議照松潘設

在西極當番虜錯雜之區向來止有番警原無

虜患止設一副總兵督兵防守自火落赤移住

洮河之外切近松邊時有出沒松邊遂為戰場

平播金書

卷一

五十一

故以建武總兵移鎮彼中以重彈壓將副總報

罷今播酋造逆狂逞野多暴骨守靡堅城則播

防之重什百松潘不得不移總兵於重慶亦其

勢也顧重慶距松潘東西相望幾貳千里調度

稟承皆所不及松邊各將漫無統紀豈成兵政

則協守副總之設不容已矣重慶雖有總兵顧

向來恭合貳將落落晨星一當羣苗已成不守

其邊播一帶州縣可數百里必須陳兵設將各

守信地互為應援則瀘涪等處參遊之設又不

容已矣今據該司所議仍設副總兵良昇

然必加以協守職銜令沿邊一帶將領皆聽指

揮調度臨敵之日得按軍法庶便行事仍遙受

節制於總兵以全專閫之體其重慶設領兵遊

擊壹員平時訓練軍士有事移駐南川或隨總

兵戰守隱然以身使臂之義亦為策之得者乃

若瀘州涪州均與播境接壤查昨年遂酋以擒

擊部民徑入瀘之小市又以

獻木為由苗亦臨涪且貳處鄰封如江津如彭水俱

平播金書

卷一

五十一

高山峻嶺岐路甚多皆苗出沒襟喉應添參將

貳員一駐瀘州則江津納谿五畝與永寧等界

俱屬信地一駐涪州則彭武長壽江口與酉陽

等界俱屬信地有警隨宜移駐又與合江南川

遊擊各為犄角居然有虎豹在山之勢此皆目

前建設必不容已者俱應如議至於各參遊與

所部軍兵悉由總兵指揮分布其總兵應有廩

餼供需一切採賞門下員役日用工食俱應仍

照萬整原在建武腹裏事例支給新添參遊各

官俱照爛底合江參遊事例應轉輸者改解之
應增添者於布政司庫議給各官駐守信地把
截岐略應更應

額
初言與

符驗等件并副總兵關防俱聽部擬給與其副總并

參遊等官俟播事終局另議再照西蜀原無見

兵今所調用防守者止土司與各州縣旋行召

募之兵耳土司兵止可暫用難以久羈召募兵

平播全書

卷一

五十三

五

俱係烏合難以應卒夫有將而無兵與有兵而

無將其無濟於用等耳查今議設將官與原設

募合及臣標下兩營總兵坐營壹營共將官捌

員每員領兵參千該貳萬肆千先該臣原議調

陝浙等處勁兵今陝西正值秋防似難借調而

海東倭氛久息正可移來合無將各處南兵調

用浙兵參千山東參千朝鮮撤回兵調兩營共

陸千付之南將統領臣再於川中募陸千秦中

募陸千付之北將統領其將領除協守副總兵

應於北將如魯光祖戴延春馬孔英內推用壹
員外其餘新設并募合及臣原

請標下兩營參遊等官應於南北將領相兼推用皆

擇素有聲名久經戰陣者照缺推補勒限到任

係南將者即令押發南兵前來係北將者令多

帶慣戰家丁前來通限拾月內入川逗遛延遲

者參治庶幾兵將皆屬可用攻守惟其所施夷

氛可息內地可安矣統乞

勅下兵部覆議行臣等遵奉施行緣係播防擘畫正

平播全書

卷一

五十四

四

啟虜患隄備尤急乞

賜復增副總添設裨將以重事權以安邊鎮事理未

敢擅便為此具本專差承差陳堯化齎捧謹題

請

旨奉

聖旨兵部知道本部覆奉

聖旨是

再報播酋情形疏

題為再報逆酋情形並議處失策臣工以重

國體以飭兵防事案查播酋楊應龍統苗攻破茶

江殺戮將兵緣由臣於陸月貳拾捌日具

題訖本月參拾日據兵巡上川東道副使莫睿呈

稱貳拾壹日據播州宣慰司批差任三齋文校

稱准本司原任宣慰楊應龍關稱飛練動激並

未越境致蒙江軍門加叅擅殺防禦官兵而房

遊擊亦不肯容不得不尋對頭乞將潛府匪縣

奸奴何邦卿等數十名差官交割并將次男身

屍恩斷葬禮給領存沒霑恩若容護奸奴寧榜

漢唐繼世之爵土甘捨歷代先今之功勞在處

跟拏逆黨盡皆生啖其肉不惟道府控訴徑至

九重闕下甘於瞑目等因采月初貳日又據副使莫

睿呈據打探快手陳忠報稱貳拾壹日辰時播

兵齊圍城令一通事與房遊擊馬知縣同講話

何故殺他商賈校文人役叫發還本頭等語未

及頃刻兩來銃箭相衝不意牆倒火磚自發播

兵擁奔上牆我兵俱敗投河各民家被殺房遊

擊敗於南水門首級割去是實張良賢胡守備

未否逃殺胡順堯孟百戶捉虜上營房家壹妻

貳男張家壹妻壹男壹使女發馬知縣取印領

訖馬知縣衙內士民男婦止有叁百多人幸令

旗來傳叫不要殺馬知縣衙內人獄囚將門撞

開俱逃死罪李朝選投上營已撥有兵管止宋

起孝一人自投馬知縣貳拾貳日令三日把領

兵勒令馬知縣做文與楊宣慰看改過方申報

道府求安撫方差余林等齋報本日下午又令

貳日把來查庫銀止壹千捌百零後勒令馬知

縣與各民寫壹認結狀出銀貳千兩犒賞軍兵

貳拾叁日白牌壹面差叁日把招諭各民安插

取壹印信冊領又白牌壹面差壹日把令馬知

縣支米糧與軍兵又差叁日把來講話叫將奏

民發還伊男屍還播添設兵將撤退等語貳拾

肆日又差日把李旭等叁人來取庫銀壹千捌

百臺上營去亦要馬知縣到播州作當叫各民

與赴陳奏安撫後各民苦講哭訴各願赴訴寫
壹認狀官吏士民畫押與去看方不要馬知縣
去貳拾伍日云認狀并文書不好將叁日把鎖
項又將文勒令改過去看另寫用印與去就將
馬知縣男拜舅子貳人扛臺去訖叫馬知縣與
訴安撫撤兵方去各日口稱要打南川重慶江
津往回等語本日又發兵將倉穀米盡行燒燬
兵各纜去民房南門橋至勝果寺羅宅貳向北
門至楊四廟盡燒虜去男婦男子檐鹽令壹人
押拾婦人往大路回播各兵馬往三溪入東鄉
壩去打南川未否本日割營在毋渡河歇貳拾
肆日發肆生員壹吏伍士民次日來喚去認家
小又被各兵擄去檐鹽等因到道看得棊城已
破之後自城外至大窩舖壹百伍拾里居民逃
竄人煙已絕又隔白渡河無船可渡故偵探各
有異同今快手陳忠自圍城中出其言似為可
據等因初肆日又據該道呈稱拏獲播苗九受
供稱楊應龍聞

中國進剿只得先出所領兵通共叁萬零伍百其
未發餘兵俱應龍子楊朝棟領守沙溪七麻山
等處防奢宣撫與貴州於本年伍月貳拾伍日
出打棊江至陸月拾叁日阻水與房遊擊隔河
相殺不利退回至拾玖日又來貳拾日與張良
賢撕殺將苗頭鹿罕殺死其餘殺死散苗極多
中傷者應龍皆給銀貳兩叁兩不等貳拾壹日
打城因房遊擊自被火燒乃得入城見今還要
打南川龍泉貳處將貳處倉糧盡要燒燬使進
剿之兵無所資食方繞入司等情同日又據重
慶府呈據棊江縣申稱貳拾壹日播酋親統苗
兵陸萬圍城與房遊擊張良賢對陣亂拋火石
城頭火起各兵難立一時滾下城牆苗兵直入
富卽殺死房遊擊張良賢蔣百戶生擒胡提調
並百戶其餘各官逃亡不知所之殺死兵民不
計其數一時堆屍塞街打入縣堂殺死喪書卓
快及避難街民壹百餘打入後堂將什物一掃
劫去次打入監房將各囚放出各令投順去次

打入官庫先將外庫銀整劫將內庫銀留數百
勇兵看守圍叢自夜達旦貳拾貳日早差出把
總李旭何漢良將官庫貯銀檢過貳千盡數持
去仍恨要庫子及避難衛民湯禮等立一領契
逼本縣用印將銀貳千作賞兵之費次即打倉
衆兵各依倉就食復懸牌內云本司率兵到茶
路遠不便運餉暫將茶江縣庫貯銀兩倉貯未
穀盡數借支無得阻難取罪貳拾叁日放火燒
城內官民房約有百餘家貳拾肆日與本縣會
話要改剿爲撫又要取各秦民及楊可棟屍棺
要臺本縣到州作質事平之日方送還縣貳拾
伍日早起先放火燒倉次即燒營鎖押目把拾
餘人進縣直入後堂拏本縣親子馬兆斗親舅
許雲龍一路隨帶退兵三溪等因拾玖日又據
該道呈抄播州宣慰司申該道公文壹紙內稱
准原任宣慰楊應龍關稱柒月初柒日蒙差官
李光祚齋檄傳諭施天地好生之德優禮腆儀
給賞次男還鄉歸葬繼世不忘今發奸奴何那

卿係已死之屍于春壹名原是從惡而首犯何
汝仁等餘黨不絕必有後患一遭訴得明白免
致奸詭復生等情又據該道呈爲急報夷情事
據茶江縣申據本縣三溪住民羅可助羅枝羅
從友羅守用係生員羅丹羅雍羅于澤羅允羅
蜀義男告稱楊酋自破城之後一向割營三溪
母渡等處又於初捌日將三溪田地沿邊插旗
爲號播界自某處起某處止鐫壹石碑豎立界
口號爲宣慰官莊且將各民房拆毀改作倉廩
該本縣看得逆酋肆行無忌濶占民地拆毀民
房將使一方之民居食無賴殘破餘黎何由復
業等因到道合行呈報等因又據重慶府知府
張與行稟稱酋將茶之三溪母渡等處南川東
鄉壩等處立石爲播界三溪創建倉廩割茶南
之穀盡數入倉又發牌江津稱江津合江皆播
故土差穆古松等領兵捌萬清理邊界攔阻者
剪草除根又壹牌令江津撥船貳百隻過江往
壁山祭祖居民不要躲避一草一木不犯又壹

帖行涪州李渡鎮潛住讐奴等情各呈稟到
臣除陸續批行外查得該首申道文內稱發何
邦卿已死之屍及于春壹名并取伊男原屍一
節向未見該道府申報一面隨行查訪是否真
偽一面檄將綦江縣所報播首攻城劫庫殺傷
官民并沿邊插號豎碑立界緣由塘報兵部聞
續據該道呈送原差入播諭首指揮李光祚赴
臣衙門詢問前情委果是實該臣看得逆酋之
殘我內地也可謂不遺餘力矣驍將礮城墮
默驚鳥徙之民膏原齒刃而莫必其命彼其陳
兵三溪而嫚書以相加也豈真愛我而不攻哉
越國深入踰嶺渡江頓兵於堅城之下彼固亦
有所忌也當是時我誠無兵無將無可為守顧
嚴行文告以折其不逞之心亟集兵防以遏其
方張之勢稍稍稽時日自可保全事機之會間不
容髮柰何其周章失措而其心為失策之事也
夫屍棺之歸雖經詳允顧求而與之則直挾而
與之則辱加幣焉則過矣至

欽依人犯縊而與之則又過竝生者之家屬而與之
則又益過

國體一辱不可復全士氣一喪不可復伸當是時
在城鎮道府縣文武如林乃視若等閒漫然相
付獨何心哉臣今方獎率諸臣共圖戡定即諸
臣亦飭兵治餉緝奸竣防夜以繼日猶苦不足
蓋真為桑榆之收以蓋其東隅之失者臣亦欲
徐觀其定忘於無言顧川東人心不知有法久
矣自合江獻袁子升黃平獻羅承恩竝此而三
不於此時別白言之從此各官遂以媚賊為排
難解紛以辱
國為達權通變以足上首下為屈已安民行見巽
悞成風豪傑解體戰不力守不堅其不胥而為
夷者幾希臣以為為兵戈擾攘籌應實難固不可
逐事苛求致難展布第損威傷重所關非小尤
宜一處以杜將來合行題
請伏乞
勅下吏兵貳部酌議覆

請將獻囚送匯拜恭城太守有罪官員始行令戴罪

管事以責後效待事定之日通計功罪竝論一

面行巡按御史將前後情節通行查勘分別議

處具奏

定奪施行庶士氣可振

國法可彰使過之效可收夷氛之息有日矣緣係

再報逆商情形竝議處失策臣工以重

國體以飭兵防事理未敢擅便為此具本專差承

差徐讓齋捧謹題請

平播全書

卷十一

本三

奉

旨奉

聖旨吏兵貳部議了來說吏部覆奉

聖旨是馬效武著革了任巡按御史提問莫睿等革

職聽勘梁銓依擬降一級調用其餘有罪官員著

撫按再查明具奏欽此又該兵部覆奉

聖旨是逆商敢行稱亂亦因處置失宜今各官尚循

襲救套苟且支吾蔑棄法紀玩視明旨但只畏賊

不知畏法何由討逆正罪靖亂安民著嚴加申飭

惟法是舉不許縱容巧玩再致失策內行查一事

還立限與他不許徇情侵隱

平播全書

卷十一

本四

勅

防兵鼓譟疏

題為郡城偶值兵變旋已平定查叅文武臣工以

明法紀以圖安攘事本年捌月初肆日據巴縣

申稱本月初壹日辰時有陝兵貳百餘名通城

沿街搶奪財物復入府縣頭貳門亂打當即打

傷生員羅士俊吏書吳起宗劉遐齡等陸名平

民李守法等叁拾玖名殺傷游成名劉臻任邦

成李祥并劫文中軍家財餘街民不知其數財

又不足言理合申報等因本月初陸日又據兵

巡上川東道副使莫睿塘報捌月初壹日巳時

據巡捕官傳言萬總兵差家丁陸柒拾名將府

縣門打入衆鄉官往萬總兵處勸其取回各家

丁沿街打搶至本道門首口稱凡係道府人役

便要打搶并剝奪衣服本道隨喚房遊擊張良

賢舊家丁投在本道門下者諭令傳示各兵有

話可來面稟何事行兇取死一面取石砘酉陽

兵進城一面差人持帖與萬總兵言何事叫家

丁反亂萬總兵隨擊令旗喚回訖除槍奪殺傷

平播金書

卷一

九十五

李

查明另報外至本日午時萬總兵來顧本道詢

其所以云此事我不知去後又據各鄉官來顧

言黎明間有聲息即拉衆往柴遊擊處火其轉

達萬總兵速差人傳諭柴不肯行強之方去衆

鄉官隨至總鎮門首看門人拒不肯通及相見

時方傳令則各家丁已打槍散矣先是采月貳

拾玖日據名色把總高逢盛晏朝海等報招到

建武兵本道發府查驗多係有名無人用錢壹

貳拾文霍巴縣人應名該府革退貳百餘名本

道親驗革退壹百柒拾餘名將代應者責治發

刑廳審問事先隨據理刑廳差快手稟稱領兵

官許忠因恐府認出替身持刀將快手毆打本

道隨擊許忠責治發理刑廳審問即往拜萬總

兵彼盛怒稱要許高推官并與相打本道笑言

何至於此查兵莫非公事於官何與小嫌不必

介意遂別不意次早即有此事本道自疑或係

建武退兵細訪竝無建武壹人據萬總兵亦稱

建武兵盡劄城外係其家丁所為等因又據重

平播金書

卷二

九十六

李

慶府稟稱總鎮把總官高逢盛等各迭召募建
武兵開到道發府點驗募兵貳千有零本道委
官在城門數實在人數僅壹千柒拾名次日據
冊點驗有老弱不堪者有名無人者與巴人冒
籍建武者共壹百柒拾餘名汰去貴發出示照
實在兵領糧刑廳阜快及街市人認出冒籍貳
拾肆人稟刑廳有領兵官許忠欲刀砍認冒籍
者刑廳將許忠送道責監初壹日忽總鎮家丁
壹貳百人進府大門至刑廳外署打毀牌匾等

項又入縣門打傷吏書數人又至道門打毀排
柵直入堂上有本道家丁欲射各退至中軍文
之粹家將家財盡劫沿街舖面貨物搶去無數
石砧酉陽土兵進城各家丁方纔散訖打刑廳
快手將死者貳人傷者數人府堂快手傷者貳
人街市傷者壹貳拾人總鎮家丁初到與道府
無嫌所點建武兵不作亂而家丁乃敢狂逞中
間以私忿主使可槩見矣等因本月初捌日又
據鎮守總兵官萬荃呈云云等因通報到臣該

臣看得今日之渝城亦所謂危急存亡之秋也
四封之內殺氣干雲百里之外羣盜滿眼方且
烏合萬餘土漢之兵聚之壹城川以遇敵勢而
定民心此其勢亦孔棘矣初臣聞綦江既破意
欲馳入重慶督兵城守而諸臣僉議以為今賊
所以狂逞者以吾且行剿故先發制人也督撫
至渝賊以為剿在目前狂逞必甚乃我之兵力
僅可嬰城以重臣擁麾之地而賊壘在郊計無
所之則虎豹之勢盡矣臣亦以為然且止不行

顧臣身雖在省會而心則未嘗一時不往來於
敘瀘重涪之間也然亦以為一城之內武則有
帥有將文則有道有府使其協和輯睦以固其
交臥薪嘗膽以脩其備則轉弱為強因敗為功
桑榆之收且可以補東隅之失柰之何其計不
出此而復有今日之事乎夫招兵方至而鼓譟
隨之此其釁蓋自建武之兵始乃為亂者非建
武兵而陝兵也又總兵之家丁也則總兵亦何
辭之與有夫招兵而有虛冒此營伍之弊也

兵而有摘發此道府之事也雖從官責監體面少損然為法受辱亦所當然乃悻悻然見於其面至欲極臂以相加則過矣彼家丁者行將颺去心已無聊藉藉而起夫何所忌幸而多兵相制未有殺傷傷至橫屍路隅門延寇當是時為整者即百其身其足贖乎夫家丁作亂罪在將官即有私忿或未肯甘心主使但未事何不早為消彌聞變何不速為禁止或其憤鬱不平之極遂有不暇慮其他者乎即曰正法何足補

過臣於是不能為整解也尚有揭其贓私數多及通賊納賄之事臣謂事後投揭或出讎口方在查訪未即參論顧即見事論之招兵虛冒胡以應敵家丁不法何況大眾主帥如此尚望其折衝禦侮耶臣於是益不能為整解矣柴尚仁身為偏裨左右大將一旦變起倉卒自宜挺身為解而遲遲其行強而後可意欲何為均應參論參照總兵萬蓋錄錄無奇沾沾自喜感憤頓生客氣頗弛不振軍威元戎何在幾成彎弓倒

戈之形首惡雖擒已在焦頭爛額之後興議豈昏離口亂萌尤可寒心柴尚仁當機泄泄排難遲遲豈曰快睚眦之私徒以重將領之過此貳臣者俱應革任回衛者也至於道府官平日不無周章此事原非其罪自應免議况以查兵行法之事而議及之亦不可以為訓但副使莫睿失事獻囚已屢經叅劾矣知府張興行隱匿殺戮已降級管事矣總之物望頗輕故召侮為易且渝城何地此時何時而可以才望不乎屢經指摘之人久居其間蓋在睿則品稱孤介識乏融通平時之失策已多此日之損威更甚在張興行則素彰隱蔽之聲近者敗亡之效難圖末路會須改絃以上貳臣俱應量行改調以責後效者也除前後失事情節及干礙人員仍俟查明另議外合先題

請伏乞

勅下吏兵貳部照例議覆施行遺下員缺速選有才望知兵事者推補庶法紀可伸

國威少振內變不作平賊有日矣緣係郡城偶值

兵變旋已平定查叅文武臣工以明法紀以圖

安攘事理未敢擅便為此具本專差承差鄧一

安齋捧謹題請

旨奉

聖旨吏兵貳部知道兵部覆奉

聖旨劉綖著改南京右軍都督府僉書員缺便會推

來用萬鑿柴尚仁輩了汪并李光祚等行巡按御

史提問與各項贓罪俱查明具奏李化龍著相機

平播全書

卷一

字一

移住調度三省道鎮官兵併力協謀決意殄賊合

用錢糧戶部上緊處發與他其漏洩處播事情送

黨還者緝事衙門訪拏重處餘俱依擬

請內帑增將兵疏

題為夷氛甚惡

天討宜彰懇乞急發餉銀以佐軍興竝議增調將兵

以圖底定事本年捌月拾貳日據兵巡上川東

道副使莫睿報稱據南川縣申本月貳拾陸日

偵探應捕李一登向啓快手汪如忠回報據東

鄉村逃回民胡禮稱說楊應龍差婁國聶把總

張提調濇人原領各名下苗兵各參百名假稱

清理播界一面偵探內地動靜一面劫虜入財

平播全書

卷一

字二

今縣屬地方如東鄉綠水鄧坎長壩明埡伍村

俱交連播界煙斷火絕萬種生靈逃竄已盡難

以復業其目把於本縣地名平潭河鑿壹播字

殺一人一豬祭碑又於本縣地名河坎石龍上

鑿播州界叁字又殺一人一豬一羊祭碑祭畢

鳴鑼大叫各村俱要投播方許安插居住不然

定將房屋燒燬人民盡殺不畱有本縣地名溪

園槽居民保甲牌內人戶聶華陳啓宗戴良資

等叁拾餘家畏勢難敵遂自投順國寨劉營其

立意真偽皆不可知至於東鄉一帶地方熟穀俱被掠收於播地名官霸豎立倉囤共壹拾柒眼有家小苗數百者守等因本月拾叁日又據該道報稱捌月初玖日據高推官呈解奸細李朝諒係通播重犯李朝選親弟在楊酋頭目何廷瑞名下何廷瑞今朝諒前來偵探內地情形因被拏獲本犯稱楊應龍自破碁江之後卽割營婁山關外今又移營松坎何廷瑞割於苗兒岡又有小河臺住民栢益栢化鍾萬變黎文才張懷楊萬便等俱投箇分投入內地打探消息又有三溪住民李思顯造大船壹隻在三溪河碁江投箇各民將民房樓板拆去脩造小船百拾隻在河兩岸見今陸續脩造未已李思顯已於捌月初壹日搭船出探事情未知今在何處等因同日又據貴州布政司帶管分守思仁道左布政使應存卓呈據石阡府申報柒月初捌日據龍泉坪長官司報稱本月初貳叁肆日連據各哨把總報稱播苗破劫石籬門又於馬頭

山點兵數日但言伺候楊應龍令箭至日每兵草鞋壹雙飯米叁升不知何幹等因着得石阡孤城切近播境萬一逆酋衝突無將無兵何以防禦合行飛報同日又據塘報千百戶胡維城岳鳳鳴各報稱本月初玖日有房遊擊舍人緝獲細作李朝諒口稱楊應龍欲回國因妻田氏出來不知爲何事執住下今見在松坎地方離碁江叁日路兵約有叁萬楊應龍有叔稱楊相公領兵在苗兒岡沿途脩倉囤積糧儲楊應龍在三溪口造船貳百隻又稱在扶歡壩新脩壹囤造倉積糧又據樑兵王加重稱楊兵在官壩打土厥逐日尋糧上倉等情捌月拾伍日又據塘報千百戶胡維城報稱有碁江被虜兵王雲原係松潘舊兵從苗兒岡逃出說楊應龍欲回國其妻田氏子朝棟并子婦等俱出來住在關上劉兵叁拾玖營約有拾萬之數將虜去軍兵使教土兵放銃製火藥儻教不會將我兵就殺又說要脩一條小路進南川又脩一條小路從黃

荆界石場進界石離重慶止肆拾里若至界石則重慶南川涪州李渡木洞等處路路可通又稱播州關外掘溝設壑又稱三溪口已造船隻拾餘隻又在取板還要造大船等情同日又據參將王夢吉遊擊楊敏政各報稱樹月初壹貳日節據指揮王繼祖報稱哨探軍兵何江小任二韓通等探得各酋仍在龍門里大魚灣貳處初叁日又據本官揭報據軍兵張七雷友探得路上人言楊應龍差夷目貳人來上下赤水營管又袁年將驢子貳匹獵犬貳隻弩貳張差人送往播州不知何幹未知真實初肆伍陸柒日節據本官揭報據軍兵李考得許大全五等探得各酋仍在上赤水大魚灣貳處等情本月拾陸日又據兵巡上川東道呈為狡酋應叛連兵猖疆等事據石砭宜撫司申稱本月初叁日據家丁劉時仲報稱播酋楊應龍知旗令到司取兵於柒月初玖日遣細作冉廷德於忠鄴伯鯨等家密會叛黨馬邦宸等令彼召兵

乘虛攻劫本司馬蓋等遂至亡叛百餘人窩聚於鄴都杜良臣等家於拾壹日抄劫官莊冉廷漢將家財牲畜罄般等因同日又據敘馬瀘道呈准建武遊擊楊敏政手本據守永鎮堡百戶張承宗呈報柒月貳拾陸日據安溪堡地方楊宥龍口稱貳拾伍日有王繼先差夷目張月伸王枝用陳八兒王友貴馬舟容等帶兵百餘至地名土洞河東一帶割夷田穀口說要來虜人况係播夷未知意欲如何等情本日又據塘報余世英稟稱有安溪霸羅志渡民劉海懷等貳拾名在於河東耕種夷田割穀被王繼先夷人張月伸等樹虜去訖本月貳拾叁日又據敘馬瀘兵備道報稱捌月拾捌日據永寧衛差去查探旗軍方朝遐報柒月拾陸日楊酋擁兵壹次劉至赤水伍畝田滔壩楊言欲借路要往先鴉洞祭祖劉兵數日仍聚賊巢各軍無分星夜周流本屯地界哨探止聞播兵蜂攘未知情形何如本日又據永寧宜撫司報稱查得播兵自陸

月內入犯碁江之後出沒莫測本撫自合江縣起至河東赤水吼灘土產茶壩井壩穆艾壩安羅貳村白牙圓乾竹壘崖孔找崖箐口沙溪停子頭緝麻李博等處抵水西止地方邊境與播州相連見今首兵已過烏江近貴州貳日路是的已該女土官奢世續行令各邊長官頭目照界嚴加防禦合行申報等因本月貳拾伍日又據貴州按察司帶管思石兵巡道按察使易登瀛呈據石阡府於米月貳拾陸日有龍泉司申稱訪得播苗在於地名馬頭山偏刀水都土壩等處劄營不知動靜又將先年李保阿項造叛地名黃沙坎要路竈為溝濠等因本日又據石阡司巡捕吏目林中試呈據葛彰司管下地名唐頭冲住人阿膳報稱米月貳拾叁日辰時被播目楊七趙士登等統兵米百有餘在鎮夷關外地名濫泥山燒劫殺死張廷華父子并鄰民米命合寨牛馬財物盡行劫虜緝去男女肆拾餘人當報地主馮碧陳末朝陳廷玉王應龍等

統衆鄉兵千餘趕退口稱不日打關破府及查此關近地名乾溪峯里離府止叁拾里等因本日又據石阡司管下迎仙里上洞巡捕目把彭大學呈報肆牌謝朝俸石辰三於本月貳拾叁日統兵千數劄營崖門揚言集兵過江下掃水口崖底本莊樂橋軍門屯寨上劫思石府衛偏鎮等處各情到司就經遣牌責令各該屯目把集兵防禦外合行呈報等因各具報到臣該臣謹會同巡撫湖廣贛理軍務都察院右僉都御史史可大巡撫貴州兼湖北川東提督軍務都察院右副都御史郭子章巡按四川監察御史趙標巡按湖廣監察御史曹楷巡按貴州監察御史宋興祖議照逆賊楊應龍恃其富疆甘心反逆戮將破城了無忌憚近且占據內地脩倉貯穀因糧於我又復立石鐫碑殺人以祭蓋已無人心無天道矣昔宋襄用鄒子于社子魚曰六畜不相為用而况於人乎得死為幸其後壹年而執又壹年而死蓋自古殺人祭神未有不

死者此亦逆賊天亡之時也乃賊復信然狂逞
出沒於川貴之間如鬼如風益復造船數多將
圖水陸竝出流毒參省遠近爲之震動人臣無
將將則必誅是尚可少假時日乎臣等僉議會
須滅此朝食乃無後患顧節訪賊之情形實亦
非可易與者賊初用兵時不過貳參萬且皆伍
司宋姓伍拾肆里之人自連年計構撫剿無常
賊遂內自驚疑多方設備招集九股惡苗給以
殺戮伍司之土地賞以槍掠各省之婦女又擅
立參拾陸統制參拾陸巡警拾參親管各有頭
目各有兵衆每一名下多者貳參千少者壹
貳千總之不下拾肆伍萬羽翼已成居然勦敵
矣我所以待之豈宜淺鮮談者謂宜集兵貳拾
萬夫貳拾萬兵豈易集餉豈易供然非拾肆伍
萬亦未易相當也昔成化時尚書程信剿都蠻
用兵拾捌萬肆年而無成功萬曆初年撫臣魯
省吾平九絲用兵拾肆萬壹年而成功今播州
之衆幾倍都蠻海龍之險不下九絲應龍克狡

知兵又非以前烏合之寇可比是可草草舉事
乎近該臣化龍議調陝浙兵與募川兵共貳萬
肆千臣子章議招參萬蓋勢窮事急糧餉不充
且爲目前防守之計莫就中取事耳今賊益滋
蔓久更難圖必須大集兵糧亟圖撲滅臣等熟
計四川宜用兵陸采萬湖貴二省各宜用兵肆
伍萬總之可拾伍陸萬方保全勝近奉
明旨雲南廣西福建陝西浙江等處兵各得調用卽
拾伍陸萬之數自可取足無容更
濟顧調兵非難處餉爲難兵至拾伍陸萬卽人日給
參分壹年須百伍拾萬參省者非能辦此也貴
州亦無毫釐之積臣近查其布政司庫銀稱可
動支者僅僅柒千令人心悸四川先年頗有積
蓄自連年採木事起摻括一空今止有當年額
糧各有正項止可暫借難以久假湖廣者尚未
查到然大約在川之下貴之上參省物力不過
如此將何以支數萬人之食乎近見太倉空乏
計臣無措臣等不敢徑

請化龍止求留餉秦之需還借滇之數僅叁拾萬耳然秦中之餉今年者已解滇中之銀恐未能卽還臣子章止求於各省借給總之亦捕風捉影未可保其必得也近見邸報該兵部覆奉聖旨兵餉著戶部悉心議處與他勿待來請不許支吾了事欽此仰見

聖心垂念遠徼賊不足平矣第恐戶部計無所出止

令各省撥括萬一各省復乏求之不應往返

請乞便歷時月脫有真筭之呼其可余賊聞且見乎

平權全書

卷十一

十一

十一

臣等以爲今日之事在四川宜先發伍拾萬仍留陝西餉銀及催滇中還銀以爲接濟在湖廣宜先發叁拾萬仍俟臣可大查本省各項錢糧有應留用借用者徑自題

請在貴州原無積蓄亦無可留借者姑先發叁拾萬

以上應發錢糧半取之太僕寺半取之河南淮

安南京福建兩廣等處以爲半年之餉刻期解

到庶克有濟至於各處調到軍兵月糧仍在原

籍支給川湖貴叁處每日止照近日撥遼事例

給與行糧蓋卽每兵日給叁分而前項解發之數僅支多半年盡矣至於以後如事不卽結或再行

請乞或量行徵派統候部議遵行此三省糧餉之大

略也而將與兵亦有所當覆議者夫今鄰播總

兵四川有劉綎貴州有童元鎮各制一方無容

更議矣惟是湖廣清平偏鎮肆衛俱邊播境湄

潭一路更當逆賊狂鋒之衝連年逆賊招誘生

苗多從偏橋往來恣行搶掠莫可誰何近該臣

平權全書

卷十一

十一

十一

等議將貴州總兵移駐偏橋顧偏橋去賊巢近

然去貴州省城遠矣貴州去賊巢不及叁百里

一渡烏江窮日可至與偏橋相望肆伍百里中

隔平越興隆皆通賊之路今春飛練之役寔自

平越賊若分犯各路直逼省城此非一總兵之

力所能禦也且貴州總兵之於偏橋蓋兼制之

地也湖廣兵餉宜得湖廣總兵會同湖廣巡撫

調發方得精神相貫應付如期乃貴州撫鎮俱

以兼制之銜用之此在居平猶可寇在門庭動

大兵發大餉欲求臂指如意桴鼓相隨不亦難乎先年湖廣原有總兵且以侯伯為之後以承平日久暫議裁革今非無事時矣原無者亦應議增况原有者自應議復臣等以為武昌去南界遠在貳叁千里即聲聞亦難相通何况調度臣可大宜移駐沅州該省仍設一總兵無事駐劄沅州有事移駐偏橋其貴州總兵無事駐劄省城有事移駐平越統待事寧另議庶幾兩地密於張羅而遂酋已坐井中此萬全之筭也其

湖廣原無兵馬今欲創設肆伍萬召募既難如期土兵亦難全恃臣等查得近年備倭沿江一帶皆設南兵如揚州貳千鎮江貳千新生洲貳千淮安叁千江北廟灣貳千南京新設陸營亦可揀選叁千此皆見有糧餉無煩召募者今海氛久息備而不用宜行文各處撫臣量給行糧遣發即以原將統領赴偏橋一帶聽總兵分布防守不足者方調湖省各土司及武岡麻陽等處民兵殺手務足叁萬以上之數其外處調到

兵月糧仍於原籍支給湖廣亦照前例止給行糧事寧仍各歸原地防守蓋將止復其原有兵半取之素練甚便計也臣等又查得貴州所屬石阡思南貳府婺川一縣去貴省遠可千里而各府縣鄰播巢各壹貳日程耳各府縣從來無一兵一將止有龍泉一守備領兵千餘控制其衝而兵微將寡又無城可守賊每欲聚而焚之無龍泉則思石婺川隨其後矣臣等以為宜於石阡設一參將婺川設一遊擊各領兵叁千一以為本城之防守一以為龍泉之聲援其兵將不必另設即以新設湖廣總兵調來之兵將移駐此皆貴州地也然在偏橋之西去湖廣總兵近而去貴州總兵遠防守之事宜全聽湖廣總兵提調貴州總兵亦得遙制庶體統事勢兩得相安至於偏橋肆衛向雖屬貴州總兵兼制今既有湖廣總兵自有專屬不必更屬貴州總兵矣抑臣等猶有說焉近見邸報兵部覆本內稱廣西總兵陳璘馬上催促由湖廣取道直趨粵

西聽援不許繞路粵東有悞纓冠之義計陳璘
當不日至湖廣矣璘素有威名近征倭更著戰
功粵西無事將非所急臣等以為宜即改為湖
廣總兵即令於湖廣候

旨到任管事其廣西總兵另行推補將見逆賊聞之
以為將軍從天而下也其有不禡魄而奪之氣
乎至於雲南總兵應移駐霑益州廣西總兵應
移駐泗城州庶乎聲聞相及援搗為便以上事
體統應題

請伏乞

勅下戶兵貳部酌議覆

請將前項糧餉急行解發將領急行增設兵馬應調
者行各該地方撫臣調發總鎮應移者行各處
總兵各行移駐新設將領應給

勅甲等項查例議給應得廩費等項臣等徑自議處
庶乎糧足兵精敵愾之勇自倍倚前角後螻蟻
之命難逃逆賊不足平太寧可計日矣緣係夷
氛甚惡

天討宜彰懇乞急發餉銀以佐軍興竝議增調將兵
以圖底定事理未敢擅便為此具本專差承差
劉佐齋捧謹題請

旨奉

聖旨戶兵貳部知道兵部覆奉

聖旨依擬行內協助餉銀戶兵貳部屢次互相執奏
關係軍需恐致妨悞不小著都察院會同貳部虛
心定議來說欽此戶部覆奉

聖旨是兵興餉急這四川湖廣地畝加派准機宜行
著總督于三省通融支用仍禁有司豪右巧避貪
漁等弊毋致累苦窮民兵罷之日即行具奏減免

更調府佐縣令疏

題為遵

旨更調有司官員以新吏治以濟時艱事准兵部咨
該本部覆奉

聖旨司道官凡係用兵處所之吏部就近更調有才
略諳機宜的去府縣官許該撫按於本省內揀選
調用欽此為照郡縣之吏最為親民居平以為恬
恃臨難以為保障蓋其重也西川越在遐陬入
不樂就懸缺者十常四五又向來因俗為治法

平播全書

卷一

全

法

網頗寬溺職者十常二三天下無事共以舒徐
寬大柔懷遠民即愚智同途未為深累乃一旦
變起倉卒遠邇震駭臣等驟用軍興法督責有
司有司非倉皇失措則濡滯後時即欲以法裁
之而多不可勝且其才具各別用非其數雖有
嚴刑重罰未易改也今即欲除之銓司借之異
省日引月長何裨目下惟是於百城之內酌衡
緩析才品互為調補各用所長庶幾克濟蓋
天語昭然已明見萬里之外矣臣謹會同巡按四川

監察御史趙標將通省地方查算以邊播用兵

者為最衝臨江運餉者次之臨官道過兵馬者

又次之或懸缺未補或人地不宜皆宜急處又

將府州縣各官逐一比量除人地相宜應照舊

供職外有人浮於地及地浮於人者宜更其地

有贖貨淫刑或異悞不任者宜更其官任淺者

宜平調任久者宜遷轉任久而仍其地者宜加

銜若是者共得貳叁拾人謹為

皇上陳之如保寧府同知梅燮馬湖府通判張開禮

合州知州張鰲雅州知州邵崇雅長壽知縣葉

聯芳萬縣知縣周作樂射洪知縣周文郁彭山

知縣王大才夾江知縣郭維屏高縣知縣越應

虞蓬溪知縣陳大經建始知縣倪伯麒大邑知

縣黃杞綿竹知縣蕭時鳴太平知縣潘應相大

昌知縣高雲鳳通江知縣劉昇營山知縣向日

丹梓潼知縣傅遇高丹稜知縣樂繼同南溪知

縣羅應雲岳池知縣劉之瀾達州同知高敷仞

瀘州判官寇克順岳池主簿何珩眉州學正劉

應命大邑縣教諭汪廷玉射洪縣教諭劉懷宇
梁山縣訓導任思永以上貳拾玖員才猷練達
注措精詳在事而上信下孚已著當官之效移
治則駕輕就熟必流符實之聲皆宜陞調衝繁
者也重慶府通判鄧學思駐鎮黃平通判王三
策夔州府通判林大任墊江知縣龍襄隆昌知
縣魏桂以上伍員政亦寬平才乏敏練劇任或
非其理僻地當盡所長皆應以不及調簡者也
廣元縣知縣鄉一鳴才調是下中之品行已在

平播全書

卷十

李

清濁之間開斷略不分明衆號之曰糊塗鬼左
右公行撥置人謂之爲滿堂官條鞭取羨所得
何止數千詞訟罰銀俸免幾無一二昏庸已甚
疾病難堪中江縣知縣張繼茂才本平常性尤
迂緩文移信吏書指點有稟卽行詞訟任原被
縱橫無告不准徵收秤頭雖重而所得無幾蓋
門吏半匿原封問理罰贖甚多而入已有限蓋
胥役不銷原票一籌莫展百弊叢生梁山縣知
縣徐博卿以醉爲節以吏爲師上司前件常至

壹貳百起憤然不知差人批限常違參兩月外
付之不問攜孫山人掌文移遂至于政任朱門
子管堂事未免營私告狀非錢不行採木入賄
卽免醉生夢死廢事殃民營縣知縣丘宗周才
似疏通而性氣過激志欲振刷而精神不充越
訴輒斃於杖頭未完盡束之高閣鄉民不敢入
縣畏其淫刑衙役常如負芒或曰動火久之恐
成酷吏罷之惜其清操眉州降同知管州事盧
豪膏肓成病孤鼠滿前文移全欠割裁或至舛

平播全書

卷十

李

錯或至停閣錢糧不能清楚半係低假半係侵
欺溺愛則卑隸駭死人命反罪屍親健忘則上
司問以未完但爾張目荒唐政事土木形骸以
上伍員亦應以不及論內張繼茂徐博卿應改
教丘宗周應降閑散鄉一鳴應降一級調用盧
豪應以原降州同知別用者也德陽縣知縣史
載道初以虛僑賈聲後以恣肆敗檢詞訟濫行
科罰致小民含怒於心條鞭多取秤頭令排并
黏帖於市姦雙從審之妻被盜其印掩陳主簿

之口多賂以金曾是兵火之區當此淫昏之政
此一臣者所當照不謹例閒住者也東川軍民
府通判梅廷哲官已落落才亦平平祇緣二豎
相侵因致半身不遂尋醫問藥無能強起殘軀
嘆老嗟卑猶自棲薄宦何官可以臥治何地
不可休官若竟其不自割之心恐致有不可知
之事此一臣者所宜照老疾例行令致仕者也
綦江縣知縣馬效武才力綿弱政事模稜賊起
不能思慮預防城破不能守死善道雖文臣難
責以摧鋒之事而令甲原自有失守之條此一
臣者所宜革任聽勘候另案歸結者也臣等謹
遵照近

旨將前項府州縣各官酌其資俸量其才地徑行調
補如成都府同知見缺以長壽縣知縣葉聯芳
陞補其葉聯芳之缺即以夾江縣知縣郭惟屏
調補郭惟屏之缺即以眉州學正劉應命陞補
重慶府同知見缺以保寧府同知梅燮調補梅
燮之缺以合州知州張鰲陞補張鰲之缺以射

洪縣知縣周文郁陞補成都府威茂管糧通判
見缺以大邑縣知縣黃杞陞補重慶府通判鄧
學思應調簡其缺以綿竹縣知縣蕭時鳴陞補
該府駐鎮黃平通判王三策應調簡其缺以南
溪縣知縣羅應雲陞補其羅應雲之缺以瀘州
判官寇克順陞補夔州府通判林天任應調簡
其缺以達州同知高敷仍陞補烏蒙府通判見
缺以岳池縣知縣劉之瀾陞補眉州知州盧豪
應降調其缺以馬湖府通判張問禮陞補忠州
知州報補鄧以誠久不到任應以建始縣知縣
倪伯鯉陞補其鄧以誠到改任綿州知州瀘州
知州報補胡篤卿久不到任應以雅州知州邵
崇雅調補其胡篤卿到即任雅州知州漢州知
州見缺以彭山縣知縣王大才陞補其王大才
之缺以岳池縣主簿何珩陞補綦江縣知縣馬
效武革任聽勘以萬縣知縣周作樂加重慶府
同知銜管綦江縣事其周作樂之缺以高縣知
縣越應虞調補江津縣知縣報補葉朝陽久不

到任以蓬溪縣知縣陳大經調補其葉朝陽到
即任蓬溪縣知縣黔江縣知縣見缺以太平縣
知縣潘應相調補昭化縣知縣見缺以射洪縣
教諭劉懷宇陞補榮縣知縣丘宗周應降閑散
以丹稜縣知縣樂繼同調補廣元縣知縣卿一
鳴應降用以營山縣知縣向日丹調補德陽縣
知縣史載道應開任以梁山縣訓導任思末陞
補中江縣知縣張繼茂應改教以梓潼縣知縣
傅遇高調補梁山縣知縣徐傳卿應改教以大

平播全書

邑縣教諭汪廷玉陞補墊江縣知縣龍襄與大
昌縣知縣高雲鳳互調隆昌縣知縣魏桂與通
江縣知縣劉昇互調以上各官陞者俱係優陞
調者俱係優調但府州官俸深者暫阻內遷縣
官俸深者不得行取不無少望然地方有事就
近借才事寧之後不妨優處內有萬縣知縣月
作樂吏治最優擬地最苦但綦江重地非此人
不足以當之事寧另當優異又烏蒙府不係急
缺向來陞此缺亦非優轉緣劉之淵頗優於下

不理於口故令轉此官暫於軍前效用事完亦
另行優處其各官應處者臣等已會行革任應
赴新任者已行令限文到拾日內到任俟其報
有到任月日即轉報吏部以新俸筭起尚有不
缺無補者馬湖府通判東川軍民府通判綿竹
太平夾江射洪高縣大邑岳池營山建始丹稜
梓潼各縣知縣瀘州同知瀘州判官岳池縣主
簿眉州學正射洪大邑縣教諭梁山縣訓導吏
部皆宜查理相應人員速為銓補施行

平播全書

任其係懸缺今擬調補者該部已補布
亦不必改除徑令赴川到省臣等另查相應員
缺擬補報部蓋此地所患有地無人不患有入
無地也尚有原缺未補者如南充縣富順縣即
縣東鄉縣等處皆宜急補其南充富順俱係大
縣尤須風力甲科乃能彈壓再查各地方官久
不到任者俱係兩廣福建浙江等處去川絕遠
即疾馳之騎亦須貳叁月始達各官攜家乘舟
逆水何能即至經年無官弊蓋坐此今後宜將

近川如陝西湖廣雲貴即河南亦尚易至以此
近便地方人才除補其絕遠如前項地方人員
不必銓除致人地兩下不便尤須多選甲科以
資整頓以起頹弛以上事體統應題
請伏乞

勅下吏部議覆如果臣等所言不謬照擬上
請行臣等遵奉施行庶內治既修外攘益裕區區逆
賊不足平矣緣係遵

旨更調才以官員以新吏治以濟時艱子理未改可
便為此具本專差承差黃可美齋抄謹題請

旨奉

聖旨吏部知道該本部覆奉

聖旨俱依擬

平播全書卷之一終

平播全書卷之二目錄

奏議

貳運大木勸懲疏

懸購規則疏

糾劾逗遛將官疏

設監軍兵備等道六款疏

調補監司道官疏

增復府佐疏

褒陞將官疏

增楚省監軍將材疏

三調州官疏

擒獲奸細疏

議處貴竹儒將借給餉金疏

播首犯貴屯堡并催兵餉疏

給由疏

目錄終

平播全書卷之二

奏議

貳運大木勸懲疏

題為採辦貳運告竣分別勸懲并乞

恩暫賜停緩以蘇民困以濟兵興事查四川採辦

奉部文先採拾分之陸限以陸年分作叁運至

萬曆叁拾年報完該頭運木於貳拾伍年拾月

起解後官民即竭力分採貳運已於貳拾柒年

玖月內起解訖除起解期日另疏

題報外據布政司并督本道冊報各道屬州縣

衛兩運完過木枋根塊中間多寡有無什伯倍

徒內有前後壹人通管者通融均計功罪自不

相掩有前官蒙賞罰而去後官接管者按數交

收勤惰更復昭然總之以陸分為率每運貳分

為額多者居最不及者殿之兼查官帶有無虛

冒閭閻有無騷擾互相參酌分別勸懲臣謹會

同巡按四川監察御史趙標具疏

上請除分數不甚懸殊別無弊端應懲戒者臣等徑

行獎戒外其前運無過官今完伍分以上及接

管官完伍分以上如成都縣陞任知縣施所學

等各官或再運而終始相成或初筮而績效已

著掄材居最受事能終俱應優敘以備紀錄其

兩運俱無過共完至陸分以上如巴縣知縣文

立經等各官叁年採辦多勞兩運拮据並苦雅

稱物曲之利足驗人官之能亦應通敘以備紀

錄其頭運完壹分以下住俸官貳運總完肆分

以上如羅江縣知縣喻言章等各官雖無所加

於常數之外亦無所虧於原額之中後效可觀

前愆克蓋均應開復原住之俸以示鼓舞內蔡

用明喻言章黃日昇後運完至柒分以上仍應

摘敘備錄其陳敬衷頭運降俸原以擾民有議

不止為分數不足之故仍當待其考滿日定奪

者也其通管兩運官共完不及肆分蘆山縣知

縣王道望威遠縣知縣劉芳聲平武縣陞任知

縣李察南溪縣知縣羅應雲江油縣知縣王以

寧彭山縣知縣王大才各官始事已見怠荒小

懲不聞警惕廢事如此急公謂何兩運有僭重
處無說但誤事雖甚擾民未聞當貶削其級姑
存其官內劉芳聲李察王道望完共叁分以上
當降壹級管事羅應雲王以寧王大才完共壹
貳分上下當降貳級管事不論其在任陞任隨
任議降後當住其陞遷待考滿日議奪其原以
頭運住俸者徑當罰去從降級後開支者也會
川衛前後將及肆分指揮方泰姑免罰建昌衛
前後壹分以上指揮今陞會監守備施勳前所
住俸徑當罰去姑准開復益井寧番越萬參衛
壹木俱無指揮張維藩李紹武陳文龍除前住
俸徑罰外再當罰俸壹年示懲者也其接管官
不及貳分合前運尚不及肆分慶符縣知縣張
明卿等各官分之則一無可稱合之則兩不相
補工多虛廢政亦平常亦應姑各罰俸壹年示
戒者也又查得渠縣知縣柳東心多濬草事每
張皇僉夫以陸兩派以貳拾兩收玖百名之茹
苦可念採木貳運之工未已參運之夫已派千

萬戶之負累堪憐政謝夫西門豹之投民苦於
東野畢之御資陽縣知縣詹淑性本剛愎事每
因循供應派之義民何忍其財力俱盡盛氣加
之僚友豈所謂道義相成小民何以堪之他政
無足言矣崇慶州陞任知州周炳恣睢不檢貪
黷有聞頭運不及壹分貳運亦難兩補山中不
給官銀俾義民含悲冷磧水次不查退木致遺
材其朽夷陵尚有訐其賊者多至巨萬有餘即
云讎之口乎或有一於斯矣已經敗露枉自彌
縫仁壽縣丁憂知縣麥鎮鰲才資關茸舉動乖
張壹百人下鄉掣人是何號令伍拾夫入山採
木各有饋遺贓跡之公私竊取者不下數千木
銀之見在追補者尚有叁百訛訛自足之政營
營苟得之徒以上肆官在柳東詹淑當以不及
量調簡僻周炳當以不謹例閒住麥鎮鰲當以
貪例爲民者也自州縣而上分理者崇小總總
理者各道府也小總則夔州府同知儲佶成都
府通判宋家宦重慶府推官高折枝各府則成

都府知府周懋卿順慶府陞任知府饒景暉重慶府知府張興行保寧府署印同知梅燮各道則分守川西道陞任叅政范涑陞任叅政李維楨分巡川西道副使陳爽相分守川東道陞任叅議郭士吉俱當在紀錄之列其最無功者則建昌兵糧道副使顧汝學建昌監理通判李復宗寧越撫夷通判張正蒙俱當罰俸叁箇月示儆其原任建昌監理通判鄭友諒原降俸貳級不准復仍移文見任處所待叁年考滿日議復

者也自此而上為各總之總者則督叅道布政司也查得離任督木道右布政使周一經為政有規矩準繩論材是榿楠杞梓握筭而錙銖毫芒必照盡利則窮崖幽谷皆春陞任帶管督木叅政李維楨品格檀木天之選藻鑑稱匠石之長掄選則良工獨苦故蔽江皆祭天礙日之材博識信大雅不群即一節見

清廟明堂之器布政司左布政使程正誼博物卓矣工師庇民居然大厦識足以程物土故選擇悉

當而鉅細各獻其長明足以辨官材故任使咸宜而公私交相為利已見萬牛四首行看八柱承天以上叅臣除周一經已經加銜致仕外程正誼李維楨當特加薦揚以備錄用者也臣等又據司道冊報總算合省木數頭運完僅貳分貳運完幾肆分緣頭運事屬創始山水崎嶇夷情反覆官民曾未得託足寓目往往有空費工力而阻險阻夷竟委棄溝壑之中者貳運則道路慣熟決擇便利工夫未枉力等工倍該司道

照議定規則如法折筭總計兩運收報之數以各州縣分計自壹分以至拾分甚相懸絕而以合省通計截長補短似已足陸分之額其規則俱查嘉靖間

殿廟大工減參事例以次遞減非敢鑿空創始大都木有頭貳參號或以參折壹或以貳折壹貳折壹者浮於元號圍尺幾參之壹雖是以小抵大實則以多抵少即部枚之寬嚴未卜而有刊定之書冊在

併齋備查度亦不甚大謬其木號合式者雖少
然又部派木數先有定額隨後減採陸分寬限
陸年又許互相准抵通融折收豈非以巨材難
得民力難支

德意慇懃曷有窮極然尚是貳拾柒年以前事彼時
蜀猶承平也蜀自今歲之春夏播首猖獗中使
征權招兵集餉官費百倍民費次之開礦抽稅
民費百倍官費次之上下交征公私匱竭百姓
愁苦無聊似不復能勝此役矣矧蜀西北道自

來無木合省俱赴採於東南夷方今東南賊壘
徧地殺氣連天冤魂晝噪愁雲慘結蜀之人心
震搖動輒以首相驚奔竄引匿者無虛日尚能
使之束足裹糧入東南近播處所斫木乎目今
求根本塊枋難已萬倍於前况折算之令參運
已當停罷繼此如式而求難又萬倍於今此其
時困勢窮明白易見且部議原減採陸分而今
陸分近足原寬限參運而今貳運報完又值

兩宮告成

三殿未興而蜀之不振適與兵會昔尚減額寬緩於
無事之日今可不破格寬假於多事之際乎臣
等固知

皇上明見萬里

恩覆二天必不靳此一時之

德澤也總乞

勅下工部將蜀省採辦暫與停緩待播事稍定之日

再議派採以作

三殿之需庶一紓徐之間民生得以少甦軍興太有

攸賴其各官應紀錄者處分者一一查議覆

請移文吏部知會至停採之後亟當照刊定銷算規

則清查錢糧儘再有虛冒科索筆輩不妨陸續

一一舉發其後採之時須查今日之完欠分數

劑量分派不得重累備苦庶有司之勸懲有終

而百姓之勞逸勻稱此皆該司道之責任部覆

更不可不申明也緣係採辦貳運告竣分別勸

懲拜乞

恩暫賜停緩以蘇民困以濟兵興事理未敢擅便為

此具本專差承差高廣勲齋捧謹題請

旨

奉

聖旨工部知道本部覆奉

聖旨依擬行

懸購規則疏

題為酌議軍前賞罰事規以一辟情以圖全勝事

臣聞亂臣賊子人人得而誅之楊應龍以一土

司造反臣躬承

明命率天下忠臣義士共行

天誅上伐下大加小順討逆勝負之算豈俟問哉顧

惟賞功罰罪

聖王所以服人賞信罰必

明主所以勵世自古用兵未有賞罰不明而可以成

功者近該兵部題奉

明旨頒示賞格

錫予優厚等級分明計懸示之後賊當授首臣亦何

容再

續顧部職其要止於議賞臣職其詳當並議罰先是

臣有擬定擒斬投降之賞畏留失事之罰與夫

一切先登陷陣大小賞格與今所頒詳略互異

有已密行頒發者有候臨事顯行者以軍機不

可先傳未敢輒行題

奏即今兵漸集餉漸充各省調兵漸有音耗即宜合謀設策漸次圖賊但因年來剿撫無常賞罰不定人心疑貳未即信從所有前項事規必須預行題奉

明旨臨時與兵部所頒並行懸示方可鼓舞群情齊一衆志人人用命平定有期謹將擬定規格開具上

請伏乞

勅下兵部議覆行臣遵奉施行緣係酌議軍前賞罰事規以一群情以圖全勝事理未敢擅便爲此具本開坐專差承差齎捧謹題請

旨

計開

一不論大小文武漢土官兵軍民人等但有能擒斬楊應龍正身者除照兵部原擬及今增定賞格陞賞外仍加賞銀壹萬兩功級驗明當即給與一各上司如水西安疆臣永寧奢世績西

陽丹御龍石砭馬千乘以至天全平茶邑梅等大小衙門有能督率部兵擒斬楊應龍者除照兵部原格陞賞及瓜分地土外其本官係宣慰者加副總兵銜給蟒衣玉帶宣撫加叅將長官及知府知州加遊擊將軍仍各給飛魚服色的親子弟准遞加官職領兵頭目准授長官或指揮千百戶等官世襲

一不論漢土官兵軍民人等有能奮勇先登入樓山關崖門關大灘關苦竹關板角關三渡關黃灘關烏江關者陞叁級賞銀壹千兩有能奮勇先登打破播州城者陞伍級賞銀叁千兩有能奮勇先登打破海龍囤雖本身不能擒斬應龍而大衆驗係真正當先者陞柒級賞銀伍千兩一應龍手下軍師黃七孫時泰等謀士何漢良李旭戴貴張王彭道張漢清何廷

瑞陳太等督軍總管楊兆麟郭通緒楊
 珠楊明等內司總管何邦寧田一鵬田
 良玉等提調巡警尚守忠趙仕登謝朝
 俸張漢武羅剛朱敬表守剛陳大恩石
 勝等苗頭總管吳金錢吳金富石朝貴
 曹萬曹嚴等各里頭目婁國張讓穆炤
 表年表登王繼先等及其餘但係領兵
 議事之人若有能率衆來歸或携家歸
 附者以前罪惡盡除不問原有官者仍
 以原職守土原無官者授以指揮千百
 戶職銜令立功自效若能擒斬應龍者
 除照兵部原格陞賞外仍加賞銀一萬
 兩願為土官者聽分其地世守內有楊
 氏親枝除擒斬照格陞賞外投降者仍
 量授土職承其宗祀
 一應龍妻田氏子朝棟等能將應龍縛獻
 或致死獻出其屍准免本身死罪使得
 承奉其祖宗香火仍照部格量與優恤

一管圍偽內官葉喜受閩懷石等及一切
 守圍之人與質當頭目妻子能率衆拒
 圍以待官兵不容應龍走入者偽官照
 先登圍例給賞餘人照例陞賞若能擒
 斬應龍者除陞賞外仍加賞銀壹萬兩
 一應龍桃溪莊丁伍拾肆里捌拾捌局人
 戶及節年招九股惡苗及紅脚黑脚等
 苗有能自己束身投出者並不殺害係
 播民者仍管原業係苗民者量其遠近
 給以路費及照身批文發回原籍有能
 率衆舉義擒斬應龍來獻者與官民一
 體陞賞
 一五司七姓之人有能擒斬應龍者有官
 者照土官無官者照土兵各破格陞賞
 仍賞銀壹萬兩不拘原題參級之例
 一原格斬獲撥置同謀親信用事緊關從
 賊者將領遞陞貳級官丁准照虜功頭
 目陞賞查例斬獲虜功頭目者應陞參

級賞銀壹百伍拾兩擒斬脅從者准照
苗功計數倍賞查例苗級壹顆賞銀伍
兩今加倍應賞銀拾兩

一應龍頭目人等各係本省及外省人氏
各有籍貫俱已查明若賞格懸示兩月
之後既不能擒斬又不肯投降直至拒
敵交兵為賊盡力其家即係謀反之家
賊平之後即移文原籍將父兄子姪人
等盡以謀反家屬捕誅

一各土司有陽順陰逆逗遛觀望不肯盡
力即係附反之人賊平之日移師伐之
一各將領如定有信地不行赴守定有師
期不行赴敵及一切逗遛觀望畏縮退
怯等情查照所犯輕重應收監者收監
應斬首者斬首若軍士有犯徑行斬首
奉

聖旨該部知道本部覆奏

聖旨是

糾劾逗遛將官疏

題為逆賊狂逞有日諸將觀望成風據實糾叅以
肅軍令以靖夷方事臣聞事莫重於討逆法莫
嚴於治軍播賊大逆不道自干

天誅

陛下不以臣為不肖令督參省之兵進討臣書生也
自惟懷鉛握槩之長非有躍馬彎弧之素豈能
身犯矢石與逆賊相從事於顏行惟是仗

九重之威靈申三尺之明法用以整齊諸將獎率三

軍俾其有死之心無生之氣夫然後一鼓成功
而元兇授首也乃諸將中有驕不可馴獷不可
使逗遛觀望裹足而不前怯懦縮朒奉頭而思
竄者臣不一明言之行見法紀廢弛卒伍渙散
狂賊得氣重地堪虞異日即臣身當其罪然於
國家何利焉除劉綎先令押兵回川防播後即以
為四川總兵先限伍月內到任後限捌月貳拾
日到任今玖月行盡尚未到川臣方欲具疏糾
之而會其差官具稟言於捌月貳拾日到荊州

貳拾貳日發軍前行計數日發盡彼即尾後前
進據其差宮稱擬擬於玖月終拾月初上任既
相去不遠臣姑待其至查有無別情再行具
奏外若童元鎮自閏肆月內即以爲貴州總兵令
不必候代至於今已半年矣廣西貴州壤地相
接何事羈留於今不至臣自陸月內即移文貴
州催之上任臣又以專檄督之至今竟無一字
相聞豈其耳目塗塞不知貴州之急耶抑其畏
賊如虎寧甘受後期之誅而一步不敢履黔陽
之境耶據此退怯之狀即受事亦未必可倚宜
革任勘問方正軍法但臨敵易將兵家所忌且
舊者已一朝不可復居新者亦目下未能即至
合再行嚴催赴任仍先革去職銜令充爲事官
戴罪管事俟任後有功贖後有罪並論者也沈
尚文原以貴州總兵革任候代夫所謂候代者
欲其照常行事防守地方令地方不苦於無官
乃有賴也而尚文自罷任之後杜門稱病一事
不理逆賊流劫處處告急撫臣江東之使之以

病辭郭子章使之以病辭臣移文使之既不動
身亦不回文最後貴州危急之甚撫臣行令急
備偏橋擁軍參千止撥壹百人往彼身在銅仁
是賊所不到之處也參千軍安所用之非其役
占無人則其惶懼自衛將領若此留之候代何
爲也哉尚不如逐之蚤去以一裨將代事尚得
其參千人之用也蓋彼以爲業已罷任罪無可
加故偃蹇無狀一至於此臣以爲貴州雖無陷
城殺將之事而在賊招苗出入無忌虜掠焚燬
何可勝言此非尚文之罪而誰之罪乎似宜查
照實職降參級仍行巡按御史勘明槍殺實數
另行定罪者也曹希彬以原任副總兵令管寨
江遊擊事後改任合江遊擊限玖月初陸日到
任有信地有憑限星馳視事何說之詞其同領
兵東征將官回川已久見在委用乃希彬畏難
避事行至夷陵堅臥不進且投一揭帖高自稱
許謂其爲將參拾年身經數百戰皆有成功聞
常勝之家難與慮敵每每以此爲戒故不收輕

進其放言無忌一至於此尚知有人間羞耻事
耶及查其生平原無甚戰功止以口舌得官朝
鮮一行因人成事不覺矜而自功了無忌憚不
知今日平播守須實守戰須實戰豈可以空言
虛詞借耶梅鼎臣係臣標下練兵遊擊春間令
坐鎮酉陽則忻然而往夏間令防守彭水則鬱
鬱求歸後賊破綦江令守南川則往來府城回
翔江上竟未一至南川之境當是時兵微將寡
原無可恃臣恐強驅之去不死則降故亦任其
進退不復催逼彼一時也近調兵漸集以萬人
付之鼎臣令其入守彼尚畏留不進強之再三
始以一文報行期後訪之原未到南川止到木
洞耳夫木洞者當賊破綦江南川人驚而逃盡
縣官計無所出因移庫獄於府而身止木洞以
其近江易於避賊耳今將官而亦欲避賊耶此
貳臣者在梅鼎臣臣已革其任但彼原不知戰
難過責之合姑令回衛帶俸差操在曹希彬東
征新回又虛張自肆若遂革其任彼以為沒其

勞屈其才強行揭辯後日且得鑽刺復進宜先
以逗遛革其職令充為事官仍守合江待到時
臣驗其稱否如不能守徑自更換別用候異日
有功得以贖復有罪仍行重處者也嗟乎
朝廷之待將領亦不薄矣世其官世其祿獲功則
有陞陞
恩榮之典死事則有
恤錄廟食之報此亦何負於若曹而若曹利則爭趨
害則爭避臨難則求苟免遇敵則求抽身小小
建賢則以為報之薄小小奔馳則以為用之若
甚至妄肆狂言坐索高價如曹希彬之類者是
尚知三尺法為何物耶夫賊亦有何爵賞以待
有功有何恤錄以償死士獨其所遣領兵者皆
質其妻子於國而又身自持刀監押之其人降
則懼沒其家敗則懼戮其身以故致死向敵無
復他志今
朝廷能生人殺人能榮人辱人能爵人及於十世
能夷人及於九族乃迄不能如賊獲一戰之則

則惟法之不行故耳臣

請以後大小將領但有除之不來使之不動及一切

偃蹇恣肆畏縮逗遛情態臣權其輕重輕則革

其職任徑行更代重則一面收監一面具

奏該部亦宜多發大小聽用將官於軍前以為不

時更換之用庶乎軍令既嚴群情自奮平定逆

賊當不遠矣統乞

勅下兵部議覆行臣遵奉施行地方幸甚臣幸甚緣

係逆賊狂逞有日諸將觀望成風據實糾參以

肅軍令以靖夷方事理未敢擅便為此具本專

差承差高廣勳齎捧謹題請

旨

奉

聖旨兵部看議來說本部覆奉

聖旨童元鎮改貴州總兵原旨著便馳赴管事不必

候代如何至今未到君命嚴重軍機緊急恣意逗

遛本當拏問姑念用兵之際革去總兵職銜充為

帶官管總兵事立功贖罪沈尚文握兵未代責任

在身如何托病閉門擁兵三千只發百人赴急好

生窺視憲法全無忠義之心著錦衣衛便差的當

官校星夜扭鎖來京究問曹希彬梅鼎臣俱革職

行督按官嚴提問報李應祥准以原官起貴州總

兵聽用國家養士甚厚酬功不薄望濟不時之用

各官平居驕蹇恣肆遇警畏縮遷延巧擇便利專

圖推諉負息玩法於心何忍軍法尤宜嚴肅以後

故不遵的賜劔從事毋得姑息容奸餘俱依擬

設監軍兵備等道六款疏

題為瑣陳軍前緊要事宜伏乞

聖明速賜處分以裨戰守以圖全勝事近因逆賊楊

應龍大逆不道自取誅夷

陛下不以臣為不肖俾調各省之兵恭行

天討諸凡軍中事宜節經部科之所條陳

明旨之所裁斷不啻犁然具矣顧軍機最重軍事最

繁凡一切大小機宜有裨戰守仍須議處者時

時有之臣推不文無能倚馬脩詞逐事陳

請謹將近日應行事務彙為一疏上希

聖斷伏乞

勅下吏戶兵工各部查照疏內事理逐一議覆得

旨行臣遵奉施行臣愚幸甚緣係瑣陳軍前事宜事

理未敢擅便為此具本專差承差齎捧謹題請

旨

計開

一近該都察院左都御史溫純題設監軍

等道該吏部覆於川貴貳省各設監軍

貳道旋推叅政副使等官張棟楊寅秋

等計當不日到任惟是湖廣亦係用兵

地方與川貴事同一體向因未設總兵

故監軍憲臣亦未議及今該臣等議復

總兵又該兵部先已題

充崇以陳璘充之則目前防守異日進兵皆獨當壹

路監軍之設必不容已陛下自外省恐遠

不卽至查有分守上荊南道叅政胡桂

芳才略有餘資俸已久應陞按察使令

監軍事尚少壹員姑以湖北兵備道王

應霖兼之其湖北守巡貳道仍專司糧

餉兵馬不得有悞大舉伏候

聖裁

一四川省城有分巡川西道向來止管分

巡不兼兵備彼時承平無事會省之內

全無武備已非所宜况今軍興之際一

切驗軍驗馬等項皆兵備道責任卽行

之分巡道有類帶管殊非事體且各省

會城分巡未有不兼兵備者獨四川爲然此亦偷安弛備之一端也合無將該道加添兵備兼銜目下軍前兵馬器械之事一切責之料理臣仍查其與各兵備道應分管州縣咨部更換

勅書行事則日後川西地方亦且借其彈壓不爲無補伏候

聖裁

一近該戶部議定湖貴用兵應發餉銀青

令湖廣以節年派剩太倉餘銀拾陸萬零解四川以白蠟等銀玖萬零及商稅銀壹萬零竝雲南借川銀拾萬俱解貴州各軍前支用緣彼時湖廣未設官兵故令分餉貳省今湖廣設有總兵自有重兵屯守所需餉銀必多豈可轉餉他方臣已行令將銀拾陸萬兩不必解川雷於該省支用外近得該省撫臣支可大書言拾陸萬止壹萬見在其餘及應

解貴州白蠟等銀皆節年帶徵虛數非見銀也寇及於門兵次於野而於徵多年之餉銀以給之其能有及臣已行該省撫臣多方借處不得有誤軍興必須戶部查照臣近

題應發各省銀數別爲處給其以前帶徵錢糧不必作數庶幾師得宿飽敵愾有資伏候

聖裁

一軍前所需鐵盔鐵甲火器火藥鉛子弓

箭腰刀等項蜀中向來百無一備近該臣差官四外收買連夜製造然買者不能卽至造者不能卽完以常年之病求參年之艾其不相及明矣已咨行兵部求於天津咨取解送及轉爲具

題於

內庫給發但念自京抵蜀道里險遠若但以朽腐不堪充數豈徒無濟營伍亦且空擾驛遞必須所司遷委能官逐項挑揀著實

聖裁

可用方行解發庶於實用有濟伏候

一

陛下既以討賊之事專責於臣則當局者止臣壹人

即各省撫鎮止司一方至於監軍守巡

各道副叅遊守等官止司一事凡有應

行事理應商確者商確應詳議者詳議

皆須以臣為定往見以前征討之事軍

前文武等官往往不安職守妄生機械

或於都門投遞揭帖或於道路布散流

言暴已之長則以無為有掩人之功則

以是為非以致黑白不分主持不定如

先年寧夏近日朝鮮可為明鑒合無嚴

行申飭以後再蹈前轍在內聽科道在

外聽按臣及臣不時參論重處庶事權

歸一展布為易伏候

聖裁

一逆賊從來廣布金錢恣行結納利其有

者初但為之延譽後乃為之庇奸如先

年薛亨之所糾舉近日日本兵之所參

奏其百分之一耳今已罪在不

赦計即素有往來之人亦必改心回面幸其一日就

死滅口之為快誠恐尚有喪心病狂者

入其籠絡為之顛倒是非榮感耳目以

冀徼倖萬一苟免滅亡若其計得行則

三軍解體平定無期西南之禍計不旋

踵可為寒心伏乞

天語中嚴開諭使天下曉然知君臣之義順逆之塗

令即有利口覆邦之人不至為賊遊說

自入叛黨然後大義昭明膚功可奏伏

候

聖裁

奉

聖旨該部知道吏部覆奉

聖旨依擬行欽此又該兵部覆奉

聖旨逆酋罪惡滔天更無可赦軍中機宜悉皆責成

總督各官協謀共剿不許參差若有妄生機械流

平播全書

卷七

十七

平播全書

卷七

十七

言遊說顛倒是非熒惑耳目的在內聽部院科道
在外聽總督撫按不時來重治毋容姑息

調補監司道官疏

題為道臣員缺數多懇乞

亟賜推補以濟時艱竝酌議綜覈有司以蘇民困事

該臣會同巡按四川監察御史崔景榮議照今

國家立法綜覈吏治至詳密矣有撫按以總之於

上有守令以分之於下而又有藩臬臧司以監

理於其中蓋監司者上以承撫按之德意而下

達之守令以流布於小民任至重也故監司得

人則一路受其福監司非人則一路蒙其禍若

監司缺人則撫按之命令無由下達小民之疾

苦無由上通一路之害有不可勝言者此在居

平無事然且不可况多事之邦軍興之際乎今

西蜀不為無事矣監司缺人不為不多矣除齋

捧未回如熊宇奇陞轉未到如王道增張文燿

康夢相傅良諫不敢舉

瀆外如陳與相以調用而川西分巡缺胡宗洵李廷

謨來三聘以被論而守北守東敘瀘兵道缺又

崔斗瞻改之魏養蒙魏養蒙改之傅良諫傅良

諫者谷文以爲參議耶報以爲副使貳者必居
壹馬而守西巡北必有壹缺夫壹省之司道幾
何而公出未回者壹已補未來者肆被論候處
者叁懸缺未補者壹其左布政新任未補無論
也此即從容畫諾亦且不足况羽檄時飛四郊
多壘徵兵理餉日不暇給獨以叁伍監司代攝
其間壹人之身印累累而緩若若其與濟者幾
何臣等欲聽銓部除補恐緩不相及欲調之各
省恐遠不濟事謹於本省及鄰近省分方面中
查其資俸相應賢能久著堪以填補者得數人
馬如本省副使馬朝陽參議史旌賢陝西參政
張悌河南副使王嘉謨直隸真定知府秦鄰晉
陝西鳳翔知府汪應泰以上各官才守兼優聲
實並茂或治兵理餉樹屏翰之績於一方或分
符專城擅循良之名於各郡並爲緯武經文之器
堪勝投艱遺大之司臣等第其才地參其俸資
妄相擬議合將馬朝陽陞參政分守川北道史
旌賢見委督餉合陞副使兼參議兵備欽瀘道

仍兼督餉張悌以原官參政調守川東道王嘉
謨陞參政分守上川南道秦鄰晉陞副使分巡
川西道汪應泰陞副使兵備松潘道至於守西
巡北貳道除傅良諫補壹缺外應查其未補者
何缺該部徑查資俸相應之人一併填補以上
各道除本省外係外省者即勒限行令前來到
任係邊方者冬春之間虜不入犯亦令不必候
代有遷延不至者令臣等參究其齎捧未回如
熊宇奇陞補未到如王道增等該部仍移文行
催勒令速至庶監司不至乏人軍興大有利賴
矣抑臣等尤有說焉政事不綜覈則不理人情
不激厲則不興故惟賞與罰
聖王所以礪世磨鈍而鼓舞一世者也向採木之事
止於動衆勞民猶且每壹運完司道有司各有
舉劾况茲興師討逆調兵買馬運糧治器何項
不取之小民何事不經之有司有司智愚賢不
肖人各不同諸凡勤慎公廉事集而民不擾與
夫昏柔怠緩徒擾於民無濟於事一切情態萬

有不齊若非握激勸之權何以集羣策屈羣力而收平定之效乎合候事寧之日除軍前功罪另議外其通省司道及各府州縣官員容臣等查其料理軍興事務有無遲誤有無騷擾分別賢不肖會行舉劾與薦者亦準作正薦庶乎甄別有方羣工競勸西事之平可計日而待矣統乞

勅下吏部議覆施行臣等幸甚緣係道臣員缺數多懇乞

下播全書
卷十一
三十一
亟賜推補以濟時艱並酌議綜覈有司以蘇民困事理未敢擅便為此具本專差承差李朝恩齎捧謹題請

旨

奉
聖旨吏部知道本部覆奉

是

增復府佐疏

題為地方多故需人甚殷乞

賜復設府佐員缺以便料理事據四川按察司兵巡下川東帶管巡上川東道僉事徐仲佳呈奉臣紙牌照得重慶府同知久缺業經會

題以保寧府同知梅燮調補已行布政司轉行本官遵照間頃聞重慶府近有新任同知王陞已到及查前

題疏中有云若係懸缺今已調補者銓部已補有

下播全書

卷十一

三十一

人令其赴省另擬報部等因今照該府原有安邊同知續奉裁革值茲多事之際一應計處兵糧分布機宜全賴府佐經畫合行查議仰司即便議妥通詳等因云云隨據道府呈詳到臣案查先准兵部咨為軍務事該本部覆奉

聖旨司道官凡係用兵處所的吏部就近更調有才略諳機宜的去府縣官許該撫按於本省內揀選調用欽此隨該臣會同前按臣趙標遵奉

明旨議得重慶府清軍同知久缺合將保寧府同知

梅燮調補其原係懸缺該部已補有人亦不必
改除徑令赴川省臣等另查相應員缺擬補報
部等因於本年玖月內具

題訖今據前因該臣會同巡按四川監察御史崔

景榮議重慶原係蜀東水陸要衝之地漢夷交

錯之區近以播賊叛逆與師征討調集兵馬買

運糧餉俱屯彼中凡點兵放糧察弊防奸皆賴

府佐分理該府原設清軍同知壹員通判貳員

一督錢糧一司捕盜上年勘播之後議將捕盜

通判裁革而以捕務歸併管糧通判所遺俸薪

轉設安邊同知壹員駐劄安穩地方繼以播賊

出沒議於綦江添設叅將領兵又將安邊同知

寢革項臣等因該府兵糧驟聚同知久缺未任

遵奉

明旨棟將保寧府同知梅燮題

請調補先行到任管事今新任同知王陞續到據稱

前任脩堤以致耽延茲道府呈稱本官頗有才

能議將該府原裁通判仍舊議復就以王陞填

補捕盜同知委於事體穩便理合具

題伏乞

勅下該部覆議如果相應將重慶府捕盜通判員缺

准其復設捕盜同知暫以同知王陞就近補任

候播事底定另行議擬轉行臣等遵照施行庶

佐職得人而民安盜弭矣緣係地方多故需人

甚殷乞

賜復設府佐員缺以便料理事理未敢擅便為此具

本專差承差李朝恩齎捧謹題請

旨

奉

聖旨吏部知道本部覆奉

聖旨是

褒廢將官疏

題為播賊突衝孤城將官血戰陣歿乞

賜照例贈廕以慰忠魂以勵羣心事據四川按察司

呈奉臣紙牌先據兵巡上川東道呈報播酋楊

應龍統兵於陸月貳拾日逼近碁江遊擊房嘉

寵并張良賢領兵出敵頗有斬獲苗兵退去至

貳拾壹日酋復統苗破城於城內大戰貳將一

齊陣亡守備胡汝寧入水渰死等因雖經本部

院節次題

報但各將志急效忠祇緣孤軍不能城守一時死節

情實可傷仰司會同布政司查有何例議妥通

詳具報其胡汝寧應否併議奉此又蒙巡按趙

御史牌同前事依行布政司回稱云云到臣卷

查房嘉寵原係四川松潘漳臘遊擊該前撫臣

調赴碁江領兵防守續又具

題將本官加陞參將職銜隨該兵部覆奉

欽依將本官陞補碁江參將移咨到臣又查得張良

賢亦係原任漳臘遊擊因部兵與永寧禦虜土

兵互相鬪爭本官同部兵斃傷土兵伍命引因

事威逼人致死非壹家參命以上發邊衛充軍

事例發遣後該布按貳司議詳發於防播處所

立功贖罪胡汝寧係石泉守備調赴碁江協守

各行遵照間本年陸月拾柒日據重慶府呈准

房嘉寵塘報本月初叁日據丁山里邊勇高仕

偉等報稱楊應龍父子已出在點脚壩分兵叁

路初捌日又探得楊酋發兵劄住地名母渡三

溪拾叁營職即會同張良賢統率官兵隔河對

敵當時銃炮打死射中數多拒敵至晚次日慮

楊酋分兵侵縣內雷家丁伏塘百總張喜等瞭

見播兵由上流來圍壹處對敵斬獲苗級叁拾

名顆生擒伍名其餘奔山入箐等因陸月貳拾

肆日又據兵巡上川東道呈准房嘉寵報稱本

月拾陸日偵探得播兵萬餘在趕水屯劄貳拾

肆營職會張良賢督率守備胡汝寧同官兵貳

千員名於拾柒日叁更時分發家丁張喜等百餘

令張良賢為先鋒其餘官兵為犄角已時抵舊

東漢撞遇播兵壹處對敵數陣就陣斬獲苗級壹拾貳顆弩鎗銃箭俱全追趕落水死傷不計其數其餘奔箐去訖在我全勝止將夷丁鐵兒箇赤家丁房寧戰馬貳匹當陣倒死等因先後具報在卷今據前因該臣會同巡按四川監察御史崔景榮議照人臣受命於

君惟職所在以死守之故將死綏士死鼓房嘉寵值逆箇之變身為將領奉

命守城則綦江固死所矣顧逆箇頻年以來逆節雖

著剿撫無常尚未有頌言誅之者自飛練之役殺人如麻流血成淵惡極罪盈始有進剿之

命然鳩將集兵尚須日時嘉寵身為偏裨托之待命

觀望遷延豈非常情乎而嘉寵則以人臣無將

將則必誅且既已名其為賊豈復宜與之俱生

蓋滅此朝食之志自其由漳臘調綦江業已定

矣故酋以賄來則卻之以使來則斬之懸賞招

降張榜征討其視應龍居然禪中之虱豈其不

知彼已而甘與為敵忠激於心義形於色直欲

梓逆賊而平吞之一何壯也張良賢以松邊名

將賊虜有功註誤謫戍領兵協守至綦纔數日

值應龍遂謀既就悉師以出貳將遂列陣相迎

自為犄角轉戰於岑恰里之外良賢殺入重圍

出而復入者叁次後以勢不相當始議城守終

以孤城無援奸細乘之遂身與城盡亦足悲矣

初聞賊欲破城有為嘉寵計者欲移家他方身

自為守嘉寵毅然曰我為主帥一移家人心遂

搖城誰與守死則闔門死耳比城破乃自殺其

妻而後以身殉城張良賢見城不守欲刃其妻

其妻曰爾自戰吾亦鬪賊而死遂持刀向賊衆

為披靡既就執賊衆義而釋之嘉寵之子亦俱

無恙此豈非忠臣義士自有神明陰相為護其

家令不獨全其名乎貳將已矣今城守漸完勁

兵畢集逆賊授首當必有日恨不令貳將揮戈

其間然要以稔賊之惡甚賊之罪起懦夫之志

激壯士之肝自貳將之死始亦曷可無此死也

胡汝寧計無復之投水而死等死耳胡不以壹

矢相加遺尚獲戰死之名夫死有重於泰山者
輕於鴻毛奈何其不善處死蓋其為

國捐生亦自死於

王事獨未至車轉轟烈烈如貳將耳看得原任叅將房

嘉寵原任遊擊今充戍領兵張良賢忠堪貫日

氣可成虹提一旅以捍危城率孤軍而當大敵

斬將奪旗一代之英風不泯成仁取義千年之

俠骨猶香宜有

特褒用酬奇節合無

平播全書

卷一

四十一

四

勅下兵部查照節年事例議覆將房嘉寵照原官加

贈叅級張良賢復原官量贈貳級各廕壹子本

衛百戶世襲仍於綦江地方立祠有司春秋致

祭比於巡遠之雙廟其胡汝寧通候查明止照

陣亡事例施行庶大義昭明羣情奮勵平定有

期奏凱可冀矣緣係播賊突衝孤城將官血陣

歿乞

賜照例贈廕以慰忠魂以勵羣心事理未敢擅便為

此具本專差承差李朝恩齎捧謹題請

旨

奉

聖旨兵部知道本部覆奉

聖旨

平播全書

卷一

四十一

四

增楚省監軍將材糧餉開款疏

題為播惡已盈大征宜亟遵

旨議增兵餉併舉用將臣以彰

天討以戡禍亂事准湖廣撫臣支可大會彙內稱先

該臣於楚省防播協征備兵壹萬計餉壹年已

經題

請復額編征僅得陸米萬兩之數耳近復奉有

明旨特諭湖廣與貴州各兵俱准添補又令湖廣堪

動錢糧准先動後題伏讀

綸音具見

聖明加嚴於薄伐討罪之舉而又

軫念全楚兵食之難繼也敢不仰體

宸衷悉心籌畫求為制勝萬全之計等因備移到臣

該臣會同巡撫湖廣等處地方提督軍務都察

院右僉都御史支可大巡按湖廣監察御史王

立賢巡按四川監察御史焦憲議照播逆揚應

龍上負

國恩橫肆狂逞壹歲之中在黔敗劫於飛練在蜀殘

破於基江楚之偏橋近聯播境時見憑陵通復

遺書內地聲音入犯請張嫚罵侮及參省以此

情形之巨測亟宜聲罪致討而不容養寇以貽

患者顧湖楚既患無兵而又不取借兵於諸路

最苦乏餉而又不能求濟於他省臣化龍已經

題議楚兵宜用肆萬餘矣計餉宜先給參拾餘萬

矣若非就近區處用備策應雖欲併力西向為

大征計將奚賴乎所有糧餉之當雷用兵士之

當調募與夫監兵督餉則道臣之宜擇也推鋒

抗敵則將材之宜舉也行據布按貳司詳議相

同又經臣等覆查無異謹開列事款條議上

請乞

勅吏戶兵參部再加查覈覆議遵照施行庶犄角之

勢易成而蕩平之績可奏矣緣係播惡已盈大

征宜亟遵

旨議增兵餉併舉用將臣以彰

天討以戡禍亂事理未敢擅便為此具本專差承差

李朝恩齋捧謹題請

計開

一議雷兵餉竊惟六師既興餉印隨之湖
 廣設兵肆萬先議給餉參拾餘萬者特
 為目前進剿之計耳今尚有將領各官
 廩糧與夫器械火藥工價等項俱不與
 馬楚省錢糧多係起運兩京本折銀米
 與川貴不同今又採買大木庫藏梭括
 一洗毫無別項堪動銀兩臣等焦勞苦
 索計無所之行據布政司左布政使胡
 心得清查郡邑委無措處僅查有貳拾
 柒年分額解漕折銀貳萬陸千肆百壹
 拾肆兩貳錢太倉銀貳萬肆千兩派辦
 供用庫茶蠟等銀壹萬伍千肆百叁拾
 叁兩陸錢續收
 國用訖之乞查稅契銀兩以佐軍興事例稅契銀
 玖千柒百叁拾貳兩南京戶口正扛銀
 捌千伍百玖拾叁兩貳錢北京乾魚銀

平播全書

卷

中

貳千柒百玖拾肆兩壹錢及巡撫與巡

按衙門解京賊罰銀捌千兩又各司道

解京紙贖銀壹千壹百捌拾兩值此兵

餉急缺不得不

請雷為大兵糗糒之需此外尚多不足之數容臣等

再行酌處或議借雷另

報仰乞

皇上俯念

湯沐重地用兵重務將前項各銀聽該部議覆俱准

平播全書

充湖楚餉兵之用一俟播平之日仍照

舊額盡數解京伏候

聖裁

一調募兵士竊照楚地承平日久武備素

弛即各衛所額設軍兵僅足戍守城池

及江湖各哨兵役止堪防守汛地若使

披堅執銳以抗大敵無異驅羣羊而攻

猛虎矣近臣化龍會

題湖廣設兵肆萬餘名此非貔貅之士勇悍習戰

者不可用也查得上荆南守巡道報有
施州衛散毛容美等土司各土兵宜調
用壹萬名湖北守巡兵道報有保靖司
麻陽等土兵宜調用壹萬名又辰沅兵
道報有見調鎮筸營鎮溪所及沅靖等
兵各哨殺手見調守禦徧鎮者併召募
民兵共壹萬名應天鳳陽等處京營淮
陽等南兵壹萬肆千名通共肆萬有奇
俱堪調遣但臣查得施州衛散毛等司

抄全書

承

土兵未議之前先已調取就近入川分
布沿彭防禦難以撤移應天淮陽等處
南兵項亦該臣具題

請發近經科臣議及不知部覆果否允發此貳項既
難作實數則該省應發之兵尚少貳萬
應於該省鎮筸鎮溪武岡麻陽等處土
兵再調壹貳萬充足前數俱責令彼中
原管將領頭目嚴加約束齊赴沅州俱
候總兵官陳璘到彼督部分布聽臣傳

檄參省大兵刻期征剿仍令撫臣一面
調發合應題

請乞

勅該部再加申飭庶師出有名而三軍用命矣伏候
聖裁

一監督兵餉竊照全楚幅幘最廣距蜀道
里更遙取解一應兵糧非有專官監督
約法難於畫一况今議動大兵肆伍萬
齋糧參拾萬紀律不容不嚴衡量不容
不密其監軍督餉之重寄委任誠不可
不得其人也先該部院會議於川貴貳
省各

平播全書

四十八

請設監軍貳員又該臣化龍查得湖廣既設總兵集
兵參肆萬獨當東路一面之寄監軍尤
不可少隨查有分守上荆南道叅政胡
桂芳才識超羣且資俸已深應量加按
察使職銜令監軍旅之事尚少壹員又
以湖北兵備道副使王應霖兼之業經

具

題訖今撫臣支可大會議以分巡荆西道右叅議

兼按察司僉事魏養蒙監攝兵務分守

湖北道右叅政詹啓東督理糧餉各加

銜管事緣貳官一則謀猷諳練一則精

敏端嚴委之各務俱稱其任第臣前委

者乃胡桂芳王應霖而撫臣今委者則

魏養蒙也各官才品俱屬相應止因彼

時見報魏養蒙方於四川推用故不議

及今照該省距播邈遠止一監軍往來

計畫實難應酬兵備自有信地帶管不

專亦為不便似宜仍設貳員壹隨撫臣

贊理機務壹與總兵陳璘隨營運籌即

將胡桂芳魏養蒙各任監軍則分任既

定事功可集矣其王應霖行令止任兵

備事務免妨職業相應題

請乞

勅吏兵貳部再加查議合無將胡桂芳與魏養蒙俱

聖裁

准監軍詹啓東督餉候平播有功一併
優敘如有疎曠不職仍聽據實叅處庶
事有專責而兵糧不致匱缺矣伏候

一薦用將領竊惟楚故用武之地謀臣猛

將古不乏人而今未嘗求之不可謂下

無其材也况茲征播之師實係干城之

寄雖衛所江防武弁如林而素不習戰

奚可使之遽當一面乎臣等隨行各司

道多方諮訪所屬將領無論投閒廢棄

舉其謀勇兼資者今得參人馬武昌衛

原任四川行都司僉書吳時喬材貌俱

雄韜鈴夙裕西蜀功多保障專閫力可

折衝原任薊鎮南兵遊擊柳邦奇學書

學劔乃武乃文氣凌貔虎千羣胃臧甲

兵數萬襄陽衛原任四川遊擊王一桂

虎視英標鷹揚偉略履戎行如飛電譚

孫吳若懸河以上參臣或以病歸或以

孫吳若懸河以上參臣或以病歸或以

過稟然皆已試將材為衆推數可復置

之行間以應登壇之選者也乞

勅兵部再加查議如果其材可用合無將吳時喬柳

邦奇王一桂各以原官責令提兵振旅

分布沅州偏鎮等處俱聽總兵陳璘督

部進戰俟平播功成分別敕用則分間

得人而敵愾有賴也伏候

聖裁奉

聖旨兵部知道本部覆奉

平播全書

卷二

五十二

聖旨俱依擬行

互調州官疏

題為遵

旨更調州官以安地方以濟時艱事准兵部咨該本

部覆奉

聖旨司道官凡係用兵處所的吏部就近更調有才

略諳機宜的去府縣官許該撫按於本省內揀選

調用欽此該臣已將本省府州縣有司官員第其

才品查照資俸會同前任巡按御史趙標逐一

擬定地方更調具

平播全書

卷二

五十二

題去後近又查得重慶府所屬涪州乃川東水

交衝之地而播賊出沒之區也目今屯糧積草

治兵繕器安內攘外百務交叢此非尋常才調

可以勝其任者該州知州陳良模向當初至頗

亦覺其不宜於繁劇尚意其久之儻或練習尚

堪器使乃今既數月矣酬應頗遲事務漸廢即

買米運糧種種皆無成效久之恐誤軍興於地

方不便於本官尤不便蓋本官者平易近民安

靜不擾若用之簡僻無事之邦不失為清淨寧

一之治惟此時此地大不宜耳及查得巴州知州陳敬表賦才爽朗莅事精勤巴州僻地未盡所長用之涪州乃為相稱應與陳良模互相更調為便該臣會同巡按四川監察御史崔景榮議照貳官者一則地浮於人一則人浮於地仍舊則敬表有驥足不展之嗟而良模有綆短汲深之患互調則巴州享和平安靜之福而涪州無廢墜叢脞之憂除已行令貳臣更換到任管事外合行具

題伏乞

勅下吏部照擬上

請行臣等遵奉施行庶繁簡得宜安攘有賴矣緣係

遵

旨更調州官以安地方以濟時艱事理未敢擅便為

此具本專差承差鄧一安齋捧謹題請

旨奉

聖旨吏部知道本部覆奉

聖旨是

擒獲奸細疏

題為將官陸續擒獲姦細斬獲助播小苗類敘

奏報以作士氣以消姦黨事案查萬曆貳拾柒年

陸月拾捌日據防守黃平叅將劉效節呈黃平

所把總李朝陽等領兵於本所軍人陳旺家擊

獲陳守邦吐稱王表係邦姐夫舉家般投播州

楊應龍將王表安於養鷹局住坐至貳拾柒年

叁月內差王表來黃平探聽消息表又同黃平

司叛投播民吳志俸等在肆牌謝朝俸處借苗

兵叁百名於浪洞平溪等處燒劫七寨閩肆月

初叁日半夜表帶刀弩箭筒至黃平岳母唐氏

家歇宿說楊應龍差來探聽黃平官兵虛實初

肆日到陳旺家藏躲被官兵於牛圈內搜獲將

王表監候等因本月貳拾玖日又據平越衛申

報本衛管下水洞夷頭阿亮等稟報本年伍月

內有飛練殺官反頭盧阿反與我大架寨相殺

阿亮將盧阿反射著重傷貳箭未死又殺他大

老虎阿寅等小軍陸拾餘人等因捌月初肆日

又據防守偏橋原任清鎮守備今聽勘吏良將
稟據偏橋衛報本年柒月拾玖日被白泥司土
舍楊通定楊七等統領黃岑等寨數百攻圍本
屯捉虜男婦有鄉黨心老劉念還等稟稱前賊
必往梭洞過河回寨乞發兵堵截卑職親統練
兵把總葉正賜曹仁佐哨官羅國器石萬龍葉
占春武生王嘉賓等帶兵伏捕至貳拾貳日早
果有多苗牽牛擔担至梭洞經過截殺拒敵就
陣斬獲首級貳顆奪獲牛壹隻刀弩等件天已
平播書 卷三十一 李智

論令來黃平探聽軍兵多少回話又稱楊應龍
打破綦江廢了此兵水泮死此今要來打黃平
心堡割了田禾然後打城又撥朱老二來幫謝
朝俸今被兵楊再東擊獲審據楊再東稱老冬
原虜再東在肆牌後再東偷走回黃平今遇老
冬來黃平探聽在街撞認擊獲等因本月貳拾
貳日該臣訪得貴州省城居住舍餘吳塑父子
交通播州牌行都布按三司擊獲會問得犯人
張五十係貴州前衛舍餘招稱五十先年不守
本分慣住夷寨買賣就不合故違雲貴等處但
有漢人交結夷人互相買賣惹釀貽害地方者
問發邊衛充軍事例卽潛住播州投見楊應龍
有貴州衛未獲舍餘吳塑卽吳應舉與已獲男
吳二弟吳三兒各習塑神像張五十引去播州
見楊應龍母令塑羅漢觀音等神像去久未回
至貳拾柒年肆月內吳應舉令吳二弟吳三兒
回家看視捌月初壹日吳二弟與吳三兒因爭
分祖遺弓張互攘吳二弟罵吳三兒不知係將

父殺在何處吳三兒回說你同去如何說我彼此攘罵致將通播事情傳聞貴州士民恐吳翌將來為內應投揭撫院捌月貳拾貳日蒙行三司拏獲五十與吳二弟等到官發貴陽府引例問擬五十與吳二弟吳三兒各免徒發邊衛永遠充軍發遣吳二弟監故張五十吳三兒仍監候玖月初陸日據右阡府經歷陳廷範申據葛彰司生員安啟於玖月貳拾捌日拏獲肆牌夷犯李貴到職審得本犯係播州琵琶坪住

人本年同李信并苗頭石勝鳳石富父子逆黨宋東等到葛彰司將三渡落田等屯軍民財畜盡行劫去被害良民楊再禮等識認是李貴兄弟後因外兵四集李貴等將男奔出外境被楊再禮等拏獲申報等因玖月貳拾玖日據叅將劉效節呈把總王嘉賓於梭洞要隘把截本月貳拾壹日有九股兇苗數百入播經過本洞地方帶兵對敵斬獲苗級貳顆驗明等因拾月初壹日據帶管都清兵巡驛傳道副使尤錫類呈

據偏橋衛呈據楓香小水等屯軍餘謝義高等稟稱玖月貳拾貳日被白泥司土惡楊七等統兵攻圍各屯殺死軍人李珠等肆名捉虜軍人鄺廷臣等家財牛隻當有鄰近侯家屯舍餘侯世元等督率鄉兵救護陣斬苗級壹顆等因本月拾貳日又據分守新鎮道右叅議梁銓呈據防守清平重安江把總楊國宏於本月初叁日午時被苗賊衝突劫殺督兵斬獲苗級貳顆生擒壹名阿利連人呈解等因拾月拾陸日又據

叅將劉效節呈據黃平安撫司土同知楊位呈據目把劉桂等報稱拾月初陸日播惡楊應龍總管楊三楊七統賊數百燒燬白株等寨桂等同把總薛瑞分兵截殺斬獲賊級貳顆鞍馬貳匹槍氈等項奪回被傷男婦叁拾餘口等因轉呈拾月貳拾柒日又據叅將劉效節呈據黃平把總李朝陽等拏獲姦細郭天祿郭天俸隨帶兵書該職會同通判王三策審得郭天祿郭天俸稱係浙江衢州府龍游縣人一向常住播州

熟識與楊七交好今年貳月內楊七差江西人
徐伏五前來同往京回欲進播州先令徐伏五
回播聽接天祿拾月拾玖日由白泥進播經過
濫橋被兵盤獲審天祿稱我平生智大善用諸
法陣戰遊街黃平土城何足為懼我將比門河
水湧逼架起雲梯雲車火器頃刻見功若放我
將楊應龍容易誘出又檢行李內有天文地理
圖貳張通天竅壹本古風壹本火器攻城書壹
本羅經壹箇軒轅小鏡壹箇虎鈴摘要天機統
會集壹本五經標題書壹本觀象玩占書壹本
紫微垣經壹本

平播全書

卷二

五十九

大明一統紀要敘貳本楊應龍給發刊印細字程途
壹條大小圖書叁面雕刀紬衣等項入賊併連
解審等因拾壹月初肆日又據叅將劉效節呈
據防守梭洞哨把總王嘉賓東坡哨把總蔣奇
功帶兵伏監拏獲苗賊阿寶呵桑老二供係叛
酋楊七管下黎山新寨苗人因肆牌夏金虎領
我苗種壹百送老苗壹千回九股行至釘靴冲

平播全書

卷二

六十

不想官兵截倒殺傷苗人我參入迷路連夜奔
到營邊拏獲等情連箭弩刀綿被一併連人解
審等因本月初陸日又據叅將劉效節呈據黃
平所掌印千戶褚綬呈據夷頭阿保等把截草
塘要路拾月貳拾柒日播州叛苗謝朝俸帶兵
叁百餘人殺虜平越松坪堡虜去男婦壹拾肆
口家財等物本堡軍人王張生等來報保兵追
截敵殺斬獲首級貳顆奪回被虜男婦壹拾叁
名口當交原主止虜去壹口殺傷彼兵叁拾餘
人我兵亦傷貳人等因呈詳到臣等陸續行
司道將已斬級者驗實懸示已獲審明者牢固
監候各將官兵量行獎賞外案照先該臣訪得
播賊因見川省設兵有備無能竊發乃以目把
奸徒裝扮漢人出入黃平偏橋一帶或招苗劫
掠為害或打探遠近情形亦有內地軍民利首
金帛所引或潛踪影跡與人走透消息甚至以
違禁硝磺鹽布等件攜入為奸者牌行貴州按
察司并守巡兵備等道及轉行將領等官各將

鄰播一帶要隘地方嚴加把截盤詰奸細如遇
播苗出沒併力擒斬有功員役先行犒賞事完
優敘設或怠玩從重究處各等因節次申飭去
後今據前因該臣謹會同巡撫貴州兼督理湖
北川東等處地方軍務都察院右副都御史郭
子章議照賊自綦江之役不敢復入四川獨以
貴州兵力單弱故姦細往往出沒其間乃貴州
地方擊獲姦細共柒起多在黃平平越之間是
賊所垂涎者意可知已而郭天俸兄弟以異省
亡命不遠數千里來助叛黨所攜諸書盡皆兵
家詭秘之冊則姦細之魁者幸而見獲姦謀稍
阻今已審明相應與馬良貴王表杜老冬李貴
阿利阿保阿喪老二張五十吳三兒等分別情
罪或斬或戍以消姦黨者也斬獲小苗功雖不
多然自飛練喪敗之後我軍氣不揚而賊氣日
驕九股黃岑察騰肆牌柴牌諸苗助播為虐往
來充斥於偏橋黃平之區如入無人之境莫敢
誰何自阿亮射中盧阿反雖未即死而魄已奪

此後播苗新得賊起黃平侯家七重安江草塘
斬獲起兵氣稍振故阿亮保等與史良將李
朝陽王嘉賓等相應加賞以作士氣者也夫細
作甚微苗功甚小臣等非不知瑣瑣者不足以
濟
天聽而必為之敘報者功無微而不錄則人知建功
者必不遺而益勸於巨賊無細而不誅則人知
助惡者必不
赦而漸散其黨未必非鼓舞人心之一助也伏乞
皇上勅下兵部覆議行臣等將郭天祿杜老冬等明
正典刑張五十吳二弟等遠戍邊方將阿亮阿
保史良將李朝陽王嘉賓等分別獎賞庶刑賞
既明士卒益奮矣緣係將官陸續擒獲姦細斬
獲助播小苗類敘
奏報以作士氣以消姦黨事理未敢擅便為此具
本專差承差鄧一安齎捧謹題請
旨奉
兵部知道本部覆奉

聖旨是

聖旨全書

卷三

五

議處貴竹儒將借給餉金疏

題為播賊狂逞未已貴竹物力難支伏乞

聖明處儒將給餉金並議責成分任以振軍威以圖

全勝事萬曆貳拾柒年拾壹月拾壹日據原任

鎮守四川總兵官劉綎呈據領兵防守南川原

任遊擊王之翰報據把總劉添忠等探得楊應

龍見在黔兵參日令各帶米參升火把參來欲

出犯境至初伍日夜壹更時分酋果發兵貳萬

割在地名官壩與南川綦江相連盡將連界人

民房屋燒燬其東鄉兩山人戶見勢重大黃夜

般逃一空又有逃出播民府七米與東鄉邊勇

范王正報說楊酋自領萬兵欲出婺川真州如

婺真有兵必是來攻南川拾伍日又據江津縣

申據棋盤三教等堡黨正磨袁唐報稱探得楊

應龍令目把楊禎等領兵萬餘於地名丁山壩

割守離棋盤等堡肆拾餘里不知出何地方又

據哨探王時益報稱酋令提調何廷順領兵壹

萬割守扶歡寨又據塘報官朱自強稱據播州

平播全書

卷三

十四

逃難人王時探得楊酋發牌壹張內稱為出巡
事往因讎奴誣害捏聳妄奏至設防守豈肯甘
心本司的於本月拾玖日點選拾叁種苗兵百
萬出外清理疆土各立界限牌仰丁山小溪等
里提調坐寨周承榮等即將各里頭目苗兵操
練聽候調用儻有阻撓尋一對頭牌至松坎驛
繳抄報前來貳拾叁日又據塘報官岳鳳鳴報
稱楊應龍差心腹頭目傳諭各邊夷目叫他各
人面降心違待大兵擁於深巢督起部兵近貴
者即劫貴州近湖者即劫湖廣近川者即劫四
川各所運之糧仍令四面羣起攻打州縣本身
自敵劉總兵弟男分拒貴湖永寧要路又稱近
日南川酋創之兵俱是木人空營夜間令人放
火白日無兵貳拾肆日又據本官報稱探得永
寧宣撫司長官王克王甫松等領兵防守本撫
連界播地三鍋莊栢楊坪本月初叁日播目楊
丑兒領兵壹船拾伍隻前來偷路攻打鄰衛也
堡王克等率兵截路斬獲首級陸穎箭傷漂流

河水者不計其數四路追趕已入播界貳拾捌
日又據監軍道并總兵劉綎副總曹希彬各塘
報探得播賊分付目把不要離心待夷兵養就
銳氣一同衝出徑到重慶又稱賊見南川有官
兵要暗發兵叁肆萬到彼又連日發有綿絮槍
弩等件送在營中及分付官壩頭目暗地探聽
南川官兵創有幾營且不要與鬪待看何如略
將些兵哄他起禍然後纔動手叫新官出真州
千歲出官壩齊攻南川方往別處同日又據總
兵官劉綎呈據防禦合江副總兵曹希彬揭據
塘報劉慶報稱前去播屬龍門里長官袁年處
探得袁年差人赴楊應龍處所聞說應龍分付
各領兵頭目說你等不可離間心腸前日毀了
綦江此是你等之意若
朝廷征我我就為首你等為從又豈饒過你每不
要亂聽外司愚惑可將部下夷兵養就殺些官
兵使各路把守漢土官兵俱各退散等
朝廷再起人馬復來征我又有肆伍年那時別尋

道路拾貳月初陸日又據貴州布政司呈據防
禦黃平指揮徐登階稟稱拾壹月拾玖日未時
探兵李孝報稱播兵數萬由白泥出小大章創
營至申時又據夷頭阿保等報播兵伍萬由構
皮灘過渡出苦菜坪到白泥創下又據天邦兵
等報播苗在附近興隆臺坡創參大營捌小營
申時又發探馬伍隻來黃平大路長冲哨探有
大翁舖軍民驚慌般移等語查得各起稟報兵
情乃黃平四面隘路探報人役俱在本日本時
如出壹口且黃平在播苗夷巢之中防兵不過
伍千據報苗兵甚多恐衆寡不及事勢然眉伏
乞速令安疆臣遣兵由沙溪入播襲後庶興隆
黃平之急少緩同日又據按察司呈據興隆衛
東坡堡軍人李萬等飛報播兵數萬徑出後洞
圍殺白田乾溪水口黃眼等七燒虜人口房屋
卽今糾合峇山九股等處叛苗攻打興隆黃平
本月初柒日又據該衛報播賊統兵攻東坡爛
橋欲攻衛站隨執木刻上寫播州把總隆諭興

隆通衛官民吾今督兵數萬追尋叛逆行至東
坡被流徒集兵千餘截殺勢不得已定決雌雄
近查姦徒馮權張熹何以爵潛入興隆介等早
要發出以免刁兵如執迷不發親統大兵臨衛
玉石不分等語今播賊屯兵離城伍里日集添
兵上阻重安下拆偏橋黃平中攻興隆徑通九
股以爲大逆請將發兵救援初捌日又據巡上
東道并總兵官各呈據防守南川遊擊王之翰
報據塘報宋友向等報稱播州夷人猶朝與夷
頭喻應龍有隙朝遂糾合茶民趙黨等百拾餘
人偷打應龍寨分激動官壩何提調遂統馬軍
伍拾貳匹苗約貳千前來燒劫茶江民羅啟初
南川東鄉邊民方華山等數拾餘家爲應龍復
讎當得原差在彼塘報官兵聚集邊勇追趕放
炮各苗退散及查播惡猶朝與喻應龍有隙致
動苗兵殃及茶南居民且幸職發有塘報官兵
數拾往東鄉哨探得以聲援致苗兵驚退卽欲
提兵前去第恐張皇不免挑釁且苗兵懼怕已

經走向官勸去訖除整兵以備不虞外本月初
玖日又准貴州撫臣鄒元章咨據興隆衛申報
播兵攻圍東坡聲言攻打興隆黃平衛所又據
都清兵巡道并黃平所申呈俱同又據分守新
鎮道呈稱播賊將東坡等處攻殺各兵劄營於
拾里橋阻塞偏鎮音信不通乞發官兵應援等
因除調各衛所官兵及安疆臣擺兵前去救援
去後該本院看得貴州見在之兵已有貳萬玖
千零近調雲南兵柒千廣西兵壹萬湖廣永保
兵壹萬分駐各衛為遊兵而尚未至今東坡之
賊不退則楚黔之路不達京餉陸萬尚阻於辰
沅廣西福建貳拾萬之餉卽至亦不能入本院
意欲於川中借拾萬卽以福建拾萬金解補滇
中借銀拾萬卽以廣西拾萬金解補已經具
題外合行移咨檄行四川布政司將庫貯餉銀借
支拾萬兩差官解赴貴州濟用候咨福建軍門
轉行福建布政司將應解貴州餉銀拾萬兩徑
解四川布政司同日又據貴州按察司監軍按

察使楊寅秋呈據新添衛呈稱本月貳拾柒日
亥時蒙防禦平越蔡參將差兵魏萬一齋執飛
票稱播兵數萬攻陷王辭聲言往新添攻打屯
寨等因行衛加謹防範間隨據本衛那押夷民
報稱播兵數萬已將王辭燒劫盡空且王辭由
小路逼近新添叁拾餘里乞發擺兵數千把截
馬鬃嶺要路并賞千名防禦卑衛等情又據本
官稟稱賊之先發以疲我奔命犯黃平殘東坡
睥睨興隆城池總之欲糾拽九股生苗歸巢為
援耳近聞大營已撤止留小營拾數每營約柒
捌千名懼我兵之躡其後也梁參議同徐同知
於本月貳拾肆日已脫興隆出偏橋彼中雖未
有的報而都清書吏與梁少參同時出城來省
者其言則的若新添之報或是近苗割劫倣播
聲勢第有警何敢不報又據鎮守貴州總兵官
童元鎮稟稱職服役代後適值平頭報苗賊出
劫遂就近入銅仁暫為調度圖趨省會撫按司
道商確機宜各等因到臣該臣已將永寧獲功

長官王克等量加犒賞及屢經申飭川湖貴州
參省監軍守巡兵備等道各路領兵將領等官
并未寧土官奢世績水西宣慰安疆臣一體遵
照嚴加隄備多方偵探賊如入犯則相機截殺
設若不動則欽兵固守稍俟湖廣兩省兵糧畢
集進剿去後該臣看得賊自陸月間殘破茶江
以來興兵造逆已半年於今矣

皇上赫然震怒大發海內之兵責臣以征討之事臣
感激

恩遇勉竭庸駑日夜淬礪東向而圖之以土兵難以

全恃也故

請大發邊腹之兵以參省難以自給也故

請多頒內外之餉以招苗之路宜絕也故

請置偏橋之帥以黔省之力不足也故

請責全楚之供蓋

帝王之道出於萬全必俟物力齊兵將集萬全無害

然後一舉而撲滅之計少倏時月賊當無能自

脫者賊見此舉動亦知事在不疑顧困獸思鬪

尚冀一逞乃四川兵力已足自固故賊一犯未

寧而卒以北再窺南川而竟不進遂轉而之貴

州矣貴州為招苗之路賊所必由總兵舊者已

去新者未來兵力尚單衝突為易故信然狂逞

一以招苗為羽翼一以示武於遠邇遂致道路

不通士民震恐先據貴州司道連報賊勢披猖

臣計遠水近火不能相及今發川兵往援已遲

何況外省因一面行貳省鎮道嚴行備禦一面

行安疆臣奢世績發兵直搗其巢而貴州撫臣

亦發安氏省城防守之兵萬餘令王嘉猷將之

往援播州非水西之敵計當歛退近據監軍楊

寅秋所報賊勢似已少歛道路似已漸通除再

嚴督貳省鎮道督兵夾剿嚴查各處焚掠另行

奏報其外省兵惟河南貳千已到陝西各邊陸千

已先後入境尚有浙江雲南廣西兵業已數次

行催據該省撫臣劉元霖陳用賓楊芳各報已

經督發計當不日可至顧臣力之所能為止此

矣乃尚有所當

請者參則黔帥之當處也黔餉之當議也楚省當事諸臣宜戮力同心以襄大業而不當以緩急分爾我也夫沈尚文童元鎮皆黔中大帥也貴州總兵先年苗事急則當駐銅仁近年播事急則當駐偏橋臣等已於柒月間已

題貴州總兵移駐偏橋矣沈尚文雖經革任尚候代捌月有餘曾一步至偏橋乎乃童元鎮猶可異矣臣等續議湖廣總兵駐偏橋貴州總兵駐興隆平越今賊犯興隆矣童元鎮已到猶駐銅

平播全書

卷

七十五

第

仁托之乎有苗警卽有苗警豈復有大於興隆者而可以棄之不顧乎卽如今四川總兵不於重慶到任而尚之松潘托之虜警可乎不可乎當羣苗充斥之時居然避信地而他之不知元鎮誠何心也臣以爲貳將之罪惟均而元鎮以新總兵踵舊總兵避事之套尤足駭異似宜將尚文重處元鎮方在事若再革之無論目下無人可代彼與沈尚文先後釋重負而樂晝遊不啻登仙他人必有垂涎效尤者宜姑如臣原案

革其職充爲事官令竭力討賊若敢以被參爲詞稱疾杜門或異悞不任卽容臣徑自提問擇壹裨將代之此不但爲元鎮壹人亦以警後此而效尤者所謂懦帥宜處者此也年來用兵西事至費銀貳參百萬東事至費銀伍陸百萬今播事不下於東西貳賊也臣僅以百萬

請而貳部難之川貴止各發寺銀數萬尚未到湖未
有給馬貴州所發外省銀肆拾萬在滇楚者貳
拾萬已成烏有閩廣有無亦未可知貴州撫臣
計無所出乃

平播全書

卷

七十四

第

請於川中借拾萬又指閩中之拾萬爲償臣明知川中非可借人之時顧事已至此剗肉補瘡何所復吝已行布政司措處陸續發解然計此而後兩省均受其敝矣川中卽可派徵黔中何以措處卽部文曰參省通融然蜀之派僅拾貳萬楚之派僅貳拾餘萬此亦何堪通融乎黔中止以無餉故未敢多募兵今雲南廣西之兵且至數千里遠征土兵豈能枵腹而應敵乎不獨外患

且有內憂萬一脫中而呼慮不在賊矣事固有以小吝而成大費者臣竊懼之宜令戶部亟行議處必須闡廣貳拾萬俱為實數外更益以別省見銀壹貳拾萬庶可支持目前所謂黔餉當處者此也偏橋楚地也其軍食糧於楚其官支俸於楚貴州但遠制之耳故偏橋之備宜全屬楚夫楚止備偏橋則於其地置萬人不已足乎顧偏橋走全楚之道也偏橋不守則禍中於全楚矣故宜以全楚之力夾剿而後楚可長無後患臣所計該省集兵叁肆萬行剿乃代楚人自為計非令代貳省舉事也第見楚中各道若舍已而耘人者臣行備叁萬人多半年之食而止備米叁萬則叁月猶未足而尚未運至也臣行募調兵叁肆萬而尚不及其半且守偏橋者尚不及伍千臣不得已徑調永順兵壹萬保靖兵伍千及令招募鎮溪辰沅並調拾叁哨烏羅及伍司讎兵共湊叁萬以上亦不知能如額否即兵至亦不知食可常給否今川兵將足貴兵亦

漸有次第獨楚中之兵外調者既經科議以為不宜本省者又未能保其果否足數不日貳省兵齊待之則日費不貲舉事則一隅有缺當為全師之累矣且陳璘不日當至今之何以措手夫兵尚可以催督而來可以鼓舞而用惟本折糧餉非可以空言虛辭借者今內而該部稱乏外而該省稱苦已無望其助黔其何計以張楚臣初以皇上既倣臣以便宜即宜徑自多方催調何敢更有塵瀆乃數月以來外省兵且漸至惟楚中紙敝墨渝輪蹄交錯竟茫然無一實効臣為之食不甘味寢不安席日夜憂之計無所出不得不於共事者有厚望耳除臣一面嚴行催調及行撫臣多方措處必令無誤師期更乞天語叮嚀該省大小文武官員俾知叁省一體之義功罪惟均一切兵糧日夜催備務及師期無自取累庶可以制賊而無為賊所制則所謂戮力

同心以襄大業者也臣每念揚應龍以么麼小醜何足以辱斧鑕何足以當

天討惟是處置失宜遂流禍到今大抵不重發而喪功卽輕爲而取敗故今日舉事必期一舉蕩平之爲快又念重發者尚可徐補輕爲者急難復振故欲以萬全制之乃圖之半年而事尚有不如意者恐久之而老師費財卒有意外之虞則後之視今猶今視昔卽死何足塞責故敢據實極言之以希

聖明裁斷伏乞

勅下戶兵貳部亟行議覆行臣等遵奉施行庶計出萬全役不再舉則臣幸甚地方幸甚緣係播賊狂逞未已貴竹物力難支伏乞

聖明處懦將給餉金竝議責成分任以振軍威以圖全勝事理未敢擅便爲此具本專差奉差鄧一安齋捧謹題請

旨奉

聖旨戶兵二部作速看了來說欽此又該戶部覆奉

聖旨這兵餉急用俱依擬行各省撫按司道上緊催解以後不敷者總督遵照前旨於本省隣省便宜處置各官務要同心共濟依期滅賊如有抗違支吾的准令指名參來重治不饒欽此又該兵部覆奉

聖旨川貴督撫鎮道俱已近播彈壓惟湖廣兵將不齊餉又未備倘致失期巡撫豈逃其責但偏橋既設總兵大帥聚集楚地遼遠陵寢所在恐非巡撫一人顧管難周欽差一官前去督理監視事寧與總兵一併裁革令該部還會同吏部都察院議處來看童元鎮逗遛太久著戴罪管事能上緊殺賊卽與題覆若再推諉怯懦不必待他失事總督便遵照沈尚文例一面扭解送京一面另委賢將暫署請旨其副將以下不用命的卽以賜劍立斬狗衆毋令參差不整總督遵旨行毋得疑畏視爲虛文致悞事機罪有攸歸

播酋犯貴屯堡并催兵餉疏

題為播賊分道突犯全黔勢甚岌危懇乞

聖明嚴催兵餉以揀然眉事本年拾貳月拾捌日准

貴州撫臣郭子章會稟拾壹月貳拾玖日據新

添衛報稱本月貳拾捌日亥時蒙防守平越原

任叅將今克為事官蔡兆吉稟稱播兵數萬攻

陷王巖圍劄兵聲言往新添攻打圍寨該衛官

兵晝夜謹守城池隨據本衛所管喇亞夷民報

稱播兵萬餘已將王巖燒劫盡空且王巖逼近

本衛乞賜發兵應援等因同日又據帶管新鎮

按察司驛傳道副使尤錫類報稱據防守平越

為事官蔡兆吉駐鎮知州李珏稟稱平越衛劉

家堡民鄒應龍報稱見賊楊總管董提調郭提

調管領賊兵過雍水河稱要打我江山地方又

發掃帚壹把火燒木刻壹箇去播州趕兵掃土

快來等因同日又據監軍右叅議張存意報稱

據平越衛呈報本月貳拾柒日午時據管理王

解把總安榮報稱突被播賊數萬肆路攻打本

解榮當統苗向敵賊勢重大難敵被賊攻破頭

寨殺死寨苗男婦不計其數放火大燒倉房衆

苗擁榮奮死奪回屢據偵探人役報稱播苗數

萬過河屯劄各處聲息攻城乞賜添兵策應等

因本月叁拾日據清平縣知縣劉啟周稟據凱

里楊燧報稱野洞米寨苗俱要反出由狗窩攻

打清平城等情又據趙崇報稱米洞等苗已攻

打狴獍欲與米寨由草塘司入楊老攻打平越

清平俱有定約伏乞憫念孤城添兵防禦等因

拾貳月初貳日據防守黃平叅將劉劼節及通

判王三策指揮徐登階報據防守得勝關百戶

薛應時稟稱拾壹月貳拾伍日被播賊楊七楊

總管統兵前來翁崖高漆劄營聲言我今日來

報信我主楊太爺已經令各處搭完浮橋大兵

的於貳拾柒日來攻徐平溪浪洞黃平與東

坡黃蓮柳塘等處我兵在此劄營只等大兵肆

路齊到夾攻卑職分兵肆路哨探播兵日夜經

過不絕播酋詭計甚多請乞加兵各處隘口把

截事在然眉等因本月初肆日又據清鎮守備王之棟并備橋衛指揮許繼祖揭報播賊於拾壹月貳拾貳日猖狂擁衆劄營於備橋城南官道水井坡離城伍里大勢圍城我兵固守城外劄營對壘壹日我兵傷賊馬兵奪獲綿被貳床各賊方退臺蠟原營去訖查得內有陣亡漢兵湯法等朱名土兵高元等朱名虜去漢兵壹名羅仲重傷兵母成宗等叁名其節次申報事俱經繳回又差兵由小路遞送被其截路草塘黃母徐姚爛橋一帶等哨堡軍兵四散人煙盡絕本衛漢土官兵叁千有零謹守城池賊勢重大不敢輕出等因本月初陸日又據湖廣辰沅兵備副使王應霖報同前因同日又據鎮遠衛揭報拾壹月拾捌日准本衛巡捕指揮何天寵關稱本衛軍餘郭正朝走報本日天明時分被播夷約有伍陸千餘將本衛許花屯中屯周旗屯窩底屯一帶地方盡劫一空虜去男婦李賢火孫等數拾等情各稟報等因本月初玖日又據

布政司帶管分守思仁道左樂政郭廷良呈拾壹月叁拾日據管思石守備事都司楊惟中報據坐鎮指揮胡效忠報稱肆拾捌屯軍餘黎廷恩等連夜前來報稱播賊何漢良住劄馬渡起朱頭苗兵點齊於貳拾捌日劄營三跳威逼恩等講取思石婺川龍泉地方今已知朝廷旨意先是進剿今又是剿了來說到此田地左右是死不壞也是壞了四川水西蘭州白泥黃平已分兵敵殺休龍泉思石婺川若不先下手剿蕩將來大兵容易入境此番定然是實等情到職及查見今備橋興隆被賊劄營接取九股生苗裹應外合等因同日又據監軍參議張存意呈報本月初陸日據興隆衛呈據鄉導陳八報據臺蠟寨苗老九傳出播州把事木刻說是本衛詐哄連和我大兵已齊不日攻圍備橋黃平徐興隆既要免禍可備銀貳千兩退兵待我打了備橋黃平各兵見於梭洞立營劄兵數萬勢要攻圍城池禍在然眉萬分緊急除調官

兵分布林援其殺傷官兵及失事員役查覈另題外等因移會到臣該臣會同巡撫貴州兼督理湖北川東等處地方提督軍務都察院右副都御史郭子章巡按貴州監察御史宋興祖看得播酋楊應龍逆節滔天自分罪在不宥又計黔中衛所郡縣數千里而遙所在單弱漢土官兵分布城守不足抗禦乃糾搜生苗分道突犯先梗塞餉道次偪攻城池為先發制人之計初據興隆偏橋貳衛報稱攻破東坡爛橋等處殺虜軍民慘毒異常今則鎮遠衛告殺虜許花也堡矣平越新添告王辭因被據矣黃平告楊七統兵翁崖矣龍泉告何漢良劄兵三跳矣在在皆賊處處告急楚兵參萬滇粵永保之兵參萬聲息至今杳然辰沅道兵備副使王應霖尚在沅州總兵董元鎮交代壹月仍駐銅仁俱未投足到偏橋興隆叅將陳寅婺川叅將王鳴鶴俱泄泄未知進止何在貴之阨危甚於累卵其危急者偏橋興隆之間東坡爛橋重安處實為楚

黔之交會滇貴之咽喉此地一為賊據則楚不得入黔滇不得出楚匪獨無黔且并無滇此必爭必守之地非大集勁兵勢必不守臣等會議得東坡爛橋重安三處每處當設重兵一萬共三萬庶幾道路可通咽喉不塞而後可以議及大舉先是臣化龍慮及黔省兵少力單已調廣兵一萬滇兵八千協同戰守滇兵已報入境廣兵尚未即至今據前因又已一面令行多方招募防守顧此三萬之兵又在原議兵數之外先所議餉纔三十萬而借之各省若有若無據臣子章所報實到黔中者尚不及數萬此亦何怪其兵力之單弱也先是臣子章借銀谷到臣化龍當日行四川布政司即以十萬解發復行湖廣以十萬解發以濟目前蓋二省該部議徵派通融支用者故臣亦通融處之然二省之協助力止此矣若聞廣之銀不繼異日主客兵集費且不貲將何計為之通融乎據撫臣所議乞勅下兵部急催楚兵三萬以裨偏橋思石一帶催滇

粵永保兵卒萬以林興黃貴陽一帶容臣等再
募兵卒萬分屯東坡爛橋重安處以固要害
而通喉舌顧臣以為募兵則撫臣之力所可為
也調兵催兵則臣化龍之力所可為也臣已四
出遣使十道徵兵計當目下可至顧臣不慮無
兵慮無餉耳不慮目前之餉慮兵集之後事不
結餉不繼慮且不可為耳至於參省將領除總
兵尚先後可到其偏裨如陳寅王鳴鶴藍方威
金秉鉞諸人無影響臣亦無處查作何

急何以濟事統應具

題伏乞

皇上勅下戶部嚴催各省餉銀並乞

勅下兵部嚴催各處兵將俱令及時速至但得目下
兵將齊糧餉足臣獎帥三軍躬行掃蕩彈丸小
寇必不令久違

天誅不然彼方東衝西突我且掣衿露肘守且不固
戰於何有且不知事之所終矣臣等無任激切
待

命之至緣係播賊分道突犯全黔勢甚岌危懇乞

聖明嚴催兵餉以林然眉事理未敢擅便為此具本

專差承差郭榮祖齋捧謹題請

旨奉

聖旨該部知道

平播書

卷二

全

給由疏

奏為給由事竊照臣見年肆拾柒歲直隸大名府

開州長垣縣人由進士萬曆貳年捌月內除授

河南河南府嵩縣知縣捌年拾月內陞南京工

部屯田司主事拾年柒月內陞本部營繕司郎

中本年拾月內調吏部驗封司郎中拾肆年陸

月內陞河南按察司提學僉事拾陸年拾貳月

內陞布政司左叅議拾捌年伍月內陞山東按

察司提學副使貳拾年拾月內陞河南布

平播金書

卷

七

右叅政本年拾貳月內陞太僕寺少卿

年肆月內陞通政司右通政本年伍月內准

部咨為缺官事該本部等衙門會題奉

聖旨李化龍陞都察院右僉都御史巡撫遼東地方

兼贊理軍務寫勅與他欽此備咨到臣除臣欽遵

於本年陸月貳拾玖日前往遼東地方到任管

事外貳拾叁年貳月拾玖日為虜衆入犯主將

督兵奮剿大收奇捷事因貳拾貳年拾月內虜

犯鎮武堡斬獲捷功奪獲駝馬夷器等件往吏

部咨該兵部題奉

欽依陞兵部右侍郎陸壹子錦衣衛正千戶世襲照

新銜給與應得

誥命賞銀捌拾兩大紅紵絲肆表裏照舊管事貳拾

叁年玖月內為主將出塞搗巢獲捷乞

賜勅錄以昭激勸事因本年正月內十方寺堡境外

斬獲功次該兵部題奉

欽依陞俸貳級賞銀伍拾兩大紅紵絲肆表裏欽

俱經欽遵訖貳拾伍年肆月內為虜勢漸

邊可慮伏乞議處久病撫臣以伐任謀以

地事該吏部題奉

欽依回籍調理臣欽遵於本年伍月拾柒日與新任

巡撫都御史張思忠交代回籍訖貳拾伍年陸

月內為虜衆內附邊患稍寧乞及時大脩邊政

以永圖治安事因巡按御史李思孝閱視

奏報本鎮脩守效勞該兵部題奉

欽依李化龍賞銀肆拾兩紵絲肆表裏欽此亦欽遵

訖貳拾柒年叁月貳拾捌日准吏部咨為欽奉

聖旨事該本部等衙門會題奉

聖旨李化龍著以原官起改總督川湖貴州軍務兼

理糧餉巡撫四川地方寫勅與他欽此備咨到臣

除臣欽遵於本年伍月貳拾捌日到任管事訖

及照臣於萬曆貳拾貳年伍月內陞右僉都御

史巡撫遼東本年陸月內到任管事不計外自

貳拾叁年貳月拾玖日陞兵部右侍郎至貳拾

伍年伍月拾柒日又貳拾柒年叁月內起補

職自本年伍月貳拾捌日到任起

年正月貳拾捌日止通前連開實歷肆叁

箇月叁年已滿臣係在京正叁品官員例應

部給由緣奉

勅總督前項地方見在興師征剿播賊擅難離任如

蒙乞

勅吏部查例上

請定奪緣係給由事理未敢擅便為此具本專差承

差徐讓齋捧謹具奏

開伏候

初旨奉

聖旨吏部知道本部覆奉

聖旨李化龍著陞都察院右都御史照舊總督

卷之二終

平播全書卷之三目錄

奏議

初報捷音疏

議留總兵劉綎疏

地方災異疏

查崇失守龍泉司官疏

報進兵日期疏

二報捷音疏

合江客兵交關疏

三報捷音疏

崇楚省剿苗失律疏

保留方面官員疏

崇黔路得關復失將官疏

請停慘活疏

贈錄戰將疏

辭陞疏

糾參庸狡文武官疏

糾劾有司疏

目錄終

平播全書卷之三

奏議

初報捷音疏

題為防兵鵬剿屢挫賊鋒恭報捷音以慰

聖懷事萬曆貳拾捌年正月拾捌日據川東監軍道

崇政張棟原任鎮守四川總兵官劉綎防守南

川分守松潘副總兵周國柱原任遊擊王之翰

呈據西陽宣撫司宣撫冉御龍申奉臣憲牌節

據塘報差人探得播賊於拾壹月初伍日發兵

貳萬創在地名官欄與南川崇正相連將邊界

人民房屋燒燬其東鄉兩山今戶見勢重尖黃

夜般逃一空又稱播賊自領萬兵欲出發川真

州必來攻南川等情看得逆賊親統大兵為謀

甚狡牌仰冉御龍督率部下目把土兵人等於

南川郭外登高拒險枕戈以待如遇賊來相機

撲滅前後夾攻固不可容賊衝入亦不宜為賊

深誘奉此隨詠冉御龍一面分布土兵把守隘

路外又於正月拾叁日蒙總督院部監軍道并

南川路並紀官高推官明文照得播苗逆

天大兵進剿師期在邇乃酋黨郭俊何廷順等暨不

畏死糾聚苗衆尚據寨于山等處肆行劫掠法

應相機翦除以開平定之勳實惟今日時不可

失牌仰該司卽照牌內事理施行蒙此該卑職

親統部下苗蠻夷兵并祀總冉大周等於本日

申時直至地名乾壩乾溪口偵探情形撞遇苗

賊叁百餘人前來哨路我兵截殺一陣賊遂奔

敗乘勝追趕賊據官壩險圍時已拾肆日辰時

賊知我兵逼近堅壘拒敵梭杆礮石如雨勢難

仰戰遂將兵分拾股四面夾攻又用奇兵壹枝

自後衝殺各賊首尾不顧我兵前後奮勇斬關

直上賊衆潰散跌崖死者無算當陣斬獲首級

叁百零叁顆生擒拾餘名內卑職當陣親斬大

功壹顆審據生擒犯苗阿保驗係應龍叔會稱

呼楊老祖部下衝鋒目把許朝用等擒斬功級

內樹顆驗係天家管苗楊把事犯曉幸把事木

佬苗長子把事雷把事藍把事又楊把事苗頭

阿番李保屬官楊正生部斬肆顆報効生員冉

維嵩親斬壹顆部斬叁顆冉必和親斬壹顆部

斬貳顆俱願紀本司儒學作養保靖土司應襲

彭象乾親斬壹顆部斬壹顆內壹顆係張提調

男又生擒犯曉苗壹名阿保男婦僧人拾名口

奪獲皮盔甲伍拾件長刀捌拾把弩伍拾張箭

伍筒牛馬貳百伍拾貳隻陣傷兵叁拾名陣亡

貳名又把總冉大周當陣親斬祀關賊首壹顆

審據俘獲民婦王氏僧海壽認係何老祖首級

就身搜出何廷順爪探

天兵消息稟帖叁紙爲實親男冉良彝斬級壹顆審

據生擒黑佬認係賊黨郭老祖卽郭輝首級就

身搜出本賊爲明月山統制印牌貳紙爲實并

生擒犯佬壹名蔡亞三次男冉良範斬級壹顆

部斬陸顆以上俱願紀族兵冉大宗等共斬級

肆拾顆俘回婦女叁口奪獲盔甲拾壹件槍伍

根刀肆把馬貳匹被傷兵拾貳名等因到職隨

公同運餉劉通判周副總王遊擊於教場驗明

內有幼功貳顆削除外實正首級參百零壹顆
生擒男婦玖名口僧人壹名全活被虜婦女參
口奪獲馬參拾肆匹水蓄牛貳百貳拾頭皮甲
參拾貳領皮盔貳拾玖頂刀捌拾肆把弩伍拾
張箭伍筒槍伍根被傷兵肆拾貳名陣亡貳名
俱查驗明實除擒獲男婦與全活婦女并首級
等項聽該司徑自解驗合行呈報等因具報到
臣批行監軍道會同兵巡上川東道驗明照格
行賞外奏照先於正月初肆日據叅政張棟報
准總兵官劉綎報據副總兵周國柱遊擊王之
翰報據石砭宣撫司宣撫馬千乘申稱先奉臣
憲牌照得播賊猖亂警報不常本部院隄備之
約申飭之令已不啻再三再四矣今歲杪在邇
元旦屆臨誠恐將士燕樂酣飲賊反伺隙入寇昏
夜之間人不及甲馬不及鞍安能與之相角其
不取敗者幾希牌仰道鎮轉行到職務要此常
加嚴隄備賊如不動則斂兵固守設若入犯則
併力合攻候本部院約期大舉奉此遵依卽差

總管秦邦屏馬廷培馬邦田譚朝國等統領土
兵壹千伍百名前去分任信地鄧坎割營把截
以防入犯間忽於正月初貳日夜參更時分播
賊發兵不知其數前來衝劫比因昏夜遵守號
令堅壁固守不敢出關挨至天明酋兵益肆狂
逞逼近挑戰我兵只得奮勇一擊衝殺上寨攻
破金竹伏土葛泥青岡蒲榜山虎跳關等處斬
苗頭梁俊等貳拾柒級生擒苗頭梁本先梁廷
耀婁起國陳嘉付張曰旺等伍名乘妻秦氏報
効頭目馬忠領兵秦邦學等斬獲苗級參顆生
擒壯苗參名梁廷邦陳加榮方起用俘獲男婦
貳拾參名口奪獲苗刀槍弩參拾伍件邊勇范
文輝斬獲壯功壹顆餘賊奔逃輕重傷土兵童
春任興德何接陽張文遠邊勇陳嘉爵蔣正武
陸名等因具報到臣批行監軍道會同兵巡上
川東道驗明照格行賞外又於正月初陸日據
貴州布政司并監軍道叅議張存意駐鎮黃平
通判王三策各呈奉臣憲牌照得播賊糾合九

股生苗攻破東坡爛橋王解殺虜屯軍結聚不散似此情形勢必狂逞仰道會同總兵童元鎮或設法解散或用計勦剿務要驅逐歸巢驛路通達又奉貴州撫院紙牌照得逆苗雖已暫退而東坡兩山阻塞官路上下不通此必山中尚有屯聚者豈容坐視合行撥山擒剿行道備行叅將劉劬節添調防守黃平安順州把總張鶴狝鎮谿所土官指揮向世爵千百戶吳國輔孫之夔等帶領漢土官兵會期約於初拾日齊至

六十一

興隆東坡一帶官道將兩山屯劄苗賊夾攻擒剿賊級壹拾捌顆生擒惡苗玖名俘獲男婦叁拾柒名口鞍馬貳副鐵甲壹籠并器仗各賊奔進大江等處當差鄉導都保前去翁谷龍羅由成溪岑寨傳宣殺伐彼各寨苗頭金虎召倉傅亂等前來歸順諭令守東坡一帶道路姑饒不殺各苗承認擔保將牛壹拾貳隻以求退兵各職不敢深求收兵回衛防禦各等因轉報到臣除將有功員役應賞者分別獎賞應敘者聽候

併敘被傷軍兵量行優恤外該臣看得賊自破綦江以來彼方志得意滿肆張虛聲以恫喝外方而我亦轉餉集兵不動聲色以專候大舉蓋兩相持而莫為先發者久之乃至冬月行盡賊見臣移鎮入俞自知罪在不赦剿在必行狡焉有鴟張豕突之態以川中有備未敢長驅乃貴池尚虛輒恣信逞東坡爛橋已罹狂鋒龍婆思石日傳警報臣乃一面移文貴省撫鎮剿苗以清興黃之道集兵以厚龍婆之防一面催調施州衛平茶司各土兵及建越兵共萬有叁千自川入貴助為防守一面行沿邊防守土漢官兵相機勦剿以牽賊之勢而釋貴之圍乃無何而報捷者紛紜至矣貴州之斬獲雖不甚多然自是而生苗不復入播官道得以無阻我得專意行剿非小補也而川中南川之役初而斬級者叁拾破其金竹等寨寨繼而斬獲者叁百遂破其官壩大營雖兵力未齊未敢深入以成破竹之勢乃積弱之後初有此捷人始知賊無足畏

各有戰心賊亦知外兵漸強或可少戢其猖狂
勢矣是役也撫鎮司道籌畫多方漢土官兵感
激用命至南川貳捷皆惟官高折枝監督鼓舞
所由致然其功均有不可泯者但臣今方傳檄
參方會期夾剿大事未就曷敢先敘微功直以
逆賊半歲以來如火然水決居然有燎原焰天
之勢一旦駢首就戮如彼其多亦足以少寬
皇上西顧之懷而暫快海內念亂之志故不敢不
上

平撫全書

卷三

聞伏乞

勅下兵部俟事完之日統行議覆施行緣係防兵鵬

剿屢挫賊鋒恭報捷音以慰

聖懷事理未敢擅便為此具本專差承差楊照齋捧

謹題請

青奉

聖旨兵部知道

留總兵劉綎剿播疏

題為天討方張師期在邇乞留調用大將分路進
剿以便責成以收全勝事據原任四川鎮守總
兵今改提督南京大教場右軍都督府署都督
僉書劉綎呈稱云云等因隨該臣看得本官係
全蜀大將正當用兵之際新將未到例應候代
况本官雖以履任遷延有議然自受事以來綜
理一切戰守機宜頗盡心力即今大舉在邇相
應留用一面行令本官照舊任事一面牌行監

平撫全書

卷三

軍兵巡等道查議去後隨據川東監軍道叅政

張棟兵巡上川東道叅政張文耀呈稱照得原

任四川總兵劉綎提戈奮武家傳黃石之經櫛

兩沐風數歷青油之幕百戰東西南北滿腔勇

膽機謀猿臂請纓壯氣堪當一面虎頭食肉先

聲風震三巴頃潢池厯西顧之憂乃幕府報南

移之

命竊思臨敵易大將恐為兒戲棘門而便道擊樓蘭

更樹威名荒徼合無將本官以原官管地方軍

務仍令協同總兵官吳廣先

國後私同心共濟誓必翦此而後朝食相期釋甲

以事春農呈乞具

題等因到臣卷查近准兵部咨該臣

題為郡城偶值兵變旋已平定查叅文武臣工以

明法紀以圖安攘事又該巡按四川監察御史

趙標題為夷患方殷兵變忽作查叅貪險軍帥

并議文武臣工等事又該刑科右給事中陳維

春題為西蜀禍亂相仍人心怠弛可慮等事俱

經本部覆議合候

命下將劉綎改補南京右府僉書遺下員缺本部照

例會官推補等因奉

聖旨劉綎著改南京右軍都督府僉書員缺便令推

來用欽此除欽遵外今據前因該臣看得將兵者

期於戡定禍亂不嫌疵類將將者要在鼓舞豪

傑無妨顛倒綎將家子也其父顯稱時名將功

名著於蜀中綎結髮從戎屢經戰陣征播之役

特奉

專遣上以報

國下以承家綎所宜竭蹶而趨宜何如其急者而

遷延道路數月方來責以逗遛卽置之於理亦

不為過乃

陛下猶念其東征之勞榮以南遷之

命議者謂處之尚輕是矣顧綎武人也連年東征西

討動必及之若謂天下有變一日不可少此人

者遂矜而自功淹速自便於人情亦有之卽在

事諸臣亦以為似已不可使者維時臣亦薄之

直以吳廣未至例須留之候代乃自其候代以

後而人又多言其可用也以為可用者有二其

一謂綎父子久在蜀中即蜀人與播中人頗憚

其威名今當平播亦不可少其一謂綎未改南

以前其氣頗盈將驕卒惰兵家所忌必不可用

自改南以後懼失事機又懼蹈危機恐損功名

又恐犯議論乃悔前慮後冀一當逆酋而盡洗

生平之為快蓋前此使功今且使過皆不可少

也臣頗是其言此臣至渝見綎察其卒伍器械

頗多精利似留心者既進而與之深言論以留
用之意綖乃感激嗚咽謂半生驅馳頗效微勞
今不自意被不美之名以去誠得一當逆首願
食其肉寢其皮以聞執人言而少雪官謗死無
所恨臣乃知綖果可用也夫天下之將才多矣
亦何必綖顧綖有可用之才又有效用之志且
川省邊播分東南貳路得貳大將分管進兵成
功尤易則綖亦曷可不留顧臣又有說焉綖欲
效用而臣不留則臣負綖臣既已留綖而綖不
能為臣了播事則綖又負臣臣負綖猶可綖負
臣且令臣負

國此不可之大者也臣今與綖約如綖而一意滅
賊立有奇功臣不難從優議敘以酬勞動如綖
而止箕一當播事以塞人言模稜觀望因人成
事甚至為所不可為有如向來悠悠之議則其
負臣負

國也滋甚臣且暴白其罪請以

尚方從事綖即恨臣且甘之矣臣得便宜從事先

發後

聞已令綖管川東一路吳廣管川南一路會期進剿
輒敢以

聞伏乞

勅下兵部議覆允臣所

請將綖即令以新銜領兵剿播俟賊平之日聽令赴
任另行論功敘錄地方幸甚緣係

天討方張師期在邇乞留調用大將分路進剿以便
責成以收全勝事理未敢擅便為此具本專差

奉差楊照齋捧謹題請

旨

奉

聖旨兵部知道覆奉

聖旨劉綖屢經參論已著革任懲創既該總督說進
兵在邇分布已定一力保來姑准充為事官領兵
剿賊著他奮勇報效一體敘賞如再負恩驕縱誤
事重罪不饒

地方災異疏

題為災變異常人心洶懼懇乞

聖明急罷礦稅以蘇民生以回

天意事據威茂兵備道副使盧泮呈云云詎臣會同

巡按四川監察御史崔景榮議照天體無聲鳴

則為異地道主靜變則失常至於高山如流而

下趨平地無因而上湧則亘古以來所未有者

也蜀中三面皆夷不時內訌貳拾餘年來兵戈

擾攘未有息肩之日頃自播酋猖亂荼毒生靈

我

皇上竭海內之力興問罪之師臣等臨事而懼尚未

知底定之期而王壘蜀之望山乃至坍塌傾裂

遠近驚駭此皆臣等奉職無狀之所致也除臣

等痛加脩省以圖消弭外竊念事天以實不以

文若徒懷恐懼之心而不求援回之策無益也

天之視聽在於民若求之蒼蒼之表而忽此輦

輦之衆是欺天也臣請先言蜀民之苦而後為

之請命可乎夫蜀當疲敝之餘又經株木之役

既按丁以徵銀又照戶以編夫黥發之初不能

顧妻子之離散入山以後不能逃瘴厲之死亡

有司則經年在外或則凡百廢弛以致錢糧

逋負而無人包陪盜賊竊發而莫可究詰加以

瘟疫傳染十室九空是環蜀之民皮骨僅存而

膏血已盡矣目今征樁士馬約拾餘萬衆古稱

大軍所至荆棘生焉其苦不言可知至於般運

糧草東南派夫西壯貼銀蜀人即困累且死亦

須竭力為之頃又奉

明旨每糧壹石加派銀壹錢貳分矣夫蜀之孑遺止

有此數剝膚剜心重重不已人情洶洶業已萬

分難支又豈堪礦稅之擾乎蜀在萬山之中罕

通舟楫自兵興以來商旅不行各州縣派有額

數不得不取之牙行而牙行皆困窮饑餓之夫

日求升合以贍妻子而

朝廷又從而奪之以致物價踴貴民不聊生奈何

不相率而為盜此在無事之時然且不可而况

用兵之際乎至於山僻州縣民無貿易有欲派

丁糧者有欲稅間架者紛紛申詳臣亦計無所
 出此等舉動何可令播酋見耶礦洞雖有界在
 夷方彼番苗雜居之地原不知有法紀見今防
 守兵勇俱調征播諸夷乘虛遂至在肆頃據威
 茂道報稱孟董寨番入境殺人上川南道報稱
 土司馬應龍聲言入犯此其犬羊反側之變朝
 不保夕而我卻以開礦啓釁倘諸夷騷然而動
 與播酋相犄角則天下之大事去矣近據馬湖
 府報稱開礦肆月所費無限煎銀不及壹兩則
 礦利之微蓋自明甚又何必勞民傷財以作無
 益耶總計礦稅所得每年不過叁萬我
 皇上不惜數百萬金錢之費以剿播酋而卻以
 內帑叁萬之入歛怨而釀亂不亦舛乎夫礦稅之
 舉原為
 大工而
 大工之費以木為甚蜀人既竭其力以採木而又竭
 其力以辦礦稅無論疲民不堪而以天下之大
 勢論之亦甚不均矣况

天變相尋山流未息
 上天譴告之意若有所待何可視為泛常而莫之省
 憂耶伏望我
 皇上上體
 天心下恤民命急罷礦稅取回內臣庶乎民生稍蘇
 而
 天變可弭即播酋聞之亦將奪氣而酋之黨與聞之
 亦將曰
 朝廷專力征剿若此必有擒逆酋以自贖者矣緣
 係災變異常人心洶懼懇乞
 聖明急罷礦稅以蘇民生以回
 天意事理未敢擅便為此具本謹題請
 旨奉
 聖旨未下

查叅失守龍泉司官疏

題為播賊侵擾黔境攻陷土司查叅失事人員以肅軍政事萬曆貳拾捌年貳月初叁日據貴州右監軍道布政司右叅議兼按察司僉事張存意呈稱本年正月拾陸日據思南府申本月初陸日據防守本府煎茶溪關把總黃明儒報稱播酋楊應龍統率步兵陸萬馬兵參萬於初伍日殺破龍泉司本司駐鎮守備楊惟中帶兵先於拾貳月內將家眷送往本府附近鸚鵡溪避住諒司止有土官安民志兵伍百名在司今被殺虜告急會移石阡請發大將重兵庶得堵禦等因呈報到府初柒日據偵兵回稱龍泉司初伍日寅時播苗數萬擁至龍泉就將本司并鳳凰山營俱圍劄數層一湧進入已將土官安民志更目劉玉鑾緝虜去訖遺失本司印信楊守備於初肆日徑至鸚鵡溪潮底河下潛住本備今又帶兵復見住鸚鵡溪未回播兵尚劄龍泉附近地名魚跳不知何為等情據此查得楊惟

中失事潛入鸚鵡溪避劄本府聞知就於本日移會楊惟中帶兵回守龍泉立功以圖一創至初玖日惟中回稱龍泉切近播境深居虎穴逆酋近來狂逞勢焰愈猖本職部兵不滿貳千彼酋兵馬動稱數萬衆寡難支本年正月初肆日本備出謁分守道面議地方事宜行令把總李君寶協同土官安民志料理地方行至地名煎茶溪於初伍日辰時據報逆酋楊應龍督兵出犯龍泉本職星馳急回至地名沙灘分兵殺後堅持其千把總李君寶等督兵與賊對敵自卯至午彼兵勢衆約有數萬我兵寡少難支被賊在陣縛去土官安民志更目劉玉鑾死傷官兵查實另行呈報我兵殺死苗賊亦多急難割取首級彼酋稱言欲要長驅直入思南等語本備帶兵聚劄鸚鵡溪堵截虛實情詞希圖倖免據此查得本備標下官兵壹千捌百名俱係自行遴選召用糧餉按月徑自覈支此外又有滑潭永靖哨把總胡效忠標下月糧本府亦按月聽

支不缺其前被殺虜錫落馬頭綬陽等哨亦龍泉所轄隨該本府稟白帶管分守道郭叅政發把總丁文明兵伍百名黃明儒兵伍百貳員名又發陸希管兵叁百貳拾貳員名前去煎茶漢日頭崖等處相機接應去後至正月初伍日楊惟中一旦離遁遂使逆酋乘虛侵犯致失司印流禍至此今據各所報前情應合通報除行駐鎮石阡都司錢中選督兵前去應援及另文申請大兵外據此該本道看得龍泉乃思石貳府咽喉孤懸賊境士馬單弱自趙仕登授首以後逆酋揣知

天討難容輒敢乘虛衝突節該本道呈詳兩院行令添兵固守續奉本部院許發陝兵施兵俱一時不能齊集彼賊勢猖狂固非數千兵所能捍禦而鄰鎮隔越又非壹貳日所及救援者也及查副總兵陳良玘駐鎮偏橋壹月頗有調停守備楊惟中堅守龍泉貳年竝無失事但讀原奉恩議思石龍泉皆良玘應援之信地况當賊衆入

犯司治官印賴惟中協力以相保今據該府備報前來反復叅詳在陳良玘以急守偏橋為詞而屢催不去同舟共濟之義則踈在楊惟中以公出思南為解而懇留不允事不避難之忠未盡情若可原法難并貸等因呈詳到臣據此卷查先據帶管思仁道布政司左叅政郭廷良思石兵巡道副使路雲龍與石阡府并龍泉司土官安民志節報貳拾柒年拾貳月拾捌日播目何漢良朱敬等統領賊兵數萬一由錫落關將把總喻時興哨官刁榮賢楊廷貴與馬頭山把總李惶三俱各殺死虜去喻時興兵壹百伍拾名當斫死伍拾名餘壹百名用木靴穿繫一路由龍洞哨一路由穿礮哨一路由三跳哨緝去把總蕭才一郭明選并兵壹百貳拾名一由綬陽哨緝去把總舟文燦將永靖營大毛坪等各哨房盡行燒燬官兵殺傷大半及稱要攻龍泉思發等因到臣看得龍婆思南事勢已急彼中兵力不敷原議發調到陝西馬兵壹枝應援於

時陝兵方至馬力已疲計至彼中已不能戰徒損馬耳因急催原委雙流縣知縣鄧弘烈將所調湖廣施州衛土兵捌千盡發彼中由大田所黔水縣直趨婺川應援又恐兵未即來一面行總兵陳璘及偏橋副總兵陳良北發兵防守一面傳總兵監軍道行綦江南川一帶防兵突入播州地方鵬剿營寨以牽其內顧仍行該府縣文武官員竭力固守以待援兵去後貳拾捌年正月拾柒日又據思南府申據龍泉長官司應襲土舍安養極報稱本月初伍日逆酋楊應龍統兵數萬伍道竝出有叔土官安民志親領募兵伍百出戰因衆寡不敵追圍城內將司治竝印信民志圍困數匝緝去吏目劉王鑾竝妻媳子殺死訖一切殺虜俱不忍言等情看得播苗數萬已圍龍泉深入受水逼近本府止有叁拾餘里勢甚危急本府戍守之兵僅壹千餘名恐不能支施南兵捌千尚未見至且帶管守道業已上省而同知推官俱以公事他出惟本府壹

人誓與士民矢心共守未竟何狀又據守備楊惟中呈稱龍泉逼近播境部兵不滿貳千去年拾貳月拾捌日逆酋恃衆突出殺虜職下名色千把總肆員兵叁拾餘人至今年正月初肆日平職循例出謁郭叅政面議地方事宜行令把總李君寶協同土官安民志料理地方行至地名煎茶溪初伍日辰時據報逆酋督兵出犯龍泉星馳急回至地名沙灘分兵殿後堅持等因到臣看得賊寇龍泉已非壹日守備楊惟中身膺重寄職在該防正當兩軍對壘之時不行揮戈相向卻乃假以循例赴道擅離信地致賊長驅直入攻破司治緝殺官兵失事重大且守巡該道均有地方之責不行親臨彈壓委而去之是何情弊據法通應叅究但念用人之際姑且從寬一面行令戴罪殺賊一面嚴查失事員後另報間本月拾捌日又據防守婺川管叅將事原任守備徐允爵呈稱本月拾壹日據本縣石將關防禦土舍謝正民報稱探得播苗

兵參萬只在參伍日內出境攻犯婺川圍占思
石貳府本關兵微緊要稟乞發兵堵截等情轉
報到臣看得龍泉既破婺川貼危調發官兵俱
尚未到萬一失陷既礙進兵更費恢復一面將
調守武隆彭水平茶土兵伍千名建越官兵伍
百名行令坐營孔繼祖統領前去救應一面再
行總兵傳諭各路防剿官兵處處相機進攻以
牽賊勢使其內顧以解此危聞本月貳拾伍日
又據分巡思石貳道及思石貳府復申楊惟中
先期徑至鸚鵡溪將家眷移送潮底河下潛往
以致誘苗入境等因該臣看得本官身為將領
定有地方乃賊未來輒挈家而走擅離信地遂
為逆賊所乘土官安民志率兵夾攻身罹鋒刃
所部軍民無兵救援悉遭荼毒皆由本官坐視
以致大夫軍機法應拏究會行該省撫臣牌仰
該道即將楊惟中嚴拏解道監候俟律招參以
憑處治聞本月貳拾捌日又據副使路雲龍呈
稱龍泉為思石鄰播屏障特設守備統以重兵

捍禦無非為保固地方計也今守備楊惟中素
負虛名臨事畏縮以致印官被其殺虜城寨由
其失陷據法委應拏究但兵事方殷用人正急
今據本官既稱情願恢復龍泉贖罪以待大征
似應呈請裁酌或於任法之內姑開使過之仁
容令戴罪督兵前往龍泉恢復以為大征之地
并於煎茶溪等要隘處所防禦立功以贖前罪
等因到臣批行去後今據前因該臣看得逆賊
楊應龍頗號知兵其於批亢構虛攻瑕潰堅戰
守機宜圖之稔矣當臣發成都抵重慶也計賊
自知罪無所逃必且東衝西突冀得一逞以暫
固群苗之志而預寒我軍之膽於是傳檄三省
催僱兵糧踵接於途日以數四即湖貴撫道亦
非不日有報章各稱料理而地遠備多猝難齊
一至如龍發思石一帶去三省各千里而遙兵
力素虛援兵難至逆賊居中窺瞰於此地首甘
心焉而龍泉遂不免矣據所稱地係土司原無
城池漢土之兵不滿參千賊親率大兵以壓之

解貴州白蠟等銀皆節年帶徵虛數非見銀也寇及於門兵次於野而旋徵多年之餉銀以給之其能有及臣已行該省撫臣多方借處不得有誤軍興必須戶部查照臣近

題應發各省銀數別為處給其以前帶徵錢糧不必作數庶幾師得宿飽敵愾有資伏候聖裁

一軍前所需鐵盔鐵甲火器火藥鉛子弓

箭腰刀等項蜀中向來百無一備近該

臣差官四外收買連夜製造然買者不

能卽至造者不能卽完以常年之病求

終年之艾其不相及明矣已咨行兵部

求於天津咨取解送及轉為具

題於

內庫給發但念自京抵蜀道里險遠若但以朽腐

不堪充數豈徒無濟營伍亦且空擾驛

遞必須所司選委能官逐項挑揀著實

貴陽陳璘方入沅州於勢俱不相及卽副總兵

陳良弼亦有應援之責然偏橋方在危急本官

僅堪自保本地將領已避何可嫁罪他人俱應

免議帶管兵備分守叅政郭廷良以初肆日送

印以初伍日失龍泉殘破若此綱繆謂何似難

與未接印之兵巡副使路雲龍竝論者叅照守

備龍泉都司楊惟中狡詐止博虛名惟怯全無

實效擁三軍而遠避奚取於掇甲操戈保八口

以自完安在其折衝禦侮已失重地何得苟全

宜從守備不設之條尚有臨陣在逃之律此壹

臣者所宜提問正法者也分守叅政帶管思石

兵備事郭廷良處瘠薄之區拮据非不稱苦值

殺戮之慘防禦終是未周難謂代庖遂可逃責

此壹臣者所宜量加罰治者也及照龍泉初報

失事臣已行該道將楊惟中摺問正法後據該

道稱惟中欲以恢復自贖臣因彼中別無將官

援兵難以猝至恐賊遂長驅思南因姑令質其

妻子於獄限以拾日內恢復龍泉以待大兵蓋

因賊勢方張別有失陷不便進剿故為是不得
已之計要之本官縱有復龍泉之功亦難盡贖
其失龍泉之罪仍應提問定罪除殺傷官兵虜
掠人民查明另報外伏乞

勅下吏兵貳部覆議將楊惟中行巡按御史提問正
法將郭廷良罰俸示戒其重元鎮等姑行免議
庶罪當而人服法行而功奏矣至於臣化龍有
遙制之權無保全之效失職已甚負罪為多但
方在進兵示敢求罷除席藁恭聽處分外緣係
播賊侵擾黔境攻陷土司查叅失事人員以肅
軍政事理未敢擅便為此具本專差承差黃可
美齋捧謹題請

旨奉

聖旨該部知道覆奉

聖旨是

進兵日期疏

題為播賊造逆奉

天征討恭報師期以張

明威以一衆志事臣惟播賊楊應龍逆

天造反殺將屠城

皇上赫然震怒興師問罪不以臣為不肖舉兵柄而

授之又頒

尚方之劍而

賜之委任甚專責成甚重亦既數月於今矣當臣之

初受

命也計惟除

君之惡義不返顧滅此朝食豈俟問哉顧賊勢甚張

我力甚微較量彼己未宜輕易乃不動聲色以

緩其勢急集兵糧以厚其防既而兵糧稍集可

以守矣未可以戰也乃復按兵不動以示之不

測益廣調發以圖為必勝蓋自秋徂冬川省之

兵力始充器械始備糧運始齊湖貴貳省極力

催饋亦漸有端緒外省調兵亦漸有至者臣計

此時不但自固可以圖賊矣乃遂移駐重慶就
近調度而是時各省兵亦先後至叅將周圍柱
以固原陝西兵遊擊余世威羅星都司哈光顯
以甘肅兵遊擊任承爵以河南兵俱拾壹月至
叅將李經以延綏兵拾貳月至都司封建以浙
江兵守備趙賢輔以山東兵坐營王芬以天津
兵管守備事指揮沐榮以雲南兵守備白明遠
土知州岑紹勳以廣西兵俱今年正月至總兵
馬孔英以寧夏兵貳月至其叅省所調土司兵

酉陽石砦永寧天全鎮雄平茶邑梅水西各久
在防守烏蒙施州散毛容美永順保靖烏羅獨
山等各報已起行計貳月初俱可至而先是臣
行本省司道及貳省撫鎮司道所議分路分兵
分定文武諸臣漢土官兵亦以正月初先後報
至大約分爲捌路在四川爲肆路壹路綦江以
原任總兵劉綎爲主將而以叅將麻鎮遊擊楊
敏政都司程試周敦吉守備趙賢輔周以德坐
營王芬等隸之叅政張文耀督兵糧兼紀功而

以同知史朝貞等佐之壹路南川以總兵馬孔
英爲主將而以叅將周圍柱李經遊擊任承爵
王之翰守備萬民英都司葉當春坐營孔繼祖
土官宣撫舟御龍馬千乘長官楊光祖楊光斗
等隸之僉事徐仲佳督兵糧兼紀功而以推官
高折枝等佐之壹路合江以總兵吳廣爲主將
而以遊擊余世威羅星都司哈光顯封建趙應
科吳從周劉承職等隸之叅議兼僉事劉一相
督兵糧兼紀功而以馬湖府知府蔡宗憲等佐

之壹路永寧以原任副將曹希彬爲主將仍聽
吳廣節制而以叅將吳文傑王夢吉守備江萬
化周大謨土官宣撫奢世續等隸之叅議史旌
賢督兵糧兼紀功而以州同趙世德等佐之外
有巨標下中軍副總兵楊登山及叅將徐德榮
遊擊江萬仞等領巨標下兵爲遊兵往來策應
史旌賢先總管水運今水運將完而本官已
題陞敘瀘副使候
命故以之管本道兵糧曹希彬先以到遲被叅奉

旨提問而本官先為永寧參將甚得該司官兵之心
今所調該司兵獨多須以希彬監押之乃可用
故暫釋而用之俟事完另議其川東兵監以叅
政張棟川南兵監以叅政謝詔此川省之大較
也在湖貴為肆路壹路烏江總兵童元鎮為主
將而以叅將謝崇爵守備陳雲龍沐粲白明達
中軍張樹劉岳土官知府隴澄知州岑紹勳等
隸之叅議梅國樓督兵糧兼紀功而以推官張
應選等佐之壹路沙溪叅將朱鶴齡為主將仍
聽童元鎮節制而以土官宣慰安疆臣等隸之
副使洪澄源督兵糧兼紀功而知州王應昌等
佐之以上貳路兵監以按察使楊寅秋壹路興
隆總兵李應祥為主將而以副將陳寅叅將楊
顯劉效節守備汪如淵土官宣慰彭元錦等隸
之副使尤錫類督兵糧兼紀功而以知州陳聖
佐等佐之此路兵監以叅議張存意壹路偏橋
分為兩翼一由白泥總兵陳璘為主將而以遊
擊江騰龍都司于繼勳吳時喬守備王之棟朱

桂芳邊上將土官宣慰彭養正等隸之叅議
詹格東督兵糧副使王應霖司紀功而以同知
張羽鴻等佐之一由龍泉副總兵陳良玘為主
將仍聽陳璘節制而以叅將王一桂都司錢中
選守備徐允爵土官宣撫覃宜覃玉鑑安撫田
大豐等隸之副使陳與相督兵糧副使路雲龍
司紀功而以推官吳天佑知縣鄧弘烈等佐之
此路兵監以按察使胡桂芳叅議魏養蒙其貳
省撫臣副都御史郭子章仍在貴陽僉都御史
支可大移住沅州各調度此湖貴貳省之大較
也臣又惟參省道里延長官僚衆多即在事文
武諸臣且不知其面安知其心一有懷私敗
羣者于其間悞事不細是必盟之於
天以一其志乃於正月拾伍日臣先率川省總兵司
道及大小文武官兵於重慶之演武場設
天地日月風雲雷雨山川社稷先聖先賢之神位而
告神為盟詞曰蓋聞春秋之義人臣無將漢法
所誅大逆不道遂賊楊應龍者本以夷種世則

漢官被我冠裳守彼爵土輒敢忘

天朝養之恩恣鬼國兇殘之性初但殃及骨肉繼

乃禍遍蒸黎嬰兒孕婦被誅夷殺將屠城以

為常事雪燭燔乎五司七姓淫毒漸於九溪三

巴

天地不容神人共憤

皇上痛兆人之失所杜列辟之效尤遠伐暴以安民

乃興師而問罪化龍等共以職守咸在戎行義

當戡亂成平勢須分猷共濟蓋必參省之中文

平糶全書

卷三

三十四

武將吏以及四海之內漢土官兵堅除兇雪耻

之圖奮僇力同心之誼庶幾共獎

王室乃可必得罪人茲將鞠義旅以徂征敢用對

明神而作誓且夫惟忠可以報

主惟公可以服人惟致死不貳可以徇

國家之急惟精白無欺可以樹披揭之勲凡在行

間請事斯語如其無貳乃心克勤

王事神亦陰為庇相俾享成功若督撫鎮道及副叅

遊守府縣衛所大小文武等官有懷姦飭詐罔

上行私乾沒軍資枉殘民命妬人則以功為罪

逃刑則以罪為功或假公事以報私讐或介小

嫌而妨大事或以是為非以非為是任一已之

見而失三軍之心或當進不進當援不援偷一

時之生而戕萬民之命或懷忠不盡退有後言

或臨事避難轉生枝節或賞罰功罪之不明或

南北漢土之異視或持兩端而規利或罔三尺

以徇情或造疑似影響之說以傾人或挾機械

變詐之術以利己有一於斯即為負

平糶全書

卷三

三十四

四

國負

國之人其名為賊明神殛之死不旋踵逮及闔門

永絕其嗣夫神聰明正直而一者也有人負

國而不知聰明謂何有人負

國而不誅正直謂何有人負

國而不知之誅之有不徧有不平一之謂何夫神

護

國祐民以食其報者也神不明則士不奮士不奮

則賊不滅賊不滅則民不安民不安則兇年殺

禮於神亦有不利焉敢盡布之明神惟明神其
圖利之臣又惟軍中之事三令五申宜有告誡
乃為軍誓照得我

國朝方制萬里四海一家率土之濱悉為郡縣其
在西南一帶特從往制仍設土司原欲因俗為
治今之保境安民下延宗枝上作藩衛

隆恩大德山高海深貳百年來相承無替乃有逆賊

楊應龍者梟獍為心蛇蝎成性貌

國法如兒戲刈民命若草菅以疑似殺妻而竝害

其家以殘暴殃民而盡絕其世同知原係寅僚

斬殺俾無遺種五司原同手足剿滅盡作荒坵

初但肆惡於壹州繼乃流毒於叁省白石口民

兵叁千積骸遍野飛練堡官軍貳萬流血成淵

遂爾比戈稱干因之陷城殺將綦江一破百里

無煙東坡再焚三春如赭最可恨者對夫以淫

其妻對父而姦其女尤可駭者吮乳斷嬰兒之

首驅蛇入孕婦之陰跡其數載殺人己盈拾萬

擬以五刑議碎統備叁千大逆無道

天地不容賊子亂臣神人共憤本部院欽承
明命特任專征地連叁省幅隕萬里而遙
劍賜尚方宣暢

一人之令糾燕秦趙魏之士提滇廣吳越之豪艦舳
連雲粟堪填海戈矛蔽日甲可成山殺氣與王
壘爭雄軍聲竝岷江等壯以此制敵何敵不克
以此圖功何功不成茲當百道竝進之時宜有
三令重申之命凡我將吏共聽誓詞一昔人有
言

主憂臣辱

主辱臣死

逆賊破城殺將荼毒生靈辱

朝廷羞當世甚矣凡為臣子義當不與共戴天叁

省文武各藩兵將誰非臣子誰無忠義既已受

任討賊豈可更有他念乃或持貳心懷觀望計

利害憚勤勞心有所見而不言機有可乘而自

失忌人之功而造謗掠人之美以歸已事前不

慎事後則委罪於人為

國甚疎為身則無所不至凡此不忠不義犬豕不

食其餘神明殛之永絕其嗣本部院以此自警
願與同事者共之一本部院謬司參省戎務在
蜀者不敢不勉在湖貴道阻且脩雖鞭之長不
及馬腹其勢然也左提右攜以綏靖西南一方
寔惟兩省撫院是賴諸所應行敬受成事借以
圖功借以免罪不然者不同功而同罪矣一參
省總兵係一方三軍司命一切進取攻守本部
院但約束期會指授機宜臨陣出奇並不中制
主客土漢官兵盡聽節制但有抗犯悉按軍法
若主將驕蹇剛愎逗遛縮胸為賊所侮憤事殃
民則有

尚方之劔在一監軍道奉有專

勅責成甚重內贊本部外督各營軍中大小事體無
所不得問若其任情專已疆人以難玩愒模稜
失事之會是謂自溺其職本部院何敢私焉一
督餉道職專糧運拾餘萬人張口待哺須常有
壹貳月之儲乃得宿飽不然歸渴掘井何有及
焉乃若收放不時糠粃不堪斛斗不符軍得虛

名民受實害此當與無粟同則非所望於該道
者一守巡道防守地方稽覈兵馬催儲器具百
務所叢當宵晝圖之猶恐日不暇給至於進攻
之後紀驗功次督發糧運尤須事事親理無但
託之委官儻有疎漏所關非細悔曷及已一大
小將領專為討賊而設賊不平何面目見人何
顏色回鄉里若平時不束軍士致劫掠為害加
等罪之若臨陣分有信地定有師期當進不進
當攻不攻甚至臨陣而退畏難而逃或迂路以
避賊鋒或亂行而納敵侮諸凡此類無論大小
俱以

賜劔從事一主客官兵養之千日用之一時必須奮
勇克敵為

國分憂方稱男子若器械不脩行陣不明但圖員
餉不圖立功甚或無事劫掠以充囊臨陣畏縮
而先退但犯重情各將領俱得斬之以徇一一
切小委文武官員食祿盡職自是本等况事後
優敘尤宜勉圖若因循玩愒畏縮退避致悞公

事或不潔不公致招物議者事發審實輕則細打重則以

賜劔從事一各省土司官養養貳百年來

朝廷之恩天高地厚今遂賊得罪

朝廷正爾等竭忠報效之時尙有無知苗獠唱爲

免死狐悲之說不知免狐同類之物也今應龍

爲反賊爾等爲忠臣已非同類何得相比若平

時不能求兵致槍掠爲害臨陣不能鼓勇或懦

怯不前又或以壹貳陣塞責不待賊平驅兵而

去如此之類皆謂之不忠皆播州之緒也

賜劔具在斷不敢私臣又惟軍中之事明罰勅法乃

可用衆乃爲軍令照得將將者必賞罰明信而

後可以服英雄豪傑之心將兵者必紀律森嚴

而後可以獲戰勝攻取之效本部院欽承

上命討逆遐方自非三五中令以齊烏合之情何能

億萬同心以奮鷹揚之氣所有條誠特用申明

法在必行將無迴令各宜蚤計庶免後艱計開

一定有師期後期不進當開刀而不開刀當合

哨而不合哨者主將以下皆斬一臨陣退縮不

前者當時立斬以拘一前鋒破敵後鋒割級賞

功之時以前後鋒分叁柒給賞若前鋒貪功割

級致賊奔逸或爲所乘者斬一爭搶割級者斬

一臨陣在逃及詐稱疾規免者斬一別隊別哨

苦被攻圍應救援而不救援致有失陷者領兵

官隊長皆斬一將卒有私讎至臨陣以相報復

者斬一妄殺平民及將老幼婦女或投戈乞降

之人濫殺充劫者審實處斬一臨陣爲賊所餌

貪取財物及賊未殺盡而卽入其家取財致敗

者斬一賊來可出軍而不出者斬一哨探之人

不覺賊來者斬一劄營內地焚人房舍淫人妻

女搶入財物者俱以盜論審實處斬一洩漏軍

情於賊者斬一拏獲姦細得財賣放者斬一放

火及失火致延火藥者斬一尅扣軍糧致失士

心取敗者斬一指以招降索取投錢檢財物

隱匿婦女致阻遠人向化之心堅其從賊之志

者斬一將吏受賊枉法及論功定罪故不以實

者斬一訛言誑惑妄說陰陽卜筮神鬼災祥惑人者斬一俘獲賊屬子女及被虜男婦隱匿入已不卽報官者細打壹百臣於是日誓告發令訖卽行湖貴貳省撫鎮期以貳月之初叁日亦如臣誓告臣又惟兵將漸齊人心已一可以約期行事矣乃密行本省鎮道及貳省撫鎮司道約期行令各照分定信地獎率文武將吏漢土官兵的於貳月拾貳日一齊竝進開刀剿殺除再屢行申飭督併去後該臣看得逆賊楊應龍

遠

天造反罪不在

赦人人知之顧遊談之士所稱決勝之策往往不一蓋有難易遲速兩端以爲易者謂應龍小豎子耳播州一隅之地在海內如黑子着而且其衆叛親離人無固志六兵一舉至則靡耳剿之宜速而不知因獸猶鬪賊故知兵又以威劫其下用命者多蜂蠶有毒談何容易白石飛練已事昭然以爲難者則以其據險負固一夫當關萬

夫莫開至擬之南倭北虜爲甚謂不宜與爭鋒止多集兵而四守之可坐困也顧坐困須多兵多兵須多餉今東西南北漢土之兵各數拾萬而事久不決老師費財何以善後夫兵猶火也不戢自焚意外之虞且不在播夫兵觀拙速未聞巧之遲也蓋臣每顧念於難易遲速巧拙之間神馳心碎腸一日而九迴矣自受事以來日分而食夜分而寢督兵餉治器械輪蹄四馳星霜倏易數月於茲始有次第又念叁月以後草青瘴發雨多河漲便難舉事須至秋冬後來事勢都不可知瞻前慮後師期須當以貳月定又先經兵部與臣

題過賞格及臣所爲諭苗雜言分行各監軍道多方開示招諭而各監軍亦殫心畢志四路招降節據開報川貴貳省所收投降者不下數千而賊之心腹逆黨李旭以間死趙仕登以計斬其外司長官鄭葵駱麟王繼先袁年陸續出降送妻子爲質以表忠順賊恐人心遂離努力破龍

泉以張威而不虞金竹官壩之捷又有以饒羣苗之魄而奪之氣亂而取之實惟此時謀之貳省撫臣及參省道將咸以為可故臣遵奉屢旨成師以出以

皇上神武威靈計賊當不日授首臣愚不肖無能為役惟是

主憂臣辱

主辱臣死竊以自盟賊亡則朝

天有期賊在則歸

闕無日竊願效於昔人狗

國之義他何敢知馬臣謹具疏先以師期上

聞無任悚息瞻望之至緣係播賊造逆奉

天征討恭報師期以張

明威以一衆志事理為此具本專差承差高廣勳齋

捧謹具題

知奉

聖旨覽奏知道了兵部知道

二報捷音疏

題為

王師進剿連破劇賊險洞招降脅從羣黨再報捷音

事本年參月初壹日據川東監軍道叅政張棟

報准原任四川鎮守總兵官劉綎報稱奉臣軍

令遵依於貳月拾貳日出師進剿緣茶江壹路

自東溪入播地方俱係窮山峻嶺深崖茂菁內

如楠木山羊簡臺等洞皆天造地設險固為逆

賊頭目穆焯楊真母柱等盤據其中必須剿除

乃堪前進又准監軍道手本內稱首命各洞惡

目楊兆麟張漢清郭通緒母柱穆焯周俸祖等

陸提調共統兵捌玖千先來東溪一帶地方勦

營又於松坎地方脩截貳路探聽大兵出日應

龍親統苗兵肆萬前來迎敵隨該本鎮行令坐

營都司周敦吉等領兵由土塵等壩攻山羊洞

之右以旗鼓官陳策等接應把總趙奇等領兵

由兩河口等壩攻楠木洞之左以守備陳大綱

等接應又令守備周以德等由土臺等處攻貳

洞之中本鎮親統守備徐珊等應援并行都司
王芬等領兵從江津由丁山里楊木田點脚壩
攻簡臺洞以絕楠木洞之援分定發行拾肆日
到李漢壩前哨望見賊衆來拒天晚彼此劄營
拾伍日黎明與賊大戰我兵連贏數陣當陣斬
獲寨長頭目李曰貴陳榮等功級壹百零陸顆
生擒賊首賊從朱子真新苟等貳拾捌名各賊
奔回楠木洞我兵乘勝追趕連破貳關各賊齊
用強弓硬弩滾木礮石死拒洞門難克該本鎮

親詣洞前相度地形中嚴號令懸賞銀叁百兩
督令劉可春等部下衝鋒兵士一面於洞前找
廂對敵一面於洞上伐木運草堆積洞下舉火
然燒又弔索找櫃從上放下內安鳥銃手攻打
洞門連叁晝夜奮勇先登者當行重賞臨陣被
傷者併加優恤因而兵氣愈振加之火焰入洞
煙逼各賊魂消勢難抵敵於是叁洞先後盡破
在楠木洞生擒賊首貳拾貳名斬獲賊級壹拾
陸顆俘獲男婦叁百肆拾玖名口奪回被虜男

婦壹百伍拾叁名口在山羊洞斬獲首級陸顆
臨陣乞降賊首男婦陸百叁拾壹名口在簡臺
洞各賊拒敵甚堅都司王芬等奮勇打開洞關
肆重生擒苗賊叁名斬獲賊級叁拾玖顆俘獲
男婦伍拾陸名口招降男婦伍拾肆名口奪回
被虜男婦拾壹名口燒其敵樓倉廩毀糧貳千
餘石奪獲槍刀弓弩器械牛馬牲畜無數陣亡
提調余崙兵王勇等肆拾壹員名重傷官兵封
學仁等肆拾捌員名輕傷官兵秦守等叁

拾肆員名本月初叁日又據總兵劉綎呈稱本
職自破叁洞之後整兵進取至貳拾玖日戌時
據各哨役鄉導報稱逆酋遣子楊朝棟等統苗
數萬分叁路大出一由落爐壩埋伏一由羅天
溪衝我羅古池營壘一由松坎前來迎敵我師
應龍親統諸巢之賊劄於頂山關內各處及令
朝棟分兵壹枝由兆陽水小路出點脚壩先劫
都司王芬之營復攻本職大營本職先慮王芬
孤懸令來合營以便策應於是連夜傳令守備

徐珊等擷員各帶兵劄於羅古池并松坎一帶地方設伏以待有警殺回應援以周以德等致員接應又密令王芬發兵於營外駕鴛埋伏賊來擒剿以周敦吉等陸員接應至初壹日丑時楊朝棟等果先來犯本職親率官兵并各家丁日本降夷達子與賊大戰從寅至午參路夾攻幸收全捷共計生擒惡苗拾伍名斬級壹百柒拾叁顆奪獲馬匹盈甲弓弩槍刀等件甚多楊朝棟抱頭鼠竄哭泣而逃幾為所捉其餘過山

爬草奔命四散等因同日據川南監軍道叅政謝詔報准鎮守四川總兵官吳廣報據永寧監紀官嘉定州同知趙世德報准永寧宣撫司名色守備傅廷鑾并據該司提調袁疊向守忠申奉院道諭牌遵依招撫過播州淘洪灘長官安守邦安鑾羅國明羅國仁羅國顯等引領羣民叁千餘名口到營投降即同本撫總管劉國用熊應山議令安插本撫石寶寨內地居住等情報道照得淘洪安羅等寨自去年拾貳月內屢

差傳廷鑾等投降猶豫未決今見大兵劄營聯絡攻打在即又見營中豎有降旗遂率家口族衆歸降其為真誠無疑各等因到臣案照本年貳月日期不等據川東監軍道叅政張棟報據南川監紀官重慶府推官高折枝報稱南川壹路大兵該副總兵周國柱叅將李經統領於拾貳日起發至拾陸日經過明月山有劉九寨陳九寨中山寨各苗拒險不服勒兵打破斬首陸拾貳顆生擒柒拾肆名口又稱石砭司宣撫馬

千乘領兵前往神衛壩劄營遣千總馬廷培等前去哨探開路以便進攻拾陸日行至赤崖將近土坪遇賊劄墩拒險道把隘我兵稍前即發礮石弩箭傷兵貳名於是官兵奮勇直衝破壘斬首肆拾顆官妻秦氏報效親兵秦日雲等斬首伍顆餘賊奔逃又據四川領兵總兵官馬孔英報據酉陽司宣撫冉御龍報稱率兵前進清溪劄營貳拾陸日過河行至地名礮子山遇賊伏路我兵相與敵殺當陣斬獲賊級伍拾肆

顆把總冉大周等斬首壹拾肆顆奪獲槍刀
箭盔甲叁拾餘件又據湖廣監軍道叅議魏養
蒙呈准偏橋總兵官陳璘手本報稱官兵遵照
師期分路竝進拾伍日前哨至黃溪寨遇賊接
戰官兵何棟等奮勇向前生擒苗賊伍名斬獲
首級貳顆俘獲賊婦捌口又稱本日遊擊陳策
等督兵撥山共生擒苗賊陸名斬獲貳拾伍顆
俘獲男婦拾名口奪獲牛馬陸隻槍刀弓弩拾
壹件又據貴州布政司呈據石阡府申據把守

葛宋瀛陣關把總馮碧等飛報播苗兵前來
攻打本關碧與附近把總王應龍督率彼處鄉
兵并歸順苗民齊心奮勇追至白泥司斬獲賊
級肆顆并將彼處糧倉燒燬百拾餘間房屋不
計其數又據該司呈據防禦劉佐指揮夏應龍
報據垂西長官司中稱本月初柒日鷄鳴時分
被播賊由河渡越江至馬場將宣慰宋承恩并
親枝各舍包虜去訖殺傷守把土兵賊勢兇勇
難敵又據按察司呈據理刑張推官審得生擒

致細貳名內壹名梁守富供係偏橋衛客人楊
君五家丁貳拾陸年被播自何義虜去跟隨楊
應龍族人楊統名為老虎軍在內與首脩國今
應龍說宋宣慰不與同心令楊朝棟楊三田二
領兵壹萬前來新土將宋宣慰虜去同生同死
已先於各莊取男女陪嫁等情又據川東監軍
道叅政張棟報唯防禦涪州都司葉當春報據
把總劉應武等招降過播州頭目何顯俊等肆
拾叁戶男婦共壹千餘名口又據該道報准南

川領兵遊擊王之翰報據石砭司宣撫馮午乘
真州司土舍駱麟各報稱招降過三江里夷民
羅桂賓等叁拾玖戶男婦共伍百伍名口何汝
仁等招降過石壩莊夷民周子陽等貳拾壹家
男婦共叁百餘名口張廂等叁戶男婦共伍拾
捌名口趙家里播民任思旦等壹拾伍戶男婦
共壹百肆拾貳名口王永厚等叁拾家男婦共
貳百叁拾名口周正法周崇政等男婦伍拾壹
名口又據土舍駱麟同舍把駱慶棟等招降過

播目陸珊祥等執戶男婦壹百貳拾貳名口唐
宗富等壹拾伍家男婦共壹百肆拾柒名口蘇
文剛等肆拾肆家男婦共叁百肆拾伍名口又
據貴州宣慰安疆臣呈奉牌諭遵依行據防守
邊界地方李稍塘目把丁良茂等招降過播目
黑老虎陳阿元飛老虎阿綿王等連散戶妻小
共壹百壹拾叁房安插本司內地居住各等因
塘報到臣類報聞今據前因除將獲功官兵應
賞應紀聽紀功道呈解按院驗覈及投降夷民
轉行守巡等道隨宜安插陣亡官兵酌量優恤
其被虜宣慰宋承恩原係逆賊應龍之婿有謂
賊虜去成婚者有謂承恩通同伴敗投入者除
候查明另報外該臣看得播賊造逆數年於今
然甲午興師賊之外司諸人率皆望風投降以
故兵不血刃而抵婁山何其易也其後時剿時
撫旋撫旋叛賊得以脩怨弄兵橫肆屠戮向時
投降之人嬰孩靡遺墳墓不保今為之守土與
夫食土之毛者非其心膂之寄則其刀鋸之餘

也懷其私惠劫於積威各有效死勿去之心矣
至於綦江壹路諸苗身負屠城之罪知干不
赦之條弱者據洞自保強者嚴陣相持百里之外即
為戰場其為險難尤倍各路賊又夙忌劉綎之
威名欲首挫其鋒以嚇各路故遣親子率勁兵
遠出間道與之相角所賴
天威有赫將士用命旬日而破叁洞一鼓而走羣苗
至今賊子擁衆而來痛哭而去向日威稜一朝
都盡亦足快矣查各路投降已及數千斬獲已
踰伍百計此後勢成破竹行見斬關逆賊滅亡
當必有日但今天雨淋漓箐林蒼翳層崖險峻
官兵一時勢難竝進稍待晴霽乃可長驅夫今
之行剿期於滅賊賊不滅即殺者盈城盈野降
者成聚成都未為奇也顧自進兵以來淹及貳
旬
皇上必且關心海內尤為屬目軍中情形會須報
聞除一面嚴催叁省兵將剋日抵關滅賊外謹將
連日交兵功次招降情狀撮其大凡具

題伏乞

勅下兵部案候事峻類覆施行巨無任瞻仰皇悚之

至緣係

王師進剿連破劇賊險洞招降脅從羣黨再報捷音

事理未敢擅便為此具本專差承差傅時才齎

捧謹題請

旨奉

聖旨兵部知道本部覆奉

聖旨覽奏知道了著該督撫鎮道上緊刻期會剿務

平播全書

卷三

五十四

傳

靖夷氛以安地方

合江容兵交關疏

題為容兵交關互有殺傷酌議將領以明法紀事

本年貳月貳拾日據四川鎮守總兵官吳廣呈

奉臣批據合江縣申前事奉批廣兵放火殺人

漸不可長仰吳總兵速行查處正法繳依奉查

得啓釁之由原因廣兵曾九買米撞遇余羅貳

遊擊哈都司馬頭不行避道以致兩兵撕殺實

自曾九法應首懲除將曾九緝赴

令旗牌下斬首遍傳各營官兵示警外合行呈報

平播全書

卷三

五十五

臣

等因到臣案照先據川南監軍道叅政謝詔呈

據合江縣申稱貳月初壹日已時領兵遊擊羅

星余世威都司哈光顯拜客回館有廣兵一人

攔撞羅星馬頭北兵喝罵當時撕攘兩兵聚合

各用槍刀炮銃喊殺壹處自己至午半職即同

都司吳從周同知李廷謙前去解散各自散去

查驗廣兵圍燒袁廷采房屋壹所殺死陝兵壹

拾伍名重傷叁名帶傷叁拾餘名廣兵被炮打

死叁名重傷伍名帶傷肆拾貳名隨將死者安

埋傷者令醫調治又惟遊擊余世威羅星都司
哈光顯各塘報參職進縣回拜被廣兵一夥無
故將馬頭撲打後面兵來擁出城門甘肅兵士
閉門靜坐忽然炮響殺聲大震各披盔甲攻圍
擁到歇處將門戶打開殺死家丁壹拾伍名銃
傷軍丁玖拾肆名參職迴避房內舉火燒房將
余世威歇處打開槍去戰甲弓箭刀槍掛箱貳
箇內銀壹百伍拾兩戰馬貳匹又殺死戰馬貳
匹槍去中軍官劉時兩拜各軍行李器物銀兩
盈甲馬贏不計其數各等情到道為照南北之
兵從來同處征進多不相和今廣陝貳兵因事
忿爭互相殺傷讎恨已深勢難聚合相應及早
分處以便調度合就呈報又據都司吳從周塘
報相同等因到臣批廣兵恣肆若此總兵官紀
律何在仰會同該鎮查處間又據總兵官吳廣
呈稱本職正月貳拾捌日晚至合江貳拾玖日
早即往瀘州與參道會話貳月初壹日據報廣
兵曾九在街撞遇余羅貳遊擊哈都司瑱怪不

避喝令將棍趕打以致兩兵遂爾相湊放銃發
箭貳比俱傷又銃火延燒民房壹間看得師克
在和今以壹兵不知避道而參將坐視弗禁謀
動干戈幾禍蕭牆安望其同心僂力以濟大事
本當參究但念地方用人之際姑從寬假及將
倡首頭目取具甘結立功贖罪等因呈詳到臣
批兵不避將喝止非過乃遂糾聚鬪殺多至壹
拾伍人是尚有

平日耶廣兵驕恣一至於此該鎮略無禁戢止令頭
目取結立功及欲參究裨將護親兵而失衆軍
之心自是兵不可用矣吳都司王知縣原文可
據難據單詞為憑雖用之際亦不可全然廢
法仰酌處妥當詳報間又據合江縣申前事批
行總兵吳廣查處正法去後今據前因該臣看
得月兵難用衆尤難彼以東西南北之人各席
鸞悍驍雄之氣睚眦之忿便起戈矛劔頸穴鼻
以為常事此其所以和輯而禁馭之恃有法耳
故未事而三令五申以飭法也既事而懲一戒

百以正法也廣兵素稱強悍乃至當道不避將
官一經譙訶便爾閃關焚其居掠其財橫屍路
隅道無行人萬里遠調糜餉不貲豈欲其為同
室之鬪耶即舉一軍而盡法之亦不為過但人
衆難以擊處且部下亦有殺傷則斬首事以謝
秦兵固法之平情之當也吳廣身為主帥禍起
親兵初雖不在行間繼乃全無處置將兵若此
紀律謂何幸而迫於公議梟斬壹人尚足服三
軍之心杜後來之釁亦所謂不遠之復乎近日
多兵相聚關關時有但隨時懲處自可貼然如
南川則陝兵與酉陽兵為酒食相激殺酉兵貳
人曲在陝兵臣即令參將周國柱將陝兵之起
釁者箠死壹人重慶則總兵劉綎標兵與監軍
道家丁為買草相爭關至監軍之署曲在標兵
臣即令綎將為首壹人梟示哨官甲長細打伍
人於是三軍相戒不寒而慄其土兵間有爭鬪
殺傷者乃夷俗常事解之即散論之即止難盡
繩以漢法俱不足瀆

聖聽惟是合江一事軍之殺傷頗多將領行法稍遲
相應具

題以肅軍紀伏乞

勅下兵部查議除各兵已經處分及有無搶奪財物
聽臣行監軍道查處外其總兵吳廣或量行罰
治以戒將來或念其方在進兵且已經正法姑
行免究庶手軍士當以前非為戒將領亦以後
效自期法紀可明平賊有日矣緣係客兵交鬪
互有殺傷酌議將領以明法紀事理未敢擅便
為此具本專差承差傅時才齎捧謹題請

旨奉

聖旨兵部知道本部覆奉

聖旨吳廣著罰俸叁箇月

克桑木關烏江關三報捷音疏

題為三省征播大勝蜀黔更破險關再報捷音事

本年參月初捌日起至拾捌日止節據川東監

軍道叅政張棟報准川貴征播總兵官馬孔英

報據南川統兵叅將周國柱李經遊擊王之翰

守備萬民英監紀推官高折枝各報據前部領

兵石砭宣撫司宣撫馬千乘報稱貳月貳拾肆

日兵至地名清溪哨得播賊何金友何金教爐

頭李武聚苗數百於播境羅桿寨鳴金吶喊把

截隘日本司發兵貳枝前去衝鋒至貳拾陸日

壹更時分一擁抵巢各賊整備槍弩向前迎敵

我兵奮勇直進四圍包裹賊力難支當斬何金

友等壯級參拾柒顆各賊敗走追至前村復來

格鬥又斬李武等壯級伍拾參顆又追至土坪

石板溪斬首壹拾陸顆共壹百零陸顆奪獲苗

弩槍刀伍拾餘件俘獲苗婦貳拾餘口馬貳匹

牛陸隻及稱本司官兵職任前鋒連勝三陣止

重傷土兵秦喬等伍名又據領兵酉陽司宣撫

平播全書

卷三

六十一

李

冉御龍報稱貳拾捌日兵至播境地名十二茅

坡撞遇賊黨趙四彬領苗伏路我兵奮勇敵殺

斬級捌拾伍顆把總冉大周等斬級貳拾參顆

共壹百零捌顆奪獲槍刀弓箭壹拾捌件被傷

土兵吳海等肆名又據報稱叅將周國柱李經

守備萬民英督領河南家丁真州鄉兵於參月

初壹日辰時行至地名紅花灘遇苗賊參百餘

人坐草一齊擁出截戰我兵奮勇向前敵殺斬

獲苗頭汪列并散苗僧苗喻吾等首級捌顆生

擒汪二壹名招出投降降男婦劉玉等壹拾捌名

口奪回被虜幼男婦女李氏等拾名口槍標肆

件又據宣撫馬千乘報奉監紀高推官會同主

將傳令真州清溪一帶撫剿已定速宜率師前

進但此去經過長礮望草風坎封寧大灘等隘

俱係勁敵必須先破諸賊然後合兵取桑木關

方為全勝之策等因本司職任先鋒遵依統領

部下兵馬伍千於參月初壹日先行諸營繼後

是日抵土坪割營哨得賊屯望草至初參日伍

平播全書

卷三

李

李

鼓遣兵前去進攻行至長礮忽遇播目寨長丹
海元王廷佐巴習文等統苗萬餘預於隔河布
陣迎敵皆騎戰馬勢若飛騰我兵分兩翼奮力
渡江前哨秦加南等與賊首先交鋒百合刺苗
落馬當陣斬獲首級捌顆賊衆大敗拋棄戈甲
我兵乘勝追入龍鳳關連殺數陣隨踪趕至望
草貳拾餘里各賊復聚添兵接應只得拚命對
敵致將頭目冉蓋殺死重傷秦加南龔朝啓等
數拾人王位困乏難支當得我兵秦加月等從

平播全書

卷三

六十一

喇自

傍奮勇直衝陣角破賊奔潰生擒苗頭蔡明巴
習文貳名斬獲頭目丹海元等壯級貳拾捌顆
奪獲苗甲兇器數多遂掃長礮占據望草切照
本司土兵與賊交鋒追殺貳拾餘里功雖不多
頗效血戰及據推官高折枝稟稱長礮之捷首
關外遂無立草據生擒冠帶寨長巴習文軍頭
蔡明稱望草苗兵伍百家久被首取入關近發
與張世恩白倫合兵參千拒外繞捌日而兵敗
坐寨丹海元王廷佐寨長藍鳳鳴王大頭龍

勝宗莫阿里王二老皆被陣斬獨張世恩白倫
與冠帶把總楊正貴曹全在陣後得逃餘兵各
四散走或亦有入關者是知此捷功雖不多乃
擒斬賊之頭目捌玖人亦足以寒賊膽巴習文
係望草首惡真州人被其虜妻女者數百家爭
欲食其肉卑職當賞擒習文石砭兵向朝榮余
遠參拾金將習文斬於

平播全書

卷三

六十一

喇自

令旗之下有真民張永清者遂取習文心對衆兵
食一軍大快石兵戰死頭領貳名各給銀拾兩
優恤此路兵將人人勇奮爭先至奮不顧身戰
無遺力惟馬千乘為首卑職當遣鼓吹送銀伍
拾兩與千乘以示優異并申諭三軍長礮望草
雖破他關尚多且此路所重者桑木關若此關
一破可以長驅如有能奮勇先登首尅此關者
照格懸賞去後乃酉陽司宣撫冉御龍趾石砭
獲功於初四日遂率兵奮勇打破風坎關斬獲
首級貳拾柒顆將關內賊寨盡焚又談卑職看
得酉陽勇奮更為可嘉亦遣鼓吹送銀伍拾兩

給酉陽營以示優異時叅將李經兵劄茅坡叅將周國柱兵出茅坡口劄牛渡守備萬民英與酉石二司土兵盡劄桑木關下初伍日建越提調劉勝攻打滾水羊崖等菁與賊對敵斬首壹拾玖顆俘獲婦女捌口奪獲槍刀箭弩柒件初陸日酉陽把總冉大周領兵與賊交鋒斬級壹拾柒顆各賊上關加有馬兵數千相持初柒日辰時各苗殺下被酉兵石邑梅兵河南毛兵合勢大殺一陣退關據守至未時酉陽又分兵同石砬兵併力衝鋒復占封寧關逼近桑木關劄住把總冉大周又分兵抄出黑面崖攻破大灘關又逼九杆關劄住是暮冉大周差人執木板上書叁月初捌日定要尅破桑木關是夕官兵鏖戰壹夜致將強子硬弩滾木礮石拋打殆盡至次日辰時官兵奮勇復戰拚命衝突先登至巳時尅破驅賊四散追至金子壩旋回即於此關劄營守定計點功級守備萬民英下部斬首級貳拾叁顆中軍漆太然家兵秦宗武等斬

級貳顆宣撫冉御龍下斬級肆拾捌顆把總冉大周下斬級捌顆冉維嵩下斬級壹顆宣撫馬千乘下斬級貳拾壹顆邑梅司長官楊正韶楊通榮下斬級壹拾捌顆俘獲婦女叁口輕重殺傷我兵不等奪獲賊仗甚多以上功次談卑職隨營辨驗真確除解紀功道覆驗轉報外看得逆賊楊應龍所恃者諸關也當我兵未至則布兵以待我兵既至則設防以守自謂可以挫我之鋒以解諸路之體詎知連破數隘首尅險關是播之門戶已去其一矣得險以守賊不足平所據漢土官兵血戰之勞俱不可泯又據叅將周國柱李經報稱初拾日名色把總熊應時引固原延綏千總李進把總王問臣白時化李廷栢丘汝孝合兵攻打苦竹關被賊千餘擁撲前來我兵併力奮擊卑職等下斬首叁拾顆內頭目叁顆李進下斬首壹拾肆顆內頭目壹顆奪獲盔甲槍刀伍拾餘件餘賊敗走遂尅險關又據兵巡下川東紀功道僉事徐仲佳呈報相同

又據川南監軍道叅政謝詔報准四川鎮守總兵官吳廣報據統兵原任副總兵曹希彬叅將吳文傑都司趙應科吳從周呈據千總曾大等報稱奉令攻打穿崖圍遵依於卷月初壹日黎明至彼望見賊圍周圍險峻賊兵聚眾屯劄查係提調郭迺緒令祀事苟會管劄眾議分兵四面攻打中軍千總鄧子龍等拾員領兵一枝土司總管劉國用等捌員領兵一枝各抵圍下賊兵雄據圍上矢石如雨我兵銳弩仰攻自早戰

平播全書

卷三

卷三

至午未又以火器齊打燒燦寨房賊兵抵敵不住我兵乘勢直衝上圍賊眾倉亂棄圍奔逃又為伏兵截殺共計生擒惡賊肆名俱係重傷斬獲壯級壹百貳拾顆重傷我兵伍名輕傷拾壹名奪獲槍刀器械數多又據兵巡下川南紀功道叅議劉一相拜贊理監紀知府叅宗憲各呈報相同又據湖廣監軍道叅議魏養蒙報准鎮守偏橋總兵官陳璘報稱貳月拾伍日兵至白泥分為叁枝前行未十里右兵前哨遇黃溪

寨苗賊接敵官兵陳棟等奮勇向前生擒苗賊王松等伍名斬獲賊級貳顆俘獲賊婦捌口左中貳枝於申時直抵白泥各賊棄巢逃走諛遊擊陳策等率兵蹀蹤追躡時天色將暮傳令擦山把總吳應龍李元敬張金張文爵等各部兵共生擒苗賊陸名斬獲首級貳拾貳顆俘獲男婦拾名口奪獲弓弩槍刀拾壹件牛拾壹隻又據叅議魏養蒙報准總兵陳璘報稱貳月貳拾柒日親統諸部官兵進次龍溪地方深菁密林

平播全書

卷三

卷三

去肆牌不遠下令諸軍益加戒嚴隨據前哨報稱前面有伏即傳令箭躬督遊擊陳策都司吳時喬守備白元潔王之棟陳九經保靖司應襲土舍彭象崑等統率各兵奮勇向前各賊起伏趨來迎敵時方雨霽又轉順風用噴筒火箭高銃百子銃亂發夾攻賊見兵勢難當隨即登高據險矢石如雨有把總胡世華部下隊長謝漢月臨陣先退本職親於陣前目擊即時斬首諸兵奮勇衝敵各賊披靡通計斬獲首級玖拾壹

穎得獲賊仗類多及照肆牌之賊素稱狡黠今官兵見斬不用命者故奮勇直前斬近百級首挫賊鋒功可嘉尚相應獎賞以示鼓舞又據貴州征播總兵官李應祥呈稱參月初貳日據副總兵陳寅奉令統領土官蒙詔土舍莫勞領兵把總安世珍等探得肆牌叛賊聚集堵截職等黎明直抵播地旋水賊悉布陣虎兵當先藥弩亂射當有我兵鼓勇火器銃彈齊發槍牌抵敵大獲全勝斬級捌拾壹顆俘獲器仗不計又據原任叅將蔡兆吉統領土舍楊治隆土官張元虎領兵把總猶鶴等奉令前往天都圍進播有賊據險即出截戰當該官兵奮勇直前敵殺賊即敗走回圍官兵架放百子銃火箭一齊攻打登寨斬獲賊級柒拾參顆又據原任守備伍萬鍾奉令統領官兵攻刺參百落圍叛賊山箐險峻恃固堵截官兵仰攻被滾石梭杆不能遽上隨該原任守備柳國柱等統兵一枝從後路偷上火槍銃炮齊發賊力不支前後夾攻當陣斬

獲賊級陸拾壹顆等因到職先該偵得逆賊楊應龍選差張文相等起集肆牌參圍并河內賊衆抵敵官兵及要襲糧等情隨該本職統督官兵酌定緊要挨次前進今據攻破險圍通共斬獲賊級貳百壹拾伍顆俘獲賊屬壹拾柒名口賊仗器械伍拾叁件此先聲奪氣足落元兇之膽而褫其魄矣又據貴州監軍道按察使楊寅秋報准貴州總兵官童元鎮報稱統督都司張秉忠呈據泗城州知州岑紹勳督兵指揮李懋樞稟報初叁日奉令率兵前去蝦子渡用火箭射焚隔岸賊房肆間初肆日又奉督令官男岑雲漢兼同卑職家兵張宗義等前去河渡用火箭射焚隔岸賊房捌間米貳倉射死賊徒叁名射傷貳名本夜伏兵闌下柴塘至五更時候遇賊貳拾餘徒在於隔岸巡邏當即浮水前去對賊血戰斬獲賊級壹拾捌顆又據守備陳雲龍白明達阮仕奇各差人飛報奉監軍總鎮親臨烏江分布哨渡整備船隻銃彈火器定限拾壹

日齊力渡河進剿賊兵千餘四山伏草出沒滑
江發矢叫話猖狂本日辰時詠雲龍督率壩陽
兵明達仕奇督率永順兵奮勇爭先搶渡關嶺
險絕水勢凶惡賊眾乘高崖坎拒敵弩石俱發
急難傍岸官兵用竹牌遮蔽船上岸邊為銳對
打壩陽永順兵先登各賊破山潰竄直衝烏江
關斬獲賊級共拾玖顆奪獲綿被腦包長刀鏢
槍不計登時焚燒烏江關附近關邊賊寨燒掃
一空煙蔽十里永順兵陣亡壹名被傷伍名壩
陽陣亡苗兵千總壹名被傷肆名飛報前來隨
該卑職會同左監軍楊按察使親抵烏江關山
頂將各哨分劄山頭據高阻險督兵齊力搭架
浮橋以通老營催督永順續到兵盡發策應一
面星飛催督隴澄把事王嘉猷兵馳赴雞家寨
出刀靶水催安疆臣兵馳赴昌田驛出落閩水
催羅寵等集鄉導熟知地利偵探績麻水把截
鬼關路溝催河渡各哨兵乘勢渡河攻打河渡
關先取尚稽場以分賊勢犄角剿殺共收全捷

理合飛報又據雲南廣南府知府黃宇報准統
兵叅將謝崇爵雲南坐營中軍張澍督陣贊畫
黃龔報稱拾貳日寅時發兵奪占渡河關燒蕩
各寨當陣生擒貳名斬首十五顆又准中軍張
澍報稱陸營官兵往河渡督象奮勇渡關生擒
擒賊叁名斬獲首級八顆又頂皮小功二顆陣
亡被傷并所獲賊仗另行細開外合先呈報又
據川東監軍道叅政張棟報稱南川縣申奉監
紀高推官差人押發招出降民任從章等男婦
共五十五名口到縣分發地名周羅等村安插
又據推官高折枝報稱真州土舍駱鑄招降過
播民孫郎等男婦二百名口牛鼻圍降民二百
一十名口及稱自大兵劄賊桑木關內百姓携
老扶幼投降日以千數卑職委河南官合王承
宗家丁白有功名色把總王佐立三民寨望草
山頂任民歸順不許土漢官兵房掠賊黨日孤
又據宣撫舟御龍報據土民鄭會招降過播民
吳宗枝等男婦一百零四名口又據彭水縣申

據快手徐廷美報稱發川縣民方騰虹招撫過
板角青龍團夷頭施阿記等十名帶領男婦一
百三十七名口出來投降安插於地名洋水居
住又據防守南川原任都司葉當春呈稱羊墩
大里兩河等寨招撫未出播民甚衆今聞差人
羅文等執招降小旗上書搶奪降民財物者追
給殺降者抵命於是陸續招出播民余國受等
陸戶男婦共二十八名口望草金竹里播民楊
永興等七戶男婦共七十名口又據婁家里民
王賢等招撫過田月等五戶男婦共二十四名
口梁金招撫過婁永興梁本慶等十戶男婦共
六十三名口婁秉詔招撫過劉友善等四戶男
婦共一十三名口令狐壽等招降過婁慶忠等
一十八戶男婦共一百一十四名口又據兵巡
上川東紀功道叅政張文耀呈據監紀同知史
朝貞解出降民趙應宗等二十五名口坐營都
司周敦吉解出降民易子貴等三十名口永寧
監紀知府蔡宗憲中據儒溪長官袁起龍呈報

招出應調降兵趙坤等三十名永寧目把胡文
宗呈報招出播民鄔廷華等男婦共八十五名
口又據總兵官陳璘呈稱兵進白泥各賊棄寨
逃走連日督兵按山仍傳諭撫剿兼行續據領
兵把總吳應龍等招得偏橋衛避難軍餘羅再
鸞等十八名羅家屯羅廷鶴等男婦八十五名
口興屯堡李叔生等男婦九十名口又據餘慶
司土官楊鯨招得青沙寨苗民安霸阿啞等男
婦一百一十七名口二關三關苗民吳老孫等
男婦七十八名口石橋寨苗民阿元等男婦七
十一名口各給旗號免死票照立圍安插以示
不殺之仁又據兵巡上川東紀功道叅政張文
耀呈奉臣批據該道拜管分守川西道事副使
傅良諫會呈近准原任四川鎮守總兵官劉綎
手本開稱本鎮於本年二月十四十五等日在
於李漢壩與賊大戰及攻克楠木山羊等洞所
有生擒賊首賊從合行差官押解重慶府監候
等因該二道會同於三月十二日監取各犯前

到演武場從公鞠審得各犯頻年助暴殺虜生靈荼毒之慘不可勝數今

王師大舉尚敢拒敵阻截運道尤見兇殘內沈坤等四十三名情極真惡法應速正典刑以洩軍民之憤蔡角等四名雖係種類但原未臨陣似應緩決并於各犯名下詳註審過實跡開款呈詳該臣批各賊窮兇極惡流毒蔡角一帶地方久矣

王師所至猶然抗敵當陣擒獲何所逃死仰守西紀

平播全書

卷三

十四

李

功道會同標下練兵遊擊官將沈坤等四十三名押赴市曹斬首分發蔡角二處梟示以快民心蔡角王明熊興望馬明尚姑監候再審此繳依奉備行重慶府將賊犯沈坤等四十三名緝發市曹該本道於本月十八日會同標下遊擊江萬仞督同該府知府傅光宅通判蕭時鳴重慶衛指揮潘胤淮高凌漢將各犯押赴令旗下各斬首訖其首級行府分發蔡角二處受害地方梟示蔡角等四名監候聽審外合行呈

報各等因到臣除將獲功官兵應獎應賞應紀聽紀功道呈解按臣驗覈及投降夷民轉行守巡等道隨宜安插陣亡軍兵酌量優恤外將生擒賊犯批行梟示外該臣會同巡撫貴州兼督理湖北川東等處地方軍務都察院右副都御史郭子章巡撫湖廣地方兼提督軍務都察院右僉都御史支可大看得初賊聞

王師進剿懼關外之人不為盡力或因而投降乃將其頭目及稍稱精勇之人質其妻子羣之圍上

平播全書

卷三

十五

李

約以戰不力或遂降則屠其家以故人入死守無復他志即臣等招降之檄分發如雨而應者尚希比兵臨賊境則操甲操戈相向而死敵者爭先入矣蓋真初敵未易與也所幸三省諸軍激於討賊之義理直氣壯所向無前臣等又時以法令嚴督之各將領進希

爵賞之榮退虞

尚方之及賈勇先登所至披靡報捷之使項背相望至於南川貴陽二路則直奪大灘桑木苦竹烏

江河渡諸關自是賊失其險且褫其魄矣初臣
與各路主將約有先奪關者則深溝高壘據關
以守直待諸路抵關相期齊入今兩路已據關
以待計各路當取次而登進關之後賊或集其
死黨背城一戰則我師聚而覆之固太山壓卵
之形或携其妻子拒圍自保則我師環而攻之
亦圍豕釜魚之勢賊即狂狡多方或未能終逆
天誅也所有數日進兵情形理合具

題伏乞

平播金書

卷三

十一

勅下兵部奏候類覆施行緣係三省征播大勝蜀黔

更破險關再報捷音事理未敢擅便為此具本
專差承差周之冕齎捧謹題請

自奉

聖旨兵部知道

查叅楚省剿苗失律官員疏

題為楚省分兵剿苗失律納侮乞

賜究處以肅法紀竝議遙制事宜以一軍政事萬曆
貳拾捌年叁月拾柒日據湖廣按察司整飭辰
常黎靖兵備副使王應霖呈據黎平府署印推
官丘獻可呈蒙本道紙牌奉巡撫貴州郭都御
史批據五開衛銅鼓守禦千戶所申據本所操
舍馬朝告稱同弟馬臣等往永從縣生理行至
地名皮林擒鬼坡陡遇苗賊各執槍刀將弟馬
臣殺死緣由批道又據該衛左所軍餘董應高
告稱兄董應魁挑鹽轉至岑溝坡被苗殺死等
情行府選委能幹官員約會叅將黃冲霄委官
公同查勘殺死人命是何惡苗係何姓名為因
何故逐一根究下落令獻首惡正罪蒙此就經
移會叅府行委千百戶張正蒙武繼文哨官丘
明李高拜本府委官吏目典史楊大棟梁態帶
領鄉導會同永從縣相機勘處隨據各官稟稱
遵詣諒寨不期各苗仍前糾眾據險操戈截路

平播金書

卷三

十一

十一

拒敵當將軍兵王邦等殺死捌玖名官兵見苗
勢衆掣回到縣又據談縣稟報相同具由通詳
蒙分守湖北帶管辰阮兵備道詹叅政分巡湖
北道林僉事貴州新鎮帶管都清道梁叅議俱
批仰府相機勘處又蒙辰阮兵備道王副使牌
奉巡撫湖廣支都御史批據本府并五靖叅將
黃冲霄呈據永從縣申稱蒙委官勘處皮林寨
人命事情被各苗不畏法紀阻撓勘官擅殺軍
兵今復猖狂合款揚言攻劫縣治乞賜轉詳以

解倒懸緣由申府備申兩省撫按批允牌行本
府卽查皮林寨惡苗有無殺死軍舍抗拒委官
及揚言攻劫永從縣緣由卽今應否調遣官兵
相機勘處查明速報又蒙本道批據本道呈爲
叛苗黑夜攻屯劫殺大變事據談衛三冉屯舍
餘傳國明等告稱陡被皮林各苗圍屯攻劫放
火燒燬捌家殺傷軍餘楊大付家財牛禾等物
一掃盡空生靈遭害等情批府移會談叅勘處
談本道覆看得上皮林寨最爾苗夷迺敢殺人

抗斷連糧藐縣方今大征之際一檄則甲冑如
雲擒斬甚易但恐大兵壓境玉石不分姑念天
生種類不忍波及株連仰府一而出示曉諭談
寨各苗各宜省悟保守身家性命速將殺人首
惡獻出認罪照舊輸納錢糧脅從諸番俱皆罔
治敢有抗違據實詳道親提大兵鷓鴣犂庭掃
穴雉類不遺穴鼠釜魚追悔莫及一面安撫永
從縣屬安枕寢居無容他慮仍申諭伍洞苗民
各安業土上納秋糧毋聽惡寨糾合爲非自取

敗亡等因遵奉傳諭各苗始焉接牌願聽勸處
數日後復將前牌送出聲言不服任從進征等
情又經移行黃叅將查議回稱切照談寨惡苗
先殺軍舍貳命復殺軍兵玖命肆惡已極理法
難容矧今糾衆附勢抗納秋糧合款揚言欲行
攻縣如此無狀先行撥兵常守令談縣不敢出
入且拾貳土司諸苗觀望人心洶洶至於五靖
哨兵共有伍百柒拾名俱已整棚齊備衛所款
兵共壹千伍百名亦已點齊惟候所借沅鎮候

兵陸百名至日一齊舉行煩請酌議轉詳第恐苗情日久爲患日深沿邊地方不能安枕等因覆府再照各苗爲惡跳梁殺人無忌復戮官兵又言劫縣至縣官難於出入本府仰體上司德意三令五申安諭撫處變詐不常橫惡尤甚即今四圍亂行出劫日夜不寧若不亟爲懲艾將來縣治難以保全各司諸苗效尤士民亦難出入貽患地方請速轉詳行令叅將衙門點調官兵挾擒首惡正罪隨蒙各道案奉各院批據本道呈據本府呈詳前因該本道覆看得上皮林寨惡苗劫殺軍民藐法抗勒商民不敢往來縣官艱於出入若不大加懲創則壹寨狂逞諸苗效尤地方將無寧日候詳轉行黎平府查議堪動錢糧移會黃叅將委官召集侯家兵并哨款兵及叅守親兵相機挾擒首惡正罪脅從罔治安撫諸苗庶孤縣無虞苗首知警等因通詳巡撫支都御史批惡苗稱亂截殺官兵負固不服罪不容於死矣仰道嚴行該府議處錢糧仍移

會黃叅將督兵挾勘先擒首惡正罪仍撫諸苗無懷貳心繳又奉巡撫貴州郭都御史批上皮林寨惡苗不甚多如黃叅將力能制之則專任之但止於擒首惡餘脅從者撫之可也仍候楚中兩院詳行繳又蒙巡按湖廣監察王御史批惡苗劫殺法所當誅如議行仍候撫院詳示行繳又蒙巡按貴州監察宋御史批惡苗肆害逐殺官兵非一大創不可候撫院詳行繳蒙此就經牌行黎平府會同黃叅將查議糧餉集兵相機挾勘安撫脅從去後隨准黃叅將移稱除劄行守備轉行衛所等官帶領哨兵款兵并鎮算哨守備邊上將於原調征播哨兵壹千名內摘撥叁百名前來外煩爲會同挾勘轉報又准靖州守備張世忠手本奉本道牌准黃叅將移稱煩行張守備帶兵星夜前來五開聽從本職防禦惡苗共安地方等因又奉叅將牌劄仰備卽將該哨在營各兵不必撥發偏橋吏班率赴五開且共防守以壯威勢合移查照隨該黃叅將督

率守備衛所等官帶領鎮軍五靖哨兵并五開
衛所款兵擇於貳拾捌年貳月初貳日同職前
往永從縣駐劄撫綏皮林等寨諸苗當出火牌
傳諭

朝廷恩威令獻首惡餘黨罔治但各苗肆惡怙終
執迷不服各官兵於初肆日自縣詣談寨相機
挾勘值道路崎嶇羊腸險峻至本日午時據潰
兵走報黃叅將督兵行至擒鬼坡被該寨惡苗
糾集下皮林頓洞多苗拜無常生苗裝塘埋伏

平播全書

卷三

八十二

黃

俟官兵經過各苗蜂擁齊出截殺將守備張世
忠并五開衛指揮趙國玉劉繼光千百戶張治
新李承熙邢德唐世臣莫自是楊天時江應潮
閔宗騫胡順化馬騰雲孔聞韶孟師孔凌善馮
時選哨官丘明李高及靖州哨領兵千戶楊啓
賢莊世恩陸懷忠哨官劉紹尚龍珊登時殺死
并成殺多兵亦未查的等情報府至酉時黃叅
將亦奔至永從縣中初伍日各苗蜂集縣前周
圍環繞意欲攻縣勒要退兵銀壹千兩稍有不

從卽攻城劫官奪印本府與龔知縣見事勢危
迫多方善諭令附郭赤溪寨衣巾土生楊永祿
勸化諸苗又據五靖哨退兵寫送木刻乞借銀
伍拾兩退苗以保多命等情隨於該縣借出秋

糧綿花壹千斤并隨帶犒賞銀牌銀花共柒拾
餘兩給與衆苗後勒寫給印信掌管文帖并豬
酒方行解散初陸日本府與黃叅將龔知縣方
得回府次日子時惡苗又將五開衛水井燕窩
長春叅堡等處盡行燒劫等因詳報到道又准

平播全書

卷三

全

未

叅將黃冲霄手本移報相同該本道會同守巡
貳道看得皮林寨惡苗始而截路殺人繼而抗
勘殺兵并傷五開衛款丁多命可謂藐法無忌
然奉三院明文止於挾勘首惡撫安脅從誠慎
之也迺五靖叅將黃冲霄不堪士民辱詈卽動
官兵進剿輕信鄉導逃竄之言致墮苗賊埋伏
之計倉皇奔潰糜爛衆多如此失律喪師豈容
覲顏在位應合叅處黎平府推官丘獻可永從
縣知縣龔一慶所屬苗民猖獗亦非恩信素孚

均應責成招撫以散賊黨以安地方其惡苗俟
播平之日另議剿處叅將事務另文詳委原任
遊擊呂應陽暫署及通詳湖貴撫按外呈乞照
詳等因到臣隨批即今剿播其餘小苗宜
一切置之白刃交前不顧流矢勢則然也度於
寨之事甚微黃冲霄何人可任專征至撤剿播
之兵以分之卒至失律喪師一軍皆沒豈不惜
乎此等事從來不以一字相聞直待失機至此
乃始呈報何也黃冲霄革任聽叅急擇才勇開
將代之仍亟行各衛所州縣一體申嚴防守所
殺官兵的數幾何查明速報去後續據該道呈
詳叅將黃冲霄既已失事該叅事務應令委官
暫署查得原任浙江遊擊呂應陽韜鈴素諳堪
以代理等因呈詳前來除批呂應陽准委用外
該臣看得上皮林之事在諸苗誠無所逃罪顧
跡其始事止於截路殺死貳人此盜之白晝搶
奪者耳後以兵挾勸而敵殺捌玖人此盜之拒
捕殺人者耳誠以盜治之懸購其首惡離散其

黨與一獄吏數游傲之力足矣即欲問罪伸威
一勞永逸亦須播事既定鼓其餘勇亦自遊刃
有餘何必亟亟滅此朝食為也詳其始末禍蓋
獨起於該府推官丘獻可之易言兵而叅將黃
冲霄之輕舉妄動幸功而貽禍也夫苗以萬數
不為不多叅千兵豈易敵之而率爾深入一何
急也邇來衛所兵疲敝脆弱各省皆然今所恃
者乃該衛款兵千伍百與其餘之零星烏合者
且撤征播之兵叅百竝止偏橋上班之兵以益
之一何易也陷入伏中略無知覺一何愚也貳
拾世官叅千甲七駢首就戮又何懦也主將奔
回城門晝閉綿花千斤銀漆拾兩盟之城下而
與之若非衣巾土生之緩頰幾有羊繫頸之
事又何其備極醜態也蓋黃冲霄自以為惡苗
無幾一鼓下之張武功而受上賞亦足以明得
意矣而不自知其兵不可用與已之不能用兵
舉數千人之命嘗試以博功名於心安乎夫將
有懦者每畏敵而不出然尚足以全軍亦有勇

者或與卒而併命然亦足以立節冲霄於二者
何居焉此宜盡失機本法真之於理始足償貳
拾武職之寃命而慰三軍之幽魂者也若丘獻
可者不知兵又不知將倖一擲以快雄心而不
意其流禍至此極也顧其事在將領將不足任
彼亦無如之何此宜量行議處以警文職之喜
事者永從縣知縣龔一慶始事既鮮綢繆臨事
又失駕馭損威貶體貽恨一方亦應並議罰治
以警庸懦者也若該道副使王應霖地其所隸

平橋全書 卷三 六

兵其所司失律納侮何以自解第其始而持議
原止挾勒而未及征剿繼而舉事方駐偏沅而不
在行間當該叅倉皇苗警之秋正該道拮据
播事之日所宜量行罰治以戒失職仍候播事
通論以責後效者也顧臣尤有說焉臣之得督
叅省也以征播則一播之外餘宜勿問矣顧征
播豈易言哉士馬不精疆則不能征錢糧不饒
裕則不能征人心不齊一地方非寧帖則不能
征此宜舉叅省之遠近上下一意從事而後可

裏厥功者也乃臣以貳月初參日誓師拾貳日
進兵而該省以初肆日剿苗矣又分兵矣又無
何而告敗矣此其於征播得無相妨否夫臣所
督者叅省軍務也漢土官兵例得管轄大小軍
機例得與聞

勅諭昭然節經申飭奈之何各院道俱有詳而獨無
一字詳臣也既不詳則宜竟不詳矣又何失事
之後而始倉皇詳臣也蓋此事上下相視以苗
為易與謂一舉滅之當以功報而不意其決裂

平橋全書 卷三 六

至此始不得不以相聞然晚矣臣
請著為令自今以後貳省兵事除尋常強竊盜賊不
必瑣瑣相聞外但凡土司郡縣衛所漢夷一切
有關兵馬錢糧重大事情應詳者詳應驗者驗
即事在當機難以遠請者亦一面舉事一面報
聞庶臣得以叅酌贊成或未必毫無裨補臣生
平職掌之外不好多事惟是有感於皮林寨之
事如黃冲霄之不任專征與衛所軍之不堪剿
苗知之頗直當征播之時不宜別有舉措以亂

大謀籌之類預使其有一字之聞亦未必無一言之助幸而事止於此若更大則此省之進兵有阻當是時而後重加叅處已無及矣伏乞勅下兵部通行議覆行臣等遵奉施行其黃冲霄員缺仍亟選智勇將官除補諒省苗情俟播平另行議處地方幸甚緣係楚省分兵剿苗失律納侮乞

賜究處以肅法紀竝議遙制事宜以一軍政事理未敢擅便為此具本專差承差周之冕齋捧謹題

請

旨奉

聖旨諒部知道兵部覆奉

聖旨是

保留方面疏

題為保留給由方面官員事據四川按察司呈奉

臣批據本司建昌兵糧道副使顧汝學呈稱云

云諒臣會同巡按四川監察御史崔景榮考得

四川按察司建昌兵糧道副使顧汝學清脩有

韻恬淡無營遠夷頓爾向風羣吏瞿然顧化稱

職茲當參年秩滿例應給由應令赴部考績第

本官管轄盡皆夷探今川省方有征播之役各

道兵備官俱宜在任彈壓地方以杜諸夷乘虛

窺竊之姦委難離任相應照例題

請保留除批諒司行令帶俸管事仍造冊差人齋繳

外伏乞

勅下諒部將副使顧汝學覆加考覈題

請施行緣係保留給由方面官員事理未敢擅便為

此具本專差承差周之冕齋捧謹題請

旨奉

聖旨吏部知道覆奉

聖旨着各就彼復職

查叅黔路得關復失將官疏

題為黔路失律喪師得關復失據實查叅以肅軍

政事本年冬月貳拾捌日准巡撫貴州都御史

郭子章咨據左監軍按察使楊寅秋報稱本月

拾伍日戌時據河渡統兵都司張秉忠飛報拾

肆日夜因擒姦細撥出公文已知賊來衝營預

令部兵加謹慎防一面請兵應援拾伍日未時

播賊數萬突然而來雲南官兵先殺壹陣敗走

過河泗城官兵初尚剗住以俟交鋒後慮糧餉

平播全書

卷三

九十一

九

積在老寨尤恐有失遂即收兵回守糧餉并分

兵把截渡口發兵應援緣由到司除會同總兵

星催鎮雄隴兵策應及督泗城滇兵剗營外至

拾玖日據統領雲南中軍官張澍報稱拾伍日

賊兵數萬前來滇兵沅江寧州羅平迎敵以象

先衝挫其先鋒賊遁走斬馘詎料無援兵象奮

不顧身淹溺督陣官何天慶名色把總甘靖方

朝宗楊玉王彥緯哨長許應援奮身衝鋒各手

砍逆賊數人中槍而死餘各陣亡領兵指揮胡

珠王之瑞馬時亨督陣贊畫黃龔千戶龔勳劉

應祖百戶邵先業把總周貴安時大冒陣而出

賴馬浮江僅以身免收回餘卒同剗守老營早

職撫馘餘兵暫退養銳具報到院除行張澍領

兵剗守及再調滇永各兵進剿并行查死傷官

兵另報合行移知同日又准該院咨稱叁月貳

拾日准總兵童元鎮手本移稱本月拾柒日寅

時據統督永順哨原任叅將楊顯稟稱拾陸日

午時永順兵出哨至雅水偶遇安兵彼此約會

平播全書

卷三

九十一

九

盟誓共圖攻取各有旗幟目把質當意在拾捌

日起營本鎮正疑慮間隨准左監軍面會此必

賊詭謀亟傳令諭道據壩陽守備陳雲龍走報

探得播賊馬步兵不計其數前來衝突即同監

軍飛騎臨河親督抵敵連對叁陣至第肆陣賊

勢益衆所執旗號即昨會哨質當旗幟永順中

哨驚亂麾令督陣等官拔刀不能禁止壩陽兵

相繼奔渡浮橋當有一人走過砍斷橋纜隊兵

俱各浮水不能水者淹沒守備陳雲龍等亦尚

未知下落砍纜之人當時擒獲審名簡宣經會
監軍面審另解談本鎮召集各兵另行相機進
剿理合馳報除行童元鎮集兵戰守并添調雲
南永順精兵進剿及將解到細作發按察司審
明詳報其殺傷官兵候查明至日另覆合行咨
報又據總兵童元鎮呈報相同又據按察司楊
寅秋揭稱查得烏江河渡雖共一路賊巢鬼囤
長菁隔斷陸拾餘里兩關峻嶺峭壁距河險惡
叁月拾壹日攻剋烏江關拾貳日攻剋河渡關

平播全書

卷三

九十二

談職會同童總兵計議兩路距播治計程僅柒
捌拾里賊必併力一向我兩軍復隔越今鬼囤
既掃擒斬幾貳百名顆急應合哨攻打長菁庶
兵勢不分策應爲易就於拾肆日移會各哨揭
報軍門督行間拾伍日泗城土官岑紹勳擒斬
楊應龍塘報陸名撥出說帖領大衆前來衝突
把總葉明遠知風先逃過河本日午時賊擁步
騎數萬先衝雲南兵于營驅象連戰數陣賊俱
損傷賊將象奴射倒矢石交衝象鼻回頭反觸

又丟火磚不如法營中火起陣勢遂亂泗城自
保不赴救援賊登高勢便原任謝參將部兵先
走滇泗兵不支各奔回對岸老營因浮橋兵多
纜斷土兵浮水過河不能水者淹死不下千餘
陣亡督陣官何天慶泗城頭目黃勇等捌名滇
兵頭目生死未知下落拾數名當談泗城統領
官都司張秉忠督率泗城土官劄住三板橋保
守渡口滇兵因無土官當各漫散逃回就經傳
令督行坐營張澍收拾回屯劄佐防禦拾柒日

平播全書

卷三

九十三

賊乘勢衝突烏江先日永順兵哨至通木山等
地方遇賊數萬冒稱水西龍澄兵前來會哨插
血盟擔各換旗幟號頭各留頭目質當拾柒日
辰時又差細作伍名手持令箭稱水西王把事
差來陳守備營中會哨陳守備覺將姦細縛縛
賊已近營永順兵雖號萬名原無定數又先日
哨瞭各兵半未回營即時分哨迎敵賊衆我寡
又別壹枝賊兵從刀靶水包出所執旗號即係
先日所換旗幟永兵慌亂退奔陳守備壩陽兵

相繼奔投過河及半姦細砍斷橋纜陣亡原任
參將楊顯壩陽守備陳雲龍廣西守備白明達
原任守備阮仕奇湖廣領兵指揮楊應芝把總
張一仕賈文忠張翔淹死兵士約殺百餘名星
飛催調標募營等兵貳千餘名拒河固守賊兵
退回除收集永順及土漢兵繕治器械合泗塘
屯營劄佐激勵共圖再舉理合揭報各等因塘
報到臣案照先為參省征播大勝蜀黔更破險
關再報捷音事據總兵董元鎮監軍楊寅秋報
稱參月拾壹日守備陳雲龍督率壩陽兵白明
達阮仕奇督率永順兵奮勇爭先剋破烏江關
斬獲賊級壹拾玖顆拾貳日參將謝崇爵坐營
中軍張澍督陣董黃龔發兵奪占河渡關生
擒播賊貳名斬首拾伍顆又張澍督象渡關生
擒參名斬首拾顆各等因隨會同湖貴貳省撫
臣支可大郭子章具本於本月貳拾壹日
題報訖今准前因該臣會同貴州撫臣郭子章看
得

王道出於萬全
王師貴乎持重彼逆首雖狂狡乎其地直彈丸耳今
且集各省之兵環聚而圍之此以八旅一蓋十
全必克之道也惟是相機而進待時而發以彼
之無所不守當我之無所不攻雖有勇智將安
所施初臣之捨師進攻也期以進則齊進攻則
齊攻既而各路以遠近不同及梗道之零賊堅
瑕不一自不能如期抵關臣隨為壹單開數款
授之各總兵與監軍內第二款云一賊常言各
處防守幾時是了不如放一枝入關與之併力
一戰破其一路各路自懼今宜到關時割壹大
營以為家然後以輕騎探望各路俱到關方一
齊殺進賊自不能分身應之成擒必矣各路鎮
道守此勿失如南川路破關以初玖日龍泉路
破關以拾伍日各堅守至今會師益入蓋其慎
也乃烏江路以拾壹破關稱疾足矣據關自守
稱得勢矣謂宜深溝高壘堅壁以俟又須瞻前
顧後扼要防姦庶其稱有制之兵成無敵之烈

乎獨奈何玩忽不戒壹敗塗地也臣謂烏江之敗有陸失焉初臣計賊兵動號數萬我兵雖分八路必不能一齊到關若奪關之後據關而守彼或以全力衝之衆寡不敵不無慮故臣所派別路兵皆參萬餘此無容更分矣談路兵止宜聚於烏江其河渡則張疑以守可也乃分而為貳相去遼遠我分彼合衆寡懸絕為賊睥睨久矣其失壹也兵既分矣幸而得關宜合兵以守以待大軍無容更入矣而河渡方且攻圍烏

江亦未治壘其失貳也關在前江在後是背水陣也法宜死戰而見賊輒走其失參也欲覓退步必須守橋庶幾可前可卻乃無一夫之守姦細得而斷之其失肆也換旗合哨非倉卒事既知有姦即宜整備而悠悠忽忽遇敵先亂岳家軍始不如是其失伍也土漢錯雜緩急異指一失駕馭豈得調和積妬成爭自分胡越符離之事殷鑒不遠其失陸也此陸者兵家所忌也有一於斯足以致敗而皆犯之宜其及矣今各路

兵日日報捷且取次入關逼圍逆首授首當必不遠即少此一路無妨進取獨是張逆賊之氣寒戰士之心勦師耗財損威辱

國有足恨者且聞喪失淹沒幾至數千已行嚴查未到其在事將領無所逃罪顧陣亡者已過半矣見在惟總兵充為事官童元鎮都司張秉忠原任參將謝崇爵雲南領兵中軍官張澍肆人而已童元鎮身為主帥才謝丈人東隅之失已多桑榆之收無望會須一處以謝三軍張秉忠

謝崇爵張澍各帥一旅以賁四征束伍無能故士畏敵而不畏將望風輒靡不能致人而致於人坐使全軍幾覆誰之過與難謂三軍大敗不可斬也以上各將俱應重究但張秉忠同事已經陣亡張澍遇敵初猶奮戰相應姑免以責後效謝崇爵部兵先奔以致大潰則罪無可原者也監軍按察使楊寅秋既有督兵之責難辭失律之愆但士不用命難罪文臣且向來之拮据多勞更末路之圖回可望所應量行議處仍俟

通論者也除亡失的數與夫先奔將士仍候查

明另行外緣失事頗大合先

奏報伏乞

勅下兵部議覆請

旨將童元鎮革任原缺另行推補仍與謝崇爵行巡

按御史將兩處失事情節查勘明白定罪具

奏楊寅秋量行罰懲俟事完通論庶法紀以明軍

威可振矣若臣化龍調度無方損失有跡無所

逃罪惟聽

平播全書

卷三

九十八

聖明處分而已緣係照路失律喪師得關復失據實

查叅以肅軍政事理未敢擅便為此具本專差

承差張思忠齎捧謹題請

旨 兵部覆奉

聖旨童元鎮失律喪師法所不貸着督撫選差的當

官投解來京審實究罪謝崇爵臨陣先逃即以賜

劍處斬張秉忠張澍姑准戴罪殺賊責立後功仍

嚴行申飭大小將領俱要奮身力戰毋蹈覆轍取

罪不饒安強臣等遵前旨宣諭及劉綎等各符縣

然並進併心滅賊毋得有分彼此驕妬觀望以致

大軍久頓不解成功賞格俱在有違國法凜然決

無少假李應祥着充總兵官換制勅與他餘俱依

擬

平播全書

卷三

九十八

請停撥括疏

題為軍需正急庫藏已空懇乞

聖明亟賜停免撥括以佐征討以靖禍亂事據四川

布政使司呈奉臣案驗准戶部咨為奉

旨清查歲額積餘等銀是否通行伏乞

欽勅以便遵承以肅法守事該本司左布政使盛世

承看得云云由詳到臣案照先准戶部咨該督

徵四川稅務御馬監太監丘乘雲題前事奉

聖旨前有旨清查各省歲額會銀及餘積無礙銀兩

平播全書

卷三

九十九

李翰

亦便會商蜀省撫按等官遵奉前旨從公查勘具

奏勅諭不必又請如有官吏人等抗違玩視的准

亦據實指名叅來治罪該部院知道欽此欽遵移

咨到臣案行該司查議去後今據前因該臣會

同巡按四川監察御史崔景榮看得川省錢糧坐

派有定額出納有定規然歲年正支之外稍有

餘剩故先年無過別省軍興常得借用乃年來

採木事起費用浩繁於是庫藏一空所有無幾

矣採木之事未停征繕之事復起當是時臣行

布政司查見在庫銀僅餘百萬除年例止支外

其為節年積餘堪動者不及陸柒拾萬臣竊危

之因

請大發

內帑而未得也止太僕寺解到柒萬然已借貴州

拾萬矣

請得停止解陝銀而陝銀先已解去矣

請得償還借滇銀而滇銀已轉還貴州矣則川省蓋

毫無假借於外方也夫興師拾萬日費千金今

平播全書

卷三

一百一

李翰

川省用兵不止拾萬加以買馬製器轉運犒賞

事事創為繁費不貲蓋至今日而司庫之積蕩

然一空也豈惟司庫即各州縣當賊破碁江時

遠近惶駭各圖戰守脩城鑿池招兵買馬於時

急在然眉多先動支而後申詳臣近因司銀不

繼行各州縣以庫銀堪充軍餉者解發軍前充

餉而各州縣所報有陸柒拾兩者有貳叁百兩

者千金之貯不數拾見由是觀之此外又安有

餘銀安有無礙者哉今兵已入關矣賊且上圖

矣然其險不易攻攻不易尅環而守之未卜何
日方了賊壹日不平兵壹日不撤兵壹日不撤
費壹日不止即賊平而功級之費散兵之費犒
賞之費善後之費賑恤之費百孔千瘡難以億
計尚不知出之何處今

內帑動稱匱乏已必不敢望

頒發外省各經按括已必不得假借臣方處難下之
勢當維谷之時罷之則一死豈足塞責圖之則
空拳何以搏虎每每當寢而起坐當食而輟箸
髮一夜而半白年未衰而先老百感交叢不自
知其稅駕之所也今

明旨已下中使有行儻遂遍歷州縣盡數按括以軍
需盡為無礙以外府盡入內供則本折兩無士
馬矣賴枵腹之衆脫巾而呼經年調發一朝潰
散垂亡之逆賊卷土而來伺隙之羣姦唾手而
起當是時臣固已身無處所矣

陛下之四川可再得乎是一舉而以西南半壁之天
下為戲也夫年來用兵寧夏朝鮮竝比而三矣

寧夏發

內帑陸百餘萬朝鮮發

內帑壹千餘萬今川省未有數拾萬之發也乃竝

其地方之積餘一掃而歸之

內帑豈往日之兵馬皆須動給錢糧而今日之兵
馬可以任其生死乎豈邊地應急外國應存而
梁益黔楚數百萬之生靈數千里之封疆可置
之度外乎此臣之所最不解者也嗟夫川民亦
可憐矣採木者陟岡歷澗已死復生運餉者冒

瘴衝炎既生復死當賊者身首橫分室廬為沼
不當賊者租庸十倍雞犬不寧川有司益又可
憐矣自採木事起而經年在山自征播事起而
經年在播勤能者一身而百委交叢遲鈍者一
誤而一官不保今幸賊勢漸衰完局可望小民
真有旦夕之安有司希得息肩之日

陛下縱不能大發金錢早俾竣役又柰何扼其背絕
其吭收其供軍之資貽以不了之禍令遠近士
民當然喪其求生之心欲籲天而無從也臣為

此懼不敢不以

上請伏乞

勅下內監止司稅務暫免梭括為三軍留數日口食

為三巴留一線生路則地方幸甚臣幸甚臣無
任哀懇仰望之至緣係軍需正急庫藏已空懇
乞

聖明亟賜停免梭括以佐征討以靖禍亂事理未敢

擅便為此具本專差承差郭榮祖齋捧謹題請

旨

平藩全書

卷三

百三

贈錄戰將王芬等疏

題為逆賊糾眾爭關綦路先敗後勝據實報

聞乞

賜特旌死事將領以厲臣節以作士氣事本年肆月

初玖日據綦江路督餉紀功叅政張文耀報准

原任南京右軍都督府署都督僉書今充為事

官劉鋹手本報稱本職於本月初壹日分布官

兵於地名白石口劉營候各路兵馬約齊進剿

間初叁日辰時忽據哨役飛報逆賊楊應龍領

平藩全書

卷三

百四

十四

兵數萬沿山遍嶺蜂擁而來本職即率各營兵

馬分頭迎敵自辰至午賊兵愈添我兵奮勇血

戰連鬪數拾陣銃炮方擊齊發賊兵稍却都司

王芬守備陳大綱土官楊愈皆奮不顧身乘勝

追至青龍關被流矢所斃本職親率中軍王九

思家丁千把總劉可春劉招孫等併力追剿衝

過青龍關鏖戰拾數合賊眾大敗奔潰時已天

暮焚其關寨收兵回營又該遊擊周敦吉守備

周以德等相繼直追至養馬城方回登路官兵

斬獲功級峯百峯拾陸顆被傷及墜崖死者甚多奪獲戰馬柒匹盔甲器械峯百玖拾陸件陣亡跌傷被傷官兵冊送紀功官查覈轉報惟是審據生擒苗賊吐稱楊應龍因見本路官兵入關隨同逆子楊朝棟楊惟棟拜親族楊珠等統領領司上刻老虎兵拜各種苗夷分爲峯路應龍與貳子各統峯萬拜諭各苗自稱我等生死只在今日必要決一死戰又令楊珠等統兵抄往後山奪占婁山關要將官兵四圍包住奮力

敵殺使不能出不期

天兵嚴防等語爲照狡酋以傾巢之寇併力本路自謂阻據婁山斷我歸路必使三軍無一生還若非仰仗

天威將士用命殺敗賊衆則我前後左右皆爲勅敵圍困其中誠莫知所終者又據監紀同知史朝貞揭報相同及稱初峯日之戰天全招討司土官楊愈叙南衛百戶聶儒督陣旗牌官郝大仁皆死於陣至於散兵之亡者以數百計緣衆寡

主客不敵幸先敗而後勝不足爲慮各等因據報到臣除將陣亡官兵分別收殮及酌量優恤仍候委官查明至日另行具

奏外該臣看得賊負夜即以自雄東撫長江之流西據羣山之阻則婁山關固其前門所欲以死生爭之者也劉綎一旦而入婁山其能甘心坐待不與一角乎綎以貳拾玖日入關賊以初峯日始來其嘯黨呼羣專精厲氣欲一戰而得志焉居可知矣王芬自入關以前累戰皆捷意頗自得視賊如無甯請居前鋒以當賊當日與陳大綱楊愈並營獨當松門埡之衝去太營遠在數里賊質明而攻之遂以一子營而當其全鋒衆寡不敵因至衝潰所部兵且戰且却多鳥獸散而芬等以各係將領挺身立鬪遂爲流矢所中死焉比綎聞而提兵赴之銃炮齊發賊勢頓靡又以周敦吉周以德分左右翼而出其後賊遂大奔追之數里斬級峯百同知史朝貞所謂先敗而後勝蓋實錄也川兵自開刀以來轉戰數

百里未嘗少挫乃茲潰一子營殞貳備守壹土
官且損官兵數百不可不謂失利王芬等之營
去大營數里柰何以孤軍受敵不可不謂失筭
賊來宜有偵戰宜有報援桴而趨之宜捷於影
響柰何前軍已敗而後赴之不可不謂失援
固自負知兵者乃有此失乎所幸一戰破敵追
亡逐奔殺傷大當斬馘數多蓋自是戰以後賊
遂不敢復向婁山則亦足以褫其魄而奪之氣
者且縱自打簷洞戰九盤關外之功甚著今且

平播全書

卷三

五

本

奪關逼圍壓海龍之門而壘論當日則勝足補
敗通前後則敗少勝多且今功在垂成宜觀其
後即有損失似應免究獨王芬陳大綱諸人力
戰有功委命疆場所宜

亟加卹典以勵羣心者為照保定坐營加銜都司王
芬負膽似斗有戟如髯高散金養士之風厲撫
劍酬

恩之志不辭馬革誓掃狼煙東征加銜守備陳大綱
又在戎行夙稱健將頻年東討方掛扶桑之弓

此日西征竟作睢陽之厲此貳臣者所宜

待加贈官仍與世廕更為立廟婁山關以旌其忠者
也天全招討司副招討楊愈原出太原之裔居
然世將之風萬人獨往真羅熊不二心之臣九
死不移愧夷獠持兩端之輩此壹臣者所宜
超加贈官仍徑令其子楊時和承襲以示優異茲附
祀於婁山之廟以為土司死國之勸者也其百
戶督陣等官則候事完勘明類報優卹緣茲事
有關激勸合行具

平播全書

卷三

五

海

題伏乞

勅下兵部議覆將劉綎俟事完通論王芬等先行
褒異庶忠烈之英靈不散將戴德於九原營伍之感
激無窮可收功於百戰矣緣係逆賊糾眾爭關
官軍先敗後勝據實報

聞乞

賜特旌死事將領以勵臣節以作士氣事理未敢擅
便為此具本專差承差郭榮祖齎捧謹題請
旨奉

聖旨兵部知道本部覆奉

聖旨各官忠勇死戰卹錄宜優王芬贈都督僉事蔭

一子與做副千戶世襲陳大綱贈署都督僉事蔭

一子實授百戶世襲楊愈贈宣慰司副使楊時和

先准承襲父職餘俱依擬

平播金書

卷三

百九

辭陞疏

奏為

天恩隆重揣分非堪懇乞

聖明辭免

新命以安愚分事萬曆貳拾捌年肆月貳拾捌日准

吏部咨為給由事該臣

奏為前事該部覆奉

聖旨李化龍著陞都察院右都御史照舊總督欽此

欽遵備咨到臣竊念臣本書生無他志略向偶

承乏遼邊淹及參載無所短長自知不任兼之

病廢因乞身而歸無何復蒙

聖恩起之田間授以兵寄游及壹載更少建明即今

督兵入播與賊相持尚未知事之所底由前則

守邊無功由後則攘夷未效臣之曠官溺職已

可見於前事矣參年考績幸免幽黜已屬望外

更加以不次之權不已過乎夫右都御史貳品

之崇階而總憲之重任也位尊則非薄德所宜

居體大則非小器所能任臣即厚顏而承之將

平播金書

卷三

百十一

使遠方喬土逖聽遠覽之人且謂海內卽乏材
柰何以猥瑣無似之流畀以總持風紀之寄不
亦輕

朝廷取遠人之侮乎夫因事而授官

人主之所以明法量能而受事人臣之所以明義如
以爲臣在行間用以彈壓將吏則原銜以兵貳
兼憲職不啻足矣如以爲計資而程勞則資誠
及之勞於何有甚非臣之所宜蒙也是用引分
揣已控訴具辭伏乞

平陽全書
卷三
百三十一
陛下收回

成命容臣仍以舊銜總督庶不至踰分以濫

恩亦可安心以圖報矣緣係

天恩隆重揣分非堪懇乞

聖明辭免

新命以安愚分事理未敢擅便爲此具本專差承差

齋捧謹具奏

聞伏候

勅旨

奉

聖旨考績加恩已有成命不准辭吏部知道

平陽全書

卷三

百三十一

糾參庸校文武官疏

題為滅賊在卽庸將為崇擾實糾參竝議處庸校
府官以明節制以靖妖氛事臣惟播賊大逆無
道自干

天誅

陛下不以臣為不肖令會師進剿臣初受

命如芒在背計惟數萬惡苗信信思逞參省物力落

落難合利鈍之數寧復可知乃今進兵參月矣

幸而以

天之道

陛下之威靈擗路同攻三軍用命蕩其土宇焚其廬

舍殲其兇黨宥其降人彼逆酋者失千里之封

疆棲窮絕之孤困我軍四圍而環攻之如鼠在

穴如魚在沼薰之灌之網之烹之惟其所為更

無他慮臣日惟嚴併諸路竭力饋運期無乏絕

所冀旦夕一鼓蕩平擒斬元兇俘馘羣醜臣惟

有直登海龍顛燕勞將士耳乃何意事且重成

功在漏刻突而有總兵吳廣者喪心病狂怯戰

講降坐延時日而老師費財也臣請先言其情

戰講降之實而後及其他初賊見我兵入關知

兵力難敵則每路各遞投降公文參伍封劉綎

則鎖其使於營中吳廣則厚犒其使與之期日

而遣之臣恐諸將為所給乃移文營中謂賊黨

之降可受賊父子決無降理降必有詐不可不

防自後賊使來當斬其使焚其書第急攻之當

無不下又恐劉綎或以有舊與之通也則直數

之曰余何故納其使於營受其降文欲通賊耶

吾且以

尚方取而首綎得檄大哭指天自明械其人於臣軍

門臣謂綎不通賊廣無慮也乃賊知綎已不可

通獨廣可愚因專力通廣廣遂欲乘此獨受其

降以專功而微利則日與約降更不言攻困事

肆月貳拾伍日賊以楊永用至廣營約降時方

接臣檄不得已斬永用而攻之奪其關互有殺

傷賊見事急復以楊文舉來約田氏降廣密受

之至貳拾玖日衆方約攻廣曰無庸也各營且

來受降於是臣所遣督攻按察使張悌監軍參政張棟總兵劉綎馬孔英皆至至則圍上人曰田氏來降久之但見壹婦人於圍上參拾陸步之下拜表痛哭而已且令諸文武至彼受降廣卽欲赴之監軍張棟曰彼無一介之使入營大將可輕身往耶張悌亦力止之始不行因令人取其表觀之皆支詞蔓語歸罪於人非實降也棟等因批令田氏擒斬應龍者當如賞格而廣遂爲判定限叁日至叁日而杳無降音也衆復議攻時久雨計天晴卽合攻矣乃初伍日而楊朝棟又詐爲應龍仰藥死申報廣廣又信之卽差人往驗屍賊以假屍令驗歸報廣益信之復約諸文武驗屍時諸文武以臣督攻急但約攻至初柒日天稍晴衆往攻會雨作復止廣獨按兵不動既有自圍上奔來者云田氏非降欲以緩攻屍乃楊珠前壹日川兵攻圍火炮所斃者賊欲借之而以詐死埋名完局也自是一軍皆笑廣所爲而會臣與按臣所切責通賊之檄如

平播全書

卷三

五十五

兩所督攻圍之人項背相望諸將益治攻具至初拾日天稍霽急攻之始燒貳關奪三山賊依舊集諸苗死拒而投降仰藥之事盡付之無何有之鄉矣嗟夫廣年已陸拾老在軍中詐降詐死狡酋事急計且爲之豈以廣而有所不知則以怯戰之心奪之耳初臣見諸將久不入關因與約日至叁月之終而不入關者斬其部將大將以巾幗辱之時湖貴貳將以烏江新敗軍心頗搖不能卽入關四川參將馬孔英已據關久矣劉綎得檄疾馳以貳拾玖日入關廣聞之始以初壹日發兵打崖門至初叁日乃身自入關至則營水牛塘賊與戰叁日力却之然自是有懼心矣其投揭與臣謂諸將未至而獨令彼入爲臣愚之臣讀之曰廣畏賊若此得無悔其入耶蓋自是乃絕口不敢議攻也且廣之益浪風狂殆不止此初臣分布貳監軍張棟監川東路謝詔監川南路初入關時詔尚以病留關外棟先至移文參將分布夾攻廣手其檄抵之於地

平播全書

卷三

五十六

曰公川東監軍何得管我事我川南無監軍耶
不用其約夫攻賊自本等事監軍有約即宜投
袂赴之何問川東川南而惡語相侵何無禮也
自為約約參將以拾柒日攻至拾陸日而背之
又止告綦江路不告南川路致令發兵以孤軍
被殺者陸拾人又不發兵救之次日聞綦江發
兵乃發纜出門輒止曰吾保本路無失足矣比
問貳路奪養馬城破海門關又與監紀知府蔡
宗憲飛使報功攘為已有爭之不已查之再四
而後明何其狡也臣恐諸將不齊心令按察使
張悌於國下約會文武歃血同盟以伍月初參
日期集神祠廣獨不至參請始來來則曰應龍
欲限拾日來降衆折其非則曰事不成我不過
回家守戍指揮貳道謂公為大將事不成何得
歸則曰我在行伍多年親見某時某事某總兵
去某總兵來何得不歸嗟嗟大兵討賊海內震
動夫糧糴騷雞犬不寧臣拮据督併寢食必廢
即稍有人心者恨不滅此朝食廣身為大將獨

欲敗其事歸守指揮

朝廷養士固若是耶何其悖也臣計破國之後諸
軍必爭國上財物儻為賊所餌勝逆為敗即賊
已盡而我軍以爭財相殺賈禍更費收拾數數
行之軍中令破國之後封府庫禁捨劫又為手
書通告道鎮令其公同檢視將賊之財物封識
看守造冊呈詳聽候批發奏報給賞不得縱兵
恣掠致取嫌疑廣得之拂然曰此事必不能從
但取成功足矣身為大帥不思止亂先為曠亂
之詞豈其有所垂涎於中耶何無耻也每對人
言吾無心做總兵今至此地位歸亦足矣又言
吾為四川正總兵賊應屬我擒誰敢爭我即與
相殺監軍分布劄後山不劄水西兵劄之又欲
奪之曰不讓即殺之時以穢語罵部將左右之
人耳多不全臣恐以狂暴起變數數戒之如不
聞何其酷虐無忌憚也蓋廣以裨將致位大帥
心高意滿但欲全身而歸經戰之後其心已灰
不勝其保身之念比見賊滅在旦夕又欲事出

其手不勝其貪功之心保身之念與貪功之心
合故聞戰則懼聞降則喜賊得以乘其間而入
之不知賊至今日已自知必不得免豈有降理
上困不壹月尚可支持亦豈有輒自盡理不過
借以愚廣欲延至溽暑以耗我糧老我師冀得
倖免廣遂入其餌而以自愚屢盟屢叛通賊縱
賊不赴監軍之約亦不用臣之命有將如此尚
可恃耶夫廣無足責也知府蔡宗憲發身科名
致位方面所宜公忠報

國宜何如者以贊理監紀日在營中廣之剛愎縮
胸無能改於其德而日與之比周為姦廣爭功
亦佐之爭功廣約降亦佐之約降拾柶日之約
既與廣皆盟矣至拾柶日甫發兵而即移書劉
繼求救曰本路兵已至養馬城望急來援不知
縱兵時已劄養馬城永合兵猶未至也張棟移
書責廣失約而宗憲為之爭辯不已至投揭於
臣及按臣之前臣發其前後稟揭自相矛盾者
示之乃噤口約降之事日與廣營中經營之惟

恐各路知彼意以廣受降廣為功首彼亦為監
紀之首也不知賊即降即死亦大家兵力所迫
功豈在壹人比賊詐已露知墮其計又以壹揭
投臣與按臣曰吾原欲就中取事臣又摘其稟
揭之自相矛盾者示之不知宗憲何以自解據
營中所傳貳人尚有別項希冀臣方欲覈功罪
之實何敢以曖昧誣人獨念此

國家何等大事廣以胸臆橫梗其間而宗憲復挾
滿腹鱗甲以佐之耗軍實而灰士心致日延壹
日老費已甚貳臣之肉其足食乎臣以為宗憲
之罪殆不減於廣也今平賊在即亦不賴廣壹
人但廣前此亦有戰功尚可督勵而使之臣已
遵照從重處分之
百移文暴其罪姑以便宜革其職令充為事官以減
賊自贖於宗憲亦且革其贊理監紀委官代之
止令戴罪約束原領馬湖兵亦以減賊自效臣
又督勵諸將剋期夾攻計賊授首非遠第廣係
大將宗憲係肆品以上文官仍應請

旨處分謹遵先發後聞之

旨列其罪狀具題伏乞

勅下吏兵貳部議覆將廣亦且照臣所擬革其職充

為事官蔡宗憲亦且降其俸級各令以討賊自

贖數日之後功罪自明臣當另有疏報臣無任

惶悚仰望之至緣係滅賊在即庸將為崇據實

糾叅竝議處庸狡府官以明節制以靖妖氛事

理未敢擅便為此具本專差承差陳治道齎捧

謹題請

卷三

百五

旨奉

聖旨

兵部覆奉

聖旨吳廣著革總兵銜充為事官戴罪殺賊立功自

贖

糾劾有司疏

題為糾劾不職有司以飭吏治事照得蜀地僻在

西南民俗詭竅吏治偷惰所從來矣臣於受事

之初業以遵奉

明旨會同前任按臣趙標將全蜀有司斥逐更調共

參拾餘人一時吏治少覺清肅迄今播事方殷

大計非遠有司苟無大過未嘗不鞭策使之乃

若叢利於已結怨於民或廢弛已極叢脞已甚

一日不可居民上者若不一摘去之而直待大

旨奉

卷三

百五

計選陬之民突罪焉臣謹會同巡按四川監察

御史崔景榮為

皇上陳之訪得犍為縣知縣劉唯一以財為命有蠅

營狗苟之心視民為讎行如狼牧羊之政指採

木侵扣山本捌拾兩復以累民因運木加派夫

價貳百金盡以入己征播發銀糶買此不得已

之役也穀每石扣銀伍分豆每石扣銀壹錢是

亦不可以已乎受詞問理罰贖亦有司之常也

每月既放告參次每日又准狀數張得無取贖

太多乎各行之貨物各役之工食孰非民脂而
半攫之囊中是可為孰不可為楊倫等伍人張
月照等數人原非真盜而盡斃之杖下是可忍
孰不可忍彼孽孽而為利若惟日不足民眴眴
而胥讒曰時日害喪此壹臣者所宜照貪酷例
革職為民者也平武縣知縣陳尚賢身入晚景
自覺來日無多時遊醉鄉每曰人生能幾借富
民以償京債已非法矣又挨行而給食公平私
乎改工食以充軍餉已在庫矣復出借以收息
官耶吏耶詞訟有告即准顧能准而不能問也
徒令差人之腹果然工食盡收在官顧肯收而
不肯散也求免胥徒之口難矣市物已用官價
又每給以半值飭怒每用非刑或至撻之終夜
其事之積如山其門之沸如市其民知有吏不
知有官其官知有己不知有民但其任未及期
年其守未至大害此壹臣者所當照才力不及
例降調開散以責後效者也伏乞

勅下吏部再加查訪如果臣言不謬將劉唯一革職

為民陳尚賢降調開散另選精明廉慎老代之
庶吏治得人民生有賴矣緣係糾劾不職有司
以飭吏治事理未敢擅便為此具本專差承差
陳治道齋捧謹題請

旨奉

聖旨吏部知道本部覆奉

聖旨劉唯一著革職為民陳尚賢依擬降調開散

平播全書卷之四

奏議

四報捷音疏

五報捷音疏

六報捷音疏

丁憂疏

大報捷音疏

告病疏

請褒蜀王助餉疏

平播全書

卷之四目錄

議雷免覲疏

三懇告歸疏

獻俘疏

露布疏

查參黔路失事疏

乞宥程布政等疏

乞卹張監軍疏

目錄終

平播全書卷之四

奏議

攻剋婁山崖門等關四報捷音疏

題為大兵連破重關漸逼賊國再報捷音事案照

先為參省征播大勝蜀黔更破險關再報捷音

事該臣將蜀師攻剋桑木關黔師攻剋烏江河

渡貳關各功次具本於本年參月貳拾壹日題

知間又為黔路失律喪師得關復失據實查參以肅

軍政事該臣復將黔路失事緣由具本於肆月

平播全書

卷四

初參日參

題訖所有參月貳拾貳日起至肆月初貳日止參

省官兵連日與賊交戰情形功次應合據實為

皇上陳之據龍泉路湖貴監軍參議魏養蒙督餉紀

功副使陳與相路雲龍報據監紀思州府推官

吳天佑成都府雙流縣知縣鄧弘烈報准統兵

副總兵陳良玘報據領兵參將王一桂指揮唐

一麒報稱奉令於參月拾參肆等日督率施南

散毛忠峒忠建高羅大旺臘壁盤順東流喇惹

等司寨宜撫安撫等官覃宜等土兵伍千攻打
板角關與賊大戰於拾伍日奮勇剋破共斬賊
級貳百零玖顆生擒壹名俘獲男婦壹拾陸名
口馬壹匹器械不計陣傷土兵肆拾玖名各司
官兵據關劄守至拾捌日申酉戌參時又報楊
酋統馬步肆萬名為老虎兵貳路包圍關隘次
日寅時參將王一桂指揮唐一麒督同施南等
官分兵迎敵從寅至未血戰百合我兵雖少戰
氣百倍又斬賊級壹百柒拾玖顆奪獲器械甚
多陣傷土兵叁拾玖名又據副總兵陳良玘報
稱節發督兵指揮劉之屏劉自西與為事守備
楊惟中千戶張夢麟陳國祚譚世元陳大順丁
慶戴天珠王億千總周世祿哨官江添濟等各
率兵攻打黃沙盤葛漏等圍并協攻板角等
處共斬獲首級陸拾壹顆生擒有名酋惡林正
傑等捌名又據參將王一桂報據標下千戶孫
應朝錢子惠把總黃明儒周世祿等各招撫過
播地夷民劉朝東宋正湖劉仲和董國相彭寵

楊文秀羅俊甫等壹百叁拾柒戶男婦肆百零
伍名口又據副總兵陳良玘報據守備楊惟中
指揮中軍把總塘報劉之屏葉定遠周世祿王
優趙志定等各招降過播民蕭繼祖廖朝剛張
朝世蔣榮等捌百玖拾柒名口又取出被虜屯
軍董國武何尚八黎世華等柒百零叁名又據
南川路監軍叅政張棟督餉紀功僉事徐仲佳
報據監紀重慶府推官高折枝報准征播總兵
官馬孔英報稱叁月初捌日剋破桑木關之後
至拾貳日分撥提調駱有餘把總褚真兒添太
然劉添忠各領兵進關遇賊拒敵又真州司長
官駱麟鄭葵舍人鄭紹仁平茶司土官楊光祖
千總楊光宗舍把楊正英楊正瓊楊正玄鄧添
爵楊正模等各領兵攻打銅鼓二羊草果伍龍
鬼崖風竹羊崖早木凜水等圍寨與賊戰披
靡共斬賊級柒拾壹顆生擒壹名俘獲賊屬男
婦貳拾伍名口馬肆匹器械玖件輕傷軍兵貳
名拾柒日又據叅政張棟報據推官高折枝呈

准總兵馬孔英報據領兵叅將周國柱李經報
稱各職同守備萬民英宣撫冉御龍馬千乘邑
梅司千總楊正侯楊正伯楊正詔楊通榮真州
長官鄭葵延綬營千總李進固原營中軍李桂
芳毛兵把總余武募兵把總漆太然劉勝李舉
高尚江等統領各部下漢土官兵前去攻打金
子壩已時到彼竝無賊出惟空寨壹拾玖處并
楊應龍衙門壹所隨令各兵用火燒焚一以掃
其積聚一以誘驚賊兵各兵意在貪取職等恐
中賊計即嚴令安營不得四散止分奇兵焚打
至未時撤回留輕健精兵潛伏便道以防賊追
至酉時果有苗賊數千從溝箐奔出我兵吶喊
撲殺賊見兵起復回奔走追至金子等圍共斬
賊級貳百伍拾捌顆內壹顆驗係頭目莫阿琴
生擒捌名俘獲男婦貳拾伍名口馬壹匹器械
拾件陣傷延綬家丁壹名天色近暮撤兵回營
又據叅政張棟報准總兵馬孔英報稱參月貳
拾陸日本鎮與各將領周國柱李經任承爵等

會同推官高折枝統兵下桑木關暫住金子壩
劄營一面就草餵馬一面哨探虛實前進不意
播賊楊珠同遂子楊朝棟統兵參千有餘伏林
衝桑木關營本鎮起營在賊先賊遂衝入空營
驚散糧夫得平茶司長官楊光祖率後營石砣
兵齊到夾攻賊始退也金子壩口意在絕我馬
軍與關上軍後哨兵報到本鎮即會高推官責
令將領等官周國柱等發兵迎敵驟然撲砍壹
處鏖戰半日不退各營官兵奮勇益戰賊兵始
大敗當陣斬獲賊級壹百零肆顆內壹顆係頭
目曹把事首級生擒伍名內壹名係楊朝棟跟
隨馬夫楊喜兒奪獲器械壹百貳拾伍件馬參
匹陣亡家兵拾壹名輕重傷兵壹百壹拾貳名
射死操馬貳拾貳匹賊見我兵擁至棄甲敗走
天色已晚收兵回營隨會推官高折枝并諸將
計議欲往金子壩劄營相近白田壩慮恐糧夫
隔關難至仍統兵桑木關暫住俟候運餉稍集
進取又據碁江路川東監軍叅政張棟督餉紀

功叅政張文耀報據監紀敘州府同知史朝貞
報准原任南京都督府署都督僉書今充爲事
官劉綎手本內稱本鎮詢問鄉導咸謂狡酋於
此路地名滴淚三坡瓦窯坪一帶聯絡營壘
石劄隘設苗據險石虎關以重兵防守我兵自
下而上急切難攻於是本鎮親督官兵以貳拾
伍日自夜郎舊城分發伍路竝進連奪滴淚三
坡瓦窯坪石火爐各險寨及剋破石虎關追至
炒米坡天晚收兵時據領兵遊擊周敦吉守備
徐珊周以德陳大綱千總劉可春等呈報連日
剋關破隘與賊大戰共計斬級肆拾柒顆生擒
伍名俘獲男婦叁名口投降叁拾陸名口奪獲
器械伍件陣亡兵壹名輕重傷兵肆名射死戰
馬貳匹本日即督勵三軍攻剋悶頭大箐此箐
路徑先是狡酋已用木石逐節壘砌塞斷仍於
兩林埋伏惡苗各以弓弩射打我兵一面齊用
銃炮抵敵一面折壘打過大箐攻取炒米坡直
抵頂山三壩等寨係總理舍人楊兆麟頭目張

漢清郭俊聶璽何廷順等擁衆把截周圍設險
本職分兵四面攻打賊衆拒敵矢石如雨我兵
銃弩夾攻火器齊發焚燒各處營寨烟焰蔽空
震驚數拾里外於是兵威大振賊遂披靡抱頭
鼠竄奔入婁山并各深箐官兵奮勇追剿斬獲
壯苗叁拾壹顆俘獲賊屬壹拾伍名口奪回被
虜伍名當陣投降男婦貳拾伍名口奪獲戰馬
叁匹牛伍隻包甲器械叁拾伍件貳拾捌日前
兵乘勢直抵南溪口鬼崖一帶聯絡劄營仍分
爲肆路竝出奇兵重賞鄉導指引捷徑開闢林
箐令各官兵攜帶乾糧掩旗息鼓一分左路官
兵自播川由九壩石炭關龍堂寺抄出板橋白
石口以防應龍援寇并會右路以攻婁山關一
分右路官兵自官渡河城頭箐砍開道路抄出
白石口以攻婁山關之後本鎮親督官兵由中
路官渡河南溪口以攻婁山關之前并發中左
路官兵自赤土鋪由小婁山抄出白石口設伏
應援各路約定日期一齊攻打貳拾玖日黎明

攻進婁關箐口萬山叢聚連峯掃天後酋恃險築隘復用亂石壘砌并以合抱大樹塞斷兩傍掘挖深壕陷坑內安竹簽設立木關壹拾叁座每關前立數層鹿角排柵上立敵樓叁處堆積礮石梭杆賊既據險仰攻為難我兵方至箐口賊即出關迎敵關上矢石如雨人莫敢近本鎮向前調度隨用火炮烏銃一齊攻打并令調到遊擊都司余世威王芬哈光顯羅星都指揮杜熊兆分投策應各賊抵敵不住當陣銃中楊酋舍人楊兆麟肩喉壹彈傷重未死千總劉可春下達子射死提調聶璽坐寨馬江元因隔排柵俱被賊衆擄救馱回官兵奮勇一齊搶入斬關敵打連破關門壹拾叁道斬級貳拾陸顆俘獲男婦叁拾壹名口各苗跳崖帶傷投箐死者無數勢難找級奪回被虜男婦叁名口牛馬百拾餘隻包紮軍器數百餘件陣亡內丁日本壹名重傷官兵叁拾貳員名輕傷柒拾貳員名箭傷倒死馬壹拾玖匹叁拾日官兵乘勢前去攻打

永安莊楊酋添老虎兵接戰我兵用銃炮敵打又乘勝追至石笋圍泉苗見兵勢大不敢入圍奔箐潛逃官兵將圍焚燒左路領兵周以德右路領兵周敦吉等直抵永安莊會哨共斬賊級貳拾柒顆俘獲男婦貳口奪回被虜男婦叁名口為照此路官兵半月以來破關奪隘東蕩西除擒斬招降威聲大振賊膽已寒即令官兵一據婁山關為老營一據白石口為腰營一據永安莊為前營前後犄角左右設防此去播州白田壩海龍圍僅伍陸拾里稍俟諸路並集約會夾攻賊不足平矣又據合江永寧貳路川南監軍參政謝詔副使史旌賢參議劉一相各報據監紀馬湖府知府蔡宗憲嘉慶州同知趙世德各報准鎮守四川總兵官吳廣手本報據領兵原任副總兵曹希彬參將吳文傑報據永寧宣撫司土官奢世續呈稱前差目把張嵩總管劉國用等宣諭安村長官安守邦安變父子投順之後忿恨楊酋坐寨提調何文明等阻伊向化

立斬何文明等首級致穎生擒王金受獻出到營以表真誠併帶次子安祥及把事安甫等貳拾餘人投見到鎮量行犒賞隨審各民約有壯丁叁千并男婦老幼共計壹萬貳千餘名口俱願跟隨土官奢世續隨給本官統領安插訖又據總兵吳廣報據督陣官徐登報稱地名樓底陳家峒有賊壹夥將進播州登即督長官袁初等兵圍守黑峒袁鼎同頭目袁國佐抹賽龔珠親兵哨官楊富等領兵分投打破陳家峒當陣斬獲壯苗首級貳拾叁顆生擒寨主王好國俘獲男婦壹拾餘名口餘賊被傷逃入深箐我兵被弩射傷伍名又據參議劉一相報據儒溪長官袁起龍袁見龍報稱奉委護運糧餉有親管龔珠在於麻子壩黑峒口遇賊交戰共斬賊級壹拾叁顆生擒男婦壹拾陸名口招降乳灘夷目趙宗端等男婦叁百餘名口又據參政謝詔報准總兵吳廣報據都司吳從周等報稱奉令督率漢土官兵前去馬鞍山劄營各賊埋伏四

起我兵奮勇追賊四散入箐當陣斬級肆拾貳顆生擒陸名烏銃傷死賊馬貳匹器械百餘件因天暮不敢窮追審據生擒何應兒等吐稱頭目郭通緒父將馬鞍山一帶夷民妻子拘在小水田晏山圍約陸柒千餘人殺牛祭旗賞軍要與官兵對敵勝負何如然後入關又據參政謝詔報據知府蔡宗憲報准總兵吳廣手本報據領兵遊擊司懋官都司封建趙應科吳從周千總鄭子龍魯太張子明等各報稱於貳拾玖日奉令征剿眼山圍兵到磨槍埡就遇督軍總管郭通緒率衆貳千餘徒蜂擁接戰有前左貳營官兵當陣斬獲郭通緒首級壹顆摻出身上楊應龍說帖壹張各項書信數張就據降人黃月興等識認是的又據各兵斬獲首級肆百餘顆奪獲器仗不計貳拾柒日發兵攻崖門關以圖進取隨據哨探塘報稟稱前路閔山圍有賊把截本日即移本山連珠屯營復報賊屬男婦在大山老林中截匿洞內賊兵盤據圍上抗拒官

兵不容入關等情及照此圍係黨賊何漾領兵據守素稱桀驁副將曹希彬參將吳文傑督同守備江萬化周大謨等與宣撫司總管劉國用等長官劉謙等各領精兵齊至賊圍示降免誅各賊負固抗敵標矢如雨自卯至午銃炮大震火器盈山賊兵抵當不住我兵直前上圍奮勇攻殺當陣斬級壹拾捌顆生擒陸拾伍名俘獲峒箐男婦肆拾名口奪獲槍刀絮被標弩器械陸拾肆件牛貳拾叁隻我兵輕傷拾餘名傳令撤兵回營休息牛隻均賞各營官兵貳拾玖日移營母豬塘叁拾日直至幹壩逼近崖門關四面攻擊斬入第肆關內圍上男婦膽寒哭聲震天頭目趙圭遂斬提調羅世恩首級并男婦萬餘獻出投降又頭目羅剛部下賊首劉宗成張桂枝孫桂山袁傑等亦望風扶老攜幼率眾百餘羅拜馬前投見又該知府蔡宗憲看得趙圭因見郭通緒等授首即斬羅世恩獻出并劉宗成等投降則外關悉平兵威大振矣初貳日又

據本官報准總兵吳廣報稱本鎮於叁月貳拾壹日自二郎壩發兵叁路盡掃關外村圍梗化約以叁拾日諸哨俱抵崖門關肆月初壹日辰時本鎮馳至關前催督未時據副將曹希彬等報稱遵令是日黎明齊至關下各賊擁眾萬餘出關拒敵職等督率中軍千總目把鄭子龍等傳示懸賞各兵踴躍爭先彼以矢石如雨我以銃炮震天各營官兵攀崖竝進奮勇血戰連斬數級賊遂奔潰各漢土官兵乘勝直衝入關合先飛報看得官兵奮勇斬關致賊奔潰漸攻漸入元惡當即授首矣又據參政謝詔報准總兵吳廣移稱永寧宣撫司目把胡文宗張嵩劉國用傅廷鑾招降過播民張萬才等家男婦捌拾伍名口猶承教等叁百餘家男婦柒百餘名口曹都子三老等男婦叁拾餘名口馮時濟等男婦貳拾柒名口劉復善等男婦壹千餘名口各懼官兵殺害俱來投降隨帶酒肉飯食犒送我兵疑其有毒未食復善等因自食之遂佳投劉

國用等收降各安插永寧地方暫住訖又據偏
橋路湖廣監軍按察使胡桂芳參議魏養蒙督
餉紀功副使王應霖呈准鎮守偏橋總兵官陳
璘手本內稱貳月貳拾柒日督兵攻打龍溪山
捷報之後次早發兵追至袁家渡各賊對敵不
過我兵擒斬賊級壹百貳拾貳名顆俘獲賊屬
男婦捌拾肆名口牯牛壹百零壹頭賊仗陸拾
肆件官兵陣亡肆名被傷貳拾柒名又稱叁月
初壹日自袁家渡收兵回劄龍溪老營初陸日
督兵於乾溪坪與賊接戰數合互有損傷各兵
奮勇衝鋒兼用火器賊敗當陣斬獲賊級伍拾
玖顆奪獲賊仗拾件沙水牛叁拾貳頭俘獲賊
屬貳拾貳名口陣亡兵壹名被傷兵柒名餘賊
逃箐恐有埋伏不敢窮追拾伍日下令各兵取
辦竹木密遣死士連夜搭造浮橋拾玖日率衆
渡江即差哨役前去偵探拏獲壹賊到鎮供稱
楊應龍先發銀米每人犒賞貳兩督令張佑何
漢良謝朝俸石勝俸等率老虎軍萬餘見劄米

牌野豬山伺我兵渡江出奇邀敵等情本鎮親
督官兵銜枚直趨貳拾日黎明行至苦煉坪遇
賊對戰我兵將百子銃發煩鳥銃噴筒西瓜炮
火煉火軌齊發黑焰薰天聲震如雷賊衆大敗
當陣斬級貳百餘顆各賊抵敵不過倒戈奔命
逃入深箐險圍去訖貳拾日收兵回營也劄休
息就據永順司宣慰彭元錦報稱本司目兵由
巖門渡江前進偵探得地名苦菜關屯有賊兵
約叁千餘衆乞速發兵攻剿隨該本職下令遊
擊江騰龍陳策都司吳時喬守備陳九經等各
領部兵前去與同永順官兵奇正迭用貳拾貳
日據報官兵奮勇合擊從已殺至申時賊衆大
敗當陣斬級貳百餘顆投崖跌死者不計餘賊
俱往箐林遯去陣亡土兵貳名殺傷及炮石打
傷土兵貳拾貳名奪獲牛馬給賞被傷兵士祭
賽騎坐又發兵攻打曾家峒當陣斬級壹百餘
顆俘獲男婦賊仗陣傷官兵查明另報又據平
越路貴州監軍參議張存意督餉紀功參政郭

廷良副使尤錫類參議張文奇呈准統兵征播
總兵官李應祥手本據副總兵陳寅原任參將
蔡兆吉報稱奉令統率土官蒙詔楊治隆張元
虎楊燧舍把莫勞守備汪如淵柳國柱伍萬鍾
中軍張奇盛把總吳文秀華統猶鶴楊通吳守
現等漢土官兵於冬月初未日前去攻剿肆牌
高囤龍水囤賊衆下囤拒敵突戰官兵前後夾
攻并用火器衝擊賊力不支共計斬獲首級壹
百陸拾貳顆生擒酋賊參名俘獲賊屬貳拾壹

名口器仗捌拾叁件輕重傷兵貳拾玖名陣亡
玖名迄今官兵此創疆界河內肆牌賊首謝朝
俸等巢穴及盤據有名險囤俱已攻破剿滅合
就移報又據報准總兵李應祥報稱參將蔡兆
吉於冬月初玖日自乾坪營由毛坪白龍拾貳
日抵青岡囤四面石壁箐林僅有峻路壹條賊
設險關貳層據高瞭見官兵蜂擁前來當該前
哨衝鋒把總猶鶴等奮勇接殺當陣斬獲首級
貳百貳拾叁顆生擒謝王保等貳拾陸名其餘

跌崖燒燬不計俘獲賊屬大小男女柒拾捌名
口內有賊首謝朝俸第叁妻藍氏男謝丑保在
內奪回被虜婦女陸口器仗貳百叁拾壹件又
據報准總兵李應祥報稱參月貳拾壹日檄令
副總兵陳寅督率土舍楊治隆中軍孫仲謨等
領南丹平州土兵於夜半由構皮灘渡河伏於
山後把總陳定等領獨山州兵於袁家渡本鎮
親督商民瞻等於水旋渡保靖宣慰彭養正凱
里土官楊燧守備伍萬鍾汪如淵於疆界河參

將蔡兆吉領把總猶鶴等於孫家渡各該官兵
一面敵殺一面搭橋抵夜該本鎮傳令各哨官
兵就於賊岸創營一齊衝殺首尾救應賊衆敗
走共斬獲賊級貳百貳拾玖顆俘獲賊屬壹百
貳拾叁名奪獲賊仗玖拾貳件諸葛銅鼓貳面
奪獲被虜男婦壹拾柒名口輕傷兵叁拾肆名
重傷兵伍拾壹名陣亡領兵哨官劉廷宗兵馬
長子等拾柒名又據貴州監軍按察使楊寅秋
督餉紀功副使洪澄源報准統兵參將朱鶴齡

報據貴州宣慰司宣慰安疆臣呈稱領兵目把
陳恩張崑李輔同罵色丁良茂沙卒等於冬月
拾叁日寅時督率各兵分路進取有播賊苗頭
王阿賽督苗把守新關我兵阿秋阿二得等奮
勇登壕上關發弩射死伍拾柒人殺傷肆拾叁
人隨發火箭燒關賊逃深箐我軍破柵平壑決
堤取間道破傳頭石壁一帶關隘又頭目阿五
等打破大紅關及兩路口一帶坑壑射退苗賊
阿架等殺死叁拾肆人餘賊俱逃頭目柯阿箇
等剋破胡石口各關攻破黑木關射殺守關仲
賊李從正等肆拾叁人我兵衝傷陸名俱同阿
秋阿五等兵於本日申時齊到水坎伍里臺山
口屯劄又據宣慰安疆臣報稱目把陳恩等於
拾伍日巳時攻破板山圍射殺賊兵壹百貳拾
人苗頭拾貳名本道義民官李武帶兵併力進
圍斬苗頭阿王壹名苗賊阿二阿右貳名俘獲
賊兵貳名楊冬受鍾宣餘賊奔箐各自登圍傳
諭召撫在國民戶老幼婦女陸百房計壹千肆

百叁拾伍名口隨近聚住待事定安插原業又
據安疆臣報稱目把陳恩張崑等於拾捌日奉
楊監軍令今楊應龍父子敵散河渡烏江官兵
責令恩等議撥以白牒得蘇魏良海等督兵壹
枝徑往地名青塘水等路堵截應龍歸路適於
青塘水正遇賊回各目兵截殺壹陣殺死偽內
官壹人賊頭苗兵壹百貳拾餘人鞍馬伍副槍
弩副刀綿甲腦包捌拾伍件檣柳壹搭連生擒
張受等壹拾玖人餘賊萬衆倚箐據險各目兵
不敢控山又據安疆臣報稱目把陳恩張崑李
輔等於拾玖日夜肆鼓賊兵前來劫營我兵奮
勇射殺數多生擒彭四等陸名得獲槍弩綿甲
腦包拾伍件我兵亦多重傷本日又據安疆臣
報據目把柯阿箇阿五陳恩等揭稱各目分兵
叁哨進攻至楊下水遇偽提調楊廷章劉惠領
賊兵由兩小路抄出衝擊我兵大殺壹陣頭目
阿戶部斬壹百伍拾叁人頭目以箇等部斬賊
陸拾柒人苗頭伍人雲南武定府頭目李保親

斬苗頭壹人部斬苗兵伍人餘賊逃箐我兵中
傷貳拾叁人隨即督兵盡渡楊亡水本日申時
兵目俱抵浪頭壩離落濛水大關叁里劄營合
行飛報又據安疆臣報稱目把柯阿箇阿五陳
恩張崑李輔等督兵於拾陸日戰勝楊亡水進
劄浪頭壩聚衆議得落濛水雄鎮前跨深溪後
倚大箐楊應龍設立深溝險壑叁層鹿角排柵
環築重牆當發兵壹枝由上落濛水抄出樵村
壹枝由下流蓋山抄金鼓塘伏下大兵從正路
直攻關前舉炮彼此夾攻方可取勝各目應允
回營至夜頭目柯阿箇領兵由上落濛出張村
沙岡頭目那拱等同督兵官領兵出蓋山地平
壩偷渡抄出關後叁哨各放炮盡發賊兵棄關
奔走本枝目兵追趕殺賊叁拾伍人千戶王三
錫百戶呂大業姚可興各親斬苗賊壹名餘由
小路回州訖當令前鋒將壹重關門破毀將溪
水脩搭浮橋我兵盡渡於樵村叁哨會合至捌
里水大水田劄營發兵壹枝攻燒桃溪衙後山

母氏因發兵壹枝出毛蓋山大夫壩與鎮雄兵
會合約期分路進攻外看得楊首恃關壘障倨
強負固今照落濛關為播咽喉險倍各隘賊失
落濛是失播矣今本關已破元兇寒心授首可
卜也復視其大水田莊宅制度臺沼亭榭僭越
非常不惟雕刻彩飾龍鳳等物即臥房壹樣黃
色牙牀叁拾陸張欺僭可知又據烏江路貴州
監軍按察使楊寅秋督餉紀功叅議梅國樓呈
准鎮守貴州總兵充為事官童元鎮手本據鎮
雄府土官隴澄揭稱拾叁日本府督把事王嘉
猷領兵由李稍塘進攻播賊迎敵我兵奮勇殺
死苗賊拾柒名拾肆日攻打苦竹關殺死貳拾
伍名追至平頂關復戰斬首叁拾名各賊奔走
上關我兵自午至酉殺死賊頭貳名餘賊叁拾
貳名又據土官隴澄報稱本府兵於拾陸日自
刀靶水移營至雷打鋪陡被賊兵數千截路迎
敵前哨各兵奮勇衝逐殺死叁百肆拾柒名各
賊敗退徑追過新站倒戈投降貳百伍拾叁名

就於本站屯劄至戌時賊復衝營我兵出敵殺
死苗頭阿曲等伍名餘賊壹百貳拾玖名擒獲
苗賊阿易吐稱應龍知道鎮雄兵至新站隔州
不遠已將兵參萬在大水田埋藏接路先叫我
苗兵伍千來衝營是實當將本賊斬訖就經與
漢把王嘉猷較議明揚坐大水田擣巢暗督兵
由野里坎陳世田小路破大夫關徑抵馬坎截
其後路去訖除將斬獲苗頭伍顆解赴監紀官
驗明轉報各等因到臣該臣會同巡撫貴州兼
督理湖北川東等處地方軍務都察院右副都
御史郭子章巡撫湖廣等處地方兼提督軍務
都察院右僉都御史支可大看得賊自先世以
來雄據播州延袤千里踐山爲關扼西北之吭
因江爲池絕東南之衝自以爲天險不拔之基
誰得而睥睨之者以故肆其雄心日益狂逞東
南則破伍司之墟略黔楚之境烏江內外湖貴
肆拾捌屯皆侵爲播地招引紅脚黑脚生苗居
之設爲肆牌朱牌統制諸所名爲硬手用以戰

平播全書

卷四

二十二

勝攻取所向無前西北則侵凌蕃合百里之外
皆以自封立碑定界以爲永業婁山崖門諸關
皆極力鑿削陡絕天成自謂可出而不可入也
乃諸文武將士懾於

陛下之

天威激於討賊之大義智謀勇功殫竭無餘競勝爭

奇感激用壯坐使畏誅者投戈乞降遂

天者駢首就戮奪其關隘擣其腹心大水田永安莊

桃溪衙皆賊所爲世脩莊院借擬侯王者今且

平播全書

卷四

二十二

據之焚之蓋已侵侵乎及白田壩海龍困矣查

各路有據關者有入關者祇有偏橋壘路見政

長坎等參圍未下其餘業以掃清惟是環播之

地山大箐深未易合哨故不能一擁而至賊巢

要之合哨夾攻當不出旬日之內且臣接閱圖

譜賊地關外拾陸關內拾肆今之形勢已覺窮

促儻所謂其亡也可立而待者乎惟是兵形無

定兵機多端蜂蠆有毒困獸猶鬪日慎壹日曷

敢謂全蓋即疏內所陳擒斬數百招降數萬各

路之功如指諸掌而臣一不敢為之敘功祇欲責其成觀其後耳先是臣有軍令以應援合哨為急貴州烏江之失安氏之兵居然無恙貴竹人多咎之口語藉藉臣已飛檄切責之而會報功之檄聯翩而至臣亦且勉以後功而不深求其前事蓋亦責其成觀其後之意也統乞

勅下兵部案候俟播平議覆施行緣係大兵連破重關漸逼賊囤再報捷音事理未敢擅便為此具

本專差承差張問善齋謹題請

旨

平播全書

卷四

十四

尅破龍瓜等國五報捷音疏

題為大兵抵巢夾攻逆賊據囤自保蕩平有期再報捷音事本年肆月初叁日起至拾捌日止連日與賊交戰情形并所獲功次敬為

皇上陳之據南川路川東監軍叅政張棟督餉紀功僉事徐仲佳報據監紀推官高折枝報准征播總兵官馬孔英報據叅將李經坐營孔繼祖等各報稱叁月貳拾玖日領兵經過白土金子九杵麻壩清水偏崖梅子等處遇賊對敵斬獲首

平播全書

卷四

十五

一

級叁拾肆顆生擒苗賊肆名俘獲男婦叁名口奪回被虜柒名口戰馬貳匹器械不計又據叅政張棟報據推官高折枝報稱卑職於肆月初陸日與各將官督同漢土官兵劄營朗山初柒日遇雨霧不便前進暫劄彼中據哨探兵報朗山口肆路山箐有賊埋伏隨會同馬總兵發各營疆悍遊兵前去各箐攻打各苗四出拒敵我兵奮勇當陣斬獲首級壹百壹拾陸顆生擒頭目李旭姪李夏保并張洪夏坤羅保肆名俘獲

幼男婦女貳拾口牛馬壹拾玖隻槍刀弩箭不計輕重傷兵貳名又總兵馬孔英報據宣撫馬千乘冉御龍長官鄭葵楊通榮楊光祖千戶羅人傑提調劉勝把總冉大周等報稱肆月初捌日兵至長灘飛木羅水滴水葫蘆高坪等處劄營遇賊伏路截糧我兵奮勇追殺當陣斬獲首級共壹百肆拾貳顆生擒苗頭叁名又據總兵馬孔英報稱拾壹日兵劄木水賊先使許瑤趙天澤詐降本職會同高推官審出斬於

今旗下料賊夜必劫營即令宣慰冉御龍先去路口伏兵以待至叁更時分賊果衝來酉陽兵起當陣斬殺伍人賊驚退回酉兵衝出趕過高坪至明發毛兵接應徑到海龍壩又殺死叁人本職隨督將領等官周國柱金汝卿馬騰霄馬如繡馬吉蔣尚仁李桂芳白時化鍾允升等馬兵宣撫馬千乘等土兵一齊勇猛殺去直至海龍囤養馬城當陣斬獲首級并生擒貳百餘賊墜跌林箐者不計其數衣甲器械丟棄不顧斬級

數內多有頭人隨即收兵即劄衝路處所按兵以待又據總兵馬孔英報稱拾柒日約水碁南川兵同日攻圍本職即會高推官并將領等官周國柱等先發酉陽平茶延綏兵從土地壩竟攻養馬城寧夏石砦固原劉勝毛兵邑梅兵從喇叭水起水西營前攻海雲囤至午酉陽延綏兵殺入養馬城賊第肆層關外賊衆奔潰殺死射死銳炮打死者不計其數酉陽兵見勢孤先退延綏兵亦退攻賊乘勢趕來殺亡延綏兵陸拾餘人傷者叁拾餘人失馬百拾匹酉陽亡柒人傷肆拾人固原兵寧夏兵與石砦等兵遂劄喇叭水不動監軍道於是日晚即傳令喇叭水兵候天明再攻至拾捌日辰時石砦兵劉勝兵平茶邑梅兵毛兵從喇叭水由林箐轉上土地壩攻進海崖關連打破險關肆道殺至海龍囤徑上養馬城養雞城賊始大奔除貳日斬獲首級叁百餘顆并生擒投降者無算俟查的另行再報又據叅政張棟報稱本道由清溪進營一

帶地方苗民谷因大兵經過畏誅逃避山箐潛
住該本道差土舍李世爵把總戴明玉等分投
招撫節據捕頭南坪黎村大難芙蓉長礮等處
招降苗民僧人余嘉鑾傅明啓劉茂元等男婦
共計壹千零肆拾餘名口又據綦江縣報稱招
撫過被虜民文燮等男婦叁拾貳名口宜撫冉
御龍土舍楊通達各招降過播民僧人王政俸
馮善道晏子榮性通等男婦共叁百壹拾叁名
口又據合江永寧貳路川南監軍叅政謝詔督
餉紀勅副使史旌賢叅議劉一相報據監紀知
府蔡宗憲州同知趙世德報准鎮守四川總兵
官吳廣報據原任副總兵曹希彬叅將吳文傑
遊擊司懋官都司吳從周封建趙應科報稱肆
月初壹日寅時漢土官兵剋破崖門關永寧壹
路當陣斬獲頭目楊保及壯苗首級壹百陸拾
玖顆合江壹路斬獲壯級壹百貳拾陸顆奪獲
器械等件不計又據提調張曉報稱督率永寧
司目兵彭受等於初肆日攻打李伯牙大囤當

斬掌圍逆賊楊六等壯級柒拾壹顆追進入箐
棄戈投降男婦壹千名口又據總兵吳廣報稱
兵至水牛塔五臺山及養馬城前棋布營柵與
龍爪海龍貳圍對劄初肆伍陸等日賊分叁路
每路約貳萬有奇連來挑戰我兵迎敵屢戰屢
剋擒斬多功至初柒日酋發叁人投文求降窺
瞰營壘本鎮預料其詐傳諭各營官兵倍常堅
壁謹備初捌日早逆賊之子楊朝棟大集賊兵
叁萬衆蜂擁前來拚命直衝各營本鎮隨令各
兵守營者守營接戰者接戰副將曹希彬等各
領兵奮勇殊鬪或衝其前或擊其後自寅至未
血戰數拾合各賊倒戈大敗當陣斬獲首級肆
拾伍顆鳥銃打傷不計投竄深箐者難以找功
奪獲槍弩等器柒拾餘件陣亡哨官壹名重傷
兵陸拾名輕傷壹百餘名今我兵已劄龍爪圍
腳下去海龍圍不拾里矣環匝賊壘勢在虎背
及觀圍下晝夜皆布帳旗列甚多自本日大敗
撤兵回圍布帳盡捲無形變詐莫測又據總兵

吳廣報稱肆月初壹日攻破崖門關初叁日剋
入龍瓜圍右劄營水牛塘初捌日與賊血戰監
紀蔡知府督馬湖兵出奇應援敗走官兵乘勝
追焚龍瓜圍賊俱竄匿酋即上圍訖至拾陸日
本職與劉總兵會議酋多詐謀海龍圍須候各
路兵齊刻日竝進但養馬城爲圍藩籬四面深
箚賊必埋伏堵截應先剿滅以便合攻遂於拾
朱夜密令中軍官鄭子龍傳諭坐營都司趙應
科及副將曹希彬吳文傑封建司懋官吳從周
江萬化周大謨等於拾捌日寅時督率漢土官
兵直擣養馬城賊果據城拒敵四山埋伏內衝
外包我兵進攻或當其鋒或邀其伏本職同蔡
知府督兵策應士氣益奮戰不移時攻奪其城
斬級不計又據叅政謝詔報據督陣旗牌官虎
文蔚報稱拾捌日攻破龍瓜圍養馬城鐵柱關
叁處見將海龍圍圍住中軍鄧起龍亦報稱拾
捌日攻破養馬城起龍領兵攻左路南川攻右
路劉總兵攻中路直抵鐵柱關酋勢窮力迫指

日可擒合行飛報又據綦江路川東監軍叅政
張棟督餉紀功叅政張文耀報據監紀同知史
朝貞報准原任南京右軍都督府署都督僉書
今充爲事官劉綖報據領兵指揮杜熊兆報稱
叁月貳拾玖日統督太平石砬土兵并千總提
調吳世景黃惟中等入婁山關攀緣登險攻打
石子圍隘口設排柵伍層立敵樓叁座弩槍下
發官兵奮勇排圍而入各賊遮攔不住奔貳層
排柵又奔叁肆層排柵剋破直擣當陣斬獲賊
級貳拾叁顆生擒玖名俘獲賊婦貳拾口招降
高志經等壹家男婦柒名口奪獲馬牛壹拾陸
隻槍弩叁件又據總兵劉綖報稱本職自叁月
貳拾玖日剋破婁山關以來復取石子圍招降
香爐圍暫制白石口永安莊至肆月初叁日逆
賊父子統領諸苗抄由小路四面衝來官兵迎
敵與之鏖戰大敗而回我兵乘勝進劄四渡水
迺酋今見南川之劄高坪永寧之進水牛塘本
職之據關于山與賊抵圍爲壘聲勢震天燈火

相照酋則竄身無地一連投文卷角猶為虛文
請命之辭圖獲我師遂令遊擊周敦吉守備周
以德徐珊等挑選勁卒於初拾日由贏子崖直
抵海龍圍前賊果撤抵不及為官兵直擣斬獲
功級壹拾伍顆俘獲男婦貳拾餘名口奪獲牛
馬叁拾貳隻器械叁拾餘件招降過男婦貳千
有奇又據總兵劉挺報據遊擊周敦吉報稱拾
捌日子時奉令分發叁路官兵奮勇大戰得獲
龍瓜圍前兵據關迎敵各職分投打進銃炮震
天勢如破竹其望軍圍海雲圍一鼓齊下復攻
至養馬城又聚兵迎敵官兵死戰連鬪數拾合
直追到水關打破養馬城又攻剋龍鳳關海門
關鐵柱關養雞城又奪獲海門關牌鑰官兵勢
大難止欲乘勝追上海龍圍但天暮收兵就彼
劄營本鎮親自調度相機暫守此戰擒斬甚多
奪獲頭畜無計并被傷官兵通候查明另報今
將牌鑰一併解報又據指揮傅朝政報稱招降
過播夷穆煜下男婦貳百肆拾伍名口把總何

忠等招降過播夷壹拾柒戶男婦共計柒拾陸
名口指揮杜熊兆招降過播民李朝相等壹拾
捌家男婦壹百貳拾柒名口石砭兵陳燮等招
降過播民王耀等伍家男婦柒拾名口又據偏
橋路湖廣監軍按察使胡桂芳叅議魏養蒙督
餉紀功副使王應霖呈准鎮守偏橋總兵官陳
璘報據守備白元潔報稱統領伍司土兵於叁
月叁拾日前去涓潭哨伏瞭見青蛇碼礮長坎
各國馬步苗賊約有叁肆千下圍蜂擁過河卑
職挺身統帶部兵不滿壹千前去迎敵我兵奮
勇將火箭銃炮弩箭齊發殺至長坎圍下打死
穿紅執旗馬賊貳人斬獲首級貳拾貳顆餘賊
不計其數賊將馬賊貳人身屍鈎搭馬上去訖
又據總兵陳璘報據遊擊江騰龍陳策都司吳
時喬守備陳九經白元潔等報稱肆月初捌日
兵至涓潭目擊赤牌賊徒盤據青蛇碼礮長坎
保子各國峭壁挿天巢壘碁布等因到職又調
取戴罪守備楊惟中帶兵前來復思各國左通

三渡右連板角圍圍相連互相雄峙若同日竝
 攻限於兵力若向攻壹圍則叁圍來援再三籌
 度務求其可遂行副總兵陳良玘都司錢中選
 督發指揮把總劉之屏梁廷祿等官兵在於荆
 條流河渡取道前至圍後夾攻又行叅將王一
 桂督官兵將板角關謹守以防各賊奔逸初拾
 日喚集大小將領密授方略及懸以衝鋒重賞
 分別奇正安置已定先遣守備楊惟中白元潔
 陳九經各選膽勇官兵夤夜竊至圍脚左右埋
 伏拾壹日卯時本職親督遊擊江騰龍陳策都
 司吳時喬各領部兵并新到守備李大諫帶領
 家丁鼓譟而進各賊蜂擁下圍迎敵連戰數合
 當有把總戴宗茂朱萬乾等冒死衝鋒各斬壹
 賊即時各賞銀牌拾兩奇正官兵四路衝殺斬
 級壹百餘顆其餘退圍天晚收兵壹更時分復
 發陳九經等仍去埋伏又發兵壹枝堵截青蛇
 圍以防助戰拾貳日早本職復督官兵齊力夾
 攻長坎碼頭保子叁圍各賊仍前拒險死敵木

石如
 命白
 崖不
 顆餘
 仗并
 蛇圍
 副總
 揮槍
 土宜
 敵被
 兵敗
 奮勇
 致擒
 前大
 各賊
 又斬
 獲田
 致仕

拾捌名又據總兵陳璘報稱柴牌滑潭播黨盤據保子長坎碼礮青蛇素稱險固我兵相持半月因見青蛇壹圍懸崖峭壁險自天成從前直上險峻難登從後向擊無路可達晝夜思惟未能畫策遂下令分兵扼守青蛇於拾壹拾貳連日先攻保子長坎碼礮翦其羽翼一面厚購死士拾叁日壹更時分密導守備陳九經白元潔廣營把總吳應龍朱萬乾李元敬等兵從碼礮後山披荆翦茨附葛攀崖竊至青蛇山後又令遊擊陳策守備楊惟中李大諫督把總葉占春等領兵壹枝從圍前江騰龍督把總周思瑾等并永順目兵從圍左都司吳時喬督把總向日葵等并保靖目兵從圍右列陣圍劄俟圍後奇兵舉炮然後夾擊拾肆日午時後路兵到放銃吶喊前路官兵銃炮齊發各賊倉皇迎戰斬首數拾級敗奔入圍申時直逼圍脚銃炮勁弩射死無數賊斬木棚礮石傷我官兵各兵奮力用挨牌竹筴抵當木石衝薄排棚脚下斬去貳層

天色已晚分兵周圍劄守貳更時分向後衝逃被伏兵殺退回圍拾伍日自辰至午連戰拾陣斬貳百餘級各賊固守我兵遂用發煩百子等銃火箭火輒噴筒等器攻破圍後守備陳九經白元潔等挺身白刃血戰先登前路統兵遊擊陳策江騰龍都司吳時喬守備楊惟中等永順宣慰彭元錦舍把彭宗惠彭勉忠張良弼保靖應襲土舍彭象崑督漢土官兵并守備李大諫帶領家丁由前路斬入四面擁進賊勢大敗斬首壹千餘級是圍也險峻非常破之不易相持半月夷滅一朝是皆仰仗天威致各官兵有進死之榮無退生之辱而始剋之除將斬獲功級賊屬器仗與陣亡陣傷官兵等項俟收兵查實另報又據總兵陳璘冊報自叁月拾玖日渡烏江起至貳拾玖日止陸續招撫過苗民壹百玖拾壹家男婦共計陸百捌拾名口又據龍泉路湖貴監軍叅議魏養蒙張存意督餉紀功副使陳與相路雲龍報據監紀推官

吳天佑知縣鄧弘烈報准總兵陳璘報據參將
 王一桂報稱指揮唐一麒於肆月初玖日同督
 陣官岳志德等統兵前去播地哨探行至川崖
 有賊頭田良玉領兵數千迎敵我兵奮勇追至
 青山圍賊兵矢石如雨官兵一勇攻打上圍斬
 獲首級數多查的另報我兵重傷貳名輕傷伍
 名又據指揮蔣從賢報稱督同千把總唐顯威
 李佑薛瑞等領兵進至黃沙圍被賊衝敵我兵
 奮戰共計擒斬苗賊伍拾伍名顆俘獲男婦壹
 拾貳名口投降男婦叁百玖拾叁名口奪回被
 虜男婦柒拾壹名口取出偏橋衛荆條等屯原
 被播賊拘阻軍餘男婦肆百叁拾名口槍弩兇
 器壹拾貳件偽受餘慶司土官毛宗賢青絹傘
 壹把又據參議魏養蒙報准總兵陳璘報據副
 總兵陳良玘守備陳九經督千把總鄉導吳嘉
 隆周思賢李佩等招撫過肆牌柴牌小水浪乾
 長坎平壩水尾火燒等處投降苗民張四蔡向
 陽方華石廣富崔朝現胡勝貴趙正方薛萬祿

文興枝等男婦共壹千叁百壹拾捌名口又據
 參將王一桂報稱招撫過播目楊統下弟楊海
 并妻妾子女壹百零叁名口又據烏江沙溪貳
 路貴州監軍按察使楊寅秋督餉紀功副使洪
 澄源參議梅國樓報准貴州鎮守總兵充為事
 官童元鎮參將朱鶴齡報據宣慰安疆臣報稱
 漢把王嘉猷陳恩等前同鎮雄府土官隴澄連
 破苦竹關石子關直抵賊巢大水田屯劄至叁
 月貳拾玖日送賊楊應龍因見鎮雄斬其來使
 首其醜儀遂盡起該司苗兵柒萬父子親領由
 高垵圍前來拒敵該水西鎮雄合兵從辰至未
 與賊大戰斬殺頭目伍拾餘人內有偽內官伍
 人各路共殺賊兵萬餘其餘奔潰乘勝追趕上
 圍入箐四散去訖所獲被甲槍刀不計其數我
 兵損折百拾餘名重傷叁百餘名及據監軍楊
 寅秋呈據鎮雄府土官隴澄揭稱叁月貳拾陸
 日據無知頭目引播差貳人齎書儀并贏貳匹
 赴營投見當拆來書驗係楊應龍妻曰氏佩送

下程禮單該本府看得楊物應龍父子罪逆滔天
大肆兇殘本府奉

命征討誓在擣巢擒斬以謝

天人焉敢私受汗名以渝臣節除將引進頭目細打
肆拾將來使貳人斬於營門懸示并傳諭大小
三軍同心戮力共擒兇殘外今將餽送羸子貳
匹金盞銀臺貳副折程儀貳拾兩著段貳端并
原禮單差人齎上乞賜驗明貯庫以白此心仍
乞通知諸路將領各據忠赤進剿又據該府押

平播金書

卷四

四

解生擒賊犯貳名到職審據貳犯供名羅才羅
慶播州大夫壩住從海龍圍下來有管勾差他
探聽水西營兵若干被鎮雄探兵拏獲有應龍
差小童吳比金萬富等前來鎮雄送禮物當將
吳比貳人梟斬是實等情又據督餉紀功副使
洪澄源呈據宣慰安疆臣申稱本司兵住大水
田賊龍戰敗之後查有心腹提調尚義黃繼枝
管督板山落湖馬站一帶苗兵前冬月貳拾玖
日於高婭母氏圍交鋒賊亦在衝鋒該本司

平播金書

卷四

四十一

用間諜之計許令尚義黃繼枝來營計議退兵
賊龍同妻田氏果信隨差貳賊并坐寨頭目夏
文茂及從黨張元等共貳拾肆人齎降文壹角
禮單壹封金臺盞貳副折段銀捌兩鞍馬貳副
槍刀弩箭等項到河除伏兵於河口將貳賊并
從賊擒拏審實同原禮器械降文鞍馬批差漢
把李輔領解告投外看得尚義黃繼枝名允提
調心實豺狼向與應龍父子內處心腹之任外
作牙爪之威自渠為患以來飛練綦江東坡龍
泉皆其謀孽烏江河渡等處皆其衝鋒至於酋
之巨細事機又皆其內參外贊故知酋黨雖多
此貳豎則黨中之稱最者也先奉院道密諭心
切遵承一向不能如意今仗計獲迺其罪盈惡
極以致生擒天寶奪其應龍之左右手矣等因
申解到道覆審得播犯尚義黃繼枝委係渠惡
楊應龍父子心腹夏文茂張元并隨從貳拾壹
人俱皆首黨今幸計擒應合解審除將各犯并
禮物鞍馬解赴貴州兩院審驗外理合呈報又

據平越路貴州監軍叅議張存意督餉紀功叅
政郭廷良副使尤錫類袁應文叅議張文奇呈
准征播貴州總兵官李應祥手本報據副總兵
陳寅報稱參月貳拾肆日撥發隨征官兵包佑
等伏路擒獲唐榮智等稱係偏橋毛坪屯軍本
屯男婦約壹千人遭附播白泥司土官楊正邊
楊通漢父子凌虐痛害榮智等皆欲啗其皮骨
伊弟楊正愛屢諫不從願為內應職審非詐於
貳拾陸日令中軍孫仲謨旗鼓徐一夔等於貳
拾柒日夜唐榮智等先入賊營吹角為號官兵
一齊擁入時楊正邊正在鼾睡被伊弟楊正愛
同榮智等將正邊并妻宋氏男楊通漢俱縛又
斬首惡楊七部下黎金六等首級肆顆正邊所
屬男婦參百餘名口本屯男婦玖百壹拾參名
口隨帶牛馬乞降分發都勻獨山等處安插及
該總兵李應祥看得白泥司土官楊正邊與男
楊通漢自宜恪守世土納糧當差迺敢糾同楊
七楊珠投附叛惡楊應龍攻圍偏橋殺虜東坡

紫金關打蕨等寨翁從等屯流毒最慘擢髮難
罄至於楊通漢年質雖幼馬上便捷如飛偏橋
興隆人號白鷄子及肘鎖押出營門而通漢猶
說可惜我在地下被擊據其言語狂悖乃見心
性兇殘隨將楊正邊父子解貴州撫院轉發按
察司監候訖又據監軍張存意呈准總兵李應
祥報稱驛界河邊播州老鷹囤囤首石勝俸王
志虎王志龍等率妻子萬餘人來降本鎮傳諭
朝廷令不殺降但黃灘關未拔汝等果是真降須
生擒守關頭目立功贖罪勝俸等磕頭稱願效
死力等語拾貳日寅時據衝鋒官兵張奇勝李
師沆吳文秀宋世臣王嘉倫商民瞻汪世才杜
廷武易之謙土官楊燧等領兵齊渡黃灘河攻
其關之前新降播目王志虎石勝俸王志龍王
賓王倫尚習中等馬步兵由墳林暗渡河襲其
關之後從辰至午大殺賊敗追蹙至張王壩透
出關貳拾里至晚收兵李師沆當陣生擒有名
首惡王大安張奇盛生擒首賊王愛官兵通共

擒斬賊級捌百伍拾陸名顆奪獲賊屬牛馬被虜器仗輕傷重傷陣亡兵士通候查明另報又據為事官蔡兆吉報稱招降過苗民男婦丘伯芝徐受等壹百捌拾名口各等因塘報到臣除將擒斬功次聽紀功官驗明復解按臣覈驗陣亡軍兵隨宜優恤俘獲投降男婦人等轉行守巡該道分別安插外該臣會同巡撫貴州兼督理湖北川東等處地方軍務都察院右副都御史郭子章巡撫湖廣等處地方兼提督軍務都察院右僉都御史支可大巡撫偏沅等處地方提督軍務兼理糧餉都察院右僉都御史江鐸看得賊之甘心造逆也自以為撫千里之雄封據河山之極阻加以鄰比相助狐兔情深即王師進剿其如我何一戰勝之當且灰心從而養威蓄銳乘時鵠起天下事一何可知哉何意於今而大謬不然也自肆月初叁日以前各關俱破蜀兵進入關外未下者長坎碼碯青蛇叁大圍耳保子等圍不足言也乃今而盡為陳璘攻破

矣施州兵又破板角關直候璘至同入平越兵亦以孤軍難進且蠶食於黃灘關之外今黃灘亦破且擒斬多人計叁關者不日相率同入關以外無復著手處矣乃蜀兵自入關之後更番迭戰賊每不支初捌日永合兵破之於水牛塘拾貳日南川兵破之於高坪拾柒日蜀兵盡會南川路衝鋒奪關恭合貳路繼之因破其龍瓜圍養馬城海雲圍直擣其鐵柱關而連營其下以逼之計賊所有止一海龍圍直據之以苟活旦夕耳初賊結好水西比事起時時以唇齒之說動之水西意不能無感而惕於天威又不敢不出兵相角顧其戰不甚力也烏江之事衆多蜚語臣移檄詰責之水西不自安矣而會賊偶殺其撥山之頭目陳起禮者隴澄大恨之賊且差人備禮謝過澄遂立斬其使於營門賊憤甚即治兵相攻大衄而去先是臣令安疆臣絕播州之交疆臣強應之實未絕也臣謂監軍楊寅秋曰疆臣實絕播州者可執尚義黃繼

枝來蓋貳人為沙溪頭目賊所用以通安氏者至是強臣欲執之以取信既戰之後因謬為好語謝之求敦前好賊雖疑之然意幾得復行成也遣貳人竝貳拾餘人往疆臣盡執之自是貳氏之交絕矣此亦天之所以亡楊氏而保全水西令其以忠順永世也固為險地亦為絕地川兵已壁其門湖貴兵至四面攻之即欲為假息遊魂曷可得哉除再催各路官兵刻期會哨四面夾攻上緊破圍擒賊捷音至日另行具

平橋全書

卷四

四十一

平

奏外緣係大兵抵巢夾攻遂賊據圍自保蕩平有期再報捷音事理未敢擅便為此具本專差承差郭榮祖齋捧謹題請

旨

六報捷音疏

題為官兵攻圍賊勢已窘再報捷音事本年肆月拾玖日起至伍月初拾日止連日與賊交戰情形所獲功次敬為

皇上陳之據合江永寧貳路川南監軍叅政謝詔督餉紀功副使史旌賢報據監紀知府蔡宗憲同知趙世德報稱肆月拾陸拾柒拾捌等日原任副總兵曹希彬叅將吳文傑率領提調官張曉并未寧長官彭受王輔松張嵩劉國用等督兵攻打大洪關大山箐又會合綦江官兵分路攻打養馬城追至海龍圍脚下當陣斬獲首級共貳百伍拾壹顆貳拾日叅將吳文傑督兵攻圍行至樂搖地方長官劉國用擒獲黑苗李金華傅朝書貳名供稱楊酋發提調鹿罕父子領惡苗千餘在圍後洗衣塘大山箐上把截等語貳拾壹日黎明官兵齊至前箐直衝賊營鹿罕父子率眾拒敵我兵四面奮勇斬開木柵劉國用當陣親斬鹿罕劉謙親斬罕子首級提調郭天

平橋全書

卷四

四十二

平

倭等斬獲賊級共計百餘顆賊奔山菁貳拾貳
參等日副總兵曹希彬參將吳文傑遊擊司懋
官都司趙應科守備江萬化督領千總鄭子龍
鄧起龍提調張曉長官袁初等追賊至永靖關
當陣斬級共壹百零玖顆陣亡隊長壹名輕重
傷兵數拾名又據知府蔡宗憲報稱貳拾肆日
賊詐傳次早遣叔求降該職遵照密諭不許聽
信詐降卽會同吳總兵傳令後山永合將官整
兵聽令夾攻貳拾伍日卯時賊果遣叔楊永用

詐稱貳拾玖日首妻田氏出降等情職同吳劉
貳總兵當將永用立斬關前懸首圍左賊卽擁
衆出戰我營放炮爲號馬湖土官文安民悅天
恩等率兵奮勇攻打衝破鐵柱朝天貳關斬獲
首級貳拾伍顆又據副總兵曹希彬報據長官
張嵩劉國用報稱伍月初貳日兵至地名銅鑼
關忽見賊兵一夥由箐林突出迎敵我兵奮勇
衝殺當陣斬獲領兵頭人壹名并散級壹拾叁
顆餘賊逃去彼持在頭人身上搜出硃票壹張

知係有名賊首趙仕登弟趙仕真首級隨喚降
人識認果係頭人又據參政謝詔報准副將曹
希彬參將吳文傑報稱伍月初拾日寅時分布
永合漢土官兵及會畢節道并朱參將令備水
西土兵分投四面夾攻仍同部院旗牌督陣等
官分哨嚴催齊上監紀趙同知周副將羅遊擊
同貳職并守備江萬化周大謨坐營孔繼祖武
舉薛來胤吳登光臨陣監督自寅至午不刻貳
職示諭三軍有能攻奪山頂者賞銀伍百兩登

困者賞銀伍千兩隨將解道懸賞銀內動支伍
百兩當陣分給漢土官兵鼓激先登各兵踴躍
倍勇衝殺炮手以滅虜大炮火器排列放打戰
至未時賊兵勢靡敗潰我兵乘勝先奪朝鳳險
山追殺直逼賊門尚在交戰除將衝鋒登險漢
土官兵姓名并擒斬功級另行查敘又據南川
路川東監軍參政張棟督餉紀功僉事徐仲佳
報據監紀推官高折枝報准征播寧夏總兵官
馬孔英手本報稱肆月拾叁日酋差從弟楊順

龍假名詐降被朱應元認出挈解到職會同高
推官細審供係逆酋楊應龍差出詐降窺探我
營中事情并供同差姦細尚多因是於各營徧
索又獲壹拾陸名俱審的確時聞楊酋欲夜劫
營雷之必為內應同楊順龍隨押赴

令旗下斬首訖拾伍日又據播目田良王赴職投
見稟稱原約逆賊妻兄田一鵬等伍拾壹名內
應舉事先差親屬楊光耀密出投赴高推官審
羈營內聽候行事不料擬拾捌日舉事分殺楊

平播全書

卷四

五十一

五十一

珠楊明等計洩良王等連夜緣圍而下徑來投
順其餘逃散又據叅政張棟報據推官高折枝
報稱拾柒拾玖至貳拾肆等日各營漢土官兵
劄營海龍圍養鷄城與賊燈火相照恐兩山菁
林有賊埋伏發兵搜捕及連日用大將軍滅虜
銃炮衝打進城賊從內突出我兵奮勇衝上與
賊大戰當陣斬獲壯級共叁拾伍顆銃炮打死
不計其數餘賊奔回上圍我兵追至圍前鐵柱
關被賊滾木礮石弩箭射打陣亡兵肆名輕重

傷兵貳百貳拾陸名貳拾伍日發兵攻圍有我

南川一路官兵直衝圍之前門用銃炮衝打攻

破酋之鐵柱飛龍貳關斬獲功級查明另報又

據叅政張棟報稱屢奉本部院憲牌切責攻圍

因自伍月初貳日至初玖日晝夜大雨乘兩雞

動會同分守道張按察使行各營製造挨牌雲

梯已備原約但晴各路四面夾攻初拾日辰時

兩止馬總兵率李叅將任遊擊哈都司萬守備

督陝兵酉陽石砦平茶毛兵劉勝兵與高推官

分布本路兵在關前攻打劉總兵率標下守備

周以德李為瑚徐珊千總易朝臣莫如爵等兵

與史同知分布本路兵在前左攻打吳總兵在

原占左山與本道守道秦知府在上發吳從周

兵浙兵在山下攻打關左城外山坡周圍柱羅

星率陝兵及駱有餘晏朝海漆太然兵同曹希

彬吳文傑杜熊兆等在後圍領大炮邊兵永寧

兵廣兵及畢節道洪副使督水西兵一併攻打

圍後炮聲振天前左右參處一時攻打賊四面

平播全書

卷四

五十一

五十一

受敵力不能支午時後隨報圍後兵奪取圓山賊營參座直抵後門把守我兵卽移圓山劄營安立排柵前關石砧兵當前馬總兵千總馬積冒傷先登鐵柱關正樓之側左水關樓則劉總兵部兵先登賊大敗走打死甚多爲嚴令取關卽拆牆燒樓不取首級多被拉去貳樓一時俱然順風煙衝圍上滿圍哭聲震動山谷是役也雖未得圍足寒賊膽可擬刻期奏功而劉總兵親在槽下肆門鳥銃供伊射打賊死數多面腫

平播金書

卷四

五十二

文

一泡又自登關城調度燒樓拆城殆親冒矢石矣此本道親見恐各營所報異同故先撮大路馳報查先破水關鐵柱關蓋止到關下或登城復出而賊猶然有關今燒樓潰牆賊始失險疑越參拾陸步急攻飛虎關賊逼倉忙圍後可入又據推官高折枝報稱南川路官兵攻鐵柱關斬首貳拾餘級攻後圍奪其三山斬級伍顆餘尚未報又據參政張棟報據原差方時中等前去趙家里銅鼓坪木窰黃魚江官莊等處招出

降民頭人吳先照等貳百壹拾柒戶男婦壹千柒拾肆名口又據邑梅司領兵長官楊正輝報稱奉文護餉差舍把田應穩等率兵於風坎山小遞溝貳處林箐內搜獲播民張伯春等叁拾陸陸戶男婦貳百零捌名口僧人廣明等叁拾陸名又據推官高折枝報據宣撫卅御龍報稱發兵壹枝執旗前至地名金川壩養老欄炭局招回上年陸月播賊殺虜綦江民生負陳鳳鳴陳三策并已故舉人周胤宗妻萬氏等計家貳拾伍戶男婦女共肆拾伍名口到營隨差典史蔣繪押回原籍給各親屬收領完聚訖又據綦江路川東監軍參政張棟督餉紀功參政張文耀報據監紀同知史朝貞報准總兵劉綏手本報稱職於肆月拾柒日率兵叁路攻打海龍圍至拾捌日據遊擊都司守備千把總周敦吉余世威羅星趙賢輔哈光顯周以德徐珊劉光漢吳英李爲瑚王九思劉可春熊俊等各報稱與賊大戰數拾陣攻破賊柵拾數層先登奪獲龍爪

平播金書

卷四

五十三

中

養馬木杉望軍海雲龍門等城圍困斬獲首級
共肆百柒拾顆生擒拾名當陣投降貳拾叁名
俘獲男婦貳百捌拾叁名口奪回被虜壹百貳
拾捌名口器械壹百叁拾柒件牛馬貳百貳拾
玖隻陣亡兵捌名重傷官兵貳拾肆員名輕傷
伍拾柒員名陣傷馬叁拾陸匹射死馬貳匹俱
令獲功員後解赴紀功道覆覈訖又據遊擊余
世威報稱貳拾伍日奉令統領各營兵馬攻打
鐵柱關官兵奮勇打入關城有總提賊兵頭目
楊珠統賊截路來戰本職排佈大炮喊殺一舉
將楊珠打死又據總兵劉綎報稱得獲小男八
元十生貳名各稱是日楊酋見得關前左邊官
兵攻打得緊喝令楊總管統軍殺出那時楊總
管纔到陣前就被官兵當心壹銃打死臺進去
了等情及照本職是日督兵攻打之時各營監
紀官俱見壹賊身披銀錢黑甲被我兵壹銃打
死移時據日本九兒稟稱打死披銀錢黑甲壹
頭目賊衆難以找級今據八元十生所報正與

前稱在陣打死頭目腦合及詢生擒黎甫明等
執稱內總管係是楊珠管理內圍兵馬為楊酋
手足今被打死黨羽漸除成擒有日又據參政
張文耀報准總兵劉綎手本報稱伍月初拾日
該職親督遊擊周敦吉守備周以德徐珊李為
瑚千把總劉招孫劉興勤曹栢等官兵奮力攻
打銃炮震天賊下梭杆滾木礮石死敵我兵以
竹木挨牌遮護并用雲梯一擁齊上攻奪鐵柱
關掀挖城垣伍處每處約長伍陸丈燒燬叁層
城樓貳座房屋數處仍分千總吳英合哨南川
兵攻圍前門一面分兵攻打飛虎飛龍等關見
該貳道拜監紀史同知親在陣前監督彼日後
山參路官兵與陳總兵及貴州漢夷合攻已奪
叁山攻破土牆貳層天晚收兵回營標下官兵
斬獲功級叁拾柒顆陣亡兵伍名被傷伍拾貳
員名行今獲功官兵解赴贊理監紀史同知查
驗轉解覆覈即今賊勢窮迫又據偏橋路湖貴
監軍按察使胡桂芳參議魏養蒙督餉紀功副

使路雲龍詹啓東王應霖陳與相呈據監紀推
官吳天祐知縣鄧洪烈報准鎮守偏橋總兵官
陳璘手本報據領兵原任守備徐允爵報稱職
劄九杵肆月拾壹日奉令帶同官兵進攻白田
壩行至中途遇賊埋伏箐林之中覩見我兵經
過四面齊起截拒我兵舉號放銃前後團轉應
援血戰叁次共斬首叁拾柒顆又據副使路雲
龍報據推官吳天祐呈准指揮胡效忠開稱拾
叁日督兵前去攻打羅安水至新土藍坪楊會
差人帶兵般運家財皮箱上圍身背黃包袱撞
過來追本職開弓壹箭射中倒地有弟胡效尹
義子胡加官斬取首級奪獲包袱把總楊昌連
等共斬首級壹拾伍顆本職又擒苗賊壹名包
茶奪獲兇器拾件牛馬叁拾隻招出降民能可
仁下男婦伍拾陸名口當將包袱對衆開驗內
紅袋壹箇彩龍紅筒裝有

王璽勅命壹通等因到職隨將解到首級逐一驗明

外開閱

勅命係洪武拾柒年柒月初貳日

頒給播州宣慰使司蠻夷長官楊允中及查楊允中
根因據播民何邦道供稱播州初時設有隨司
辦事長官肆拾捌員止有龍誥無地方無印信
楊酋盡廢

舊制或係收藏又據副總兵陳良玘報稱拾柒日據
偵探飛報巡警朱敬領苗數千嘯聚青山圍箐
候兵進關包截等語職卽督令指揮劉自西等
領兵壹枝前去攻截拾捌日朱敬與我官兵交

戰大殺兩陣當有土官向日明部下土兵楊啓
祺吳八一奮勇衝鋒向前將朱敬當胸壹槍隨
有土千戶張銘下土兵吳老四斬獲首級奪回
摩鎖盔甲壹副護項壹箇銀廂大小刀貳把爇
肚壹條護膝壹雙鞞鞋壹雙標槍壹杆紫馬壹
匹吳老四等乘勝追殺又斬頭目賊級叁拾餘
顆陣亡兵壹名被傷兵叁名隨據部下把總楊
騰龍等識認委係朱敬首級又壹顆係謀士李
旭弟李深首級搜有楊應龍給票壹張俱係緊

要有名首惡又據總兵陳璘報稱探得大小三渡兩關相離不遠俱結石為欄架木為樓樓下壹門僅容旋馬兩山峭壁險阻難前遂即召集將領遊擊陳策守備白元潔都司吳時喬等前去攻打就將原解軍前銀兩懸賞下令貳拾叁日夜督發各兵銜枚前進貳拾肆日寅時各到關前舉炮為號齊聲吶喊打死賊人數拾名賊即退回據關亂放礮石自卯至巳兵不能進遊擊陳策覓一小徑攀藤藤上各兵躡尾而去賊弩亂發陳策身被數箭益甲堅厚幸不重傷家丁陳勝奮勇向前斬級貳顆都司吳時喬為事守備楊惟中又從右山督兵懸崖前進兩軍相對賊力遂分本職即督守備白元潔陳九經率廣兵中道擁進參路銃炮齊發打死數賊斬開柵柵賊遂敗走我兵乘勝追至第叁關第肆關賊勢大敗斬首叁百餘級據關劄守又據遊擊江騰龍差人飛報本日寅時依令攻打小三渡關因關口闊僅叁尺難以向前隨令採取茅草

填壓又令守備李大諫由左山王之棟由右山各取小徑兩面夾攻本職督兵在前併力攻破關門各賊披靡乘勝追殺斬首貳百餘級餘遊深箐又據平越路貴州監軍參議張存意督餉紀功參政郭廷良副使允錫類袁應文參議張文奇報准征播貴州總兵官李應祥手本報稱肆月拾貳日官兵攻黃灘關而三渡關迺楚師進播門戶一名曰渡上關距黃灘關叁拾里偵得播賊楊應龍差坐寨陳胡保張貴鑾等賊眾拒守隨喚降人石勝俸王志甫王賓等商計指點路徑甚悉遂即選標下精銳募兵叁千同石勝俸等馬步夷兵千餘連夜發行拾叁日伍鼓官兵壹枝占住後路石勝俸等數拾騎從前門叫說被官兵追來投奔等語比及開門被我兵前後掩襲當陣李師沆生擒陳三保張奇盛生擒張貴鑾各部斬首級共壹百壹拾捌顆生擒貳名奪獲馬玖匹賊仗壹百叁拾壹件俘獲賊屬貳百捌拾叁名口輕重傷兵伍拾玖名陣亡

又據總兵官李應祥報稱探得望鄉圍賊見剋渡上關據險添兵死守本職當集蔡兆吉伍萬鍾等遣把總猶鶴杜廷武部兵合降民石勝俸王賓等兵爲前鋒把總吳文秀等標兵尋徑抵圍後防賊奔逸拾捌日夜發兵拾玖日伍史齊至攻上賊巢前後大戰從寅至午賊力不支潰敗官兵通共擒斬賊級肆百叁拾捌名顆奪獲賊仗壹百叁拾貳件俘獲賊屬壹百玖名口輕傷兵劉元等肆拾叁名重傷兵王元吉等叁拾壹名陣亡兵陳三等陸名輕重傷陣亡兵照例優恤合行轉報又據沙溪烏江貳路貴州監軍按察使楊寅秋督餉紀副使洪澄源叅議梅幽樓報准叅將朱鶴齡報據宣慰安疆臣上官隴澄呈稱兵劄大木田探得金刀坑圍在落濠水之右有賊據守每遇軍兵出入取糧輒被出沒爲害遂於肆月拾壹日發兵壹枝往彼攻取賊黨力拒我兵奮勇齊登殺死賊首阿富等陸名苗賊叁拾肆名其餘仍在拚死拒捕隨

卽豎立招降旗幟該圍居民男婦盡行出圍羅拜乞降共約壹百貳拾伍房獲其鐵券牌壹面又據按察使楊寅秋報據土官隴澄呈稱拾叁日親督大兵一面直擣播州焚燒應龍衙宇親屬闔州宅院房屋一面會同宣慰安疆臣督同水西軍兵貳枝於拾伍日直出烏江老軍關沿途經過新站刀靶水等處賊兵千餘截伏當令馬軍衝殺斬獲壹拾柒級生擒貳拾伍名賊潰投箬次日黎明到關賊兵拒關對敵我兵奮勇斬獲壹百壹拾貳級生擒叁拾肆名招降貳百陸拾貳房押發果哈地方安插又據副使洪澄源呈據安疆臣報稱肆月拾伍日頭目阿卜者遮勒進剋海雲圍殺賊拾叁名招降民貳千貳百餘房又差目把魏良海胡文魁阿戎等領兵進攻泥壩苦竹養鷄等圍殺守圍苗賊貳拾肆名招降民葉善等貳千捌百餘房并川江客民玖百餘房賊龍原虜草塘司官民肆百貳拾柒房俱安插隣近地方以免亂兵殘害又據按察

使楊寅秋報准統兵都司徐成手本移稱伍月初貳日據塘報有賊袁守剛董三等千餘潛伏長箐萬丈林拒敵職督把總羅寵丁應聘等奮勇衝殺當陣斬級壹顆生擒有名苗頭賊首龔堂等拾名餘賊潰入箐內分兵把截路口次日差鄉導張繼賓等入山招撫賊懼願降羅寵并部兵楊鑾等共招降過男婦伍百伍拾名口分投安插該職審得龔堂謝友貴潘廷貴楊賢祖俱西平大苗頭黎民倫係坐寨頭目尚阿蘭等

伍名亦皆精壯苗頭合行揭報又據按察使楊寅秋報據宣慰安疆臣土官隴澄呈稱司府之兵伐箐尋路梯山攀崖方得劄賊困後山頂營前壹土山與左翼曹副將所劄營前壹土山係賊樵汲之路賊屯勁兵數千據守連日陰雨大霧昏濛待晴攻取致蒙左監軍與毋節道各懸賞銀叁百兩各兵鼓舞願效死力就於初玖日肆更結束分作伍路乘霧往抄賊營之後四面設伏黎明攻擊賊擁衆死戰該頭目脚已等殺

賊伍拾餘名箭銃傷者不計從寅至未方將賊兵衝退得占貳山隨移兵劄守貳土山協同曹副將之兵奪占左土山劄守本司中傷兵叁百餘人陣亡拾伍名奪據塞賊咽喉薪水道路稍得阻截破圍可期又稱安兵屯營圍後初拾日伍鼓攻其外牆第壹層且抵月城後路矣立刻移知川東監軍督該路以分賊勢是日未刻劄總兵亦焚燒鐵柱關勢若破竹緣襲後方會食賊復來衝永寧兵來合哨頗有損折安兵亦有

傷理合馳報又據按察使楊寅秋報據貴州衛協捕指揮白璋漢把史聯彩羅一袍陳應龍等各稱遵奉憲令招撫過高坡箐張王壩西坪三蓋塘洪江等處苗頭苗仲杆手王朝仁阿滿黎銘陳子貴李永一等陸百叁拾貳戶男婦共貳千壹百叁拾陸名口各等因塘報到臣除將擒斬功級聽紀功官驗明轉解按臣覈驗陣亡軍兵隨宜優恤俘獲投降男婦人等行仰守巡該道分別安插外該臣會同巡撫貴州兼督理湖

北川東等處地方軍務都察院右副都御史郭
子章巡撫偏沅等處地方提督軍務兼理糧餉
都察院右僉都御史江鐸看得賊以肆月拾陸
日上圍我師以拾捌日合圍環而攻之迄今且
貳旬矣固卽險絕豈真天造地設人跡所必不
能到者乎緣時入溽暑萬山所業兩多霧重不
便仰攻節據營中所報拾日之中晴霽僅壹貳
日賊又時以詐降詐死榮惑我軍帥臣之無識
者或爲其所愚致延時日已經臣化龍懲處及
別疏叅糾今軍中各遵指授一意夾攻賊已岌
岌乎有朝不保夕之憂矣至於向來賊之手足
腹心如朱敬如鹿罕如楊順龍楊永用等或賊
之陣上或戮之軍前如田一鵬田良玉彭道何
邦珮等伍拾壹人皆以圖爲內變機洩被害或
闔門受戮或滾崖投降至於總營楊珠則賊之
所持以制服羣醜抗拒
天兵者惟此壹人亦壹炮而斃自賊來者言賊痛哭
之以爲去壹右手不如已死也遂卽詐爲已死

用以愚我不已急乎初拾日一攻前燒其關後
奪其山掌大窮崖日促日小當坐見其盡耳臣
等再爲痛懲違誤獎勸勤勞多發懸賞嚴併攻
具令之百道夾攻期於必剋約以旬日而不下
者且誅罰及之計竣事當且不久所有連日攻
戰情形合先具

題伏乞

勅下兵部案候事完議覆施行緣係官兵攻圍賊勢
已窘再報捷音事理未敢擅便爲此具本專差

承差陳治道齋捧謹題請

旨

丁憂疏

奏為丁憂事臣駐劄重慶地方督兵剿播忽於伍

月貳拾貳日臣母差家人齋書到臣言臣父

封兵部右侍郎兼都察院右僉都御史臣棟於萬曆

貳拾捌年肆月貳拾叁日在家病故臣一聞之

心膽俱裂號天呼地絕而復蘇因念臣父係獨

子止生臣兄弟貳人臣兄於去年捌月內在

家病故臣妻復於去年拾月內在任病故於時臣

即欲求歸養臣父寄臣書曰剿播事重

皇上責成甚專必須了此方可言歸臣亦以

明旨方嚴且父命當遵只得抑情任事茹苦督兵自

分旦夕賊滅乞身有日也乃今賊重亡而親不

待臣之罪尚忍言哉臣兄弟生子俱晚今即有

子姪伍人大者肆歲伍歲小者壹歲半歲不堪

應門寧能主喪今所惇惇然伏匱而哭者獨臣

柒拾之母耳臣之罪於是不可解矣臣例應守

制又應候代但臣之心事已亂臣之交代宜早

伏乞

勅下吏部亟

請會推相應官負勒限前來代臣俾臣得早歸守制

庶幾奠父養母尚得少盡臣萬一免於憂死哀

死則再生之年皆

陛下之賜也臣無任泣血顙

天懇禱之至緣係丁憂事理未敢擅便為此具本專

差承差楊照齋捧謹具奏

聞伏候

勅旨奉

聖旨覽奏求歸守制因孝子至情但賊勢重亡兵機

尤急關係西南倚托最重近該部科公論請留朕

已有旨明悉宜抑情遵命視國如家事完終喪有

期慎毋象毀妨誤不准所請該部知道

大報捷音疏

題為仰仗

天威破國賊飛報捷音事萬曆貳拾捌年陸月初
 玖日據分守川東道按察使張悌川東監軍
 政張棟報奉臣屢行催督攻圍當同川南監軍
 謝詔貴州監軍按察使楊寅秋叅議張存意督
 兵副使尤錫類湖廣監軍按察使胡桂芳叅議
 魏養蒙等及贊理監紀等官會同三省伍總兵
 各路副叅遊守等官遵照臣指授方畧公分
 布自伍月拾玖日以後各抽精兵輪日前後攻
 打總兵劉綎李應祥為壹日吳廣陳璘為壹日
 各打後門馬孔英督各路兵攻打前門其沙溪
 路水西鎮雄兵馬自願撤兵避嫌於貳拾捌日
 起營去訖除連日攻打斬級另報外至陸月初
 伍日輪該劉綎李應祥攻打後門自寅時起劉
 綎身先士卒火炮震天至辰時攻破頭道土城
 賊兵抵敵不住退至貳城又行攻打至巳時又
 將貳道石城攻破賊退至叁城死拒當因兵疲

平播全書

卷四

李九

李九

住攻當夜劉李二總兵即劄營叁道城下拒守

是夜城上賊黨紛紛奔下闕逃至初陸日輪該

吳廣陳璘攻打自寅時起我兵齊上賊即潰敗

奔走大兵擁入各路兵亦即一擁齊進是日馬

孔英從前門於初伍日夜即遣遊擊李經守備

萬民英領土漢兵劄守飛龍關下當有推官高

拆枝亦即在彼監督至日寅時驅兵上圍各苗

奔出大戰斬獲無算當時前後大兵會齊圍上

按捕據各苗稱逆賊楊應龍見官兵大入倉皇

平播全書

卷四

李九

李九

無計一面自縊一面放火自焚火未及然賊已

氣絕有屍見在衆驗果真當將賊子楊朝棟楊

以棟賊弟楊世龍賊妻田氏朝棟妻小田氏賊

婿宋承恩馬千駟賊軍師孫時太惡黨何漢良

田一鵬楊明葉喜愛等貳拾餘人俱擒獲見在

候解餘黨仍行按捕我兵到圍爭搶財物人多

嚴禁不住幸未至大有殺傷即今賊巢一空我

兵盡劄圍上千年狂寇一朝蕩平除功級查明

另詳外合先具報又據監軍謝詔楊寅秋張存

意等川東兵巡紀功參政張文耀等總兵吳廣
劉綎李應祥等及臣標下原任參將余德榮各
報相同等因到臣案照臣自本年貳月拾貳日
興師以來節將官兵攻剋關寨擒斬功次俘獲
男婦招降人口等項陸續會本題

知訖後因日久攻圍不下又節次行催令分日前後
遞攻又差參將余德榮守催及將誤事各官參
究臣擬入營親督起行間隨聞先臣之訃該臣
哀毀昏迷中尚恐諸將懈弛誤事隨於成服之

後即行文營中照得參省與師樹路剿捕誠能
戮力齊攻勢如摧枯拉朽乃各總兵畏賊如虎
未戰先退以故曠日持久迄無成功老師費財
日甚壹日本部院方擬策馬入營親督交戰偶
以聞訃不便臨戎合再發旗令嚴催如再畏怯
不前定以

賜劔從事等因通行去後今據前因該臣會同巡撫
貴州兼督理湖北川東等處地方軍務都察院
右副都御史郭子章巡撫備沅等處地方提督

軍務兼理糧餉都察院右僉都御史江鐸看得
逆賊楊應龍恣逞淫威并為叛逆破城站已參
伍處殺官軍至數萬人以致震驚西南搖動海
內彼恃此固險絕以為人跡必不可至也乃今
恭遇

皇上神武威靈百蠻震懾輔臣紆籌於旃厦之間本
兵授策於荒徼之外坐使萬人同心三軍用命
兩日之內連剋三城盡破險固因而元兇自盡
逆黨就擒闔國惡苗盡膏霜刃削株檟根靡有
孑遺從此四封千里盡入
皇圖尺地一民盡歸

王化三省永無狗吠雞鳴之警四海遂折憑山嘯澤
之姦臣等待罪地方殊為多幸欲候查明功次
一體具

奏恐致耽延且天長萬里事決十旬海內之屬目
方殷
皇上之關心更甚合先馳報以慰
聖懷緣係仰仗

天威破國賊飛報捷音事理為此具本專差舍人

王化遠齋捧謹具題

知

皇清全書

卷四

十三

告病疏

奏為播事已竣臣病甚危懇乞

聖明亟賜放歸以治殘喘以營親葬事臣愚不肖誤

蒙

皇上任使督兵剿播正在攻圍忽報丁憂已經具疏

仰陳求代守制自發疏後旋即滅賊又經報捷

去後臣封疆之臣例應候代不敢即去方欲乘

此候代之日督併文武諸臣經營敘功及善後

事宜報命

皇清全書

卷四

十三

闕下即移駐境上俟有代者當即奔歸乃數日以來

感病殊甚初猶以為乍聞親喪哭踊過度病亦

其常久當少愈乃日益久病益深今且食飲漸

廢行坐失常日惟有伏苦而臥耳臣幼而讀書

國爾忘家

君爾忘親亦習聞父師之訓豈其臨事而敢背之顧

在今日力已竭盡精已銷亡即欲勉強支持有

萬萬不能者蓋賊雖已滅然目前諸事皆須臣

手自經理凡散遣兵馬查算錢糧留屯置守謹

宦善後壹日之間千頭萬緒乃又復忽自念身
爲人子親在不能事親死不能歸老母在堂倚
帷而望時一痛至涕泗橫流左右皆泣不能仰
視人有如此而身不病病不危者乎哀過甚則
病而重之以勞勞過甚則病而重之以哀欲節
哀而內有必不能抑之情欲節勞而外有必不
能却之事愈勞愈病愈衰愈病卽今卧不能見
人以字達之手不能作字以口授之人至於此
所不傷生滅性者其與幾何至於傷生滅性臣
不足惜臣家亦無足惜惟是夜卽千里初入版
圖後事之收拾前事之經營一不當機便至廢
壞行且掩文武之成勞貽西南之大害臣之肉
其足食乎此臣所以仰天椎心泣盡而繼之以
血也今該部不知已推人交代否卽推亦不知
卽能速至否人亦有言死亦可忍臣忍死矣伏
乞

皇上垂念臣情矜憐臣病

下吏部將新督臣如未推卽速行會推如已推卽

嚴催速至今臣早得生還不至誤事此非獨爲
臣實爲西南爲天下也臣無任涕泣哀鳴之至
緣係播事已竣臣病甚危懇乞
聖明亟賜放歸以活殘喘以營親葬事理未敢擅便
爲此具本專差承差張顯恩齋捧謹具奏

聞伏候

初旨奉

聖旨吏部知道

請褒蜀王助餉疏

題為

蜀藩義助軍需請乞

賜勅褒獎以表忠賢事據四川布政使司呈據長史

司呈奉

蜀王令諭動發祿金貳千兩米伍千石助充軍餉

著長史司呈請批貯有司官庫犒賞官軍之用

敬此合行呈請發收等因到司轉呈到臣除批

行解發重慶府收貯登報循環轉解營中隨軍

犒賞支用外該臣會同巡按四川監察御史崔

景崇議昭播賊禍亂奉

天征討師行糧從頗稱浩繁惟茲

蜀王捐金犒士足徵屏翰精忠助餉除兇永作

山河帶礪

天潢高品

帝室名賢即今羣醜盡殲地方平定宜彰盛美以表

忠賢相應題

請伏乞

勅下禮部覆議

特賜

勅諭褒嘉仍容臣等備辦花幣羊酒恭送

王門以彰盛寇

盛典統候

聖明裁定行臣等遵奉施行緣係

蜀藩義助軍需請乞

賜勅褒獎以表忠賢事理未敢擅便為此具本專差

承差張顯恩齎捧謹題請

旨奉

聖旨蜀王捐祿犒軍忠真懋著著寫勅獎屬仍行該

撫按官備禮送府以示褒勸禮部知道

議留免覲疏

題為議留朝

親官員事據四川布政使司呈云云該臣會同巡按

四川監察御史崔景榮議照川省各府州縣正官

朝

覲自有定規乃臣子述職

大典若非有萬不容已之事曷敢輕議祈免但本省

時有不同事當通變前此播賊未滅正佐各官

或責之儲糧治器或委之押夫運餉或隨營監

平播金書

卷四

七十九

支或臨管贊畫即全省盡留尚恐不支茲幸遂

酋就平事雖稍省然枯樞經營半載於茲方得

息肩良亦苦矣即今若不分別緩急一槩

奏留不無有妨

大典一槩不留在他郡別邑猶或可支至若重敘馬

瀘肆府州與所屬州縣壤接播境近日起派運

夫疲憊已極前項痼瘵之民全賴正官加意撫

摩愛養休息若令赴

朝以一署官安能調劑而蘇起之且順慶府既無

正官同知馬性和與遂州知州毛秉光內江縣

知縣楊應登一向在營供事即今留守兵將尚

須供應及查

舊例正官議免

朝者該佐貳官代入今各佐貳官亦俱在軍前有

事未得結絕竝難離任似當併免理合具

題伏乞

勅下吏部再加查議如果事體相應特與

題覆將知府傅光宅劉三樂蔡宗憲同知馬性和

平播金書

卷四

七十九

知州邵崇雅段文郁陳敬衷毛秉光葉聯芳知

縣陳大經郭維屏黃日升吳位閔宗聖陽思謙

柯文朱宗望楊應登并宜賓縣正官到日今次

俱暫免入

覲各府州縣止令首領官帶同該吏各齋用與同成

都等府正官照舊赴

朝行臣等轉行遵照施行緣係議留朝

親官員事理未敢擅便為此具本專差承差李朝恩

齋捧謹題請

三懇告歸疏

奏為播事善後有緒孤臣病苦不支三懇

天恩早賜代歸事照得臣以督兵剿播幸而平賊適

值家艱已經具報求代尋而感病又復疏陳去

後近接吏部咨該兵科都給事中侯先春題為

征播機會宜乘督臣關係最重懇乞

聖明亟勅從權移孝以收成功事該部覆奉

聖旨卿等說的是軍旅事大李化龍正值督兵決勝

之時當從權移孝力圖報國待蕩平賊巢處置悉

備方聽回籍守制著兵部馬上傳諭知之切勿頃

刻杜門致妨機務欽此欽遵竊念臣以庸愚重荷

委任即宜捐糜此身何敢更言家計顧事已大

定勢不容留有不得不據實言之者蓋

皇上所以留臣以蕩平賊巢也乃今則賊巢已蕩平

矣以處置悉備也乃今則處置已有緒矣臣不

明言則

皇上即聞捷報將無解頰於蕩平而復關心於處置

以為臣之去尚在可緩乎臣自伍月以來計賊

授首當在旦晚諸凡撤兵留屯敵功善後業已
不次通行登省應預備者令早預備應議處者
令早議處以故平賊登日之後兵即撤歸今所
留防守隘口彈壓地方者除烏江沙溪貳路餘
陸路各壹裨將領兵登千共壹萬捌千而已其
應撤之兵在湖貴者臣已移咨該省撫臣徑自
遣歸在四川者已陸續到重慶臣督併道府隨
到隨發計不數日當即去盡至於改土為流一
節其應設府縣規模已定應用文武材品已晰
臣已一面行令以次入播經理惟是事關登省
須與各撫臣議過詢謀僉同然後併敘功疏
上之計不出壹月而事已大竣矣臣在此已無所事
事矣若後來脩城池招流移闢田土則需以歲
月後之人當自有任之者亦自無難而亦無用
臣之過計為也乃臣之所慮則惟恐
朝廷之
上不知此情該部不即推臣不即代俾臣以千辛萬
苦之身九死一生之病兀坐官署號天踊地以

日為年儻一旦溘先朝露則臣之家計臣何忍
言羣臣得無為臣寒心
皇上得無為臣動念乎夫南北風氣原不相習憂勞
之人瘴癘易染自陸月以來監軍叅政張棟以
積勞道死軍前效用湖廣照磨張居仁以染病
客死貳臣皆北人也彼皆事之勞一時之病
而已若此矣臣之病苦臣之憂危亦何待臣自
言惟望
皇上早賜生全無令他日為臣惜之而已為此具疏
特懇伏乞
皇上速下該部亟推代者如已
簡用有人亦乞
嚴旨催來速代庶病臣可望苟全
天恩等於覆載臣無任流涕哀號之至緣係播事善
後有緒孤臣痛苦不支三懇
天恩早賜代歸事理未敢擅便為此具本專差承差
李朝恩齎捧謹具奏
聞伏候

勅旨奉

聖旨吏部知道履奉

聖旨李化龍准回籍守制員缺著便會推忠誠練達堪任的去

平播全書

卷四

八十四

獻俘疏

題為仰仗

天威剽平播逆循例

獻俘并解

進得獲器械伏候

宸斷處分以明

國法以彰

天討事據四川按察司呈奉臣紙牌照得播賊楊應

龍興兵造反自取誅夷所有官兵蕩平巢穴得

獲首屍與在國內生擒叛黨既經監軍紀功等

道審驗已明覆覈無異通應獻

闕請

旨正法但賊犯頗多途遠不便似宜分別重輕酌量

起解仰司即便會同布政司并在省各道將重

慶府解到賊屍壹軀并賊犯田氏楊朝棟等一

干叛黨逐一再加審驗明確分別某某情真罪

大應解赴

闕用彰

天討某某情罪稍次應監候會審就近處治取具歸

一供詞備由呈詳以憑會

題等因諒本司按察使沈李文會同布政司左布

政使盛世承管分巡川北道事按察使周嘉謨

分守上川南道叅政王嘉謨提學道副使莊懋

華分巡川西道副使秦鄰晉審驗得賊屍壹軀

并賊犯田氏楊朝棟等壹百肆拾壹名口與已

故吳阿元楊真瑞毛氏玄壽楊國翰楊林陸名

口通共壹百肆拾柒名口俱於萬曆貳拾捌年

陸月初陸日五鼓時分攻破海龍圍當被官兵

擒獲解出等情叅看得逆賊楊應龍楊朝棟等

以數百年之世家據方千里之土地罔思忠順

敢肆兇殘始猶自荼毒其人民繼遂漸繹騷吾

疆界白石口之掩襲逆我顏行合江城之要求

遂彼狡計撫之而益無忌憚防之而愈肆猖狂

劫堡屠城積骸徧野戕官殺將流血成渠震驚

西南半壁之天煩費海宇全勝之力幸仗

皇靈特成凱奏元兇殞命於私室羣黨駢首於和門

掃穴犁庭一紓華夏之氣緒官儲室始盡叛逆
之刑生擒諸犯俱係逆黨悉宜解赴

闕廷恭候

天誅惟是途長人衆難以盡解况人同叛逆情有重

輕委應酌量起解如田氏楊朝棟楊以棟楊惟

棟楊良棟楊勝棟楊堪棟楊奇棟楊真惠楊嵩

壽楊兆龍楊從龍楊世龍楊國棟楊成棟楊聯

棟田氏田氏田氏田氏楊氏楊氏共貳拾

叁名口則首之壹門妻子兄弟姪孫姊妹兒婦

叛逆之家自當無分長幼男女若楊七楊淳則

首之近族領兵為逆者宋承恩馬千駟張世爵

田一鵬田飛鵬則首之至親相助為逆者何漢

良何廷玉馬忠孫時泰則首之心腹成其為逆

者穆炳楊真戴賁董鰲陳大才素鰲羅江元周

五巴何茂春吳阿仲吳阿舟則首之牙爪資其

為逆者許廷忠何玘張玉王積仁吳進達楊華

首之信任葉進喜王守爵祿壽高忠元慶元首

之親近則相與暴虐一境打點四方以濟其逆

者共叁拾叁名皆罪大惡極姓名昭著人之耳目人人知其為逆者張氏何氏貳口係首之至親賊黨之妻妾內助為逆者以上通共伍拾捌名口俱應

獻俘用彰

國法其餘賊如楊守龍楊文楊福楊光達楊守爵楊宗慶楊學楊春芳楊紹宗楊瑞鶴楊致祥堂保田有年田有時田有秋田有旺田澤田有貴田善保董成爵馬邦字宋一變宋堯相張萬受

平播全書

卷四

十一

趙元吳王受李大亨二李全王世雄劉保偽內使慶壽楊富雙壽善奴王守忠天保四慶陶鳴楊長壽辛巳夏元合壽馮壽壽元巳卯石泉會元金牛胡雲貴慶祿官桂阿十偽妹女張氏田氏田氏張氏田氏徐氏楊氏美松周氏楊氏張氏童受劉鳳梅花劉奴元秀春鳳李氏顏氏祖秀金蓮善緣齋連象秀同生五奴珍秀善秀任秀金秀以上捌拾叁名口或隨從而不當事權或任用而未臨戰陣或楊氏疎屬或田氏子姪

又或婦女幼穉所養下人叛逆雖真罪惡未甚且不無林木池魚間有可原內除象秀任秀元秀齋婆願隨田氏赴京外其餘拾玖名口應監候會審定奪等因併將各犯情由開款呈詳到臣又准巡撫貴州兼督理湖北川東等處地方軍務都察院右副都御史郭子章咨據貴州按察司呈奉本院批據監軍按察使楊寅秋叅議張存意會同各路將領等官陸續當陣擒解播逆賊首楊兆麟等發司監候今者仰仗

平播全書

卷南

全

天威官軍用命逆賊伏屍西南享安枕之休狐兔斂跡梁之跡除黨逆雖真情罪稍輕者聽候會審明確就近發落外所據渠魁巨逆情真罪當各犯相應解赴總督軍門類解
闕前明正其罪就諫本司會同布政司左布政使應存卓督糧道叅政郭廷良貴寧道叅議梅國樓新鎮道叅議張文奇驛傳道副使尤錫類畢節道副使洪澄源都清道副使索應文提學道龔事徐來儀并鎮寧定番普安永寧等州知州李

王應昌龍時雖陳聖佐會看得逆首楊應龍
父子本以草澤餘孽一旦敢行稱亂幾至震驚
西南寧獨恃彼峻關險國疊嶂複嶺之足泥我
哉亦惟茲虎噬鴟張之徒或置腹心或列爪牙
庶幾奮螳臂以當車轍耳今據左右監軍督率
將領土司先後擒縛元兇如楊兆麟尚義夏文
茂彭道陳大恩或以親杉總管糧馬或以親暉
贊決謀議何萬楊正邊楊通漢曾先鋒於飛練
索五受張守欽曾首難於烏江馬騰漢之殺將
基南再重彭永壽之拒敵窮困文章之主謀探
聽於都會皆兇逆貫盈罪惡滔天俱應解赴總
督類解赴京明正典刑等因到院隨批楊兆麟
尚義等既經審明或以戚族而委身凶德或以
亡命而假嗣姦徒罪在不
赦法當
獻俘仰該司差的當官押解總督軍門類
獻繳除行按察司將會審過楊兆麟等供詞開款咨
報外合咨查照施行等因移咨到臣案照先據

四川按察司管分守川東道事按察使張悌呈
奉臣憲牌行委前去軍前提調兵餉依奉馳赴
營中會同本省監軍叅政謝詔今故張棟及贊
理監紀同知史朝貞推官高折枝等日遵指授
方畧約會荅省文武盟神設誓聯諸將士而申
督之陸月初伍日連破重城初陸日質明一擁
直上逆龍時已自盡妻子家屬與同謀叛黨一
時全獲本日辰時職等叅道會同湖貴監軍按
察使胡桂芳楊寅秋叅議魏養家張存意督兵
副使尤錫類總兵劉綖吳廣陳璘李應祥馬孔
央等俱齊集圍後樓上點驗逆首家口并將首
屍壹軀臺至樓左捌道伍鎮出樓相驗時首初
死相貌猶生兇悍驍雄之狀迥與衆殊衆手共
指衆口共詈呼妻子田氏楊朝棟等來視一見
痛哭悲不自勝五司七姓之響人強半俱在訊
之無不謂此真楊應龍而深快其死也身屍無
假家口皆真隨該總兵劉綖吳廣陳璘馬孔英
李應祥等各陸續將首屍壹軀并賊犯田氏楊

朝棟等壹百肆拾柒名口解赴本部院審驗隨奉憲牌看得送賊造反流毒參藩乃

天兵所臨父子妻女親族黨惡一鼓盡擒不遺種類

真足以洩人神之憤而伸

國威但箇死叛黨未審真偽遽難准信合再審驗

牌行本道會同在府各道多官從新覆勘要見

楊應龍身屍是否真偽田氏楊朝棟等是否正

身逐一審驗明確一面具由詳報一面起解赴

省聽候

平播全書 卷四 三十二 李氏 獻俘依奉又該本道仰體本部院慎重再三至意復

會同東南督餉紀功叅政張文耀副使史旌賢

叅議劉一相僉事徐仲佳知府傅光宅同知史

朝貞推官高折枝等齊集公所行取送犯田氏

楊朝棟等各到官將楊應龍身屍開棺洗面仍

復審視據見在各伊家口與各頭領并播州生

員原奏土民合詞僉稱身屍極真具結在卷覆

驗楊朝棟母子妻女及同謀黨類與各內使人

等俱係正身詳審所犯事由共稱楊應龍委以

兇殘致干奏訴不遵勘問擅殺官兵白石口之事蒙

恩放回益無忌憚飛練綦江連遭屠掠自取

天兵掃滅械繫再無別情該伍道看得楊應龍倚恃

險關堪嘆負隅之虎開脩絕固足喚坐井之蛙

禽獸宣淫豺狼肆虐用滿滔天之罪致勤動地

之師去年陸月念壹日入搶綦江今歲以陸月

念壹日解俘重慶好還不爽審驗極真固無毫

髮之可疑也據法賊屍與各送黨俱應懸首藁

街

獻俘

郊廟但罪有首從之分則惡有重輕之等似應止解

賊屍并渠魁惡黨其餘送狀稍次者宜候再審

明確就近分別治罪發落等因并據貴州按察

司管解楊兆麟等壹拾肆名及稱數內阿萬文

之宗楊正遠參名在途病故取有所在官司結

文前來俱經發仰按察司監候及將田氏楊朝

棟等覆審詳報去後今據前內該臣會同巡撫

貴州兼督理湖北川東等處地方軍務都察院

右副都御史郭子章巡撫偏沅等處地方提督

軍務兼理糧餉都察院右僉都御史江鐸看得

逆酋楊應龍楊朝棟等么麼小醜荒服遺苗荷

天朝浩蕩之恩養成羽翼恣地國兇殘之性謀動干

戈叛我

天常恃彼地險重慶城已逃法網白石口輒遂顏行

罪已不止於無將法猶姑處以不治不思

天地之德無所不容乃謂虎狼之窟真為可恃狂謀

平播全書

卷四

九

益甚虐煽愈張廣招叛亡為腹心大收苗夷為

牙爪刻木立信斬山設關殺人盈野盈城舉事

無

天無地震動西南既起飛揚者之志繹騷東北更款

窺伺者之心臣下隱憂

主上肝食而遂首方且哆大言以張疑布姦人而行

間招延遊士結好鄰封堅壁清野常以逸而待

勞秣馬礪兵動以少而覆衆豈欲憑深負固效

子陽之自帝一方固且拓地開疆慕元昊之抗

衡

中國何意清平之世發此大難之端幸遇我

皇上天威震蕩

神武布昭文武同心將士用命八路之軍聲沸地三

藩之儲峙連雲遂乃破其重關因而圍之三匝

彼猶設三覆以待我則畫九地而攻霆擊電掣

風雲之勢無前鳥駭魚驚狐兔之羣若掃元兇

計畫無之甘投繯而自縊羣黨伎倆已盡舉束

手以就擒剖腹而實之盍可憐故主引頸而繫

平播全書

卷四

九

以組共指新官軍師謀士累累載途繡女閨人

紛紛過市蓋壯士揮戈盡敵而返故累臣擊鼓

舉族以行可謂削株拔根真是犁庭掃穴從此

粵省拋家失業之民得歸故里且使四方揭竿

斬木之輩暫戢雄心蓋奮之作惡實百蠻未有

之惡故裔之受禍亦百蠻未有之禍此真足以

仰副

廟謨肅彰

天討下洩一方之憤

上紆西顧之憂者也所據逆會楊應龍原係元兇正
犯身屍壹軀法應解

獻於

國門生擒田氏楊朝棟等俱係同謀為逆人犯通

應伏誅於

闕下但犯同叛逆情有重輕既經兩省貳司各道重

覆會審明確委應分別起解除監故途故外內

將首屍壹軀并賊犯田氏楊朝棟等陸拾玖名

口如法肘鎖同隨行使女篆秀等肆口選差敘

平播全書

卷

九十六

州府同知史朝貞遊擊江萬仞守備萬民英指

揮高凌漢千戶李同芳百戶潘繼勛范希正管

押赴

闕及將得獲

欽賜誥勅印信并銅鼓器械據各總兵解到共計貳

百捌拾陸件於內揀得銅鼓驗係漢時古器查

甲較彎刀弩槍箭擇其完整者共得玖拾伍件

與

誥勅印信伍件併交各官隨本

進繳其餘賊犯楊守龍等柒拾玖名口發四川按

察司牢固監候候按臣審明另行具

題并將不堪器物壹百捌拾陸件發成都府收貯

外伏乞

勅下兵部議覆銅鼓器械及

誥勅印信付

內庫交收田氏楊朝棟等行法司會審如果情真

罪當恭候覆

請照依律例分別正法楊守龍等行巡按御史會審

平播全書

卷

九十七

明確分別重輕徑自具

奏就近發落其楊應龍身屍仍應剉碎與同各犯

首級應否傳示天下以為土司酋長叛逆者之

戒統候

聖裁緣係仰仗

天威剉平播逆循例

獻俘并解

進得獲器械伏候

宸斷處分以明

國法以彰

天討事理未敢擅便為此具本開坐專差承差苟增

齊捧謹題請

肯

計開

一元惡逆賊壹名

楊應龍身死壹罪查逆會實年肆拾玖

歲原籍山西太原人先世有名端者

唐乾符中南詔反端糾兵破走之遂

平播全書

卷九十八

九十八

九十八

據播地盤東及元世有其土至我

朝洪武初納土歸降仍給之授宣慰使屬安撫司

貳長官司陸其地東西南北可千里

西北塹山為關東南俯江為池林木

蔚蒼田疇豐美蓋奧區也應龍生而

雄猜陰狠嗜殺無忌初娶於張龍虎

山張天師之族女也無寵別居之妻

田氏最幸田氏讒張氏誣以姦應龍

怒命人殺之竝及其母弟滅獲之在

播者無遺類自是益復以殺立威州

人小有睚眦輒誅滅之所殺傷無數

州人不堪其苦所屬伍司與朵姓之

民及張氏家奏訴之並告之貴州撫

按以

聞下四川樵按問逮至繫之重慶獄將坐以大辟

會有倭警徵兵援朝鮮應龍詭言欲

起兵以征倭自贖許之得脫歸歸而

有

平播全書

卷九十八

九十八

九十八

詔止其兵應龍益無忌復逮問之不復來益為嫚語

蜀撫臣發兵挾之應龍不與戰誘之

深入至白石口縱兵盡殺之

聞遣總督經略至則應龍謬為不知者委其事於諸

苗時東西方用兵勢難窮治因就撫

之應龍益橫所居飭以龍鳳偕擬

至尊令州人稱己為千歲子朝棟為後主益選州人

子女為繡女闈人民間有女拾叁歲

以上皆獻之謂之呈身須不用乃嫁

之不呈身而嫁者罪至死嘗壹日而
 閹割參拾貳人其兇殘不道類如此
 有袁子陞者其頭目也畏其禍避之
 合江應龍遂領兵掠合江逼其城城
 上人縋而與之執以去至則縛之先
 割其肉炙之令自食然後磔之以其
 肉食諸苗初白石口之事伍司朱姓
 皆助兵焉至是脩前郡盡逐殺其人
 有逃避不獲者窮追之逼偏橋得羅
 承恩磔之如袁子陞有全家獲之者
 取其妻女對其父與夫令諸苗淫之
 或裸而坐之木上叢射之以為笑樂
 或燒蛇令從陰入其腹人蛇俱斃盡
 掘其墳墓燒屍而揚其灰益廣招諸
 苗為羽翼伍司朱姓之地並其妻子
 盡以與苗不足侵湖貴驛拾捌屯益
 之州人有稍殷厚者因事誅之沒其
 家以養苗自是一州皆苗精悍推鋒

者無慮數萬其苗皆食梁肉乘肥馬
 僕從自隨人人以為親已願為之死
 無恨以故用兵所向克捷二十七年
 春破飛練殺人以萬計獲楊都司跪
 而斬之是年夏破綦江殺房叅將張
 遊擊盡取一縣資財子女以去少壯
 老弱者殺之投屍於河自大江流下
 江水為赤時剿
 旨已下應龍恬不為意曰剿撫任尔但恐進我關來
 不能出我關去耳時徵兵未集應龍
 益為侵掠以張威冬焚東坡爛橋王
 懈湖貴道梗不通明年春正月焚龍
 泉都司楊惟中避去殺土官安民志
 復欲入思南石阡聞川兵已破其官
 寨斬首叁百乃歸無何官兵以捌路
 入遣其子朝棟領兵貳萬直走綦江
 曰介焚綦江入南川諸有積聚盡焚
 之以歸彼無能為也至則為劉綬所

破敗歸始有戒心發兵為守禦計無
何川兵四路入關乃頓足嘆曰吾誤
矣吾誤矣當吾破綦江遂據重慶直
搗成都取

蜀王入營何事不可為乃今坐受死哉先是應龍出
綦江人傳其所張旗書擒亡剽叛後
有自其營歸者言親見其旗非亡乃
王也至是乃知其意在成都云初結水西為援縱
之深入時水西已無意助之久駐大

水田不去復以事斬其使人應龍始
覺其貳於己憤甚治兵攻之不勝復
為川兵四路屢敗之盡奪其養馬養
雞諸城乃父子相哭而上圍川兵攻
之急詐死不見信攻益急湖貴兵繼
至共築長圍圍之更番迭攻既破其
貳城至夜猶散數千金募死士拒戰
諸苗皆散去無應者起而提刀自巡
其壘見四周營火燭天明於白晝一

孫拙金書

卷四

百一

三

望無際飛鳥不能過歸而徘徊無計
長嘆數四謂其妻子曰尔各自為計

吾不能顧尔矣遂與其愛妾貳人入
室自縊無何官軍入盡得其妻子黨
類無遺者剖其屍以益實之楊氏遂
亡應龍初發難也寔以川中累調從
征見川兵脆不能軍川將又時時從
之借級安功日中遂無全蜀加以時
繫時釋時剽時撫惟其所欲無不如
意以為天下事可知矣自是日中且
無海內綦江之役自以騎虎者勢不
得下異志益決其申呈文移每曰到
處尋取逆奴直至

九重闕下既圍破而官軍錄其關門之聯曰養馬城
中百萬雄兵擎日月海龍圍上半朝
天子鎮乾坤所居之門篇曰半朝天
子其志豈在小哉向使不早撲滅稍
需歲月羽翼已成不為共祥山慶緒

孫拙金書

卷四

百一

三

父子則為公孫述李特王建之流漢

唐殷監豈其在遠幸而

廟廊主斷將吏同心一舉滅之亦西南之幸也應龍

八子二孫其一子死重慶七子俱在

俘二孫俱被執一死一在諸逆黨多

戰死不死者並在俘

一賊妻一口

田氏小名雌鳳年四十五歲酋妾淫妬

異常酋嬖之謀奪嫡萬曆十四年間

唆酋逐妻張氏母家十五年正月十

五日酋飲酒田氏兄田一鵬家醉田

氏故激酋張氏母家有外遇酋乘醉

當遣人取張氏併其母首盡屠其家

以致張氏叔張時照等奏訴

北闕下伍司朱姓素受酋虐者因起而附和之亂由

是起若田氏者真楊氏之禍水而西

南之妖孽也

一賊子七名

楊朝棟酋長子年二十六歲緣二十三

年革酋職准朝棟以應襲土舍管宣

慰司事故自二十四年以來播中文

書俱用朝棟名先是白石口之戎

王師朝棟偶不與謀酋每疑朝棟不從其叛至貴州

集兵飛練朝棟遂親領苗往劫以明

其與父同志故酋決意為逆不數月

即有綦江之禍乃大兵雲集

天討既加朝棟猶不席藁請死復躬入綦界拒敵為

總兵劉綎所敗及棲之圃上詐降詐

死皆朝棟主之子父濟惡兩世為逆

蓋昔之安慶緒今之噶承恩罪不容

於死者也

楊以棟酋三子年二十二歲素領莊丁

虎苗從父作逆者

楊惟棟酋四子年二十歲兇殘更甚酋

左右僕役承應少不當意即于刃之

日所殺數人逆酋甚愛之嘗曰類我

類我楊朝棟出茶江路惟棟實率悍

苗衝鋒九盤子之敗幾為劉綎所獲

乃不敢復出戰圍圖之後因上人但

謀下投事洩者無論男女皆惟棟手

刃所殺蓋不止伍陸百人彼纔弱冠

耳殺人如麻殆性惡者與

楊良棟酋伍子年壹拾捌歲大兵進討

時始領莊丁虎苗監防部民投順內

地者

楊勝棟酋陸子年壹拾伍歲

楊堪棟酋柒子年壹拾歲

楊奇棟酋捌子年玖歲

一賊女壹口

楊貞惠酋長女年壹拾玖歲許聘貴州

洪邊宣慰宋承恩踰時未婚承恩之

堅於從遂不顧其祖宗千餘年宗祀

則貞惠之以若貞惠者是又洪邊之

禍水也

一賊孫貳名內壹名楊玄壽僅叁箇月新

死止存壹名

楊嵩壽朝棟長子年伍歲

一賊兒婦伍口

田氏年貳拾陸歲朝棟妻田一鵬女

田氏年貳拾歲以棟妻田良玉女

田氏年壹拾玖歲惟棟妻田一鵬女

田氏年壹拾捌歲良棟妻田一鵬女

田氏年壹拾捌歲勝棟妻田飛鵬女

伍田氏即舊思州宣慰之裔永樂年

間思州改土為流其族多流入播自

唐宋來思田播楊竝雄西土世為姻

姪故酋父子兄弟率聚田氏

一賊弟叁名

楊兆龍年叁拾玖歲酋弟叁弟管清平

路兵馬錢糧破龍泉圍黃平劫飛練

皆兆龍領兵督戰

楊從龍年叁拾捌歲酋弟肆弟管金鼓

路兵馬錢糧最為淫惡虜綦江婦女

以百數

楊世龍年參拾陸歲酋第五弟管周水

路兵馬錢糧驍雄有聞軍中號曰伍

相公桑木關邀餉道世龍與楊珠同

領兵珠敗世龍先遜

一賊姪肆名內壹名楊國翰監故見存參

名

楊國棟年壹拾捌歲兆龍子

平梅全書

卷四

百九

楊

楊成棟年貳拾歲從龍長子

楊聯棟年壹拾陸歲從龍次子

一賊妹貳口

楊氏年肆拾柒歲田一鵬妻

楊氏年參拾柒歲張世爵妻

一賊從弟壹名

楊兆麟酋從弟年肆拾歲總管楊氏族

屬兼管拾貳路兵馬貳拾陸年春托

獻木帶苗伍百入涪州城要挾所過雞犬一空民皆

逃竄

一賊族舍貳名

楊淳年伍拾歲酋親族舍人善使長槍

慣馬戰每酋親臨戰陣淳必率衆衝

鋒前後傷折官軍不少

楊七年貳拾壹歲酋族舍人即酋犬總管

楊明子酋平日叛逆實成於楊珠楊

明貳賊圍固時楊珠中炮死固上人

心惶惶率謀下投獨明父子各領親

平梅全書

卷四

百九

楊

兵為酋晝夜隄防又每戰必力令酋

得必遊釜中多損我兵糧則明父子

之惡遠矣明就擒自盡七仍宜置之

極刑

一賊妹夫壹名

張世爵年參拾參歲妻酋弟參妹原籍

江西即龍虎山張氏之族張楊亦世

為姻姪酋向殺妻張氏即世爵從姊

張氏之族盡讎楊氏世爵獨為之用

且盡力焉則其妻為之祟也

一賊壻貳名

宋承恩酋長女壻年貳拾貳歲係洪邊

宣慰應襲往酋狀官軍白石口時責

州撫按即行承恩絕婚楊氏勿涉其

餘波承恩陽諾陰違竟不之絕貳拾

伍年安疆臣爭新貴縣實承恩從中

鼓煽糺合安楊之文其謀狡矣刺事

起承恩為酋訶事貴州拾日一報行

路知之畏其勾賊無敢言者既師期

近乃被虜上固得無以乎彼以附賊

為得所繫援也昏童無知自取敗亡

宜矣

馬千駒酋次女壻年壹拾捌歲係石砭

宣撫司宣撫馬斗斛次子斗斛妻草

氏姬愛千駒謀奪長子馬千乘應襲

故為婚酋以求援助蔡江之破千駒

實率其石砭心腹為酋先登伊母草

氏時遣人四方助酋打點使酋得志

千駒母子必亂石砭千駒就擒正法

石砭之禍階絕矣不獨擒一播黨也

一賊妻兄弟貳名

田一鵬酋妻元年肆拾柒歲原籍貴州

思南府充酋內司總管總管高安路

軍事其所置產近真州田氏兄弟每

至真州州人必擇其室女少婦之有

姿者待寢一民婦成婚纔數日以姿

貌被選其夫有難色即召至立斬之

蓋真州人恨田氏無不欲食其肉者

田飛鵬即一鵬弟年肆拾肆歲充酋內

司總管總管長溪路軍事飛練之劫

飛鵬實與其謀

一賊心腹謀士叁名

何漢良播州赤水里人年伍拾貳歲充

酋外司大總管總管諸酋為人狡猾

善說酋倚為心腹歷年負固逆節實

其主使去年漢良統曰破飛練執揚
都司真其不跪而殺之

天討不加故酋遂無忌憚於房叅將造禍西南喪拾
數萬人命若漢良者雖寸斬不足以
謝西南人之忿也

何廷玉播州人年參拾肆歲充酋衙門
大總管主掌捌司伍拾肆里糧差性
兇狡喜為剋剝環播千里內無不被
其荼毒者酋之負固謀逆廷玉與何

漢良啓之

馬忠播州人年肆拾貳歲充酋辦事總
管掌衙門一應文書凡酋申文內地
悖慢要挾皆忠為之

一賊軍師壹名

孫時泰年肆拾貳歲浙江餘姚縣人冒
籍順天武清縣入學充增廣生員為
武清縣不容鄉試鬱鬱思亂客遊

京師見四方多故蓄謀益叵測酋破碁知罪在

不

赦思求知兵之士為謀主時已斬黃七先在播素善
時泰因薦時泰首當遣心腹文章從
京師聘入播充偽軍師首勸酋乘大
兵未集入據重慶酋內顧根本不即
從各路兵逼關歛兵一處決戰亦出
時泰意蓋王偉徐道覆之流目無宇
宙幸酋草賊不盡遂其謀假令事事
從之即終就滅亡諸所勞費不知當
若何也

一賊領兵逆黨拾陸名

穆炤播州人年參拾貳歲先是貳拾參
年征播炤與族兄穆偉同投內地已
撫而不剿炤遂殺偉以自解於酋酋
使充小溪里頭目多收內地流賊碁
江邊地無日不被其劫掠卒至釀成
破碁之禍及大兵進討為總兵劉綎
破其巢穴獲其妻子乃不得已投見

已蒙賞賚給有花牌仍陰與酋通陷
王都司全軍於白石口此一賊者罪
不下於應龍云

戴貴播州人年伍拾歲充酋親兵總管
主督戰陣無論平日即首棲囤兩月
前後門日拒戰傷損官軍千餘皆貴
陣前指揮

董鰲播州人年肆拾捌歲充酋肆牌提
調江外伍司皆其荼毒飛練之劫鰲
為罪魁大兵既臨詐降南川營仍復
暗與酋通子姪往來囤上不絕官軍
覺而執之

陳大才播州人年叁拾玖歲充酋沙溪
提調破綦先登受酋賞伍拾兩囤上
拒敵官兵多其部酋

袁鰲年貳拾肆歲播州赤水里人與酋
赤水里頭人袁子陞同族世讎貳拾
叁年征播子陞預先投順已撫而不

劉鰲遠構子陞於酋子陞奔瀘州鰲
充赤水里頭人以兵逼合江竟挾去
子陞支解之連年合界殘劫則鰲之
為也

楊真播州人年伍拾貳歲充酋丁山里
頭目連年為害江津綦江邊地釀成
破綦之禍

聶璽播州人年叁拾伍歲充酋松坎提
調最近綦界綦安穩東溪百姓數千
家拾餘年被其殘劫人人恨不生食
其肉

羅江元播州人年叁拾貳歲充酋坐寨
管婁山外三元壩苗千餘時出綦南
江合地方為害

袁五受又名袁守貴播州人年叁拾貳
歲充酋西平提調烏江河渡兩兵敗
斂皆五受領苗衝突已又潛著擾貴
州糧運為土官岑紹勳所執

張守欽播州人年肆拾貳歲充酋龍沙

提調與袁五受同衝逃烏江河渡兵

又同劫貴州糧為罕紹敷所執

彭永壽播州人年肆拾貳歲充酋領兵

頭目有膽氣善戰每首拒官兵必永

壽領苗衝鋒前後傷折我兵頗多

周五巴播州人年叁拾貳歲充酋仁懷

里提調又充穆炤坐寨連年寨合邊

民被劫掠皆五巴之為也

東

百六

何茂春播州人年肆拾伍歲充酋小溪

里頭目與重慶江津縣笋溪里接壤

恣行侵掠笋溪里民拾年拋棄家業

不敢一企足墳墓則茂春之惡極矣

夏文茂播州人年叁拾貳歲充酋沙溪

里坐寨同尚義納幣水西併為所執

馬騰漢涸名馬充子年肆拾捌歲原籍

重慶江津人兇狠有膂力先年犯事

逃播投充領兵頭目誘酋族人支解

人伍拾肆里百姓紛紛逃竄者皆勝

漢為之破寨騰漢手刃秀參將受首

賞伍拾兩人人能道之若騰漢者即

寸斬猶未盡其辜

楊通漢年貳拾柒歲係白泥司下里長

官應襲貳拾陸年首攻白泥司通漢

統部苗附首及戈攻正長官楊以誠

致以誠逃竄白泥苗盡為首用已圖

黃平劫飛練白泥苗助賊充力伍司

南

百十

官無不讎酋獨通漢附之

一賊任用迷黨柒名

許廷忠播州人年肆拾柒歲充酋辦事

把總主聚斂財貨播民被其暴橫多

矣

何玘播州人年肆拾柒歲充酋辦事總

管主清理土田奪民業以安苗實玘

啓之

尚義播州人年叁拾貳歲充酋沙溪統

制所提調最為心腹用事人屢為首
通賂結連四鄰冬月貳拾玖日首蒙
水西營敗復使義挾禮幣往謝過為
水西所執

陳大恩播州人年參拾陸歲幼充首心

腹小童首繫重慶時大恩代收重慶

監已賞緣脫去充管事提調因破走

投水西被安疆臣解出

張玉播州人年伍拾壹歲充楊朝棟管

卷四

百九

事總管與奏民張郢兄弟也郢離首

王乃堅從首父子郢王又不時密相

往還此其故有不可解矣

彭道播州人年參拾貳歲首心腹謀士

大兵初棲首因下道即詐降總兵吳

廣為首作間已見因破復逃去為水

西所獲

王積仁播州人年伍拾壹歲即已故附

郭長官王積祿弟先年積祿見首有

逆萌懼及禍奏願改土為流為首所

惡積仁欲奪積祿爵從而交構其間

竟使積祿不良死而積仁遂為首心

腹用事充長官矣破茶時積仁坐縣

堂辱罵馬知縣茶人無不切齒者

一賊招納亡命逆黨貳名

吳進遠年肆拾壹歲徽州歙縣人舊寓

京師放子母銀播人往來

京師居停其家因相結識為首通錢神於四方養

卷四

百九

完

成叛逆

楊華年貳拾捌歲原籍南京工部營繕

所人久寓北京為首耳目去年

京城大索奸細華逃入播仍假兵部旗牌為首張

聲勢

一賊偽內侍伍名

葉進昔年參拾壹歲掌海龍圍更收夫

錢糧最幸用事官軍之攻圍也破城

之日喜猶率兵拒戰人皆見之

王守爵年肆拾貳歲掌通州詞訟

祿壽年貳拾伍歲掌爵親兵每拒敵官

兵祿壽時出督陣

高忠元年叁拾貳歲主四方打點

慶元年貳拾陸歲充涓潭坐寨

一賊苗子叁名內壹名吳阿元監故見存

貳名

吳阿仲年肆拾伍歲播州人充酋老虎

兵

莫阿舟年叁拾伍歲播州人充酋老虎

兵

一賊親婦貳口

張氏年肆拾歲田飛鵬妻

何氏年貳拾伍歲田一鵬妾

一賊使女肆口

篆秀年貳拾陸歲

任秀年肆拾歲

元秀年肆拾柒歲

齊渡年叁拾肆歲

獻俘器物共壹百件

詰命叁道

勅書壹道

播州宣慰司銅印壹顆

諸葛銅鼓拾貳面

大皮盔肆頂

大皮甲肆領

馬鞍肆副

鐵劔貳口

倭刀壹把

苗刀叁拾把

花槍貳拾根

大弩拾貳張

箭筒陸箇內箭共柒拾枝

奉

聖旨兵部知道覆奉

聖旨是逆犯田氏楊朝棟等都着送法司擬罪刑部

覆奉

聖旨逆犯楊朝棟等着便處決楊應龍劉尸張世爵等發遣宋承恩着放回籍還職仍將各犯首級傳示諸夷昭布天下餘俱依擬

平備全書

卷四

百二十二

志

露布疏

奏為露布事萬曆貳拾捌年陸月初陸日恭遇平

播事竣臣謹稽首頓首上言露布者伏以

辰象麗天七緯判井參之紀方輿略地八紘嚴夷夏

之防故陰慘陽舒天緯所以陶庶彙而文經武

緯詰后所以殿萬邦道如此乎相成世賴茲而

常治垂衣而理爰開弧矢之威舞干以來不廢

徂征之舉黃公玄女策贊玉門赤燁素靈符昭

金匱泊乎

平備全書

卷四

百二十三

志

皇風既降猶然遠略時聞漢馘呂嘉聲教訖於嶺表

唐倂象倫威稜憺乎天南是雖晚近世之作為

孰非

大聖人之家法匪云得已尤有成功恭惟

皇帝陛下

道契書純

祥摛載玉

憲紫微而立極雪踐四神

登翠媯以握圖星飛五老昇平三紀雲火靜其橫

氛受昨

光宗風雨漂其滅澤

委任心膂

妙選爪牙兵以不殺為威德用無為而治朔方叛

黨嬰城旋就誅夷海外渠魁越國甘從繼東

宸居端拱

天步泰寧日浴月媚之鄉莫不奉琛而納款紫舌黃

支之侶咸皆解辯而稱臣昆明通

太液之波大宛貢

平播金書

卷四

一百一

第

天開之駟春秋之義無外詩書所稱何加惟此播州

介於川貴負元以往猶遷客之是居會昌而還

為楊端之竊據本以招討擅此方州跨重岡複

嶺以疏疆介絕澗茂菁以設險丹崖紫澗常截

地而滌泗翠壁蒼巒每橫天而截孽羊腸鳥道

一夫可以當關虎嘯猿啼萬騎總為却步加以

腥煙暴覆毒霧縱橫上漏下蒸坐見飛鷲之墮

前溪後甯常有戴之災別是封疆自為聲教

冠紳承襲已歷

四朝子姓蒙安海及千載強弱之形互見離合之

勢靡常饑則依人飽則颺去終非馴擾之儔失

則其鹿德則其人薄示羈縻之術然猶奉琛奉

幣職歲之貢

獻無虛不叛不侵非時之征調惟謹迨至逆賊應龍

者夷運將終淫凶遂熾天奪其鑒既安忍而無

親鬼瞰其家輒恣行而播虐殺人如不舉害眾

若弗勝狗孽妾之言妻甘屠膾剪同官之黨人

盡誅夷敵怨五司魚肉不留乎遺枿快心七姓

平播金書

卷四

一百一

第

烹臨寃徹於三泉懸磔確湯鑊之刑真火床鍊

刃之獄是尚恣睢乎部曲已而輟轡乎

縣官數肆慢書屢馳密諜謂

九重為遠聲不憚於吠堯以千里自封財無難於使

鬼重慶城計脫狂狴已遁靈誅白石口謀動下

戈寧辭越志從此恣其玩弄因而極彼誇張宰

割一方睥睨諸省收藏亡命逋逃徧四海之姦

糾結生苗聲勢致兩川之震撼氣豈忘躍馬雄

心不憚稱孤犯乃無將志不在小

皇上俯憐愚謬屢沛

鴻慈征誅尚緩於後夫撫戢屢申乎邊吏網開三面

聿弘卵育之恩禽縱九頭倍肆鴟張之志度劉

飛練鬼哭千家糜爛蒸江屍橫百里拍嬰兒以

填巖谷剝孀婦以決雄雌萬靈號地稱冤四境

顛天勾命樵蘇何計閭閻動鼙鼓之哀羽檄交

馳城郭盛妖氛之氣一時惡少儘欲效尤幾種

夷酋半懷觀望業已騷騷乎西南半壁之天下

行且震驚乎東北一帶之人心亂形已成逆國

漸逞全蜀星河搖曳

重瞳宵吁焦勞佇望廓清宜資卓犖而臣以章縫未

品樸邀短材偶

詔起于田間遂謬膺乎軍事控四蜀而兼綜湖貴柄

在專征奉

三錫而濫秉鉞旄義當滅賊臣感茲

恩遇願效驅馳憤同泣劍甘菓革以從戎心切枕戈

計除兇而報

國但期平定敢受髮膚顧民力凋瘵而未蘇又武

備廢弛而不振賊強臣弱難希擒縱之風一日

數驚易斷平安之火於是殫櫛朽鈍獎率權奇

謹會同巡撫貴州兼督理湖北川東等處地方

軍務都察院右副都御史臣子章巡撫湖廣等

處地方兼提督軍務都察院右僉都御史臣可

大巡撫倫沅等處地方提督軍務兼理糧餉都

察院右僉都御史臣鐸共懷許

國之心咸篤勤

王之誼謂夫事關三省必須動協萬全以固圍安人

心以死綏作士氣內葺理而外持鎮靜計頗效

於謝安陰不足而陽示有餘龜頻增於虞詡微

兵之使四出環秦庭而乞賦無衣寄閭之禮三

推憶鉅鹿而重塵

拊髀柄分黃鉞下天上之將軍聚有丹書合地中之

義旅命五丁於蜀郡召三戶於楚人集滇廣樓

船下瀨之豪連韓魏奮擊蒼頭之衆秦稱孔武

羅孟賁夏育之朋浙號多才搜霸越平吳之士

鷹揚後譚於齊客喜建功勳駿聲偏重於燕臺

為憐慷慨有嚴有翼共武服而旂旄央央如漢
如江啓戎行而

威靈濯濯歲來奏技莫不從軍又以古制師行糧從
兵貴馬騰士飽爰開庾廩共極舟車籌策徧於
索囊轉輸酌乎鍾釜艦舳銜尾粟盡海陵之倉
組練生光山積漁陽之甲兵同時兩衆悅蒼雷
臣乃於正月十五日攝衣登壇歃血矢誓宣忠
義以作士氣思齒劍者投袂竝興懸賞罰以一
人心懷淬刃者超距競起衆憤噓而梁益之天

稽古書

卷四

百五十一

七

成霧軍聲動而岷峨之水飛波克日長驅嚴兵
待發臣又於二月十二日五申戒衆八路徂征
在四川以綦江南川合江永寧為四路總兵官
吳廣劉綖馬孔英將之而監軍以叅政張棟謝
詔賢餉紀功以叅政張文耀副使史旌賢叅議
劉一相僉事徐仲佳在貴州以烏江沙溪平越
為三路總兵官李應祥將之而監軍以按察使
楊寅秋叅議張存意督餉紀功以叅政郭廷良
副使洪澄源充鈔類叅議梅國樓在湖廣以備

平播全書

卷四

百五十一

七

橋為一路總兵官陳璘將之而監軍以按察使
胡桂芳叅議魏養蒙督餉紀功以叅政詹啓東
副使王應霖路雲龍陳與相集羣策於一時宣
天威於九伐妮隊飭元戎之令以律而滅練士雜夷
漢之師在和而克風鶴咸知助順草木都化為
兵賊勢已危狂氛未戢力伸螳臂尚三覆而設
奇若燎鴻毛輒一鼓而制勝諸路竝斬關而入
一時多解甲而降妻山岩門萬夫不守湄潭河
渡一葦可杭兵遂環於白田衆已焚其赤社曲
房別館一炬堪憐班馬鋒車闔門威竄於是巢
穴漸定羽翼半摧獸既窮而搏人鹿方急而走
險賊乃重招逆黨共保巖隈百仞臨高築距堙
而不及一偏延敵攀羅葛而難躋自謂天險可
乘兼有積儲足恃猥云得計祇自速亡爰命六
師圍之三匝蝥孤屢奮於列校鼙鼓加募乎千
金攻極力殫莫禦疾雷之勢計窮詐得頻貽小
月之書臣乃詗其深謀特中敝備復令按察使
張悌入營督戰重戒總兵吳廣毋與賊通衆志

彌堅賊困猶聞連旬積雨共洗蠻蜮之妖壘維

霾雲寔壯

王師之氣勢將剪滅事已垂成而臣適遘閔凶遙

傳音耗寸心塗炭乍懷進退之虞

簡命眷留更切始終之慮望雲渺渺向

日炎炎事難適夫兩全身惟拚一死勉脩軍令益

整兵威旬月迭攻晝宵不息小巖結聚知蠻賊

以非遙異鳥翱翔信賊平其有兆卒徒競奮維

堞平頽彼力盡於枝梧此骨騰而距躍楚歌四

平播全書

卷四

重華

詩

起騅不逝以驚心越甲重來犬長號而入夢徒

揮金而召死士竟掩袂而別妖妻縱飛走以無

門悲蟻虱之相吊天亡已定矢劍烏江人力難

施投繯荒谷快大兵之畢集遂舉族以就擒剖

腹不減然臍駢首同看繫頸銷人彩女解玉佩

而成俘劍容謀臣抱兵符而就繫電擊星馳三

十萬巢穴倏爾成空摧枯拉朽指揮間根株蕭

然盡拔定軍之山頓赭牂牁之水已丹飛虎飛

龍堅城如掃養雞養馬故壘空留止餘草木之

腥無復萌芽之肄訛執已成聚落首功不啻丘

陵築京觀可示來茲勒銅標謾誇已事紅旗十

里依依六月班師翠憶千重蕩蕩三方底定前

歌後舞鏡吹半襟於巴渝繡帽錦衣勝氣全高

手玉壘戎翟因而奪氣流汗走僵將軍從此開

顏告成飲至橐弓臥鼓息壯士之呻吟解劍賣

刀恣農夫之耕耨百蠻稽顙萬姓謳吟重念開

初之難更竭圖維之力因地形以為疆理招土

著而慰氓黎制滅叢祠別營茅社爰分土宇指

平播全書

卷四

重華

詩

西母而開圖載布冠裳順東風而受吏易瘴鄉

為樂國矜人起鴻鴈之歌黠夷法於漢官拭目

快威儀之觀化瑟瑟張而勿擾熙熙乎坐赤子於

春臺太宰亭而有餘栩栩然囿楚人於蝶夢本

因亂而制治實用夏以變夷何敢言勞期不辱

命此蓋

神武有赫

厚德用威遠克虺方奉役不淹於三載同符

帝德成功僅踰於七旬民未大勞師無再役

千秋之疆土重勒鼎銘載四海之窺覩坐銷金甲

獻傳

清廟更承玄緯之心上壽

明堂旅受綠圖之福臣無任瞻

天仰

聖望

闕稱慶之至為此具本謹具露布以

聞奉

聖旨覽奏露布朕心喜悅知道了該部知道

平播全書

卷四

二百三十八

書信

查察黔路失事疏

題為黔路失律喪師得關復失據實查察以肅軍

政事據貴州按察司并左監軍按察使楊寅秋

呈差指揮王行恩管解官犯童元鎮到臣案照

本年陸月初玖日准兵部咨該臣并貴州撫臣

郭子章按臣宋興祖兵科左給事中桂有根各

題同前事該本部議將童元鎮極解來京審實

究罪謝崇爵倫安誤事即以

賜劔處斬軍前用昭法紀等因覆奉

平播全書

卷四

百五

書信

聖旨童元鎮失律喪師法所不貸著督撫選差的當

官極解來京審實究罪謝崇爵臨陣先逃即以賜

劔處斬張秉忠張澍姑准戴罪殺賊青立後功仍

嚴行中飭大小將領俱要奮身力戰毋蹈覆轍取

罪不饒安疆臣著遵前旨宣諭及劉綎等各將聯

絡竝進併心滅賊毋得有分彼此驕妬觀望以致

大軍久頓不解成功賞格俱在有違國法凜然決

無少假李應祥著充總兵官換制勅與他餘俱依

擬欽此移咨到臣該臣隨即移文撫臣郭子章并

按察司及左監軍道將童元鎮差官解臣衙門
以憑扭解赴京謝崇爵押至軍前處斬狗衆聞
隨據三省監軍總兵等官塘報本月初陸日圍
破賊滅緣由前來又該臣看得逆酋既平大兵
已撤檄催該省速將童元鎮勒限起解并以
賜劔壹口差官捧送撫臣郭子章督行按察司將謝
崇爵就近處斬去後今據前因除謝崇爵候該
省處決至日另行具

平播全書
奏外所據童元鎮合先起解該臣會同巡撫貴州
兼督理湖北川東等處地方軍務都察院右副
都御史郭子章遵照

明旨選差千戶霍之龍劉瓊百戶沈正扭解赴京外
理合具
題恭候

聖旨定奪施行緣係黔路失律喪師得關復失據實
查叅以肅軍政及奉
欽依差官扭解來京審實究罪事理未敢擅便為此
具本專差千戶劉瓊齋捧謹題請

旨奉
聖旨童元鎮着法司會同兵部審實究擬來說

平播全書
卷四
百三十五

乞宥程布政等疏

題為平播酬功宜溥藩臣微罪可原懇乞

天恩宥過錄功以昭

聖德以勵臣工事該臣會同巡按四川監察御史崔

景榮竊惟人臣隨事以盡職惟求免罪何敢言

功然

王者法天而不私罪疑惟輕功疑惟重此所以羣工

競勸而天下莫不尊親也頃者四川布政司

貢扇粗糙不合原式致干

平播全書

卷四

重案

年

聖怒罪及經管官員既降理問趙嘉賓經歷鄭汝清

又降右布政王道增參議劉三才又降原任左

布政程正誼夫該司職

貢不堪若以不敬責藩臣則其罪自當降謫臣等

何敢妄為置喙但臣等身在地方目擊扇事不

敢不陳其始末而况當敘功之時其罪又有可

贖者

皇上試垂聽焉夫該司

貢扇肆萬以千餘柄非一時所能造也每年前拾

貳月內支發錢糧買辦物料責委專官管理次

年鳩集工匠做造壹年至拾壹月內方完拾貳

月內解

進方其造作之時委官貳員晝夜稽查朝夕催督

自是專管責任乃至慢不經心粗糙違式則趙

嘉賓鄭汝清誠不得辭其罪矣若程正誼雖有

總理之責但去年播事方殷奉

旨征剿正誼職司錢穀百責攸萃諸凡折色如何湊

辦本色如何運發器具如何製造官兵月糧行

平播全書

卷四

重案

年

糧之多寡如何定擬無一事不係創設無一議

不費苦心人之精神能有幾何稽查扇柄自不

能如委官之專是其所遇之時可憫而其罪可

原也劉三才於拾壹月貳拾貳日接管署印至

拾貳月初柒日交與王道增接管俱係箬箱起

解之時即貳臣知其不堪而亦何暇改造則貳

臣之無罪更明白易見者也扇事始末若此臣

等方欲據實

上陳以釋

聖怒而會有平播之捷參臣皆兵事效勞之人臣等
因查其功次在程正誼殫心拮据畢力應酬寢
食幾忘頭須為白凡軍中兵食之費皆先事布
置之功臣等不敢再言矣在王道增署印參月
正當進兵之時計兵發餉手足不停督運程勞
水陸並進支發過餉銀陸拾萬兩積出羨餘銀
貳千柒百餘兩其發銀入營臣曾親取貳封兌
之每封重銀肆錢然則以陸拾萬計之其多可
知使道增而非廉官豈不能取之以自潤乎漢
高帝大賞功臣以蕭何之轉輸為第一道增給
餉豐盈致使馬騰士飽其功豈不偉歟劉三才
職掌驛傳當土兵客兵四面入境有司愁苦士
民驚惶皆以應接供給為難三才治粟積芻幾
使寸心欲碎艤舟秣馬恨不人百其身如各路
荒僻之區無不調停協濟至諸兵止宿之所亦
必計日安排以此兵不誼諱遂令民無騷擾建
後來進兵運餉之船隻又皆三才預先整頓而
無缺者其功豈眇小哉夫大厦非一木之力

太平非一士之畧項
皇上見平播之捷嘉將士之功萬里傳聞無不感泣
然逆厥成功豈一手一足之力方今告
廟宣捷論功行賞大小文武莫不霑
恩而參臣效有勤勞獨不得與
慶典之榮在參臣固不敢有所覬覦第
覆載之下一物不遺何可使勞臣有不被之澤耶我
皇上德邁帝王即投珠抵璧何所不能而忍於兵馬
倥偬之時重守臣無心之罪我
皇上明竝日月即部屋覆盆何所不照而忍於軍功
告成之日棄參臣胼胝之勞臣督撫一方又受
命剝播在參臣罪有可原功有可錄皆宜亟為暴白
而申雪者若不詳陳於
皇上之前則功罪不明勸懲無據無論臣職司謂何
抑何以磨礪任事之巨手伏望我
皇上開天地之心擴包荒之量憫程正誼遭時不幸
之苦鑒王道增劉三才原非造扇之人竝念其
焦勞兵事共成平播之功將程正誼劉三才復

其原職或仍將程正誼量加罰治王道增近被

陝西論劾降級而論功亦當敘陞或復四川之

原職或復陝西之原職則

皇恩浩蕩賞罰昭明有罪者雖小必懲有功者雖微

必錄豈惟參臣感

恩圖報天下臣民皆戴之如雨露畏之如雷霆爭相

勸戒於太公無我之世矣緣係平播酬功宜渥

藩臣微罪可原懇乞

天恩宥過錄功以昭

平播金書

卷一百一十

百四十一

聖德以勵臣工事理未敢擅便為此具本專差承差

劉佐齋捧謹題請

乞卹張監軍疏

題為監軍方面官員積勞死事懇乞

聖明破格

卹錄以勸勞臣事據四川布按貳司按察使常分守

川東道事張悌右叅政管分巡上川東兼整飭

兵備道事張文耀呈奉臣憲牌仰道官吏即便

會同備查監軍張叅政歿於

王事與征東監軍陳御史事例有無相符逐一會

議明白具由通詳以憑具

平播金書

卷一百一十

百四十一

洪

題施行奉此依奉行據重慶府知府傅光宅申稱

看得監軍張叅政忠義性成志身殉

國叱馭而輕萬里按劍而感三軍飲食不遑運籌

輒效膚功既奏大數乃終臣子之分已完

優卹之典宜厚况播地真同異域展土更是奇功似

應比照御史陳效事例加

贈卹

殊恩始為忠勳未勸等因到道又該貳道會看得監

軍叅政張紳性篤忠貞才兼文武樞機請寇備

歷諸艱沐兩櫛風忽侵二豎真攄壽而盡瘁撫
旅觀以含悲所有

優卹典儀自應比例從優查得往歲東征監軍監察

御史陳效歿於

王事該總督尚書邢玠具題該吏兵貳部覆奉

欽依追贈光祿寺少卿蔭壹子錦衣衛世襲百戶仍

與立廟祀之今監軍叅政張棟以播事告成積

勞殞命及查播爲西南遠裔風土險惡不啻朝

鮮比例擬卹正相符合但叅政從叁品階級若

贈京銜似應照品而錦衣百戶於

蔭典無加焉再惟

贈蔭之典誠崇廟祀更所當議蓋以死勤事祀典甚

明本官運籌督陣備極焦勞坐此成疾歿於

王事所宜立祠崇祀

賜額表忠俱不容已呈乞具

題等因田詳到臣卷查先該臣照得川東監軍叅

政張棟奉

命征播監理軍事方當大捷遽爾物故歿於

王事深爲可憫及查東征監軍監察御史陳效卒
於朝鮮該總督邢玠題該吏兵貳部覆奉

欽依賜有

贈典

恩蔭該道事體有無相同已經牌行分守川東道會

同兵巡上川東道查議具由通詳去後今據前

因該臣看得人臣之事

君進不辭難退不計利凡以明忠貞之節盡職分之

常也故死生患難漠然不較而功成於當世名

著於春秋後世慕而傳之

明主知其然不惜高爵厚祿以示優禮生殫榮華死

極

褒顯此非期於相當要以各成其是而已播事之起

且拾餘年當事者議濼議剿人持一見譬如道

傍築舍久無成功遂使小醜幾成大難去年蔡

江失守內外洶洶臣奉

命於田野之間德德入蜀兵力糧峙無一可恃同事

之人皆爲臣危於時棟起家監軍慷慨請以身

任棟素有才名又敢決明斷且雅重之凡密謀
軍事棟皆與焉既進兵時樞人劫於賊之積威
自為戰守我兵舉步皆成荆棘以故臣於諸文
臣尚未敢督之深入棟獨短衣匹馬從諸軍後
其入關最早且素性方嚴待諸將崖岸嶄絕時
劉綎以宿將自雄氣張甚獨於棟以嚴見憚惟
所斷指以是屢戰皆捷卒之破賊川東之力居
多云又播多大山茂菁溪水皆有毒霧時淫潦
參月死者相屬賊據險不下益脩守備棟與按
察使張悌力主分日進攻親自督戰陸月初伍
之役手白楮立陣前賊矢石如雨人人皆震棟
不為動是時棟已病諸將每多觀望不肯力戰
賊謂知之臣又適遘家難使微棟等事且有變
賊平棟還至蒙渡去蒸江貳百餘里病亟軍吏
問疾語諄諄不休察之但云齊上齊上猶攻罔
時語也卒之日三軍盡哭知與不知皆為流涕
夫播寇之平以

天之道

宗澤之空呼過河者大為有功至其不詭不隨
無忝勤事致身之義就中任勞任怨竟成開疆
拓上之勳丹衷與銅柱齊標青簡照玉關不朽
論功為最

卹典當優所據

贈官廢子立祠各項既有朝鮮事例可援又經兩道
查議非濫相應比例上

請伏乞

俯賜下部覆議明白查給施行庶勞臣可酬忠義有

勸臣不勝拳拳緣係監軍方面官員積勞死事

懇乞

聖明破格

卹錄以勸勞臣事理未敢擅便為此具本專差承差

劉佐齋捧謹題請

旨奉

聖旨該部知道

平播全書卷之四終

平播全書卷之五目錄

奏議

敘功疏

平播全書

卷之五目錄

目錄終

平播全書卷之五

敘功疏

題為

天威遠震逆寇蕩平遵

旨嚴敘捌路從征文武官員功罪以明賞罰以資安

攘事據四川布按貳司分守川東帶管川東監

軍道按察使張悌川南監軍道左叅政謝詔會

呈卷查萬曆貳拾捌年正月初貳日奉總督李

侍郎憲牌照得播賊楊應龍惡逆滿盈自犯無

將之戮八神共憤應興問罪之師及查叁省造

兵之路有捌而蜀居其肆川東綦南貳路監以

叅政張棟而綦江路則以原任總兵今充為事

官劉縉為主將以都司周敦吉趙賢輔守備周

以德陳大綱徐珊李為瑚坐營王芬等隸之兵

巡上川東道叅政張文耀督餉紀功敘州府同

知史朝貞贊理監紀夔州府通判尹紹舉合州

知州段文郁長壽縣知縣郭維屏大寧縣知縣

何躍龍儀龍縣知縣袁煥隨營收支南川路則

以聽用總兵馬孔英為主將以管副總兵事
將周國柱遊擊李經余世威羅星王之翰都司
哈光顯守備萬民英坐營孔繼祖宣撫冉御龍
馬千乘土官楊光祖等隸之兵巡下川東道僉
事徐仲佳督餉紀功重慶府推官高折枝贊理
監紀重慶府同知王陞烏蒙府通判劉之瀾蓬
州知州毛秉光巫山縣知縣陳應式隨營收支
川南水合貳路監以叅政謝詔而合江路則以
總兵吳廣為主將以遊擊封建司懋官都司趙
應科吳從周等隸之兵巡下川南道叅議劉一
相督餉紀功馬湖府知府蔡宗憲贊理監紀敘
州府同知李廷謙保寧府同知張鰲湖廣歸州
知州孫鶴年新繁縣知縣魏光祚榮縣知縣樂
繼同南溪縣知縣寇克順隨營收支永寧路以
原任副總兵曹希彬為主將仍聽吳廣節制而
以叅將吳文傑守備紅萬化周大謨永寧宣撫
司土官齊世績等隸之敘馬廬兵備道副使史
旌賢督餉紀功嘉定州同知趙世德贊理監紀

順慶府同知馬性和原任資陽縣知縣詹淑內
江縣知縣楊應登資縣知縣葉世孝隨營收支
仰道即便會同該路總兵的於貳月拾貳日開
刀剿殺直抵播州等因已經移行肆路文武等
官各照分定道路整棚兵馬依期進剿去後又
該總督李侍郎看得餉務至重一切監收兼支
督夫護運更須多官又添委重慶府同知梅燮
管綦江縣事同知周作樂通判蕭時鳴等佐餉
務管巴縣事合州知州葉聯芳江津縣知縣陳
大經等領佐貳等官督運夫叅將麻鎮遊擊楊
敏政都司程試等護運道俱赴綦江路達州同
知李潤涪州知州陳敬衷判官馮運泰等佐餉
務忠州知州倪伯麒銅梁縣知縣陽思謙南川
縣知縣湯自強等領佐貳等官督運夫遊擊任
承爵護運道叅將金秉鈇守備葉當春守城池
俱赴南川路瀘州知州邵崇雅富順縣知縣柯
文等帶領宜賓縣縣丞曹一科等各佐領等官
俱赴合永貳路沿途催餉夫運又以叅將王夢

吉守備劉承職張本各領兵護餉陳嗣昌領兵
守大魚灣以防賊出野磊等處截糧副使史旌
賢不妨本路督餉仍總司肆路水運分守下川
南道右叅議熊宇奇總催未合貳路運夫重慶
府知府傅光宅不妨府事仍總司綦南貳路一
切糧餉出納標下中軍副總兵楊登山代管中
軍叅將余德榮則傳宣機務哨探軍情遊擊江
萬仞則練兵應援總提捌路塘報千總李報國
馬千里齎執

令旗

令劔總領捌路督陣紅旗官藍國賓高貴郝國安
鎮國楊仲乾何天慶岳志德嚴嚴臣等參拾貳員
各詣營中分投監陣催督等因又奉本部院憲
牌仰道即將發來節奉

旨意賞格諭言書冊免死照票等件傳入播民及酋
親黨一體遵行又蒙巡按四川監察崔御史節
次憲牌行道嚴督將領等官照依盟約刻日進
剿及防茲細撫降人等因俱經移行四路總兵

并監紀等官遵照今平播功成在事大小文武

官員例應查敘查得綦江路先諫川東監軍道

叅政張棟會同總兵劉縱選差鄉導跟同降民

朱應元等將部院原發賞格諭言免死照票持

赴播地遍行曉諭披散逆黨隨由綦江東溪發

哨探得點脚壩松坎爬頭菁夜郎舊城一帶皆

崇山峻嶺深菁懸崖在在伏賊截奪糧運而銅

鼓臺嚴村固皆係賊巢若不掃除清道何以直

禱長驅隨經呈先部院行令坐營都司周敦吉

王芬守備周以德等率兵進剿於正月貳拾壹

日攻克丁山銅鼓臺生擒賊首毋興等玖名斬

級壹拾伍顆俘獲壹拾叁名口奪獲頭目偽印

壹顆器械壹拾貳件馬牛伍匹隻貳拾柒日攻

克嚴村固擒斬肆拾叁名顆俘獲貳拾叁名口

全活被虜男婦拾名口奪獲器械肆拾肆件馬

牛貳拾叁匹隻又於新村斬級陸顆貳月內奉

到師期議行大勦節據鄉導并綦江等處被害

人民報稱楠木山羊簡臺等洞皆天造地設陡

絕險固為巨盜淵藪先年永寧播州貳土司屢
次攻打曾不能克連年黨附逆酋掃劫江津南
川涪州合江地方殺戮生靈虜掠男婦不可勝
計且於丁山里秦家灣桐梓園李漢壩猫兒岡
一帶聯絡劉管賊眾不下貳叁萬計日間截路
夜則劫營遇大兵則竄入深林及兵過則從後
邀奪該總兵劉綎籌筭既定密令都司周敦吉
率千把總李玉李大榮指揮李場旗鼓官陳策
等由黎陽壩攻山羊楠木峒之右千把總趙奇
傳統周希受羅向辰柯朝季胤芳洪信劉啓明
等由黑溪澗攻楠木峒之左守備周以德千把
總莫尚智王文憲易朝臣莫如爵唐文戶張會
九王道達等由李漢壩攻楠木峒之中劉綎親
統守備徐珊中軍王九思掌號陳鸞指揮劉光
漢傅朝政千把總劉興勤劉招孫李慶雲劉茂
林等接應本部院督陣旗牌藍國賓景廷貴左
仲成白世英總兵旗牌王朝徐加英何文星劉
應登等與報效經歷李燦監生陳履祥李守芳

分投監督而以都司王芬等攻點脚壩簡臺峒
以絕楠木峒之援拾肆日兵至李漢壩賊眾迎
敵時因天晚相對劉管拾伍日黎明與賊交鋒
我兵奮勇大戰賊多死傷披靡奔回守峒我兵
乘勝追趕連破叁關賊用硬弩藥箭滾木礮石
死拒劉綎親詣峒前下令官兵齊登岡頂一面
伐木運草丟積圍下舉火焚燒一面纜索墜廟
內安鳥鏡攻打峒門唯是彼時風逆將兩劉綎
下馬叩禱稱賊罪惡貫盈祈天助順標旗一招
俄而風轉雲收火焰入峒賊死烈焰參峒盡克
在楠木峒生擒賊首吳尚華等肆拾陸名斬級
壹百壹拾陸顆擊獲穆燂妻男與各賊屬肆百
壹拾貳名口全活被虜男婦壹百肆拾捌名口
計擒長官穆燂并殺虜遊擊賊首王宗禮在山
羊峒斬級貳顆收降賊首穆廷紀等男婦陸百
玖拾柒名口在簡臺峒生擒叁名斬級叁拾玖
顆俘獲陸拾肆名口收降何懷等捌名奪獲器
械肆拾肆件馬牛捌匹隻焚燒倉糧貳千餘石

又於黑峒斬級拾顆張耳村鐵竹菁斬級陸
報至重慶奉本部院嘉其首功動懸賞銀伍百
兩獎賞該鎮守兵貳拾玖日酉時哨報楊應龍
挑選上刻老虎兵并各關苗賊肆伍萬令男楊
朝棟總管楊珠等統領分為叁路一由松坎一
由魚渡一由羅古池約會叁鼓劫營天明堂堂
大戰總兵劉綎連夜密傳各營整備軍火器械
分布奇正令徐珊陳策等引兵壹萬伏於羅古
池以待松坎賊兵令王芬引兵壹萬出營外駕
鴛埋伏以待魚渡賊兵俱要樹枝靜伏專聽號
炮令周敦吉引兵壹萬專備分授接應叁月初
壹日丑時楊朝棟等果來衝營號炮一鳴伏兵
齊起綎知賊勢重大親統守備周以德千把總
劉可春王珠包正龍曹相胡清何成雷震龍馬
禹卿等各家丁日本降夷與賊血戰從丑至未
鏖戰數百合賊遂奔潰我兵大獲全勝追逐伍
拾里賊皆棄甲拋戈竄入深箐楊朝棟幾為所
擒生擒賊首黎甫明等拾名斬級壹百陸拾肆

顆全活被虜男婦叁名口奪獲戰馬拾壹匹器
械肆百零貳件拾捌日至九盤子發兵貳拾肆
日抵夜即舊城哨報賊於滴淚三坡瓦窯坪石
虎關據險設守我兵自下而上仰攻甚難貳拾
伍日劉綎將兵條為伍路各以都司守備領之
而親率千總劉可春莫如爵包正鸞土同知陳
思虞等於貳拾陸日奮勇斬關連奪滴淚三坡
并克瓦窯坪石火爐貳寨攻破石虎關生擒叁
名斬級叁拾壹顆收降男婦叁拾陸名口奪獲
器械拾貳件貳拾柒日攻克悶頭箐炒米坡頂
二叁壩鬼崖一帶險寨斬級壹拾伍顆俘獲貳
拾玖名口收降叁拾陸名全活被虜男婦伍名
口奪獲馬牛捌匹隻器械叁拾叁件貳拾捌日
兵至婁山關萬峯挿天深谷絕地黑箐蔽日喬
木連雲中間一路纜可數尺狡首復砌石為壘
架木為樓重設木關壹拾叁座關樓之上堆積
滾木梭杆礮石下列排柵數層仍用合抱大木
橫截路中挖深壕陷坑內安竹簽以斷路傍自

謂百險俱備我兵必不能破劉綈將官兵分爲
 參路發周敦吉周以德陳大綱等由左山李玉
 吳英李大榮等由右山各從間道透入林內攀
 藤附葛魚貫而上至山頂裹絮被滾崖而下抄
 出關前繼復親率陳策劉光漢劉可春楊太等
 於貳拾玖日黎明齊攻菁口各賊出關迎敵矢
 石如雨我兵號炮一鳴關外關內響聲如雷各
 賊震驚跳崖死者無數其餘俱奔菁逃命我兵
 毀柵填路而入連破關門壹拾叁座追至石笋
 岡將岡焚燒直至永安莊抵晚收兵劄營白石
 口生擒賊首劉興漢等拾貳名斬級壹百零肆
 顆俘獲壹百零伍名口全獲被虜男婦貳百零
 玖名口奪獲器械壹百叁拾玖件鞍馬柒匹水
 黃牛拾壹隻肆月初壹日劉綈傳令官兵聯絡
 列營防賊衝突初叁日辰時哨報楊酋父子領
 老虎兵與各種苗賊分爲叁路每路叁萬定要
 決一死戰又令楊珠等領苗兵萬餘抄出後山
 奪占樓關當即四面蜂擁而來綈隨下令今日

係遇大敵官兵各須用命隨率各營馬步官兵
 分投迎敵自辰至午鏖戰數拾合衝過青龍坎
 賊敗奔逃時已天暮收兵回營周敦吉周以德
 徐珊等直追至養馬城方回通計斬級叁百叁
 拾陸顆俘獲賊屬壹名奪回被虜貳名奪獲器
 械叁百玖拾陸件戰馬柒匹陣亡都司王芬守
 備陳大綱土官楊愈百戶聶儒旗牌官郝大仁
 等官兵叁百叁拾貳員名初拾拾貳等日自四
 渡水進搗海龍岡拾伍拾陸等日攻克覆水等
 岡劄營關子山生擒肆名斬級叁拾肆顆俘獲
 叁拾玖名口又伏路塘兵孥獲細作朱邦裕等
 柒名又據先擒黎甫明等執稱海龍岡周圍尚
 有龍爪望軍海雲等因養馬養雞等城皆海龍
 羽翼必先掃除方可成功拾柒日劉綈分兵叁
 路以徐珊周以德千總熊俊李華等兵為前鋒
 以周敦吉趙賢輔陳策指揮左維華等兵為後
 應綈即親領指揮千把總李朝誠何奮武游汝
 壁周大賢何維翰陳道南王臣亦子名孟相等

并各降夷日本遂處應援是日周以德等兵斬
關度着直抵龍爪圍下苗賊蜂擁齊出我兵殺
賊大敗連破賊柵拾數層隨奪龍爪險圍拾捌
日徐珊等兵攻望軍海雲等圍一鼓齊下後攻
至養馬城來勝追進海門關龍鳳關水關奪獲
海門關牌鑰呈驗訖又攻破養雞城生擒玖名
斬獲賊首張漢清并賊李炳等首級肆百柒拾
顆俘獲貳百捌拾叁名口收降貳拾陸名奪回
被虜男婦壹百貳拾捌名口奪獲馬牛壹百伍
拾捌匹隻器械壹百叁拾柒件是時川兵四路
俱至棲首於海龍圍上該監軍道會同叁總兵
議稱前路仰攻為難派劉綬攻圍前左槽南川
路馬總兵攻圍前右槽永合貳路吳總兵曹副
將攻圍後貳拾伍日肆路夾攻劉綬官兵衝破
鐵鑄關生擒貳名斬級伍拾叁顆銃死內總管
楊珠楊瑠賊衆拉去奪獲器械貳拾柒件先貳
拾壹日奉本部院籌慮川兵肆路或不一心牌
委守東道按察使張悌綜理兵糧聯合將領刻

平播全書 卷五 十二

期攻剿又蒙巡按崔御史憲牌亦同前事該本
道遵依移文練兵遊擊江萬仞挑選精兵伍百
領以把總李桂朱光祖從本道即日起程馳至
軍前隨詣圍下相度周遭謂必大脩攻具方可
一鼓蕩平一面報知兩院一面行會各營隨遵
原行於伍月初叁日盟各道鎮於養馬城公定
約言其有不同心戮力而專功自便者明神殛
之仍議定一面急脩攻具一面前後夾攻本道
同監軍日立陣前隨宜調度綦江路兵於初拾
日攻毀鐵鑄關它城伍處焚樓貳座斬級叁拾
陸顆奪獲器械陸件拾壹日進攻飛虎關斬級
柒顆拾叁日攻上叁拾陸步拆毀城堵排柵斬
級貳拾顆拾伍日攻毀圍邊排柵斬級玖顆
該本道看得圍前陡絕勢如登天雖日有斬獲
第難飛上今攻具已備若移兵圍後大發賞銀
首可立破隨奉本部院委標下參將余德榮入
營集各道鎮會議將綦江路兵改攻圍後又發
懸賞銀貳萬以鼓先登陸月初壹日本道同監

平播全書 卷五 十三

軍道劉總兵選兵移後連日大雨如注初肆日
午時稍霽本道會同陸監軍肆總兵議定次日
以總兵劉綎與貴州總兵李應祥攻圍後隨促
綎回營整兵於初伍日子時發周敦吉李為瑚
龍正通王九思陳鸞吳英劉鳳岐把總徐敏學
等領兵劄圍前圍左以防首奔發趙賢輔領兵
劄海龍壩以截首黨發徐珮領劉汝朝周希受
羅向辰等由圍後右路進發周以德領高欽傳
貴王金惠田萬年指揮杜熊兆等由圍後左路
進劉綎親督劉光漢陳策劉天憲劉天能劉欽
何忠百戶余新等由圍後中路進合貴州李總
兵下官兵質明齊攻本部院標下參將余德榮
千總李報國馬千里率旗牌藍國賓郭三省曹
華等陣前催督賊據險城弩矢如流木石如雨
我兵小却本道號令三軍指揮旗鼓劉綎躬冒
矢石親打銃炮我兵刻定先登者皆數業絮被
踴躍爭先呼喊奮擊震動天地賊不能禦遂棄
頭城我兵據之即時拆倒進攻貳城賊以死拒

我兵且却且進火輓火箭槍炮鳥銃霹靂齊發
賊不能支棄兵奔退我兵遂克石城隨亦拆毀
時已過午我兵即營城基之上是夜苗兵潰散
次早合各路官兵攻入叁城苗即縊死妻子為
俘闔圍賊屬無遺噍類劉綎部兵擒獲有名賊
首楊明田飛鵬等貳拾貳名內田飛鵬張玉周
五巴楊七偽內侍王守爵祿受高忠元慶元與
先獲穆紹袁鰲罪惡深重俱應
獻俘田有旺董承爵夏元王守忠長受楊學壽元慶
壽辛巳合壽見在監候楊明等在陣被傷今死
外斬級壹千陸百貳拾貳顆是役也一戰破叁
峒殲賊魁俘獲男女千餘而賊藩籬剖再戰克
九盤走賊子追散苗夷萬餘而賊兵力衰再戰
取石虎取婁山入養馬城而賊土地空再戰奪
鐵柱奪後關登海龍圍而賊巢穴掃舉數拾世
相傳遺孽根斷株灰將捌百年盤據雄巢土裂
瓦解總計此路先後共生擒賊首賊從壹百叁
拾壹名斬級叁千壹百肆拾陸顆俘獲賊屬玖

百陸拾玖名口收降捌百零叁名口全活被虜男婦伍百零伍名口俱即解赴贛理監紀史同知驗明轉解紀功道核實彙報先後招降安插過壹萬伍千柒百肆拾壹名口所獲牛馬貳百肆拾柒匹隻器械共壹千貳百壹拾壹件此碁江路所紀之功也又查得南川路先談推官高折枝於萬曆貳拾柒年拾貳月內奉川東監軍道牌委移駐南川閱查漢土官兵時逆酋見大兵未集先發制人遣苗不時出劫碁南貳縣邊民推官高折枝慮恐新歲人心易懈為賊所乘隨行酉陽宣撫冉御龍發兵壹千劄東鄉壩石砭宣撫應襲馬千乘發兵壹千劄鄧坎村貳拾捌年正月初貳日酋苗入劫石砭營千乘部兵并乘妻秦氏報効兵禦之追入賊境連破酋金竹土青岡嘴虎跳關等寨擒斬賊首梁廷躍等叁拾玖名顆俘獲貳拾叁名口奪獲器械叁拾伍件先據鄉導報稱酋自破碁後即於碁南中路地名官壩置黨郭俊何廷順等領苗萬餘

以扼我師高折枝遵奉本部院指授密令冉御龍分發把總冉大周保靖宣慰應襲彭象乾率兵攻官壩之前御龍親率司屬土千戶楊正生報効生員冉維嵩冉必和等兵截官壩之後乃以周國柱王之翰與馬千乘率兵直搗官壩之中於本月拾伍拾陸日大破官壩寨連破廠崖圍追殺貳拾里各賊斃於銃炮及墜崖死者不可勝計前後共擒斬叁百伍拾捌名顆俘獲叁名口奪獲戰馬叁拾肆匹水黃牛貳百貳拾捌隻器械貳百壹拾伍件全活被虜婦女肆百先是首勢猖獗各兵趨起官壩高折枝一鼓破之於是各兵人人踴躍始不難酋矣拾捌貳拾叁肆等日招降播民游能等男婦肆百壹拾肆名口時總兵馬孔英尚未至貳月初伍日奉本部院齎令旗下推官高折枝以監紀兼督兵拾貳日奉令進兵拾肆日南川兵入真州境真州司正長官應襲鄭葵副長官應襲駱麟引兵投見即令充

為鄉導別遣陝兵壹千清道明月山以便糧運
據報明月山有首苗寨肆處當先剿除即行周
國柱李經率路麟等兵以拾陸日攻克劉九陳
厄中山婁家里肆寨擒斬壹百叁拾壹名顆俘
獲柒拾壹名口奪獲馬牛貳匹隻招降楊平堂
朱尚虎蘇文剛等男婦壹千零玖名口計擒苗
頭馮世元等拾陸名口內馮世元李廷友王廷
祿簡三係酋心腹當即斬首彭宗望等柒名脅
從可矜姑從釋放傅氏等叁口係原虜婦女發
回王成係小內使與奏高監候又蒙巡按監察
崔御史憲牌嚴禁各兵騷擾發簿各道登記但
有犯者事完處分拾柒日南川路兵至赤崖查
得風坎官崖等圍接連礦子山羅草堂清溪拾
貳茅坡以至紅花灘土坪長礮清水坪封寧關
望草一帶狡酋布列黨與伏箐聯營賊衆不下
叁萬若不先行掃蕩未免擾運劫營高折枝會
同周國柱等下令官兵分道按山而前是日馬
千乘兵遇賊赤崖圍斬級叁拾陸顆拾捌并貳

拾陸柒捌玖等日冉御龍馬千乘鄭葵駱
鑄等兵遇賊風坎關官崖圍礦子山羅草堂清
溪拾貳茅坡等處擒斬吳廷貴等貳百伍拾陸
名顆俘獲何朝海蹇廷倫等肆拾壹名口奪獲
器械壹百零叁件全活被虜李啓元等捌名口
收降孫朗高斐等男婦肆百壹拾名口叁月初
壹初叁肆伍陸等日酉石平茶毛兵劉勝揚光
祖揚正韶冉大周土舍鄭廷良等叁遇賊紅花
灘長礮望草清水坪封寧關鬼崖滾水羊崖等
處斬酋坐寨冉海元王廷佐生擒苗頭蔡明也
習文獲賊黨惡容山司副長官韓應時仍擒斬
從賊張澤正朱子美等壹百叁拾壹名顆俘獲
捌名口奪獲器械壹百件全活被虜男婦拾名
口收降劉玉等拾捌名望草玖寨封寧關房盡
行焚毀又蒙巡按四川崔御史牌行監軍道禁
諭漢土官兵不許零星報級以防假冒又奉本
部院牌仰監紀貳道移催將領協力進剿早奏
膚功不許老師費財俱談貳道移行將官極力

圖賊初晡日兵至黑面崖桑木關在望哨報桑木關山險著深翳日薄雲而前後大灘風坎九杵黑水等關首聚虎苗憑險拒守我兵自下而上仰攻為難高折枝即行周國柱等以馬千乘王之翰總管秦邦屏等引兵出桑木關之左以冉御龍冉太周冉世爵冉良彝等率兵出桑木關之右周國柱李經引守備萬民英千把總王佐王承緒丁應祥土舍楊通達楊正枝等取大灘關直擣桑木關之中是日進薄關下因晚割管與關上賊兵燈火相照初捌日黎明我兵布陣賊即迎敵飛石標槍大弩藥矢勢如雨下高折枝向前懸賞厲劔督策三軍我兵奮不顧身捨關而上賊遂披靡舍關奔竄我兵乘勝越過桑木關轉戰桑木壩賊皆敗走追至風坎關又敗賊兵初玖日連破九杵黑水等關前後共斬級壹百零壹顆生擒姦細道寬升可安寨頭王亨元等捌名俘獲伍名口奪獲器械陸拾伍件馬牛捌匹隻又哨得桑木壩而上尚有苦竹關

平播全書 卷五 二十一

羊崖銅鼓等寨苗賊聚守即遣中軍千把總等官李桂芳李進李登丘汝孝王問臣向時化李廷相李一登與楊先祖鄭葵駱麟等兵於初拾拾壹日攻克苦竹關羊崖羊桶銅鼓等寨斬級玖拾肆顆擒獲朱子禹梅黑歌李偉等玖名奪獲器械伍拾捌件馬牛肆匹隻又奉本部院牌仰監軍道催督漢土官兵俱以叁月貳拾日會哨白田壩直擣海龍圍早奏捷音等因即行各將領周國柱李經督率漢土官兵羅人豪漆太然余武龔論鄭葵駱麟楊正輝楊正侯冉世爵秦邦屏等於拾貳拾肆拾柒捌等日遇賊分水恭白土岡桑木壩黃魚江金子沙刀貳岡交槍大戰前後共擒斬阿老等貳百壹拾柒名顆生擒苗頭柳天富俘獲叁名口奪獲馬壹匹器械叁拾叁件收降王正悌等男婦貳千肆百肆拾肆名口拾捌日總兵馬孔英帶家丁伍百名入營拾玖拾壹拾貳拾肆等日周國柱李經等令千把總高尚江李庫李科李茂春百戶小懷忠

平播全書 卷五 二十二

等各選精兵入賊重地朗山口白田壩哨探
賊長灘河苗子三壩偏崖等處交戰斬級參拾
玖顆生擒柒名奪獲器械貳拾壹件收降王朝
梁等男婦肆百貳拾壹名口貳拾陸日高折枝
會同馬孔英留王之翰領兵守白土臺以衛糧
夫平茶邑梅兵守桑木關南川大兵進劄金子
壩是日首遣總管楊珠同弟楊世龍率苗參千
劫白土臺營王之翰卻走殺糧夫玖名楊光祖
聞警率兵策應賊始退劄桑木壩口高折枝會
馬孔英率兵遂救與賊力戰萬民英部下把總
武定邦連發火箭參匣中賊人馬皆倒劄勝兵
從傍殺入賊遂大敗與貳拾玖日馬千乘兵共
斬級柒拾玖顆與夷目王恕共生擒李應阿琴
李受等貳拾伍名奪獲馬參匹器械貳拾捌件
肆月初肆日總兵馬孔英復營金子壩初陸日
進劄朗山口連日劄勝小懷思馬千乘等哨兵
遇賊梅子溪朗山口擒斬貳拾柒名顆奪獲馬
貳匹全活被虜封完奈氏等捌名口又朱應元

招降張鑾等男婦肆百捌拾陸名口初柒日哨
報朗山左菁有後水圍首大足莊也伏有強苗
數千恐躡軍後即發周國柱李經馬千乘坐營
孔繼祖百戶蔣印劉武昌率兵攻後水圍拔之
擒斬壹百零伍名顆奪獲馬牛壹拾玖匹隻俘
獲男婦貳拾伍名口全活被虜陳三元等壹拾
壹名口收降陳良仲等男婦壹百捌拾名口是
日驛丞朱化龍同護餉指揮王正國百戶盧鳴
春藍獲姦細王宗智等參名解監軍道泉斬訖
又哨得朗山口而前有飛木水長灘河七靈寨
滴水崖竹流水葫蘆圍至首近地長灘清溪象
子橋直抵高坪皆深菁翁騎處處伏賊高折枝
會同馬孔英列兵參路分左右翼撥菁而前初
捌玖日進兵飛木水把總陳九思護餉任承爵
并馬千乘舟御龍等兵遇賊長灘七靈滴水崖
竹流水等處擒斬楊廷伏等壹百壹拾伍名顆
俘獲陳乾等肆名口奪獲馬貳匹收降酋寨長
趙嘉遠等男婦貳拾陸名口播民楊林等男婦

參百壹拾陸名口全活被虜劉朝諫等陸拾壹
名口初拾拾壹日漆太然冉御龍駱麟楊光祖
等兵遇賊葫蘆園長灘清溪蒙子橋等處斬級
壹拾陸顆奪獲戰馬壹匹器械玖件收降播民
胡順等男婦叁拾名口是日逆首遣心腹頭日
許瑤趙天澤赴營詐降欲作內應當時審明斬
首隨令冉御龍伏兵四山急防劫營待至叁更
首遣總管楊珠等果半惡首數千襲劫百營伏
發斬級伍顆衆首驚退冉御龍全兵衝出追至
海龍壩天明拾貳日馬孔英率中軍金汝卿千
戶周宇善擬戍知縣趙以俊與周國柱馬千乘
楊光宗等各亦領兵策應直追至養馬城大戰
擒斬夏元等壹百零叁名顆俘獲柒名奪獲馬
肆匹器械捌拾陸件全活被虜男婦玖拾伍名
口是日及拾叁日任承爵護餉兵與把總冉良
揚光祖等兵遇賊溪源接戰擒斬伍拾肆名顆
奪獲器械陸件日暮又緝獲首弟楊順龍等柒
細壹拾肆名審實斬首首氣益奪拾肆伍日周

國柱李經冉御龍楊正韶等兵撥等遇賊擒斬
貳拾肆名顆奪獲器械肆件招降李友生等男
婦貳百零貳名口拾陸日高折枝會同馬孔英
發酉陽平茶延綏兵從土地埡徑攻養馬城石
砣寧夏固原邑梅及劉勝兵毛兵從喇叭水超
水西營前攻海雲圍賊兵夜衝酉營為酉兵所
敗天明拾柒日酉兵與延綏兵直殺入養馬城
追至海龍園第貳層關斬級捌顆酉兵因慮勢
孤先退延綏兵亦退致賊乘勢復出陣亡延綏
兵伍拾玖名酉兵貳名拾捌日合綦江路兵復
攻進海崖關連破海道海門關賊奔圍上我兵
即劄圍側自是首以鐵鑄關為守不復得出關
矣共計擒斬壹百捌拾叁名顆俘獲首婦玖口
奪獲戰馬貳匹全活被虜余思臣等壹拾名收
降寨長楊鑑等男婦捌拾叁名口是日部院中
軍副總兵楊登山率家丁入營奉本部院看得
川兵肆路入關半月未見攻取牌行本道催行
馬孔英周國柱等督率漢土官兵於本月拾玖

升貳拾肆伍及伍月初貳初肆等日攻打鐵鑄
關并撥剿伏箐賊斬級肆拾壹顆全活被虜男
婦壹拾壹名口收降辛大朗等男婦陸百零捌
名口武生王孝宗家丁白有功等於望草收降
王正奉等男婦壹千捌百壹拾玖名口又該本
道奉委在營會各監軍催督各營將領亟造攻
具併力一心於初拾日率兵徑逼鐵鑄關門南
川兵用火執火箭燒燬關樓登梯登城擊進關
內與賊鏖戰自辰至酉銃炮斃賊甚多關城排

平播全書

卷五

五

洪

柵盡行拆毀當陣斬級拾顆拾壹日又奉本部
院督行監軍道如過拾日不能破圍獻酋者先
將各將領中軍官樹解軍門處斬總兵官聽峯
等因隨經監軍道催行將領遵照該本道議選
南川路漢土精兵以壹萬繞賊圍後以貳萬與
綦江路兵合攻圍前約定前後夾攻一鼓滅賊
拾伍日本道同推官高折枝親統前兵列陣圍
後賊出據山迎敵石砬兵首先衝鋒奪賊壹山
酉兵陝兵毛兵土兵繼之與賊交槍接鬪鏖戰

拾餘合連奪貳山銃炮藥箭斃賊無數雖止斬
級伍顆而圍上人人失色矣貳拾日本道與監
軍道高推官議選敢死先登之兵人給賞銀拾
兩內選南川路伍百名適發懸賞銀伍千兩軍
中踴躍爭欲先登又該貳道議令圍之前後日
夜擾賊使之疲敝稍待攻具悉完一鼓滅之貳
拾壹日賊夜窺石砬營伏兵斬級壹拾陸顆貳
拾貳叁伍陸等日發獲回兵擒斬飛龍飛虎關
守賊阿元等拾貳名顆收滾回投降首莊丁傳

平播全書

卷五

五

洪

瓊傳湖傳三受叁名陸月初壹貳叁肆日發擾
回兵斬飛虎關守賊陸級查出酋偽降提調董
熬收監收滾回投降首書記駱紹坐寨郭通憲
等壹百零柒名初伍日貳道看得攻具已備賊
勢甚窘催行周國柱余世威等督同指揮千百
戶鎮撫等官柳汝植張雷沈應時來有功馮先
先余世俊余世英趙斌郭武興等兵與劉緹兵
攻賊後門推官高折枝與馬孔英督領指揮千
百戶武舉等官鍾允升趙邦維鍾景星馬如鏞

馬騰霄李成現黃銘杜應魁等兵攻賊前門是
日前後兵殊死戰後門克賊土石貳城斬級壹
拾捌顆奪獲器械壹百件當夜酋坐寨揚正榮
引男婦伍拾名口奔降報酋欲領惡苗衝出回
右逃生隨發精兵厚積固右高折枝馬孔英竟
夜圍前督兵嚴守次日肆鼓即令酉兵從右石
兵從左陝兵毛兵平茶兵從中大呼轟雷齊攻
上圍燒燬飛虎關賊皆鳴驚駭不復思鬪酋
呼心腹皆掉臂去馳視前後燈火遍山兵羅如
織無路可脫遂拉貳妾入室同縊是日日本路生
擒孫時泰宋承恩等壹拾壹名斬級壹千壹百
陸拾肆顆俘獲壹百玖拾壹名口因酋死自縊
解還懸賞銀伍千兩貯庫為照我兵捨師開刀
已復閱月各路相望莫利先入關者推官高折
枝以文吏而攝將權先入關以風各路自參月
初捌日直斬桑木關而入越貳拾日婁山崖門
相繼克關者南川路倡之也嗣是再勝金子壩
而首氣奪連勝高坪而首膽寒屢勝海門等關

而首黨狐旋以肆月拾捌日蜀合肆路之兵賊
成垓下之圍有如是時乘備未周前後急攻將
迅雷不及掩耳無俟諸路兵至而圍已拔矣迺
詐降詐死多計緩兵賴本部院洞燭其姦南川
路兵力主於戰則不中賊餌而酋計無復之也
誰之力哉且也選募壯士頻探虎穴獨當圍前
賊無逸路摘發陝兵佐綦江路兵同破兩城徹
夜防首質明無一得脫南川路之功不細矣以
上通計本路克關圍寨叁拾柒處斬獲堪紀功
級叁千貳百壹拾捌顆內賊首陸拾壹顆賊從
叁千壹百伍拾柒顆生擒壹百捌拾叁名內宣
慰應襲宋承恩軍師孫時泰土舍馬千駒酋心
腹何廷玉何玘陳大才詐偽旗牌吳進遠楊華
詐降提調董鰲心腹內使葉進喜總管王積仁
罪惡深重俱應
獻俘苗頭蔡明賊黨婁高王成張萬受吳廣錢偽小
內使已卯石泉見在監候其助逆容山司副長
官韓應時先送南川縣監今與楊阿三楊木老

阿用陳庚田元吳金福高祥吳阿元等各解中
途染病燕在陣被傷陸續身死巴習文王廷孝
馮世元等先經審明斬首訖軍頭王亨元李文
桂留營招降有功姑應免死其餘擊獲從賊審
無重情者俱量責與王亨元等各發真州南川
地方安插招降男婦捌千柒百壹拾叁名口俘
獲賊屬肆百貳拾貳名口安插被虜民婦貳百
貳拾名口奪獲牛馬叁百零柒匹隻器械柒百
貳拾柒件此南川路所紀之功也又查得永合

平播全書

卷五

李胤

貳路先談參政謝詔會同總兵吳廣副總兵曹
希彬親督漢土官兵於貳月拾貳日分哨進剿
先劄大營於二郎壩為攻取地隨據成都府知
府周懋卿欵州府知府劉三樂將所造軍火器
械并所買藥材陸續解入營中談鎮道密議播
州關以外賊黨盤錯相倚附而淘洪安羅叁寨
鼎足而居可以力拒二郎壩之前遮擊澗壩之
後其五岔關山眼山木艾等固又皆糧運經由
之路若不先翦其羽翼安潰腹心於是計令曹

希彬及吳文傑吳從周等督永寧宣撫司目把
劉國用熊應山等并熟識鄉導齋本部院賞格
諭言約伍千餘帙并收降白旗前後各寨用間
招撫去後貳月拾伍日據宣撫司官目胡文霖
等探得賊提調郭通緒聞大兵將進起取大溪
小溪等處惡苗七劄盤龍水地方迎敵我兵乘
其營壘未定當夜襲擊各苗奔潰四散我兵追
趕生擒老虎兵張廷富嚴方貳人奪獲器械叁
拾柒件貳拾伍日劉國用李長年與名色守備

平播全書

卷五

三十一

傅廷鑾等招出淘洪灘長官羅國明安村長官
安鑾各部下羅國顯安甫等男婦共壹萬肆千
壹百餘名口安鑾又斬坐寨提調何文明等首
級玖顆生擒王金受壹名投獻以表真誠談監
軍道俱行監紀官趙世德點驗各給銀米以資
養贍仍委敘南衛先帶應襲指揮僉事郭之藩
坐鎮將羅國明羅國顯安鑾解赴軍門獎賞各
給冠帶榮身叁寨既降聞風者接踵儒溪長官
袁起龍招出逆酋頭目趙坤等叁拾名胡文霖

招出馮廷華等捌拾陸名口參月初壹日郭通
緒令把事苟會聚兵穿崖圍要得乘機拒截人
兵吳廣調發曹希彬吳文傑趙應科吳從周中
軍指揮王繼祖千總鄭子龍土司劉國用等并
本部院督陣官郝國安鎮國文運開玉可典冠
帶應襲江應兆等漢土官兵四面攻圍焚燒寨
房生擒伍名斬級壹百貳拾玖顆俘獲玖名口
全活被虜茶江縣男婦肆名口初肆日馬湖等
營兵捉獲姦細穆正等參名本月拾陸日總兵
標下督陣官徐登領廣兵并表鼎兵各壹枝攻
打陳家峒生擒寨主男王好國及王江王俸斬
級貳拾叁顆俘獲賊屬壹拾名口本日袁起龍
發兵護餉至麻子壩黑峒山遇賊生擒壹拾陸
名口斬級壹拾叁顆隨於吡灘招降夷目趙崇
儒等男婦叁百餘名口貳拾日長官袁年永寧
抹賽江崇禮共捉獲姦細羅么兒等叁名關外
招降人衆羅國明安鑾等又各帶精銳家兵隨
營征戰我兵可以長驅節奉本部院差旗牌官

百戶葉世隆虎文蔚屢牌嚴催上緊攻取崖門
等關毋得逗遛觀望又蒙按院牌行監軍道轉
行談路文武等官同心措衆斬關攻圍又奉本
部院行委分守下川南道叅議熊守奇駐劄二
郎壩督催夫運接濟大軍談鎮道會議進攻崖
門險關令曹希彬吳文傑領漢土官兵貳萬捌
千有奇由青萊溝進封建吳從周趙應科領漢
土官兵壹萬叁千捌百有奇由官木崖進司懋
官領馬湖土兵陸千水寧目把周愛領土兵壹
千由油灌壩白鹿岡進建武所提調張曉同貴
州普市所百戶周應魁領漢土兵肆千由緝麻
山進俱於本月貳拾壹日自二郎壩齊發以護
運叅將王夢吉兼領漢土官兵肆千壹百有奇
防守老營仍分岐徑哨伏張疑又令土官奢世
績分發土同知王好善長官謝崇懷等督領昇
兵貳千餘名把截桑木垵山丹窩刀子菁蛇皮
菁等處要路防賊出沒劫糧其浙兵壹千名長
官袁初兵伍百名武生馬邦聘趙奇鳳等兵壹

百名同親兵叁百伍拾名專隨詠鎮策應又分
差旗牌官胡彥英葉雄藍遇兆楊世勳陳勉之
汪弘輝吳應祥各營督陣貳拾肆日吳從周趙
應科督千總周登曾太張子明郭鸞黃尚鳴王
元爵李先春等兵至馬鞍山剌營賊仗四起我
兵追殺入菁生擒陸名斬級肆拾貳顆鳥銃傷
死賊馬貳匹奪獲器械壹百餘件周愛領兵由
簸箕坡直衝木艾壩賊營生擒拾名焚燒營房
柒拾餘間土官文安民等兵於絲栗關遇賊交
戰生擒拾名斬級伍顆俘獲婦女肆口奪獲器
械伍件曹希彬吳文傑等兵至五岔山令劉國
用張嵩傳廷鑾胡文家招出大小峒阿曹都子
三老馮時濟等男婦伍拾柒名口中軍鄧起龍
諭招千班峒劉權善等羊跳巷岡張萬才等
黃羊峒猶承教等男婦壹千餘名口長官劉謙
招出河村峒李旺等男婦伍拾柒名口貳拾柒
日各兵從五岔山移營閔山探得賊提調何漾
督兵據岡吳廣隨發守備江萬化周大謨鄧起

龍劉國用張嵩百戶吳天奇千總遼崙黃泰陳
恩郭天俸等各領精兵壹枝分為伍路攻打生
擒陸拾伍名斬級壹拾捌顆俘獲男婦叁拾玖
名口全活被虜壹口奪獲牛貳拾叁隻器械陸
拾肆件貳拾玖日趙應科統領鄭子龍百戶戴
鳴鳳千總曾大鄭光格等合封建司懋官吳從
周各部下千總梁齊賢千戶顧南陽劉國祚等
兵與賊大戰於磨槍埡時逆酋見大兵逼近崖
門嚴冷郭通緒盡起關外一帶老虎兵拒敵通
緒素稱強悍逆酋倚為右臂偽署總管專守崖
門我兵交戰數合賊勢甚猛吳廣令慣用鳥銃
家丁伍百名設伏埡外南岡下令趙應科等兵
挑戰埡兩山相夾中有壹道通緒屯兵其中及
見我兵挑戰騎馬橫梁飛衝前來應科等引兵
佯敗通緒追趕出埡伏兵突起急回奔埡被廣
兵鳥銃打倒騎馬通緒復躍上別馬伏兵攢槍
刺死傳首轅門餘賊奔避眼山圍我兵四面合
擊斬級叁百陸拾顆奪獲器械不計通緒既殺

各苗喪膽於是頭目趙圭遂斬偽提調羅世懋
首級投獻賊首羅剛部下劉宗成張桂枝孫桂
山袁傑等各帶男婦萬餘羅拜乞降把總蔣元
鎮又招降童守明等參拾餘名參拾日鎮道召
集各將會議郭通緒授首崖門已無統領可以
急取薄暮曹希彬密令鄉導劉謙雷安民等潛
探把關情狀夜半回報曹希彬同吳文傑即督
江萬化周大謨鄧起龍千戶蔣惟喬百戶吳天
奇曹應奎孫繼善千總郭天俸劉弘緒羅起鳳
狄仕進陳華廖仲德并劉國用張嵩傅廷鑿熊
應山等帶領精兵大炮手星夜銜枚急進至則
守關苗兵俱各睡熟江萬化等先登砍殺多苗
守兵方覺齊起對敵勢不能禦有從山腰吹角
號叫者各賊亂奔我兵追逐大炮齊發斬獲把
關頭目楊保及壯苗首級壹百陸拾玖顆封建
司懋官吳從周趙應科領廣浙馬湖合江曾太
周登正大經索信悅天恩夏德懋等兵繼至斬
級壹百貳拾陸顆各奪獲器械等件燒燬隘關

各山寨房壹萬餘間各兵乘勝直衝至養馬城
之前時綦南貳路官兵雖已入關尚未及到貴
州偏橋兵馬猶在關外肆月初叁日與賊戰於
紅碗水斬級捌拾顆初肆日戰於土崖斬級叁
拾壹顆初伍日戰於分水關斬級叁拾伍顆初
陸日戰於水牛塘斬級叁拾捌顆提調張曉永
寧日把彭受王克等兵亦於初肆日攻破李卜
垭大圍斬獲楊六等首級伍拾玖顆撫降男婦
千餘初陸日攻破緝麻山長岡圍斬級壹拾貳
顆逆酋見得本路孤軍深入連戰數日意欲乘
疲衝擊快於一逞以阻各路官兵前進初捌日
黎明酋騎海青四明玉頂大馬手提偃月刀親
督楊朝棟楊明等擁衆叁萬突來衝管張黃蓋
二把於高阜遍山搭起帳房其勢張甚曹希彬
等各督兵拚死鏖戰賊衆更番而出喊聲震地
且戰且罵廣兵奮前格鬪家丁具喜被賊砍去
頭盔壹片猶轉躍殺死叁賊是日我兵交戰自
寅至酉斬級肆拾伍顆奪獲器械柒拾餘件統

傷者不計其數隨劄管龍瓜園下逆酋搆勢不敵恐官兵乘勝邀截入園之路父子抱頭大哭遂驅妻子及各帳房老虎兵急奔上園用土石填門門外遺棄牛馬并虜略茶江老幼男婦俱不暇顧談州同趙世德揭報本部院蒙發銀肆百兩犒賞廣兵訖拾叁日吳文傑下後營提調陳恩張紹翰等前去牛羊曲菁採木作柵搜獲江巴潼瀘等州縣寄住播州男婦肆拾叁名口曹希彬下千總劉弘緒閔序惠等亦於龍瓜園

平播全書

卷五

三十九

下搜獲男婦拾玖名口郭天俸又諭招赤水長官袁登親弟叔袁霞等伍人拾陸日張曉等官兵攻打大洪關斬級壹拾捌顆次日進攻板山園斬級壹拾貳顆拾捌日會茶江南川兵合攻養馬城茶江兵攻中路南川兵攻右永合兵攻左拔其城乘勝直破水關逼賊園下合江路官兵斬級貳百柒拾肆顆永寧路官兵斬級貳百壹拾壹顆俘獲賊屬貳口全活被虜茶江縣吏壹名男婦伍名口奪獲器械不計時參省各路

官兵俱畫地分營環攻海龍園本路鎮道與齊理等官議得園前重關疊嶂仰攻為難據所訪聞園後差平准是入園之路深谷老菁樹木摩霄蔽日非側肩不可入而三圓山高園數拾仞賊所恃為後屏者苗兵萬餘列柵據守非得精兵併力破之勢難卒克吳廣遂留封建司樞官吳從周趙應科各部下兵合攻前園牌行曹希彬吳文傑督領習知地利劉國用張嵩傳廷鑾王應奇等率土兵向後砍伐菁林從泥淖中逐步開通路徑各兵漸進潛入肆拾里貳拾壹日黎明至洗衣塘首先期已發偽提調鹿罕父子領苗千餘在彼把截官兵與戰劉國用親斬鹿罕劉謙又斬罕子郭天俸陳恩遠崙兵奮勇爭先共斬苗級壹百顆奪獲器械捌件次日發兵前進搜捕賊屬貳拾肆名口貳拾貳日至白沙水賊兵四出喊聲大震官兵殺退追至水清關賊伏復發廣兵馬湖兵由深菁取道應接合兵大戰共生擒賊名斬級柒拾肆顆賊潰奔我兵

平播全書

卷五

三十九

大戰共生擒賊名斬級柒拾肆顆賊潰奔我兵

追殺吳廣標下親兵斬級壹拾伍顆貳拾叁日
參將藍芳威招降小溪里等處穆炬等伍拾壹
名張曉彭受領兵至後山合哨貳拾肆日攻破
客寨斬級貳拾玖顆貳拾玖日攻破新土寨斬
級貳拾貳顆貳拾伍日本路留攻前門漢土官
兵會合恭南貳路官兵攻打鐵鑄關封建司懋
官兵從同趙應科督千戶吳承宗劉國祚千總
應元周光華等兵併力衝關將關門樓房盡行
燒燬當陣斬級陸拾壹顆伍月初貳日永寧長
官張拱極等領兵哨探遇賊於銅鼓關接戰斬
獲賊首趙士登弟趙士真并從賊首級共壹拾
肆顆曹吳二將由水牛塘攻開後路且戰且守
暫割營樂窠地方相機進取過管拾伍里為石
關山則三圓山相連之西南山也沿途石礮水
竇行者沒膝中間密菁陰崖不見天日賊不時
出沒擾我曹希彬發兵漸次芟除兵始得進山
下談鎮道復計賊處高我兵處下而賊兵時尚
強銳非出奇固克有濟遂密諭諸將傳令

官兵於初肆日夜衝敵隊鼓襲拔之賊退保三
圓山而酋子朝棟惟棟督戰愈力梭杆礮石長
標大弩藥矢如雨注官兵連日攻之不克時水
西鎮雄兵自左槽進抵後路原攻前門副總兵
周國柱遊擊羅星亦至本營初拾日會同曹希
彬吳文傑趙應科江萬化周大謨等鼓舞各兵
衝鋒郭天偉陳恩鄧起龍等各隊下兵與劉國
用張嵩傳廷鑾等土兵冒險先登武舉官薛來
胤武生吳登光趙州同帶到大炮手張吉劉二
薛嘉猷等銃炮齊發賊傷死甚多遂奪其山我
兵登而據之水西兵忽自東南山來甫登山頃
刻一擁喧囂而下眾兵隨亦驚退賊復占據三
山職詔急令趙世德速出懸賞銀伍百兩割付
壹拾張仍出白牌貳面宣諭各將卒利害惟時
曹希彬急呼劉國用王應奇各與銀壹大錠在
手高聲招呼眾兵齊上齊上眾兵蜂擁而進賊
懼勢猛復奔下山共斬級肆拾陸顆拾壹日遂
崙周良才等撥山生擒苗賊壹名斬級貳顆曹

吳各將獎率漢土官兵斫伐竹木晝夜豎柵立
營周三圓山之上基布星列莫非我兵逆酋固
中家室帷帳往來出入歷歷可指官兵營房離
圍城僅貳箭之地而賊汲水樵採之路從此斷
絕不能出跬步矣賊失此山遂於城頭架起敵
樓城脚安放釘板沿途暗布鐵菱角等件晝夜
防守節奉本部院牌催刻期破圍擒酋掃蕩巢
穴不許坐觀成敗致悞軍機又蒙按院牌催各
將領乘此破竹之勢立刻擒酋不許久持圍下

平播全書 卷五 四十二

又准守東道按察使張悌手本該各鎮道會議
卽於本月拾肆日為始前後協力併攻使賊首
尾不能相顧等因移會間拾肆日該道同南川
監紀推官高折枝督領前營兵後來拾伍日合
兵攻圍賊衆更番出戰矢石如雨官兵奮勇衝
擊自辰至暮賊敗入城炮銃打死數多不能取
級共斬級朱穎吳從周下把總蔣元鎮等前攻
飛龍關斬級貳顆拾陸日張按察使高推官復
引兵還攻前門拾柒日我兵分路齊攻賊亦分

營路迎敵曹希彬下苗兵與廣浙兵衝前永寧
土兵繼後連戰數合酋用邪術令婦女數百人
排立高處去衣執箕向我兵扇簸而賊鋒甚厲
我兵卽以狗血潑之廣兵牌手羅一達滾入陣
中連殺四賊各賊遂披靡入城斬級壹拾陸顆
拾捌日官兵挑戰酋因前門未戰盡驅合圍苗
賊出敵被炮銃傷死者衆賊自此閉門不敢再
出止於牆頭增置小敵樓從板孔中飛石放箭
暗擊我兵不得近牆拾玖日貳更時分賊來衝

平播全書 卷五 四十三

營各兵奮死拒敵曹希彬左手中傷藥箭廣兵
斬級叁顆賊始退回貳拾日各將督兵攻挖土
城羅國明表鼎等兵挖開壹洞被賊開門擁衆
出戰千總曾太吉安黃尚明劉弘緒楊忠義長
官袁初等各領兵衝殺斬級貳拾壹顆連日賊
堅避不出又值雨霧不便攻打貳拾貳日偏橋
總兵陳璘從左槽移兵圍後賊見璘兵初至衆
夜來衝永合兵出營包截斬級叁拾壹顆貳拾
玖日因賊藏避樓我兵屯聚易於受敵鎮道

計議採取竹木安置柵欄層層漸逼城牆柵上亦豎敵樓今兵有所遮蔽依據便於從隙射打造就攻城雲梯飛樓等件得柵可以守護賊見勢逼肆路衝出各兵抵敵斬級捌顆本夜壹更時分復來劫營用大鐵矛鈎搭柵堅不能拔我兵從柵內亂放箭銃將賊傷死無數直至天明方散伏兵斬級伍顆是夜把守後因萬安關提調舒自清率妻子拾壹名口來降時守東道按察使張悌川東監軍道叅政張棟原任總兵劉綎貴州總兵李應祥先後移兵來會初肆日約集川貴湖廣各鎮道定議分日輪攻初伍日屬劉李貳總兵初陸日屬吳陳貳總兵各照日攻打以破固得賊為期初伍日劉綎李應祥督兵攻打克破土城連破月城薄暮吳廣暨各將親引中軍千把總詣本道吳廣厲聲起曰明日莫視為戰直抵命可耳若不破固我當先死諸將卒齊聲應曰敢不盡死力以從該鎮道隨出懸賞銀叁千兩分散各將是夜吳廣將本路兵

馬密割城下暗令曹希彬吳文傑趙應科吳從周等帶領舒自清引鄭子龍張曉王元爵劉國祚馬邦聘袁初劉謙千總車千乘等兵從水道上城約入城舉炮為號封建領中軍千總梁齊賢等佯攻中門鄧起龍劉弘緒羅起鳳劉國用張嵩等兵為左翼郭天俸周登袁起龍周愛等兵為右翼伍更集兵黎明兵從水道登梯上城陳璘兵繼進惡苗拒戰殺死廣兵柒人我兵戰益力下城舉放大炮酋驚知我兵已入城中急呼親信苗頭而諸苗亦各奔散無應者酋自度不免因撫膺頓足謂田氏曰我今自焚死斷不落亂兵之手田氏牽衣號哭酋捧去入臥房將門釘閉舉火燒房同愛妾周氏何氏縊死吳廣躬督兵入城先擒酋子楊朝棟酋妻田氏報酋自盡情狀廣急令羅國顯安鑿引至後房破門尋見酋屍急出諸烈焰中須臾火燒樓房一空如稍遲容刻酋屍俱成煨燼矣時各路官兵相繼入圍廣中火毒啞不能聲昏死在地劉綎李

應祥把救良久方甦是日日本路官兵生擒酋子
楊朝棟楊堪棟酋妻田氏酋弟楊兆龍楊從龍
楊世龍楊勝龍酋姪楊國棟楊成棟楊聯棟堂
保玄壽謀士戴貴彭道內司總管田一鵬田澤
許廷忠偽提調馬忠頭目張讓張仕傑親族張
世爵楊光達楊林田善保田有年田有時田有
秋楊宗慶楊文揚福楊守爵楊守龍胡雲貴楊
紹宗李大李二偽內侍雙慶四慶等併擒斬壹
千伍百貳拾伍名顆俘獲男婦捌百捌拾貳名
口全活被虜男婦貳百陸拾陸名口隨將楊應
龍身屍移至萬安關城樓約會峇省各鎮道各
贊理監紀等官并集奏民彭廷受周世祿等降
民羅國明羅國顯安鑿袁鼎等相驗真的鹽屍
用棺盛貯解赴軍門會驗無異除將楊朝棟楊
堪棟田一鵬楊兆龍楊從龍楊世龍楊國棟楊
成棟楊聯棟戴貴彭道許廷忠馬忠張世爵併
楊應龍身屍

獻俘外是役也安羅參寨不降則關外之兵未易進

郭通緒不殺則崖門之險未易攻水牛塘之戰
不力遂酋未必上圍三圍山之路不奪後門未
必可圖不擒酋子猶遺禍根不得酋屍終非完
局仰仗本院部指授萬全之機略時用不測之
恩威使諸將士皆奉令以周旋又激勵而思奮
故收全捷如此總計未合貳路各哨官兵自貳
月拾貳日開刀起至陸月初陸日止得獲大賊
酋壹名生擒賊首從貳百零壹名斬級參千陸
百肆拾參顆俘獲賊屬玖百柒拾名口全活被
虜男婦參百叁拾玖名口招降賊黨貳萬陸千
柒百叁拾肆名口奪獲牛貳拾叁隻器械參百
柒拾陸件俱經解發贊理監紀官紀驗轉解紀
功道覆勘訖其被虜男婦當即審明遞解回籍
牛馬給賞有功兵士招降人衆隨便安插器械
解驗肆拾壹件庫貯參百叁拾伍件此未合貳
路所紀之功也合行類報聽候核敘通計肆路
得獲大賊首壹名生擒賊首從伍百壹拾伍名
斬級共壹萬零柒顆俘獲賊屬貳千叁百陸拾

壹名口招降男婦伍萬壹千玖百玖拾壹名口
全活被虜男婦壹千陸拾肆名口奪獲牛馬伍
百柒拾柒匹隻器械貳千叁百壹拾肆件等因
又據貴州左監軍按察司按察使楊寅秋呈奉
臣并貴州撫院憲牌俱同前事查得烏江河渡
壹路沙溪壹路先該總兵童元鎮主之職寅秋
監之副使洪澄源督兵於沙溪叅議梅國樓督
糧於烏江河渡秋以貳拾柒年拾壹月受事首
議兵將作何部署哨道作何策應險夷作何偵
探器械作何繕治演習先登作何激勵糧運作
何料量師涉作何預計俱經詳允竭晝夜料理
去後烏江河渡逼播治禾捌拾里而近又該職
秋覆議必探水西哨抵落濛水探平越哨渡疆
界河及川中婁山關畢集方會哨齊驅若獨以
一哨常敵賊必併力一向前事可鑒俱於拾貳
月具詳參院允示遵行間本年貳月誓師後水
西把事王嘉猷領防守烏江兵自願叁月初叁
初陸等日攻奪烏江關緣猷向與賊唇齒深交

既願破關絕好自難膠執前議就經犒賞獎
尋以水漲逗遛愆期勦陽守備陳雲龍同承順
兵不依主將令於叁月拾壹日徑奪烏江關斬
獲賊級壹拾玖顆末順彭宗卿彭祐牛等於鬼
國斬級陸顆俘獲肆口焚燒關樓附近關邊賊
寨燒掃一空看係孤懸恐難屯劄星飛督催鎮
雄府土舍隴澄把事王嘉猷兵馳赴雞家寨出
刀靶水催安疆臣兵馳赴昌田驛出落濛水犄
角策應拾貳日就該統兵遊擊謝崇爵雲南坐
營中軍張澍督領雲南祿州等土兵標募兵都
司遊擊張秉忠督領泗城上知州岑紹勳等兵
各乘勢渡江攻克河渡關前後擒斬首從姦細
共斬級壹百伍拾柒顆生擒貳拾陸名俘獲伍
名口賊知我兵各路未進於拾伍拾柒日併力
前來衝突兩關不守官兵損折立檄隴澄躡蹤
邀賊河渡歸路如道里迂迴乘虛直搗賊巢據
報救河渡必叁日抵擺境只貳日與其攻外而
遠不若攻內而近等情賊見隴澄深入當日

回隨據隴澄揭稱該標下中軍劉岳督本府領
把事王嘉猷於冬月拾叁肆等日攻破苦竹關
平嶺關共殺賊斬首捌拾玖名投降貳百伍拾
叁名拾陸日自刁靶水移營賊兵截路追過新
站前後殺賊肆百柒拾陸名苗頭阿曲等伍名
據報夷俗原不斬級實止解苗頭伍顆餘功未
委虛的又該畢節督兵副使洪澄源統兵叅將
朱鶴齡督宣慰使安疆臣領目把陳恩張崑頭
目柯阿箇阿五等於冬月拾叁日分兵進取首
克新關從間道破傳頭石壁一帶關隘打破大
紅關胡石口黑水關拾伍日攻破板山因前後
共斬殺射死苗賊貳百柒拾陸名亦稱夷俗原
不斬級未見功報招撫因民男婦陸百房計壹
千肆百叁拾伍名口拾捌日目把陳恩等調撥
以白魏良海等督兵於清塘水等路堵截應龍
歸路生擒張受等壹拾玖名拾玖日夜賊兵前
來劫營生擒彭四等陸名本日各目分兵叁哨
攻破落濛關會劄大木田將挑溪衙違禁房屋

燒燬貳拾叁日督同義官李武楊澄清等生擒
賊陳元等捌名據報前後殺賊叁百捌拾陸名
未見斬級功報實解生擒苗賊楊四元都哥張
受彭四等壹拾柒名又唯畢節道移解生擒陳
元等捌名千户王三錫王有聲李武等斬級伍
顆轉解驗明訖又據隴澄揭報師次大木田發
兵攻打長箐賊拒敵殺死督兵把總陳啓禮并
隨軍拾餘命當各兵奮勇追殺賊柒拾餘名賊
首楊豹阿察等伍名將賊首首級伍顆具解軍
門委驗訖冬月貳拾陸日播賊應龍差小童吳
比金萬富齋送書儀贏貳隻金銀臺蓋貳副折
程貳拾兩末著段貳端赴營投見當拆來書驗
係楊應龍妻田氏餽送禮單當將來差斬示營
門餽送儀物同禮單齋解乞賜驗明貯庫等情
及將生擒探聽賊犯羅才羅慶并解前來審出
前情無異又據安疆臣報稱冬月貳拾玖日逆
賊楊應龍父子因見鎮雄斬其來使首其餽儀
親領苗兵柒萬分作伍路前來迎敵該水西鎮

准合兵自本日卯時至申時鏖戰斬殺賊首偽
提調頭目伍拾餘人內有偽內官伍人各路共
殺賊兵萬餘屍橫遍野前伍拾人內有壹人全
身絹段金銀器械查係賊子惟棟待查的又報
外我兵損折百拾餘名重傷叁百餘名輕傷伍
百餘名就據土官溫希舜當陣擒獲馬兵何老
吐供相同隨准畢節道洪副使移解拒敵當先
騎馬出陣賊首首級壹百零壹顆生擒者亞壹
名轉解軍門行委三司會同委官知州龍時躍

平播全書

卷五

五十二

文

王應昌辨驗訖又據安疆臣報稱逆賊心腹提
調尚義黃繼枝管押板山落湖馬寨一帶苗兵
叁月貳拾玖日貳賊親在銜鋒逆酋巨細事機
皆其內叅外贊先奉院道密諭遵承間就該本
道用間諜計令貳賊來營商議退兵逆賊果信
隨差貳賊同生寨頭目夏文茂等貳拾肆人齎
詐降文壹角另具禮單開送金銀壹萬貳副折
段銀捌兩鞍馬貳副槍刀弩箭等項前來當伏
兵河口將貳賊并生寨頭目夏文茂從賊擒拏

審實將原詐降文同原禮物移解到道轉解審
驗有黃繼枝自盡身故斬級解驗明白賊從逃
去叁名又據安疆臣隴澄報稱兵創大水田被
賊據守金刀坑圍阻截兵糧肆月拾壹日發兵
攻打賊黨力拒我兵奮勇齊登殺死賊首阿富
等陸名苗賊叁拾肆名餘賊拚死拒捕隨暨招
降旗幟該團男婦出圍乞降共約壹百貳拾伍
房收獲鐵券牌壹面同賊級陸顆解驗訖又據
安疆臣隴澄報稱肆月拾叁日督兵直抵橋州

平播全書

卷五

五十三

定

治桃溪口獅子橋各賊奔潰薩將衛宇家廟新
川後川等街違禁房宅闔州賊黨民房悉行燒
燬一面於拾伍日發兵直出奪復烏江老軍關
賊兵截伏當令馬軍衝殺賊潰投箒次日黎明
到關我兵奮勇奪占前後殺賊壹百貳拾餘名
生擒伍拾玖名招降貳百陸拾貳房暫於果哈
地方安插節次擒賊招降俱該畢節道洪副使
朱叅將移報相同先是職秋祇奉院憲檄移
行新任都司徐成整棚標募土漢督中軍馮邦

濟祀總王真祿習火器銃炮手等兵催調廣西
龍英歸順等州思明府等兵行委指揮羅萬善
督押前來雲南守備沐聚把總署守備事陳用
寶催調雲南標募沅廣等兵行委原任守備童
龍整棚雲南安時泰祿州廣南等兵移行原領
兵遊擊都司張秉忠整棚泗城等兵移行督糧
道梅然議分發糧餉起集運夫駝馬分委普安
知州龍時躍定番知州王應昌運發養龍河渡
鱗次輓輸芟葛既備器械畢集銳氣載揚就經
會同童總兵督發各新舊土漢官兵於肆月貳
拾壹日齊劄河渡蒙巡按貴州監察宋御史牌
申飭將領招納降民以分賊勢不得殺降冒功
致干
天和等因遵行間蒙撫院行委威清叅政王邦俊前
赴河渡督發糧運童總兵將新募銅仁陳邦揚
等原挑選廣西親兵陳大縉等共捌百名交發
徐都司督童龍部領會哨進剿時賊首偽提調
張守欽袁五受阿萬龔堂王廷耀同已獲男王

承受等嘯聚長箐萬丈林等處職秋同大寧都
司戴守禮量帶家丁馳抵烏江哨出刀靶水狼
飛渡直抵播州海龍壩隨據水西把事王嘉猷
將前報奪復烏江生擒苗頭阿訥阿利并楊酋
妾弟何惟富等肆拾壹名鎮雄把事陳阿官將
奪復烏江生擒苗賊麻老虎阿倫等玖名苗頭
首級陸穎俱經審驗中解訖餘級未解又據安
疆臣報稱叁月貳拾貳日漢把劉景貴陳阿九
等招撫過離都猴場把事石盡忠等壹百零米
房同日漢把羅一龍陳應龍鳳協揆指揮白璋
等招撫過高坡箐張王壩苗頭阿滿鄔承爵等
陸百叁拾貳房又據報肆月拾伍日頭目阿卜
者遮勒進克海雲圍殺賊壹拾叁名招降民貳
千貳百餘房又差目把魏良海胡文魁阿戎等
領兵進攻泥壩苦竹養雞等圍殺守圍苗賊貳
拾肆名招降民葉善等貳千捌百餘房并川江
客民玖百餘房賊龍原庵草塘司官民肆百貳
拾柒房俱安插鄰近地方免亂兵殘害等情賊

級未見解報隨准童總兵張都司手本報據泗
 城土官岑紹勳報稱奉令攻復河渡關協搗賊
 圍貳拾陸日寅時至河渡西岸該本州應襲岑
 雲漢同督兵指揮李懋樑督陣官胡邦奇龍英
 州應襲趙政玄忠明府等目兵併力奮擊當陣
 斬獲肆拾叁顆招撫過降民梁雲等壹百貳拾
 玖名口安插洪邊地方又准徐都司手本報稱
 貳拾陸日督率把總羅寵等招撫過賊黨王雲
 等壹千肆百叁拾柒名口安插毫耳大山凉水
 等地方又准徐都司手本報稱伍月初貳日督
 把總土同知羅寵楊遇春徐大綬等生擒賊首
 龔堂苗頭謝友貴潘廷貴楊承祖坐寨頭目黎
 民倫董三苗賊尚阿蘭拜董三家人等共陸名
 首從共拾貳名首級壹顆招撫過賊黨康五元
 彭一等伍百伍拾伍名口又准張都司手本報
 據泗城土官岑紹勳指揮李懋樑於初拾日督
 兵剿捕長菁生擒偽提調賊首張守欽壹名從
 賊壹名斬級貳拾叁顆拾壹日泗城官男岑雲

漢習兵於清潭攻打峒口生擒賊首袁五受并
 提調王廷耀男王承受從賊捌名斬級貳拾顆
 招撫殘賊宋榮甘茂王積脉等男婦貳千肆百
 柒拾貳名口安插雷水長山地方又據鎮雄把
 事李萬年報稱萬年等接護左監軍渡烏江進
 播哨至石子埡賊伏深菁突出拒敵該陳阿官
 督兵截殺斬獲賊級壹拾柒顆次日護至牽狗
 峒賊放箭拒殺官等斬獲賊級貳顆生擒賊從
 壹名戴都司督家丁生擒肆名指揮羅萬善斬
 賊級壹顆就於長溪創營處解監軍審驗轉
 解訖又據安疆臣隴澄報稱官兵屯劉養馬城
 關口攻打前門鐵鑄關大路該司府分撥頭目
 魁阿等砍伐後園菁林梯山攀巖探尋小路叁
 拾餘里直抵海龍圍後賊見我兵剽近肩背連
 日出城衝殺我兵令未寧官兵自左槽關路進
 抵後菁山頂營前二土山係賊樵汲咽喉賊心
 勁兵拒守蒙右監軍同罪節道懸賞伍月初玖
 日四更時分賊職同督陣官劉孟統王安民

萬善等乘霧抄賊營後黎明攻擊賊擁衆死戰
該頭目覺已等奮死殺賊不計從寅至未方將
賊兵衝退占奪二山職兵劄右槽副總兵劄左
陣亡阿白等拾伍名中傷烏鮓等叁百餘兵本
月貳拾肆日總兵李應祥接管印務督率烏江
河渡等兵又蒙雲南撫院行委叅將盧承爵督
發募兵前來該職寅秋督發徐都司帶領烏銃
火器手壹千伍百名童龍帶領安時泰陳邦揚
等兵壹千名泗城龍英等土兵陸千伍百餘名

合水西鎮雄營同創後因節奉憲令各道鎮克
日輪攻後因因各路占據已定無處屯劄會營
中流言四布該職寅秋會同洪副使宣諭水西
鎮雄將所刊通奪占右槽山坎一帶營盤盡讓
官兵屯劄各官目於貳拾捌日自願遠嫌移出
海龍壩口把截立刻移行川貴劉總兵李總兵
各先後督所部兵到因陸月初肆日叁省道鎮
共議總兵劉綎李應祥於初伍日總兵陳璘吳
廣於初陸日各照期分打劉李貳總兵合哨分

左右信地劉總兵攻城門以左李總兵攻土
城門以右該職寅秋會同李總兵右監軍叅議
張存意副使尤錫類將右路信地分撥叁枝以
都司徐成督河渡哨守備童龍領廣西把總陳
邦揚陳大緝雲南把總陳用實安時泰等兵平
越哨副將陳寅等哨下把總劉恩安世禎吳國
輔孫之襲等兵奪鳳凰嘴由右嶺進都司張秉
忠督平越哨把總華統薛應時等兵由左嶺進
領河渡哨泗城龍英等土兵於因右崖壁截殺

都司戴守禮督河渡哨把總牙廷相操守指揮
馬化麟各銃手家丁平越哨把總張奇盛吳文
秀等兵由中嶺進督行安疆臣隴澄分兵於海
龍壩泥固等截賊衝突奔逸先該都司徐成守
備童龍會同副將陳寅議得鳳凰嘴哨險賊兵
屯據死守必須衝鋒奪占鳳嘴山頂先得地勢
方可攻取土城該叁道卽發懸賞銀貳百兩分
給各兵初伍日五鼓會同劉總兵各照畫地齊
攻賊抵死在於鳳嘴拒敵黎明我兵奮呼一擁

衝殺賊兵奔潰退走土城內我兵乘高頂大鉦
鳥銃火箭火磚俯瞰齊發賊立脚不住登時攻
倒土城一面拆卸一面打開土城內柵柵敵樓
賊據月城矢石如雨職寅秋同李總兵立枹鼓
對山拔刀麾兵前進退縮者立斬鏖戰至己未
緣城樓梯高招先登各兵用肩頂城上先登者
手挽魚貫而上河渡哨陳邦揚親斬拾叁枝冠
帶管事藍鳳鳴員以壹顆中軍指揮羅萬善親
斬何提調男何訓首級壹顆當係投降偽內官

平播全書

卷五

本

年

葉正陽識認賊從首級肆拾柒顆當陣奪獲百
子銃壹門賊奔崖墜死及銃死不及找級者不
計其數將月城圻倒將土城月城樓同劉總兵
即時放火燒燬賊奔入大城死敵自午至申應
龍父子親領苗被堅出城衝突叁次每次我兵
用佛郎機百子銃等項直對城門齊打賊被傷
退回天晚兵已疲饑叁道再懸犒賞各兵歡躍
齊心就於月城劊守舉放號火銃砲道鎮露坐
嚴整賊兵膽落在城叫喊乞降至次日黎明陳

吳貳總兵照依分定日期接攻賊倒戈奔潰如
蟻各路兵一齊登城擁入內城賊酋楊應龍將
臥房發火同愛妾縊死要得自焚時伍路總兵
官齊圍賊衝賊妻田氏男楊以棟妻田氏楊良
棟妻田氏楊奇棟楊勝棟妻田氏賊女貞惠貞
瑞貞福楊朝棟妻田氏子松壽春壽女性福賊
首何漢良田一鵬子六老同偽內官使女一時
拏獲伍路道鎮將賊屍擡至城樓吳伊妻男伍
司奏民同驗真的俘獲賊親屬公同點明收繫

平播全書

卷五

本

年

文

城樓宣慰司甲田氏攜帶在身驗交陳總兵暫
行收執續獲賊男楊朝棟楊惟棟俱見在聽解
各該有名賊首除斬級外河渡沙溪生擒賊從
弟管九族錢糧拾貳路督軍總管楊兆麟偽提
調聶璽彭水壽偽內官張元趙天瑞主謀走差
探聽向問遣今逃回文之宗即文章連前獲大
提調尚意坐寨頭目夏文茂張守欽袁五受龔
堂等共玖名投偽內官葉正陽馮元宦張元
趙天瑞肆名節該領兵官將擒斬賊首從移解

前來審驗轉解兩院轉行按察司審驗去後計前後徐都司部領童龍等兵共斬獲首從賊級貳百柒拾玖顆生擒賊首從柒拾玖名招降貳千叁百叁拾名口俘獲賊屬貳百零叁名口張都司部領泗城龍英等兵共斬獲首從賊級柒百柒拾陸顆生擒賊首從貳拾捌名招降柒百肆拾名口俘獲賊屬伍拾柒名口戴都司部領馬化麟家丁等兵共斬獲首從賊級肆拾貳顆生擒肆名俘獲賊屬柒名口通計河渡烏江壹路共斬級壹千壹百肆拾肆顆生擒共壹百壹拾玖名招降叁千柒拾名口俘獲貳百陸拾柒名口又據安疆臣隴澄報稱奉令把截海龍壩口初陸日惡苗奔突衝出泥壩圍等路該職督率目把陳恩王嘉猷柯阿箇等奮勇截殺生擒苗賊王貴等壹百零柒名俘獲苗婦拾口初柒日賊伏箐奔出目把周愷陳恩等生擒苗賊播賊除審放外實在陸拾叁名俘獲賊屬肆拾壹名口又據呈報奉左監軍密諭緝拏原殺茶江

房遊擊兇犯馬騰漢及賞格有名播黨解報該目把阿石陳德擒獲馬騰漢又目把丁良茂李元玉等擒拏賞格有名大提調陳大恩門子王邦紹即王邦兆該本道先後轉解兩院轉發按察司訖又據報稱前後招出龍安水提調鍾祿馬院提調李鶴管獵提調朱鵬馬坎坐寨陳大富雖係投降原係有名賊首不敢隱匿又招出管事偽內官丁朝元管板山固偽內官劉元管泥壩岡偽內官葉善元俱原悔罪投降但係淨身男子非土司敢用等情先將鍾祿丁朝元劉元葉善元具解前來隨奉督撫憲牌行查賊子楊惟棟前報斬級今何擒獲見在隨據安疆臣呈稱大水田奮勇殺賊萬餘賊首約伍拾餘名內有壹名少年裝束迥異軍中有認係賊子惟棟時未敢信飛報院道文內待查的又報次日擒獲馬兵何老供少年被殺者係賊第肆子惟棟押發賊屍枕藉中辨驗據執相同方行找級同何老并解院追審供壹口後左監軍囑下招

降偽內官葉正陽供報死大水田者的係酋親
信門子何元保狀貌裝束俱與惟棟一樣時欲
檢舉尋因回破今何老見監可審原報見案可
查神或天氣炎蒸屍變亦係何老誤認並非欺
蔽等情通計前後斬關破圍除夷俗原不割級
者無憑查覈外共已解驗賊級壹百柒拾貳顆
已解驗生擒賊首從叁百伍拾肆名招降捌千
陸百捌拾陸房共叁萬餘名口又據畢節道移
稱初陸日本道隨營督兵指揮徐懋功千戶左
堯臣把總許成名等各領隨營親兵於濫泥茅
坪把截初陸日賊苗衝出各兵奮勇生擒苗賊
叁拾伍名內偽長官壹名趙鳳儀交出我

朝賞功

勅命一遣賊級貳拾叁顆又據中軍劉岳報稱督率
隴澄兵於海龍壩口把截同親兵斬獲貳拾陸
顆解赴李總兵移行紀功陳知州就近審驗外
通計河渡烏江沙溪共斬級壹千叁百陸拾陸
顆首從肆百柒拾叁名招降共叁萬

千柒拾名口俘獲貳百陸拾柒名口除生擒首
賊分別應

獻俘應梟示俱審供吐真確斬獲首從賊級俱認的
實試驗明白招降暫于附近地方安插事定議
後俘獲變價入官係被虜者查發親屬領回另
行冊報看得楊酋逐節滔天提封據險不下千
里而遙而迫近黔省烏江河渡之間捌拾里而
近我一投足即害地彼一鼓翼即壓境兵分則
衆寡不敵不分則咽喉不守不進見爲示怯進
則若於寡援方賊之併力一向扼我烏江河渡
之師也人疑不釋於安兵賴督撫軍門審勢決
策震疊鼓舞安其心而作其氣遂有大水田之
捷首推賊鋒方兩關之既克不守也人謂解嚴
之後不復鼓行而西矣賴督撫軍門徵兵厲甲
獎率新舊之兵決命賈勇敢渡險關猶能執訊
獲醜從諸路深入賊阻方水西安兵之遠嫌拔
營移札也人謂安兵解而河渡之孤壘不得圍
陳合圍電擊矣賴督撫軍門焦勞主持以威信

制夷命以輪攻申軍令以懸賞勵士心陸月初
伍日黔兵得合川東綦南哨齊驅先登一鼓而
奪鳳凰嘴再鼓而克土城月城質明賊不戰倒
戈遂平兇遂救萬靈之塗炭拓千里之封疆繫
繇

天授夫豈人謀等因又據貴州右監軍布政司右叅
議張存意呈稱平越哨未奉師期之先適遭東
坡劫殺之慘興隆偏橋平清之間官道不通者
參月該本道會同帶管守巡道尤副使遵軍門

密令集兵大剿掃蕩黃飄臺蠟平崖等寨火其
居樞其穴斬獲雖無多級奔遁殆靡遺種軍民
稍稍樂業道路漸漸肅清僉謂此一舉也當為
黔中首功則叅將劉劾節調度於城中守備伍
萬鍾汪如淵土官蒙詔把總張鶴翀各率所部
官兵鼓舞於當陣而先鋒衝敵所向無前在水
西把目王嘉猷張崑領擁兵壹千名至今未蒙
敘錄及奉部院撫院明文分布一路由興隆黃
平直掃白泥草塘等處一路由平越牛場乾溪

乾坪直掃四牌等處自貳月拾貳日起至本月
終止我兵漸進賊亦漸退梭山擒斬俱屬零星
驗明冊載外首記其發軔開鋒之勞則參月初
貳等日副總兵陳寅統領土官蒙詔土舍莫勞
中軍官孫仲謨督陣官楊守乾李繼成家丁陳
定等有漩水圍之克為事官蔡兆吉統領土舍
楊治隆土官張元虎把總猶鶴安生等有天邦
圍之克原任守備伍萬鍾統領把總呂守現李
正中阿亮等繼以百戶李師沅中軍官張奇盛
率領把總華統吳文秀宋世臣汪世才等前後
夾攻有叁百落圍之克通共斬獲賊級貳百壹
拾伍顆俘獲賊屬壹拾柒名口賊仗器械伍拾
叁件而都清守備汪如淵劄兵清池令把總張
鶴翀許攀龍等帶兵梭山直抵四牌草塘松坪
招出播民楊世祿等攜家貳拾玖名口出降令
充鄉導報效以上俱於叁月初陸等日呈報訖
次述其乘勝長驅之績則叁月初柒等日副總
兵陳寅統率土官蒙詔土舍莫勞家丁陳定同

守備汪如淵等漢土官兵拒賊於四牌高固之
下坐營守備柳國柱中軍張奇盛統率把總吳
文秀百戶李師沆等兵由後路把總華統宋世
臣朱運昌千戶張翀等兵由前路與陳寅部兵
策應偷攻於四牌高固之上為事官蔡兆吉統
率土舍楊治隆土官張元虎張蘭把總猶鶴楊
通露安宇戎茂才同督陣官馮伏繼以守備伍
萬鍾統率土官楊燧把總呂守現呂廷祿葉逢
春等由小路攀崖放銃直掃龍水固之穴通共
斬獲賊級壹百陸拾貳顆并賊仗捌拾叁件而
蔡兆吉復令把總猶鶴等督兵於拾貳日黎明
抵菁崗圍攻打共獲賊級貳百貳拾叁顆生擒
謝王保等貳拾陸名俘獲賊屬男女柒拾捌名
口奪獲器仗貳百叁拾壹件被虜男婦陸口以
上俱於叁月拾柒等日呈報訖至是而軍聲已
大振矣所限者長河一帶之水耳深潭斗岸賊
衆堅拒非船筏不得渡非火器不能抵時則李
總兵親督中軍張奇盛百戶李師沆沿河駕叁

通鑑全書 卷五十一 李九

眼百子鳥銃對岸放打責令造船指揮邵元爵
協造土舍金世忠并差指揮周宗堯曹選星夜
刻期催到船隻繩纜分發各渡頭於是副總兵
陳寅先令中軍孫仲謨土舍楊治隆等黑夜引
南丹等兵偷渡構皮灘潛伏山後以為策應乃
親領把總家丁陳定等由東家渡守備伍萬鍾
汪如淵領千戶李朝陽把總張希軫杜廷武汪
世才督陣官高連等兵由疆界河為事官蔡兆
吉領把總猶鶴等兵由吳至孫家貳渡各浮水
搭橋奮勇登岸首尾屯創通共斬獲賊級貳百
貳拾玖顆俘獲賊屬壹百貳拾叁名奪獲賊仗
玖拾貳件諸葛銅鼓貳面奪回被虜男婦壹拾
柒名口此皆叁月貳拾壹日以前事而長江不
守乞降者頗多該本道會同李總兵揭旗招撫
戒勿妄殺惟時為事官蔡兆吉先納巨賊李得
祿等獻船貳隻以為先聲而男婦陸百捌拾貳
名口降守備伍萬鍾責差把總薛應時等嚴禁
需索而男婦玖百零陸名口降守備汪如淵招

通鑑全書 卷五十一 李九

致地里霸李彪等宣諭恩信而男婦貳百叁拾陸名口降其餘牛馬器械家夥等物不計悉陸續發內地安插此收拾江外之大槩也至是而賊膽已半寒矣所恃者黃灘千仞之關耳層崖壁立賊衆死據非鄉導不能入非掩襲不能取時則李總兵傳令副總兵陳寅中軍孫仲謨等揭示免死令票并報效賞格招出虜民蕭仁德唐榮智等計擒白泥土官楊正遠楊道漢父子并其妻子叁百餘名口及本國男婦共玖百壹拾叁名口於是副總兵陳寅統率百戶李師沆中軍官張奇盛兵部咨送軍門指揮李世培把總張希軫杜廷武張世敬易之謙土官楊燧監軍督兵貳道督陣指揮周宗堯曹選何鼎臣張體仁千戶張翀陳志道把總劉朝臣劉承胄李邦舉彭夢龍等攻其關之前用新降石勝俸王志龍王志虎王賓王倫尚習中及播民王其質從墳林暗渡襲其關之後生擒首惡王大安王愛追至張王霸盡掃其關之左右羽翼收兵堅

壁立營固守通共斬獲賊級捌百伍拾陸名頭奪獲賊屬牛馬被虜男婦器械仗不計此肆月拾貳日以前事而險關既潰乞降者益衆該本道會准李總兵委官宣令坐寨安撫惟時為事官蔡兆吉以招到夷民丘伯芝徐受等壹百捌拾名報降頭石勝俸以撫過虜民老鷹國萬餘名報其餘牛馬器械家夥等物不計陸續半發內地半仍本地安插此收拾江內之大槩也嗣是江外關內之險既失而賊勢已弱岑省築路之師并進而賊計益窮惟有脅叛苗携妻子退據海龍國而已彼其數年精力用之一國前後重關左右深谷將自謂負隅之虎莫可誰何而督撫嚴觀望之誅官軍矢必克之志以伍月伍日搗巢陸月陸日滅賊惟時攻守後關則副總兵陳寅守備伍萬鍾督同紅旗官楊守乾中軍張奇盛指揮李世培加級指揮張世敬把總張鶴翀吳文秀宋世臣李茂春陳汝栢等預備攻具勉竭攻力而都司徐成戴守禮遊擊張秉忠則

又臨時鼓勇驅卒官軍先登者也攻打前關則副總兵陳寅都司莊志傳守備伍萬鍾統率指揮徐登階把總張希軫為首杜廷武呂守現呂廷祿金世隆劉朝臣劉承胃等為從直上層樓縱火燒燬而為事官蔡兆吉守備汪如淵千百戶李師沆李朝陽陳志道段必明王民皞督率把總徐用賓孫應祥王朝朱朝岳楊正行李邦舉等則又把截要路立禦賊黨衝突者也計圍前後斬獲賊級壹千壹百壹拾顆生擒首賊楊兆麟阿萬并收獲昌田驛驛印壹顆長官勅命壹道俘獲賊屬叁百貳拾陸名口賊益窘急舉火自焚縊死牖下火未及身而完屍已為我兵所獲并收其妻子家屬驗明押解則在事將領官兵人人畢力用命而大功於是乎告竣矣自出師之日起至破圍之日止前後通共斬獲賊級叁千伍百捌拾肆顆生擒首從賊柒拾名招降播民共壹萬捌千伍百肆拾伍名口俘獲賊屬伍百玖拾捌名口奪獲賊仗兇器壹千壹百

貳拾肆件又查得思石壹哨以龍泉為咽喉以楚蜀為犄角方參省之兵馬未集孤城之防守不支逆賊之窺伺更劇其勢誠岌岌乎殆矣自首惡趙仕登為曾文學梁廷祿等所誅而義聲稍振則都司錢中選之密謀也自土官安民志以身與妻子死賊而軍威復挫則守備楊惟中之溺職也迨夫

王師分布之後各有零星擒斬之蹟俱經冊載外紀其大者叁月拾伍日該指揮胡効忠蔣崇賢率千把總劉廷倬唐顯威李佑哨長曾朝舉等攻打革羅水青龍黃沙圍斬級壹拾陸顆生擒貳名拾陸日該指揮蔣崇賢率千把總楊廷耀李明龍許從龍梁廷祿李廷機黎廷官百戶薛瑞等攻打餘溪莊斬級叁拾叁顆擒獲從賊壹名此則我兵發軔宣威之一奇也而其餘伏路摻獲零功亦附焉叁月拾捌日該把總李冠李君寶陳効忠等率兵打盤那圍斬級貳拾顆奪回婦女叁口拾玖日千把總周世祿戴天球李

君寶率兵打保子因斬級貳拾捌顆此則我兵
長驅漸進之一奇也而其餘伏路撥獲零功不
與焉肆月初拾日該守備徐允爵部下把總陳
光大操高第王嘉彥等率兵打真武園羅家坪
等處斬級捌顆生擒壹名此則我兵乘勝深入
之一奇也而其餘伏路撥獲零功亦附焉自是
為直搗關內與楚兵合為壹哨矣時惟肆月拾
壹拾貳拾叁等日攻打趙生長坎等園斬獲首
級共肆百捌拾叁顆則楚將指揮徐時達劉自

西黔將蔣崇賢中軍官葉定遠領兵千戶把總
張夢麟黃明儒周世祿楊騰龍李佑薛瑞朱蓋
臣李廷芳許從龍陸希管田應瑚梁廷祿等之
功居多而同日指揮胡効忠把總楊昌運等攻
羅安水斬級捌顆拾肆日指揮蔣崇賢把總李
佑李廷芳等攻青蛇園後山斬級貳拾伍顆以
及拾伍拾陸日把總陸希管於青蛇園後山斬
級叁顆其功雖微亦有足述者也肆月拾捌拾
玖貳拾貳拾叁等日攻打青山園五鳳莊小三

渡關欄牛坎野苗園并青山園後等巢朱起擒
斬首級壹百肆拾伍顆則指揮胡効忠蔣崇賢
中軍葉定遠千把總張夢麟李佑薛瑞楊昌李
廷芳葉占先王國臣宋受隆越其進等之功居
多而貳拾肆日守備徐允爵把總冉維鎮等克
懸崖等處斬級肆拾捌顆貳拾伍日把總王和
民等擒斬首級肆名顆貳拾陸日中軍葉定遠
等復攻牛坎鴿子岔擒斬首級壹拾壹顆貳拾
朱日守備徐允爵把總田建邦操高第等復攻

五鳳羅安水等巢斬級伍拾捌顆伍月初壹日
指揮劉自西把總丁慶等攻青水橋賊巢擒斬
功級壹拾伍顆指揮胡効忠遣兵出哨生擒貳
名指揮蔣崇賢遣兵出哨斬級貳顆亦應併錄
者也自是而直搗白田壩與叁省柴路合為一
團矣陸月初伍日該指揮蔣崇賢張拱極統率
各兵於海龍園後截殺斬級叁拾貳顆而千把
總薛瑞李佑楊廷耀朱蓋臣越其進王嘉言王
國賓以及武生錢之禎錢之棋韓希奇越崇功

等亦均效勤勞者也陸月初陸日守備徐允曾
捐揮徐時達將崇賢劉自西覃宗伊張拱極督
兵齊進海龍圍上截殺擒斬功級壹百柒拾肆
名顆而千把總薛瑞朱蓋臣許從龍李廷芳越
其進王嘉言黃明儒楊騰龍以及千百戶應襲
胡來觀鄆民悅武生越崇功等亦再效勤勞者
也至於大兵齊入賊宅共獲元兇尸首并收其
妻子家屬解則本哨將領官兵咸在而最後
初捌日中軍葉定遠復於圍後深菁斬級拾顆
例得併錄於冊以上思石哨除楚兵楚將擒斬
功次聽楚中監軍督兵道查敘外所有黔中兵
將總計斬獲首從賊級通共玖百壹拾叁顆生
擒叁拾柒名俘獲賊屬叁百名口招撫出播民
壹萬零叁百貳拾玖名口奪獲賊仗兇器叁百
貳拾叁件等因又據湖廣布按貳司左右監軍
貳道校察使胡桂芳右叅議魏養蒙會呈先奉
臣憲牌內開楚兵壹路偏橋分為兩翼一由白
泥總兵陳璘為主將而以遊擊江騰龍都司

繼勳吳時喬守備王之棟朱桂芳邊上將土官
宣慰彭養正等隸之叅政詹啓東督兵糧副使
王應霖司紀功而以同知張羽鴻等佐之一由
龍泉副總兵陳良玘為主將聽陳璘節制而以
叅將王一桂都司錢中選守備徐允爵土官宣
撫覃宜覃玉鑑安撫田大豐等隸之副使陳與
相督兵糧副使路雲龍司紀功而以推官吳天
祐知縣鄧弘烈等佐之此路兵監以按察使胡
桂芳叅議魏養蒙等因又奉巡撫湖廣支都御
史憲牌亦同前事奉此隨該貳道查得白泥一
路軍前監紀理餉需人頗多會議詳委府佐縣
正與州佐等官分董其事則以辰州府推官王
應宣常德府推官陳長進會同縣知縣陳保道
承天府檢校余德涵沔陽州判官王廷相沅州
學正袁惟慶原任辰州府學教授謝師啓司監
紀辰州府通判黃升高周以敬辰溪縣知縣張
守緒武昌府同知卞孔時德安府通判蔡思順
常德府通判陳桂芳荆州府通判楊堯仁沅江

縣知縣潘思誥司糧運龍舟一路則惠州府

官吳天祐成都府雙流縣知縣鄧弘烈司監紀

思南府知府陰鎔石阡府知府江至道思南府

同知張羽鴻銅仁府署印推官袁旦思州府署

印推官趙民悅銅仁縣署印知縣陳廷範印江

縣知縣張鎔婺川縣知縣葛楚元司糧餉兩路

將吏部署具定又該武道訪得偏橋出門白泥

便是賊境且聞播賊孽幣勾結致股諸苗若不

先為招諭不免腹背受敵於是會同總兵陳璘

播金書

卷五

五十八

牌差熟知夷情名色把總張應朝兼同鎮遠撫

苗官羅應禎入巢撫出苗頭汪外望稍等壹百

零叁名至偏橋引見諭以禍福各苗叩首請死

再三諭令有能改過許其自新各苗唯唯聽命

隨用牛酒花紅銀牌通行犒賞省發回巢仍通

行申令大小將士照依題奉

欽依明文如賊中有能俯心歸順准與

宥原於陣前置立受降大旗有巢戈來降者免死安

設官定行抵死復多差的當官沒奈何

鄉導齊置招降木牌數千前去旁招廣諭以分

其羽翼又行取行都司僉書于繼勳馳至偏橋

防守城池仍備策應隨於貳月拾貳日發哨維

時土兵催調未集先期壹日該右叅議魏養象

會同總兵陳璘召到見在諸兵并各將領親詣

教場誓師賞兵酌量分布是日總兵陳璘徑於

偏橋起程統率陳策吳特喬王之棟陳九經等

向白泥陳良玘錢中選楊惟中等向龍泉婺川

各進發拾叁日偏橋軍至白塘生擒播賊吳阿

平播金書

卷五

五十九

李

保稱為楊應龍差來探湖廣兵馬今楊朝棟帶

兵貳萬餘架搭浮橋過江劄營即晚可至白泥

接鎗等情該鎮即下令各官兵撥山而前拾伍

日早自老杜屯分兵叁枝內以壹枝為正兵餘

為奇兵分左右翼擬抄出烏江以躡賊後行不

拾里為黃溪寨前哨官兵何棟等即遇賊交鋒

生擒苗賊王松等伍名斬級貳顆俘獲賊屬捌

口餘賊被靡遁去傳令左右貳哨協力跟剿申

刻直抵白泥賊已棄巢潛遁隨督遊擊陳策等

督兵追躡會天色將暮山菁深阻恐防有伏掌
號收兵於本山揆剿把總吳應龍部兵斬級朱
穎奪獲弩刀貳件把總李元敬部兵斬賊級陸
穎奪獲賊鎗貳枝把總朱萬乾部兵斬賊級伍
穎奪獲弩壹把把總吳嘉隆部下生擒賊徒陸
名斬級壹穎奪獲鎗弩長刀各壹件土千戶張
金把總張文爵部兵斬賊級參穎俘獲賊屬陸
名口奪獲刀弩共叁件賊奔龍溪山與四牌賊
合力欲行拒敵該把總張鵬舉督同鄉導楊以
敬等招出勾刀堰井溪寨官莊寨磨落寨新寨
苗桐寨共陸寨苗頭陳五等陸拾叁名又該把
總吳應龍戴宗茂督兵陳福等撥至陽橋山得
獲羅再鑾等拾捌名口稱係偏橋衛羅家屯軍
餘上年被賊劫掠入山當喚該衛指揮許繼祖
審認是的該鎮慮山中藏匿尚多復差張鵬舉
哨官嚴韜前去又招出羅廷合等男婦捌拾伍
名口李叔生等玖拾名口土官楊鯨招下清河
寨苗民安霸阿唾等壹百壹拾柒名口各色把

總馮四招下貳關參關苗民吳老孫等男婦柒
拾捌名口土官楊鯨又招下石橋寨苗民阿元
等柒拾壹名口鄉導李文龍等招下苗民扶明
珊等肆拾壹家計貳百伍拾捌名口偏橋衛總
旗廖任登目把阿禮招下苗民阿短等壹拾伍
家計叁拾捌名口指揮許繼祖招下白塘楓香
等屯軍餘苗民鄧尚璉等共貳百柒拾肆家計
壹千零捌名口審發安插貳月拾柒日奉本部
院憲票差官鄭其嚴臣史會王倫臨營督陣貳
道即移行總兵陳璘申令諸將益加戒嚴貳拾
柒日申時進至龍溪山林木蒼鬱四牌在望哨
報有伏即令遊擊陳策都司吳時喬原任把總
白元潔守備王之棟陳九經保靖土舍彭象崑
等統兵銜枚疾趨頃之伏賊四起迎敵我兵將
火箭諸銃亂發衆賊奔高擦險矢石兩下總兵
陳璘身先迎戰有土營隊長謝漢月臨戰先退
卽斬以殉諸軍股慄吳應龍等奮勇衝鋒俟牌
而上土兵把總吳嘉隆等繼進賊遂潰潰該鎮

標下官丁并廣兵當陣斬級貳拾玖顆土兵吳嘉隆部斬捌顆彭象崑部斬貳拾肆顆遊擊陳策部斬柒顆都司吳時喬部斬陸顆把總白元潔部斬伍顆守備王之棟部斬伍顆陳九經部斬伍顆餘賊退走四牌保兒圍陣傷哨官壹名兵叁名奪獲賊仗貳拾柒件次早給發土兵把總田種蘭向日葵領兵前追又發廣土官兵隨後合哨行至近圍賊伏中起將田向貳兵包圍叁重總兵陳璘卽發衝鋒銀壹百兩交付遊擊陳策齋帶陣前懸賞廣兵把總吳應龍等直衝賊陣內打外攻一時賊馬為銃炮所驚俱各傷跌各兵向前斬殺數賊被靡奔據圍頂會天晚相對屯劄層崖連嶂不能包截入夜賊從山後潛道菁深路黑難以尾追黎明發兵肆路跟踪追及元家渡河邊各賊窮蹙轉鎗接戰我兵向前衝殺各賊對敵不過從浮橋上逃去浮橋不能多渡卽泗水而遁又慮我兵躡後須臾將橋纜砍斷以致泗水負傷溺死者無數是日收兵

各哨共擒斬賊徒賊級驗實壹百壹拾肆名顆俘獲賊屬捌拾肆名口奪獲沙水牛壹百零壹頭賊仗陸拾肆件陣亡兵肆名被傷官兵叁拾壹名生擒賊細作張恩生田廣內張恩生係楊朝棟差來打探軍情據稱揚首守海龍圍遣子朝棟統兵叁萬要出攻打偏橋鎮遠沅州回打石阡就在四川轉圍堅守今見兵至姑退過江待齊等情總兵陳璘傳令諸軍乘銳渡江取次攻剿因相度沿江兩崖陡絕惟崖門之下一線差平隨剝木為舟引繩橫貫江面造浮橋壹渡將告完間奉本部院牌開該鎮獨破肆牌惡苗嘉其首功動懸賞銀叁百兩獎賞該鎮官兵忽報乾溪平壩深菁之內藏有賊徒隨發遊擊等官陳策吳時喬白元潔等部領官兵督同永順宣慰彭元錦日兵於叁月初伍夜銜枚疾趨刻定初陸早剿殺黎明賊據高坡瞭見兵入卽欲起奔遊擊陳策當卽發號統兵追前各賊迎戰兩合我兵奮勇衝鋒賊始潰敗當陣斬獲賊級

驗實伍拾捌顆奪獲賊仗拾件沙水牛叁拾叁
 頭俘獲賊屬貳拾貳名口陣亡土兵貳名被傷
 土兵柒名餘賊潛遁深箐當即收兵回伍里隘
 屯住分遣塘報四往各山緝探前賊實糾四牌
 餘賊為援殺敗之後盡逃過江隨即督先前造
 浮橋於叁月拾玖日渡江生擒壹賊李二供報
 楊應龍大發金錢母賊給與貳兩使張祐何漢
 良謝朝俸石勝俸統黑老虎軍萬餘見劄七牌
 野猪山伺官兵渡江即來邀擊等情時已酉刻
 該鎮印傳令各備裨整備銃炮火器兵分兩路
 連夜疾趨貳拾早黎明行至苦練坪將近野猪
 山道狹且險前鋒守備陳九經把總劉一清忽
 與賊遇一面放火器與賊交鋒一面傳報後軍
 遊擊陳策都司吳時喬等各統兵衝前力戰賊
 勢大敗當陣擒斬賊級貳百壹拾柒名顆俘獲
 賊鎗壹百壹拾柒名口賊仗叁拾貳件各賊抵
 敵不過棄戈奔命逃入深箐去訖是日收兵回
 還餘慶老營少休適承順宣慰彭元錦

平播全書

卷五

十五

某關也有賊兵三千餘眾意在合黨總兵陳璘
 即督遊擊江騰龍陳策都司吳時喬守備陳九
 經等各統部兵前去會合彭元錦夾攻於貳拾
 壹日早一齊至關賊將關口堵閉盤據關內亂
 放矢石與我兵接戰逾時賊為銃炮所傷始漸
 退去彭元錦率眾先登身被肆矢於是各兵齊
 進打開關門突入各賊蜂擁迎敵自己至申賊
 眾始敗奔向深箐逃遁彭元錦部兵當陣斬獲
 賊級壹百玖拾柒顆江騰龍陳策吳時喬陳九
 經等部下共擒斬壹百叁拾壹名顆俘獲賊屬
 壹百伍拾貳名口賊仗貳拾柒件投崖死者無
 算陣亡土兵貳名殺傷及矢石所傷貳拾貳名
 貳拾肆等日又據把總周思賢張金防守龍溪
 地方督兵搜山共斬級叁顆時報黔兵於烏江
 河渡失利賊中姦細倡言楊應龍親統老虎軍
 拾萬專力攻楚一時將領莫不疑懼以退守為
 請貳道恐訛言惑亂軍心當移會總兵陳璘榜
 諭官兵奮勇討賊有進無退但有訛言惑眾者

平播全書

卷五

十五

以軍法處斬於北羣心稍定肆月拾捌日奉巡
撫偏沅江都御史憲牌照得本院奉

命巡撫偏沅征剿播酋業已無程抵任訖但彼酋近
日動靜情形尚無的報軍機重務難以料理相
應偵探以便經畫備牌仰道嚴督該管將領差
人遠去哨探第九逆首一應緩急的確消息具
揭馬上飛報本院以憑調度施行奉此依奉移
行總兵陳璘嚴督將領偵探賊情相機進剿隨
據鄉導朱明祥鍾明顯把總吳嘉隆等共招引

李播全書

卷五

今六

又

張四蔡向陽等壹千叁百伍拾柒名赴道鎮投
見審實給發旗號免死隨便安插野猪山餘賊
退併青蛇長坎瑪瑙保子肆圍合力拒敵叁月
貳拾陸日總兵陳璘進營楠木橋使白元潔統
兵前去湄潭規賊動靜揭稱肆圍絕險而青蛇
尤險相傳曾經陸征弗克元潔領兵不滿壹千
賊見兵寡發叁肆千賊徒下圍過河元潔督兵
奮勇距河迎敵將火箭銃炮齊發賊衆難當我
兵乘勝過河追至長坎圍下斃死穿紅旗賊貳

人餘賊不計其數賊將身屍鈎搭馬上走訖當

陣斬獲賊級貳拾貳顆各賊遁回圍上自圍隨
調龍泉路為事官楊惟中帶兵前來協哨肆月
初捌日總兵陳璘馳至湄潭午時發兵哨伏會
天雨大作探得肆圍左通叁渡右聯板角相距
甚邇彼此可援若同日併攻則兵力忌分若止
攻壹圍則叁圍相助再三審度遂令副總兵陳
良玘都司錢中選督兵指揮劉之屏梁廷祿等
兵在荆條流河渡取道至圍後路又令參將王

平播全書

卷五

今七

李朝

一柱謹守板角關以防賊逸初拾早召集大小
將領授以方略懸以重賞分別奇正布置已定
督令找搭浮橋本日申時先遣楊惟中白元潔
陳九經各選帶精兵於深夜竊至圍脚埋伏拾
壹日卯時該鎮親督遊擊江騰龍陳策都司吳
時喬各統兵并續到守備李大諫帶領家丁鼓
譟而進各賊下圍迎敵連戰數合當有把總戴
宗茂朱萬乾冒死衝前各斬壹賊即時各賞銀
牌拾兩餘兵奮發四面敵殺各賊奔潰當陣斬

級參拾玖顆餘賊退據高圍滾木榴石弩箭如
兩天晚收兵壹更時分復發陳九經白元潔等
領兵仍去埋伏又發兵壹枝堵截青蛇圍口拾
貳早總兵陳璘復躬督諸兵奮力齊擊各賊仍
前拒敵自己至未大戰參合木石如雷我兵用
竹木牌笈抵敵多被打碎有把總吳應龍李元
敬吳嘉隆等官兵奮不顧身向前將百子發煩
烏銃火箭亂發打死各賊墜跌深崖而死者不
計賊始大敗參坐連破當陣斬級伍百壹拾肆
顆俘獲賊屬肆百名口賊仗柴拾伍件牛伍拾
伍頭餘賊遁向深箐潛走獨有青蛇圍肆面斗
絕無路可通其險更甚但參圍既破青蛇圍之
賊益覺孤危時奉偏沅撫院差守備劉允康張
懋傑前來督陣總兵陳璘力會各偏裨購取死
士并鄉導於拾叁日壹更時分密導守備陳九
經白元潔把總吳應龍朱萬乾李元敬等從瑪
瑙後山披荆覓徑附葛攀崖竊至青蛇圍後又
令陳策楊惟中李大諫督把總葉占春等領兵

壹枝從圍前江騰龍督把總周思瑾等兵并
順目兵從圍左都司吳時喬督把總向日葵等
并保靖目兵從圍右列陣圍劉侯圍後奇兵舉
炮一齊夾擊拾肆日午時後路兵到隨放銃吶
嗽前路官兵銃炮齊發各賊倉惶迎戰斬死數
多陳九經白元潔吳應龍等將火磚火毬拋入
圍內延燒茅屋賊救不暇退入圍內申時兵臨
圍下火銃勁弩射死無數賊斬木柵榴石傷我
官兵陣亡清浪衛名色把總胡世華哨官申應
魁被傷兵數拾人各兵奮勇用挨牌竹笈抵當
直薄圍上排柵之下斬去貳層會天色已暮分
兵周圍劄守貳更時分賊向後路衝出欲遁被
伏兵起殺急退回圍拾伍日自辰至午連戰拾
陣陳九經白元潔李元敬遍身皆被賊矢緣衣
甲堅厚未傷各兵奮勇衝前須臾斬賊級貳百
貳拾參顆各賊喪氣固守我兵復用百子發煩
等銃火箭火磚噴筒等器攻破圍後賊始大敗
陳九經白元潔冒刃先登前路遊擊陳策江騰

龍都司吳時喬等永順舍把彭宗惠彭勉忠張良弼保靖土舍彭象崑及守備李久諫各督兵由前路斬入彼此夾擊當陣斬級壹千零伍拾玖顆各賊奔潰藏縣林箐被各官兵搽剿斬級捌百壹拾捌顆內驗出大賊首尚守忠張雲鏊首級貳顆俘獲賊屬陸百陸拾捌名口賊仗米拾玖件投崖墜死者無筭巢壘盡空拾陸日午後收兵整捌將進峯渡關防守把隘把總張鵬舉去巡檢陸炳土官安養極等呈解搜山斬級壹拾捌顆遊守陳策陳九經報效生員唐顯縉撫出勾金霸腊水茅坎等處苗民鄭廷興杜華等男婦陸百捌拾名口把總曹仁佐歐陽坤周思賢鄉導陳思學等撫出羅卜汝楊顯廣苦竹霸屯黃等屯苗民屯軍田任舟等男婦壹千柒百柒拾柒名口俱經審實安插總兵陳璘探得大小三渡關俱結石爲閘架木爲樓兩山峭壁險阻難伏該鎮躬督白元潔陳九經帶把總吳應龍等兵自中路進攻大三渡遊擊陳策督把

總葉占春田種蘭李佩兵由關左進都司吳時喬督把總秦崇向日葵拜爲事官楊惟中督把總李君寶陳効忠陳嘉禮等兵由關右進其小三渡則遊擊江騰龍督把總周思瑾薛維爵由中路進守備李久諫督把總王可大馮碧等兵由關左進守備王之棟督把總宋守忠兵由關右進定分信地重懸選鋒銀兩下令於貳拾叁夜叁更時分銜枝前進次早寅時各到關前舉炮吶戰當有大三渡一賊騎坐黑馬頭頂紅盔身披鎖子銅甲統老虎軍突出迎戰我兵奮勇大發銃炮火器打死數拾賊卽退回據關斬放石棚自卯至巳兵不能進陳策於關左覓一小徑攀藤而上各兵躡尾而登賊弩亂發策身被數矢家丁陳勝奮前斬獲賊級貳顆都司吳時喬爲事官楊惟中俄從右山督兵緣崖前進兩軍夾擊賊力遂分總兵陳璘分督白元潔陳九經領兵中路擁進賊三面受敵我兵斬柵賊遂敗走當卽乘勝追至第三重關賊勢窮迫退入

第肆重關因兩翼官兵未到賊復搗石拒敵
 戰數合我兵競用挨牌蔽其矢石直薄關下斬
 去排柵殺入第五重關各兵奮前將噴筒火箭
 西瓜等炮向賊攻打賊始大敗當陣斬級肆百
 肆拾伍顆俘獲賊屬肆拾名口賊仗拾肆件方
 登高屯兵遊擊江騰龍報至是日寅時攻打小
 三渡關關口僅濶三尺猿簷櫛比難以前進隨
 取茅草填墊又令守備李大諫帶兵由左山取
 道王之棟帶兵由右山小徑進兩面夾攻江騰
 龍督把總周思瑾等兵自關前正路併力齊擊
 賊應接不暇攻破關門斬獲首級叁拾伍顆餘
 賊披靡退據一壘分兵包圍用火延燒賊乃衝
 出接戰我兵又斬級壹百陸拾肆顆其餘潛遁
 又據永順保靖土舍彭象崑舍把彭宗惠張良
 弼把總張鵬舉曹仁佐土官羅承恩等防守把
 隘督兵梭山斬獲賊級叁百玖拾貳顆就該守
 備陳九經督同鄉導把總陳紀哨官楊華與伍
 司把總劉一清上官楊鯨等招下青蛇等回本

村鐵絲繫等處苗民大小男婦肆千零陸名口
 開報前來審發該地方安插各官兵乘勝直向
 海龍回伍月初陸日總兵陳璘躬董官兵直薄
 圍左劄營協同川貴各兵相機攻打拾貳日楊
 賊突出飛虎關迎敵永順司土兵衝前斬獲賊
 級肆顆為事官楊惟中守備陳九經等各兵自
 水坑遙直上斬級柒顆賊奔回圍拾叁日復發
 兵進攻楊賊率黨出巢拒戰藥矢如雨傷我官
 兵當有楊惟中并接管廣右營把總戴宗茂奮
 勇向前齊發銃炮各賊怯退我兵趕前斬獲賊
 級陸顆陣亡兵壹名貳拾貳夜貳更時分各賊
 潛出來衝陳九經營壘本官督兵戰至肆鼓把
 總劉一清奮勇帶兵血戰衝殺斬獲賊級肆顆
 餘賊奔回遊擊陳策守備王之棟聞警督兵往
 援遊擊所部把總葉占春斬級壹顆王之棟兵
 斬級伍顆貳拾叁夜為事官楊惟中劄守河溪
 賊是夜竊出偷營督兵截殺斬級叁顆貳拾伍
 夜賊復來偷營都司吳時喬督把總向日恭斬

級壹顆貳拾陸日白元潔伏塘目兵又於園下
箐林斬獲賊級貳顆俘獲婦女幼男各叁口時
參省官兵攻圍踰月卒難破取看得園後稍平
勢有可圖貳道與總兵陳璘計議於園左豎立
排柵圍至園後鱗布櫛比以防夜衝賊又在敵
樓亂放藥弩拒我官兵總兵陳璘因置鐵牌壹
百餘面步步挨前逼近賊固相離丈許我兵得
地賊之弩箭不能放射我兵遇夜放發板於柵
外賊人夜出偷營每為釘傷我兵又將火器擊

平播全書

卷五

九

李

賊自後賊不敢輕出至初肆日該三省監軍公
同各鎮總兵官議允分定日期責成攻打陸月
初伍日屬劉李貳總兵初陸日屬陳吳貳總兵
至是先夜兩道會集總兵陳璘并副總兵陳良
玘王鳴鶴及參遊等官王一桂陳策江騰龍宋
大斌都司吳時喬錢中選守備陳九經白元潔
王之棟朱桂芳楊惟中等商議停當將各官兵
懸賞鼓舞初陸日伍鼓總兵陳璘躬統前行偏
沅撫院差來守備劉允康張懋傑各執

令旗牌隨後督押齋至園下寂無聲息總兵陳璘

令陳良玘陳策陳九經把總吳應龍李元敬戴

宗茂從左王鳴鶴王一桂宋大斌錢中選朱桂

芳楊惟中從右江騰龍吳時喬白元潔王之棟

把總吳嘉隆并指揮陳九德祖浩武生盛國用

等從中各銜枚前進從山坡蟻附而上殺死守

城賊貳拾餘人陳吳貳總兵督同陳良玘等各

將領官兵并參將鄧鍾績到廣兵襲後進城舉

炮叁聲各賊驚惶奔潰官兵奮勇衝殺應龍聞

知卽同愛妾周氏何氏懸梁自盡左右放火焚

燒間總兵吳廣守備陳九經打開樓門直登其

上吳廣為首陳九經為從衝火取出全屍白元

潔親獲首妻田氏并官憲司銅印壹顆篆文

係播州宣慰司印陸字肆角俱全遊擊陳策親

獲逆子楊惟棟哨官嚴韜擒獲楊以棟報效武

生盛國用擒獲楊良棟并偽內官四慶舍人鄧

光汴擒獲楊奇棟并良棟乳母老趙秀與家人

阿十中軍指揮馬一龍擒獲楊勝棟舍人孟鄰

平播全書

卷五

九

李

卿擒獲逆賊孫嵩壽舍人許英擒獲偽內官雙慶逆賊孫春壽并逆賊女真惠又擒朝棟女性福朝棟妻田氏陳九德擒獲逆賊女真瑞并楊良棟妻田氏偽內官陶鳴陽兵雷四擒獲逆賊女真福并其乳母任秀軍人嚴福擒獲楊以棟妻田氏名色把總陳歷擒獲楊勝棟妻田氏偽內官金牛指揮祖浩生擒賊首何漢良報效承差區良相擒獲偽內官天保軍人區志績擒獲偽官官善奴會元指揮牛桓擒獲偽內官楊富并逆女真惠乳母善秀名色把總陳欽擒獲偽內官閔元官桂慶祿名色把總蕭聲擒獲逆首使婢元秀篆秀家丁劉宦擒獲使婢善緣齋嬰家丁鍾位擒獲朝棟妻乳母金蓮并嵩壽乳母祖秀家丁華世春擒獲性福乳母李氏春壽乳母顏氏哨官林新擒獲真瑞乳母春鳳使婢五奴舍人鄧樞擒獲楊勝棟家人同生共擒斬壹千叁百玖拾伍名顆俘獲賊屬貳百貳拾叁名口又奪獲偽驃騎將軍鉛關防壹顆賊仗叁百

貳拾伍件諸葛鼓營箇陣亡兵伍拾柒名陣傷兵叁百肆拾捌名當卽於國上會同三省道鎮將楊應龍全屍并印信典首妻田氏等審驗明白續據守備李大諫督把總蕭鳴時王可大等并永保土兵剿撥各山斬級柒拾陸顆以上共計擒斬賊徒賊級陸千零柒拾捌名顆俘獲賊屬壹千柒百貳拾肆名口投降招撫共玖千陸百肆拾捌名口賊仗陸百柒拾柒件牛壹百捌拾捌頭除將賊首楊應龍全屍賊妻田氏并逆子楊惟棟兄弟及各妻田氏等賊首何漢良并宣慰司銅印壹顆已該總兵陳璘差遊擊宋大斌把總白元潔領解本部院取獲批迴續據總兵陳璘審出賊屬楊惟棟妻田氏田一鵬妾何氏并獲鉛關防壹顆諸葛鼓壹箇長鎗壹百肆拾肆件斬馬腰刀大弩共壹百捌拾壹件除長鎗發平溪衛寄貯其田氏何氏腰刀大弩俱經該鎮差官解赴本部院審驗訖此白泥壹路所獲之功也又查得統領龍泉壹路官兵副總兵

陳良玘統率偏將叅將王一桂都司錢中選原
任守備徐允爵立功守備楊惟中洞庭守備朱
桂芳中軍指揮徐時達旗牌官葛倫郝朝中等
至期各由龍泉司攻剿除黔兵攻次遵照貴州
巡撫郭都御史憲牌聽該省查敘不開外貳月
拾陸日陳良玘劉營受水令塘報官趙志定把
總陳大順領兵哨伏芥子菌擊獲播賊胡興仁
審係巡警朱敬管下差運糧米進播州脩園及
哨探肆路官兵消息又於大灘擊獲姦細王原
審係楊酋統兵提調趙仕登管下差出偵探各
路官兵多寡進兵日期回報領兵應敵至貳拾
陸日鄉導王宣明招出統制表守剛下提調趙
正芳盧順周廷貴等肆拾肆名口初捌拾壹日
哨官唐文燦黎世文等招撫出播民方自朋并
被播酋執留屯軍王世奇等捌拾柒名口叁月
初玖日苗賊燒劫青岡山報效生員朱承化生
擒壹名叁月拾叁日陳良玘令叅將王一桂督
發施南散志共建三司宣撫覃宜覃玉鑑田天

爵忠峒高羅大旺三司安撫田大豐田阜田泰
民蠟壁東流貳司長官田洪田畫忠盤順司親
舍向明德喇咭陸寨土百戶向權峒長向景忠
向教向明翔向世奇向化枝各土兵攻打唐保
所播賊惡目羅淳等對敵部斬伍顆奪獲賊仗
拾件馬壹匹俘獲賊屬壹口即日陳良玘密令
王一桂督發施南等攻司陸寨土官覃宜等官
兵指揮唐一麒中軍百戶張煇千戶趙承烈等
於拾肆日攻打關崖圍賊兵拒敵矢石如雨我
兵奮勇前後夾攻克破險圍拾伍日寅時嚴督
官兵乘勝攻破板角關當陣斬級壹百捌拾柒
顆生擒頭目龍潘祥墜崖而死者不計其數同
日千戶孫應期百戶張煇塘報官趙志定鄉導
黃仁普朱承產等招出標頭劉大魁宋正隆董
國相等肆百玖拾名口拾陸日陳良玘密令把
總王世忠領兵偵探苦竹關把守苗兵俱赴板
角應捕所存無幾當日乘隙攻燒先登關隘招
降苗等伍拾柒名拾捌日千總周世祿報

效爰昌應期招撫出播民肆百肆拾叁名口又
同指揮劉之屏等取出屯軍黎世華等陸百伍
拾肆名口是日馬步苗兵萬餘至板角關前兩
路包圍當令叅將王一桂統率指揮唐一麒中
軍官張焰千戶孫應期同施南政司陸寨土兵
分哨迎敵自寅至未斬級壹百柒拾肆顆拾玖
日令千總周世祿把總戴天球鄉導黎世文等
攻打寶子園共斬叁顆貳拾日令把總陳大順
丁慶等領兵攻剽葛瀾冲斬級柒顆招出播民
林正鑾等貳拾玖戶貳拾柒日令小中軍金嶠
陳其可等領兵伏哨於黃沙園并板角關口野
兒礮斬級肆顆取出屯軍周瓚等壹百柒拾捌
名口報效知印陳其忠同把總朱承中等招降
把守苦竹關兵龍廷爵等叁拾叁名千總周世
祿招出播民廖朝祿等陸拾柒名口肆月初陸
日千戶孫應期中軍官張焰指揮唐一麒撫出
楊應龍族舍楊海等壹百零叁名口初玖日陳
良珙令叅將王一桂督率中軍張焰指揮唐一

麒千戶孫應期同施南政司陸寨土兵前後並
進攻剽川崖青山貳園斬級壹百肆拾壹顆肆
月拾壹日陳良珙親自督兵攻打趙生坎分兵
夾進中軍指揮徐時達等領賀國欽江天濟舒
學乾等從後路攻打指揮劉自西領向日明張
廷崑等從前路攻打酣戰自辰至酉賊敗斬級
伍拾陸顆當夜收兵於保子園下至拾貳日乘
勝長驅攻過長坎險園斬級伍拾捌顆奪獲賊
仗捌件俘獲男婦壹百壹拾陸名口拾肆日陳
良珙督同中軍官徐時達金嶠指揮劉自西陳
其可把總丁慶各領兵攻剽劉木窩驛子坎斬
級貳拾陸顆奪獲賊仗拾壹件招撫安顯政等
壹拾陸名口拾伍日陳良珙令叅將王一桂督
發施南土兵出哨魚溪苗賊衝突斬級貳顆生
擒叁名奪獲賊仗伍件紅旗壹面巡警朱敬統
日密遣塘報王朝興潛往偵探得實於拾捌日
發兵分部中軍等官徐時達劉自西陳其可陳

大順丁慶陳其忠協同土官向日明張廷崑張銘攻打賊圍正遇首惡巡警朱啟親領馬步苗兵賈勇前來衝突我兵肆路截殺自寅至申賊衆敗潰當陣斬獲朱啟首級壹顆并從賊參拾陸顆奪獲賊仗盈甲玖件紫馬壹匹招降唐習祖等叁拾柒名貳拾壹日陳良玘督令中軍徐時達金嶠指揮劉自西陳其可把總丁慶陳大順陳其忠領兵攻剿攔竿坎鴿子岔斬級壹拾肆顆奪獲賊仗拾壹件撫出播民田興順等捌拾陸名夷苗壹拾陸戶貳拾貳日陳良玘令參將王一桂中軍官張煇指揮唐一麒督同散毛司土舍覃可符發兵哨探於長坎青蛇後路遇賊衝突接戰斬級陸顆生擒貳名俘獲賊屬肆名伍月初壹日各官兵進關遇賊塘伏青水橋箐林出戰金嶠陳其可指揮劉自西率兵應敵斬級拾叁顆奪獲賊仗拾件俘獲賊屬壹拾陸名口招撫夷頭把事李紹仁等貳百壹拾柒名口以上招撫并取出被虜軍民男婦通共貳

千陸百貳拾捌名口俱經審發安插又令守備朱桂芳茅岡土官覃宗伊分兵攻剿鷓鴣窰圍斬級壹拾壹顆招撫丹雲祥等玖拾陸名陸月初陸日隨總兵陳璘攻進海龍圍斬級捌拾貳顆生擒貳拾貳名俘獲賊屬壹百玖拾伍名口奪獲賊仗貳拾壹件先後陣亡兵玖名陣傷兵貳拾捌名前後斬級捌百貳拾陸顆生擒貳拾玖名通共擒斬捌百伍拾伍名顆俘獲賊屬男婦貳百捌拾玖名口招撫并取出被虜軍民男婦共貳千陸百貳拾捌名口奪獲賊仗捌拾陸件馬貳匹此龍泉壹路所獲之功也該貳道會同辰沅兵備道查得白泥龍泉貳翼楚兵功次除楊惟中長坎圍部斬壹百伍拾柒顆查係殺降冒功已經刪削不敘外其餘官兵功次以擒斬則陸千玖百叁拾叁名顆以俘獲則貳千壹拾叁名招降壹萬貳千貳百柒拾陸名奪獲賊仗柒百陸拾叁件牛馬壹百玖拾伍頭俱係紀功委官紀驗實數鑿鑿有據者看得楊酋匪茹典

國為讐萬姓荼毒參省震驚孰不以為非可以歲
月克者乃自出師以來甫參月有奇而元兇授
首黨與悉擒千年虎狼盤踞之窟一旦掃蕩無
遺上足以伸

中國之威下足以洩生靈之憤其他狡黠土司獷
悍惡苗無不落魄亡魂西南平壁天下可永無
虞矣

朝廷威福本部院方略所致斷非文武將吏敢貪
天功為己力者惟是各官兵暴露行間勞苦萬狀不

平播全書

卷五

二百四

卷五

可不查欽也等因各造冊呈詳到臣案照先該

江西真人府下舍餘張時照等并播州里民何

恩等各奏稱土酋楊應龍殺死岳母嫡妻等命

閩割民人為太監奪占幼婦為繡女殺死長官

抄沒親叔又於白石口拒敵官兵等事節該兵

部覆奉

特旨遣總督侍郎邢玠勘處事完具題本部覆奉

欽依移咨前來欽遵外萬曆貳拾陸年間節該前巡

撫四川右僉都御史譚希思題為夷自投田構

孽等事前巡按四川監察御史王明題為土酋

萬騎殺虜內地等事兵科給事中侯慶遠題為

狡酋恣橫弄兵等事兵科都給事中張輔之題

為目前防播剿倭第一急務等事前巡按四川

監察御史趙標題為播事勘處無期狂酋殺虜

日甚等事貳拾柒年間該巡撫貴州右僉都御

史江東之題為狂酋肆行劫虜等事又該巡撫

湖廣右僉都御史支可大題為叛酋集兵猖亂

等事節該兵部覆奉

平播全書

卷五

二百五

卷五

聖旨楊應龍違斷稱兵合當防剿這所議都准行著

各省同心相機行事欽此又該兵科都給事中張

輔之題為島倭廓清土夷紛構乞

初部議相度道里遠近分設督撫重臣以消隱憂以

維大勢事該吏部覆奉

聖旨土酋肆擾四川巡撫准改總督著便推素有威

望堪任的來看欽此又該吏部題為欽奉

聖旨事奉

聖旨李化龍著以原官起改總督川湖貴州軍務兼

理糧餉巡撫四川地方寓勅與他欽此又該巡按
貴州監察御史宋興祖題為播酋大殺官兵等
事該兵部覆奉

聖旨這叛首圍劫事情著該巡按御史嚴勘具奏李
化龍并郭子章係部裡差人催他到任俱限五月
內接管行事劉綎也著再催先帶家丁馳赴四川
俱不許任情延緩致誤事機其餘應該區處的上
緊著議來行欽此又該貴州撫臣江東之題為播

酋狂逞益甚等事奉

平播全書

卷五

百六

七

聖旨楊應龍輒敢糾苗殺官好生悖逆可惡著即催
督撫李化龍及劉綎著遵前旨一併星馳到任調
兵進剿不許延緩滋蔓餘俱依擬行欽此俱經移
咨欽遵在卷該臣聞

命馳赴四川交代隨會同按臣趙標

題為土酋糾領苗兵劫掠內地事奉

聖旨楊應龍罪惡多端朝廷念其先世恭順姑准贖
死乃敢逆天背恩屢次狂逞今又公然領兵內犯
罪不容誅且彼處撫鎮文武等官何故任其竊發

不早偵報原議招兵何故至今未備欺蔽玩縱莫
此為甚該科便叅看了來係部裡即速馬上差人
著李化龍嚴督所司慎加防禦准便宜行事不許
有誤機事一面速行料理兵食應付其劉綎世受
國恩又今敘功在通特寄重任待之不薄何為還
延逗遛不為朝廷盡力使馬上嚴催他去若有別
情著他早奏將來毋得誤事不便欽此又該臣
題為循例

請設兵將等事本部覆奉

平播全書

卷五

百七

七

聖旨該鎮督撫新設事權宜重這編選標兵推補將
官調用各省兵馬議處糧餉等項都依擬行軍務
重大必須事事從實不許徇情顧面因循虛假各
鎮亦宜同心助力毋得坐視陳用賓沐歡陳璘等
都馬上行文與他知道山東防倭等兵著精練好
的差忠勇將官領去還立限與他欽此又該臣
題為急報播酋陷城殺將等事奉

聖旨綦江失守蜀事甚急可憂著該總督率屬勵兵
相機防剿不得仍蹈前人玩縱輕率等弊合行事

宜作速奏來陝西延綏甘肅浙江等兵俱准如數
調發仍著揀選精銳刻期赴援軍火器械給與隨
營應用各鎮官同心協濟不得有分彼此漢土諸
兵到日仍著劉綎提督伊素稱忠勇欲以功名表
見你部馬上再行諭催著他奮身報國延綏入衛
兵還再議來餘俱依擬欽此又該臣會同按臣趙
標

題為播防孽盡正殷等事兵部題為軍務事節奉

聖旨是川費用兵雲南兵將許總督徑自催調領兵

平播全書

卷五

百八

臣

參遊而下併聽節制監軍司道准設著精加選調
務裨實用不許採取虛名及因循資次乘機借用
私人其備用將領兵事增置總兵中軍俱依擬戰
守機宜著督撫慎加相奪而行不從中制有能擒
斬揚應龍首級來獻的不論漢土官民人等破格
酬功你部裏還明白議擬陞賞等級來行風示天
下欽此又該科臣張輔之題為叛賊臨城殺將等
事本部覆奉

聖旨徵兵救蜀已有明旨但恐路遠不能即至這本

欲兵部定限責發說得是還馬上差人守催務將
見在熟練精兵選去若托故遲延以疲駑塞責事
發各鎮同罪劉綎吳廣陳璘等都著催他兼程去
總督事權原重川貴又係將敵奪化龍者用心率
屬賜劔准給發不用命的許先斬後奏兵部知道
欽此又該四川餘慶長官等司長官毛守爵等
奏為遂首悖

旨不道構苗殺官等事本部覆奉

聖旨楊應龍世受朝廷養眷恩厚犯罪以來又屢蒙

平播全書

卷五

百九

臣

曲赦不思感激改圖却乃稱兵犯順荼毒生靈攻
破城池殺將士好生極惡滔天亟宜誅剿朕心
獨斷更無矜疑一切用兵事宜除已行未盡的陸
續奏來兵費著戶兵二部如數即便先發以後不
時開請接濟軍中用人舉事務要詳審精實一一
濟用不許濫收談士遊徒及僥倖輕舉糜財無益
奏民著盡數發回各督撫衙門從宜鼓舞聽用仍
須密訪詐冒反覆等情不許潛留京師混擾如違
若該衙門嚴行驅逐欽此又該臣

題為再報逆酋情形等事前按臣趙標題為捕兵
歷境等事科臣張輔之題為苗孽業已橫潰等
事本部覆奉

聖旨逆酋敢行稱亂亦因處置失宜今各官尚循襲
敝套苟且支吾蔑棄法紀玩視明旨但只畏賊不
知畏法何由討逆正罪靖亂安民者嚴加申飭惟
法是舉不許縱容巧玩再致失策內行查一事還
立限與他不許徇情欺隱欽此又該都察院左都
御史溫純題為逆酋猖獗

平播全書 卷五
天討難容等事奉

聖旨俱依擬著實行不許諸人因而飾虛雜私以誤
大事劉綎屢有旨了還著他星夜兼程赴任行事
欽此又該工部左侍郎趙可懷題為患在剝膚
敬陳一得等事奉

聖旨銀兩准解發軍興為急編派著照丁糧出辦毋
以優免靠損小民欽此又該臣
題為夷氛甚惡
天討宜彰等事奉

聖旨楊應龍稔惡當誅朕前因其頗立微功姑從撫
處恩德甚大這廝不思報效卻乃稱兵犯順殺將
破縣背天藐國豈有再赦之理已經屢旨進剿著
遵奉行其餘該部看議來說欽此本部覆奉

聖旨西方有事特設督臣一應討逐進止機宜調遣
兵將分布攻守悉聽便宜行事關係緊密的不妨
先發後聞將吏臨敵逗遛并失機情重的亦許先
斬後聞朝廷賞罰明信責在按臣嚴查的實毋徇
偏聽致有參差督撫鎮道宜矢心協謀毋分彼此
逆酋慣以賄賂為巧計但能舉受者以功論若隱
忍收受即係通賊重處不饒欽此又該臣
題為郡城偶值兵變等事奉

聖旨劉綎著改南京右軍都督府僉書員缺便令推
來用萬鰲榮尚仁革了任李光祚等行巡按御史
提問與各項贓罪俱查明具奏李化龍著相機移
駐調度參省道鎮官兵併力協謀決意殄賊合用
錢糧戶部上緊處發與他其漏洩處播事情遂黨
還著緝事衙門訪拏重處餘俱依擬欽此又該臣

題為逆酋狂逞有日諸將觀望成風等事奉

聖旨童元鎮改貴州總兵官原旨著他馳赴管事不必候代如何至今未到君命嚴重軍機緊急恣意逗遛本當拏問姑念用兵之際革去總兵職銜充為事官管總兵事立功贖罪李應祥准以原官起用貴州總兵聽用國家養士甚厚酬恩不薄望濟不時之用各官平居驕蹇恣肆遇警退縮遷延巧擇便利專圖推諉負恩玩法於心何忍軍法尤宜嚴肅以後有故違不遵的即以賜劔從事毋得姑息容奸餘依擬欽此又該臣

題為瑣陳軍前緊要事宜等事本部覆奉

聖旨是逆酋罪惡滔天更無可赦軍中機宜悉皆責成總督各官宜協謀共剿不許參差若有妄生機械流言遊說顛倒是非熒惑耳目的在內聽部院科道在外聽總督撫按不時來重處毋容姑息欽此又該臣

題為播賊分道突犯全黔等事奉

聖旨貴州孤危著總督上緊與各鎮撫應援兵馬若

少惟再酌量調募另給糧餉與他廣西雲南湖廣各兵俱要齊赴信地戰守不許逗遛觀望童元鎮堪否策勵及應拏應換總督務遵照屢旨及今部覆從實行不得姑息陳寅等若再到來重處朝廷不中制該督撫宜協心力任相機行事欽此又該戶部題前事奉

聖旨是糧餉用兵緊務難待奏報輾轉鄰省應解的著總督遵照屢旨嚴行催取該撫按不許執留短少致誤軍機以後不敷任總督便宜徵發借助不必一一奏請仍先儘貴州免令告匱若有抗違不遵的指名來處治欽此又該臣

題為播賊狂逞未已貴竹物力難支等事本部覆奉

聖旨川貴督撫道將俱已近播彈壓惟湖廣兵將不齊餉又未備儻致失機巡撫豈逃其責但偏橋既設總兵大師聚集楚地遼遠

陵寢所在尚恐巡撫一人顧管難周欲添差一官前去督理監視事寧與總兵一併裁革余該部遵會

同吏部都察院議處來看童元鎮延遲太久著戴罪管事能上緊殺賊卽典題復若再推諉怯懦不必待他失事總督便遵照沈尚文例一面扭解送京一面另委賢將暫署請旨其副將以下不用命的卽以賜劔立斬狗衆毋令參差不整總督務遵旨行毋得疑畏視為虛文致誤事機罪有攸歸欽此又該貴州撫臣郭子章題為播寇突出充斥興隆黃平之間等事該戶部覆奉

聖旨是貴州孤懸著總督將供餉銀兩先儘支發仍遵前旨於鄰省堪動錢糧內先動後題逆酋抗亂

晉天同讎各省直官宜請助兵餉豈得托言違旨支吾推諉著通行與他每知道欽此又該巡按四川監察御史崔景榮題為將官赴任違限乞

賜究治等事并條列陸款俱該兵部覆奉

聖旨是劉綎著回原衛軍機緊要一應調發錢糧兵馬及遷轉文武官員凡經題准的著通行各該大小文武衙門急急火速奉行如違指名參來俱加等重處決不輕貸三省將吏兵士著總督振肅紀

綱中嚴號令仍須審度機宜以全取勝如有岌岌敗度及畏縮巧避與輕舉妄動違誤節制的都依軍法從事不許姑息致妨大計欽此又該臣題為

天討方張師期在邇乞留調用大將分路進剿等事奉

聖旨劉綎屢經參論已著革任懲創既該總督進兵在邇分布已定一力保來姑准充為事官領兵剿賊著他奮勇報效有功一體敘賞如再負恩驕縱

誤事重治不饒欽此又該臣題為播賊侵犯黔境攻陷土司等事貴州撫按郭

子章宋興祖題為播賊殘破孤懸土司等事奉聖旨童元鎮陳良珙姑記這遭候事完通議楊惟中

本當擊問鞏去見任職銜取死罪招由充為事官戴罪管事近來軍紀不嚴明旨中飭不啻再三各

兵將往往違玩通不遵守何望克敵成功李應祥等是何緣故至今未到著各該撫按嚴查飛奏不許徇情回護如違一併治罪不饒欽此又該臣

題為播賊造逆奉

天征討恭報師期等事又該按臣崔景榮題為兵馬

既集進征在邇敵陳一得之見等事奉

聖旨用兵深戒妄殺尤當敬慎始終不但進取之時

須有犄角即克勝以後時時宜整隊肅防以嚴重

為主毋得徒事姑息及疎脫縱弛致憤狡計仍禁

戩各將不許爭妬參差暴掠騷擾進止務稟節制

違者雖有功亦以罪論總督還預定方略詳申法

禁使人有所遵守但不得過為掣肘令失機會不

平播全書

卷五

五

五

用命的遵照屢旨行該奏報的從實奏來威福朝

廷大權寬嚴自有斟酌功必不遺罪必不宥以必

得罪首為期苛細亦所不計餘俱依擬行欽此臺

臣李時華題為師期伊邇謀貴萬全等事奉

聖旨軍中事屢旨悉付總督朝廷不從中制今正進

兵著李化龍慎重周詳勿得率易偏聽嚴申法紀

齊合衆心如有觀望逗遛妬害攜貳的即時處置

重則以賜劄先斬後奏毋務姑息欽此又該科臣

桂有根題為剿播安邊不容再誤等事奉

聖旨是西征機宜著督撫遵照屢旨用心行事朝廷

既不中制務須相時審勢處置得宜毋貽後患欽

此又該戶科都給事中李應策題為看詳章奏

賊勢漸復舊轍等事奉

聖旨是童元鎮等李應祥等俱已有旨了進剿除兇

屢經申飭大兵既集著緝密機宜行事務須聰屬

參省互相犄角不用命者任總督從重處分不得

徇情姑息妨誤大事欽此又該臣會同貴州撫臣

郭子章湖廣撫臣支可大題為參省征播大勝

平播全書

卷五

五

五

蜀黔更破險關等事又該臣會同撫臣郭子章

題為黔路失律喪師得關復失等事奉

聖旨童元鎮失律喪師法所不貸著督撫選差的當

官扭解來京審實究罪謝崇爵臨陣先逃即以賜

劄處斬張秉忠張澍姑准戴罪殺賊責立後功仍

嚴行申飭大小將領俱要奮身力戰毋蹈覆轍取

罪不饒安疆臣著遵照前旨宣諭及劉綎等各將

聯絡並進併心滅賊毋得有分彼此驕妬觀望以

致大軍久頓不解成功賞格具有在違國法凜然

決無少假李應祥著充總兵官換制勅與他餘依擬欽此續該按臣崔景榮駐劄重慶就近監軍又

該臣

題為滅賊在即庸將為崇等事奉

聖旨吳廣著革總兵銜充為事官戴罪殺賊立功自

贖欽此又該臣

題為丁憂事兵科都給事中侯先春題為征播機

會宜乘督臣關係甚重懇乞

聖明亟

平播全書

卷五

百八

七

勅從權移孝以收成功事本部覆奉

聖旨卿等說的是軍旅事大李化龍正值督兵決勝

之時當從權移孝力圖報國待蕩平賊巢處置悉

備方聽回籍守制著兵部馬上傳諭知之切勿頃

刻杜門致妨機務欽此又准兵部咨該臣

題前事覆奉

聖旨覽奏求歸守制固孝子至情但賊勢垂亡兵機

尤急關係西南倚託最重近該部糾公論請留朕

已有旨明悉宜抑情遵命視國如家事完終養有

期慎勿衰毀妨誤不准所請該部知道欽此除將

節次奉到

旨意轉行參省文武一體遵依外先是臣奉

命入川賊知罪在不

赦已統兵深入有擒

王剿叛之說遂破綦江且逼重慶地方洵洵皆謂

有長驅之志於時目前兵力略無可恃臣乃以

計緩之一面調兵一面移文詰責若未嘗絕之

者賊果信之即具文求撫且不西向臣因得以

平播全書

卷五

百九

七

徵調漢土諸兵急為之備其時賊氣張甚川人

畏之如虎臣發成都兵甫出門欲投錦江不復

肯東又聞綦江城守兵見賊來謀而走多投水

者止餘貳將與其家丁遂及於難臣念漢兵心

膽已碎土兵孤兔有情自非召客兵不可因

請調陝浙諸省之兵又念外兵之費甚侈往來途次

且生擾是不可多因於每省鎮止調壹貳千多

者參千共數省實僅壹萬其餘仍參省及滇

粵土兵也然西南人見外兵來莫測多少以為

天下之兵皆至矣自是漢兵之氣壯而上兵之心亦折無不樂為我用者時賊雖知調兵然以為虛聲嚇之如往日非實事也臣亦止在成都積糧治器若無事然不復東賊亦不疑比兵且集臣移駐重慶賊始知必剿頗肆衝突然我兵漸益未易得志也臣又念兵以壹路進既道狹不能容一有前卻不可復振因分為捌路又念路分而兵少賊厚其陣以衝之敗矣因令每路皆參萬以上每壹路皆可以當其全師又念關外賊黨多不可勝誅會兵部頒賞格至首重招降臣益推廣之但投戈者皆赦不誅臣又念兵無賞士不往會兵部賞格首言得賊者即以其家資與之臣益推廣之克關破圍各懸賞賞各以千萬計既川兵入關臣又恐其人自為心若九節度之師然因復委換察使張悌入總監之殺性滋盟務必得賊臣又恐賊事急詐降得以遷延至暑雨漸深我兵不能久因令但急攻之有稱降者斬使焚書無為所給時

湖貴之兵亦至圍下臣欲入營親監之會聞先臣之計臣恐營中遂懈惰不可用因不待成服既而草檄示以例應候代照常督兵有慢令者尚方具在令代中軍余德榮等再往監之臣又念賊圍後易攻圍前難攻時諸將壁圍下者各有分地因令以勁兵一枝壁其前其餘併力於後臣又恐諸軍士爭走賊財物或至亂行致有他虞因移文再四申禁臣又聞營中流言水西目把尚不絕賊恐漏軍情因移文令其退劄水西土官懼撤其兵退而引嫌曰吾不欲為亡播之續也時久兩兵士日在泥淖中至陸月之初肆而天忽晴初伍日遂破其貳城初陸日遂登其圍賊以滅亡總計捌路生擒賊首賊從壹千壹百貳拾肆名斬級貳萬貳千陸百捌拾柒顆俘獲賊屬伍千伍百叁拾玖名口招降播民壹拾貳萬陸千貳百壹拾壹名口全活被虜男婦壹千陸拾肆名口奪獲馬牛柴百陸拾柒匹隻器械肆千肆百肆拾肆件是役也自賊破碁江至剿

滅可壹年自進兵至滅賊百拾有肆日當捌路
對壘時土漢兵既參差不齊諸將領亦彼此觀
望播人劫於賊之積威人自為戰未易即克我
各路又糧運艱難時有脫巾之呼臣日夜催督
走使馳檄至數百千即兩省撫臣各路鎮道亦
靡不忘寢忘食或至頭須為白總之諸文武知
廟堂之意必欲滅賊故鼓之即應勞之不怨誅罰之
亦無敢嘯嘯者向更壹月而賊不滅暑雨久瘴
疫深我兵自潰無間賊矣該臣會同巡撫貴州
兼督理湖北川東等處地方軍務都察院右副
都御史郭子章巡撫湖廣等處地方兼提督軍
務都察院右僉都御史支可大巡撫偏沅等處
地方提督軍務兼理糧餉都察院右僉都御史
江鐸議照
國家方制萬里日所出入之邦悉為郡縣獨西南
諸省不廢土司蓋亦曰因俗而治與之相安云
爾貳百年來此輩犬羊之性不甚馴擾亦時有
之然未有若播首揚應龍之公然叛逆者則何

也蓋其地險其兵強其財力足以使鬼神通其
聲勢足以呼羣嘯黨加以年來方寓多事東西
用兵九伐之旌未遑南指彼遂時時狂逞亦時
時得志井蛙之見謂
縣官真無奈我何諸羣不逞如楊珠楊明何漢良孫
時泰輩矜其雄心或時有以公孫躍馬尉佗自
王之說進者賊亦念騎虎者勢不得下將曰等
死無且舉大名乎於是乎恣其狂圖淫怒以逞
而破城殺將鵠起西南之勢成矣夫天下非小
弱也九州四海兵非脆糧非乏也向賊逞形未
著
皇上不忍遽觀之兵曰吾且舞干吾且解網姑俟其
悔過而與之相安於無事乃不謂允人之性不
移也始
天怒赫然斷在必剿夫斷而敢行鬼神避之况此么
麼者乎蓋自進剿之
肯下
尚方之劍頒然後海內熊虎之師如雲而來京抵之

粟蔽江而上智士陳謀勇夫效力火燎毛山壓
卯賊即欲不灰飛煙滅亦曷可得已臣等嘗即
諸路之功而評敘之在四川則楠木峯峒賊黨
以為三窟謂天險不可升者也婁山關賊前門
我所必由賊所必爭者也海龍囤賊以為天造
地設人跡所必不能到兵力所必不能加者也
三戰而三克之賊力竭矣不亡何待夫賊黨自
戰其地猶易與也惟賊父子親在行間則諸賊
人人致死難與爭鋒該路到處與賊父子對壘
最快者九盤子之戰賊悉其精銳以付朝棟今
之從綦江進從南川回此其目中尚復有官兵
乎劉綎一戰而走之自是播人為之破膽尤快
者諸軍壁海龍囤下連月不拔綎至壹日而克
其貳城賊遂滅亡至今羣口囂囂然竟無敢沒
其先登之烈者法兵無選鋒曰北綎於諸路其
選鋒乎則綦江路之功也臣嘗言破賊關外宜
招降謂多不可勝誅也關內宜疾戰謂師不可
老也安羅陶洪參寨生口以數萬計勝兵以數

千計令貪功者以大兵初入必且多殺以報捷
勝之則傷仁不勝則損威矣而該路坐受其降
兵不血刃自是一戰而新郭通緝再戰而入崖
門關三戰而屢捷於水牛塘賊計無復之遂父
子相哭而上國矣當其戰水牛塘時川兵雖入
關去國尚遠湖貴兵在關外絕不相聞吳廣以
孤軍去國數拾里而結營犯兵法之所忌而卒
以得志自非其令嚴而戰力當不及此後雖以
講降誤事然有敵而奮竟以成功逆賊父子盡
獲其手終不失為全捷則水牛塘之功也南川
路最險最遠去國可六七百里賊以為官軍必
不能從此進當馬孔英之未至也高折枝以一
書生請自將土漢兵以往此固已雄偉不常矣
乃師期壹月之前先擣官壩營以寒賊膽而撤
回其龍象之兵且以解思石之危其事甚奇其
功甚大比進兵從真州入真人則箠食壺漿以
迎播人則棄甲曳兵而走居然有三代時兩氣
象時諸將方欲候各路消息方入關折枝夷然

曰若是則誰為當先入者策馬而前衆隨其後
覓以冬月初捌日奪桑木關而據之臣用是以
催各路尚有以肆月入者以伍月入者令諸將
皆折枝諸路皆南川滅賊當更早抵關而馬孔
英至則文武相得如樂之和自是日日約各路
攻圍有應有不應甚或以相誹詈而折枝不顧
也分攻令下諸將爭走後門該路獨壁前門夫
後門我易攻賊前門賊易衝我彼亦曰誰為宜
當賊衝者蓋亦先入關之意乎破圍之役後門
以貳路更番前門以壹路搏戰日夜揮戈入巨
其勇坐使賊自盡而遂黨無一逸者總 倡諸
路之先作三軍之氣令點帥不得以賊強我弱
借口而竟以奏功臣於該路文武蓋心折焉則
南川路之功也在湖廣則偏橋壹路江外為四
牌江內為七牌皆五司遺種九股惡苗盤據糾
結乎其間四牌不掃卽武騎千羣未易窺三渡
也陳璘獨以一旅之師先掃四牌開我進兵之
路用是烏江內外賊黨寒心長坎馮瑯青蛇登

國自昔以為險絕官兵所從未易得志者臣亦
慮其難下令降之璘以為除惡務本竟一鼓而
升其巔殺戮數千臭聞十里時龍泉哨施南兵
亦已先克板角關至今白泥潭之間四牌七
牌之苗遂無遺種微璘之力不及此該路漢兵
少土兵多糧運少遲便成譟呼璘令嚴而法肅
卒能使之用命而不為害迨至克關逼圍議設
木柵製鐵牌以防賊逸其機智有足多者卒以
入虎穴得虎子聞人綉女繫累在俘良快人意
則偏橋路之功也貴州各路與川湖不同其地
近其兵少其餉乏其夷情反覆而靡常其民心
搖惑而不定茲之用兵又非以一淬厲一鼓舞
之為兢兢者烏江失律已見法矣然能借是以
激勵水西俾之絕狐兔之情踐虎狼之窟毋氏
罔一戰大足褫逆酋之魄而奪之氣此則失之
武人得之文吏蓋運籌者之苦心乎矣應祥以
孤危之兵當駭碗之時能自審於緩急進止之
間以守為戰以招撫為進攻卒之轉弱為強湯

旌直指斬首數百招降數萬因之破諸國斬三
渡抵白田何其壯也竟以連合川兵同心戮力
破重城俘羣醜振積弱之邦舒華夏之氣始如
處文繼如脫免茲其審於機而神於用豈易得
哉則平越烏江沙溪諸路之功也夫我

國家從來用兵未有大得志於西南夷者也

國初傅友德統貳拾肆將軍止言防守未聞戡定

正統間麓川之役用兵伍拾萬轉餉半天下陞

敘萬人三邊而罪人竟逸嘉清初思百之役

剿始以撫終至今為諸夷借口茲其大勢可

已諸帥固中庸人臣等三五書生耳其智略才

力不逮古人遠甚乃兵纔逾貳拾萬進兵纔逾

百日總計防守征剿參省之費纔逾貳百萬而

倖以成功則何也臣以為此非諸文武之功也

而

皇上之功也

皇上斷在必剿故閣臣得以關其忠而畢力持

國是部臣得以宣其猷而悉心調兵食科臣得以

伸其說而矢口效封駁臣等奉而行之用使文
武同心將士效死爰有成績抑非獨於此也

皇上有便宜行事不從中制之

旨故臣得以陽開陰閉顛倒逆首使之坐以待斃而

不自知

皇上有同心協濟不分彼此之

旨故臣得以調各邊各省之兵糧協濟三省之不足

即諸省亦悉力應絀卒以濟事

皇上有先斬後奏先發後聞之

旨故臣得以約束諸文武大吏節節問大

人常如兵在其頸強者不敢跋扈而怯者亦不

敢逗遛

皇上有酌量調募另給糧餉之

旨故臣得以廣招多兵十圍五攻無不如意一舉撲

滅之為快

皇上有盡付總督任從處置之

旨故臣得以悉心調度盡法督責令無不行禁無不

止人人噤口翹足以應之而無扞扞壅門之虞

皇上有審度機宜以全取勝之

旨故臣不直以繩諸文武且時用以自絕酌彼已審

時勢勞心焦思計圖萬全幸不至為賊所乘而

得薄收尺寸之效蓋臣每誦

詔旨即十行之札萬里之外往往曙於指掌而析於

毫毛輒沾沾自得以為賊平矣已戰勝於堂上

矣夫淮蔡之平直須一斷何況其

廟謨詳審一若此哉臣故曰非諸文武之功也而

皇上之功也乃

平權全書

卷五

皇上不自以為功直推功於臣下且

命臣等將諸臣功次從公敘錄臣即心知非諸文武

之功亦何敢不遵

明旨而量為品敘除

內閣大學士趙志皋一德調元純忠許

國計安

社稷鼓鍾怡

九廟之靈亂定西南夷夏仰千秋之伐相業光

史冊

皇猷潤色於絲綸大學士沈一貫道推先覺功在

中興坐

廟廊如周鼎商彝威望樹八荒之表行籌策兼房謀

杜斷精神折萬里之衝緬茲淮蔡之勳允賴幄

帷之筭此在

宸衷自有特眷非臣所敢擅擬如兵部尚書田樂蓋

世勲名當

朝者碩犁庭紫塞鴟裘之種落幾空投策青羌蠻

嶂之妖氛立掃制勝在

平權全書

卷五

廟堂之上成功於指顧之間戶部尚書陳策等高目

時艱焦思

國計左徵右發調度曾靡後時酌盈濟虛拮据罔

遺餘力匪藉士飽馬騰之效曷收執訊獲醜之

勳兵科都給事中侯先春等望犇鷄階名高

鳴仗瑣垣抗議屢據忠蓋以陳謨鐵墨二分籌迅掃

妖氛而

獻捷職方司郎中張圭敬素握玄經熟嫻黃石入參

筦樞之謀議指麾頓見智囊出料壁隙之機宜

摩畫鋒生武庫此即酬功自有

恩臣亦不敢擬欵如巡撫貴州都察院右副都御

史郭子章學貫古今才通文武決策驅門庭之

豺虎而左提右擊良工具見其苦心潛機羅室

奧之犬鷹而陽縱陰操偉伐尋收於指掌間巷

且圖尸祝

廟廊共仰羽儀巡撫湖廣都察院右僉都御史支可

大三湘七澤之福星十圍五攻之神秘不以賊

遺

平播全書

卷之五

君父倏滅楊么凡克敵亦之孫仁主楚觀惟茲戰勝

而攻取允賴虔始而厚終巡撫偏沅都察院右

僉都御史江鐸邊才推重家學繩承奉

詔叱馭南來時雨霈戎軒之捷誓衆揚鷹西指迅靈

挫賊壘之堅匪直開府之威名允稱世承之忠

孝前四川巡按御史趙標山峙淵涵之度文經

武緯之才籌兵食之機宜計周先事申勸懲之

約束早奏膚功調發悉藉於前猷將士畢遵其

成算今四川巡按御史崔景榮純誠體

國直亮臣時肅申今於烏臺凜如曉霜鋪玉斧明

誅賞於龍圖皎焉秋月湛水壺駐渝之節未移

平播之功立奏貴州巡按御史宋興祖刺裁立

解龍髯謀略渾傾肝膽梟巢斗絕戰聲避威鳳

之鳴鬼窟煙銷掃跡畏神羊之觸借寇恩纏責

竹平蠻仁覆粉榆湖廣巡按御史王立賢經濟

訐謨淵閣識度澄清江漢聲靈夙警於有苗掃

蕩封疆籌策獨周於邊徼一路風傳驄馬三軍

氣鼓常蛇綠各臣與臣同為憲臣亦不敢敘外

平播全書

卷之五

其參省在事大小文武官長人等謹照撫道文

冊之所品題叅以巨耳目之所觀記第其功次

酌其陞賞一一為

皇上陳之總統大帥在四川則原任總兵今充為事

官劉綎沉雄氣壓萬夫忠勇身經百戰殲逆酋

於虎負而種種出奇鼓大衆以驍騰而多多益

善克固功應居首平蠻績已無前鎮守四川總

兵今充為事官吳廣昂驤之槩凌霄果銳之鋒

逐日水牛塘六場大戰先諸路而虎穴頻探海

龍圖一鼓盪平執羣俘而狼烽頓熄士歸亦憐
將號白眉領兵總兵官馬孔英沉毅多算恬淡
無求勲伐略不動容綽綽大樹之號戎行齊如
斬足凜凜細柳之營一時惟毅無雙百戰拳旗
獨步在湖廣則總兵官陳璘藏秘策於地中落
奇兵於天上擁貔貅而蒙矢石義激風雲戮鯨
鯢而陵嶮巖威生草木坐櫛萬全之勝筭永奠
三楚之封疆在貴州則總兵官李應祥功在三
川胸蟠七略隼換捲霧靈威之殺氣如虹龍劍
排空絕傲之妖氛若沈自是當年宿將堪為萬
里長城以上諸臣或入關有先後或戰陣有緩
急或獲賊有首從要皆衝鋒觸瘴九死一生與
賊角於兔窟虎穴之中於
國樹夫展土開疆之效勞績殊常均當優異內劉
綖吳廣先俱被參革職充為事官今則一破圍
城一獲賊首俱立有奇功相應復其原職仍與
陳璘李應祥馬孔英一體重加陞廢者也監軍
司道在四川則叅政謝詔三仕蜀洞識機宜哉

護軍素饒奇策當羽書紛糾之際區畫敏如承
蜩處夷情狡譎之秋揣摩瞭若觀火在貴州則
按察使楊寅秋才闊識定慮遠機沉拮据於兵
食之間舒籌心為最苦縱橫於戰守之際決勝
略更多奇叅議張存意志意恢闊機略曉暢履
危蹈險躬冒矢石之衝絕苦分甘士感續醪之
惠在湖廣則按察使胡桂芳腹笥兵甲氣壯山
河運籌鈴於幄中殫厥勦勦之力執鞭弭於國
後佐成底定之勲叅議魏養蒙素稱八面才猷
雅抱一腔忠義裹樂裳而新臨將壘為
國忘軀菱草舍而直逼酋巢渾身是膽續委監軍
四川按察使張悌籌畫呂翰石略擔當范驥韓
馳披戎服而鼓八校之威烈邁輕裘緩帶臨虎
帳而督一戰之捷功成掃穴犁庭以上諸臣在
謝詔楊寅秋張存意胡桂芳魏養蒙則提衛文
武衝冒險艱自大帥以至卒伍皆其指揮自出
兵以至賊賊皆其籌算在張悌臣因困久不破
績委監理各路飛騎入營歃血誓衆援桴親鼓

一戰成功其勞績均為殊異相應一體超陞厚
賚且諸臣才品表表一時內多資望已崇敷庸
久著者仍應於邊腹巡撫員缺推用以竟其施
者也督理兵糧司道在四川則叅政張文耀筆
陣采煥雲霞劔匣光摧參井聚米而指畫山川
之險真如熟路輕車纓冠而力拯水火之危何
論盤根錯節副使史旌賢綜軍興而獨煩心計
料兵食而兼覈首功坻京之積靡窮粒粒皆繇
辛苦水陸之輸省至陳陳盡費經營叅議劉一
相襟度直追古人清貞迥超流俗開鳥道以轉
登天之運心力俱劬募魚舳而餉匝地之兵額
須為白僉事徐仲佳才諧夙擅於康時經畫時
張於會計揮毫落天雨之粟無容流馬稱奇轉
盼壯雲屯之聲不道籌沙用詭在貴州則叅政
郭廷良疆直自遂之性能卓立而弗移奮發有
為之才每必行而莫撓列郡之輸將常給三軍
之資藉弘多副使洪澄源忠信可孚豚魚方略
能馴虺豕抗旌指授歷山澗而架入峰屯藁鍵

躬親凌風霜而快聞烏幕副使尤錫類才思練
達德性溫夷坐鎮平越之危城克堅墨守連破
黃灘之險寨更藉良籌叅議梅國棟志在平夷
謀周裕
國量盈縮之數而供需接踵於夫丁裁哀益之宜
而部卒絕呼於庚癸在湖廣則叅政詹啓東表
裏相符才誠兩合飛芻輓粟當蒿目於川陸之
間秣馬厲兵卒收功於饋運之繼副使王應霖
篤實輝光之器精明渾厚之才臨沅水而振紀
綱風清一路駐偏橋而移以罪令肅三軍叅議
薛士彥清節自持經術為理手揮繁綜調劑裕
軍
國之儲身履艱危冒險破洞庭之浪以上諸臣或
逐戈矛之士探卯梟巢或驅負戴之民轉粟烏
道或往來苗寨彈壓諸夷或上下江關分餉參
省均有勞績俱應優陞厚賚及查湖貴貳省督
兵理餉每路以貳人分理川省督兵理餉每路
以壹人兼理又史旌賢本路之外仍兼肆路水

運諸臣勤苦更爲殊常以故出營之時半成白
首仍應查照加陞以示酬勸者也先後與事司
道在四川則叅政馬朝陽馭夷方略素閑滅賊
籌惟更遠邊防慎固內地恃以無虞火器分馳
外侮因而克禦叅政王嘉謨雕龍竹書之業倚
馬草檄之才譚兵事熟若探囊無非石畫料賊
情符如合券豈是虛談副使蔡守愚端凝而有
卓識沉毅而又虛衷當徵發之紛紜事無叢勝
處兵食之倥偬應以從容副使顧汝學爽豁胸

五播全書

五

五

襟快張才調寬雄分勝不揚熊虎之威雲錦成
羣率中驪黃之選副使傅良諫器宇真醇材猷
妥練素精吏治規畫皆盡下訂謨夙歷巴渝發
縱得制夷長策副使盧泮威嚴以馭諸夷仁明
以涖庶政幕中叅畫豈燕雀處堂之謀塞上勒
兵有虎豹在山之勢叅議熊宇奇行業比圭璋
之潤操持同金石之堅薊北遐征之軫初旋萬
姓春回吹黍川南董餉之檄尋至三軍惠感投
膠叅議康夢相練達雅尚深沉亮直不脩緣飾

初輜軒之戾止賊焰方張會羽檄之交馳民安
若堵原任副使來三聘斷兇剗蛟之器行雲流
水之才當頡頏之秋最煩酬應值去留之際尚
多綢繆在貴州則叅政王邦俊心貌俱古聲實
竝隆當屏翰而布藩條惠周部屋奉

簡書而司軍餉計切供需副使陳興相作牧西川夙
諗夷方之情偽提衡貴竹時禰幕府之機籌嚴
保障而四境若安濶勤儲胥而三軍無枵腹副
使路雲龍器量宏深理識靖遠心游淡泊操尚

五播全書

五

迥出風塵力任艱危擘畫禱軍
國副使袁應文方正不阿嚴明有度萬鍾畢集戰
士勇氣倍增一鑑高懸首虜弊端悉矚叅議張
文奇功名無損於治郡猷爲益顯於臨戎跋履
山川靡憚間關之苦區裁兵食常懷夙夜之憂
原任叅議梁銓英英氣槩矯矯才名保障興隆
善揣敵情於掌上遭迴道路尚留遺愛於師中
在湖廣則叅政楊道會品格孤高器能純備肅
風規而操物範江漢仰其儀刑振武備而飭軍

容羅施讐其威烈副使張喬松性純行方識敏才達廉察有體民情望風自安徵發如期軍政計日而理副使章守誠丰神岳峙蓄抱淵停振肅紀綱摘發獨持憲體籌谷兵食批導咸中機宜原任副使楊現性直而無流心才通而有勁節調施南之兵以助戰功著斬關轉江陵之粟以廩軍籌兼裕餉叅議黃齊賢守正不回裁決每優於繁劇在公無撓措注尤急於供須期會徵發以如宜推陷廓清之一頓叅議韓光曙樞曹展采智略可伏於安若北分猷機宜必審乎緩急羽檄馳而兵糧畢集士氣振而績用告成叅議張天德憲府自竦孤標藩垣時流闔澤念軍興而加意於不毛之地九法緝熙思餉匱而下令於流水之源萬夫登數僉事林煥章幹才老練事體精詳督兵不厭煩勞有嚴有翼諭苗能安反側不震不驚僉事馮應京甫下車而蒐卒乘振兵威於會城既奉檄而饋芻糧裕軍儲於絕壘成保大定功之業徵揆文奮武之猷

以上諸臣在傅良諫王嘉謨則親在行間叅贊謀議在王邦俊張文奇袁應文則過臨敵境料理兵糧在路雲龍陳與相則始事餉施南之兵入關有效在熊宇奇則績至督水合之餉破囚成功在馬朝陽顧汝學蔡守愚則治器買馬大裨戎行在盧泮康夢相楊道會張喬松章守誠楊現黃齊賢韓光曙張天德馮應京則催餉調兵有裨軍政在來三聘雖以播事被論而候代貳月括多在梁全全尾全級而保全興隆功效難泯俱應分在養內傅良諫熊宇奇應陞級王嘉謨路雲龍陳與相林煥章俱應陞俸仍應賞賚其餘應一體賞賚者也總理兵糧四川則布政司左布政使盛世承夏曹夙練戎機行省正當兵事委積餉萬竈而晨炊宿飽壁壘無譁征繕遍四封而近悅遠來閭閻胥戴按察司按察使沈季文禪塵王屑紛霏前著洋光燦燭鉤鉅得賊情之要領腹內有兵畫圖盡地利之險夷目中無虜貴州則布政司左布政

使應存卓駁歷資深旬宣望重提衡將吏居然
岳峙川流綜覈軍儲炳若燭照數計按察司按
察使易登瀛整臺綱而貞度吏蠹澄清明象刑
以詰姦苗夷震讐制勝紛拏之表計安震擾之
餘湖廣則布政司左布政使胡心得惠綏三楚
卽賦車籍馬而民不知兵師長百城且熒絕風
清而吏皆奉法保釐永資重望剋平雅藉良規
右布政使洪有復才足以遺大投艱志在於謀
王斷國譚西事西事行壽策畫壽策畫守操右轄而總賦

輿常懸利輿常懸利投察司投察司三才願印器負

國楨經緯才標

王佐舉六條而訓俗峻界北之典章宣七德以理城
簡征西之車馬以上諸臣雖在會省然皆擘畫
兵食籌算軍機自非效鄴侯之守於關中何以
成淮陰之謀於垓下均應優養內沈季文自臣
視事卽悉心圖賊諸所籌畫如招降人置火器
儲糧餉察地理以至進兵之路道戰守之機宜
凡千百其說皆鑿鑿有用且曾帶管巡西道一

切軍興之需皆先諸道而辦蓋臣聞人多矣憂
國奉公知無不爲似當以季文爲最且其資望已
崇名實已定所宜亟於邊腹巡撫員缺推用以
竟其才者也各營領兵及入關護運將官在四
川則參將管副總兵事周國柱扛鼎雄風叱咤
千人可廢落鵬妙手張弛萬里自開已樹銘山
勒柱之功堪繼伐虎斬蛟之將原任副總兵曹
希彬多智弄夷酋於股掌沉機降賊黨於襟喉
冒矢石而岩門之萃宛萃宛最斧斤而後圍之

荆榛大月荆榛大月精吳文精吳文知能任事開爽夙

號知兵捐資脩戰具而鎧甲一新裹創遏賊衝
而鋒稜不挫參將余德榮才精明而多算氣軒
舉以直前議移後圍之師遂授元兇之首參將
王夢吉宅心抑畏御卒廉平護水陸之轉輸而
東馳西騫防禦苗之出沒而夕惕日乾參將藍
芳威兼程以赴師期力疾而共餉務關隘之隄
防最密水陸之催運爲勞遊擊李經剛方趾飛
鳥休人忠耿似傾葵向日令嚴部伍凜光弼之

旌旗謀折遐衝儼管平之方略都司管遊擊事
周敦吉志銳請纓忠期裹革戰士投袂而起一
聽勞呼前徒倒戈以奔數廛追逐都司管遊擊
事余世威滿腔司馬之兵過體子龍之膽百戰
而精神愈倍一呼而技擊爭先遊擊羅星突貌
雄武宇量恢宏逸不辭勞程將軍之部伍謀而
能斷周都督之威名遊擊楊敏政守同水築性
匪脂常當逆賊之鴟張身為捍蔽幸運夫之蟻
聚力濟飛流擊任承得月披星輪轉惟騰

萬竈敦

板吟色財止勇自冠軍功多

首虜遊擊司懋官雅負七尺之軀堪膺一旅之
寄處囊不嫌於自薦橫槊猶見其能軍總兵標
下坐營孔繼祖性資明爽事體安詳駕馭得夷
兵之心指揮奪賊地之險都司吳從周韎韐有
儒將之風干城標武夫之望汰冗兵而委輸獨
省人稱其廉嚴疏捕而全活為多衆戴其惠都
司趙應科後先不離行陳攻守最曉機宜列隊
肅鵝鶴之容旌旗動色當關賈貌貅之勇劔戟

凌寒都司封建扼腕善譚兵事慮兵先捷武科
領三千具號選鋒登九折寧思回馭都司哈光
顯撫戍卒如嬰兒擒叛苗若困獸標甲先生組
練揮戈氣吐虹霓原任都司趙賢輔才長鏖戰
技擅火攻鷹揚張却虜之威燕領具封侯之相
都司程試智能即戎才堪濟急鑒前人之失而
備運惟勤計後粟之輸而樵蘇不悞守備周大
謨丰儀秀雅操守清嚴部署得士卒之心防禦
有將陣之符江萬九安赴赴吐氣桓桓

猿臂可以浴鵬驚朝公守備萬民英奇

正設而險關首奪先聲樹八路之威虛實洞而
重地又也堅壘感諸蠻之魄守備周以德憂時
常切枕戈角力真堪舉鼎叱咤而風生雷掣艾
除則草薶禽獮守備劉承職貌雄奇而才敏性
果毅而行方委輸勞勤可嘉險道艱難不避在
湖廣則副總兵陳良珙分六師以逞雄貳元戎
以耀武斬關先入而所嚮無前乘勝長驅而大
勲克集參將王一桂磊落奇標縱橫奧略散財

結士懷毀家紓難之忠設伏張疑得先發制人
之術參將王鳴鶴業擅戎韻學綜兵要帥淮濱
之勁卒飛渡長江會楚塞之精騎首登絕壘遊
擊陳策屏氣則鬼神無聲奮呼則山岳搖動一
心報

國蹈白刃以如歸百戰輕身殷朱輪而靡顧原任
遊擊江騰龍材負驍雄師遵節制提兵轉鬪績
屢著於摧鋒下令招降心尤存於止殺原任遊
擊宋大斌材官崇出抱氣一奉令先驅直抵

虎狼之窟行之羣原任都司
吳時喬懷才卓犖抱器謙冲厲玄甲以即戎威
生草木推赤心而待士德比椒蘭都司于繼勳
憂危相關聲援足倚守而能固軍城賴以安恬
出必有功野戍會無竊發守備王之棟勇可冠
軍持戟抗方張之寇志期盡敵飛騎趨左次之
營守備朱桂芳奮跡武闈潛心義府重舟師而
克嚴紀律督夷卒而大振威稜加銜守備九
經純待不落風塵方治頻操世業聿齊禱俘之

凱有先出將之門加銜守備李大諫精貫金石
義動鬼神龜鼉就架橋梁風鶴助成兵衛原任
把總白元潔拔距呈才蒙輪奮勇入關不煩一
矢克敵能用三驅在貴州則副總兵陳寅思信
素乎謀勇具備橫戈慷慨竟收掃穴之功技職
飛揚允稱登壇之選參將朱鶴齡雄姿邁衆膽
勇超羣策馬督夷兵儘煩駕馭援枹申將令屢
見驅除都司徐成久歷戎行旁通戰法躍馬馳
騁萬夫莫敢嬰鋒執策克三舍或為牛易都

司錢中選器宇軒昂才克營張階送而
穿揚之技擅場拔幟淨氛埃而破竹之功掃穴
都司戴守禮騎射兼長邊疆久歷攻圍垓下每
奮勇以前驅偵探賊中常瀕危而後殿都司莊
志傳聞關萬里靈旗指於天狼絡繹三師
王旅闕如處虎載親廓清之烈丕揚猛悍之威守
備汪如淵英風超距猛氣逼人興隆之堅守無
瑕四牌之戰功足紀原任守備童龍志既不羣
勇尤可取擬金鉦而直進百雉無堅擐甲胃以

合攻三狐遂獲原任守備徐允爵胸富甲兵
藏技略屢卜師中之吉一空因上之庭看守備
事把總陳用寬尺組欲繫名酋長劔時騰快氣
已快鯨鯢之戮用彰鷹隼之威以上肆拾陸員
皆追隨大帥獎率三軍出八戰八克之奇收百
下百全之效大功立奏陞敘宜先內周國柱當
馬孔英未到時獨領南川一路曹希彬獨領永
寧一路朱鶴齡獨領沙溪一路陳良玘獨領龍
永一哨雖皆受節制於平播全書而編師直壽勞績
為多尤宜優厚于夢吉及任承爵楊敏政
程試劉承職皆職專護餉緣川兵入關最蚤沿
途賊黨尚多時時接戰艱危尤甚並宜優敘曹
希彬先經被論提問應住提復職仍行推用其
餘諸將俱宜一體陞資者也隨營贊理監軍及
紀功四川則馬湖府知府蔡宗憲握郡符而典
兵有慷慨臨戎之志驅土夷而破敵多鼓舞獎
率之功後效已收前愆可贖敘州府同知史朝
真招降剿逆兼長講武檮文並擅率士卒身衝

瘴癘司紀驗力竭勦重慶府推官高折枝盤
錯雄才神明朗識當機料敵握勝筭捷於轉丸
仗鉞臨戎殲逆酋易於拉朽嘉定州同知趙世
德繕器甲最號精工簡驍雄更資衝擊借著每
多籌畫驗功不厭詳明貴州則雲南廣南府知
府黃宇循良之聲遠播監紀之任餘長功過明
而部伍歸心欽散公而土兵飽德永寧州知州
陳聖佐催夫意在給軍轉餉功成敵愾濟急用
而事事具有調停紀載平播全書入絕無妄冒思
高府推官吳天林器宇平播全書人規穎秀小大之
獄必慎已裕一戰之機俘獲之功不遺尤彰屢
勝之績清平縣知縣劉啓周紀驗每臨京觀查
核能辨蕭蘭允稱文事武備之才無忝玉壘錦
江之彥湖廣則辰州府推官王應宣才識精明
性資警敏因紀功而兼催餉不辭越俎之勞入
漢壁而護土兵能奏折衝之績雙流縣知縣鄧
弘烈才堪禦侮志在策勲董施南之兵身先士
卒據板角之勝膽落夷苗會同縣知縣陳原道

器識高明言行修整雅習吏事令譽既著于鳴
琴兼暢戎機茂績益彰于載筆沅州儒學學正
袁惟慶會歷亨衢素懷利器建議接運之法足
食因以足兵奔馳戎馬之場勞心抑且勞力辰
州府儒學教授謝師榕業擅麟經機諳豹略贊
畫多文人之致核功得壯士之心以上拾參員
隨營紀驗各有勞績內蔡宗憲史朝貞高折枝
趙世德各專壹路協贊總兵行事緣川兵分肆
路相去頗遠而壹監軍已監押貳各故肆

車橋全書

卷五

臣者名為黃理實分如馬孔英未至
則高折枝領兵破關吳廣誤事則蔡宗憲與之
同罪委任責成原自隆重不止一辨驗首級而
已且川兵皆以參月終入關諸臣監押兵將日
日與賊對壘直至圍破勤苦為甚自應特酬查
蔡宗憲先被參降倭近頗有煩言但功過相準
仍應復俸高折枝始終播事大有軍功且伍半
推官屢經首薦應即以清要京職推用史朝貞
資俸已久才品不凡趙世德雖係州同原

署左遷貳臣者應於部屬員缺推用鄧弘烈以
川官親調楚兵同守黔地間關數千里跋涉伍
陸月其為危苦不可勝言板角關之戰實為奇
捷應加同知銜仍管縣事黃宇王應宣以紀功
兼督兵餉勞亦倍常陳聖佐吳天佑劉啓周陳
源道袁惟慶俱勤勞日久應紀錄優擢謝師榕
近轉

王官應查照軍功事例另行議處其以上各官仍
通應厚賚者已恩里糧營收支在四川

車橋全書

卷五

則重慶府知府伊元青海之品膺萊
公鏗鑰之司綜理不遺米鹽務革劔刀之俗運
用至當履履實增草木之兵順慶府同知馬性
和倜儻異才精明淵識水運陸運主辦而露積
如山本支折支鉤稽而弊端若洗敘州府同知
李廷謙管合江一路之餼餽收支不爽錙銖查
運夫四萬之往來跋涉殊為煩苦民勞無怨兵
食常充重慶府同知王陞政才爽豁心計精明
使民樂趨政無庸於束濕致士宿飽忠何虞於

脫巾重慶府同知梅燮朗識洞如懸鑑長才機
若轉圜談戎機川湧雲流理餉務絲分縷析烏
蒙府通判劉之瀾察姦則市猾潛蹤轉餽而征
夾鼓腹途中緜屬不絕管內紅腐相因夔州府
通判尹紹臯才妙爾絲慮周桑土監水陸之運
乘輓如雲飽將士之心師徒似兩瀘州知州邵
崇雅當羽檄交馳之會酬應多方適兵戈紛擾
之時拮据備至設心最苦程績各優遂州知州
毛秉先沉潛盡文才筆兼心此擔事任貯支敏
而什伍兼利分數明而才無差長壽縣知縣
郭維屏聰明特達之才鎮定和平之氣應待哺
者萬衆而劑量咸宜計輸輓者千箱而緘毫
不爽內江縣知縣楊應登才號瑰琦吏稱疆項涉
歷遍夷獮部落供餽騰卒伍歡聲資縣知縣葉
世孝雅閑文事尤擅吏長收支釐煬竈之姦營
壘感投醪之惠巫山縣知縣陳應式軒翥濟時
之雅望泉流應變之長才無難壁壘奔馳獨苦
藤蘿板稅爾任資陽縣知縣詹淑丰神英邁才

氣激昂司錢穀之冗煩慎嚴完鑰較米鹽之瑣
屑詳核錙銖榮縣知縣樂繼同揮霍之才精瑩
之識籌餉事無處不周駐大灣隨機善應南溪
縣知縣寇克順製軍器精而早完督糧儲煩而
能整任事誠心不貳當機朗識無倫貴州則貴
陽府推官張應選軒爽雄才英明卓識催餉不
辭越俎鞅掌為勞均輸早得弛擔焦心為最鎮
寧州知州李珏雅有道氣更饒吏能赤白之囊
盈前而草行客官與蔡之起大起而水輸陸供
定番州知州王唐昌稔察民財不匱於漏
庖轉輸時而軍食無資於栖畝殊多勞悴綽有
治才湖廣則辰州府通判黃陞高幹時備器適
務宏才用民之力而得其心足兵之食而作其
氣荊州府通判楊堯仁爽豁曾襟快張才調查
理船戶不辭櫛沐之勞催督漕糧克效轉輸之
績辰溪縣知縣張守緒才能周務政必宜民當
孔道而調停有方往來無壅承劇委而怨勞不
避饋運爭先以上貳拾肆員在傅光宅當臣建

牙之地又值軍興百務煩冗倍於會城本官從容酬應綽有餘裕支放本折以百萬計略無留滯時時參畫謀議匡濟寔多且其資望崇深士林推重應即陞憲職以酬勞績馬性和等唱籌饗士冒險從征俱應陞俸級竝加賞資者在外科理軍需及督大備運官在四川則成都府知府周懋卿敘州府知府劉三樂夔州府知府李時葵管茶江縣事同知周作樂成都府通判張堯臣重慶府通判蕭詩合州知府段文郁

平播全書 卷五

管巴縣事知州李聚芳 夫以倪伯麟達州知州蔣戴仁涪州知州陳敬衷調到湖廣歸州知州孫鶴年銅梁縣知縣陽思謙江津縣知縣陳大經永川縣知縣吳位璧山縣知縣陳應麟大寧縣知縣何躍龍儀隴縣知縣袁煥大足縣知縣黃日升鄧都縣知縣蕭宗禹安居縣知縣周朝聘定遠縣知縣楊瑞麒南川縣知縣湯自強墊江縣署印知縣郭澳武隆縣知縣陳王道黔江縣知縣潘應相梁山縣知縣汪廷玉萬縣

知縣越應慶東鄉縣知縣朱之柱富順縣知縣柯文納谿縣知縣王希樾合江縣知縣王塾隆昌縣知縣劉昇江安縣知縣朱宗望長寧縣知縣雷志舉屏山縣知縣曾朝符筠連縣知縣朱萬元珙縣知縣顏燦如高縣知縣王藻慶符縣知縣張明卿興文縣知縣曾守嚴達州同知李潤涪州判官馮運泰宜賓縣署印縣丞曹一科

平播全書 卷五

府知府江至道都司府知府陰鏞石阡府知府張叔璽思南府知府陰鏞石阡鳳儀思南府推官趙民悅都司府推官楊應第普安州知州龍時躍施秉縣知縣袁尚紀銅仁縣知縣陳廷範印江縣知縣張鎔鎮遠縣知縣文加兆葵川縣知縣葛楚元新貴縣知縣龔一慶在湖廣則武昌府知府徐應璽荊州府知府徐堯莘寶慶府知府沈子來衡州府知府何懋官常德府知府馬永亨辰州府知府屠本峻長

沙府通判陞廣西上思州知州議留惟餉彭世

燧德安府通判蔡思順常德府通判陳桂芳靖

州知州張和中夷陵州知州陸枝澧州知州沈

育大沔陽州知州吳洪績沅江縣知縣潘思誥

澁浦縣知縣梅友竹沅陵縣知縣喻繩祖武陵

縣知縣朱瑩龍陽縣知縣喻政原任長沙縣知

縣康阜攸縣知縣胡汝政湘陰縣知縣楊思程

江陵縣知縣薛國用枝江縣知縣周仲士巴陵

縣知縣余自強天柱縣知縣朱倅以上捌拾伍

平播全書 卷五

員綽餘治賦之才為篤急之義辦軍需則晨

昏拮据其胼手胝足以若飴督運夫則暑雨馳

驅使較擊肩摩之如織千里芻糧絡繹諸營士

馬騰歡俱應紀錄擢用仍行賞賚內陽思謙至

誠鼓舞壹縣之人萬餘皆往運餉遂以壹運而

給壹月之需尤徵卓異循良之政應候行取優

處袁煥近轉

王官仍應加銜致仕以酬其勞者也親履行陣領

哨千把總指揮千百戶等官在四川綦江路功

授署指揮僉事杜熊兆功陞候缺守備李為珮

功陞候缺守備徐珊遼東東寧衛指揮使劉光

漢四川寧川衛指揮陳道南江西南昌衛功陞

署都指揮僉事傅朝政直隸永平衛功陞副千

戶王九思掌號南京濟川衛千戶陳鑾掌旗鼓

官直隸前屯百戶陳策四川建昌所功陞千戶

王珠四川寧川衛副千戶王臣江西南昌衛功

授副千戶劉可春江西南昌衛功授副千戶吳

英湖廣靖州衛功授副千戶易朝臣江西南昌

平播全書 卷五

衛功授錢撫為汝壁直隸永平所功授百戶王

文憲四川敘南衛功授百戶曹栢貴州都司衛

功授百戶莫如爵江西南昌衛功授百戶劉招

孫江西南昌衛功授百戶洪信江西南昌衛功

授百戶劉起潛貴州平越衛功授百戶李王四

川瀘州衛功授百戶趙奇四川敘南衛百戶陳

子名湖廣忠州千戶所百戶孟相浙江杭州右

衛百戶馮國聘貴州衛功陞百戶馬禹卿四川

瀘州衛實授總旗莫尚智領兵千總劉興勤傅

統李大榮李慶雲周希受羅向辰劉鳳岐劉汝
 朝唐文戶張會九李華熊俊柯朝高欽領兵把
 總龍正通黃惟啓徐嘉英胡清王金惠傅貴楊
 泰王世栢劉茂林雷震龍何成周大賢何維翰
 趙廷蘭包正鑿督陣旗牌官何文星劉應登王
 朝吳世景田國本曹華南川路中軍陝西寧夏
 中屯衛指揮同知金汝卿建越提調劉勝陝西
 固原衛左所試百戶李桂芳固原衛右所試百
 戶高尚江綏德衛前所實授百戶李進榆林衛
 前所實授百戶李和河南彰德衛左所實授百
 戶余武懷慶衛右所試百戶小懷忠陝西延綏
 衛指揮同知鍾允升河南彰德衛指揮王正國
 衛輝所正千戶王承緒彰德衛前所百戶盧鳴
 春衛輝所百戶李奇英歸德衛前所正千戶龔
 論湖廣忠州所正千戶羅人豪延綏榆林衛右
 所副千戶李庫榆林衛左所實授百戶李茂春
 四川青川所鎮撫趙斌河南信陽衛右所試百
 戶于應祥河南名色火器把總武定邦陝西寧

夏中所火器把總冠帶官蔣尚仁督陣官樊遇
 時著倫郝朝忠合江路瀘州衛指揮王繼祖敘
 南衛千戶顧南陽敘南衛千戶吳承宗建武所
 納級千戶張曉千總王元爵周敦曾太張子明
 郭鸞黃泰黃尚明鄭先啓李先春梁齊賢應元
 王大經索信周光華督陣官胡彥英葉雄藍遇
 兆陽世勳永寧路四川成都前衛中所正千戶
 蔣惟喬江西建昌所納級千戶劉國祚四川敘
 南衛實授百戶吳天奇成都後衛左所百戶曹
 應奎成都後衛前百戶元世隆成都後衛左
 所百戶虎文蔚貴州永寧衛中所試百戶孫繼
 善晉市所百戶周應魁中軍鄭子龍寧川衛冠
 帶總旗鄧起龍敘南衛實授小旗遂崙千總陳
 恩郭天俸劉弘緒羅起鳳車千乘陳華廖仲德
 狄士進李成龍張紹翰武舉薛來胤武生馬時
 聘督陣官陳勉之汪弘輝吳應祥在貴州烏江
 沙溪貳路督兵廣西南寧衛指揮羅萬善伍元
 所指揮李懋傑南丹衛指揮康應麟桂林衛指

揮霍世寵六寧操守指揮馬化麟南贛中軍指
揮馮邦濟納級指揮黃運清廣西柳州所千戶
趙夢胤把總陳邦陽陳大縉安時秦牙廷相標
守鄧廷卿鄧光宇丘富即張嘉震徐大綬章爾
知王演李擒龍王學禮邵以讓梅調羹為事官
周易畢節衛指揮主于忠納級指揮徐懋功千
戶張四端秦仕喬章甫王世臣左堯臣百戶林
鳳舉王璽督陣把總許成名陳潤平越路領兵
官指揮曹選司宗堯張體仁何鼎臣納級指揮

平播全書

卷五

李世培千戶李朝陽張紳陳志道段必明百戶
李師沆王民皞把總張鶴紳孫仲謨張奇盛汪
世才安世珍安生呂守現李正中易之謙華統
吳文秀許攀龍朱運昌戎茂才安宇葉馮春薛
應時陳定劉恩鄭國明杜廷武李茂春陳汝栢
張世敬劉承胄劉朝臣呂廷祿張希軫李邦舉
彭夢龍徐用賓孫應祥王朝朱朝岳楊正行金
世隆蔡純周生員曾文學贊畫官劉孟銑黃龔
督陣官王安氏王真思石硝領兵中軍鎮撫葉

定遠興隆衛指揮胡效忠千戶王嘉言試百戶
越其進薛瑞把總李君寶黃明儒千總周世祿
在湖廣偏橋路中軍湖廣辰州衛指揮馬一龍
常德衛指揮徐時達施州衛指揮唐一麒偏橋
衛指揮蔣崇賢襄陽衛百戶張焯都勻衛冠帶
小旗鍾伏武辰州衛指揮劉自西常德衛千戶
張夢麒四川黔江所千戶孫應期名色把總南
昌衛百戶劉一清楊州衛百戶方元壯征倭劄
後指揮辦事東九德金華所指揮應襲其可

平播全書

卷五

石色把總吳應龍吳嘉隆李元敬戴宗茂周思
灼丁慶李君實曹仁佐臣標下總管捌路督陣
紅旗官千總李報國馬千里分營督陣官蔡江
路藍國賓左仲威景廷貴白世英南川路高貴
韓均美李希陽安世倉合江路郝國安鎮國文
運開王可興永寧路許連李棟賈仕芳韓嘉會
烏江路何天慶胡邦奇楊教姚可興沙溪路郭
承勳王三錫呂大業岳志德平越路楊守乾高
連李繼晟馮伏偏橋路嚴臣王倫鄭其史會以

上貳百捌拾壹員長枝皆敵萬人之英流雄風
盡守四方之猛士居常而鳴劔祇掌誓投湯蹈
火以弗辭當敵則躍馬揮戈若掣電轟雷而直
搗自非有萬死一生之義旅何以收一月三捷
之奇功相應查照部功陞敘仍通行賞賚內劉
勝以名色提調領建越兵伍百所向有功且紀
律森嚴步伐整肅雅有將帥之體本官從征有
年奏捷數次而口不言功官不加進尤人所難
應加守備職銜令在總兵標下領兵善後以為

平播全書

卷五

五

川將之勸李報國馬千里統領健丁總管樹路
紅旗督陣官破圍成功實由督厲且久在標下
間關跋涉勞績殊常李報國係千戶應加守備
職銜馬千里係冠帶舍人應加鎮撫職銜以示
激勸者也軍前効勞及各省走差官四川則差
往陝浙等處調兵催餉官千戶王胤胡思俊百
戶彭胤其崇霖潘繼勳劉光先劉武昌范希正
吳遜姜紹芳黃九臯河南等處買硝黃官主簿
嚴有德典史蕭時寬驛丞黃金載巡檢汪繼文

大使周憲湖廣等處買魚鹽官主簿張大化陝
西買弓箭官張縕彭興祚李逢春造火藥火器
官布政司都事時言都司斷事俞應簡成都府
檢校田僅指揮李文奇楊宗和馮宗脩千戶楊
堂祀總陳雲鷺李金星受降官指揮沈崇極祀
總李長年開河督運官百戶田紹武守隘官指
揮申于朝郭繼隆劉安世蘇民心貴州則募兵
官千戶李春元百戶王弘業胡朝賢祀總馬武
御劉崑買米官指揮張世卿千戶傅良臣李東

平播全書

卷五

五

生祀總王允聽宋真相買硝黃官指揮張元勳
百戶蕭鳳鳴陳良翰買魚鹽官指揮楊祖禹千
戶崔仕堯百戶鍾岐鳳造火器官指揮謝升階
許敬所馬逢樂百戶王曰賢造船官指揮邵元
爵守隘官指揮洪應選百戶周希舜羅國器湖
廣則隨營紀驗官沔陽州判官王廷相承天府
檢校余德涵守隘官指揮許汝罔王執中李熾
王可大千戶陳時政隨征官指揮謝明德劉啓
忱千戶王文臣吳一極百戶劉世臣贊蓋未孔

昭唐應聘把總盧惟鳳高世用吳一枝劉文學
 以上柒拾伍員或重爾萬里哭秦庭以乞師或
 鼓棹三江徵越甲而下瀨或明五火以走敵或
 開三城以受降或殿大衆而一夫當關或入極
 阻而萬人却步各有成勞宜加賞賚分管收支
 及沿途押運官四川則茂州判官梅子鳳瀘州
 衛經歷夏至敘州府照磨曾思美榮縣主簿周
 有德彭山縣主簿夏子賢萬縣主簿龔遂渠縣
 主簿陳迪大邑縣主簿王家士夾江縣主簿熊
 伯仁仁壽縣主簿吳國藩岳池縣主簿朱朝輔
 漢州吏目左鉅梓潼縣典史李楚營山縣典史
 喻廷龍梁山縣典史劉國文犍爲縣典史張時
 逢定遠縣典史梁以仁瀋江縣典史施雲鳳內
 江縣典史張希伯西充縣典史林元晃德陽縣
 典史黃廷文彭山縣典史羅富昌金堂縣典史
 劉承恩富順縣典史朱道柱汶川縣典史蔣一
 浙雲陽縣典史涂嘉慶青神縣典史李希賢興
 文縣典史具成人平羌驛驛丞黃鈺涪潭驛驛

丞朱化龍松坎驛驛丞張二南梅州長官司吏
 日徐里貴州則指揮魯仲禮楊師震李棟材夏
 應龍陳尚策白璋李國忠蘇通許維垣朱承勳
 許應春劉化龍吳東俊薛紹宣金汝陵張維奚
 國柱趙清陳堯年婁聯璧高位郭維藩林起鳳
 常靖國千戶楊希堯劉于爵鎮撫張國壯陳三
 德百戶魏國忠魯思孔沈應麟煙夢堯王國葵
 冷璧趙之奇把總李國保湖廣則思南府經歷
 饒崇奎鎮遠衛經歷陳九齡辰州衛經歷錢夢
 龍常德衛經歷李一俊永順司經歷唐元常德
 府知事陸之後思南府照磨周伯湖沅陵縣縣
 丞黃正南淑浦縣縣丞謝魁石阡司吏目林中
 式隆里所吏目丁一浩銅鼓所吏目金豪都坪
 司吏目冉文先永定倉大使顧有成光州巡檢
 涂諫沅州衛指揮林奇材偏橋衛指揮許繼祖
 以上捌拾陸員露宿風餐直犯嵐煙之瘴毒泥
 途兩徑寧辭滯暑之炎蒸芒鞋頓苦奔馳草野
 即爲差舍千里之間關最險半年之顛預堪憐

亦應敘賚者也。參省都司四川掌印都司王廷光陞任僉書淡章貴州掌印都司王納忠胡廣掌印都司魏元佐僉書楊弘吉以上伍員略壯韜鈴才優保障慮犬羊之橫發而隄備固若金湯當熊虎之遐征而器械精於簡練凡茲焚道掃櫬搶之氣是緣將星羅參片之墟俱應賞賚內淡章署印練鎮遠之兵楊弘吉赴調監桑峇之旅俱於播事有勞竝應賞賚各處城守將官四川防守南川參將金秉鉞防守綦江參將蔣鎮防守鎮城參將蘭臺原任都司李宗望防守江口原任都司葉當春防守江津守備保世寧防守合江原任守備張本防守大灣原任守備陳嗣昌貴州防守省城守備杜鶴鳴以上玖員振威武以聯渙散之心固根本以布應援之勢凡大兵有戰必勝賴諸將以守為攻俱應賞賚內麻鎮先有誤運之失後有守城之勞仍應竝賚湖廣偏沅副總兵李遇文廣東惠州參將鄧鍾以上貳員不遠千里而來雅具勤

王之誼偶值五旬之舉樂觀飲至之期亦應量賞者也。臣標下中軍副總兵楊登山驍雄風擅雲中駿譽遙傳海外千里饋糧春生萬竈五甲戒衆功訖十圍練兵遊擊江萬仞魁梧有貌倣儻不羣東義旅以防江十萬戶之安全有賴走奇兵而破圍五百人之擊刺無前偏沅撫臣標下中軍遊擊沈弘猷家承茂勳曾懷壯略躍金戈而功收破虜趨王帳而績奏平戎貴州撫臣標下中軍指揮劉岳素練戎機常懷壯志諮議多參帷筭攻圍遂折夷衝湖廣撫臣標下中軍把總李正實偉貌不羣壯心自許力營繫弱桓桓稱閩外之雄術曉陰符嫩嫩裕幕中之畫以上伍員俱應敘賚內楊登山江萬仞皆北邊驍將向以剿播入川今播事已平仍應於北方冲邊陞用臣標下旗鼓官指揮孫光啓千總官朱纓姜寬張廷栢執機令官趙科岳鳳鳴張繼忠祀定國余新楊芬杜蔭商劉瓊朱啓江應兆李廷相徐希堯高灼傳報官楊茂清之五嚴聚德來自

強提塘官張應斗在京傳報武舉官胡維城步
 阮以敬管賞官鄒學孔王之藩李夢麒張夢明
 貴州撫臣標下旗牌官蕭時芳朱萬春印鎮國
 白其心贊畫官王懋德王有聲張一龍鄒宗魯
 何世祿葉天植朱應明王永年彭應祖湯承禹
 把總劉崙劉岱白雲鵬李學文王見龍吳秉鉞
 李翔龍周明陳文立陳鉞王國忠葉瑞梁鳳吟
 羅締金重王守邦黎元德棗備陳文德石安邦
 李達元劉汝輔翁獻忠林監精蔣文臺湖廣
 臣標下贊畫翟塘衛鎮撫文應龍贊畫武舉所
 國缺偵探把總常俊領兵把總丁勝千總常國
 敬武舉劉愈東丁世美武生丁當世戴錫周應
 捷章建侯偏沅撫臣標下統領家丁原任朔州
 守備劉允康旗鼓官候缺守備張懋傑副中軍
 常德衛指揮陳應甲統領忠順營兵馬百戶盧
 希孔贊畫靖州衛千戶翟羽生員劉可大領兵
 九谿衛指揮陳一啓伍開衛平茶所千戶倪弘
 化塩城所鎮撫魏一舉九谿衛百戶滕國梁名

色把總陳滔謝純劉國禎何奇德沈微猷陳邦
 授提塘傳報舍人蘇苞李夢熊武生林惟賢以
 上玖拾捌員名才能任事勇可即戎或傳令不
 差麾軍動旌旗之色或料敵必審借者資帷幄
 之謀凡成功於七縱七擒總多助於羣力羣策
 通應一體賞賚內胡維成當逆酋破碁江時聲
 言據重慶取成都沿江士民紛紛逃竄鎮城差
 人出門未數舍即不敢前維誠被差重慶傳報
 獨駕孤舟入合江抵江津宣
 威令固人心勉之死守比至重慶偵探夷情指畫不
 略於鎮道多所匡贊繼委入京傳報時方禁傳
 抄播事本官縝密詳慎不疎不洩大裨軍機於
 播事實有勞績應加鎮撫職銜以需別用者也
 應議贖復官貴州都司僉書張秉忠雲南中軍
 官今陞遊擊張澍原任守備陞都司僉書今立
 功官伍萬鍾為事官蔡兆吉此肆臣者各以東
 隅之失俱象左次之辜斬擒新績旋聞挫蹶舊
 愆可蓋在張秉忠張澍以河渡之失被叅伍萬

鍾以偏橋之失立功相應議贖行資內張秉忠
功浮於過相應厚資伍萬鍾蔡兆吉應俱准復
職者也原任清浪叅將劉效節先據湖廣鎮道
呈稱其臨敵退怯已行令革職聽叅後准貴
州撫臣咨稱其防守有勞臣復行令戴罪管事
近查頗有轉餉之功尚可少贖逗遛之罪應令
復職姑免叅究原任守備今華任史良將一年
出守無虞諸苗斂戢惟謹亦應議贖者也各省
土官四川永寧宣撫司女土官著世績目把張
嵩劉國用周愛傳廷鑾長官袁初酉陽宣撫司
宣撫冉御龍目把冉大周石砭宣撫司宣撫馬
千乘目把秦邦屏平茶司長官楊先祖邑梅司
領兵目把劉世懋真州長官司應襲鄭蔡駱麟
馬湖府土官悅天恩夏德懋鎮溪所土指揮張
大忠田萬年貴州宣慰司宣慰安疆臣土舍隴
澄目把陳恩柯阿簡土官溫希舜宋顯印雲南
武定府土舍李保泗城州土舍岑紹勳龍英州
官男趙政立獨山州土同知蒙詔播州宣慰司

土舍羅寵平州司土官楊治安南丹司土舍莫
勞鎮溪所土官張元虎雍水司土舍猶鶴鎮遠
府土同知何守德土推官楊通淮新貴縣土縣
丞甯國梁湖廣永順宣慰司宣慰彭元錦保靖
宣慰司宣慰彭養正應襲彭象崑施南宣撫司
宣撫覃宜散毛司宣撫覃玉鑑忠建司宣撫田
天爵忠峒司宣撫田大豐高羅司安撫田阜大
旺司安撫田養民蠟壁司長官田洪東流司長
官田盡忠盤順司安撫親舍向明德容美宣撫
司土舍田宗武桑植宣撫司土舍向承周鎮溪
所土指揮向日明土千戶張銘張金土千總張
廷崑實授百戶張文爵瀘溪縣峒官向日葵著
岡隘土指揮僉事覃宗伊播州白泥司土官楊
鯨餘慶司土官毛守爵以上陸拾壹員共圖報
效各率戎行執銳披堅自奮前驅之勇畏
威懷德誰干後至之誅俱應賞資以勸土司內奢世
績女流統率萬之衆斬馘而獻者近千自將也
二郎之營懸釜而炊者半歲冉御龍馬千乘遠

戍久也。已效墨守之力，斬關奪寨，充多血戰之功。且千乘之妻秦氏，另自領兵報效，真不愧其丈夫安疆臣隴澄大水田之鏖戰。清賊腹心，挑溪衙之焚燒，亂酋手足。且貳子之母鳳氏，私發軍餉千石，大有裨於黔省，俱應破格重賞，加給服色以示。

優寵內馬千乘，係應襲土舍，仍應查照事例免其赴

京徑令承襲者，也有罪應議官原任遊擊充為

事官今提問楊惟中，介冑才庸，斗筭器小，龍

車播全書 卷五 五十一 失守已干周

赦之條長坎殺降，益重不祥之譴，相應行法以正其

辜。原任遊擊今緣事王之翰，親陣雲而褫魄，甘

為狼奔鼠竄之流，聞枹鼓而拋戈，安見虎闖龍

爭之勇。見在提問，應候勘詳定罪。倘橋衛提問

指揮劉之舜，縱賊未正其罪，冒功益肆其姦情

狀甚明法紀，難貸應從原問，歸結實慶衛指揮

李光亮，承委惟知圖利營私，不顧害公各屬轉

輸之夫索其紙價，然後為之交運土司潰散之

卒受其子女，檀自給與行糧，重秤故接運之法

不行，騎錢致涸潭之糧，私貯官箴大壞軍法，安

逃荊州右衛指揮畢舉，當羽書告急之時，為縮

朒偷安之計，領應付而不就道，科使用以便宿

娼戀居沅水之濱，奚問清人之刺，以上貳官俱

應提問瞿塘衛指揮曹永爵，典守全疎隄防，欠

謹羣兇就縛，供是入網之鯨，數里縱逃，仍為出

柙之虎，已經提問責限追捕，逸囚壹拾伍人，止

據貴州擒獲彭道壹名，餘尚未獲，罪自難辭，心

車播全書 卷五 五十一 候勘明定議，葛彰司土官安其位，因居魯齒

地未忘狐兔之情，頻傳遞以透漏軍機，具酒牢

以交通賊好，竝應提問名色把總葉明遠，其貌

可觀，其中無有故違，將令未能奮臂以趨前，纔

見賊鋒胡乃抱頭而竄，後今已繫獄，相應正法

以戒懦怯，辰州府通判周以敬才，非應變識不

通方白泥營遣兵數拾名前來接米，情至急矣

遣其兵而米竟不發，罔思枵腹之虞，未順司兵

過鎮遠順帶行糧，勢甚便也，聽其去而致令復

還宜恤行道之苦優游怠緩委有悞於軍機砥礪操持尚無玷於官守新繁縣知縣魏光祚性行惟怯才調迂疎既承出納之司全無應變之略雄兵數萬自可恃以無恐而始終不敢入營餉未數千詎宜置之不問而稽查全然無法致關外多擾行之姦必斬之而後定且軍前有嘯呼之慮或令之而不從責問之緘口無言語及之流涕被面廢縣事大段若斯悞軍興乃其著者此貳臣者相應降調以警迂疎者也死事

平播全書

卷五

百七十四

卹官已故監軍四川布政司右叅政張棟雄

八面生風勁節千尋貫日經營戎馬之始而謀潛於九地九天躬親矢石之衝而機決於百戰勝無何八兵奏凱乃使壯士不還雖忠魂萬古如生而才美百人可贖除特疏上

請卹典外陣亡天津都司土芬守備陳大綱天全招討楊愈合目高金俸楊憲敘南衛百戶聶儒冠帶總旗劉海李胤芳把總包正龍劉啓明黃大督陣官陝西榆林衛右所試百戶郝大仁原任

遊擊楊顯同伊男指揮楊應芝舍人楊續之廣西守備白明達貴州守備阮士奇壩陽守備陳雲龍龍泉司土官安民志千戶訾嘉猷守東坡百戶劉經仁冠帶總旗張翔把總張一仕賈文中黃文煥楊玉王彥律其靖方朝宗許應元陳可行段承恩王道王景陳啓禮督陣官何天慶以上各員役剿賊奮不顧身相繼沒於

王事內除王芬陳大綱楊愈等已蒙

贈賻其餘其應列分別追卹者也保寧府同知

平播全書

卷五

七

贛衛州府判楊大烈榮昌縣知縣陶宗聖

以積勞成病回任身故湖廣布政司照磨張居仁調至標下聽用病故貴州指揮徐登階鍾英廣西總兵營官陳興雲南把總張應元俱在營病故茂州衛指揮田賦出營回途病故以上朱員勦事忠肝可羨旅寇暴骨堪憐相應從厚追卹內朱員先管合江路糧運河道初通中多灘險朱員親自跋涉泥塗督夫催運得以不誤比事朱員以其任勞任怨特令經理蒲州時已

積勞成病遂入播而沉出播而死臣憐之如非
親戚聞宗聖以行夫入山染病而出抵縣而死
臣過榮昌通縣之人泣請祀於名宦此非獨勞
臣亦循吏也張居仁素有才名臣調之標下資
其謀議時與談論頗悉機宜乃以風土不習久
之病死矣在趙妻孥在楚身死於蜀亦足悲矣
參臣者勞俱可錄死俱可憫即不敢望監軍
特典亦應

贈以京職以勳臣事其楊太烈在事幾時死於何

應得

卹典亦應俟查明竝給者也供事吏役除湖廣貳省
聽各該撫臣徑敘外臣衙門京撥書吏方一昇
布政司洪到寫本吏龐續元會延春各經管兵
糧章奏效勞日久合照東西貳征事例方一昇
係參考俟役滿赴部之日准免考試龐續元會
延春係見案俟外歷滿日准免南京壹考俱經
咨吏部照依本等資格附選以酬其勞其餘在
事官役不能盡錄臣酌量徑行獎賞外伏乞

勅下該部查將前項應陞應錄應賞應准贖應提問
應免考各員役通行巡按御史查勘明實徑自
具

奏施行庶賞罰明而人心允服

恩威著而地方有賴矣再照連年東西用兵敘錄之
數以今比之不無少溢緣今日之事原來拙速
勢須用衆若事定而桀削不錄恐人多缺望後
難再使又參省相去寫遠不便往來咨議故止
照冊敘之然議陞亦自不多餘不過紀

不為不德矣其湖廣一省偏沅撫臣

而東相去更遠藁尚未至臣以平播已經半載
難以更遲因照該省撫臣與監軍道所報文冊
查其所稱應敘者敘之大都有事於國下者臣
知之其在該省供事庶官勞逸勤惰未能盡知
或偏沅撫臣疏內間有增減參差仍應以其所
敘為據緣該省方在用兵賞小為明人始知勸
亦鼓舞之一端也至如臣者身膺疾病家遘閔
凶偶以謫才肩茲臣任無能伐謀於先事卒至

動輒而勞民焦頭爛額何功可稱老師費財即
得矣補且播州之役原以

皇上明斷雅意

中興故內而閣部科臣協來以運籌外而撫鎮吏卒

感激而用命臣不過一移檄一申令之力耳遂

足功乎若既因人而成事復貪

天以自功即死有餘愧矣伏乞

勅下該部免敘庶臣分不踰臣心可安臣不勝大願

緣係

平播全書 卷五

天威遠震逆寇蕩平遵

旨核敘捌路從征文武官員功罪以明賞罰以資安

攘事理未敢擅便為此具本專差舍人王國楨

齎捧謹題請

旨奉

聖旨兵部知道

平播全書卷之六目錄

奏議

播州善後事宜疏

四乞歸疏

五乞歸疏

敘助兵餉疏

黔省善後事宜疏

六乞歸疏

乞優處府佐疏

平播全書 卷六目錄

糾參黔帥疏

七乞歸疏

川省蠲免疏

八乞歸疏

請補播州缺官疏

繳寶劄疏

銷算軍餉疏

進播州圖疏

請卹典疏



目錄終

平播全書卷之六

播州善後事宜疏

題為播地蕩平經制宜定敬陳善後切要事宜伏

乞

聖明採擇以永奠遐方事臣祇奉

皇上威靈拮据播事戎馬之役偶爾告竣一切奏凱
獻俘及議故文武效勞人員俱已次第具

題塵瀆

天聽矣顧播夷地也其人夷人也身椎跣而手刀劍

蓋已捌百餘年於茲矣

皇上既拓疆土而混一之則必取鱗介而冠裳之藉

人民土地而版圖之然而綜理弗周則

制度缺官屬不備則任使難法令弛則釁孽易萌

恩澤墜則人心非固善後之策安可不亟為之講乎

先是臣於平播之初即照便宜行事委重慶府

推官高折枝攝兵備道事委保寧府同知張鰲

攝知府事各入播經理去後隨准兵部咨為欽

奉

聖諭事該本部題條為拾事內開一計善後謂宜亟

行督撫衙門備查播州一地某處與某處連區

某地與某地接軫作何分隸某處應設某府某

州縣作何安置某地應置何將作何統轄及一

切善後合行事宜悉心計處所有予遺作何安

插空闕處所作何招徠務令犷悍不毛之地盡

入範圍撫馭之中被我衣冠服我聲教奠安絕

微以紆

西顧等因題奉

聖旨元兇既殲凡脅從牽累的都免窮治流移的招

他復業毋許豪強乘機兼併還與優加賑恤以安

新定地方兵馬久戍勞苦酌量應撤的次第撤還

求靖諸苗橫恣逋誅就著撤回兵馬剿處不必待

奏可即便宜行事軍中一應有功人員俱從公敘

來其餘皆依擬該督撫悉心行欽此欽遵備咨到

臣隨該臣備行三省撫鎮司道會議去後各據

回覆到臣大段主於改土設流而就中經制委

曲亦有不能盡一者於時臣已積憂抱病不能

聖訓但聽各委官以便宜處置聽候新督臣到日裁處題

請而已乃今浸尋綿延逾數月新督臣杳無視事之期而各官之奉委者未經銓註終不專一乃同知張鰲已物故矣推官高折枝已病去矣臣恐播州從此遂壞將來更費經營今不得不勉彊籌度以其體

國經野張官置吏之大槩具疏以

請其餘政體瑣細有煩料理事勢綿長稍需漸次者

本稿全書

卷六

統候新督臣到日再議該臣會同巡撫貴州兼

督理湖北川東等處地方軍務都察院右副都

御史郭子章巡撫湖廣等處地方兼提督軍務

都察院右僉都御史支可大巡撫偏沅等處地

方提督軍務兼理糧餉都察院右僉都御史江

鐸巡按四川監察御史崔景榮巡按貴州監察

御史宋興祖巡按湖廣監察御史王立賢議照

播地改土設流分置郡縣於以昭

聖朝一統之與圖而新海內萬年之耳目甚盛舉也

查該州地鄰三省然楚止偏橋路通一線蜀與黔蓋無所不接壤夫蜀無藉於播黔瘠壤也若乘此時而割播地以附黔則於蜀無損於黔有裨且臣等別疏又

請以楚之肆衛並割附之從此黔省幅員得與拾貳省比長挈大甚為長便但盡屬之黔則地方千里諸凡締造勞費尚多亦黔所不能堪因議設為貳府分隸黔蜀庶建邦塔土各自經營成聚成都指顧可就

本稿全書

卷六

皇上廓清之績既已盡披於參藩而憐憫之仁又復

再造於黔土矣除寬會從撤兵馬招流移厚賑

恤抑兼併靖橫恣等項凡

明旨所叮嚀而兵部所條議者俱已陸續舉行及見

之後開款目外謹集衆思列為拾貳事進呈

御覽伏乞

勅下部院覆議上

請發賜施行地方幸甚臣等幸甚緣係播地蕩平經

制宜定敬陳善後切要事宜伏乞

聖明採擇以永奠遐方事理未敢擅便為此具本開
坐專差承差黃可美齋捧護題請

旨

計開

一復郡縣播州南極牂牁西連楚道東西

廣壹千貳百貳拾里南北袤壹千肆拾

里漢唐故為郡縣在川貴之間亦一都

會也至唐乾符間陷於南詔楊端取而

據之今遂會既平相應改土復流以變

平播全書

卷六

五

夷俗及照播州白田壩沃壤數百里即

播州遵義縣故地當復府治設縣附焉

桐梓當茶南之衝走川貴道也舊為夜

郎縣故地當復壹縣望草南接婺思北

達真浩為綏陽縣故地當復壹縣仁懷

濱播枕永襟合帶瀘為懷陽縣故地當

復壹縣真州即古玆州川原平衍商販

周遊應復壹州以上俱隸川省統轄黃

平為川貴要區舊設撫苗通判壹員列

衙重慶駐鎮彼中其與播勢相控馭並

為重地應設壹府涪潭龍泉地里廣邈

各應建設壹縣甕水重安合設壹縣餘

慶白泥合設壹縣并草塘容山貳司應

割隸各縣以上地方去黔甚邁相應改

隸貴州統轄總計增府貳州壹縣捌蓋

亂流初殄地闕人稀始建數城以為繁

屬以後地闕民聚無妨增設其貳府治

與附郭縣分正佐首領各應照例全設

平播全書

卷六

六

外州縣正佐首領俱應量減以上擬定

郡邑并府治倉庫準今酌古應新其名

統祈

欽定至於府州縣及府之首領司獄倉庫各申記併

乞

頒降以便行使其各府州縣合用僧綱道紀陰陽醫

學等官候修建工完另議

請設至於新設各官廩糧等項暫於征播支刺軍餉

銀內支給俟播地田賦起科接支議行

停止伏候

聖裁

一設屯衛近日所稱有費而無益者莫如
 衛所官軍然亦有不可盡廢者播州地
 方千里山川險惡夷漢雜居又逼鄰貳
 大土司時有啓疆之志必須設官軍建
 屯衛以明居重馭輕之勢而消睥睨跋
 扈之心若夫時操練汰冗弱令為有用
 而不為無用則在當事者之力行何如
 固不可因噎而廢食也應設壹衛於白
 田壩與府同城指揮使壹員同知貳員
 僉事貳員鎮撫壹員經歷壹員知事壹
 員所屬前後中左右伍所每所正千戶
 壹員副千戶壹員百戶肆員所軍各壹
 千共伍千衛所官於從征有功者酌量
 陞授不足者於鄰近額入者調取移實
 之其邊隅過鄰土司地方各設屯田每

軍照

祖制貳拾肆畝再加陸畝為冬衣布花之費共叁拾

畝即自種自食不必納糧於官又復領
 出紛紛滋弊各開屯處除養屯兵之外
 餘田仍照民地起科上納本折於各州
 縣為衛官俸廩及不時軍興之用每年
 冬拾月拾壹月春正貳月農隙各屯官
 時加操練又以拾月拾伍日貳月拾伍
 日齊赴兵備道大操叁日驗其武藝較
 其強弱而明賞罰焉老弱者汰之一屯
 老弱者並革其官軍人之田即另募
 壯丁補伍庶軍得實用異時即募兵散
 盡此伍千軍與主兵叁千自有捌千可
 用之兵矣該衛名伏乞
 欽定其衛印與經歷司印亦乞先行
 頒降行使各所伍印俟官軍定日另行題
 請至於貴州衛所已多且黃平原有壹所不必增設
 以滋冗濫伏候

聖裁

一設兵備播地參面環夷干戈甫戢當此
經綸草昧之始設立有司可以招撫流
亡或未能長駕遠馭而圖久安布置將
領可以備禦倉卒或易於生事微功而
開邊釁欲以內脩戎備外攝夷心整肅
羣僚警服衆志爲地方長久之計則兵
道不可不設矣合無添設分巡兼兵備
官壹員註銜四川按察司請給

勅書關防於播州白田壩新建府城駐劄專一整飭

平播全書

卷六

九

本

新復郡縣并重慶衛忠黔貳所永寧酉
陽石砭平邑等土司兵務兼理有司錢
糧獄訟其重慶府巴縣綦江南川涪州
武隆彭水切鄰地方悉聽管轄以便行
事黃平新設壹府肆縣雖割屬貴州但
人心初附田土毗連與貴州水西宣慰
司竝聽兼制至於該道俸薪等項查照
欵馬溢兵備道事規暫於重慶府屬州
縣編派俟播地田賦定後改編於新設

州縣凡該地方一切招集兵民修築城
堡布置邊防儲積糧餉疏通驛遞禁伏
豪強諸事聽其隨時督理俟貳叁年間
田均食足兵治民安政教脩舉遠近懷
柔即破格大用以酬其勞庶重地無虞
安攘有賴伏候

聖裁

一設將領照得播淪於夷閱捌百餘年風

俗獷悍法令杆格所從來矣今地方雖

平播全書

卷六

本

經蕩平而逋孽潛藏漢夷錯雜招苗樹
黨越界侵田時所必有未可便謂晏然
無事之秋也儻非得一大將提重兵鎮
壓之欲其挽首帖心惟吾有司之約束
其將能乎今議播州留兵壹萬黃平留
兵叁千粗足防守然必得一大將鎮之
始可無事查得先年克平九絲議留總
兵壹員鎮守其地今建武視播稍緩即
一叅遊足領之合無將軍門標下新添

設練兵遊擊壹員改駐建武防守原設
總兵移鎮播地應留各兵挑揀家丁參
千買馬參百內總兵標下家丁貳千參
百馬貳百柒拾以坐營千把總領之兵
道員下家丁參百馬參拾以一中軍領
之有事俱聽總兵提調名為正兵此外
兵柒千酌量分布於白田霸真州桐梓
等縣播川等驛防守內以一遊擊領參
千以三守備各領貳千各用千把總分
領之有事征戰無事即為築城鑿池建
郡縣脩郵驛之用糧銀照依舊例支發
徐俟建置竣工之後除家丁參千馬參
百外餘軍以次議撤有額附籍當軍及
為民當差者聽從其便千把總俱於附
近衛所官內選用其黃平留兵參千仍
設一參將領之總聽防播總兵官節制
斯將兵之錯置得人而邊境之姦萌自
息矣伏候

聖裁

一急選調郡縣既復應設正佐官員分理
庶務緣地方初定需人為急若非揀擇
自近亦何濟於目前臣等再四諮詢如
龍安府同知劉安仁爽朗特達之才果
毅真誠之品器宜盤錯力裕勛勳堪任
新設播州知府重慶府同知王陞烏蒙
府通判劉之淵雅抱練達之才均有循
良之政俱堪新府佐貳劍州知州陳應
禎才稱老練事有調停南溪縣知縣寇
克順彭山縣知縣何珩並有才華夙聞
牧愛原任資陽縣知縣詹淑初以木務
論調繼留征播管餉實心幹濟頗效勤
勞宜賓縣縣丞曹一科才思開爽眾號
曰能以上各官俱堪各州縣正官但草
昧經營人不樂就應從優陟用示激勸
且劉安仁拾年州郡久著廉能王陞劉
之淵轉餉有功陳應禎資俸已久應以

劉安仁即為播州新府知府王陞加運
 同銜管同知事劉之瀾加同知銜管通
 判事陳應楨加同知銜管真州知州事
 知縣寇克順改附郭何珩改桐梓詹淑
 改望草縣丞曹一科陞仁懷各知縣臣
 又查得附近地方佐領等官頗有幹才
 堪以集事者如經歷楊體寬等數員俱
 應為新地佐領之用重慶府經歷楊體
 寬應改新府經歷本府知事何遲應陞
 新附郭縣縣丞長壽縣縣丞劉學可應
 改桐梓新縣縣丞定遠縣主簿李愛宗
 應改仁懷新縣壁山縣典史蕭時寬應
 陞望草新縣各主簿忠州吏目吳從周
 應改真州吏目原任播州長官司吏目
 今陞資縣典史徐里應改新附郭縣松
 坎驛驛丞張二南應陞新桐梓縣湄潭
 驛驛丞朱化龍應陞新望草縣合湯水
 驛驛丞徐懋功應陞新仁懷縣各典史

臣已經行令各官一面權宜任事凡相
 度地形建立衙門脩築城池清理疆界
 丈量田土召民受廬按籍編戶一切撫
 摩禁戢事宜但有利於生民裨於新鎮
 者俱聽公同在事文武悉心料理務臻
 實效去後仍
 請著為令如參年之後政蹟有成別無他過即照格
 超陞以酬其勞黃平新府并屬縣正佐
 除貴州撫按題有應補人員外未足者
 及播州新府推官新衛經歷知事附郭
 新縣主簿等官應即銓補其兵備員缺
 臣查得兵巡下川東道僉事徐仲佳大
 器如萬斛之舟朗識若九秋之鑑飭邊
 防則恩威並懋理播事則勞怨不辭况
 前委南川一路糧運時當戎馬倥傯之
 際本官處夫處餉轉運極其調停本支
 折支會計更多儲積不動聲色大事克
 濟卓然為四路首稱允為遺大投艱之

選及查歷來新定夷方兵備官員皆於
地方用事人員內查其賢能卓異者不
次陞補今徐仰佳資俸雖淺勞績獨懋
應將本官加陞四川按察司副使職銜
管理分巡及整飭播州等處兵備庶使
彈壓至於總兵付託尤重臣等查得鎮
守貴州總兵官李應祥兼才允武允文
臨事有謀有勇勞謙不伐廉節獨高所
當改為鎮守四川總兵駐劄播州以綏
夷方又查得軍門標下守備江萬化橫
草雄心穿揚絕技剋千人可廢桓桓
一旅爭先堪陞遊擊職銜赴播領兵建
越提調劉勝久著戰功能嚴軍令宜授
領兵守備尚少壹員容臣徑行查委通
乞
勅下吏兵貳部再加酌議將各官查照擬定員缺就
近推補黃平叅將亦聽貴州就近議補
行令速赴任事各官

行驗併
前填給其以上文武各官遺下員缺通應另行推補
各府州縣衛所儒學與首領司獄倉庫
等衙門應用吏役聽布政司註撥伏候
聖裁
一丈田糧環播幅幘千里田地無慮數千
萬畝及考其舊時額糧止歲以伍千捌
百石輸貴州蓋夷方賦稅原自輕減至
應龍出而後巧取民財定為新法名曰
等實每田壹畝徵銀數錢初猶歛其財
以招苗後竝奪其地以養苗而賦法蕩
然盡矣今既改流自當純用漢法以定
田賦合責成新道府親率州縣官揀定
疆界治丘履畝逐一丈量分為等則造
冊呈報以定賦法第額糧輕重蜀無定
規查克平九緣丈量田地分別上中下
叁等每畝上田肆升中田叁升下田貳
升今宜做之以清播田第播地山水間

雜不止參等尚有上上下下者宜逐項
分析最上者壹畝可常上田幾畝最下
者幾畝可當下田壹畝則待臨時斟定
難以預計丈完總計田地若干糧若干
徵本色若干折色若干候貳年之外起
科除足壹年夏秋貳稅銀力貳差一切
雜費外餘解布政司充邊餉支用其承
丈各官果能執法不撓精覈不與事完
從重優陟若乘機作弊委用不效首兵
備道不時叅呈以憑究處庶賦稅一清
公私胥賴伏候

聖裁

一限田制播土舊民自逆酋芟夷之後大
兵征討之餘僅存者十之一二耳遺棄
田地多無主人惟冊籍不存疆界莫考
復業之民往往冒認影占原少而報多
原瘠而報肥甚至一人占田壹貳千畝
尚有異省流徒假播籍而希冒占者夫

平糶全書

卷六

七

王者之師弔民伐罪罪人既得子遺之民自當存恤

顧無知小民何厭之有若任其冒占而
不為限制不惟告擾紛紛徒滋多事恐
將來田地濶而人民少不能成府縣之
規且自應龍在事以來予奪任意生殺
自由強凌弱東暴寡凡業厚而田豐者
皆席應龍之寵而魚肉細民所得也此
輩初用事後得罪有逃避他方至今方
出者有身為募民起釁釀禍者有其身
已殲其家已滅而一二遠族尚思產
者誰為屬階致此紛擾卒令

平糶全書

卷六

八

天朝以貳拾萬之師費百萬之餉殺人數萬方得翦
定此土宇而猶令此輩竊據以自封即
應龍地下亦不服矣今應將播之舊民
號楊係子者查果真的無論原業肥瘠
俱人給田叁拾畝上中下攬配均給若
一處皆上田皆下田者臨時酌給大率
純下田不得多過壹百畝純上田不得

少過貳拾畝其原非播民必不能為楊
 保語亦自易辨無問其曾否寄住皆不
 得妄認斯詐冒不行爭競可息至遺下
 無主民田應另行招人承種納糧當差
 應龍官莊並楊兆龍田一鵬何漢良等
 諸擒斬過有名頭人莊田盡數沒官聽
 參省之民願占籍播州者承種其領地
 之人查照時值量行上納以充目下建
 立城池衙門驛傳諸費亦定為限制平
 人不得過伍拾畝指揮千百戶不得過
 百畝俱於丈量時定種定價令不得那
 移州縣官收過絕產價值給付印契登
 入循環聽兵備道稽查轉報撫按查考
 經該官吏如有乾沒從重治罪庶定經
 制之中又得夫裕財用之意伏候

聖裁

一設學校播故有學宋元世俊茂朋興如
 冉從周猶道明白鎮之流俱登進士輩

聲上國自逆龍禁銅文字冠雋儒生以
 蒸報為禮義視道醜為名教每自稱為
 秦始皇蓋坑儒焚書以愚黔首亦略相
 似身為鮑魚有由然矣今干戈既戢文
 教宜先第新遭大兵不惟士人廢沮抑
 亦物力未贏若紛紛建設徒以恣虛費
 之實開弁冒之門於弘文雅化無當也
 今照府治綱紀諸邑實為風化之首白
 田黃平舊有學官補葺亦易特師儒久
 虛耳當於貳府原學各補教授壹員益
 之訓導貳員以聯生儒至博士弟子員
 無論附郭外縣但入學使之選者蜀新
 肆縣隸白田學黔新肆縣隸黃平學待
 各縣人文漸盛物力稍紓嗣各立學未
 晚真州既改為流其地方殷富人物道
 華亦須建壹學宮設壹學正以示維新
 之化學校既立振鐸有地明以人倫風
 以禮讓彼其才能崛起者足以備

國家徵辟之選而移風易俗無難不然而身被章
縫手執簡編亦足以潛消邪心興起善
念月劇歲漸不自知其化於禮讓之內
矣用夏變夷莫要於此伏候

聖裁

一復驛站播州各驛自逆首閉關負固驛
官不敢赴任過客不敢經行站戶逃徙
館舍丘墟拾數年矣茲者地方底定道
路大通驛站之設勢不容已查得播州

五播全書

卷六

五十一

五十一

舊轄松坎桐梓播川永安湘川烏江昌
田沙溪仁水湄潭鰲溪岑黃白泥壺拾
叁驛俱當川貴孔道所有各該驛館應
合分令領兵千百總同見在驛丞率領
防兵就彼採辦木石燒造灰瓦趁時興
工合用匠役亦於兵夫內查有慣造者
徑撥不足者於附近州縣取用工食銀
米計算於該邊支剩軍餉內動支仍責
成新設府佐壹員往來稽督不許虛冒

錢糧曠廢時日事完冊報又查各驛夫
馬支應及官吏俸薪舊額上司供辦今
既改土設流似應與腹裏驛站一體僉
派但流民授田方始難便買馬行差目
前一切站銀暫應官為出辦俟里甲稍
定即行編次至於夫馬額數應照衝僻
為率湘川驛附郭為四路最衝應設馬
肆拾匹夫捌拾名松坎桐梓播川永安
肆驛地衝路險應各設馬叁拾匹夫伍
拾名烏江仁水湄潭岑黃鰲溪白泥各
驛俱次衝應設馬各貳拾匹夫各叁拾
名昌田沙溪止通水西次僻應設馬各
拾匹夫各貳拾名各驛官見在者行令
赴驛任事缺官者照缺銓補其各驛印
記舊為應龍收去近已迷失應另
頒給各驛吏因屬土司舊未撥發今應行川貴兩省
布政司照缺查撥伏候

聖裁

五播全書

卷六

五十一

五十一

一建城垣夫郡縣既設必有城垣所以明保障防不虞也播州之壹府壹州肆縣與黃平之壹府肆縣並宜城城並宜石石少者以甄代其兵備道總兵府并府衛州縣衙門公署倉廩庫獄城隍廟演武場與貳府壹州儒學文廟殿廡齋舍等項俱當以次脩舉而各官一抵地方棲身為急衙舍之建尤宜首圖一切應用木石甄瓦灰釘各若干工匠兵夫各若干應支帑廩錢穀各若干分委督工員役各若干城垣高廣丈尺若干城樓城門敵臺梁口若干衙門倉庫廟學房舍殿宇若干俱聽該兵備道督同各府州縣正官選委勤明佐貳首領雜職等官帶匠估勘務要周悉呈詳撫按衙門於堪動銀內行支應買備者買備應召集者召集剋期興工多方稽督大約城垣以貳拾玖年貳月內起工限年終落

成餘各以次脩舉誠中員役有怠惰者錢糧有冒破者工力有草率者俱聽該道叅詳究事竣之日造冊報撫按衙門

奏繳庶險要可資防禦有賴伏候

聖裁

一順夷情播州皆夷也大兵之後為賊用力者刈夷蘊崇已無遺種今見在者曰各司土官曰七姓奏民曰投降夷目皆宜安禱得所顧就中情事不同亦宜分別如例司曰播州真州白泥餘慶草塘黃平重安容山內安撫貳長官陸又壹司龐水原無印信亦稱長官又有宣慰同知羅氏此皆世有官號與播並建者播州長官王積仁以附播被擒獻俘此當與楊氏俱滅不待言矣真州附播多年慕江之破助兵參百者在耳目同知羅氏與江外伍司首起釁端挑怨速禍且具

奏改流致激應龍之怒殃及墳墓流禍鄰封致有今日之事海內震動流血千里則諸司者罪之魁也故說者謂真州宜正其附播之罪而江外諸司宜以起釁絕之不為無因第

王道如天罰宜從輕實宜從重真州當進兵之初率先歸附正副長官各以千人從軍江外諸司各招兵聚義充黔楚鄉導此輩即不足為重輕顧一念誠款自應量酬合

平播全書

卷六

五

將真州正長官即為該州土同知副長官即為該州土判官江外諸司安撫與正長官即為該縣土縣丞副長官即為土主簿同知羅氏為新府土知事此則略其大罪錄其微功且令魁結醜毳之流居然儕於衣冠文物之列諸夷亦何幸焉此外尚有投降夷目原非長官本無冠帶但賞格曾坐名開諭軌爾先事歸誠亦宜少示

眷酬以明恩信如上赤水里頭目袁年父遭酷禍授

降最早宜授以所鎮撫職銜下赤水里頭目袁登仁懷里頭目王繼先安羅貳村頭目羅國明羅國顯安鑾以上伍名在王繼先臨時觀望在袁登等兵進方授即待以不死亦為正法但其返邪歸正自宜量酬應各授以冠帶總旗諸人田產止將本身者照冊撥給應納稅糧通附州縣官處上納其餘里人俱令附

平播全書

卷六

五

籍納糧當差不許仍以家人為名恣行霸占違者治其前罪至於七姓秦民始助楊氏之惡繼傾楊氏之族尤為禍首天下恨之但逆賊造反罪大惡極自難以餘波及人除在軍前作惡著有顯蹟見行監問者照律正罪外餘俱無論乘與維新如仍蹈故習豪橫害民誼道徑行擊問發落以後各地方人民亦不得指稱以前事體將處分過播日播民告

聖裁

宰致起事端官司亦不得受理違者竝
罪伏候

一正疆域播地東北接連參省縣衛各有
疆界無容濶淆西南左接水西右逼水
寧雖犬牙相攙未能齊一然畫野分疆
亦自有相沿界至惟是夷性犬羊互為
雄長強則侵凌弱則滅削甚至有一地
而甲乙互臨一人而齊楚兼事如儒溪

平播全書

卷六

下下

沙溪水煙天旺皆播州伍拾肆里之數
見有黃冊可考緝麻山李博埏仁懷石
寶甕平等處亦皆播州世業祇緣先年
楊氏中衰時曾為永寧水西侵占後應
龍當事治兵相攻恢復故業各邊目又
已任其糧馬兩下支持此在土司可也
今既改土設流自宜各復其故尚可混
行爭占乎乃水西止求清查永寧輒行
竄擾且動以瓜分為言不知賞格所謂

瓜分者謂不動

朝廷兵馬錢糧土司能建義自取之也今兵糧之
費騷及海內土司一旅之師不啻背上
之毛腹下之毳猶且多支本折優議欵
錄此亦何負於彼乃復垂涎土地則此
一番大勞大費止為土司管家事乎土
官明於大義必能引分自裁第其邊隅
日把往往罔上行私莫廣已業及今若
不查明將來未免多事應行播州該道

平播全書

卷六

下下

會同鄰近道分清查一切相鄰地方如
原係播州者歸之播州原係永寧水西
者歸之奢安二氏刻石立碑永為遵守
其鄰邊目把如不安分義妄肆侵爭重
行究治干礙土官一竝叅處蓋
朝廷伐暴救民原不為利其土地但無涯之欲漸
不可長且楊氏之禍止以下驕恣而上
姑息遂釀成滔天之患今復苟且遷就
誨爭養亂非地方之利亦非土司之福

也伏候

聖裁

摺全書

卷六

三九

四乞歸疏

奏為孤臣病已危篤刻難留懇乞

天恩亟賜放歸以延殘喘事臣於伍月間聞愛陸月

間感病至赤月間已參疏懇

恩乞歸尋而病日增劇虞有不測即自重慶馳歸成

都一就家口調養一便攜家奔喪也乃不意道

路奔馳前病愈甚於捌月初旬至省日覺頭岑

岑然不可支持至數日偶因奠臣父之主一哭

仆地遂不能起家人扶掖入室移時乃蘇從此

日惟偃臥更不復知人事又數日轉而為瘧初

尚一日一發繼乃間日一發每發則寒如握冰

熱如抱火痛楚躁擾不可名狀既止則又憎騰

昏憤偃臥如尸不見不聞但有人形而已如此

者迄今且叁月矣體瘦如柴氣微如絲食不能

一器坐不能一瞬一人不能見一字不能書此

與冢中枯骨無異尚可居於人世乎日於病憤

中時接邸報令人誦之知

皇上允臣回籍守制則深以為幸已而又知

摺全書

卷六

三九

廷推前後肆臣未奉

俞旨則深以為憂夫臣例應候代者也而川省又兵

戈甫息者也以時則如彼以病則如此乃久無

替人即地方不能保旦夕無事何况臣身即臣

身不能保旦夕無事何况歸而葬臣之父事臣

之母臣有勝已斷無淚可揮但神傷心碎仰

天乞哀而已揆情度勢臣似必不能候代然又不敢

輒自逃歸以干

憲典而貽

平播全書

卷六

五十一

五十一

皇上西顧之憂只得再

上懇伏乞

皇上軫臣至情憐臣危病亟將原推肆臣點用壹人

前來交代萬一臣得生還故里豈徒臣一身一

家之幸亦西南百萬軍民之幸也臣無任涕泣

哀鳴籲天懸懇之至緣係孤臣病已危篤頃刻

難留懇乞

天恩亟賜放歸以延殘喘事理未敢擅便為此具本

專差承奉奉朝恩齋捧謹具奏

聞伏候

勅旨奉

聖旨吏部知道

平播全書

卷六

五十一

五十一

五乞歸疏

奏為病已垂危勢難候代懇乞

聖恩亟賜放歸以保殘骸事臣自播事告竣聞訃丁

憂尋而感病已屢次上

請隨奉

聖旨允臣回籍守制但無人交代方在守候會前病

益劇偃臥參月不知人事於時不能草疏

陳告已經按臣代

題已又自行具疏上

平播全書

卷六

五十三

五

陳去後近見邸報按臣聯到該部具覆未奉

明旨臣更不勝憂恐不勝窘急謹再求真情

陳訴惟

陛下哀憐垂聽臣丁憂官也禮父母之喪無不解官

持服者况臣已奉

旨回籍守制矣遷延不去半年於今生者不歸則死

者不葬亡者以即土為安經年停柩臣亦何心

又臣母自臣父未亡時業以感病比遭茲變病

益不支臣既未得歸則選擇良醫資送於家託

之療治乃今具稟到臣云臣母之病非藥石所

能愈也蓋起於憂思臣不歸則病不起嗟乎人

誰無父人誰無母臣於臣父已抱終天之痛矣

陛下又令臣忍心於臣母乎脫有不測臣何顏見人

何心在世且疾病人所時有也而臣之病獨異

蓋浹歲以來所經大勞大苦大哀大痛大鬱大

憂皆人所未嘗一時竝見一身竝值者心即鐵

石亦當銷鑠身即草木亦當枯朽蓋臣膏肓之

病朝露之虞臣自知之他人或未之悉耳夫臣

平播全書

卷六

五十四

五

之奉

旨回籍已數月矣下手交代又已推上肆人矣此肆

人者負誅

王斷國之才抱緯武經文之畧功在邊陲名聞夷夏

但得其一即足以奠安西南露覆夷漢

陛下柰何違之而不允也凡臣所言皆實事實情非

有假飭非有欺誑伏乞

陛下亟賜矜憫將原推肆人者亟用其一俾早來交

代如

陛下米以此官可缺此用可遲亦乞

察臣至情憐臣危病容臣將

旗牌印信暫發布政司收貯與疾奔喪臣查先年

撫臣亦有聞喪不候代而歸者雖經參論罪止

罷官緣臣向來受

陛下特達之知有

陛下重大之任

君親忠孝兩下照管故未敢決去伏惟

陛下憐察矜允臣但得早說歸家哭臣父數聲見臣

平播錄書

卷六

五十五

母一面臣死亦瞑目臣無任願

天哀懇之至緣係病已垂危勢難候代懇乞

聖恩亟賜放歸以保殘骸事理未敢擅便為此具本

專差承差劉佐齋捧謹具奏

聞伏候

勅旨

敘助兵餉疏

題為逆賊蕩平援師奏凱懇乞

天恩查敘各省直勤

王督撫鎮道並敘協助臣工以昭勸典事案照先准

兵部咨該兵科都給事中張輔之題為播酋外

逼責竹內蟻等事本部覆議移文雲南湖廣福

建廣西撫按嚴督各布政司將庫貯銀兩如數

解赴貴州軍前交割等因奉

聖旨這銀兩著便行與各撫按嚴催解赴貴州應用

平播錄書

卷六

五十六

不許推諉稽延致誤軍機欽此又該巡撫貴州右

副都御史郭子章題為楚滇助餉勢難如期等

事戶部覆奉

聖旨川貴待餉甚急係部裏便馬上差人星夜嚴催

鳳陽廣西如數解彼濟用不許執留遷延悞事取

罪還立限與他欽此又該臣

題為播賊狂逞未已貴竹物力難支等事戶部覆

奉

聖旨這兵餉急用俱依擬行各省撫按司道上緊催

解以後不敷著總督遵照前旨於本省隣省便宜
處置各官務要同心共濟以期滅賊如有抗違支
吾指名叅來重處不饒欽此又該巡按貴州監察
御史宋興祖題為播首殺虜官軍張威挾撫等
事本部覆奉

聖旨這協助兵餉著火速嚴催接濟有再藉口支吾
的該總督撫按指名叅來重處欽此又該臣

題為循例

請設兵將等事兵部覆奉

平播全書

卷六

三十七

聖旨該鎮督撫新設事權宜重這編選標兵推補將
官調用各省兵馬議處糧餉等項都依擬行軍務
重大必須事事從實不許徇情顧面因循虛假各
鎮亦宜同心助力毋得坐視陳用賓沐勳陳璘等
都馬上行文與他知道山東防倭等兵著精練好
的差忠勇將官領去還立限與他欽此又該兵部
題為軍務事節奉

聖旨是川貴用兵雲南兵將許總督徑自催調領兵
叅遊而下併聽節制欽此又該科臣張衡之題為

叛賊臨城殺將等事節奉

聖旨徵兵救蜀已有明旨但恐路遠不能即至這本
欲兵部定限責發說得是還馬上差人守催務將
見在熟練精兵選去若托故遲延以疲駕塞責事
發各鎮同罪兵部知道欽此又該撫臣郭子章題
為播患孔殷貴陽伊邇敬陳卮危之勢等事兵
部覆奉

聖旨貴州湖廣各兵俱准添補湖廣堪動錢糧准先
動後題興隆叅將准添設陳用賓著錫恩任事共
圖犄角以靖地方不許顧忌推諉欽此又該兵部
題為軍務事奉

聖旨是廣西土司官兵准調發莊志傳務稟川貴督
撫及總兵官節制分布進止不許專擅行事致失
機宜欽此又該貴州撫臣郭子章題為播寇突出
充斥興隆黃平之間等事覆奉

聖旨是貴州孤懸著總督將供餉銀兩先儘支發仍
遵前旨於鄰省堪動錢糧內先動後題逆首抗亂
普天同仇各省直官宜請助兵餉豈得托言違旨

支吾推諉著通行與他每知道欽此又該臣
題為播賊分道突犯全黔等事節奏

聖旨貴州孤危著總督上緊與各鎮撫應援兵馬若
少准再酌量調募另給糧餉與他廣西雲南湖廣
各兵俱要齊赴信地戰守不許逗遛觀望欽此該
戶部題為暫留起解錢糧抵給貴州萬分緊急
軍需事奉

聖旨這銀兩者雲南解貴州充餉仍著搜括該處務
足題定數目解去不得再行奏擾欽此又該山西

道御史李時華題為師期伊邇謀費萬金敬獻
剪茅等事本部覆奉

聖旨參省進兵費多師期又難預限况貴州尤稱貧
瘠萬兵齊集其操站俱當存恤這南京河南銀兩
著作速依限依數解去以前題取各處的務要湊
解俱不許短少遲悞責有所歸漕糧聽督撫酌量
調度還通行與各省直知道欽此隨該本部咨行
各邊各省督撫諸臣并移咨到臣俱經欽遵分
投催調間續准總督陝西三邊少保兼太子太

傅兵部尚書兼左副都御史李汶咨稱挑選精

兵壹千員名赴援又准巡撫陝西右都御史兼

兵部右侍郎賈待問咨委叅將周國柱統領兵

馬壹千陸百員名匹并解盔甲壹百副火炮伍

位參眼鎗叁拾杆鐵子壹千箇鉛子壹千伍百

箇火藥壹百伍拾斤火線壹千條又准總督兩

廣兵部右侍郎兼右僉都御史戴燿咨委都司

趙應科領兵貳千玖百捌拾伍員名并帶鳥銃

壹百叁拾門鉛彈貳拾斤藤牌壹百面火箭貳

萬枝往蜀又行肇慶府借支銀肆千壹百叁拾

肆兩與總兵陳璘募兵壹千玖百叁拾捌名往

楚又差鎮撫張蘭等解銀捌萬兩助黔又准巡

撫寧夏兵部右侍郎兼右僉都御史楊時寧咨

送總兵馬孔英統領兵馬伍百伍拾叁員名匹

又准巡撫河南右副都御史曾如春咨委遊擊

任承爵等領兵貳千員名又准巡撫山西右副

都御史魏允貞咨委叅將余德榮領兵伍拾名

并帶湧珠炮肆拾位參眼鎗陸百杆鉛子玖千

平播全書 卷六 四十一
顆鐵子捌百肆拾顆又准巡撫山東右副都御史劉易從咨委守備趙賢輔領兵壹千壹百陸拾貳員名又准巡撫浙江右副都御史劉元霖咨委都司封建領兵叁千肆百玖拾捌員名又准巡撫保定右僉都御史江應蛟咨委坐營王芬統領力士南兵伍百叁拾柒員名并解大弓肆百張火箭肆百把大火箭玖千貳百柒拾枝小火箭貳千叁百肆拾貳枝燭硝肆百捌拾斤又准巡撫甘肅右僉都御史徐三畏咨委遊擊余世威等統領兵馬貳千員名并帶湧珠炮貳拾位叁眼鎗陸百杆又准巡撫延綏右僉都御史王見賓咨委參將李經統領兵馬貳千伍拾柒員名并帶滅虜炮壹拾貳位火炮肆拾貳位叁眼鎗伍百陸拾伍杆又准巡撫雲南右副都御史陳用賓咨稱備移總兵沐歡發中軍張澍等領兵柒千馬千匹象數隻往黔進征談鎮親統貳千員名屯劄曲靖本院駐劄霑益聲援又准處補川餉銀柒萬柒百柒拾伍兩玖錢

平播全書 卷六 四十二
助黔又准巡撫廣西右副都御史楊芳咨稱備移總兵李如樟選委都司莊志傳守備白明達等領兵貳萬往黔進征談鎮移駐泗城州應援又解餉銀叁拾萬兩赴黔協濟又准巡撫順天右都御史兼兵部左侍郎李順咨差官楊崙解滅虜虎蹲炮陸拾位大鉛子陸百箇小鉛子壹萬捌千箇火繩壹百捌拾條藥線叁千條火藥陸百斤馱炮架叁拾陸副木郎頭陸拾把木送子陸拾根鐵藥升陸拾箇鐵藥匙陸拾箇鐵錐陸拾把鐵剪陸拾把藥線筒陸拾箇皮搭襖拾貳箇油篋貳拾肆箇鐵鑊貳拾肆把叁眼槍陸百杆鉛子壹拾捌萬箇藥管壹萬捌千箇藥線壹拾捌萬條火藥壹千捌百斤盛鉛子皮袋陸百條盛藥皮包陸百箇棚杖陸百根藥線筒陸百箇鐵錐陸百把鐵剪陸百把又准巡撫福建右僉都御史金學曾咨解軍餉銀拾萬兩赴黔又准巡撫鳳陽右僉都御史李三才咨發淮陽兵叁千令原任副總兵王鳴鶴領赴黔楚進征

又解軍餉銀拾萬兩赴川各協濟等因陸續移
咨到臣隨將兵馬器械發去軍前分布協濟銀
兩解赴營中聽支去後續據各營揭報首寇蕩
平地方底定隨該臣遵奉

明旨檄下各該管路議將前項兵馬次第撤放責令
原來將官統領分別水陸程途遠近給以行糧
軍火器具應收貯者收貯應發還者發還各違
鎮訖又准貴州撫臣郭子章偏沅撫臣江鐸各
會稿內開南京戶部解到銀拾萬兩河南撫臣

平播全書

卷六

四三

四

曾如春解到餉銀玖萬兩江西撫臣夏良心解
到餉銀叁千叁百餘兩應天撫臣陳惟芝解到
餉銀壹千玖百餘兩鄖陽撫臣鄭國仕助餉萬
金及稱雲南致仕總兵官黔國公沐昌祚助銀
貳千兩貴州原任戶科給事中今為民陳尚象
助米壹百石土官禮思明助硝壹萬斤武舉張
鶴卿庶母章氏土官安大順各助米壹百石監
生宋仕通趙希伯袁任生員沈繼祖聞於臬
米鶴程雲路壽官陳嘉猷各助銀壹百兩等因

又該臣查得先因逆賊卒起蜀無硝磺差人別

省收買急不能至聞陝省多產此物向臣過漢

中地方見南鄭縣知縣霍鎮方談吐精明志在

滅賊該縣與蜀相隣因發銀令之買辦本官晝

夜拮据收買數萬陸續解運自始事以至賊平

用之不盡各有申文在卷通查到臣該臣看得

逆賊之敢於稱亂非其好生惡死之心果與人

殊而敗國亡家之禍甘以其身常試也彼所自

恃者山川之險要兵甲之精強物力之豐盛而

所習見者川蜀之武備不脩貴竹之帑藏如洗

以為吾惟不為耳一旦裹糧下甲從中而起即

縣官其如我何蓋漢孰與我大從古夜郎王之見固

若斯矣不知忠義之性人所固有亂賊之黨法

所必誅當方內泰寧

天王大一統之日而一夫橫行乎其間其誰不投袂

而起仗義勤

王思立功名於萬里之外又况乎

天怒赫於雷霆

平播全書

卷六

四四

天語揭乎日月激信臣精卒之心而作義士仁人之
氣是故各省直邊鎮諸文武大吏各以兵會多
或至於數千各以糧從多或至於數萬即下至
巖藪之士間巷之人亦皆捐升斗出涓滴以為
萬一之助夫然後知

國家全盛之力而治教休明之驗也夫大加小順
討逆眾覆寡得全全昌理有固然無足異者其
參月而舉之削株拔根靡有遺種非幸也宜也
夫

平播金書

卷六

四

國家儲糧治兵以備不然即文武大吏奉

王命討不庭轉餉發兵自其本分亦非有所希冀於
後也惟是

帝王之所以鼓舞一世者令惟其行賞惟其厚諸臣
既以奉

陛下之令羣力畢舉以克有成功

陛下當必有所以優厚之者臣亦何得不一據實為
明言之除各省原委統兵有功將領等官另本

題敘竝解助兵餉銀兩另冊

奏繳外照得總督陝西三邊少保兼太子太傅兵

部尚書兼左副都御史李汶身繫四海安危才

憲萬邦文武傳檄則依飛雲集雄邊之貌虎生

威銜枚而輕騎馳馳險國之鯨鯢落膽巡撫順

天右都御史兼兵部左侍郎李願哀然山斗具

瞻屹矣華夷偉望諸鼙擅火攻之巧焚險菁焰

比燎毛六師張雷厲之聲殲元兇勢如破竹巡

撫陝西右都御史兼兵部右侍郎賈待問曾鏞

武庫甲兵望重北門鎖鑰遣虎頭之上將威名

風掃乎妖氛部魚麗之雄師器具星迴於組練

總督兩廣兵部右侍郎兼右僉都御史戴耀表

表簪紳清望我我頰海殊勲麾部曲而雲捲蒼

梧聲沸千羣鵝鶴飭儲香而光騰紫電魂飛孤

壘豺狼巡撫寧夏兵部右侍郎兼右僉都御史

楊時寧河洛千尋砥柱賀蘭萬里長城移將士

於衝邊襟著忠勤之大義授機宜於密幄借收

戡定之庸功巡撫河南右副都御史曾如春雄
才間世千鎔碩望

平播金書

卷六

四

中朝鼎石指麾裊將經九折之坂而輻輳如期發縱
羽林破絕巔之巢而衝擊稱最巡撫山西右副
都御史魏允貞大節匡持

國是宏才經濟時艱分幕府之材官剋剋威揚於
壁壘撤轅門之軍實纍纍氣壯於干城巡撫山
東右副都御史劉易從駮猷傾注巖廊鴻略澄
清海岱驅三齊之健卒旌旗日耀雲屯董兩浙
之冠軍籌策風生電掣巡撫浙江右副都御史
劉元霖銓衡風凜

平播金書

卷六

四

清朝節鉞波恬滄海義旗西指兼水陸而虎賁之士
三千宿將南馳挾風霆而鼠竄之夷百萬撫治
鄖陽右副都御史鄭國仕斧鉞當秦楚韓魏之
交勲名係中外華夷之望憂先同室切已饑已
溺之思震急于隣効移粟移民之助巡撫江西
右副都御史夏良心登節檠九紫峰寒憺威稜
三江浪靜千金饗士纓冠先
王室之憂萬里平夷彛鼎勒地方之績巡撫雲南右
副都御史陳用賓慷慨助勦

國難威嚴汛掃邊塵調勦卒於烏蠻騎步七千雄

閩外發精鏐於金齒師徒十萬飽行間巡撫廣
西右副都御史楊芳抱負經文緯武謀謨安夏
攘夷督龍城象郡之兵萬竈炊煙蔽野捐桂嶺
梧江之積全黔芻粟屯雲巡撫保定右僉都御
史汪應蛟皎皎丹衷貫日泠泠素節凌霜鐵騎
度漳沱起六郡良家之子銅魚飛越萬靖三苗
逆命之兇巡撫鳳陽右僉都御史李三才望崇
啟上夔龍威自軍中韓范命雄師聲援突集驚

平播金書

卷六

四

將令之自天助大飭騰飽無愆慶
王師之似雨巡撫甘肅右僉都御史徐三畏魏巍青
瑣芳標燁燁玉關閣伐簡鷹揚而鞠虎旅無煩
折斧缺折凌鳥道以淨狼煙早見
獻俘授馘巡撫延綏右僉都御史王見賓揮霍才長
靖虜忠貞念切勤
王殺氣暗銅標駉牝共貔貅爭壯夷氛清紫塞謳
歌典茹鼓齊喧巡撫福建右僉都御史金學曾
經略才雄秉鉞聲漫義駕同舟開帑出金錢竭

航海梯山之力黔藩歡士馬奏塞旗斬將之功
巡撫應天右僉都御史陳惟芝鎮上游龍蟠虎
據勤遠略靜夏攘夷軍實裕盤江慮急於救焚
拯溺妖氛掃棘道功始於挾纊投醪原任雲南
總兵黔國公沐昌祚本自將相侯王之種深明
君臣夷夏之防念河山之盟誓如

天恩酬一劔視囊橐之積儲若士士享千金鎮守雲

南總兵沐獻鐵券金章之胄登壇授鉞之才誼

急纓冠親部日南之士馬風生雷電立銷徼外

之煙塵鎮守廣西總兵李如樟六韜世授鐵城

百戰身經銀夏冒炎觸瘴樹犄角於豺虎之衝

兵利卒精掃氛稜於鯨鯢之窟以上諸臣均之

誼重於急公績收於剿播並應優異內鳳陽河

南兩地正當有事之際而撫臣李三才則發兵

參千解餉拾萬曾如春則發兵貳千解餉玖萬

多助兵糧大裨黔土均宜更加優異雲南廣西

貳省原奉

明旨協力援搗陳用賓不但遣將發兵深入播地且

與總兵沐獻同提兵親駐境上防賊衝逸揚芳
先後發廣西兵貳萬解餉拾萬幾於代黔受
役李如樟久駐泗城聲援貴州直至事平觸犯
炎蒸抱病歸省蓋

明旨所責成貳省原重貳省撫鎮所以供

明命急鄰封者亦無所不用其力撫臣陳用賓楊芳

更宜大加優異總兵沐獻李如樟亦宜並加優

異沐昌祚以致仕總兵捐金貳千資助黔省宜

加

褒獎以示勸酬者也江西左布政使沈九疇福建左

布政使朱運昌河南左布政使姚學閔廣西左

布政使沈脩雲南左布政使梅淳帶管臨安兵

備道按察使鍾昌帶管曲靖兵備道副使孟紹

慶安普道副使黃文炳廣西賓州兵備副使陳

勗雲南督兵叅將盧承爵押兵潯州府同知何

文偉署守備事指揮沐霖以上諸臣深明大義

各行忠猷竭物力以濟遐方收足食足兵之效

討軍實而襄大難奏百戰百勝之功俱應賞賚

陝西南鄭縣知縣霍鎮方視

國如家急隣猶已非有相臨之分但以義氣而動

供辦不使乏與非有剝膚之災但以忠耿而助

攻圍卒能靜亂相應賞賚仍紀錄優處以為有

司敬事勤

王之勸者也原任戶科給事中今為民陳尚象瑣聞

名高

君臣義重江湖身遠猶思擒賊以尊

王桑梓憂深遂至毀家而紓難相應起用以竟宏施

平播全書

卷六

五十一

禮思明安大順宋仕通趙希伯袁任沈繼祖聞

於鼻桑來鶴程雲路陳嘉猷章氏深虞大難之

端不吝中人之產雖投石增華岳無補崇高而

捧土塞盟津尤徵壯志相應獎異以風民庶者

也伏乞

勅下兵部議覆施行庶奉公者益堅忠義之懷而梗

化者潛消奸宄之念所有補於安攘非淺鮮矣

緣係逆賊蕩平援師奏凱懇乞

天恩查敘各省直勤

王督撫鎮道拉敘協助臣工以昭勸典事理未敢擅

便為此具本專差承差陳治道齋捧謹題請

旨奉

聖旨兵部知道

平播全書

卷六

五十一

黔省善後事宜疏

題為逆酋甫平邊圍未輯敢陳善後事宜以備

采擇事准貴州撫臣郭子章會稿內開准兵部咨為

欽奉

聖諭事該本部覆議條列拾事內開一計善後原議

逆酋平定必當改土為流而各土司有能縛酋

以

獻者或世守其爵或瓜分其土此昭昭在人耳目者

也今事已定矣水西隴澄於伍月貳拾捌日業

冊播全書

卷六

李三

已撤兵避嫌矣除斬關輸忠功自難泯聽其從

優敘錄以為土司效忠奮勇之勸而一切大計

可不因原議而規畫之乎謂宜亟行督撫衙門

備查播州一地其處與某處連區某地與某地

接軫作何分隸某處應設某府某州縣作何安

置某地應置何將作何統轄及一切善後合行

事宜悉心計處所有才遺作何安插空闊處所

作何招徠務令曠悍不毛之地盡入範圍撫馭

之中被戮衣冠服我聲教釋其非心防其逸志

奠安絕徼以紓

西顧其有應行未盡事宜在督撫諸臣身在彼中心

經其事必有長計遠慮佐所不逮一併議妥作

速具奏

定奪等因題奉

聖旨元兇既殄凡脅從牽累的都免窮治沅移的招

他復業毋許豪強乘機兼并還與優加賑恤以安

新定地方兵馬久戍勞苦酌量應撤的次第撤還

永靖諸苗橫恣連誅就着撤回兵馬剿處不必待

冊播全書

卷六

李三

奏可即便宜行事軍中一應有功人員俱從公敘

來其餘皆依擬該督撫悉心行欽此又近閱邸報

該山西道監察御史李時華題為參省干戈幸

戢萬年計畫宜周恭陳一二膚見以備善後

采擇事內開條議拾款就中彊半多言黔事就經備

行布按貳司監軍紀功守巡各道會議前來看

得播州善後事宜統言播事兵部釐為拾款析

言黔事李御史列為拾款詳哉乎其言之矣當

局者迷觀局者智本院愚迷於局似亦可以無

言額計者取多謀者從可

聖明稽於衆或不嫌於互發謹以膚見釐為拾貳條

或為諸臣已言而申明之者或為諸臣未言而

專陳之者總之得一得之愚為地方長計耳如

或對非可采瓦礫不棄伏乞

勅下兵部再加從長的議覆

請施行等因會稿到臣該臣看得播州平定改土設

流業奉

明旨無容別議惟是稽之

平播全書

卷六

五

舊制原隸四川但貴州在十三省之中最為狹隘瘠

薄今乘此平播之後而割地以益之又以楚地

之最遠而近於黔者改隸之則幅幘漸擴居然

西南一大都會矣至於裁減協濟賑恤增築諸

事皆固圉寧民遷定安集之上務所宜急為舉

行者臣參詳再四所見相同除改設郡縣遴選

將吏五司改流清查黃冊肆款俱關係播州臣

已於平播善後疏中參以蜀事另行會

題外其更易轄屬等捌款俱係黔事該臣會同題

撫貴州兼督理湖北川東等處地方軍務都察

院右副都御史郭子章議照前事俱在可行相

應題

請伏乞

勅下該部查議

題覆施行緣係逆賊甫平邊圉未輯敢陳善後事

宜以備

未擇事理未敢擅便為此開款具本專差承差黃可

美齋捧謹題請

旨

計開

平播全書

卷六

五

計開

一議更易轄屬楚黔接壤撫屬錯綜如黎

平府永從縣近楚之沅州去黔千伍百

里而遙反屬於黔平清偏鎮肆衛近黔

之鎮遠去楚貳千餘里而遙反屬於楚

即云犬牙相制翻成彼此推諉頃者酋

犯偏橋而楚不能抹比者苗犯黎平而

黔不能抹印黔有播患而黎平永從無

壹夫壹粒之助非不欲採助也鞭之長不及馬腹勢也合無以恭平壹府永從壹縣改隸湖廣鎮遠偏橋平溪清浪肆衛改隸貴州文武官軍俸糧歲費公用悉仍其舊則軍民合為一家上下不相秦越卽有寇警誰能諉之伏乞

聖裁

一議裁將留兵頭者播患方殷黔之將不得不增今日逆寇蕩平黔之將不容不

平陽全書

卷五

五十五

減清浪參將原屬於楚非際專官無容議矣黔中下陸衛無壹重將何以捍壓則興隆參將似不當裁都清守備當仍其舊龍泉既有守備則婺川參將石阡都司應裁壩陽普安迤西參處既有守備則畢節參將應裁省城既有遊擊則守城守備當裁播賊雖平苗寇未翦總兵標下留兵壹千叁百為貳營興隆參將部下留兵壹千貳百內分其半為壹

營守與陸隸參將部下分其半為壹營

守平越隸都清守備部下以為下衛之

保障壩陽兵叁百分其半移隸安莊貴

陽留兵壹千分為二營以為省會之爪

牙第養兵叁千伍百餘名每年約費叁

萬伍千餘金貴州無從出辦相應於剿

餉內暫支俟貳叁年後地方大寧徐徐

議撤婺川參將王鳴鶴陳良玘俱將楚

兵聽楚中去留畢節參將朱鶴齡都司

平陽全書

卷六

五十六

錢中選守崇德鶴鳴合無免其赴部另

補別缺至於總兵駐劄昔在銅仁以故

沈尚文之杜門童元鎮之託身跡為免

窟眇若越人節經兵部題

准駐劄貴陽夫非於銅仁疎而貴陽親也貴陽近播

而銅仁去播遠也總兵官似當仍駐貴

陽待年餘大定之後以春夏駐貴陽秋

冬駐銅仁永為定例無許偏安一隅伏

乞

聖裁

一議四川協濟黔省土瘠民貧不及中州
壹大縣其歲供之費往往取給於楚蜀
之協濟查四川烏撒鎮雄東川烏蒙等
肆府每年協濟貴州本色糧壹萬肆千
叁百貳拾肆石折色糧銀叁千壹百兩
查每年解納不及拾分之叁播州協濟
糧銀每年叁千壹百陸拾肆兩柒錢楊
酋拒

命逋負不納自萬曆拾捌年至貳拾柒年未完銀約

貳萬玖千捌百叁拾餘兩酉陽每年協

濟銀柒百兩自萬曆拾玖年起至貳拾

柒年共欠叁千玖百陸拾餘兩徒負協
濟之名無益軍興之實此在無事日猶
不可况今逐酋甫定地方多難之時乎
祇緣肆府酉陽襲職不由貴州渙然不
相統轄卽錢糧逋負既無可罰之俸又
無可降之官至於屢催屢負未可如何

以臣等之愚肆府酉陽卽不能割隸貴

州至其襲職起送四川撫按會同貴州

撫按批允而後襲則彼猶有所畏憚此

一策也不然請乞

嚴旨責成四川布政司立法嚴催催完總解載入職

掌無得秦越相視又一策也不然請責

烏撒同知東川烏蒙通判駐鎮本府督

催肆府協濟請責重慶府管糧府佐督

催酉陽協濟其給由陞遷四川撫按會

同貴州撫按考覈視協濟之完欠為嚴

最必完及分數批允乃許離任又一策

也舍此叁策而欲藉悠悠難必之協濟

以充敷衍待哺之正供欲保貧軍之不

轉為溝中瘠也必無幸矣伏乞

聖裁

一議楚省協濟黔中軍餉仰給楚中湖南

一道所轄長新郴府州縣每年協濟貴

州糧銀壹萬柒百貳拾兩零逐年逋負

不以時納自萬曆拾肆年起至貳拾柒年止共拖欠銀伍萬叁千陸百伍拾兩零而長沙府屬逋欠尤甚良由貴州撫臣兼制止及湖北不及湖南印糧官吏自以非屬急玩成風雖考成每年查叅不過徒飭虛文即完欠之數催促逾年而文始至極重者止於罰俸而止彼何所憚而汲汲完異屬之餉耶今楊酋甫定黔餉一空合無將湖南一道屬亦隸

平播全書

卷六

六十一

十一

貴州撫臣節制其印糧官給由陞遷照依湖北例具文於貴州撫臣考覈錢糧有無完欠方許給由離任夫常德去長沙尺耳常德可屬又何惜一長沙若長沙不屬貴州節制則拖欠之餉終無完日貴州之軍終無飽時其為關係良非淺細伏乞

聖裁

一議驛傳協濟貴州四面皆夷中路一線

實滇南出入門戶也黔之設專為滇設無黔則無滇矣

國家輿地以雲貴為極邊

舊制倉驛小吏俱給

符驗蓋憫其險遠耳以故流官中無論方面即倉驛

之陞轉皆馳驛也土司中無論進

表即

貢馬之差遣皆馳驛也鄉官中無論方面部臣即

教官舉貢會試入京皆馳驛也蓋以極

平播全書

卷六

六十一

十一

貧極乏之區當極苦極煩之差撫臣日夕掛號堆案盈几欲裁之則行路嗟怨欲給之則夫馬逃亡欲處置之則帑藏空乏衛官貧而不能陪急之則閉戶驛官卑而不能支急之則逸去惟有仰屋浩嘆而已查得貴州之驛非若中原之地征民間之錢糧買馬走遞也又非若他省之馬戶有姓名可拘束也舊例俱輪土司走馬至於下衛則播州五司居

其半自揚州弄兵五司出亡平越興隆
黃平之馬壹匹不到今播雖已減五司
猶未返舊疆驛馬之困猶然如故頃撫
臣不得已疏請於

上借滇楚稍閑驛分各馬拾伍匹分發平興共濟時

艱至今俱未解到黔中以貧故累及貳

省甚多此亦必不可得之數也查得黔

中道路黔之往來居十之四滇之往來

居十之五楚蜀之往來居十之一每年

平糶金書

卷六

李三

雲南止協濟壹千伍百兩遇入

觀年加壹千兩似覺太少合無每年加增壹千伍百

兩入

觀年再增壹千兩如數依期解黔分給各驛俟五司

改流之日錢糧上納不支仍將滇銀照

依原額臣等又查得黔中原無水路至

於滇遠始有小江可通輕船運至辰沅

常德

會典載鎮遠清浪俱名水馬驛良有深意合無鎮

遠清浪多造小船一切過往如

御仁齋

奏及部院方面仍從陸外自有司以下至於貳省

會試舉人卽有真正勘合牌票亦給船

隻則平清晃州諸驛又得少蘇伏乞

聖裁

一議增設駐鎮看得黔地多陋習而無善

俗則以上下諸衛未設流官以武弁馭

悍卒狠者如虎馭羊弱者如猫同鼠如

平糶金書

卷六

李四

之何其不多盜也往年曾設都勻府推

官駐鎮新添矣貴陽府通判駐鎮畢節

矣邇年增設貴陽府同知駐鎮興隆矣

儻非增設鎮遠府推官壹員駐鎮偏橋

都勻府同知壹員駐鎮平越一衛之屯

糧歲用責之收支一方之詞訟刑獄責

之問訊一驛之馬匹館銀責之料理文

武官評責之填報士習民風責之表率

夷行苗俗責之化誨衙署不必建置取

聖裁

之本衛之公館俸薪不必編派取之各屬之缺官僕從不必雇募取之衛所之戍卒無更弦易轍之煩而有用夏變夷之實黔之黎庶尚亦有利哉伏乞

一議賑恤殘民揚首煽亂流毒三省黔屬

只尺尤切剝膚兩年之間一犯徧橋再

犯黃平三犯飛練四犯東坡而下六衛

殘五犯龍泉而思石燬六犯河渡而賁

平播全書

卷六

五

陽震其未犯地方大兵經過荆棘叢生

轉輸糧餉則有運夫之苦防守城廂則

有保兵之役男停其耕女空其抽驛遞

蕭條道路丘虛小寇竊發饑享盈野陰

雨連月禾稼不登元元嗷嗷莫必其命

邇者大兵甫定瘡痍未起若不重加周

恤則死者之冤氣彌天生者之號泣塞

路恐播之餘黨一呼而號召之在在皆

賊也為今日計止有議蠲議賑二事然

貴州錢糧董董亡幾何一議蠲則衛所

官軍勢必枵腹待哺惟有賑恤一款似

當急議而倉庫已竭無從發棠合無於

剝餉內存留若干行守巡各道責成賢

有司查覈權宜之輕重流離之多寡定

為賑濟之差等庶

恩周鄙屋民不流離伏乞

聖裁

一議增築外城貴州在昔為荒服至元始

立為順元路初屬四川改屬湖廣又改

屬雲南原非重鎮即設城郭不名金湯

本

朝始立為貴州布政司屹然與楚蜀滇厲行矣第

地方既褊人民未轉

國初建城率因元舊而城址狹隘墻垣卑薄因陋

就簡攀援可登二百餘年以來北關生

苗既繁且稠與城中埒頃者楊酋聲言

渡江直走貴陽關外居民奔奔入城填

平播全書

卷六

六

洪

平播全書
卷六
滿城圍寄住街市無屋可貯無址可屋
翹翹而危吮吮而懼當時士民卽有增
築外城之呈顧時倥傯不暇議工又乏
金錢誰與為貲及今賊既滅矣燕雀處
堂亦响响然樂矣臣聞存者非存在於
慮亡樂者非樂在於慮殃貴州本苗夷
四戰之地非百年無事之國稽之史冊
聞之父老未有五十年不用兵者今播
州卽平皮林未剿東坡雖通九股尚存
儻復有楊酋者出而後為之所則晚矣
在昔淮安揚州廣州餘姚俱因倭亂之
後增築外城倭無所掠遂不敢近若貴
陽得援此例築一外城內固舊堞外增
新壘卽有烽燧民不遷徙此尤地方之
利也黔中南達滇雲下制辰沅上下二
千餘里衛所諸城極卑極薄不足以當
富室之一墻今既不能一一增高而省
會又無嚴城脫有緩急直破竹解籜耳

念及於此則

國家藩屏之長利也查得外城估計約參萬金倘

於剝餉內動支一歲可完一勞永逸一

費永安惟此時為然乎夫徹桑未雨畜

艾未病及雨且病則無及矣伏乞

聖裁

萬曆二十八年十二月 十六日

六乞歸疏

奏為孤臣危病已久地方事勢甚急乞

亟賜點用以保遐方以全子道事臣聞計感疾不能

候代已伍次疏

請不知能徹

天聽否乃今病日久事益急更有不容默然者蓋向

來臣雖憂病不支尚有校臣在事為之經理也

今按臣崔景榮復於拾貳月拾柒日聞憂拾捌

日起身回籍矣夫一方之事全在撫按如網之

李楠金書

卷下

李九

周華

有網表之有領乃今一時俱缺不知羣吏何所

稟奉萬民何所依恃此急手不急手從來候代

之官雖云照常行事然止總大體擁各位以繫

屬人心而已自不能一一照管也况臣久病垂

危則身不能事事近又赴境上候代則勢不能

事事吏蠹民艱莫之體察軍機吏情槩從隔閡

此急乎不急乎且非獨於此也近日總兵吳廣

以兵變被論蒙部覆亦擬回籍矣一方大吏文

則撫按武則總兵一時並缺脫有不虞之變突

然而起誰為發縱誰為奔走此急乎不急乎夫

此猶論地方事也若臣之身臣之家臣之情千

辛萬苦千險百阻姑不贅言論其大者自古無

不丁憂之官無不奔喪之子惟金革之事乃從

其權而今又非其時矣向臣聞憂之初

陛下留任之

旨方頒臣破賊之疏已上方自幸免於奪情免於墨

線艱苦凶閔之中尚可釋此終身之一憾乃今

聞喪已捌閱月矣而香無歸期無奪情之名而

李楠金書

卷六

卡

有其實無墨線之事而有其似無金革之變而

不得安於居廬讀禮之常三綱淪九法數

中國而夷狄冠紳而異類讀聖書所學何事而

一旦至此也臣即不為一身惜為一家惜獨不

為一世之綱常萬古之倫理痛哭而流涕乎則

惟有積憂積哀以至於死亡而已夫死有重於

太山有輕於鴻毛向者與賊對壘臣即以憂勞

死以矢石死亦自其之何者為

國捐生即死賢於生也乃今則何名臣蓋不能為

之解矣異日遼東延緩福建撫臣之缺亦久推

不下然至於應天缺出則非久即代

陛下亦以應天撫臣值親之喪與他處不同也臣非

生於空桑獨奈何而不以人道處之坐令其積

憂積痛客死遐方若為賊報讐然者蓋臣且不

暇自惜又為

國家之用人惜也以此不避煩聒再為

瀆擾伏乞

陛下將前推肆人

平播全書

卷六

七十三

進

亟賜點用俾臣得交代而去是豈惟為臣一身一家

計即四蜀之封疆可保萬古之名義不虧異日

緩急用人受事者亦免於我躬不閱之懼矣臣

無任向

闕哀鳴之至緣係孤臣危病已久地方事勢甚急乞

亟賜點用以保遐方以全子道事理未敢擅便為此

具本專差承差鄧一安齋捧謹具奏

聞伏候

勅旨奉

聖旨吏部知道

平播全書

卷六

七十三

乞優處府佐疏

題為有功府佐因病乞休乞

賜議處以勸勞臣事據四川重慶府申奉臣批據本

府推官高折枝呈為風病忽發不能供職懇乞

俯容休致以延殘喘事內稱患病乞要休致由

詳奉批播州新定經理維艱以本官有才守

任勞任怨選擇而使衆謂得人何事復有此請

耶且播平已逾半載彼中需人甚急方在題

請何可言他仰重慶府諭留仍令作速入播視事母

平播全書

卷六

七

李

再遷延繳該本府知府傅先宅看得本官以征

播在營身親戰陣苦心勞力血氣為傷兼之衝

冒煙嵐坐臥泥水成功還府兩股出血水許多

此同府官所共見者涪州查未遂感痰暈是的

播州新創郡邑百事叢脞本官才委有餘而病

誠不便似應俯從調理以全其志別議擢用以

酬其功等因到臣查先該臣看得播賊蕩平

疆土廣闊應建郡縣以司治理第經營草昧之

始必須增設兵備憲職方得內脩戎備外震諸

夷與夫創脩衙宇城池興復學校驛遞或訓練

士馬以振威武或建立鋪舍以司傳遞或清理

疆界丈量田土或綏柔軍民安輯反側及欽遵

明旨賑濟等項事宜俱關喫緊該臣先後行委推官

高折枝親詣播地專攝兵備事務逐項脩舉查

議停妥開款呈詳具

題間隨據本官稱病具辭已經批行入播視事去

後續據本官又具呈稱職本北人不便南中風

土自吏蜀以來昕夕奔馳日惟往來危峯湍流

平播全書

卷六

七

李

間以致感冒風寒時發痰火累藥不效久欲求

歸獨念播賊猖狂地方戒嚴

王事孔棘誼無避難勉彊服勞本年貳月從戎入播

陸月始還捌月又入料理玖月盡始還風餐露

宿臥雨眠霜使濕氣交流兩足遂成風瘡每日

出血數升漸且成痲日夕幽憂寤寐焦苦飲食

減少痰火更甚今拾壹月初貳日因奉本部院

憲牌催發涪米賑播為是職親詣涪料視米船

忽然昏眩倒跌舟中不省人事延醫診視皆云

心胃內傷非旦夕可愈職思身與官孰重有疾服官使身不可救藥豈人之情況今見奉憲檄委攝播州兵備職任事務重大益非奄奄病軀能勝若不量力而輕負重任豈第積勞成瘁病不可醫身不可保將恐方千里新開疆土不能以時綏懷安集其如地方何呈乞俯憐驚駘下質無益於時早容休致放歸田里就醫調治苟延喘息等因由詳前來已經批行該府諭留去後今據前因該臣會同巡按四川監察御史崔

景榮議照外官有病即准致仕例也所以為擇官而避難者戒也然亦有不可以例論者蓋有非常之人然後有非常之事有非常之事則宜以非常之格處之若高折枝者何如人哉折枝為推官已五年往矣其執法之堅守己之介決獄之明任事之勇備在襁褓薦章姑且勿論自播事初起綦江始破重慶之人皇駭奔走莫必其命時道府皆不足倚折枝以一推官獨挺身倡率效死勿去文武士民倚以為重當是時微

折枝在城即城內當自變後值進兵請自領兵當一路以一文臣卑官而當元戎之任尤為異常至其破官壩營以解思石之危奪桑木關以為諸路之倡壁海龍國前門以收滅賊之效諸凡戰功臣敘功疏內言之已悉無容更贅既出營臣即委之散兵委之善後曾以病辭臣彊使之折枝不得已復挺身而往時播地新經戰伐之後死屍相枕血肉狼藉愁雲毒霧行路酸心而折枝奔走拮据乎其間招流移分田土脩驛舍安軍兵漸有次第而病遂不支矣然則折枝之功始終在播而折枝之病始終亦以播夫人臣不難出萬死一生為

國家夷難關土乃甫成功而以病棄之無乃非人情乎折枝與同知張鰲同入播善後鰲已病死折枝復以病廢則為國任事者非死不足以取信此志士所以灰心豪傑所以解體也查折枝歷俸伍年屢經首薦即在常格亦應推陞行取臣近日敘功亦擬於在

清要衙門推用但其病勢已深孤身官邸難

以久待似應稍破常格即為推補使得回籍調

理從容赴任則不但以彼長才不就廢棄即

國家緩急有事就便使之尚可得其尺寸之用非

無補也伏乞

勅下吏部查議如臣等所言不謬即將本官於在京

相應員缺推陞遺下原缺另行銓補庶用世者

無棄才之嗟而感恩者思報禮之重矣緣係有

功府佐因病乞休乞

平播全書 卷六 二十七

賜議處以勸勞臣事理未敢擅便為此具本專差奉

差陳治道齋捧謹題請

旨奉

聖旨吏部知道

糾察黠帥疏

題為黠帥投賄汙人義難受辱據實糾發乞

賜議處以明臣節以警官邪事臣以一介書生弱冠

登

朝服事

陛下幾登拾年生平砥礪名節頗為士大夫所信坐

是塵忝游躋九列目今幸竣播役持服東歸自

惟營葬先臣供養母氏長為農夫以沒世庶幾

為萬曆完人矣乃不意有無知武弁投賄行私

汙人名節義難忍辱不得不據實陳之

陛下之前臣自去年陸月入蜀時值兵戈擾攘地方

帖危臣嚴禁所屬文武司道總兵等官一切下

程等項槩行停止於時上下倥傯亦自無以一

菜及臣門者至今年伍月內聞臣父之喪發哀

成服後旋思所屬文武官員或以臣位此大故

舉行奠禮臣即卻之未免勞費因即移文所司

嚴行禁止於時州縣有司不敢舉行其鎮道大

吏尚以臣終喪之戚仍具禮行奠臣謂祭文無

不受之理因各受其文壹篇餘盡卻之時四川
總兵吳廣備禮親奠貴州總兵李應祥備禮差
官送奠臣俱止受其文壹軸尚有原任四川總
兵劉綎與吳廣同城獨不行奠湖廣總兵陳璘
與李應祥事體相同亦不遣奠臣甚多之謂貳
臣獨能守臣之約如此而不虞其有他勝也比
臣抱病自重慶返成都行至中途接到劉綎公
文壹角內壹稟大槩述其感臣使過之仁俾得
效犬馬之勞不致終身蒙詬末云太恩府仙逝
綎以門下受恩最深者不獲躬叩靈几之前一
申芻獻罔極之義謂何前差劉茂林往北直隸
呈蒙頒賜應付業已專官代叩潭府少紓積誠
冒干節鉞伏乞海涵等因內所稱差往北直隸
頒賜應付蓋先是平賊之後綎即差人具稟向
臣言以此大捷總兵官當差人赴京打塘報緣
見任總兵各有火牌綎係華任無火牌求給壹
張又云差人由水路去求填湖廣河北直隸
臣即填與之仍謂其人曰報功只報功却不可

揭害別人淆亂是非爾將官好爲此事須說知
之其人應而去蓋臣以爲果赴京報功而亦不
虞其有他事也及見其稟帖稱往奠臣家始不
勝驚駭乃答之云來揭念及先人甚感但專官
代叩潭府之說萬非所宜不孝家下竝無一人
止托縣官差人守門大小事皆白之縣官即使
至亦不得達况不孝方在此故功而將軍乃差
人於家行奠不孝生平謹交際避嫌疑儻致別
有舉動則將軍一場辛苦又成空矣君子愛人
以德惟將軍體之若已差人即當趕回庶免多
事此肝膈之言必須體諒無至遺悔仍面諭其
人云傳與爾總兵彼若送禮於吾家吾必參之
其人亦應而去既臣到成都復接到陳璘公文
壹角內壹稟大槩亦敘其感臣薦拔之意末云
軍中聞太封君仙逝不勝傷悼維時身在敵境
心急逆首故弗獲匍匐几筵一申弔唁伏念本
職荷特達之知恩同覆載推太封君本原之自
義比生成除差官即日起程馳赴相府致奠几

筵外爲此具稟伏乞台慈俯垂鑒諒等因臣於時已卧病在牀仍口占答之云先君之變諸將軍皆以一奠見遺不孝爲受一軸成禮而已此道義之交也來榻云行奠於家不孝在蜀而行奠於家與誰爲交際乎此賄也非禮也不孝生平謹交際尤避嫌疑果爾者彼此不便望將軍已之凡臣所以答貳帥者辭嚴義正明示必參以爲貳臣即有不肖之心亦必吓指自阻即有出疆之使亦必裹足不前臣可以相安於無事

平播全書

卷六

全十一

庚

矣至今拾壹月內又接到陳璘公文壹角內書稟稱臣父之變欲親來弔奠因水阻不前既致奠臣家又聞人終辭令具祭儀少申微忱內書榻開文壹軸香壹炷豬羊席帛之類共折銀肆拾兩臣念屬官折銀充奠甚非禮體但既以行奠而來亦難過責因受其文壹軸香壹炷其折禮仍令原差帶回仍以數語答之述其不受之意臣以爲第卻其禮亦可相安於無言矣比近日臣有家人自原籍來得臣母舅與臣家書則

言陳劉貳總兵先後差官至臣家俱云行奠禮緣臣父臨危時曾有遺囑言臣臨行時與言別事不要緊惟賊未滅時播州差人不可令壹字及門賊既滅時將官差人不可令壹字及門臣母舅守此戒約以故貳將差官不令至門其劉綎差官令人語臣母舅轉白臣母言其所齋謝禮銀壹千兩金壹百兩玉帶壹束祭禮銀貳百兩懇求許其送進臣母驚懼言豈有以千金行禮者亟逐之去不將捕之送縣其人不得已去

平播全書

卷六

全十一

庚

仍至按臣崔景榮家送禮按臣之父亦罵而逐之遂去其陳璘差官知劉綎禮未受諭之即回未云數目亦未至按臣之家等情臣閱之不覺汗浹背髮指冠仰天椎心而泣下沾襟也夫臣至不才無足比數然是陛下節鉞之臣而遐方遠人所觀聽而承式者也柰何其以賄汙之夫金以百計銀以千計其取數也多其爲賄也重矣臣豈有遺行耶柰何其以重賄汙之臣聞君子不家於喪曾參之箴駭寔

之矣仁人孝子必盡心焉臣父生平以清白教
臣即垂危而不忘臣之言以戒勅於家其為臣
名節計亦以至矣奈何其身後而假喪禮以重
汗之嗟呼以臣之不才而辱及於親臣之罪於
是乎通於天矣夫璘臣所

謂置者也綖方為世大詭臣所排羣議而留之者也
今幸而成功矣蓋璘德臣甚綖德臣尤甚其為
此舉以報德於臣所不可知且當臣叙功之時
一面送禮一面投揭冀以中臣之心而為彼長
價亦不可知顧愛羊愛禮人各有志貳臣欲以
貨財報臣臣亦欲以名節報

陛下奈何其以小人之腹度君子之心欲貽之以不
韙之名而貶其節耶至於敘功一事則臣自出
師之日已誓之於

天矣曰賞罰功罪之不明明神殛之死不旋踵逮及
閭門永絕其嗣此寧可以貨利動之而今食其
言者何物奸帥妄意窺臣嗟嗟貳臣亦可謂心
勞而日拙者矣夫璘之所遺臣於蜀者其禮雖

平播全書

卷六

六十四

宋

平播全書

卷六

六十四

李

侈然比之劉綖不啻懸絕第其走使臣家之心
則臣前所言為賄不為禮也既已遠使行賄為
數當不止此其後見臣之答書太厲懼有糾劾
因亟為此舉以稱臣之意臣既已不墮其術亦
何忍復逆其詐此可無論惟劉綖以千金行臣
又求牌於臣手報數於臣家機械甚多猥鄙可
厭臣有不能為之解者察照原任南京後府僉
書革任回衛今充為事官劉綖勇而無禮久馳
跋扈之聲貪而畏人未見蘆葦之飭方在論功
而行賞輒先重賄以相投今日蠅營狗苟之態
堪羞異時虎噬狼餐之狀可想論將固難拘夫
一節當官自宜謹於四知此壹臣者所宜亟行
究治者也綖於平播論功居最未錄其功先摘
其過似非

國體且貳帥昔為臣之愛將今為
國之功臣一意暴揚略無寬貸似非人情况臣既
未入其賄即槩置不察亦無不可但綖賄臣甚
多辱臣甚大臣既知之而隱默不言知之者謂

臣納汗舍垢保全功臣不知者謂臣隱忍模稜
別有希冀則是臣以

陛下之權為媒以臣父之喪為餌而以今日一番武
功為營私肥家之地也臣即死有餘辱矣以故
躊躇再四不得不據實論列伏乞

勅下兵部議處以戒姦貪查緝先年行賄曾經叅論
而略無悛改似已無所用耻者今即不能沒其
功仍宜禁其再用無令以貪黷遺害於行伍以
窺闕貽玷於縉紳庶武臣知警官邪可清再照

平播金書

卷六

五

四

伐國不問仁人游士不求貞女古之操行有聞
者雄藩寢其邪謀大吏滅其驕從蓋至暮夜而
有故人即揮之不入亦以後矣况以開闢稷鉞
之司當寢苦枕塊之際而行間將帥輒爾趾錯
於途幣交於道此足以明臣之無令德而有違
行也豈惟辱身辱親即輕

朝廷羞當世之士亦以甚矣臣已奉

旨回籍無官可罷乞

勅下所司議法行罰削籍除名以為人臣望輕取侮

者之戒臣愚不勝拳拳緣係點帥投賄汗人義
難受辱據實糾發乞

賜議處以明臣節以警官邪亭理未敢擅便為此具
本專差參差陳治道齋捧謹題請

旨奉

聖旨兵部知道

平播金書

卷六

六

四

七乞歸跡

奏為病臣父不奔喪關係名教非小懇乞

聖明速賜放歸以全倫理事臣自本年伍月貳拾貳

日聞先臣之訃臣方督官兵攻逆酋海龍固未

下臣聞變哀痛恨不即死屬

皇上特旨雷臣責以賊平事定然後回籍守制臣耳

經徒跣據地草檄督過文武將吏良以逆寇不

可不平

皇上以權變責臣而臣仔有重任亦不得不以權變

遵奉以臣之菲陋何敢言移孝事

君蓋事體機會方在緊急不當以一家骨肉之私篋

朝廷萬全之舉較於禮法之正非惟萬不得已其

去倒行而逆施者無幾矣使事在得已責有可

分臣必不敢以此自處

皇上亦必不以此處臣此蓋無賢不肖知之者何也

父子之親根於天性奔喪之禮達於上下為人

子而不奔父母之喪自古及今未之有也

皇上尊

祖敬

宗孝治天下豈於微臣區區此心而不之察自平播

以來已半載於茲矣臣於朞月自渝入成都悲

慟傷惋竊謂逆賊之擒皆

皇上之神武戡定翦除崇方無患而臣也命薄數奇

不足居成功之美福過災生所天摧隕反覆熟

思使以勲名易奉養以鼎牲代藜藿孝子有心

必不忍舍彼而取此因是纏綿忡悵遽感重疾

久變為痲一病不起幾蹙踰月臣之不死僅一

迴耳幸而數旬以來稍有起色而片心如焚千

祈共見聞臣何敢欺也臣陸次具

題皆伏枕口授頗極哀懇未蒙

省察吏部數次催

請督臣未蒙

點用

聖意高明豈能窺測臣再伏思

陛下業已許臣回籍其所

陛下業已許臣回籍其所

未允代臣者耳臣禮當奔喪無復可疑守禮而行無

復可恤

陛下試觀古今為有不奔喪而可為人子者惡有不

可為子而堪以任使者臣如守宿留之迹體

春聆之慈素衣鞵而閉門持藥七而待

命何以異於不奔喪者如此則父子之倫置而不用

忠孝之道瀆而不明禮法滅倫理壞

中國化為夷狄人類變為禽獸柰何以臣一身處

積勞之後象不次之

聖朝全書

卷六

九

恩當此不建之實而開天下後世議論之端為

陛下聖治累也昔吳起魏之名將母死不歸曾參絕

之温嶠力扶晉室克致

中興絕裾不返卒得罪於名教臣心傷其事身遭其

故豈能自已而不哀鳴於

君父之前乎屬者按臣崔景崇一聞父喪即日就道

臣於垂死病中每一思之拊牀慟絕又以為承

明聖非常之眷而牽延以犯人道必不可赦之罪羈

迷以成

盛世必不可有之事拙於報

恩非於在醜臣何於大不幸之中獨遭其窮若是之

極也臣心已碎臣情極苦伏望

陛下哀之察之即於吏部所推肆臣

點定壹員俾其前來交代臣歸而即死猶生之年報

皇上天覆地載之恩世世不足盡也不然臣即能負

臣父不能負倫理即能戀

皇上不能非罪及臣願以

旗牌印務等件封付四川布政使司臣還家席菜

聖朝全書

卷六

九

待罪臣不勝戰慄哀懇之至緣係病臣久不奏

喪關係名教非小懇乞

聖明速賜放歸以全倫理事理未敢擅便為此具本

專差承差秦學仁齋捧謹具奏

聞伏候

勅旨

川省蠲免疏

題為播事告竣民隱堪憐懇乞

聖明酌議蠲恤以廣

皇仁以蘇積困事據四川布政使司呈奉臣憲牌照
得播賊猖亂調兵征剿師行糧從所需甚急如
上東下南貳道萬曆貳拾柒年分上南下東并
西北肆道貳拾捌年分各所屬州縣始以額徵
稅糧有每石改運本色火米柒分之派繼以全
省地畝復有照糧每石加徵壹錢貳分之派又

以丁糧在上東下南貳道雖不徵銀有出夫運
餉之派在上南下東西北肆道雖免出夫有幫
運腳價之派此外又有器具之造作物料之取
用百務叢集悉出民間連歲之苦不可勝言今
逆賊既平前項瘡痍之民若非破格蠲恤何以
慰更生之望仰司卽會按察司備查上下東南
西北陸道要見何道最苦何道稍次卽今作何
蠲恤逐一分別酌議停妥務使小民目前可免
徵輸之苦用霑

朝廷浩蕩之恩其蠲免之數應以何項抵補俱要

一併議報以憑會

題施行又蒙巡按四川監察崔御史憲牌亦同前
事蒙此查得上下東南西北陸道所屬州縣前
項年分夏稅秋糧每石改徵火米拾分之米後
雖以賊平停止然在上東下南貳道則已全完
在上南下東西北肆道頭運貳運亦已次第運
赴軍前聽支訖及查先奉兩院案驗准戶部咨
為夷氛甚惡

天討宜彰急發餉銀以佐軍興等事該本部覆議太
倉懸罄則動支為難各省空虛則那借尤難惟
是東征時曾於北直并浙省地畝加派以濟一
時應行四川將通省夏稅秋糧共壹百貳萬捌
千伍百肆拾肆石零每石加銀壹錢貳分每歲
可得銀壹拾貳萬叁千肆百貳拾伍兩零第以
時窮勢急不得已而取不得已而用以濟急公
候事完減免等因覆奉

欽依移咨備案行司遵將貳拾捌年分稅糧照數加

派解充軍餉訖又奉兩院案驗准戶部咨該工部左侍郎趙可懷奏為惠切剝膚等事該本部議行四川撫按轉行該布政司將運糧事宜酌量州縣大小派運若干其腳價等費編派見在丁糧不論應否優免一例徵銀在官雇夫運納等因覆奉

欽依移咨備案行司內開上東下南貳道去播稍近則就近派夫轉運免徵腳價上南下東西北肆道距播窩遠則徵銀解作募價先行派夫等因

五播全書

卷六

九十一

九

遵照通行各道分別派夫徵價領餉轉運聽支訖又奉兩院案驗准戶部咨為播寇蕩平遵

旨奏免加派錢糧以蘇民困事該本部議將貳拾柒年拾月內加派銀壹拾貳萬叁千肆百貳拾伍兩零遵

旨減免等因題奉

欽依移咨備案仰司通行道府州縣一體遵照等因俱經奉行外今奉前因該本司左布政使盛世承會同按察司按察使沈季文議照播賊犯順

興師致討一切緊要軍需所費不貲查止奉

內帑發銀柒萬餘兩并鳳陽解銀捌萬伍千伍百陸拾兩其餘無一不取給於本省亦無一不出自民間在上東下南派夫轉運負重涉險衝冒瘴癘轉於溝壑者甚衆其苦稱最在下東上南及西北肆道火米夫價在在催督無不剝肉剝膚以佐公家之急其苦稱次今仰仗

天威一鼓蕩平而瘡痍凋敝之衆元氣已索然盡矣及查萬曆元年川省大征九絲事竣蒙將該年以前小民拖欠各項錢糧悉從蠲免萬曆拾肆年以征剿松潘事完蒙兩院

五播全書

卷六

九十四

九

題將該年夏稅秋糧免叁徵柒今征播之役較之九絲松潘其難其苦不啻數倍照例

請蠲委不容緩及查貳拾柒年分秋糧上東下南貳道改徵本色火米拾分之柒與折色叁分及上南下東西北肆道本折兼徵俱已盡完無容議減貳拾捌年分稅糧上南下東西北肆道改徵火米拾分之柒上東下南貳道夏秋銀米并正

稅之外每石加徵銀壹錢貳分一應全蠲一應減免但貳項銀米自派徵之後有盡完者有完過半者有通未完者用是議蠲議抵似屬不便若將已完另項收貯未完悉行停止則先完者偏受其苦未完者坐享其逸且恐不肖有司及猾吏積書將已完者乘機乾沒視作未完而多完者隱作少完及至派徵應納分數又復藉此局騙高下其手弊端百出莫可究詰是

朝廷徒有撫恤之美意而百姓未受寬減之實惠

平補全書

卷六

五

五

似不容不一為之酌處者所據該年分稅糧仍應照舊盡數追完分別起解聽支請將貳拾玖年分應納稅糧內以上東下南貳道蠲免伍分下東上南貳道蠲免肆分西北貳道蠲免叁分此外每糧壹石再於該年扣免壹錢貳分以補今歲完過之數用普

朝廷浩蕩之恩以恤蒸黎陪累之苦至於抵補一節查得四川通省每年額徵稅糧玖拾柒萬陸千伍百肆拾貳石柒斗內本色米菽柒萬捌千

伍百肆拾捌石柒斗折色銀米拾貳萬伍千柒百陸拾陸兩據其額派雖若有餘然遞年全完者少而逋欠者實多也且歲出

上用扇柄絹疋茶蠟藥材及

宗儀祿糧官吏師生俸廩松潘安綿威茂建馬等邊官兵糧餉等項共該銀陸拾叁萬伍千壹百兩米柒萬捌千伍百肆拾捌石肆斗皆係必不可缺者是以壹歲之入僅供壹歲之用茲計上

東下南貳道歲額糧銀叁拾叁萬伍千零貳兩

平補全書

卷六

五

五

米貳萬壹千柒百陸拾壹石柒斗蠲免伍分應該減徵銀壹拾陸萬柒千伍百零壹兩米壹萬捌百捌拾石捌斗伍升下東上南貳道歲額糧銀玖萬玖千叁百陸拾叁兩米貳萬叁百零叁石蠲免肆分應該減銀叁萬玖千柒百肆拾伍兩貳錢米捌千壹百貳拾壹石貳斗實徵陸分該銀伍萬玖千陸百壹拾柒兩捌錢米壹萬貳千壹百捌拾壹石

平糶全書 卷六 九十一
捌斗西北貳道歲額糧銀貳拾玖萬壹千肆百零壹兩米叁萬陸千肆百捌拾肆石蠲免叁分應該減銀捌萬柒千肆百貳拾兩叁錢米壹萬玖百肆拾伍石貳斗實徵柒分該銀貳拾萬叁千玖百捌拾兩柒錢米貳萬伍千伍百叁拾捌石捌斗共蠲免銀貳拾玖萬肆千陸百陸拾陸兩伍錢米貳萬玖千玖百肆拾柒石貳斗伍升每米壹石以陸錢計筭該折銀壹萬柒千玖百陸拾捌兩叁錢伍分共該蠲免減徵銀叁拾壹萬貳千陸百叁拾肆兩捌錢伍分又蠲免加派地畝銀壹拾貳萬叁千肆百貳拾伍兩但司庫近因軍餉支用幾盡各府州縣支剩銀兩亦各撥括無遺前項蠲免之數共該銀肆拾叁萬陸千伍拾餘兩無可抵補查得征兵肆路支剩軍餉存貯不等在碁南貳路共剩有銀叁拾叁萬玖千伍百捌拾貳兩叁錢在永合貳路共剩有銀壹拾柒萬壹千叁百捌拾伍兩肆錢在成都保順潼川建昌等府州縣衛亦有支剩銀肆萬

平糶全書 卷六 九十二
伍千肆百貳拾捌兩陸錢通共伍拾伍萬陸千叁百玖拾陸兩叁錢於內量留貳拾萬以備播州善後營建之用餘止叁拾伍萬陸千叁百玖拾陸兩叁錢不足抵補又查有福建協濟貴州銀拾萬兩因彼時起解未到於川省借過銀拾萬解用原議以福建之銀補還今行取解至日抵充奏蠲其本年稅糧并加派地畝未完等銀俟今冬追完收貯聽支伏乞軫念民瘼早賜會題庶疲民得蘇等因呈詳到臣案照先為前事已行該司會議去後今據前因該臣會同巡按四川監察御史崔景榮議照川民連年疲困蓋更僕未易數矣所為出之水火慰其饑渴者惟是蠲恤為急故水旱則蠲採辦大木則蠲地方多故而興師則蠲蓋蜀人家鮮厚藏心極忠順一遇地方有事則竭力急公死亡不避逮至事寧而民亦俱困轉徙流離之衆皆數數待命於上矣矧數年之間數役並舉而百姓瘡痍如今日者臣何敢不披瀝以

請查自萬曆貳拾肆年奉有採木之

令凡五年於茲小民之竭蹶而趨折脛而斃者言之令人酸楚至貳拾伍年天災流行則死且徙幾半矣至貳拾柒年礦稅並興則財與刀俱殫矣而不謂復有征播之役也自臣祇奉

明旨役在疆場凡軍前一應芻糧糗糒衣甲器仗火藥器具與夫碾運窰運派夫派價編夫編馬及諸所取辦必不容已之費錙銖孰非民財涓滴孰非民力赤子膏血幾何堪茲無已之役醫瘡

平播金書

卷六

九十九

詳編

剝肉反裘負薪臣有不勝其恫者矣頃者仰仗皇上威靈醜賊蕩平絕無噍類地方黔黎靡不額手稱慶謂出水火而登衽席在此一舉手惟是兵革之後閭閻消索物力凋殘析骸易子之民骨肉不保流離板蕩之地田舍為墟扶傷掇死之家啼號未息儻非破格垂憐廣施蠲恤則殘喘遺民不死於賊不死於兵又死於賦耳查得川省先年征剿九絲及建越馬湖等處事竣之後該前撫按諸臣循例

請乞蠲免荷蒙

俞允往牒可稽今日播事視前事不啻百倍之難而所需民財民力亦百倍之蠲恤之議在今日更不容已者合無將四川萬曆貳拾玖年分稅糧內上東下南貳道逐首荼毒已深小民轉輸尤苦蠲免伍分上南下東貳道密邇用兵地方疲勞波及為最蠲免肆分西北貳道奉文派徵腳價民財耗竭已多蠲免叁分此外在通省又每糧壹石扣除壹錢貳分免派以補前徵過地畝

平播金書

卷六

百

詳編

之數其前項蠲免及加派之數約該銀肆拾叁萬陸千伍拾餘兩議於肆路并各府州縣衛支剩軍餉銀伍拾伍萬陸千叁百玖拾陸兩叁錢內除貳拾萬留備播州善後之用餘扣叁拾伍萬陸千叁百玖拾陸兩叁錢并貴州借過四川銀拾萬兩移行該省於福建原解協濟銀內取還抵充麥蠲其徵派未完稅糧地畝等銀聽該司今冬追完貯庫正支脫或各州縣間有完不及數者即於明歲應蠲數內扣徵抵補不拘叁

分伍分之例聽布政司於該年開徵之時分別

會計施行則

皇上雷霆之威既除所以害民者而

雨露之恩又急所以養民者選方窮民享

太平於有象而祝

聖壽於無疆矣伏乞

勅下戶部再加酌議如果臣言不謬早為上

請施行地方幸甚臣等幸甚臣不勝激切懇禱俟

命之至緣係播事告竣民隱堪憐懇乞

平播金書

卷六

二百一

臣

聖明酌議蠲恤以廣

皇仁以蘇積困事理未敢擅便為此具本專差承差

陳治道齋捧謹題請

旨奉

聖旨該省供億用兵百姓疲困可憫所請蠲恤戶部

便覆議來看欽此本部覆奉

聖旨是

八乞歸疏

奏為萬象皆春孤臣獨苦泣血籲

天乞

賜代歸以全子道事臣久不得代七疏陳情計已次

第仰徹

天聽乃近閱邸報止見

下部未見處分臣驚心動骨無以為計只得冒死再

請臣聞毀行之士

明主必下其品數倫之朝哲士以規其邦五倫孰大

平播金書

卷六

二百一

臣

於親百行孰大於孝親終而居廬守禮此人道

之常何足為孝然竝此廢之則無人道矣人而

不以人道自處是曰人禽鄉里所不親月且所

不齒也臣之聞訃自去年五月至今幾一年矣

夫禮有奔喪為在外者設有不得即奔為羈於

故未即行者設乃至經年而不奔喪此何事何

禮乎去歲自夏歷秋及冬日月雖深猶一歲間

事也今又一歲矣甲子已更燧火已改天摧地

折之人猶然旅食他鄉優游官署與尋常不殊

此尚可以爲子耶不可以爲子尚可以爲人耶
夫滿堂皆笑一人向隅而泣則舉座爲之不樂
於今春也元氣流惠風轉草木羣生之屬皆欣
欣向榮獨令臣拊心捨地以日爲年睹風木而
自傷望粉榆而不見求死不得欲生不可
陛下與物同春何忍令臣至此日者臣一病百日幸
而不死有告臣者曰

上或以獻俘敘功設官善後諸事未備不令介歸臣
爲之瞿然驚惕力疾勉圖向前諸事次第報完
陛下亦爲之宣捷告

廟昭示四方謀反造逆之兇黨已駢首卽刑闢土開
疆之庶官亦交臂受事從來候代之官亦止擁
名器示彈壓耳於政事不一一親也臣獨揮涕
含酸宵晝經理止爲冀得竣事早博一歸主父
偃曰吾日暮途遠故倒行而遂施之臣之心事
其殆類此乃今

天地悅神人和夷漢搏心中外禔福獨臣羈縻狼狽
死生無據居然自如不知

陛下何令臣獨苦至是也夫以臣爲微勞可憐則宜
少恤其私令得復其養生送死之常如以臣爲
闕茸不才不宜存恤則宜擇賢代之無令爲地
方久累乃許之歸而不爲置代令在去就之間
死生之際俾在世有不孝之子在官有無親之
人名行大虧倫紀全戮此豈直非所以處臣卽
覘

國者且從而議其後矣臣每清夜自思悻惻無聊
幾欲刎頸穴胃與畢魚同命顛死則不能棄臣
母欲生則不能棄臣父展轉悲憤輒至殞絕常
恐一旦遂死不歸令造逆者以爲口實任事者
以爲殷監則不直不孝亦且不忠

陛下必不忍令臣至此臣草此一疏殞絕數四惟望
陛下哀憐而早代之不則惟有委而去之伏苦待罪
而已臣據地痛哭不知所云緣係萬象皆春孤
臣獨苦泣血籲

天乞
賜代歸以全子道事理未敢擅便爲此具本專差承

差徐讓齋捧謹具奏

開伏候

勅旨

平播全書

卷六

一百五

末

請補播州缺官疏

題為播地缺官乞

賜亟補以營新造事照得播州初平臣已遵

旨議改貳府壹州捌縣及應用文武官員酌量陞調

一面具

題一面行令入播任事去後近接大計部報內開

該府新擬加銜調用同知王陞以原任知州不

及降貳級新擬加陞通判劉之瀾以原任知縣

不謹開任新擬真州知州陳應楨以原任通判

不及降參級等因該臣看得參臣者臣取其才

具尚堪驅使因調之入播不為無意吏部覈其

政行各有瑕疵因汰以計典亦非無因但大祭

重典參臣既在開任降調之列自當離任無容

更議惟是郡縣初設經營伊始即今丈量田地

安插軍民營造城郭急須得人料理所有原缺

若待銓除豈不誤事相應徑行議補以濟急需

該臣查得湖廣歸州知州孫鶴年才優繁劇民

頌廉平去歲用兵之時臣訪其才器不凡調之

平播全書

卷六

一百五

末

軍前效用諸有委任咄咄立辦後以積勞成病
不終事而還任未盡其才同事者至今服其幹
濟用之播地甚為相宜雙流縣知縣鄧弘烈心
田忠亦幹理勤渠曾督施南兵破板角關臣已
優敘其功擬加銜久任今宜改任始盡其長長
壽縣知縣郭維屏宰邑大得民譽理餉克濟軍
興臣嘗第各路小委官謂不辭勞怨不避險艱
當以維屏為最其政成而資深似足為優陞行
取之儲顧此地此才幸而相值為地擇官無以

平播全書

卷六

百七十一

易此臣竊妄為議擬謂孫鶴年宜陞播州新府
同知鄧弘烈宜照原敘加同知銜管新府通判
事郭維屏宜加同知銜管真州知州事蓋播州
開創之初地荒民散人不樂居自非資級稍優
常情不無缺望夫盤錯之地資人經理常宜令
有樂用之氣庶幾鼓舞從事不苦獨賢若官不
加進舍逸就勞常有邑邑不滿之心則以其官
為難肋而以其地為石田始事廢弛終難整理
是令官與地兩相屬耳故臣擬各官稍從優厚

人情事勢自是當然非無以也臣已一面行令
入播任事外合行題

請伏乞

勅下吏部查議如臣所言不謬將孫鶴年等各照原
擬陞職加銜行令到任管事仍照原題參年政
成破格優轉以酬其勞遺下員缺另行推補庶
新地得人善後有賴矣緣係播地缺官乞

賜亟補以營新造事理未敢擅便為此具本專差承
差徐讓齋捧謹題請

平播全書

卷六

百八十一

旨

繳寶劄疏

奏為軍務事案照萬曆二十七年十一月初二日

准兵部咨職方清吏司案呈該本部題照得近

因播首倡獮聲罪致討該科臣張輔之等題請

欽賜督臣

尚方之劔以重事權節奉

聖旨賜劔准給發不用命的許先斬後奏欽此向來

祇候

頒給值今兵將雖已漸集而人心尚屬觀望伏乞

平播全書

卷六

百九

初下該衙門將科臣題

允賜劔早行

頒降本部馬上差人齎付督臣李化龍欽遵行事等

因題奉

聖旨是欽此隨該司禮監於

文華門傳奉

欽賜督臣

寶劔壹口恭捧到部送司案呈到部恭惟

尚方寶劔

頒賜軍中凡以整飭人心肅將

天討故一出而寧賊平再出而朝鮮定此俱案牒之

可鏡者今播首倡獮戮將屠城寇逼門庭患在

腹心仰塵

聖慮俯允所請照例

頒賜以重事權務要矢滅此朝食之心嚴逗遛退縮

之令期斬逆首懸之藁街上申

國威下雪民怨庶幾仰副

聖明倚任之殷而媲美於東西也合咨前去煩將

平播全書

卷六

百十

頒賜寶劔恭收欽遵行事及轉行大小將領一體欽

遵查照施行等因差官齎捧

賜劔壹口到臣該臣卽於是日恭設

龍亭焚香望

闕叩頭祇領隨行三省文武等官一體遵照及將

兵馬錢糧催備齊備於萬曆二十八年二月十

二日約會出師差官齎捧

欽劔馳至軍前隨營監陣欽遵行事至本年六月

五初六兩日官兵急攻仰仗

天威圍破賊滅兵撤事竣捧繳到臣臣惟播酋造送

致于

天誅臣以一介書生獨踞三藩文武之上方苦才微

望劣衆未服從加以我弱賊強人懷觀望迨調

發卒集夫武勇乃心志更險於山川雖三令五

申備極鼓舞顧此疆彼界終涉參差幸遇

皇上重念軍令之嚴特辱

尚方之賜白茅黃鉞威動九天雪鏑霜鋒光搖萬里

臣於是奉揚

平播全書

卷六

百二十一

明命整懾羣情申嚴後至之誅大鼓前驅之勇於是

三軍股栗萬衆心寒受命則忘身忘家有死之

心無生之氣對壘則百戰百勝滅人之國取人

之城用能淨掃蠻煙重開炎徼坐消氛祲永奠

西南蓋惟令肅

九重所以功成六月此臣所為撫太阿而揚休捧舍

光而頌

德者也今照兵事告竣所有

賜劄理合

奏繳伏乞

勅下該衙門照舊查收以昭

中興脩文偃武之慶緣係軍務事理為此具本專差

官胡維城齎捧

進繳謹具奏

聞

計實繳

賜劄壹口

平播全書

卷六

百二十二

萬曆二

三月

二十八

日

銷算軍餉疏

題為征播事竣造報動用軍餉以備覆覈事據四

川布政使司呈造覆覈過征播軍餉錢糧自萬

曆二十七年六月起至二十八年九月止恭江

南川合江永寧肆路與所屬府衛州縣總計支

發戶兵二部并本省外省

蜀府義助及旅徵未完地畝夫價等銀共二百四

十七萬五千八百零六兩四錢八分六釐八毫

七絲八忽九微一塵四纖四沙銅錢一百七十

三萬一千八百零四文內買辦米豆草料戰馬

烘炒藥餌魚鹽薑蒜及製造軍火器具并漢土

官兵行月二糧安家犒賞懸賞功賞運夫腳價

等項計用銀一百五十二萬三千九百九十兩

六錢零三毫四絲三忽五微各項內有積出扣

回還官銀三萬三千七百二十五兩零九分七

毫六絲四忽八微又施南八土司官兵八千餘

員名安家行糧犒賞并三箇月本折糧銀共二

萬四千八百五十兩各兵應援恩獎即從龍泉

進兵功屬湖貴紀敘糧係川省代供此項餉銀

應在二省筭除外實止用過一百四十六萬五

千四百一十五兩五錢九釐五毫七絲八忽七

微銅錢一百六十六萬五百五十六文前項扣

回并支剩在庫及見徵未完共銀九十八萬五

千五百四十四兩九錢七分七釐三毫二微一塵

四纖四沙買運改運碾運及

蜀府義助各本色米共四十四萬九千九十七石

七升七合八勺三抄一撮一圭一粒內支過三

十一萬九千五百七十一石六升六合八勺實

剩一十二萬九千五百二十六石一升一合三

抄一撮一圭一粒烘炒三千二百二十三石六

斗三升內支過一千五百二十二石三斗實剩

一千七百零一石三斗三升炒米一萬五百零

五石一斗九升三合內支過五千六百一十五

石八斗二升實剩四千八百八十九石三斗七

升三合黃豆胡豆共二萬九千八百五十一石

一斗四升四勺內支過一萬二千八百五十三

平播全書

卷六

百五

平播全書

卷六

百四

石五升五合實剩一萬六千九百九十八石八
升五合四勺粟穀一萬一千四百九十三石九
斗六升二合內支過四千一百五十七石九斗
五合實剩七千三百三十六石五升七合乾魚
一十五萬三千五百一十斤內支過七萬三十
九斤實剩八萬三千四百七十一斤食鹽三十
六萬九千三百三十四斤內支過一十二萬三
千六百六十二斤半實剩二十四萬五千六百
七十一斤半生薑四萬三千四百四十斤內支
過三萬七千一百五十八斤實剩六千二百八
十二斤乾蒜五萬四千八百一十九斤內支過
二萬二千六百五十八斤實剩三萬二千一百
六十一斤燒柴一十八萬二千一百九十斤馬
草八萬五千三百一十五束二項盡支藥餌一
萬三千三百一十五斤零七兩內支過一萬二
千八百四十二斤一十兩實剩四百七十二斤
一十三兩戰馬一千三十一匹內領過八百八
十匹實剩一百五十一匹廬甲槍刀銃炮子箭

絲弦挨牌鉛彈硝黃等項共一百零五萬五千
五百七十四件斤肉支過七十一萬零四百四
十三件斤實剩三十四萬五千一百三十一件
斤以上支剩糧料戰馬器具硝黃若照原值變
價可得銀七萬八千二百六十五兩零還充之
外實止用銀一百三十八萬七千一百四十九
兩有零至於運夫一節原議東南派夫西北徵
銀各從其便其後銀未完而賊已滅若將夫價
槩行免徵則東南獨勞西北獨逸苦樂其屬不
均故議將未完夫價並加派丁糧銀一並追完
總於二十九年通省大糧槩行蠲免以均勞逸
已於
請蠲疏內題明訖茲以二項見徵未完并扣回支剩
在庫總計即前所謂共有銀九十八萬五千五
百四十兩九錢七分七釐三毫二微一塵四纖
四沙者也及查前次議蠲止計在庫見貯銀五
十五萬及貴州應還銀十萬共六十餘萬今並
續完及見徵者通計故又多三十餘萬共得前

數內除二十萬以備善後營建之需四十三萬
六千五十餘兩以抵題

請蠲恤之額餘雖約剩三十四萬九千四百九十餘

兩實多逋欠卽加併追或完少半而獲功官兵

首級功賞多半未給創建郡邑工程重大添設

文武經費浩繁此項剩需俱應存留通候工完

典見存支剩糧料戰馬器具總計善後官兵支

用幾何變價幾何存剩幾何通行查明另行銷

筭若有餘剩還官正支本司會同按察司重覆

平糶全書

卷六

百七十二

磨筭相同中間並無侵冒等弊理合呈乞造冊

奏繳施行等因冊由到臣案照先該臣

題為循例

請設兵將等事該兵部覆奉

聖旨該鎮督撫新設事權宜重這編選標兵推補將

官調用各省兵馬議處糧餉等項都依擬行欽此

又准戶部咨為患切剝膚敬陳一得等事該工

部左侍郎趙可懷題戶部覆奉

聖旨銀兩准解發軍興為急編派照丁糧毋以優免

靠損小民欽此又准兵部咨為逆酋悖

旨不道構苗拒敵官兵等事本部議將太僕寺庫銀

四萬兩支給四川都司淡章齎至四川總督衙

門交收等因覆奉

聖旨是著各官上緊押解前去不許違限悞事欽此

又准戶部咨為

請發庫銀防播事該本部覆議播首為患撫按題

請兵餉本部議將二十六七兩年額解陝銀題留彼

處募兵防禦既輯解陝合將太倉銀七萬四百

平糶全書

卷六

軍个

三十五兩二錢解川等因覆奉

聖旨是欽此又准戶部咨為夷氛甚惡

天討宜彰等事該本部議將四川稅糧加派銀十二

萬兩通融支用等因題奉

聖旨是欽此又准戶部咨為看詳章奏等事該戶科

都給事中李應策題本部議將湖廣二十七年

本色漕糧二十一萬二千二百六十五石三斗耗

尖米一十六萬一千三百二十一石六斗二升

零存留本省抵充楚蜀貴州三省軍餉等因覆

奉

聖旨是欽此又准戶部咨為楚滇助餉勢難如期等

事該本部議將鳳陽銀十萬兩發四川等因覆

奉

聖旨川貴待餉甚急你部裏便馬上差人星夜嚴催

鳳陽廣西如數解彼濟用不許執留遷延悞事取

罪還立限與他欽此又准戶部咨為議動贖銀以

助軍餉事該四川按臣崔景榮題將本院項下

批追贖罰銀兩充軍餉等因奉

平播全書

卷六

卷九

聖旨戶部知道欽此移咨前來該臣隨將戶部咨解

銀七萬四百三十五兩二錢兵部咨解銀四萬

兩鳳陽撫臣李三才咨解銀八萬五千五百六

十兩湖廣撫臣支可大咨解漕糧折銀三萬兩

蜀府義助銀二千兩按臣崔景榮解贖罰銀三萬

五千兩并行四川布政司徑支庫貯銀一十三

萬六千四百八十二兩一錢三分一釐七毫又

支解川東道銀六十四萬二千一百四十七兩

四錢三分四釐八毫三絲三忽三微解川南道

銀五十二萬六千六百九十六兩三錢七分四

釐解川西道銀二千一百五十二兩一錢五分

二釐又支借貴州以福建協濟解補銀一十萬

兩各府州縣解銀四十二萬五百三十一兩一

錢九分九釐四毫二忽六微一塵四纖四沙成

都府支造銀碗花牌綾段紅布等價銀四千兩

各州縣加派地畝賦稅銀一十二萬三千四百

二十五兩二錢八分又加派運夫工食銀二十

五萬七千三百七十六兩七錢一分四釐九毫

平播全書

卷六

卷十一

四絲三忽通共二百四十七萬五千八百零六

兩四錢八分六釐八毫七絲八忽九微一塵四

纖四沙銅錢一百七十三萬一千八百零四文

俱經一面派徵接濟一面動支分發買辦糧料

等項及轉運軍前聽支間萬曆二十八年六月

初五初六兩日三省合兵輪攻圍破逆賊受首

妻子為俘班師凱旋之後該臣備牌照得播酋

造逆奉

天征討即今賊黨盡平官兵俱撤所據用過錢糧例

應銷美但興師雖在二十八年二月十二日方
行進兵然自二十七年六月以來卽值此役其
中調募主客官兵分布防守買辦糧馬器具預
備聽支陸續動用無月無之是防剿雖或不同
經費原係一事通應一併清查撥行四川按察
司欽馬瀘兵備道總理水陸四路督餉副使史
旌賢備將一應錢糧毋分防剿盡數清查冊報
隨據該道議將綦江南川二路并重慶府屬委
本府同知梅燮合莊水寧二路并瀘嘉眉邛雅
州委順慶府同知馬性和成都府屬委本府推
官王宗賢敘州府屬委本府通判陳任麟夔州
府屬委重慶府通判江騰鯨保寧府并潼川州
各屬委本府推官方彖成順慶府屬委本府推
官陳博俱分投親詣四路及各府州縣清查前
來類造間副使史旌賢聞報離任改行四川布
政司分守上川南帶管清軍督糧道右叅政王
嘉謨接管造報到臣猶恐不的又經駁行該司
再加覆覈去後今據萬因除湖貴二省用過錢

糧聽彼中徑自

奏報外該臣看得描首造遂致干

天誅於時兵餉兩虛無從措手卽蜀省帑藏向稍充
實年來亦以二運採木靡費不貲正項之外所
存無幾臣蓋日夜憂之荷蒙

皇上軫念選荒多方經畫儲餉調兵繼至輻輳以故
不假歲月免致蕩平臣稟成

廟笑奉揚

天威幸而竣彼可勝仰戴所有用過錢糧據該司道

造報本色糧糧前開已悉無容復贅查得四川
一省用過餉銀除扣除還官餘剩變價及協濟
二省不計外總計四路官兵行月二糧運夫工
食及一切買馬製器諸項雜費實用過一百三
十八萬七千一百四十九兩有零及查湖貴二
省先據送到造報錢糧文冊共用過一百餘萬
彼兩省共計四路與蜀相等經費之數似少參
差緣四川自前歲六月賊破綦江卽調發多兵
各處防守至進兵之時已支半年之餉矣比至

進征川省所請陝西三邊之馬兵浙江河南山東之步卒其糧餉原厚皆以一人兼二人之食迨事完撤遣給以路費遠者三月近者二月皆計程計費寬然有餘以故遠省客兵歡然就道此其支費固有難以槩從省約者然皆臣嚴督經管司道等官事事籌美時時稽覈正支之外絕無別項浮費以故罷兵之後計所剩存尚近百萬臣之處心良亦若矣及查扣回支剩及派徵未完銀九十八萬五千五百四十兩有零

先經臣議將見在者入疏具

題於內動四十三萬六千五百餘兩抵今年蠲免之數外又議動二十萬為播州營建之需今查播州善後所費實繁蓋即萬兵之餉一年已需數萬加以驛遞之夫馬官吏之廩糧匠役之工食小民之牛種彼中尚一無所出種種皆取辦官帑儻一年之後事未即就兵未即撤費豈便已則即以三十萬待之未為多也即今又解發三萬兩協濟湖廣征剿皮林計此三項已該七

平播全書

卷六

五十五

七

十餘萬則所餘者僅二十萬有奇而功級之銀尚未全領借支之項尚未全補拖欠之數尚未全完則此二十萬者亦未可謂目前之長物矣蓋此番舉動川省原以全力從事兵之徵調甚多餉之協濟甚少始傾府庫以平賊繼竭物力而善後東拆西補殊費支吾製襟露肘僅而全濟即免告急於司農求補於

內帑亦已幸矣比之貴州原仰哺於外省繼扣還於度支者原難例論臣區亦不敢不申明之也

除行該司嚴併追納以備接濟總俟工程告完

若有積餘照數還官聽接管督臣另行銷美造冊

奏繳外所有前項用過兵糧起止年月支存數目

理合開造黃冊

進繳青冊送部伏乞

勅下戶兵二部再加覈查行巡按御史覆覈施行

係征播事竣造報動用軍餉以備覆覈事

敢擅便為此具本專差承差苟應增齊恭

平播全書

卷六

五十五

七

進播州圖疏

奏為播地初開敬獻與圖以塵

睿覽以抒愚忠事臣不自量受

命剿播以

天之靈幸而竣役深惟此州之地不入版圖已八百
年

陛下既取而郡縣之矣顧其地遠在西南去天萬里

山川物土頗異中筆謹命工人繪為一圖上呈

御覽倘蒙

聖下於萬機之暇時

賜省閱亦得以習知其疆理弘宣夫政教萬分之二

不為無補願臣為此圖尚有私衷不敢不盡於

陛下臣惟遂首拒命自外生成

陛下以仁聖神武赫怒臨之如發蒙振落何足為難

願其地山川險惡林箐深阻諸將吏皆攀藤附

葛昌炎觸瘴與羣兇角一旦之命十生九死僅

而勝之故披是圖也

陛下可以知將吏之苦此邦之人不沾

王化垂及千載今一旦被

日月之光沾雨露之潤如出谷遷喬一何厚幸願其

人原是丹服鳥語之倫同處豺虎虫蛇之內向

來生計不過捫磴穿崖刀耕火種為力甚苦求

活甚難而遂商且擾之以徵歛威之以刀鋸民

皆重足一跡莫必其命蓋今之所為開治建城

者皆昔之火宅鬼窟也故披是圖也

陛下可以知小民之艱夫臣子之義事不避難勞不

言苦臣何故復為將吏多贅惟是為小民者今

雖初出湯火漸濯清冷然殺戮之後地多曠土

招附之初人無固志安之固易於見德擾之亦

易於思亂譬之新生之木爬搔稍過則生志萎

然而消久放之豚束縛太急則野性悍然而起

夫難平者事也難得者地也惟以仁義取之以

仁義守之則三代之上理而太和常在宇宙間

矣臣願

陛下流聞悌之澤布寬仁之令明示守土之臣安之

勿擾緩之勿急令一方小民翕然知有生人之

樂喜邑相告又凄然念其已往之慘涕泗橫流

庶幾寧心歸化無復反側西南半壁天下永永

無患矣臣無任瞻依仰望之至謹將所繪地圖

隨本上

進

請卹典疏

奏為孤臣代歸有期循例陳情懇乞

天恩俯賜卹典以光泉壤事臣愚不肖誤叨

聖恩總督軍事適值臣父之變奉

旨任督兵旋以軍旅事竣蒙

允回籍守制茲且得代奔歸仰惟

天恩隆重非臣頂踵所能圖報何敢再言所私願

國有懿典不敢不據例上

請臣世本農家臣父掾以臣塵忝仕途節次受

平播全書

卷六

一百五十九

封七品五品職銜後以臣巡撫遼東剿虜微勞復辱

特恩加封兵部右侍郎兼都察院右僉都御史比臣

起官今職接俸三年考滿該吏部查得臣父已

受過三品封典例不重封止臣蒙

恩陞右都御史則臣父蓋係實授三品封又經臣考

滿應封以臣見任二品時病故者也查得

大明會典并卹典條例內一款凡兩京二品以上文

官并父母妻三品文官并父母曾授本等封者

俱照例祭葬又一款凡侍從

春官軍功等項遇有前項陳請仍移文兵部覈實

如軍功必躬履行陣有勞方與具由題

請若止曾受官未經實效勤勞者不准其

特恩所加祭葬大約於本等品級內量加一等如軍

功三品未滿得及其父母或有軍旅身職勳勞

茂著者

卹典自宜加厚禮部臨時擬議奏

請定奪為照臣自束髮以來辭親從仕垂三十年臣

父未嘗就臣一日之養惟是填撫遼東督兵三

平播全書

卷六

一百五十九

載中病而歸得屋宇舍然甫踰一年復有今役

受事未久即有臣兄之喪于時臣父遂苦待養

無人臣身又以從征難返兼之賊勢頗大剿事

頗難臣父上憤

國難之未平下傷游子之遠役愁思焦勞卒先朝

露總之數年以來臣之拮据止在行陣兵凶戰

危臣當其勞臣父與其憂即壯夫亦當中摧况

衰年胡以久恃憂

國捐生臣父亦復何恨所苦獨臣心耳乃臣聞計

以來又以軍事羈留一年于此奔喪營壘付之
杳茫帳有蛛絲庭惟鳥跡此士類所為傷心路
人所為殞涕者也即今南北少事方寓晏然平
定之效頗當

聖心露布北馳

天顏有喜臣獨宗祊剝落形影伶仃踴地躋天無以
為計即論理則家國非倫然在臣則君親並重
蓋不能不望恩於

陛下矣臣父已實授三品封又經臣考滿本等

卹典例自應得但稽之令甲軍功三品未滿得及其
父母臣即么麼非類而見叨二品經年在事軍
旅勲勞茂著得從厚議

卹臣即冗散無勞而從征兩地頗效奔走軍功躬履
行陣方准與加恩臣即懼怯不立而督兵數載
未離行間據例原情似宜少沾尺寸且夫一往
而不返者親之終也一缺而難補者孝之禮也
臣非生于空桑乃在生不養臨終不飲既沒不
歸風木徒傷雲天無望茲固已百行莫贖之愆

終身不解之恨矣惟冀松楸之際少借

恩私寔穿之間畧存光寵尚得以其浩蕩無涯之

恩少慰其沉綿終天之痛耳伏望

陛下俯察情苦曲賜矜憐

勅下禮部備查往例蕪敷微勞酌議

卹典稍從優厚蕪臣父尚得少安魂魄于地下臣亦

得暫寄視息于人間臣即病苦衰殘無能補報

啣環濡草鳥獸有心今生已矣尚有來世惟

陛下哀憐裁答臣謹泣血籲

請

天以

平掃全書卷之六終

容文

貴州撫院防播

浙江山東借兵

陝西各鎮借兵

兵部討將官

湖廣防苗

塘報播事

湖廣備糧餉

貴州責安疆臣

雲南調兵

黔省撫院趁時糴米

催湖廣買餉米製火器

貴州增議防兵

貴州防石阡

河南催兵將

貴州防守恩石地方

廣西調兵

平播全書

卷之七

容一

塘報播事

貴州集兵

湖廣儲集兵糧

塘報夷情

湖廣備兵

湖廣撫院移駐沅州

貴州經催雲南兵

塘報播事

催福建廣西解餉貴州

湖廣再備糧餉

湖廣催軍餉等項

湖廣整備兵糧候舉事

固原寧夏榆林買弓箭

湖廣防犯

督勵安疆臣搗巢

再催湖廣官兵

催湖廣官兵同黔兵併舉

貴州整兵進剿

平播全書

卷之七

容二

中飭湖貴加謹防護興偏地方

覆湖廣

湖廣支銀協濟貴州

行兩省約期進兵

湖廣催兵運餉

發銀思南糴米

湖廣分解漕糧接支

覆湖廣進兵

查烏江河渡失事

調滇兵咨貴州備餉

湖廣催漕糧折銀解充軍餉

覆貴州照批行湖廣助餉

破囤塘報

撤各省官兵

覆楚省

賑民夷

查議善後

黔省善後

平播全書

卷七

客三

平播全書卷之七

咨文

咨貴州撫院防播

為督撫地方事照得播酋邇來狂悖大非往昔親自

統兵屯劄於蜀綦地界擾害居民彼處防禦官兵又

虞單弱業經調遣總兵官萬鰲馳赴外查得此酋近

日又復集兵擾犯黔地愈肆垂涎已行各該道將查

報訖若該省一應設備與當興革事宜本部院難以

遙度相應移會為此咨貴院煩請查將隣播一帶

去處目前防禦官兵有無足備應否增添與岐路設

險扼隘挖整偵探收保城守并通省時宜興革事干

奏

請者陸續希稿見示以憑會題倘有徑行事件亦

希備細移送軍門以便查考幸勿遲緩

咨浙江借兵

為土酋肆逆蜀地帖危請乞量借兵力以資防禦以

保封疆事本月二十一二等日據兵巡上川東道副

使莫容并重慶府及恭遊等官各報稱播酋楊應龍

于六月內點兵陸萬分為三路入犯綦江內地先講

平播全書

卷七

客一

地方事後擄殺乞發官兵立候分布防守又據報稱楊應龍親自統兵數萬在貓兒岡等處劄營又在毋渡入犯離縣止貳拾伍里今守兵止有叁千勢甚至急各等因節報到部為照楊應龍恃其地利之險兵力之強睥睨全蜀無足以當其鋒者其蓄志欲逞久矣年來倏以擒掣叛奴一犯合江再犯碁江殺掠之慘節經 奏報然猶未敢悉師以出也自貴州喪師之後自知難追 天誅遂爾逞於一決乃親統大兵數萬復犯碁江恣行殺戮結營不去益增生兵蓋欲殲我兵將占我邊隅然後畧地攻城惟其所向此其為志端不在小蜀地原無兵馬向來征討止調土司而土司之中惟此酋為最強往日已事可為殷鑒本部入蜀未及旬日召募訓練一無所施不得已遣總兵萬鏊量摘松潘兵馬前去重慶一帶相機防禦本部續調土兵數枝接濟頹強弱之勢已自可知倘我兵稍挫賊勢益張滋蔓之禍且在全省茲所關係豈細故哉查得浙江南山東之兵天下稱勁年來東征全賴其力今東征竣事業已歸農召募用之極為相當除另

平播全書

卷七

卷七

卷七

差官齎銀召募但此中事已然眉彼處旋行召募曠日遲久無補急需查貴鎮有防海及標兵貳枝兵將見在今海波已澄備而不用合行借調除具 奏外諒 朝廷之上見此情形無不允發之理但待報遣發尤恐後時合先咨請希將前兵令驍將統領全營撥發前來應給路費量行支給待此中解銀補還若貴鎮兵不可缺不妨徐募已撤東征之兵填補移緩就急兩不相妨昔寧夏之變浙中聞常撫院曾遠遣三千兵赴援大義精忠日星並耀料貴院體國奉公之心決不憚披髮纓冠之往請勿遲緩

咨陝西各鎮借兵

為土酋肆逆蜀地貼危請乞量借兵力以資防禦以保封疆事本月二十一二等日據兵巡上川東道副使莫睿拜重慶府及參遊等官各報稱播酋楊應龍云云同前查得陝西各邊兵馬素稱驍健本部向擬借調緣秋防在即未敢具陳願今事勢已急計無復之只須量借除一面具 奏外諒 朝廷之上聞此情形無不允發之理但待報遣發尤恐後時合先咨

平播全書

卷七

卷七

卷七

請希時貴部院所屬四鎮每鎮量摘撥二三千令彼
中駝將統領各帶甲馬器械量給行糧速遣入蜀俟
本部一面解銀補還入蜀以後糧料本部一面預備
又查得延綏一鎮舊有入衛兵馬一枝三千年來借
調東征不係本地防守之數今東征已畢薊鎮無事
更希全營發來要在十月之間畢至蜀地方為有濟
昔年有調苗兵禦虜者胡騎一呼踏為平土酋所恃
惟生苗非陝兵不足以殲之亦知秋防在目彼此皆
急願貴鎮地大兵多摘撥一枝如九牛一毛無足加
損其在蜀地則救焚拯溺弘濟為多料貴部院體國
奉公之心決不憚披髮纓冠之往請勿遲緩

咨兵部討將官

為播酋猖獗蜀事岌危乞多發將才以備戰守事照
得播酋不道擾我封疆綦江被殘重慶告急全蜀事
勢未知所終此亦危急存亡之秋也蜀原無兵故亦
無將近雖調發土司之兵而土官紀律不嚴未必用
命雖亦多方招募而烏合之眾須得良將統領始可
收功至於別省調兵彼中雖有駝將未必肯遣來

平播全書

卷七

咨

兵部

臨時須有更置亦不可不預為之備者即坐名題
請但本職於九邊將帥未能全知又恐諸將中有事
故不一不能應手即至致誤事相應咨請為此合
咨本部煩將後開本職所訪聞謀勇足備可用將官
轉咨各處督撫衙門刻定期限責令起送前來或帶
有家丁隨其多寡本處衙門即給與應付勘合抵蜀
之日自當從優給養俟各將到後本職隨其才器分
遣督兵事寧之後另議陞賞仍行各處督撫衙門此
番所需將才不啻救焚拯溺不得以本處有急為辭
遲留不發致誤事機至於後開各將或近有顯過著
聞難以重用或本部所知另有長才大器在諸將之
上而本職所不及知者亦乞隨宜改易止在得人或
各將有見居重地勢須題
請者亦乞查照咨文徑為題
請仍希將所遣發過將官先咨知會以便行催須至
咨者

計開

薊遼總督標下副總兵戴廷春

平播全書

卷七

咨

兵部

薊遼總兵標下遊擊葉邦榮

大同井坪城叅將錢燁

延綏入衛遊擊王國棟

原任保寧叅將郭有光

河州軍任副將周國柱

河西原任叅將余世威

山西原任東路叅將余德榮

寧夏副總兵馬孔英

岷岷副總兵魯光祖

平播全書

卷七

各本

特

西寧叅將王國柱

京營遊擊陳辰

原任京營叅將蘭登瀛

谷湖廣撫院防酋

為緊急軍務事近據兵巡上川東道副使莫睿報稱

播酋楊應龍於六月十八日親統大兵屯劄於綦江

內地日肆劫掠要攻綦城又聲言添苗入犯重慶等

處等因到本部院除行見調赴重慶總兵官萬黎同

該道加謹隄備并一面調取漢土官兵馳至該府一

帶分布防禦外為照播酋楊應龍狡詐異常近見

明旨重頒遂致疑畏日深跳梁益肆即今縱橫無忌

不知意欲何為查楚省逼隣偏橋一帶均為內地襟

喉未然而防亟應料理為此合咨貴院煩請速於有

勇兵處所無論漢土急募數千於隣播安區分布防

守仍戒嚴將領有司衛所比常加謹隄備用保無虞

應造器械軍火甲具行司專官製造應動銀兩與集

兵合用糧餉該司一面酌定通詳一面遣發馳赴慎

守仍請希將責成過將領等官緣由并委過募兵職

平播全書

卷七

各本

特

官姓名先行移送軍門幸勿遲緩

塘報播事

為緊急夷情事照得播惡楊應龍統苗攻破綦江殺

戮將兵緣由已於萬曆二十七年六月二十八日具

題訖本年七月初四日據重慶府申據綦江縣報

稱六月二十一日播酋親率兵苗六萬圍城與房遊

擊張良賢對陣亂拋火石城頭火起各兵難立一時

滾下城墻苗兵直入當即殺死房遊擊張良賢將百

戶生擒胡提調孟百戶其餘各官逃亡不知所之殺

死兵民不計其數一時堆屍塞街打入縣堂殺死吏書阜快及避難街民一百餘見本縣帶同家眷十一口正衣冠端坐在堂止殺死義男一人義女一人打入後堂將什物一掃劫去次打入監房將各囚放出各令投順去次打入官庫先將外庫銀罄劫將內庫銀留數百勇兵看守圍寨自夜達旦二十二日早差出把總李旭何漢良將官庫銀檢過二千盡數持去仍根要庫子及避難街民湯禮等立一領契逼本縣用印將銀二千作賞兵之費次即打倉衆兵各依倉

平播全書

卷七

七

七

就食復懸牌內云本司率兵到茶路遠不便運餉將茶江縣庫貯銀兩倉貯米穀盡數借支無得阻難取罪二十三日放火烧城內官民房約有百餘家二十四日與本縣會話要改劃為撫又要取各秦民及楊可棟屍棺要擡本縣到州作質事平之日方送還縣本縣毅然以死自許彼亦不能困辱二十五日早起先放火烧倉次即燒營鎖押目把十餘人進縣直入後堂挈本縣親子馬兆斗親舅許雲龍到營一路隨帶退兵三溪今將前項逐一緣由因苗兵阻截片紙

隻字難以上通擄去男婦不計其數并所屬砲台

安二驛家眷除查明另行申報外等因擬合申報又於七月初九日據敘馬瀘兵備道副使李廷謨報稱本月初五日午時准建武遊擊楊敏政手本報本月初一日亥時據五畝堡指揮王繼祖揭報本日午時聽夷放銃未時據哨探軍兵李啓等探得夷目趙林鶴統袁謨袁禹袁年王繼先等兵又吼灘小溪等處兵見有千餘在龍門里劉說等播兵到齊就要一衝五畝堡等情本時又據探報隊長奚老三報稱探得

平播全書

卷七

七

七

楊應龍封刀一把要殺趙林鶴稱茶江已攻了緣何不打合江等情初二日夜四更時分又據塘報張廷舟報稱三更時分趙林鶴統袁謨等兵分為三路黑夜難知其數一由大油溪一由虎巷子一由磨刀溪俱向五畝堡衝來王指揮督率軍兵堵遏因馬邊兵尚未到見得勢力不敵退至小寨坎夷兵將五畝堡圍住大叫要挈王指揮當時將近居民房燒燬又叫取草燒堡等情又據王指揮差入謝乾報稱楊相除本職督率官兵堵遏外查得馬邊兵奉建州副將

兵連夜撤出已過馬街河合就移報又據合江縣申報相同除本道一面差人持牌曉諭馬邊兵不許觀望着令奮勇與王繼祖出哨并行令楊遊擊相檄策應堵遏用保無虞一面催發宜賓團兵督赴瀘州應援外理合呈報七月十八日又據分巡上川東道副使莫睿報稱七月十三日據綦江縣申本月初十日據本縣三溪住民羅可助羅枝羅從友羅守用係生員羅舟羅羅于澤羅允羅蜀義男告稱楊酋自破城之後一向割營三溪母渡等處又於初八日將三溪田地沿邊插旗為號播界自某處起某處止鐫一石碑監立界口號為宣慰官庄且將各民房拆毀改作倉廩擄去男婦數百餘口劫去財物數萬餘金該本縣看得逆酋肆行無忌混占民地拆毀民房將使一方之民居食無賴矣殘破餘黎何由復業等因申報到道各轉報到職看得逆酋初出聲言攻打綦合直取重慶比綦江既破劫奪倉庫擄掠人畜未免遲延數日因之內地兵將漸集聲勢漸壯賊遂遷延不道乃分遣生苗焚劫堡寨又越播境五六十里之外

平播全書

卷七

卷七

卷七

三溪地方插旗監碑將內地民居占為官庄狂逞已極悖逆益甚除益督發土漢官兵分布隣播州縣聯絡防禦及行湖貴二省邊播一帶道將各嚴督軍兵把截險隘以防潰決突犯外合行塘報

咨湖廣備糧餉

為督撫地方事照得湖廣偏橋清浪鎮遠平溪等處俱與播酋切壤應用謀勇將官精兵防禦業經移咨貴院及徑行布按二司及湖北辰沅等道計議將兵及糧餉機宜等項不啻再三俱未見回覆殊為可慮頃揚酋犯綦之後仍在集兵聲言要犯湖貴地方則偏橋等處亟應防守緣添設兵將備置糧餉本部院行文既久計此時分布停妥惟是本色糧米尤當多備理合移咨為此合咨貴院煩行湖廣布政司動支軍餉銀兩趁此秋成之際收買本色糧米要足官兵三萬名半年之用專委督餉一道責成各屬克期糴完運赴隣播應守地方聽候支給官兵幸勿遲緩仍請將委用督餉專道并分催各官及買運米數收貯地方各緣由備咨軍門查考併再檄催司道將節行

平播全書

卷七

卷七

卷七

會議各項事宜速議明悉作速通詳以憑施行

咨貴州責安疆臣

為督撫地方事萬曆二十七年七月二十一日據兵
巡上川東道副使莫睿呈據涪州申為四路阻冤邀
截奏章緝戮差役實難安堵事本月十二日准播州
宣慰司批差頭目云等因到本部院為照播酋楊

應龍近日狂逞大異往昔既戾犯黔省官兵復攻陷
蜀中縣治戮將屠兵聞者駭愕豈非天道好還此賊
殺虜數多天欲稔其惡而斃之耶伊自知惡積罪大

平播全書

卷七

李三

欲以恐嚇官兵乃令頭目部落極口全稱貴州水西
助兵一萬攻我綦城先據各衙門節報前情本部院
久知鳳氏母子素懷恭順較之楊酋何啻霄壤斷不
信以為真且曾見邸報黔省按院題疏亦有安疆
臣效順之詞乃今該酋以結親之故託言水西聲勢
誇兵稱勝但知自張聲援不顧駕禍隣封機械變詐
不可方物誠可痛恨若不詢求虛實將來築疑黨奸
何以服心應合移查為此合咨貴院煩請轉行司道
詰詢安疆臣及伊母鳳氏曾否與楊酋添兵助雲有

何深恨夙隙將此逆情駕禍於渠若前所云皆非真
實是何播目揚言貽安氏母子陰受無窮之禍仍令
疆臣速示譯諭頭目及隣播部落毋得輕聽播酋詭
計誘惑厚賄結心暗幫為害嗣後日久論定情形必
露伊時追悔噬臍何及希將詢過有無前項情由移
送軍門以憑施行

咨雲南調兵

為土酋肆逆蜀地帖危請乞借兵防禦以固封疆事
本年六月十一日本部院入蜀省受事隨據兵巡上

平播全書

卷七

李三

川東道及將領等官疊報播酋楊應龍集兵內地侵
掠騷擾本部院即檄行道將等官嚴加固守無為輕
敵及一面四出徵調漢土官兵計議防禦又遣總兵
萬鏊馳赴重慶分布防守堵截詎意狡酋于二十二
日親督大兵直抵綦城與將官決戰遂致綦江城陷
官兵被戮勢甚披猖為惡殊慘緣此酋頗年為患三
省不寧頃自貴州喪師之後自知難遁天誅遂爾
逞于一決此其為志端在不小原蜀中素無蓄兵雖
松潘開鎮兵數不多即今秋防虜警猶自不敷以故

向來征討止調土司而土司之中惟此酋稍強各土司無能與之抗者惟是貴省元江寧州羅雄武定等處土兵素稱驍勇堪以禦敵且查萬曆二十七年六月內准兵部咨為播患方殷軍機至重等事該本部題稱川貴湖廣地界相連殆若犬牙交錯合無於貴州總兵請

平播全書

卷七

卷十四

聖旨貴州方在用兵總兵官所轄准照巡撫事例湖北川東叅將守備軍衛土司俱聽兼制有事調遣不許抗違無事只照常行改寫勅書廣西雲南與貴州接壤去處也着協力援搗不許互分彼此欽此今照敵院叨總制三藩軍務勢不得不借調前兵用資戰守為此合咨貴院煩念滇蜀隣封正需披纓拯溺之際請將前項土兵責成該管土官挑選二萬再加訓練候本部院另文調取之日令各備鋒利器械再請行委謀勇將官一員督同該管土官管押各兵前來聽令分布其行糧煩查滇中用兵則例同轉行過土

司選兵緣由希先見示以憑查照臨調詳給施行幸勿延緩

咨黔省趨時糴米

為軍務事照得播首近雖稍靜但戎心無厭為謀叵測前又曾聲言要犯貴州龍泉等處在我防禦自宜周密近准貴院回咨地方設防應布將兵與扼險隄備漸有次第雖兵尚不足陸續募調猶易為力惟本色糧餉一節乃目前急用之需諒貴院久已計處先該本院節行貴州布政司預計買備及令製造器械火藥等項去後未見回報曾否酌行今據該司揭稱庫貯堪動軍興銀兩數目不上萬計與雲南應還川省解黔銀兩應否動支糴買糧米亟應乘時酌處又查該省往規上納事例等項倘中間如係折色或照川中近例可以暫改本色亦應亟行庶得濟用為此合咨貴院煩行該布政司將庫貯見存并雲南解還銀內應動若干趨今時熟通詳委官員照依時估多買米穀製造如法收貯近便倉廩若事例等銀應否隨宜改上本色俱聽酌處施行其應製軍火器具

平播全書

卷七

卷十五

亦速行司查照原行製造仍將買過米數軍火器具先行希由移送軍門幸勿遲緩

咨催湖廣買餉米製火器

為軍務事照得湖廣偏橋鎮遠清浪平溪等處地方與播界比隣應用將兵防守頃時刻不可懈弛軍中所需日食糧米器具等項節經移咨貴院及牌行布按二司湖北守巡辰沅等道計議去後俱未回報又于七月內移咨請行該布政司動支軍餉銀兩趁時收買本色米石計足官兵三萬名半年食用責令委

平播全書

卷七

咨六

官買運聽支去後亦未回覆今照防守事在孔亟該省調發官兵畢集彼中應用本色糧餉貴在先期布置又軍中利用必須火器不知該省製造若干擬合一併查催為此合咨貴院煩請速行該司道查照原行將三萬官兵足用半年餉米動支官銀專委督餉道責成職官剋日買完運赴隣播相應地方聽候支用此時秋成正宜糴貯不得遲緩後時費事其軍火器具最為要務應委慎造員役不分晝宵多方製造至於偏橋等處分布將官軍兵業已不次移咨貴院

第未見如何安設仍煩督行該道及將領統兵等官一面整搦防守一面設險偵探仍將分布將兵買完餉米製完器具各數目咨報軍門以憑查考施行幸勿遲緩

咨貴州巡撫增議防兵

為緊急軍務事准貴州巡撫郭 咨准本部院咨查分布將兵隄備隣境播首緣由隨准開款回稱貴州防兵共三千已到一千七百未到一千三百平越衛有兵一千六百已到一千一百未到五百興隆衛有

平播全書

卷七

咨六

兵三千一百已到二千二百未到九百偏橋衛有兵五千已到二千七百八十九名未到二千二百一十一名黃平所有兵一千九百已到一千六百未到三百新添衛有兵一千已到五百未到五百清平衛有兵三百俱未到龍泉地方有兵一千二百已到一千未到二百等因到本部院查得會省重地所稱防兵止有三千黃平龍泉深入播地各止兵千餘且有未到者即今叛酋舉動若此似應再加增設及查思仁石阡婺川等府縣俱切近播地未知應否設兵相應

再行會議為此合咨貴院煩請酌議將省城黃平龍泉等處應否再增軍兵若干思仁石阡婺川各處即今有無官兵防守且彼處二府一縣去省城窺遠又隔湖廣偏橋地方止一龍泉守備聞其地又無城郭兵止有千餘恐不足為一方保障應否再設兵將希一面分布一面移知軍門以便議題其未到軍兵曾否催到一併移知希勿延緩

咨貴州防石阡

為地方事本年八月十三日據貴州布政司帶管分守思仁道左布政使應存卓呈據石阡府申報七月初八日據龍泉坪長官司報稱本月初二三四日連據各哨把總報稱播苗破劫石籬門又於馬頭山點兵數日但言伺候楊應龍令箭至日每兵草鞋一隻飯米三升不知何幹看係地方事情合行申報等因看得石阡孤城切近播境萬一逆酋衝突無將無兵何以防禦合行飛報緊急乞賜遣將隄防等因報道具呈本部院據此除行總兵官加謹隄防外案照先該本部院移咨貴院煩請查照先令事理行令貴省

平播全書

卷七

卷八

九

司道將隣播一帶地方專司信地官兵將防禦事宜注意講求比常萬分隄備仍令各叅遊守備等官各帶多兵往來隣邊處所巡警免首窺知內地虛實又不許為彼誘敵致貽後患諸凡一切未盡應分布應備辦等件一早為施行去後隨准開款回覆前來查得隣播去處俱已設兵雖多寡不一稍可隄備惟石阡府既近首境未見分布何項官兵防禦今據前因看得播苗縱兵屯聚難免衝犯石阡要路宜速緊防為此合咨貴院煩亟酌議何項官兵于石阡府防禦或已分布或調取未至作何料理可保無虞希速回覆幸勿遲緩

咨河南催兵將

為軍務事本年八月二十五日准兵部咨該本部題川省督按奏播逆猖獗及添置將兵等項已該臣部覆奉

明旨欽遵外所有關軍機用入行事當番為計料內一款開備用將領查得河南去川貴湖道路頗近而彼中舊有毛葫蘆兵精悍可用臣頃過河北見有領

平播全書

卷七

卷九

四

兵官任承爵甚為驍雄堪以戰陣及查本官係原任
掌印署正留守近因罪廢充為事官合無准其量復
遊擊職銜卽令選帶毛葫蘆或本營自練兵馬隨便
器械不拘數千尅日統領星馳前去川貴總督調度
隨地剿殺合用安家行糧河南撫院查照調兵事體
一面速行處給一面奏

請銷補等因奉

聖旨是備用將領兵士增置總兵中軍俱依擬欽此
備咨到本部院看得播酋楊應龍自攻陷綦江縣治

平播全書

卷七

卷下

戕殺將兵之後自知罪惡深重難遁誅討日在境整
修船謀為巨測所需將兵不啻然眉之急既今本部

題 允將遊擊任承爵帶毛葫蘆兵前來備用但未

見起發應合移催為此合咨貴院煩請檄行該道府

將前項毛葫蘆兵及本營自練兵馬兵挑選驍健三

千名務要人人慣戰一可當十各帶衣甲器械責令

任承爵統督如兵衆多再委勇將一二員分隊管束

星夜到川其官兵行糧安家照部議就於該布政司

支給具 奏請補但須官兵蚤到以濟急用至沿途

束兵號令煩為照例頒給本官禁諭施行先將起發
官兵日期支過餉銀數目一併見示以憑咨部幸勿
遲緩

咨貴州防守思石地方

為督撫地方事近據貴州思石兵巡道呈據石阡府
經歷司呈報七月二十六日據龍泉司申稱播苗在
於馬頭山偏刀水都等處剽營不知動靜又將先年
李保等造叛地名黃沙坎要路挖為溝壕又據石阡
司報稱七月二十三日被播目楊七等統兵七百在

平播全書

卷七

卷下

鎮夷關外濫泥山燒劫殺死張廷華父子并隣民七
命合寨牛馬財畜盡行劫去虜掠男婦四十餘人隨
統鄉兵趕退口稱不日打關破府此關近乾溪三里
離府止三十里又據石阡司呈報播目四牌謝朝俸
石辰三於本月二十三日統兵千餘剽營崖門揚言
集兵過江下掃水口崖抵本庄樂橋軍民屯寨上劫
思石府衛偏橋等處各緣由到道呈報本部院看得
馬頭山偏刀濫泥山崖門等處俱係思石二府所屬
地方今播目集兵剽營洶壕挖路又聲言過江打關

破府其中包藏狡不可測先該本部院查得石阡府未見設將增兵隨經咨移貴院調發分布未見回報在龍泉司僅有額兵一千近議新召二百又未募完本部院屢行每處用兵三千陞備未見如何安設今石阡地方濫泥山居民已被夷兵燒殺搶虜此地去府只二三十里并無官兵堵截止有鄉兵趕退疎虞可知卽今防範正宜加謹乃二府地方泄泄如此萬一悞事責將安諉除檄行總兵官并思石二道查照屢行隄防外應合移咨為此合咨貴院煩請卽便查

平播全書

卷七

卷二十一

咨廣西調兵

照轉行該司道府及總兵官思石將領等官督率部兵將各該所屬地方日夜加謹防守不許時刻懈怠仍不時遠偵聲息以防不虞如遇賊出各該將官軍兵相機堵截毋得輕躁為彼誘入該府濱江一帶既係通播要路尤宜集兵把守毋容越過延蔓不便其各該緩急應添設將兵煩查原議上緊調發分布卽今苗疑畏日深防禦事宜務須戒嚴所司以防衝突幸勿遲緩

為緊急軍務事本年八月二十七日准兵部咨該本部院題為循例請設兵將以重事權以資戡守事本部覆議今應比照先近申明事例調用浙江福建陝西雲南廣西兵將俱聽其便宜調用文至各鎮卽日依行毋容緩悞但須臨機酌量調取務求停妥查其真實可用而後調之或氣習脆弱不可恣調以貽日後撤兵之害雲南巡撫會同總兵沐敷糾合義旅選委憤戰將官統領于貴州地界邀會廣貴各兵覆其巢穴廣西總兵陳璘馬上催促由湖廣取道直趨粵西聽援不許統路粵東有悞纓冠之義其餘前項之兵果有安家銀兩俱聽該鎮借給卽行川湖補解行糧計日給發一切軍興廩費糧餉督臣徑自議處通行各鎮省督撫衙門一體遵照施行等因覆奉聖旨該鎮督撫新設事權宜重云云除欽遵外看得播酋自攻陷綦江縣城之後惡逆愈張叛形日肆卽今川中雖調集漢土軍兵為數頗多其強弱之勢難以顯言今既題請特以貴省兵馬調用應合移請咨發為此合咨貴

平播全書

卷上

卷五

院煩請查照

欽依內事理速將素慣戰征勇健精兵挑選一萬名
令見任驍勇將官或廢闕者一二員刻期分隊督押
星馳前赴貴州聽該省撫院及總兵童元鎮分布以
資應用其各兵例有安家及行糧等項希照部議覆
奉

欽依於該布政司庫貯銀內借用散給俟川貴一一
補還希由回覆施行往時廣中狼兵行路多不安靜
仍乞選一風力文職監押前來庶免他患尤見一體
平播全書 卷七 卷十四
之誼此係萬分緊急軍情即日出師事理幸勿遲緩

塘報播事

為塘報夷情事萬曆二十七年八月三十日據貴州
清浪寨將劉效節呈報七月初六日本職經過東坡
站親見高崗苗人嘯聚詢查來由據該站官軍稟稱
時常三四十人身騎大馬往來擡頭擡臘等寨不敢
盤詰等情初七日又據黃平各官稟稱播苗聲言攻
打大瓮任地爛橋白計常寧白慶瓮口等處初八日
又據備橋衛指揮張拱極等揭報備橋司管下白洗

寨苗頭李宋執竹木刻來屯報稱播州馬兵五十步

兵五百見劄翁角隆使令擡臘寨苗頭謝保計明來

我白洗取討過山錢又叫我寨苗歸服他放路過如

不歸服即就殺擄等語又據軍人雷文爵報稱播州

頭目趙仕登將涓潭餘慶起至烏江止又自烏江起

至白泥止一帶路道令路傍人民砍修各寬一丈又

點兵數千各造京青包巾飛帶紅甲粧扮似官兵一

樣令備草鞋三隻米七升不知何為等情本月十一

日又據平溪洞民人唐倭奇稟報播目謝朝俸點兵

七千各備飯米五升腦包五斤綿被八斤草鞋二雙

鋤刀并鋒利器械點完不知何為又據哨探楊春稟

報白泥揚七召到苗兵二三千本地民兵二千將附

近民房折起馬房一百間候播州兵到又據興隆衛

鄉導陳大林稟稱石勝俸身穿大紅服色在於擡頭

寨阿傳家歇隨帶五十餘苗過九股糾拽各寨諸夷

尚近千人等因到職看得黃平孤城偏僻四面受敵

之處環列皆夷包裹近召兵六百名防守奉文減去

三百實存三百與龍泉募兵二百名宣威營一百名

哨兵二百名在所食糧軍人三百名總共千餘不足
防守十八日又據清鎮守備史良將揭報本月十七
日據偏橋衛揭稟據鄉兵莫六文大昆走報鷄婁山
許五奔稱惡苗千餘鳴鑼張旗攻打本屯放火鄉兵
對敵奈苗勢重難以抵敵轉報本衛催兵救護等情
先據施秉哨把千戶侯仲爵差兵報稱橋首砍牛糾
苗欲於七月十四五六日要來攻劫偏橋等語各職
聞報卽稟本備蒙督同各職倒樹塞路修城挖壕各
官兵整備堵截各苗見得官兵到彼漫散去訖查得
平橋全書 卷七 卷三十六 洪

暗差目把殺人復入容山等處剝牛會集欲打鷄婁
山又打巴團哨一帶地方等情本月十七日又據施
秉縣後山哨把總千戶侯仲爵揭稟本月十四日夜
數百餘苗前來縣城外高聲吶喊放言叫軍民遠搬
丟地方與他等語隨該本哨發兵出敵見得苗勢蜂
擁舉放火器攻退看得縣城空虛兵少分布不週地
方緊務稟報到職本月二十一日又據偏橋衛指揮
張拱極等揭稟本月十八日午時據本衛大洪屯軍
人曹興義報稱原撫苗千戶王光祚領大洪屯田去
平橋全書 卷七 卷三十六 洪

報稱隣境地名通草塘馬路不知何人砍伐通為大路又謠傳播目謝朝俸在於草塘地名江界河找搭浮橋四路集兵不知意欲何為等因九月初二日又據貴州按察司帶管思石兵巡道按察使易登瀛報據思石守備楊惟中呈報密查得播地高崖所都上壩修建營房二百餘間聚劄多兵楊應龍調取各巡警赴州宰殺牛馬豬羊將茶江掣來五司七姓本頭梟示敵血同盟聲言要攻黃平龍泉思石一帶地方勢甚危急又據偵探兵謝勇報稱播酋紛紛點兵各

平播全書

卷七

七

苗聲言先掃龍泉思石復攻黃平各處苗夷如出一口并據鄉導探報播酋於八月初一日祭旗祭獨初三日發兵七月二十四日楊酋差親丁叫三十六所巡警家丁上州又招棧九股生苗共兵十萬楊應龍親統黃平一路往龍泉思南又稱龍泉司治原係播州故土必要占奪賊勢甚是猖獗除呈報貴州兩院外合行稟報等因又據石阡府經歷陳廷範申稱本月初九日據石阡司巡捕吏目林中試呈據本司所轄地名水口渡住民彭希舜彭希克掣獲播州細作

一名馬良貴連人解司審據供係四川人先在石阡充當斧手住居水口二十餘年至萬曆二十七年正月十六日良貴却過江投夷頭莫老明引見趙仕登往彼聽差至三月十五日趙仕登領兵二百五十欲得過江追擊毛守爵先令良貴與白晝兇董政葉貴四人預來看船到於江邊白晝兇乘一便船過江悔心逃訖趙仕登續到隔江劄營發牌要殺過江希舜親父彭大聰同鄉民楊科陳金德張仁隔江求和趙仕登陽許不殺彭大聰楊科陳金德張仁四人誤聽

平播全書

卷七

七

駕船一隻裝牛過江餽送不料趙仕登當將楊科砍殺將陳金德三人掣去播州俱被殺死意阻後日無人把江至今八月初一日楊應龍聽人謠言說龍泉司有兵三萬要剿播地楊應龍遂將四牌夷頭莫老明趙仕登羅廷鑾等家小拘入播州要出攻打各處地方分差伊親田相公領兵三萬攻思南趙仕登領二萬出表家渡攻葛彰石阡楊應龍親領三萬出烏江亦往思石會合莫老明預令良貴前來仍舊看取船隻良貴於本月初六日乘楊奎孟金祿便船過江

探聽適遇彭希舜等撞逢掣解是的是等情除行石阡
府將馬良貴嚴究另詳及行各將領等官比常加謹
防範外合行呈報等因九月初三日又據四川按察
司兵巡上川東道副使莫睿揭報八月二十七日據
南川縣申二十四日酉時分據差偵探應補向金旣
等四名綠水村邊勇張正學等報稱蒙差前往東鄉
村地名五里頭捕界偵探本月二十二日寅時分苗
兵數百劫擄男婦李顯宗張加爵等六十餘口斬殺
李廷讚等男婦九人劫擄牛馬八九十隻燒燬官廟
半播全書 卷七 利容三十一

正榮領五千夷兵在夷地溝村劉營修統鎮所等因
又據永寧參將吳文傑呈報九月初七日差人探得
楊酋發兵不知數目於初一日徑渡桑木凹大河至
永寧宣撫司石寶寨屯劄口稱先打永寧赤水分兵
攻打敘瀘納谿等處弄兵塘抵不住乞發兵救援又
據兵巡下川南道呈據永寧土司守邊頭目王甫松
等報稱八月十九日播合楊兆龍張洪等領兵十七
營擁將本撫緝麻山等處盡行燒劫殺擄男婦千命
要借路攻打貴州赤水又據塘報雷得勝報稱探得
半播全書 卷七 卷三十一

外合行塘報

峇貴州集兵

為緊急軍務事節據貴州思石兵巡道呈報捕賊楊
 應龍調取各目赴州宰殺牛馬歛血同盟聲言要攻
 黃平龍泉一帶又招九股生苗十萬楊應龍親統往
 龍泉思南又稱龍泉係播州故土要來占奪等情又
 據石阡府報稱播酋令田相公領兵三萬要攻思南
 趙仕登領二萬攻龍泉楊朝棟領二萬出表家渡攻
 石阡楊應龍領三萬出烏江往思石約會等因又據
 分守新鎮道都清地方民人王老三在播走回說楊
 應龍領兵來攻黃平又據思石道報稱楊朝棟分投
 出思石婺川龍泉等處造船一百隻只要攻思石又
 據分守思仁道報稱楊酋帶兵去接九股苗兵往平
 越割營去貴州講理倉糧取在省并龍里等處七姓
 本頭各等因呈報部院節經移行申飭司道將領等
 官隄備去後為照播賊到處稱兵要犯龍泉思石思
 南黃平等處其為叛逆殊可痛恨惟是調募軍兵分
 布把截最為急務頃接部咨已將湖廣白蠟商稅二

平播全書

卷七

谷三十一

項共銀一十一萬三千餘兩滇中原借川銀內撥十

萬兩俱解濟黔省軍餉本部院隨卽差人往滇楚二

省催發前來外料在目下可抵黔中既有兵食即可

亟行調募應合移咨為此合咨貴院煩請查照節行

調募軍兵事理速行各該堪用上司如安疆臣蒙天

眷獨山州等處土司可調或有司衛所驍健軍民可

募通共挑選四萬並經本院已行文廣西撫院調取

狼兵一萬一面催到聽總兵官及該道府會議分布

如童元鎮尚未抵任希速差人守催一面揀選謀勇

將官分投督領隨播地方緊要處所分布聽令施行

其調兵在途行糧在川計程每名支銀一分五釐到

營坐糧每散兵一名日支銀二分四釐每月七錢二

分內除二錢一分關支本色米三斗餘支折色銀此

皆本省土兵則例若外省客兵仍應從厚加給或該

省別有則例聽從便宜但須早調齊是幸勿遲延悞

事煩將調募過兵目分布把截地方一併咨報軍門

以憑查考施行

咨湖廣儲集兵糧

平播全書

卷七

谷三十一

為軍務事准湖廣撫院支 咨稱該布政司呈奉文
調兵三萬預買半年糧米計每名日給米升半總約
八萬有奇依行辰常長衡四府備查各屬儲積倉穀
磨米可得若干仍於司庫動銀五千兩買米一萬共
約三萬有奇委官運貯辰沅近播地方以待需用餘
少米石又俟陸續奏處解運接支至於火藥器具等
項俟查處完日另行回報又稱督餉專任分守湖北
道董理相宜惟軍餉無處不得已查將全書裁減銀
米題

平播全書

卷七

咨三四

請復派又請留各項錢糧自是餉有頭緒募調官兵
俱已行道調度無悞事機等因到本部院准此為照
播賊作亂荼毒三藩本部院奉

命專征要非得已仰厘貴院集兵應敵儲餉聽支足
徵共濟之義但稱所調之兵雖有四萬之上內施州
散毛等司一萬未准議及之前業已徵調入川應聽
此中分布京營鎮江等兵不知部議允否二枝之兵
俱難筭數若楚中進攻實非三萬以上不可即今見
在者止保靖麻陽土兵鎮寧鎮溪募兵共二萬耳尚

少一萬不足三萬之數及查鎮麻土兵素稱多而且
勇應於二處再挑一二萬若二處不敷另於有兵去
處挑選務足前數庶克禦敵其監軍以分巡荆西道
魏叅議督餉以分守湖北道唐叅政俱各相宜第本
部院頃將分守荆南道胡叅政議加按察使管理監
軍業經具 題所有貴省監軍亦應查照川貴事規
額設二員協同兼理共攝兵務至於火藥器具如川
中單開名色皆軍中不可少者與夫見貯之糧止有
三萬計數不多難敷半年之食乾糧炒米烘炒薑鹽
等項俱應多備庶免臨渴掘井之虞為此除行司道
外合咨貴院煩請分枝差官齎執 令旗前去保靖
麻陽鎮寧鎮溪等處各將前擬額調漢土官兵并本
部院添調精兵共三四萬員名責令將領與同土官
目把人等管押星馳前去沅州聽監軍胡魏二道與
同總兵官陳璘到彼分布近播關隘嚴加防守聽候本
部院約期進剿如陳璘尚未到任希照近行委原任
總兵李應祥星馳前去代理見貯糧米三萬石亦即
行督餉詹叅政督責原委監運各官火速運至沅州

平播全書

卷七

咨三五

史 50-412

收候轉運營中聽支其單開火藥器具盔甲等件有者發去軍前備用無者上緊併工添造解發接濟至于不足糧餉與夫乾糧等項本折軍需價銀既經具題諒必 俞允亟宜先行動支應分投收買者一面責成收買應轉解聽支者一面發去聽支此在督餉道一力經理以佐急用蜀中兵馬已逾十萬日費甚夥稍延兩日即費萬金本部院即日移駐重慶決策徂征大舉之期不出今冬矧貴院兵糧既有頭緒夾剿殊不為難惟祈迅速庶有克濟幸勿遲緩

塘報夷情

為塘報夷情事萬曆二十七年九月十一日據貴州分守思仁道報據思石守備楊惟中報稱有回夫教迎鑿在播州修固回說酋子楊朝棟背生癰疽差人修砍大路直抵錫落哨楊應龍領苗兵要攻思石黃平又據鄉導李瑕報稱楊應龍喚取各夷頭巡警苗獠家小上州八月初六日點兵初八日歃血酒佑木刻楊應龍帶兵去接九股苗兵一萬說要攻打黃平挾擄羅安撫往平越劄營親赴貴州講理豐濟倉糧

平播全書

卷七

卷三十六

平播全書

卷七

卷三十六

又說貴州城內并龍里等處挾取七姓本頭等因又據分守新鎮道報稱差兵宋仲義報被播目謝朝俸統苗將楠木山把截苗王老五丁鐵匠等家盡擄男婦三十餘口綁去王老五老三老七三人鎖至謝朝俸家空房內當有兩箇客人去報謝朝俸說黃平新築高牆內外挖壕各處劄兵要來殺你謝朝俸聽知欲來攻敵至夜王老三等走回報說四牌見有兵十七營楊朝棟於八月十二日起馬十七日領兵來攻黃平等因又據思石兵巡道呈據把總冉文燦報稱楊酋差夷目羅阿賓等到都引也包拽家小上固八月初八日剝牛歃血初九初十二等日發兵往五司楊朝棟造船一百隻要分投出劫思石婺川龍泉等處等因又據永寧參將吳文傑報據赤水衛申稱播酋統兵二十七營各抬舡隻幾索出劫永寧宣撫司雷鳴鎮等處聲言要借路攻打永寧赤水在於白羊坪剝住又據永寧宣撫司申據守邊頭目王甫松報稱播兵由大紅關菁小路各執布標擁出攻趙渡河後宅大小鹿鄉等處地方隨集昇兵對敵殺死播

賊十三人奪獲鞍馬繫被四十餘件又據永寧衛申報探得楊酋領兵屯劄宣撫司石寶寨花毛田等處口稱要打永寧赤水攻打附近敘瀘等處等因十二日又據兵巡上川東道報據偵探營兵報稱綦江縣鄉兵高仕偉糾集鄉勇將播苗殺死三四十人懼其報仇高仕偉逃躲不知去向又南川縣鄧坎村韋文寶糾集鄉勇殺死播苗四五十人原村余早糾集鄉勇殺死播苗五十七人其南川鄧坎桐槽紅篆等寨鄉民殺牛飲血誓與播苗對敵除查明另報外等因

平播全書 卷七 容手八周

十三日又據貴州分守思仁道呈據守備楊惟中報據偵探官兵報稱楊應龍起集大兵於八月十六日自播州起身由黃平葛彰司到石阡府羅應屯取擊五司七姓本頭楊朝棟領兵由龍泉到思南又目把何從良巡警朱敬等由偏刀水出錫落關抵龍泉聲勢甚是狂大等因十七日又據防守合江遊擊楊敏政報稱探得播兵到於永寧土司地名後山等處盡將地方燒劫捉擄男婦不知其數土司昇兵與賊對敵殺死播賊溺水者約有三四百人即今播賊越過

趙渡河要來攻打石寶等寨聲言徑由箐口衝出合江等因又據總兵萬鰲揚據防守瀘州叅將王慶吉報稱偵探播首造舡百餘每隻可坐百人蔑纜無數大如茶鍾等因又據故馬瀘道報據楊敏政移稱差兵趙仕先探得播目王繼先見在修國置造鎗刀要買鐵又造小舡百隻每隻可渡二十餘人岸上堆積舡板數百播州令何提調封刀一把馬一匹盤盞一副與袁年砍路造舡說要出合江一遭等因二十日又據守東道呈據南川縣申據東鄉村邊勇張仕端等報稱九月初八日被播苗蜂湧圍村燒毀房屋四十餘向擄去男婦人口難以盡記各等奮勇敵殺苗子七人當被搶去後有播目寫招帖叫我等降播如有故違督領大兵剿殺不饒等因各轉報到職除嚴行各該道將等官督率軍馬相機戰守不時偵探俟再有無聲息另報外合行塘報

平播全書 卷七 容手九周

為軍務事照得征剿播賊事宜業經本部院備將湖省應調集兵馬應買運糧餉與應修製器械并分布

容湖廣備兵

戰守各緣由移咨貴院行令布政司會同按察司并
辰沅湖北等道作速挑選漢土精兵四萬應用行月
二糧就將部議應解蜀省銀一十六萬有零不必解
蜀留在楚省充作前項兵糧并請照近日會題應
調揚州鎮江等處及本省驍健土兵徑自差人前去
徵調赴楚分布去後今照川貴兵糧大半畢集日費
本折糧餉不止數千祇候陝浙雲南等省官兵目前
到川相機舉事惟湖省兵糧屢次行催迄今全無音
耗該省偏橋鎮遠清浪平溪等處皆係信地川貴兵
多將廣一時擁聚重廬合江平越養龍等處地狹難
以棲宿若分布四散應進之地又恐該賊疑畏若有
衝突偏鎮一帶將何阻遏軍機所係似難再緩合再
移咨為此合咨貴院煩為照依節行速催布按二司
及該守巡兵備等道將原行應調集漢土軍兵四萬
并揚州鎮江等兵不次差人分投催調前來如新設
總兵陳璘已奉 俞旨想在目下到任如尚未到且
暫另委將官統領分布於隣播隘路把截聽令進攻
其行月二糧希速行司將應解川銀一十六萬有零

并通省應堪動銀米隨宜解運若盈甲鎗刀矛矢銃
炮等件即今造完各若干件數如未完者必為嚴立
限期比併速造前項事件准在冬初一辦足以便
約期行事少有一事未齊難免牽滯三軍日食甚夥
早得一日行事得省一日之費幸勿再緩先將調到
軍兵運積糧餉修製器具各數目希由移送軍門查
考

谷湖廣移駐沅州

為緊急軍務事案查先准兵部咨已經備移貴院希
將應解蜀銀令留楚用若無見在無論通省正項糧
銀并應堪支者動支調集精兵四五萬并應買糧餉
運於隣播地方及將揚州鎮江等處營兵徑為催調
去後又經屢次徑行該司道迄今未知前兵調集共
有若干糧餉買運若干斯時蜀黔兵糧大有次第惟
楚中司道泄泄延緩事事違備近日又准兵部咨為
欽陳戡播未盡事宜等事本部覆御史涂 題內稱
平清偏鎮等處乃入黔要害之區雖設總兵而無與
于餉且白泥飛練正播門戶本部移文貴院照各邊

巡撫移駐防邊事例移駐沅州選將練兵督運糧餉務要兵精糧足聽總督調發舉事等因適與本部院具題意合業已移咨訖今照本部院即日移鎮川東督催文武將吏舉事所有楚省兵馬相應一併齊發今准部咨移鎮一節理合再行為此合咨貴院煩為作速建牙沅州以速全省兵糧催備其揚州鎮江等兵再煩差人前去守催星馳至楚偏橋等處分布希將移駐日期先行回覆幸勿遲緩

咨貴州徑催雲南兵

平播全書

卷七

咨甲二卷

為緊急軍務事本年十月十二日准雲南撫院陳咨開應調赴川應援官兵今只約調漢土官兵六千餘眾戰馬千餘匹應用犒賞裝行糧米菜與製造軍火器具等項大約該銀一萬三千二百兩除犒賞與軍火器械共該銀一千餘兩自行措辦其餘無從處給查有原議助黔抵還川餉銀兩除解過五萬兩外餘二萬七百七十五兩未解只得於此項動支銀一萬二千一百八十兩應給前項此只可起行衣裳及一月行糧之用一到川營便當川省本折二色接

濟合咨速行布政司備辦糧草於分布處所聽給其借支解黔前銀即行川省照數就近解補仍移貴州撫院知照如川省糧糶處給可足即當再發精兵二千共可一萬之數先由回覆以便發兵等因移咨到部院為照滇省兵馬原擬調到發貴州防剿今既發行相應移知備餉除移文雲南撫院即日起發前來外合行知會徑催為此合咨貴院煩請查照差官速赴雲南將前項已整兵馬八千或調足二萬責令該管將官督率徑赴黔省分布俱不必到川往返其入黔到營本折糧餉責成該司道作速預為備辦聽候兵到於分布處所照例支給幸勿遲悞希將兵到日期咨覆軍門以憑咨部施行

塘報播事

平播全書

卷七

咨四十一卷

為塘報夷情事萬曆二十七年九月二十三日據貴州守巡貴寧道呈據永寧衛塘稱播酋楊應龍分兵十八營將宣撫司內宅地方攻打該司目魁王甫松見在點軍把截尚未過河又據赤水衛呈據白撒所申報播酋發兵二三十營每營抬舡十隻要借路過

前去攻打赤水畢節永寧及往敘瀘納黔燒糧十月
初二日又據欽馬瀘道呈准叅將吳文傑移據永寧
宣撫司申報楊應龍預令邊目羅崗等打造河舡百
十餘隻筏纜百十餘條統兵劄在邊界揚言要打石
質等處近抵永寧又據防守五畝堡指揮王繼祖報
稱探得楊應龍牌差夷目楊總營前來上下赤水令
上赤水夷目袁謨帶信與下赤水夷目袁年叫備下
綠腦包紅絮被在二十八九日要齊又據兵巡下川
南道及防守遊擊楊敏政各呈報相同初六日又據
平播全書 卷七 卷四十四
分守川東道報據播酋差游應朝等八人入境托名
進 表實探軍情已經差官押解資陽簡州監候聽
處又據萬總鎮報據哨官鄧朝相于綦江地界盤獲
播人顏京王先賢楊瓊及隨行幸受王奇七老六人
稱係楊應龍差往各衙門投文隨與萬總鎮史叅議
會議播酋旬日之內兩次差人往來狡詐莫測必有
覘探隱情發仰已縣暫羈聽處又據楊敏政呈報九
月二十九日據播州下赤水里夷目袁年差通事王
朝寵投稱本月二十四日本司遣火牌一面差委到

里探點丁山小溪仁懷赤水等里軍士衣甲軍器戰
馬聽候親臨調用初八日又據貴州清浪叅將劉效
節報據興隆衛申稱播目五十餘人身帶長刀徑往
九股邀截苗兵數百人播將白田堡軍民劫擄一空
有哨兵張林田保等奮勇斬獲首級三顆殺傷三十
餘人十月十八日又據兵巡下川南道呈准副總兵
曹希彬報稱探得上赤水袁頂差人謂袁年至紅岩
會話又有一楊委官隨帶有部兵五十不知所行何
事一董委官一行十人於九月二十八日往仁懷里
去訖又據永寧宣撫司長官陳希儒報稱播酋要於
十月初三日親督苗兵數萬由高洞赤水直抵合江
欲犯內地二十五日又據下川南道呈准叅將吳文
傑手本據永寧宣撫司報稱探得播寇統兵三十七
營止將三營見劄找岩修圍餘俱退劄花苗田又稱
楊酋另統苗兵六十營專要來打合江二十六日又
據欽馬瀘道呈准副總兵曹希彬都司吳從周移報
探得楊酋差官三人帶兵不知其數前來仁懷里與
夷目袁年等各要兵一千要犯合江又令各兵把截

路口不許放人出入又據敘州府安邊同知李廷鑑
呈據永寧哨領兵官彭泗報稱探得楊酋統兵三十
餘營劉高洞仁懷夾口等處聲言攻打合江一帶又
據永寧參將吳文傑申據永寧宣撫司守邊目把王
甫松報稱探得播酋差提調蔡丑兒領兵數千抬紅
百十餘隻要行暗渡過河是甫松等加兵堵截二十
七日又據駐鎮黃平通判王三策呈報探得楊酋自
綦江回拒玄險圍一十七箇修挖塹坑令楊七揚總
管統兵劉住白泥糾拽九股生苗共一百九十八寨
平播全書 卷四十六 奏
出入東坡官道劫護軍屯人民受害又聚集各寨夷
頭大張聲勢將杜橋等寨包護去訖殺死張大張三
二命但黃平城池雖調有官兵恐彼眾我寡難以抵
敵十一月初二日又據總兵劉縱呈據防禦南川遊
擊王之翰報稱真州民張廷瑞墨帖飛報楊應龍統
兵出關數多不知何往又據縣民楊巨賓楊坤探得
楊酋點兵三萬令兵各備乾糧七日竹簽二根又據
兵快吳正東揚係報稱探得楊應龍委於十九日發
軍數萬每兵備乾糧七日又在土平宣溪取牛五十

隻賞軍及差頭目帶人五十在黃桑埧起軍其真州
土官鄭葵避住婺川鄭紹德逃往貴州駱齡避猪羊
台并百姓携男帶女撤出南川各處去訖等因各轉
報到職除嚴行川貴各該道將等官督率兵馬相機
戰守不時偵探俟再有無聲息另報本職仍一面移
駐川東重慶地方就近調度外合行塘報
咨催福建廣西解餉貴州
為播酋外逼貴筑等事近准戶部咨准兵部咨該兵
科都給事中張 題奉
平播全書 卷四十七 奏
聖旨兵餉着料理實濟急用的去欽此抄出移咨到
部查得貴州募兵糧餉節該本部題取雲南銀二十
餘萬湖廣銀一十一萬福建銀一十萬廣西銀一十
萬俱嚴行速解貴州軍前支用各該衙門自應如
數速解共濟艱危况福建廣西銀兩皆係見在實數
科臣張 條議前因相應再行嚴催合候
命下移咨福建廣西各巡撫督催該布政司將庫貯
銀兩差官如數星夜解赴貴州交割即有不敷必須
多方奏辦如若推諉稽延致誤軍機聽貴州撫按指

名題叅重治仍咨四川督撫知會等因題奉

聖旨是這銀兩著便行與各撫按嚴催解赴貴州應

用不許推諉稽延致誤軍機欽此移咨到部院查

先准戶部咨開福建廣西湖廣雲南各省協濟貴州

前項銀兩隨經移文貴州撫院差人徑赴請發去後

在湖廣雲南福建俱已解給貴州唯福建前銀候久

未見解發今准戶部咨查前餉合行差人請發為此

合咨貴院煩請軫念貴州兵馬畢集剿播在邇即速

檄行該布政司查照本部節次題請奉

平播全書 卷七 卷中八本

旨嚴催事理將庫貯銀兩湊支十萬兩差官管解貴

州軍前交割以濟燃眉仍責令差官星馳前去勿得

在途耽延有誤軍機希將起發日期見示以憑咨部

此係數萬兵馬竚待需用緊急軍務一有脫巾之呼

彼此俱屬不便料貴院體 國恤隣之心當必有倍

萬恒情者幸勿遲緩

咨湖廣再備糧餉

為緊急軍務事近准貴院咨稱楚省已調漢土官兵

四五萬合用本色糧餉已有三萬石俱運偏橋等處

聽支等因准此為照與師征討期已逼迫今川貴應

運糧餉頗有欠緒第楚中僅止實糧三萬石若以一

兵日給一升止足前兵五六十日支用將來師期既

難底止不免有虞發之呼查得湖北一帶應徵六糧

設若比照川省改徵本色運赴軍前及將各州縣見

貯在倉稻穀亦行碾米通為運赴似得濟其急用未

知貴院曾否有行為此合咨貴院煩為轉行該布政

司並湖北守巡等道將湖北一帶應納夫糧改徵本

色徑運偏橋等處聽支或將將各州縣在倉稻穀急

令碾米畢集此中須足四五萬兵數月食用庶兵食

兩足得免脫巾之虞此係三軍急需官務幸勿遲緩

希將發運實數回覆查考

再咨湖廣催軍餉等項

為緊急軍務事近准貴院咨准本部院咨督行湖廣

布政司呈議偏橋等處征播官兵應用三萬日支糧

餉移行辰常等府查備并於司庫動銀買米一萬共

約三萬有奇委官運貯以待需用餘少米石陸續添

買軍火器具見在查處等因備咨到本部院屢行移

將該省兵馬四五萬足支數月餉米作速買備及查
議湖北一帶大糧改徵本色或將各府州縣倉穀碾
米再運軍前并調漢土官兵與合用乾糧炒米烘炒
魚鹽薑蒜及將軍火器具另開一單查酌製造務足
數萬軍兵支用去後未知司道曾否有承料理今照
師期逼近川貴諸務盡備只俟楚中兵餉器械實音
一至即行分布茲東南兩路雲集兵馬每地幾萬無
處屯劄欲進為難應合再咨為此合咨貴院煩請查
照先今咨內事理希再差官前往保靖麻陽鎮草鎮
溪等土司并近調永順各將前擬并本部院添調精
兵務足四萬責令各土官統領馳赴沅州聽監軍胡
魏二道分布至於見貯餉米三萬即行督餉道責成
分運各官火速催運沅州收候轉運營中聽支其前
發單開軍火器具等件見有者希為發去無者晝夜
打造不足糧餉與乾糧等項折色軍需必在今冬各
備完起運聽支此係萬分緊急三省約會舉事軍機
所關幸勿遲緩仍將各項兵餉器具齊足數目陸續
咨覆查考

咨湖貴整備兵糧聽候舉事

為軍務事照得蜀省兵糧久已盈集師期計在目前
所有分布機宜亟應計定庶便責成今楚中先後徵
調漢土官兵運貯本折糧餉修製軍火器具各該司
道經承半載月日已久諒必備具第入播道路歧徑
甚多未知貴院酌以路分幾路兵分幾枝領兵偏裨
將領等官作何統督均當預定妥確以一戰守為此
合咨貴院煩查征播進兵道路總共若干漢土官兵
分為幾路進攻某路應用某處兵馬若干委何將官
統領某兵強勁當為先鋒某兵稍次當為殿後某為
左右應援某為登高遠哨強者定為衝鋒稍次者定
為後應弱者留為守城作速責成道鎮分布明悉只
候約期舉事再照師行糧從軍中急務楚省糧餉即
今運積者見委何官監收貯在何處地方若轉運營
中夫役或派於里甲丁糧或動銀召募民間與原行
預備乾糧烘炒炒米魚鹽薑蒜之類斯時各已買備
若干均希一一細開回覆此係三省立待約會大舉
齊進事理幸勿再緩

咨固原寧夏榆林買子箭

為軍務事照得征討播逆師期逼近所有軍前急需軍火器具蜀中雖委官無分晝宵監造尚多未就近據總參等官面稟臨敵長技惟子矢為最而子矢強勁在陝中為良只有寧夏甘肅固原三鎮子矢徒利足堪戰陣隨行布政司會同監軍道議得寧夏上號子五百張每張價銀陸錢共該銀叁百兩上號箭貳萬枝每枝連鐵頭價銀三分該銀六百兩甘肅上號子五百張每張價銀七錢共該銀三百五十兩上號箭二萬枝每枝連鐵頭三分共銀六百兩固原上號子五百張每張價銀七錢共該銀三百五十兩上號箭二萬枝每枝連鐵頭三分共銀六百兩應動官銀委官領解前去收買隨解不必候齊等因前來批行依議去後為照前項子矢司道所議雖經差官買解第酌定價值之低昂辯驗子矢之真偽似難取憑必須仰藉貴院委官協同代買庶克有濟亦免愆期又查軍士用箭或止中號未必用上號之價亦須貴院酌定價值貨物相當乃無浮冒為此合咨貴院

煩請查照定委文職或武職官員同差來委官將解來前銀代為收買上號子五百張上號箭連鐵頭二萬枝若價有剩餘通儘收買若價值稍增隨便酌處倘彼中倉卒無見賣者請將該局并營伍中見有者留其價值照數發來以濟急用幸勿遲緩希將收買數目見示查考

咨湖廣防犯

為緊急軍務事照得川中征播兵糧業已畢集惟楚中軍體倘未大備深為可憂乃逆賊自知

天討必加聲兵四出不日暗攻南川則曰要犯重慶形跡大彰勢必一逞本部院即日建牙重慶誓師將先懸賞後進攻倘或逆賊知其必死先發制人拚命衝突在川中兵馬足當一面之寄在烏江等處宜其鋒偏橋等處兵馬糧餉尚無信音將何堵截萬一乘虛長驅致悞事機咎將誰諉合再申飭用保無虞為此合咨貴院煩請督行監軍二道即日移駐偏橋鎮遠一帶會同辰沅兵備道督同參備王之臣等一面將先調鎮寧沅靖鎮溪等處官兵二萬分撥隘路整擗以待一面將續調

麻陽浦黔新化永順等處土兵二萬作速差官分撥
催儻前來合營分布聽令賊如不動則已如或衝突
則併力夾攻務使斂跡歸巢毋容滋蔓為害一面速
備乾糧烘炒諸物俟本部院約期進兵共成大舉幸
勿違悞

谷貴州防犯

為緊急軍務事照得川中云云同前為此合谷貴院
煩請督行漢土領兵將領等官速將所部兵馬及軍
火器械衣甲等項整頓停當分發隘路剗營時刻加
謹防守差人偵探賊如不來則蓄精養銳以防衝突
賊一入犯則併力擒斬以挫其鋒務須進止慎重毋
為狡賊深誘仍嚴行速備乾糧烘炒等項聽候令到
進攻請凡緊要檄宜諒貴院自有石畫毋容多贅

谷貴州督勵安疆臣搗巢

為飛報萬分緊急地方事本月初六日據貴州布政
司呈據防禦黃平指揮徐登階稟稱十一月十九日
未時探兵李孝夷頭阿保等各報稱捕兵數萬由白
泥出小大章剗營又由構皮灘過渡雷苦菜坪到白

平播全書

卷十

卷五十四

泥剗下又報捕苗在興隆檯頭坡剗三大營八小營
今又發探馬來黃平長冲哨探有大翁舖軍民驚慌
搬移等語查得各報兵情如出一口且黃平在播巢
之中防兵五千眾寡不敵事勢燃眉伏乞速令安疆
臣遣兵由沙溪入播襲後庶興隆黃平之急少緩同
日又據按察司呈據興隆衛東坡堡軍人李萬等飛
報播兵數萬徑出後洞圍殺白田乾溪水口黃眼等
屯燒擄人口房屋即令糾合容山九股等處叛苗攻
打興備黃平東坡爛橋又執木刻上寫把總隆諭興
隆通衛官民吾今督兵數萬追尋奸徒馮權張熹何
以爵等介等早為發出以免刀兵執迷不發玉石不
分等語即今屯兵離城五里上阻重安下拚偏橋中
攻興黃徑通九股以為大逆請將發兵救援又據監
軍道張崇議呈報相同各等因到部據此看得播賊
楊應龍不知滅在旦夕尚且聲兵四出為計愈狡積
罪愈深及照水西宣慰司兵精將勇甲播萬倍本部
屢有秘計令宣慰安疆臣母子與目把入等就中取
事向未見動未審因何觀望若此即今兵出黃平內

平播全書

卷十

卷五十五

必空虚若能率兵數萬暗由沙溪直衝腹心以襲其後賊必首尾不救勢必成擒犁庭掃穴功收此舉合再督勵為此合咨貴院煩請轉行宣慰安疆臣整兵數萬督同目把人等親自統率徑由沙溪直進或搗其巢或襲其後則黃平之虞可解虎狼之雄可挫第恐本官觀望不前須藉貴院嚴督之俾知建立幸勿遲緩

再催湖廣官兵

為緊急地方事本年十二月初十日准貴州撫院咨據都清兵巡道呈據興隆衛申報播兵攻圍東坡聲言攻打興隆黃平衛所又據分守新鎮道呈播賊將東坡等處攻殺合兵劄營於十里橋阻塞偏橋鎮遠音信不通該衛士民慌惚無計乞發湖廣四萬之兵即日出偏橋夾攻等因到部院看符播賊楊應龍因見川中兵馬畢集自知誅不可逃乃又糾股叛苗劫害東坡震及偏橋鎮遠一帶實因湖省官兵未集糧餉未備狡賊窺知因而乘虛披猖其為奸詭深有可虞所據黔省催發援兵應合再行咨催為此合咨貴

院煩為查照節行事理轉行該布政司將四萬官兵日費本折糧餉除前詳呈報糴買并碾運倉儲三萬石一面移行督餉道運赴相應地方收貯聽候轉運外其不足之數即便區處或將湖北倉穀再動碾米或查全楚庫銀湊發火速買備折色銀兩解赴軍中聽支仍催監軍二道移駐偏橋鎮遠會同辰沅兵備道將原報調到鎮寧沅靖鎮溪等處官兵二萬名分撥隘路加謹阻遏俟各兵齊備即日三省大舉行事如或播賊仍在偏橋東坡地方聽該道督率將兵相機撲滅仍一面差人將續調麻陽浦黔新化永順等處土兵二萬及近日烏羅長官差人具冊報效土兵二千名分投催儻前去偏鎮一帶劄營聽令併力進攻務要刻期到彼不得仍以空文支吾一應軍火器具衣甲等項造完者作速起解營中分發未造者上緊製造此係播賊攻劫東坡偏橋信地告警軍務文到即日差官催促分布幸勿再遲

催湖廣官兵同黔兵併力舉事

為緊急軍務事據貴州監軍道呈稱東坡興隆實楚

黔必爭必守之衝今播九股苗復屯五里橋睥睨興
隆我兵嬰城固守官道何時通坐困何時解意合土
兵鷓鴣應於東坡通衢劉營拒敵仍乞嚴督湖廣辰
沅各道調發楚兵督陳總兵領赴偏橋則三處之兵
聯絡策應與隆黃平之勢不孤官道血脉無虞于梗
塞矣等因具報到部院案查頃准貴州撫院郭 咨
稱播夷糾合九股攻劫東坡震動偏鎮軍民慌惚晝
夜不安請發湖兵四萬守偏橋一帶以便三省合力
進剿等因咨報軍門隨經移咨貴院督行監軍二道
平播全書 卷七 咨五十九
及總兵陳璘催發土兵并行政司查照節行買運
本折糧餉與夫軍火器具解發軍前聽支去後今據
前因看得播賊明知川中將兵已集楚中偏橋兵力
單弱被爾糾苗攻劫東坡以及偏鎮不過乘虛入寇
計耳今貴州欲斷苗患議行鷓鴣湖省既有信地法
當犄角相援乃屢督設備更無音耗萬一地方有失
責將誰歸今據前因合再咨催為此合咨貴院煩請
查照屢行事理差入分授守催原調各土司土兵四
萬名星馳到偏鎮地方分布仍差人催趲監軍二道

及總兵陳璘即日移駐彼中會同辰沅兵備道整搦
漢土軍兵或貴州官兵併力舉事仍行該司將本色
食米折色銀兩照依節行一一買運適中倉庫收貯
聽支此係萬分緊急不可再遲事理幸勿延緩仍將
兵到及運發過本折糧餉一併咨報軍門查考
咨貴州整兵進剿
為軍務事准貴院咨報稱烏江河渡二關官兵失事
緣由前來隨經移行貴院一面備查殺傷官軍以便
查叅一面收斂潰敗殘兵以資戢守去後連報烏江
平播全書 卷七 咨五十九
之失乃不戰之過蓋官兵背水結陣其勢在我賊如
不來則按兵不動設若一至則併力一擊所謂置之
死地而後生也奈何不察虛實誤疑賊兵赴援昧背
城之戰乏賈勇之能先自望風逃竄致賊乘勢追擊
坐取大敗辱 國損威深可痛恨除失事文武已行
查究外及照見免而顧犬未為晚也亡羊而補牢未
為遲也方今各路俱已入關直抵白田壩兵將驍勇
糧草雲屯滅此小醜勢如拉朽所據該路兵馬雖有
此失自當以凶為吉因敗致功不宜灰心致沮士氣

及湖廣總兵官陳璘即日起程移駐彼中會同原派
兵備道將原調各該漢土軍兵加意整擷會同貴州
各哨官兵併力相機舉事一面速行該司將坐派本
色食米及折色銀兩照依本部院節行事理一一速
行收買選委能官督夫運赴適中倉庫如法收貯聽
候接支毋致臨期缺誤此係萬分緊急軍情幸勿視
為泛常遲緩仍將各該兵士開列花名及到信地日
期與催運過本折糧餉數目希咨回報軍門以憑稽
考統勿延緩

平播全書

卷七

卷七

申飭湖廣謹防護興偏地方

為萬分緊急地方事本年十二月十六日據貴州左
監軍道按察使楊寅秋呈蒙巡按貴州御史宋 批
據防禦黃平清浪叅將劉效節呈稱十一月二十七
日據上塘堡哨探也老周喬兒報稱二十五日有鮑
底野洞高坡各寨叛苗於破塘寨馬場剝牛講話點
集兵馬說播州發大兵已到四牌准在初二三來打
黃平興隆偏橋地方劄營拒截官兵免入其內連日
各寨建立大圍伺候進兵又據土舍羅承德稟稱草

場有一人先被播兵擄去今隨播州郭總鎮來四牌
點兵逃出說四牌已將攻城器具齊備初間准來會
九股并鮑成等寨攻打城池等情請乞添兵固守庶
免臨時緩不濟事等因蒙批事已危急監軍道速議
行蒙此該本道移會思石下路右監軍道張恭議并
童總兵查行外合先呈報等因到部院看得播賊楊
應龍自知 天討難違整點兵馬拚死衝突勢所必
至故本部院不次申飭正防此舉今觀欲犯黃平興
隆偏橋地方不過明欺彼中兵力單弱斷然一逞所

平播全書

卷七

卷七

據戰守二端在今日不可不奮力堵截共保無虞為
此合咨貴院煩請即行二監軍并辰沅兵備等道及
總兵陳璘各駐劄偏橋新鎮思石等道及總兵童元
鎮各駐劄興隆黃平嚴謹關隘防守城池整擷兵馬
多方哨探賊如不來則常川操練蓄銳以待設或入
犯二省官兵毋分念我左右前後必須夾攻彼此遠
近務要應援期於功一戰計出萬全如或逗遛不
前致誤軍機者責有所歸此係賊勢萬分緊急事理
慎勿遲延

咨覆湖廣

為軍務事近准湖廣撫院支 咨准本部咨差委雙
 流縣知縣鄧弘烈調取施南忠峒散毛塘崖等土司
 土兵前來彭武一帶分布等因該本部檄行守巡上
 荆南道將施南等兵挑選七千餘名行委廣東參將
 王一桂統領俱由巴東至夔府赴涪州屯劄聽令等
 因移咨到部院案查節據貴州監軍各道呈報偏橋
 鎮遠一帶屯堡被賊燒劫見在興隆東坡等處屯營
 未退阻絕三省運道思石一帶地方兵力寡弱不能
 平播全書 卷七 咨本三十一
 為犄角之勢以聲援偏橋興隆之危已將前項施南
 等兵牌行領兵知縣鄧弘烈等遵照隨據本官呈准
 施州衛開稱官兵行糧則例議詳列款前來業經本
 部院酌定 指揮一員川例日支銀九分准加倍支一
 錢八分千百戶每員川例日支六分准加倍支一錢
 二分宣撫每員每日照川例准支二錢四分安撫每
 員川例日支二錢應襲舍人每名日支六分頭目舍
 把武生親舍每名日支五分提調旗甲書美班頭押
 陣官醫生軍伴門皂吹鼓大小頭目銃手家兵伴當

軍卒各色匠役殺手等項及土兵姑照川例坐糧每
 名日支二分四釐其衣糧安家之類川中從來無此
 例但該衛土兵比之本省頗遠姑每名量給銀五錢
 以示寬恤之意俱經備行夔州府動支差官解交知
 縣鄧弘烈眼同各土官鑿鑿散給各官兵收領令其
 馳赴思南府駐劄聽令分布外今准前因合行回覆
 為此合咨貴院煩為查照作速差官催償各兵無程
 徑赴思石聽貴州監軍道分布其湖省行糧不必重
 支若已支給仍照數扣回以免混冒幸勿遲緩仍希
 平播全書 卷七 咨本三十一
 回覆查考

咨湖廣支銀協濟貴州

為夷氛甚惡 天討宜彰懇乞急發餉銀以佐軍餉
 等事本年十一月二十三日准戶部咨該本部院并
 湖廣兩院各會題前事該本部院看得播酋肆逞楚
 僑貴筑勢相唇齒震隣剝膚禍漸延蔓屯師集餉俱
 應豫待今該督撫諸臣并議 上請不分彼己深得
 同舟之誼願蜀欲五十萬楚欲三十萬貴欲三十萬
 總計一百一十萬除兵部該三十三萬聽徑發外本

部該七十七萬除四川於湖廣取銀一十七萬陝西
十三萬共三十萬貴州於雲南二十三萬止實解過
七萬餘兩湖廣一十一萬廣西福建各十萬共三十
八萬催督軍前支用外數尚不敷目今太倉懸罄動
支為難各省空虛那借尤難及覆思維計無從出惟
是照依東征事例地畝加派以濟一時除貴州地里
硯確委難徵求查湖廣通省稅糧每石加派一錢二
分每歲可得銀二十六萬二百二十三兩零四川通
省稅糧每石加派一錢二分每歲可得銀一十二萬
三千四百二十五兩零行令有司於條鞭之外徵輸
以佐時急再照加派所入楚得其全蜀得其半貴處
其不足然貴之所難兵俱新增餉無宿儲需銀實切
則酌盈濟虛相應不分畛域通融支用况總督兼制
三省調度兵食自有權衡總之期於戡難不為厲民
等因覆奉

備咨前來已經通行三省欽遵去後為照播賊猖亂
流毒三藩調兵合剿業有成命惟是賊勢衆大岐
路甚多故用兵不得不多而糧餉不得不裕也柰何
黔省窮荒特甚儲蓄絕無及至乞諸隣省又不克濟
以此該部不得已而有加派之請議令三省通融支
用無非同舟共濟之誼目今進兵在邇師貴宿飽未
有驅枵腹以赴敵者本院既奉有 明命義難坐視
及查川費用兵各近十萬湖廣止四萬所據二省前
項加派銀兩相應酌以進兵之多寡為用銀之等則
從公分析通融支用共濟時難為此除行四川布政
司動銀五萬解發貴州協濟外合咨貴院煩為轉行
布政司暫於庫貯別項銀內借支十萬兩火速解發
貴州協濟聽支一面行屬徵派內將十萬補庫其餘
一十六萬有零聽該省軍前支用此係立等待用事
理幸勿遲悞仍希將支發過緣由報查

容兩省約期進兵
為軍務事照得播賊楊應龍兇同梟獍狼逾豺狼拒
敵 王師三省盡為塗炭殺戮將領萬姓悉被虔劉

惡極滔天罪已淪於不道孽盈彌地犯豈止於無將
城野難堪人神共憤效尤可懼 王法不原本部院
奉 命總督職在專征且 朝廷斷以征剿為期則
主將當以蕩平自誓即今糧草處處霧集兵馬在在
雲騰加之文武同心中外僇力既衆議已僉同應整
師而問罪合就約會共伸大舉為此合咨貴院煩請
移駐近播地方獎率貴省文武將吏漢土官兵的於
二月十二日各照分定道路同日並進開刀剿殺至
十八日各抵播州師期已定各宜奮勇據忠布昭
平播全書 卷十七

聖武犁庭掃穴謀慮務出於萬全震疊 天威戡定
期收於一戰永清三省之妖氛共洩四海之憤恨用
命衝鋒直前奏績者賞格具在斷不食言違命逗遛
畏縮罔功及不依期進兵策應因而失誤軍機者
賜劍森嚴決不姑貸希速通行遵照仍乞具覆報查
咨本不

咨湖廣催兵運餉
為緊急軍務事照得湖廣偏橋征播官兵與本折糧
餉節經本部院督催半年司道視為緩務迄今無一
就緒以致該賊乘虛燒殺偏橋屯堡東坡居民即今

出沒無常情形殊不可測在四川貴州將兵業已雲
集本部院去歲建牙重慶分布調停親征定擬師期
約會併力進剿祇因偏鎮一帶無兵無餉有礙二省
舉事數十萬兵馬坐食等候悞事甚非渺小其糧餉
一節先該戶部題允存留漕糧以濟三省軍中之用
近接邨報倉場總督趙 一本事關國計等事奉
聖旨這本說湖廣漕糧係干京都軍需不宜奏留為
川貴用兵之費著送揭戶部覆議來看欽此為照此
項漕糧既奉覆着必不能濟惟是節次行催買運并
平播全書 卷十七

倉儲殲米湖北秋糧改徵本色乃原行專責措辦之
事該司亟應運發以濟燃眉之急若再遲延大事去
矣三省安危所係合再差人守催為此合咨貴院煩
請軫念川貴兵馬等候速將原調各土司土兵四萬
名注意查催未到者差人分投前去守催星夜齊到
偏橋一帶分布仍須人人馳勇堪克敵嚴責監軍
二道起發原造衣甲器具火器火藥解給總鎮及領
兵等官散給戰兵以便對壘其本色糧米速催布政
司並督餉道將買完并倉穀造米共三萬石委官督

夫運至偏鎮相應地方收貯轉運營中支給其該司
近報長衡荆岳辰常靖等七府倉穀作速行令磨米
解運仍再設處多方糴買務足四萬官兵一年之需
脫有違悞責在該司其折色銀兩與烘炒米薑鹽
等項俱照原行製造起運勿得再遲有悞事機即日
春雨水泛不便進攻耗費官儲千係重大希將兵餉
到營的確數目備咨軍門幸勿再遲

發銀思南糴米

為軍務事照得播賊流毒三藩興師征剿一路由龍

平播全書

卷七

卷六十八

泉進攻已將施南平茶等司土兵并建越等兵共計
一萬三千五百員名行委叅將王一桂坐營孔繼祖
等統領前赴貴州思婺防禦并聽令進剿去後為照
此役係奉

明旨令兵共伐事屬三省非一四川事也是兵從黔
進糧當黔備不問可知但該省屢稱錢糧缺乏措處
為難若再責之預備恐致悞事所據三箇月本折相
應通令川省出辦除已預支一月折色外合再買備
二月本色以便兼支及查每兵日給食米一升共計

該米八千一百石每石價銀五錢共該銀四千五十
兩合行就近平糴庶免搬運之勞除行重慶府動支
銀四千五十兩差官管押前來外為此合咨貴院煩
為轉行分守思仁道即將解到前銀轉發思南府貴
成掌印官照數分發行戶收買乾圓好米八千一百
石或運婺川或運龍泉悉聽該道督同該府轉運軍
前聽委官隨營支放其各兵到彼每兵即各先給米
一升以作上月本色至近日領過預支糧銀每名多
銀七釐准作下月折色餘聽另行解發只此三月支
盡以後若有不足則聽該省備辦幸勿違悞

平播全書

卷七

卷六十九

咨湖貴分解漕糧接支

為楚滇助餉勢難如期懇乞

聖明下部別處以濟軍興事萬曆二十八年二月十
二日准戶部咨該貴州巡撫都御史郭 并巡按御
史宋 具 題本部覆議取滇楚二省銀又取福建
廣西銀及稱近該科臣李 條陳本部覆
請留湖廣二十七年分應該解京漕糧三十七萬餘
石亦聽總督派撥三省通融支用去訖等因奉

聖旨是欽此移咨到本部院准此案照湖省解京漕糧三十七萬餘石先該都給事中李 奏抵三省軍餉續該倉場總督趙 題稱不宜奏留下部覆議今閱部文內云聽撥三省通融支用是此項漕糧仍充三省軍餉矣及照八路進兵蜀當其四黔當其三楚當其一前項漕糧即當以用兵之多寡為分派之等則但偏橋迤西一帶既屬楚中節制則龍泉一路兵糧應在彼中聽支相應均分以濟急用為此合咨貴院煩將前糧三十七萬每省各分一十二萬餘剩一

平播全書 卷七 咨下

萬餘石存貯候支內該省者運至偏橋龍泉貴省者聽運貴州川省者率差官管押從水路挽運四川至重慶轉發營中各聽支用舡隻行令所司上緊刷撥或動支官銀雇募務在三月以裏到重慶此係大軍張口待哺事理幸勿遲緩先將起發數目日期咨報

查考

咨覆湖廣進兵

為請議進兵事准湖廣撫院支 咨仰乞裁定令湖貴三總兵各以全力獨當一路

庶見委任責成之意等因到部院為照貴院議以偏橋迤西思石龍整則屬總兵陳璘與隆黃平則屬總兵李應祥烏江養龍則屬總兵童元鎮各專一路分布甚當但查圖本與隆偏橋龍泉三處各係一路直抵播州祇緣興隆偏橋兩兵初入白泥之地路經四牌此中助暴生苗盤據作梗必須兩兵先將悍苗合力剿盡掃清運道然後分道而進至播方得會哨非謂沿途一路而偕往也及查龍泉一路兵止二萬用副總兵陳良玘督之亦足堪任所據陳璘李應祥仍聽會同了此四牌之苗方行分路為便矧官兵業已進營既難中制亦難遙度應聽二將便宜計議行事不宜臨敵更易庶免掣肘之虞為此合咨貴院煩請查照仍移文總兵陳璘遵照施行

平播全書 卷十 咨下

行查烏江河渡失事

為緊急軍情事准貴州撫院郭 咨據左監軍道呈據河渡統兵都司張秉忠報稱本年三月十四日夜擒獲奸細搜出公文知賊衝營十五日未時播賊突

援兵象淹溺督陣官何天慶名色把總甘靖等四名
哨長許應援砍賊數人中鎗而死餘各陣亡領兵指
揮胡珠王之瑞馬時亨督陣督畫黃龔千力龔勳劉
應祖百戶邵先業把總周貴安時恭冒陣而出其餘
死傷官兵查明另報又准各據總兵董元鎮手本據
原任叅將楊顯稟稱三月十六日午時據永順官兵
出哨至雅水偶遇安兵約會盟誓共圖攻取各有旗
號目把質當意在十八日起營道鎮疑慮詭謀亟傳
令間適據霸陽守備陳雲龍報賊兵不計其數前來

平播全書

卷七

卷七

衝突官兵連對三陣第四陣賊兵益多所執旗號即
昨會哨質當旗幟未順中哨驚亂不能禁止霸陽兵
相繼奔渡浮橋一人走過砍斷橋纜隊兵俱各浮水
不能水者淹沒守備陳雲龍等不知下落殺傷官兵
候查明另報等因咨報到部院為照烏江河渡二處
既得斬關而入自宜堅壁據守以待諸路官兵進關
然後併力長驅方為上策乃始而奸細之供報則不
作隄防繼而狡賊之詭謀則不知覺察且扼險不能
固守據橋莫之把截此皆在事各官玩于隣之震忽

衣袂之防以致倉卒變生噬臍無及辱國損威失
事重大應合移查為此合咨貴院煩為轉行按察司
嚴查屯札烏江河渡二關漢土官兵原係若干溺死
若干見在若干某兵原屬某官統領某官原隸某將
部下何者衝鋒而陣亡何者怯懦而溺死就中有無
姦功左使情獎逐一細查同失事人員一併叅詳以
憑施行仍煩檄行監軍道鎮將領等官撫馭餘兵蓄
威養銳及再調集某營官兵分布屯營以圖逆賊此
係緊急幸勿遲緩

平播全書

卷七

卷七

咨貴州整兵進剿

為軍務事准貴院咨稱烏江河渡失事緣由前來隨
移貴院備查殺傷官軍以便查叅及收斂潰兵以資
戰守外今照烏江之失乃不戰之過蓋背水結陣其
勢在我賊如不來則按兵不動設若一至則併力共
擊所謂置之死地而後生也奈何不察虛實誤疑賊
兵赴援昧背城之戰之賈勇之能先自逃竄致賊乘
勢追擊坐取大敗深可痛恨除失事文武已行查究
外及照見兎而顧犬未為晚也亡羊而補牢未為遲

也方今各路俱已入關直抵白田兵精糧足滅此小
醜勢如拉朽所據該路兵馬雖有此失自當因敗為
功不宜灰心致沮士氣合咨貴院煩行監軍道鎮獎
率兵馬收集殘卒多方鼓舞加意撫綏如雲南泗城
霸陽永順等兵應添補者就便添補應另調者火速
另調一留省城彈壓一屯烏江戰守務俾內外備禦
威武用張則聲勢聯絡既可以壯犄角之勢又足以
杜窺伺之奸於時勢弱則保境自完勢強則捲土直
入擒惡搗巢共奏奇績慎勿灰沮未便

調滇兵咨貴州備餉

為緊急軍務事本年三月二十七日准雲南撫院陳
咨稱本院復又陸續調發精兵五千餘名選委都
司張先聲統領前詣霑益信地分布防禦播賊衝突
且以出奇本院于三月十三日移駐曲靖境上獎率
官兵共圖犄角滅賊等因到部院看得滇省發兵五
千移節曲靖應援足仍同舟共濟之誼滅此朝食之
懷但貴州烏江一路兵馬單弱需兵萬分緊急滇院
帶行精兵五千見屯霑益去黔不遠與其立幟遙為

屏障不若臨戎共奏偉績亟應起發到黔以援彼中
緊急及照沐總鎮屢奉

明旨責成帶兵援剿至今杳無音耗應合一併移催
等因備將前由已于四月初一日移文差人前往撫
院陳處發前兵并促沐總鎮帶兵前來應援外所
據滇兵到黔糧餉應合移咨整備為此合咨貴院煩
為查照速行督餉道將滇兵五千本折糧餉作速計
處停妥聽候官兵入境即便接支仍一面差官持
令前去督催刻日抵黔協剿勿得遲延頃刻其廣西

咨湖廣催漕糧折銀解充軍餉

總兵李如樟選帶土兵亦於是日一咨該省撫院給
與行糧應付催促將兵星馳前來一牌行該鎮速詣
近貴地方約會貴院及鎮道併力剿賊如尚未到仍
煩就近再催希將各鎮移駐日期各帶兵馬實數咨
報軍門查考勿違

咨湖廣催漕糧折銀解充軍餉
為楚滇助餉勢難如期等事本年四月初三日准湖
廣撫院支咨稱楚省二十七年分留用漕糧除華
容江陵等縣因患水災近准部咨止徵正米一萬五

千五十七石六斗一升零每石折銀七錢共該銀一
萬五百四十兩三錢三分零其餘州縣實止正耗米
共二十七萬六千九百七十七石六斗六升三六耗廉輕齋
銀三萬六千四百八十三兩四錢二分零榜木銀七
百八十八兩八錢三分零以上銀米三省均分每省
止該本色漕糧九萬二千三十石二斗五升五合改
折漕糧并三六耗廉榜木等銀各該一萬五千九百
三十七兩五錢二分八釐四毫第惟本色米石解運
入川時值三峽之水瀾漫難挽合無照數改折貴成
糧儲道易銀行令湖廣布政司差官解赴川中軍前
聽支庶於事省用足等因到部院看得特下正當青
黃不接之時未糧騰貴之際誠得本色之助有裨多
矣但稱峽水泛漲挽運艱險委屬不便既經貴院酌
議明白相應改折庶為省便為此合咨前去煩將應
解川省漕糧九萬二千三十石二斗五升五合照江
陵等縣事例每石折銀七錢共該銀六萬四千四百
二十一兩一錢七分五釐同災傷改折并三六耗尖
蕩等銀一萬五千九百三十七兩五錢二分通共八

萬零三百五十八兩六錢九分五釐一併行令該省
布政司火速差官解川交割以便及時轉發買米運
赴軍中接支其貴州糧米糴買甚難仍運本色庶得
濟急此係三軍立等待用事理幸勿遲悞

咨覆貴州照批行湖廣助餉

為地方孤懸等事四月初三日准貴州撫院郭 咨
據湖廣布政司呈稱播酋肆逆流毒三省湖廣止偏
橋一帶備禦無用多兵其四萬餘兵原為三省通融
調用即供各兵之餉亦即係三省通融支用非專為
楚也統計四萬五千之兵無以軍火器械等項非七
十萬兩之餉不可先蒙部題查追舊欠皆係遠年積
逋勢難追併遂議留見在漕折各項提之僅四十萬
有奇本司發過餉銀及製造炒米姜鹽等項共動過
銀一十四萬六千餘兩內有五萬餘兩係借借支缺
餉二十萬餘兩何設處查得見有應解正項額派虞
衡段疋馬缸工料銀兩一併題留充餉俟竣事另行
處補蓋湖省用兵本為黔蜀原屬通融即同協濟乃
貴州又執三省通用之議而欲分餉解彼如廣西益

銀尚多再借二十萬在廣西諒無所斬其貴州請分
加派庶免撥發似難拘於分餉而後通融也又稱輕
齎樛木等銀共四萬零一百一十八兩動解過九千
六百九十餘兩充餉尚存三萬四百二十五兩三錢
合聽四川部院酌派動用卽以此項多助貴州在楚
民亦所甘心其加派錢糧免分貴州庶楚與黔不致
兩誤合行咨請移行湖廣將加派銀兩仍舊起解貴
州接濟燃眉至於司議免分貴州恐難依從等因到
部院簿查四月十一日據湖廣布政司呈詳前事該
平播全書 卷十七 庚

本部院批播賊一破偏橋直走清鎮全楚勢且不保
今日利害三省共之何謂湖省用兵本為黔蜀也二
省助黔奉有
明旨四川僅派銀十二萬已借十萬給黔湖廣派二
十餘萬可以一萬塞責乎如曰該省養兵四萬則四
川養兵十五六萬非無事也施州兵以楚兵用之楚
帥信地亦四川餉之矣漕糧已屬京餉豈得遂作楚
數廣西已餉黔三十萬矣湖廣助黔非十萬不可仰
作速解發無致悞事繳已批該司遵照去後今准前

因擬合咨覆為此合咨貴院煩請移行湖廣撫院檄
行湖廣布政司查照批詳多方設處務足計萬兩之
數火速差官徑解黔省接濟支用施行

破圍塘報

為飛報捷功事萬曆二十八年六月十五日據分守
川東道按察使張悌報稱先奉本部院催督全蜀官
兵四路剿播該監軍叅政張棟等贊理監紀推官高
折枝等總兵劉綖馬孔英吳廣等擊破逆酋楊應龍
妻山桑木岩門等關直逼首入龍岩圍外因圍形險
峻滾木礮石交襟如雨仰攻其難而又將心不齊旬
餘未下復奉本部院申嚴 尚方之劍大發懸賞之
銀按院移駐重慶就近監臨仍各檄本道入營輯和
諸將軟血盟神刻期平賊該本道馳赴軍前會盟誓
師圍之前後往來策督已於五月初十日圍前攻毀
鐵鑄水門二關圍後攻奪三連山賊勢已窘而死守
尚堅且緣圍後可攻之地一為水西所據而不實攻
一為詐降詐死所愚而不急攻復奉兩院糾劾悞事
之將諭退水西之師又遣中軍叅將余德榮入營亟

惟時貴州平越湖廣備橋等兵亦集圍下該本道與川貴湖廣監軍等七道會呈本部院詳允各路總兵輪攻圍後於是總兵劉綎同貴州總兵李應祥移攻圍後與川湖總兵吳廣陳璘間日輪攻本道與監軍張叅政謝叅政將後發賞銀二萬兩盡數懸示鼓舞三軍即於六月初五日黎明親督進攻劉總兵下兵將振奮矢石不顧銃炮震天喊聲動地一攻克其頭關土城再攻克其二關石城賊衆披靡勢如土崩圍前高推官馬總兵等亦督兵攻打甚急該劉總兵以天晚登圍慮有疎失傳令據關而營抵夜賊踰甚衆楊酋大出賞銀刻苗拒戰苗不敢應酋遂失魄三更之後苗奔圍前欲殺出逃生酋見諸苗離散中夜徬徨無計得脫投繯自縊次早輪該吳廣陳璘攻打苗盡前奔兵不血刃一擁而上遂入酋宅俘獲逆酋妻子田氏揚朝棟拜三男五男八男九男與各妻女弟姪綉女等及各斬級另查的數圍前高推官馬總兵等嚴陣堵苗未明大戰同時俱登俘獲宣慰宋承恩土舍馬千駟主謀孫時太楊華吳應遠何廷玉宋克

平播全書

卷七

卷九

相宋一變陳大才何紀偽內使已卯戊寅等并各斬級另查的數俱續報外仍有滾溝奔箐賊苗聽各兵初七日搜捕盡殲黨賊八百年之酋圍盡成丘墟數萬餘之苗級足築京觀此皆仰仗皇威丕振廟筭有赫部院節制維嚴運籌決勝之所制也一切改土為流拓疆千里善後撤兵嗣即查議等因又據川東監軍叅政張棟報稱自四月十九日圍困以來兇酋骨刻老虎兇苗負固接攻不下情節陸續塘報外續蒙部院深念師老糧乏委文武大吏各一員至營督責間惟龍岩圍極天下至險而狡酋設備極天下至周况以必死之寇用必散之財悍苗無知劫於威惠殊為死守日互為死傷不可勝紀然賊食日減賊黨日消又無外援時至事起雖孫吳不能易矣五月二十六日八道五鎮為會盟以一衆心懸重賞以鼓敵愾前後左右守各有地四面夾攻應各以時前之海龍壩左之原舊腰營處右之板水蓬口俱十里外各為一營專責一將監紀一官把截林箐隘口以防其逸移劉總兵於後與周副將統

平播全書

卷七

卷八

南營李總兵號平越營而馬總兵率邊兵與西石劄營圍前專備奔衝血戰且計鋒太銳則少疎之令擒於防逸之兵分布一定職欲在前調度而劉總兵張按察使不肯必欲職同行六月初一日天少霽至圍後則初二初三初四日俱兩與各道四總鎮計分攻合攻合攻有因人之力者分攻有欲乘人之功者各以私心又不相下遂為割析多主分攻據陳總兵謂先劉李擬初五日暮南平越初六日永合偏橋如不下初七日則合攻之初五日晴劉李二總兵分左右各占一山五路併進火炮齊舉職擐甲胄與守道余參將磨旗助喊不移時遂得土城第一關賊崩走遂龍手刺三苗不令入我兵乘勝直上又得石城第二關殺聲震聳沸搖山谷時可遂取三關登岡矣緣時已至未戰久氣竭遂且罷攻營守而城頭答話乞降者紛紛矣是夜半田一鵬楊朝棟潛出講話黎明則田氏同宅眷二百口已在城樓餘果投出千餘多為各鎮爭殺之四更後前關喊殺聲震則石劄馬總兵令偷上并多乘機前奔者為大戰屍

外黎明吳陳兵上攻第三關不見出敵者乃知賊已前潰遂各進關圍衙院而賊已死蓋是夜應龍不寢四望圍周一無脫處各巷隘把守者俱無有遂同二妾自縊妾一不死田氏楊朝棟率宅眷百餘口一同出投為陳吳所執另置一室取出逆首屍火始發八道令秦氏彭廷壽周世祿驗的是實各路斬俘報雖未備約近萬矣一圍遂平是役也拮据已易三時而成功未踰四月兇酋逆黨擒斬殆無子遺如酋子朝棟以棟勝棟酋妻田氏小田氏朝棟二子酋長女次女三女酋族兆麟世龍兆龍酋親田一鵬宋承恩馬千駟酋黨何漢良葉喜愛馬忠何廷玉何明孫時太等尚有未報者黃七則下岩自縊俘其妻似無多逸者矣又據海龍壩都司趙賢輔監紀同知史朝貞報擒苗百餘惟左右尚未報至十餘年謀逆狂逞之寇八百載富強縱肆之家據其兵力謀謀器械衣甲獨冠西南諸夷即水西終以不能必取自退今圍於四旬舉於二日人力不至於此矣此皆 宗廟社稷之靈 廟堂帷幄之勝而本部院腐心嘔血發策決機

一腔忠義無一刻不激發於三省道鎮之間九月籌畫無一事不措置於八路兵食之內而職典將士受成奉命奏此膚功尚多携貳延緩之愆至煩再監亦得借以竣事有厚幸矣除擒斬功級查明另報等因又據川南監軍叅政謝詔報稱本月初六日該各鎮道分定永合二路進攻日期本道先日會同四川兵總兵偏橋陳總兵湖廣監軍道議定於是日五鼓分道進攻官兵奮勇登城殺退苗兵直衝賊巢遂酋楊應龍見勢窮蹙在房自縊放火焚燒兵總兵督兵從

平播全書

卷七

本中

二十八日盡讓官兵六月初二日川貴劉總兵李總兵各先後督兵到國屯劄初四日三省道鎮畢會共議劉綎李應祥初五日陳璘吳廣於初六日各照期分打劉總兵攻土城門以左李總兵攻土城門以右該職同李總兵將右路分撥三枝以都司徐成領守備童龍等兵奪鳳凰嶺都司張秉忠等兵由左嶺進都司戴守禮等兵由右嶺進泗城龍英等土兵於國右崖壁截殺副總兵陳甯督獨山州等兵於前門朝天等關截殺叅將蔡兆吉督兵於板閣達水把截初五日五鼓職等會同劉總兵盡地齊攻賊抵死在於鳳凰嘴拒敵黎明我兵奮呼一湧衝殺賊奔潰退走土城我兵乘高俯瞰攻賊立脚不住登時攻倒土城一面拆卸賊拒月城尖石如雨職同總兵在高山搖旗吶喊督兵前進戰至色末緣城接梯高招先登各兵用肩頂城上先登者手挽魚貫而上陳邦揚親斬冠帶管事藍鳳鳴首級一顆中軍指揮羅萬善親斬何提調男何訓首級一顆從賊七十五顆賊奔岩突死及銳死不及枚級者不計其數將月城樓同劉總

平播全書

卷七

本中

兵即時放火燒毀賊奔入大城死敵自午至申披堅
出城衝突三次每次我兵用佛郎撓百子銃鳥銃等
項直對城門齊打賊傷退回天晚兵已疲困該職會
同右監軍張恭議督兵尤副使再懸犒賞每高招手
銀一錢每兵銀五分各兵歡躍齊心就於月城札守
賊兵膽落在城叫喊乞降直至黎明時陳吳二總兵
照依分定日期接攻賊倒戈奔潰各路兵一齊登圍
擁入內城四面縱火賊酋楊應龍將卧房發火同愛
妾縊死要得自焚時五路總兵官齊抵賊衙賊妻田
氏賊第三男楊以棟妻田氏第五男楊良棟妻田氏
第九男楊奇棟賊妻子楊勝棟妻田氏賊長女貞惠
次女貞瑞三女貞福楊朝棟妻田氏長子松壽次子
春壽女性福賊首何漢良田一鵬子六老偽內官十
名使女十三口家人五名俱同時拏獲五路道將賊
屍抬至城樓喚伊妻男五司奏民同驗真的付陳劉
二總兵收驗俘獲賊屬眼同點明收置城樓宣慰司
印田氏携帶在身面交陳總兵收執聽解賊男楊朝
棟賊弟楊兆龍走出兵總兵見獲在營賊從弟楊兆

麟李總兵見獲在營其各該有名賊首原後圍攻
賊奔前門或斬級或生擒俱未漏網宣慰宋承恩已
經本哨把總沈雲相拏獲被前路兵槍獲見在除本
日生擒斬級俘獲及我兵陣亡輕重傷查明另報等
因又據貴州右監軍張恭議張存意報稱先該三省八
道奉本部院憲檄議得大兵攻圍賊圍一月未破師
老財匱靡有究竟申飭各哨輪班攻打約於六月初五
日貴州平越河渡哨與四川綦南哨同日協攻至日
該本道同督兵尤副使偕左監軍楊按察使會同李
總兵親督坐營官李師沆張奇盛等帶領平越河渡
精銳衝鋒兵萬餘黎明赴圍後與綦南哨劉總兵左
右夾攻綦南兵由左上平越河渡兵由右上賊衆強
弩飛矢礮石如雨我兵屹立金鳳嘴不敢近前該李
總兵提刀陣後嚴禁退縮三道復懸示特賞先登銀
四百五十兩各兵死力直衝將第一層土城傾毀十
餘丈賊退守第二層石城我兵乘勝連破將城樓打
毀直趨第三層石城與綦南兵並劄城門堅持不退
應龍父子披甲領苗連衝三次自辰至未我兵硬力

死守薄暮士卒饑困該三道與李總兵計議賊必乘夜突衝一面造飯餉士一面犒給每高招手銀一錢每兵銀五分諭令標下指揮周宗堯曹選把總金世隆劉朝臣分督舉放號火銃炮以防乘夜衝劫三道同李總兵各將領官露坐嚴警至初六日天未明賊衆慌懼多有從圍旁間道奔出者三省官兵大衆分路攀緣而上賊黨開門倒戈奔潰如蟻我兵直圍楊應龍住宅遵守前禁不敢徑入宅內官兵中有從宅後掘牆數孔而入者比劉李二總兵引兵入宅則楊應龍已縊死卧房於亂兵中擡應龍死屍出驗並收其妻田氏母子及隨從侍女二三百人於後城樓上拘候先是又慮賊後攻急必至前遁該李總兵分本哨副總兵陳寅叅將蔡兆吉都司莊志傳守備伍萬鍾汪如淵及標下指揮徐登階等各督部兵於前門晝夜攻守初六日早陳寅等率兵登城與各路兵合將飛虎關樓放火燒毀斬獲多級方會兵圍上前後一時收功為照貴州李總兵督平越河渡二哨會同四川綦南哨攻打圍後其結局雖在初六日三省並

進之一晨而摧賊鋒破賊膽以散賊黨則在初五日蜀黔並攻之一舉功次虛實悉候勘查始定本道不敢妄為論列惟是數百載東南盤據不拔之巨寇億萬衆士女鬱結未伸之積讎又三省七路兵糧不貲之勞費往以頻年圖之而不足者今以四月克之而有餘皆仗本部院天心討賊一意主持開誠布公宣揚朝廷威信凡文武將吏莫不仰承石畫奏此蕩平良非偶然之故矣今將前項進取緣由并斬獲功級差官星夜馳報等因又據湖廣左監軍按察使胡桂芳右監軍叅議魏養蒙報稱本月初五日輪該綦南平越二哨攻海龍圍總兵劉綎先登將土城并第二層石城打破李應祥繼之陳吳二總兵亦同助陣拆墻上城賊勢大敗初六日輪該永合偏橋二哨攻圍總兵陳璘吳廣督率官兵從第三層城左右蟻附上劉李二總兵繼進當擒首惡何漢良賊見官兵入城皆倒戈投降遂圍楊酋住屋將田氏楊朝棟楊兆龍并其妻女及楊酋第五子俱擒獲楊應龍已經自盡放火燒屍當救火取出審五司奏民與田氏等

俱稱委係真正遂首屍首除職等即會同川貴各道查明另報等因又據總兵劉綎報稱四月十八日逼晉入圍分兵攻打本職居圍前窮崖峭壁天險莫登惟圍後一線之路稍可進兵緣係吳總鎮陳總鎮所分信地攻打五旬堅守不下乃蒙軍門院道會議將職改攻後路遵奉於六月初一日親率家丁與挑選精銳勇敢官兵八千移營向後又值大雨如注連日不休至初四日稍霽比夕各該鎮議欲同攻本職恐各人心不齊自誓惟乞一路專攻如亦不效甘任其咎當該二道懸賞衝鋒各兵本職於初五日分布官兵四路攻打將士奮勇一鼓而登連克重城賊衆披靡死相枕藉應龍勢窮力竭本夜自縊身死朝棟以棟惟棟田一鵬等奔投職部周以德營為吳總鎮統兵攔截打傷千總熊俊奪獲見存本職但期滅賊以報

九重而謝人言敢復覲功獨歸一已况原節奉本部院憲牌各路歃血同盟各出精銳更番攻取得賊之後勿問出自何人大家論功若致債事遺賊且當連

坐昭然在案今幸蕩平是本職之功即吳鎮之功也又何計哉况衝鋒血戰奪險破城七路三軍耳目難掩是又不待辯者在今將所獲有名首惡揚明田飛鵬張玉周五巴內使夏元王守忠壽元慶元慶壽祿壽庚辰辛巳及各斬獲苗級一千六百二十九顆解赴贛理監紀史同知查驗解道轉詳等因又據總兵馬孔英報稱本月初六日本職會同各道并監紀高推官預行將領土司等官李經等各照原分信地剗立排柵分布擺列本職仍與高推官親身提兵晝夜攻圍申飭萬分加謹於本日五更時令各兵奮勇齊力攻打擁兵上進賊兵大敗我兵乘勝戰奪二層飛虎關嚴諭舉火燒毀我兵愈加精強先登賊之大圍舉火延燒酋房各賊慌亂四出惟惡苗死戰本職提調所屬精兵併力合圍鏖戰百陣砍殺多酋衆議前鋒不許割級仍令多兵遇有通賊處所加兵拒堵掃蕩殘酋斬無對敵賊苗方准割首本職此時雖即上因傳令所部漢土官兵不許一軍進應龍衙宇並不許夾帶一物其應龍見得前門兵已上圍遂自縊死

應龍妻子即領閩家人口盡從後門逃生方將圍門一開後兵方擁而入隨將應龍衙舍府庫合兵圍之其南川軍兵毫無相干此各道監紀衆目所視者况本職先已申飭不啻再三續據參將李經等各報稱共斬獲苗級一千五百餘顆生擒宣慰宋承恩賊黨孫時太楊華吳應遠何廷玉宋克相宋一變陳大才何玘馬千駟等二十餘人又內府已卯戌寅等因又據總兵吳廣報稱本月初四日各鎮道會議分定期攻打後圍初六日係本職與偏橋陳總兵進攻該本職於初五日移會監軍道謝叅政贊理監紀蔡知府趙州同取發衝鋒銀三千兩獎率三軍初六日黎明督發都司趙應科等奮勇登梯破城直衝楊應龍宅內父子併力拒敵首見兵勇縊頸放火自焚本職親蹈烈焰中擒出酋已氣絕生擒楊朝棟田氏田一鵬等各營擒斬俘獲無算此豈本職奮不顧身之功實皆仰仗部院之神謨監軍之指畫諸司道之協謀監紀之贊襄及在事文武諸臣之效力故能使元兇就戮圍穴蕩平上紓宵旰之憂下慰群黎之望除

將楊應龍身首及生擒賊首即行解報其斬獲賊級俘獲賊屬器仗及有功員役陣亡輕重傷官兵查明另報等因又據總兵李應祥報稱本月初五日辰時督率各兵攻倒土城已經馳報外至巳時分又該二道鎮懸賞各兵奮勇爭先將月城石墻攻破賊兵披靡奔潰墜岩死者不計其數初五初六二日共斬獲功級四百七十八顆其陣亡陣傷官兵查實另報等因又據總兵陳璘報稱本年六月初四日該川湖貴州各道鎮會分攻圍日期劉李二總兵初五日本職與吳總兵初六日至期劉李從圍後右邊進擊本職與吳總兵自左邊攻打自辰至午攻破賊城兩層前進各從山坡懸上擒殺把守城圍老虎軍監立兩鎮旗幟舉炮為號劉李二總兵相繼齊進各賊驚惶奔潰官兵擁入直薄酋巢楊應龍自不免當即自盡生擒伊妻田氏男楊朝棟以棟良棟奇棟勝棟并朝棟幼男松壽春壽及奏內有名黨惡何漢良等就據田氏於懷中取出該司宣慰司印一顆當同監

軍道驗收轉解川貴監軍各道審驗應龍全屍候解
外其擒斬功次除查實另報外各等因塘報到部院
案照本年六月初九日據分守川東道按察使張悌
及三省監軍叅政張棟等報稱總兵劉繼李應祥吳
廣陳璘馬孔英等各督官兵於初六日攻破海龍圍
逼賊自盡及生擒賊子楊朝棟等捷報到本部院緣
事體重大關係 廟堂懸念欲候報齊恐致耽延已
撮其大槩當於本月十二日具本題

平播全書

卷七

卷九十三

知去後今據前因則逆賊自盡全屍見在已經衆驗
的實遂賊妻子女及同逆惡黨已經生擒殆盡逆
賊糾刻生苗所稱老虎兵者聚而殲之幾無遺種且
參伍諸報則諸將先登後繼大小功次已可得其大
凡卽今播已盡平兵已漸撤改土為流已漸有成議
除候查明功級通將三省八路各文武功罪覈實及
善後事宜另議具 題外合行塘報

撤各省官兵回咨

為仰仗 天威破圍滅賊飛報捷音事萬曆二十八
年六月初九日據八路監軍總鎮等官報稱官兵自

與師以來殺賊大敗追逼上圍四面環攻於六月初
五日奮勇攻破圍圍甚急逆酋自覺不保是夜縊死
初六日官兵一湧齊進獲其屍首生擒賊妻田氏賊
子楊朝棟等妻子女繡女及內監軍師頭目并斬
級萬餘卽今賊巢一空我兵盡劄圍上十年狂寇一
朝蕩平等因到部院除先行捷報外案照先准貴院
咨送將官某統領官兵到部院已經發營分布進剿
去後今據前因看得播酋楊應龍滋逞淫威甘為叛
逆破城站已三五處殺官軍至幾萬人以致震驚西

平播全書

卷七

卷九十四

南播動海內彼恃此圍險絕以為人跡必不可至也
乃今萬人同心三軍用命兩日之內連克三城盡破
險圍因而元兇自盡逆黨就擒圍圍惡苗盡膏霜刃
削株掘根靡有孑遺從此四封千里盡入
皇圖尺地一民盡歸 王化三省永無狗吠雞鳴之
驚四海遂折憑山嘯澤之奸本部院待罪地方殊為
多幸此皆仰仗貴院天心滅賊唱義勤王授袂興師
椎轂遣將以故天威所加易如拉朽非偶然而已也
除將各官兵擒斬功次應紀應賞與夫陣亡優恤等

項通候查明敘錄具題及照例支給行糧外合先發伍為此合咨貴院煩為查照施行

回覆楚省

為楚滇助餉勢難如期等事案查先為前事准貴院咨差中軍把總李正實領解銀三萬兩前來已發重慶府秤收貯庫聽支出給庫收付差官回銷外今照捕賊幸已蕩平原調各省官兵亦經盡數撤發其議留三省官兵糧餉各省本折亦足支用所據楚省未解漕糧相應停止為此合咨貴院煩為檄行布政司并督糧道將未解川省漕糧扣美或聽該省別用或仍解赴部接濟支用施行

咨賑民夷

為軍務事照得貴州黃平東坡龍泉湖廣福鎮遠等處地方各與播州接壤年來楊酋猖狂毒流各處軍屯民夷或父母兄弟被其殺虜或妻妾子女被其虐劉受毒既深幾無噍類近日遂酋既以伏誅黨類一鼓平定地方怨忿雖以少伸而廬室空虛何以為生相應亟為賑恤以慰衆懷為此除川中四路業已舉行外合咨貴

院煩為轉行該道選委能官將前項被害民夷之家盡數查出大約以餉米一萬石為率每戶量給三斗以示賑恤之意事完將支過餉米數目及賑恤過軍屯民夷姓名造冊希由見示以憑會題施行仍行令承委官員務要審實的確毋容吏書作弊低昂以致窮民不霑實惠

查議善後

為集議建置善後事宜以圖久安長治事該本部院會同貴州撫院郭偏沅撫院江照得播賊猖亂興師征剿三省之兇殘雖已蕩平而百世之建置所當慎重蓋緣該司五十四里則夷漢雜居所屬八司則幅幘廣遠沃野千里環接三藩圍於腹裏之間要非諸土夷可比也乃遂賊父子大逞無將自取誅戮近准兵部咨該本部題覆首惡既已怙終六師斷難少貸誅其人而磔其肉削其土而改為流先既奉有嚴旨今更誓有師期三省戮力一鼓蕩平俾螻臂不得以怒轉螢火弗致於大燃此朝野之同情督撫之責任而地方之至願也題奉

欽依備咨前來允宜遵行以示更新之治以洗汚俗之風但事關創始法貴僉同合就通行查議為此移咨 貴院煩為速行監軍總鎮及贊理監紀等官齊集營中從長計議要見權州宣慰司原係土司衙門今逆賊不法伏誅所議改土為流相應作何建置或建立郡邑用資撫摩以兵備整飭之有無穩便或改移衛所定為世守以大將彈壓之是否可行文武官員何地可以更調共圖化理軍兵戍卒何處可以遷改以實營屯儒學驛遞原有者作何查復土

平播全書

同知安撫長官見存者應否帶銜衙門倉庫城隍旗纛作何建立城垣橋梁道路作何修理官吏俸糧作何派徵門卓徭役作何編取合用經費錢糧作何動支應委董理官員作何遴選與夫疆界作何清查以免越占田土作何清丈以杜奸欺何民土當給還何賊產當籍沒孰宜招人領種孰宜充作屯田降夷作何鈐治地方作何轄屬事體有無穩便人情有無相安務在用夏變夷長慮却顧凡有益於一方真足以奠安長久者釐為數事希於旬日內開款回報軍門

以憑覆議會 題施行若有窒礙難行者亦希明白見示幸勿遺漏遲延

黔省善後

為集議建置善後事宜以圖久安長治事案照先該本部院看得播賊既已蕩平例應改土設流行據川湖監軍守巡等道條議前來會 題間適本部院感疾伏枕未得 題請送關部報該山西道御史李具題議建二府又准貴院會稿亦議建設二府輿論既已僉同即應如議舉行及查割撥一節以黃平設府餘慶白泥雍水重安設縣此中尚有草塘容山雖未敘出稽之輿圖似亦在內并龍泉設縣俱應屬之黃平隸於貴省但賊滅之後已及四月若不及時修舉恐地廣人稀日久生變一有他虞反為不便除白田壩建府松坎建縣與湄潭等處凡係播州五十四里之地及真州一司俱聽四川分屬已經委官推宮高折枝同知張鰲知縣寇克順何珩分投往彼料理外所有黔省應委守巡叅備知府知縣等官勢不可緩合行移知為此合咨貴院煩將黃平餘慶等司應

平播全書

建郡邑速為委官及時董理共圖治化仍將選擇
文武職名并查草塘容山二司屬何縣治希由併示
以憑稽督施行

平播全書

卷六

卷九十九

平播全書卷之七終

平播全書卷之八

牌票目錄一

行總兵萬鏊移駐重慶

行貴州司道防首

調天全兵

約束官兵

防首報復

議官造軍器

設保甲

預行整備精兵聽調

諭楊首

行湖省防首

查隣播府州縣防禦事宜

買餉

檄萬總兵

行上東下南敘瀘三道防守

再諭楊首

防禦渝城

原缺第二葉

責安疆臣防守

緝孥奸細

行貴州思仁守巡隄防

查送楊可棟屍棺

行貴州布政司趁時糴米

行貴州沈總兵及思仁道防禦石汗

禁兵騷擾

行巡東南二道放糧規則

行三省禁硝黃鹽斤入補

發將兵守南川

責成永寧自衛

查南川江津餉

責成製造軍器

申嚴東南四道防備

行督餉道往重慶理餉

行川東守巡道備兵馬糧草

行按察司兼理監軍事務

行巡下南道督永寧兵

宣諭

行湖廣布政司料理兵糧

申飭道鎮防首

催湖北守道督餉

行總兵劉綎援合江

給投降長官

行守巡荆南道調施南兵

行總兵劉綎隄備重慶江津

計處軍餉

申飭道鎮加謹防禦

柄牌傳諭陝兵不許沿途騷擾

操演官兵

再委文職押兵

行湖廣操演官兵

調永順保靖兵

再催湖廣布政司備餉製器

獎勵安疆臣

申嚴保甲密查奸細

平播全書卷之八

牌票一

行總兵萬鰲移駐重慶

為督撫地方事本月拾貳日據兵巡上川東道三詳報准遊擊房嘉寵移稱播酋楊應龍公然狂逞親統大兵擾我碁江又以偏師分犯南川劫擄居民等因又據按察司報據重慶府碁江縣申稱楊應龍親自統兵數萬在於苗兒岡趕水割管要與房遊擊講話等因詳到本部院為照楊應龍親統大兵擾犯內地連據急報殊為可恨當今國家全盛之時豈容小醜縱橫若此所據總兵大將有鎮守全蜀之責合行防禦為此牌仰總兵萬鰲文到即便統領慣戰家丁移駐重慶一帶併川南地方督併原有官兵加謹防守度其事勢緩急相機而行應調軍兵一面徑自調取合用糧餉一面計筭的確移文布政司通詳動支本官到彼務須振揚威武設策隄防以保萬全毋得輕率寡謀為敵所誘致損軍威亦毋得晏然無備任其剽掠致傷民命此在本官審時相機施行毋得遲違未便

行貴州司道防酋

為督撫地方事本年六月拾肆日據防播遊擊房嘉寵報稱播酋楊應龍近日公然親統大兵入犯碁南談職擊獲苗夷袁志剛郭林貳名吐稱楊應龍於前月拾柒日照兵陸萬令伊子楊朝棟分兵貳萬要往貴州又分三路由松坎真州等處入犯碁江南川勢必死戰等因到本部院為照播酋楊應龍集兵四出復要擾犯內地明是窺我虛實故爾挑釁作歹今據報首已兵窺黔省未審果否入犯應合行查為此除牌仰總兵官童元鎮外牌仰談道司官吏即查播酋五六月內曾否兵犯談省有無殺擄搶掠據實查明回報如果談酋今尚屯兵彼中作何設法解散毋令軍兵聽其誘敵致損軍威亦毋晏然無備縱其擄掠致傷民命仍轉行思石等道及總兵官與參遊守備等官各將所轄信地督率原有防禦軍兵晝夜加謹隄備毋容時刻懈弛倘有緊急情形馬上差人馳報毋得遲違未便

調天全兵

為督撫地方事據布按二司會議呈奉本部院批據
總兵官萬整奏調防播乞要請調松潘陝兵參百參
拾陸名雅黎遊擊吳文傑部兵參百名天全土兵壹
千名邛州嘉定民兵各壹百名召募都蠻弄兵參千
名皆當依擬調取隨管分布等因到本部院除各處
前兵另行外所據天全土兵合行調發為此除差官
齎捧

令旗令牌前去天全徵發外牌仰建昌道官吏即行
天全正副土官將部下土兵挑選壹可當拾有馬滇
戰精兵壹千名該道查驗堪用即行點發就令該管
掌印土官統領刻期徑赴重慶聽該道同萬總兵分
布防守其行糧該道照依舊規每兵壹名日支銀壹
分伍釐馬壹匹日支草料銀壹分以彼處起程日期
為始到彼支月糧住止計程照日臨期扣算合於邛
州庫貯銀內動支差官解交統兵官給散如由水路
應用船隻該道即行備設各兵務要恪遵紀律經過
處所不許擾害居民如違照軍令處治仍具官兵姓
名文冊并起程日期報查毋違未便

約束官兵

為軍務事照得播酋公然親統多兵要犯內地應徵
調官兵前至重綦一帶防禦誠恐經過騷擾地方合
行示諭為此示仰領兵各官務要嚴束各兵恪遵紀
律行則魚貫止則林立九經過地方必須秋毫無犯
待事完之日從優犒賞敢有故違軍令生事擾害居
民者許被害人稟告管押官於旗牌下按法施行如
各官縱容不治許赴州縣告申本部院行等以軍法
從事決不輕饒特示

一軍兵強宿姦淫婦女者斬

一軍兵擅取民間一草一粟一雞一菜者斬

一兵行離亂部伍者斬

一住劄經行燒毀人房屋者斬

一強買物件恃眾打人生事騷擾者俱細打壹百

防首報復

為督撫地方事本月拾柒日據遊擊房嘉龍報稱播
酋父子劄兵於母渡三溪劫掠鄉民職同張良賢率
兵堵截回營有伏兵撞遇播兵百餘一處對敵斬獲

舊級參拾名顯生擒伍名等因到本部院除功
明另行給賞外看得校酋為計甚說今我兵雖獲前
紹彼必含嗔抱忿抑或陽為失利使我輕敵深入中
彼奸謀照省躁進可為殷鑒又恐彼乘我之虛長驅
入犯合就嚴行隄備為此牌仰兵巡上川東道官吏總兵萬整即便
轉行該邊秦南一帶將領軍兵黨中鄉勇盡宵併力
隄防把截不許時刻疎虞毋因小勝驕志為敵所誘
致損軍威亦無坐視侵犯致貽民害惟在相機動止
來則儘力撲滅去毋深入窮追如或故違三尺具在
先將申飭過遵守隄防緣由飛報查考毋違

議官造軍器

為督撫地方事照得播酋楊應龍邇來親統大兵擾
犯內地勢甚猖狂應合防禦所有軍前急需軍器火
器先據萬總兵詳報各數前來已批該司去後但查
應違不止所開之數如鎗刀火器別名甚夥應委廉
幹職官同前一併定期製造合行查議為此除已調
取守備劉天俸前來會同製造火器又行成都府屬
并五衛揀取匠役外牌仰布政司官吏即會巡西道

於成都等府佐貳中議委能幹一員會同劉天俸專
製軍前一應軍火器具仍備查應用某項器械可為
實用某項火器堪以禦敵各該若干大約用銀若干
於何項動支專付何官置簿收支發買何項材料計
期幾旬可以竣事或計幾日一送本部院閱驗一送
該司道稽覈務必堅利迅速堪以禦敵逐議通詳具
報以憑施行此係緊急待用毋得遲違未便

設保甲

為督撫地方事照得播酋楊應龍邇來猖狂大逞
昔既親統多兵入犯秦江擾害居民又差遣夷民
剽合地講要撤兵明在窺我虛實挑誘利害應合隄
防以保萬全但東南兩地隣播州縣岐路頗多難以
寸地設兵所有保甲自衛之法即平時無事尤須注
意力行刻今師旅煩興之際豈宜晏然自若亟應舉
行為此牌仰兵巡上東道官吏即行隣播一帶州縣
掌印巡撫官各將境內原有保甲每拾戶編為壹甲
置一大牌上書總督部院明文下列入戶姓名家口
若干何項生理又約幾甲編為壹黨亦設一牌總開

姓名各令備製弓矢鎗刀器械在城每舖在鄉野每村每堡各設一黨備大鑼一面立有力量者充為黨正甲長若遇首苗出沒或盜賊生發急為鳴鑼齊聲相應與同官兵併力撲驅獲有苗級報官一體給賞毋得聽其計誘深追致失事機亦無怯懦逗遛觀望尤不許無故深入播境生事啓釁罪各有歸捕盜官仍不時親詣鄉村查點各具編立過黨名各總計人戶若干數目先用花名文冊徑報本部院查考以甄印捕官風力若掌印官虛應故事不行編置止回空

文巡捕官或因而生事害人輕行騷擾定行拏問俱毋違違未便
 預行整備精兵聽調
 為督撫地方事照得播州土酋楊應龍近來狂悖異常侵犯日熾親統大兵屯劄綦江毋渡三溪擾害居民又遣頭目趙總營集兵於合江磨刀溪講要拆堡陰遣生苗恣行搶掠合當進剿查得該道所屬素有慣戰土漢雄兵合先預備聽用候差官
 令到或另文至日即發為此牌仰該道官吏即將後

開土漢兵數責令各土官逐一揀選年力技藝精強本甲器械堅利一可當十堪以衝鋒破敵者籍名在官者實操練停當檄文一至土官親自統領管押即日起程至重慶一帶聽令分布毋容以老弱不堪者充數廉餉查出罪之仍取各土官遵依不違并有無足數甘結該道具由粘繳查考此係文到即行刻期即至事理嚴令各兵各備腦包絮被鋒利器械束裝以待行糧聽給毋得違違未便

計開
 一調建武高珙等縣召募慣戰都蠻兵參千名
 預整聽文應調兵
 一調宜賓縣石圍兵肆百名
 一調馬湖蠻夷長官司土兵壹千名
 一調敘州馬湖降夷伍百名
 一調黃郎馬氏土兵壹千名
 一調永寧土婦下土兵伍千名又添貳千名共
 柒千名

右行欽馬瀘兵備道

一調永寧衛左後貳所桿子手叁百名

一調鎮雄府土兵壹千名

一調烏撒軍民府土兵壹千名

一調烏蒙軍民府土兵壹千名

右行巡下南道

一調建昌各衛應召募兵伍百名

右行建昌道

一調茂州土兵伍百名

右行威茂道

一調資陽縣募兵伍百名

一調資縣募兵伍百名

右行巡西道

一調安綿石泉壩底鄉勇并龍安土軍伍百名

又添伍百名共壹千名

右行安綿道

一調東鄉開縣弩手各叁百名

一調萬縣兵壹千名

一調雲陽縣南岸土兵伍百名

一調奉節縣南岸土兵伍百名

一調建始縣土兵伍百名

右行巡下東道

一調酉陽宣撫司土兵壹萬名

一調平峽長官司土兵叁千名

一調色梅長官司土兵壹千名

一調石碛宣撫司土兵伍百名

一調石碛司土同知土兵伍百名

右行巡上東道

共調兵貳萬名零

諭楊酋

為督撫地方事照得楊應龍向雖有進剿之

旨然部議猶今兩省巡按會勅此其人尚在生死之

間若其悔罪乞哀尚有可生之路今不知何故統領

多兵突犯內地意欲何為豈不知四海九州比之一

播孰大應龍之勢比之劉東陽平秀吉孰強豈天奪

之魄自取滅亡令傍觀者欲救之不得耶今幸兵未

深入若其速行欽退歸巢猶可圖全若更猖狂不已

則雖欲保全之不可得矣合先曉諭為此牌仰巡土東道即便差官速行曉諭以後彼有差人無得殺害兩國交兵不拒來使况彼原係土司乎聞彼以地界防兵為詞此只宜具文申請何事張皇乃爾自速天誅也該道併諭之差過官役諭過情由一面回報毋遲

行湖省防首

為督撫地方事節據防播恭遊等官報稱擊獲播苗吐稱楊苗近日集兵陸萬一犯川中一犯楚黔等因到本部院看得湖省衛所逼近播地岐路甚多曩者該苗遣目統兵入犯如履荒徑且債弁開門延寇大損國威今首復滋狂逞防禦宜厚目前諒省有無動靜情形防守將領未見一字申報深屬可虞應合行查為此牌仰湖廣布政司官吏即便移文彼中該道并將領衛所等官速查楊苗時下有無入犯地方有無失事防禦官兵有無足恃應否增添與夫設險扼隘等項事宜應調停者陸續詳報毋容坐視致夫事機倘彼中有大小緩急兵形即刻馬上差人飛報

仍行令各將領衛所等官每半月一次將各管地方有無寧謐結由馬上遞報如有違慢定以匿情解軍法治罪不貸該司先將行過緣由報查

查隣播府州縣防禦事宜

為督撫地方事照得播苗楊應龍既稱添兵攻城防守最宜慎密但恭江孤處雖有多兵固守尚為可虞隣近城池俱宜戒嚴應合行查為此牌仰分巡上川東道官吏即查近播府州縣要見某城即今防守兵有若干係某將統領守城民夫若干可否堪用城外曾否設有險壘城上火器火藥子矢鎗刀有無足用城內糧餉可食幾時不足之數曾否收買逆苗如此大逞各城作何防守作何偵探作何應援與一切固守事宜行令各該掌印正官會同將領一一查明登答該道欵類一詳三日內具報仍一面責令各印捕官將城外壕塹整務必深淘寬濶城上多備礮石銃彈之類該道選委的當官員將應備者嚴行料理毋得遲違未便

買餉

為督撫地方事照得防播官兵雲集應備糧餉必須
充盈除已行該司先後動銀伍萬發巡上東買米外
恐彼處地方多事之際收買難繼合再買運為此除
會 按院外牌仰四川布政司官吏即查西北濱江
一帶舟運方便或離大江不遠府州縣某處可買米
若干應用銀若干或於司庫動發或各州縣庫貯可
充軍餉銀內徑支赴今時下秋熟糴買并再查各見
貯在倉備賑穀各有若干作何碾米可計若干如何
設法製過絕其腐蛀黴氣或用篾兜縛盛陸續運至

平糶全書

卷六

十一

某處如何堆積應委何官前去董理仍將各處應預
備賑倉穀作何買還以充其數此係兵集糧隨立待
事理叮嚀各守令注意力辦完數徑報本部院查考
該司作速先詳具報毋遲

檄萬總兵

為督撫地方事本部院細詳揚首情狀首所最恨者
惟叅將房嘉寵所最憚者亦惟房嘉寵則所致死力
攻者必在碁江無疑若碁江有失人心已搖將來事
勢大有可慮今照總兵任專大帥奉有 專勅保守

城池乃第一義應專力決策嚴督兵將固守碁江速
移諒道多運稻米以資食費多設壕塹以阻進攻本
官宜移駐近便地方遙為聲援通令各將領一體遵
照本部院賞罰惟以城池之存亡論各城均屬要地
獨碁尤急軍法具在各宜慎思

行上東下南欽瀘三道防守

為軍務事據遊擊房嘉寵報稱楊首督兵逼近碁江
縣僅離伍里首必猖獗等因到本部院所有四面隣
封州縣城池地方俱在喫緊應合嚴行防守為此牌

平糶全書

卷六

十一

四

仰該道即便轉行合江瀘州江安江津南等州縣掌
印官嚴督應捕員役即便團練保甲修理器械城池
損壞者亟為補修糧餉缺乏者速為收買遠鄉人戶
各為設險近城人戶行令歸城如遇苗夷滋蔓小則
併力勦殺大則嬰城固守城門早閉晏開遇夜令人
巡警掌印官不時親查以戒不虞毋得因循虛應故
事如有疎虞軍法具在

再諭揚首

為督撫地方事照得楊應龍雖有近

首行勦然部議猶令兩省巡按行勘是 朝廷尚未
盡絕之也轉禍為福正在此時本部院入境意其必
囚首乞哀自求生路不知是何項姦人誘引令其無
故與兵隨處屯割甘心必犯內地豈其陰譴已重令
必欲併一線之路塞之而彼不自知耶即應調兵行
勦但恐 朝廷德意彼或未知業經曉諭去後未據
回報今幸兵未深入如盡撤回巢尚得瓦全若復狂
逞恐將來百口無能自文合再曉諭為此牌仰分巡
上川東道即便差官速行曉諭倘彼有不自之寬許
平橋金書
牌上之樓

令速行申辯毋再輕弄干戈自取
天誅談道速諭之差官諭過情由先行回報毋遲未
便

防禦渝城

為督撫地方事照得播酋勢甚猖狂已殘內地城池
防禦時不可疎談府城池雖稱天險查閱形勢西南
通遠南紀等門甚為卑矮且路遠省會亟應設險隄
備查得昔年蔡伯貫為亂各士夫舉監生員吏承有
力之家俱照地界責成探口晝夜防守今恐人心不

一法令不行彼此因循致悞軍機合發 令旗庶儆
愚頑為此除差人齎執前來外牌仰巡上東道官吏
即將府城守塚之人不拘士官生員吏承及有力之
家各出壯丁備鋒利器械弓弩磚石日夜在於城上
塚口加緊隄防掌印巡捕官時刻查點仍將重慶衛
見任指揮千百戶各編定一信地隄備如遇差占必
撥頂補至於通遠一帶緊地多用武官軍兵嚴加守
禦通將一切城守事宜盡圖粘貼責成員役人戶姓
名報查如有悞事避難及臨事不用命者談道即以
軍法從事其江津南川悉照此作速移文舉行毋忽
平橋金書
牌上之樓

行巡下南敘瀘兩道移駐

為緊急夷情事照得播酋深入內地攻劫搶掠已為
極慘合江一路乃酋平日屢犯目今擁眾大逞談縣
尤為喫緊雖有官兵防守必資談道與_兵道督率庶
保無虞合行責成為此除會 按院外牌仰_{巡下南道}
官吏即便移駐相應地方會議設策務將此路保守
無虞談道係 專勅地方本部院已於六月十七等
日不次申嚴防守至再至三矣慎勿避難觀望虛文

回塞 明例昭然誰其寬假仍將移駐地方并日期
飛報查考以後仍將彼中情形一日一報勿忽勿緩
行各分巡道募兵防守城池

為緊急軍情事據巡上東道報稱楊酋糾結苗兵深
入內地攻劫搶掠勢甚披猖等因到本部院恐此酋
率苗滋蔓別處為害不小亟應募兵防守為此牌仰
該道官吏即便火速行令各州縣將城垣矮薄處所
上緊星夜修理高固以防突攻仍動支庫銀隨其多
寡各募本處精壯勇兵協同原編操兵并居住人民
無論士夫均派協力萬分加謹晝夜防守城池地方
其各鄉人戶俱令設險近城人戶盡收入城仍查有
踪跡可疑之人俱驅逐遠去不許容留其應用錢糧
聽一面先動支用不必候呈允耽時悞事其省城起
至重慶一路州縣召兵防守尤為要緊不許延遲一
刻如視常怠緩者軍法具在定不輕貸各屬將募兵
姓名并修守城池緣由具報以憑查考

募勇兵

為督撫地方事近報播酋楊應龍統兵入犯內地聲

勢甚大所有鎮城應集勁兵團練以備緩急為此
會 按院外牌仰該道官吏即行後開州縣照數召
募精兵令各備器械一面在該州縣操練聽候另文
取赴本部院驗發領兵官團練施行其行糧等項就
於該州縣庫貯堪動銀內照例支給此係立等事理
毋得視為泛常如違官吏提究不貸

川西道屬

- 崇慶州參百名 溫江縣貳百名 仁壽縣貳百名
- 井研縣壹百名 郫縣貳百名 崇寧縣壹百名
- 灌縣貳百名 新繁縣壹百名 什邡縣壹百名
- 綿竹縣壹百名 漢州參百名 金堂縣壹百名
- 雙流縣壹百名 新都縣貳百名 安縣貳百名
- 德陽縣壹百名 羅江縣壹百名 新津縣貳百名
- 彭縣壹百名 以上共參千名

柄牌三諭楊酋

為督撫地方事本月貳拾玖日據兵巡上東道呈詳
備抄楊應龍申文內稱被房參將張遊擊無故加兵
殺擄又隱七姓僱奴殺絕投文入後又將差奏目記

許文志等屠殺不得已親自會話二官不分皂白出兵交戰并獲何邦卿等督感揭帖乞賜備達等因轉報本部院批播州係累朝爵土楊應龍亦素有功勞朝廷安忍一旦廢之以貴州報伊戕殺官兵不言勸則無以示四夷耳觀部覆猶欲兩省按院行勘此其為伊留意尚有餘恩伊乃公然狂逞何也意欲示威於人不免增罪於已誰為應龍畫此計者愚亦甚矣今日之事既云激於控訴無門若欲眾歸集靜聽處分尚可自解仰該道速宣諭之何邦卿等以何事潛匿曾經何衙門問斷伊男身屍見在何所查明另報即日批道轉諭去後誠恐傳宣不到又恐應龍愚昧聽奸唆撥不知部科觀首順逆兩途以定斷案德意合再傳諭為此牌仰巡上東道官吏即便差人速諭應龍禍福兩端孰為輕重俛思 朝廷三尺不可屢干即令各自收回夷苗各歸巢穴專聽兩省按院查勘完日會 題定奪如或痴迷貽禍不淺宜亟思之毋徒晚悔若果有難白急寃許據實徑申兩院處分以道仍將本部院今批情節一一回報施行

調取西南倉穀

為督撫地方事據巡上東道稟稱播事孔亟請將川西川南沿江一帶倉穀者行令用船順流至重慶接濟俟事完補運等因到部院看得重慶防兵應用糧餉所需甚迫各倉見貯穀石應合借運為此票仰四川布政司官吏即行巡西巡上南二道內所屬州縣倉儲穀每處若干該司查照循環酌量定數行文到日差人用船裝送重慶收貯軍中應用各將起解數目日時馳報如有遲違掌印官叅治承行吏書單後究罪施行

催買馬

為軍務事照得應買戰馬先據該司議價通詳分行各州縣收買及稱各馬到營之日每馬每日給銀貳分作草料工食等因具報部院已經久行作速完報去後止據雙流等縣申報買完其餘並無音耗事關軍機合行查催為此票仰四川布政司官吏即便查照原詳議定事理將各州縣承買馬匹剋期如數買完詳驗以便起發軍前應用毋得再遲未便

諭民收稿不必逃避

為督撫地方事近聞川東一帶民人因播苗入犯率多委棄已熟稻田不肯收斂只行逃避恐夷苗未必至而居民生計先失為此牌仰巡上東道官吏即便出示曉諭隣播一帶州縣軍民人等各將田禾收拾仍聽談道及所司差人偵探果有警息暫入城中不許張皇拋失家業致悞生理未便

行守巡道募兵查奸細

為督撫地方事先談本部院牌行各守巡兵備道轉行各屬州縣召募精兵赴各該衙門防守去後為照聽募兵士多係無籍之徒如東南近播一帶又有土民素與播苗交好乘此募兵攬入其中透漏消息應合嚴行查覈為此牌仰四川布政司官吏即便移行各守巡兵備道將原行召募兵役務要嚴加揀選取具黨甲隣佑結狀果係民家原與土夷素無交結者方許收充各有司印捕官亦須廉訪毋得誤收應役自取愆尤未便

責成道守南川江津

為緊急軍務事近據巡上東道并萬總兵各稟稱南

川士民聞播苗聲息或云縣民十去八九所存者惟縣中阜快或云士民空城逃去無一存者俯賜速催兵將前來等因到本部院查得陸月拾叁日據萬總兵詳請龍安叅將崇尚仁并原任都司范希正守備陳嗣昌張本在范張陳本部給與應付隨本官赴重慶與叅將崇尚仁遊擊吳文傑通已催取其漢土軍兵本部院無日不遣差官兵分投四出徑至各土司催調計此時到彼已多今南川江津既云警報應將先到者即發去救援防禦應合再行為此牌仰總兵即便速將先到土兵分投馳至南川江津等處防禦仍查五將官因何遲延不到有無避難情弊一面速令何將守南川何將守江津瀘州等處用何處兵星馳發去其附近川東土司與談道所屬土司一日一次差人前去守催至於一應隄防府城尤為緊要及隣播一帶事宜查照節次牌內事理參酌隨宜處置施行毋得違違未便

行巡下南道隄備

為緊急軍務事據遊擊楊敏政并合江縣申報播兵於柒月初貳日參更時分兵參路攻圍五畝堡領兵指揮王繼祖退出小寨堡勢甚迫切等因到本部院為照合江防播近奉

明旨專責巡下南道料理本部院調發馬湖宜賓等兵參千守瀘州又調水寧土兵柒千伍百守合江土司乃談道所轄未見催發到彼各兵行糧節經先行動給亦未見呈報支領今合江日日報警未見談道具報不知應援各兵曾否調到應合行查為此牌仰

平播全書

卷八

解老

敘瀘道官吏即便督行楊敏政及領兵官畢將地方居民城池萬分加意防守前項已調各兵再差人守催星馳前去策應客兵行糧募兵工食即日照例於抽兵工食內支倘不足於合江縣解司錢糧內支給完日造冊呈報毋得疎忽致誤軍機今本部院又發參將王夢吉帶兵伍百名又鎮遠營軍伍百名前來防守合江又周大謨帶兵伍百名赴瀘州防守先談敘瀘道呈詳至今曾否到州上緊催赴其應就便調發援兵聽談道隨宜遣發一面由報其瀘州素號富饒

饒首久垂涎談道駐劄在彼尤當加意防守無致疎虞未便

行合江防守

為軍務事據合江縣申報楊首發兵入犯五畝堡等因緣由到部院為照該縣防守除見在將兵外又調建武標兵六百名永寧土兵七千五百名一日一次差人守催去後計日可抵談縣惟是本官協同楊敏政獎率軍兵及原設鄉兵殺手併力隄防為此牌仰本官即便會同遊擊楊敏政督同見在官兵晝夜偵

平播全書

卷八

解老

探把截堅守城池各堡居民責令搬入城中毋得張皇失措急速差人守催建武永寧各兵星飛到合併力堵截各兵行糧就於該縣徵解司糧銀內照數支給一而且報談縣同楊敏政出示曉諭居民共守城垣毋得遠逃失所未便

調王夢吉兵救合江

為緊急軍務事七月初七日據合江縣申報播首楊應龍集領苗夷要犯合江十分緊急等因到本部院看得所報事勢緊迫應合發兵防禦為此牌仰參將

王黃吉即將隨帶赴省勇兵照依報到實數即日
統星馳前到合江城防守毋得遲延頃刻其行糧聽
布政司支給若本官兵到合江宜堅守城池毋得為
敵所誘相機防禦施行毋遲

查議湖貴兩省備禦事宜

為緊急軍務事近據兵巡上川東道并總兵官萬鏊
節報播首揚應龍親統多苗攻陷綦江縣治今又聲
言要犯重慶又欲偏師入犯湖廣貴州地方等因到
本部院為照該首詭詐百端為謀甚秘查業於六

平播全書

卷八

湖廣

月拾伍日牌行該司將濟播一帶比常加謹隄備併
查地方曾否兵犯有無殺擄搶掠又一行司催查
并議應否增添兵將防禦與設險陔隘每半月將緩
急情形馬上飛報又一次會令守巡各道將所屬土
司下土兵其處可調若干作何挑選調發作何責成
戰守又一次移咨撫院行司專官製造軍火器具集
兵整餉又一次令將該司與合屬倉庫錢糧備查堪
濟軍興實數俱當通詳去後迄今未見具報曾否遵
行即今首勢甚迫事同燃眉本部院遠在川省聲聞

甚遠所有該省比隣播首專司信地官兵無憑稽考
合應查明庶便責成為此牌仰布政司官吏即會按
都二司并隣播各道要見某州縣衛所最為緊要某
處次之緊隘者即今見屯兵馬若干應否增添係何
將領在彼駐劄屬之何道專管兼帶若首復蹈舊轍
突然入犯當在何處預集軍兵得免貽患逐一備細
造冊詳報仍將節次行查與諸凡細微開載未盡事
宜及首先集調土兵召募勁兵應動糧餉并趁時熟
預積儲糧與具報緩急情形照依原行逐起通詳以
憑施行今寇入門庭勢同呼吸該司與各司道注意
將應調兵馬應積糧餉上緊整辦以便防禦此係萬
分緊急軍情毋再遲違未便

行貴州貴寧各道防守興隆等處

為緊急軍務事照得防播事宜節經牌行湖廣
司移行貴寧等道查議防守將兵糧餉把截道播緩
急隘徑與夫製器具偵情形等項去後不次行催未
據呈報今本部院查得興隆清平平越新添龍里五
衛及黃平所龍泉司土溪清浪鎮遠偏橋等衛俱切

近播州地方亟宜添設將兵防守以保無虞為此牌仰該道官吏即查該省有何項緩地軍兵可以抽調或新召募將前項近播衛所土司每城設兵叁千遴選謀勇將官一員統率防守緊隘如無原設將官或量以閑將委用一遇有警併力堵截平時不宜輕動生釁其各官兵糧餉於何項銀內動支倘有不及作何區處至於隣近各府衛地方應否再設兵將以備應援逐一詳議妥確通詳以憑施行毋違

行荆南道調施州兵

為督撫地方事照得播酋狂逞為患參省所據湖廣偏橋一帶切隣播界亟應設兵割守以備緩急查得前總督部院邢曾行該道於施州各土司挑選土兵聽用今照播防孔棘應合揀調為此牌仰荆南道官吏即便行令住鎮施州同知及守備官范光遠新舊掌衛印官指揮周經唐一麒各照貳拾叁年定擬各土司兵數再查即今某土司兵甚驍勇比前應增調若干某土司兵力稍次應減若干詳加裒益公同挑選務足壹萬之數應用何人統領連令各土司點驗

齊備以待調用一面先將兵數冊報并查有何庫錢糧堪以動支各兵月行二糧及該省用兵糧餉係何則例逐一查議明悉作速通詳以憑施行毋得遲違

計開施州衛各土司兵

施南宣撫司土兵叁千名 容美宣撫司土兵貳千名
龍潭安撫司土兵伍百名 散毛宣撫司土兵壹千名
大旺安撫司土兵伍百名 忠峒安撫司土兵伍百名
忠孝安撫司土兵伍百名

行候代總兵沈尚文防守

為軍務事照得播酋犯寨之後日在積兵製器近日伊子楊朝棟遺書與酋謂貴州集兵已占白牙堂地方酋回要犯黔地又前此川東擒獲播夷九受審供首要侵犯貴州龍泉等處因見川防將兵畢集酋又垂涎貴州勢所必有該省提調將兵偵探把截責在總兵沈尚文本官負缺雖有童元鎮填補但未交代目前地方事務原是本官專責 明例具在合行申飭為此牌仰本官即便督行防播一帶將領衛所印捕把守大小等官獎率所部軍兵各將通播隘路萬

分加謹畫宵旰備懸購相應之人時勤速偵聲息遇
有苗兵出沒相機堵截如或遠遜且勿窮追一應練
兵製器掏壕挖塹但係戢守機宜俱要悉心料理仍
備詳本部以憑裁酌本官毋以一蹟自疎致悞軍情
重事倘有功地方本部院自有優錄如或疎虞責難
他諉速具遵奉緣由報查毋得遲違

催貴州議兵糧火器等項

為緊急軍務事照得黔省防播將兵糧餉等項久已
牌行該司查議去後又經數次行催未據詳報近查
播首為謀巨測要犯龍泉等處地方事勢孔亟防禦
不容少懈合再查催為此牌仰貴州布政司官吏查
照原行從長計議隣播地方要見某州縣衛所最為
緊隘原隸何道專管見屯兵馬若干原是何處將官
統領應否再添若干某處稍緩用何官兵把截平時
如何懸購偵探有警如何發兵應援精兵不足某處
驍勇可以召募若干應用錢糧動支何項脫有不敷
如何設法某處土司土兵可以調用若干某處謀勇
將官可以徵來任事其糧餉已買若干越此秋成應

再多羅應責何官管理應運何倉收貯務要妥為安
置毋致臨時缺乏至於軍中利用全在火器火藥等
項該司會同都司悉心計議應造若干上緊動支官
銀委官星夜買料製造不得遲延有悞軍機大事但
係戢守機宜俱當謀始成終與夫一應未盡事理各
司道別有奇謀良畫一併開款詳報此係緊急軍務
屢催未報事件勿得再遲未便

為永寧杜塞禍源

為緊急夷情事據總兵萬整呈據永寧參將吳文傑
呈報於月拾伍日播首亂創永寧地方後溪事勢緊
急請乞將兵應援等因到部院為照永寧土官素忠
于國乃播首猖狂整毒隣司第查土婦奢世統與
世續舊有夙恨世統已受贍金退住水西見在疆臣
處依牧誠恐世統乘機買求疆臣部落潛來助播劫
殺應合戒諭為此牌仰安疆臣即便恪守三尺毋得
陰助播兵自干法紀仍詳諭奢世統違奉斷案安分
住牧毋得妄意縱兵劫殺地方自取滅亡本官仍禁
戢部兵不許聽伊誘惑誤入叛黨均為不便

貴安疆臣防守

為督撫地方事照得播酋背負

皇恩披猖殊甚既改縣省官兵又攻川中縣治近又
聲言要侵犯貴州龍泉等處地方大逆無道凡為臣
子孰不痛憤查得貴州宣慰安疆臣與伊母鳳氏屢
効忠勤且天朝流錫爵土豐厚至極今值逆酋犯
順正其效忠宣力之時况川省酉陽石砫永寧天全
平茶色梅等土司各已發兵數千防守信地貴州一
方責任全在本官以為藩屏亟應整搦土兵加謹防
禦乃見輸誠為此牌仰本官即便督率所部官舍目
把土兵將貴州隣播一帶地方實心實力加意宵晝
防守毋容播州一苗入犯有犯即擒斬解送該省院
道轉報本部院定將有功目兵照格給賞本官從厚
優異如聽播酋惑亂狡計坐視殃民倘有損失即係
縱寇從前忠順付之烏有國法森嚴豈能假借速具
遵奉結由報查施行

緝拏奸細

為督撫地方事照得播酋陷城殺將罪惡多端近見

官兵防禦仍有奸細透漏聲息蓋緣內地官民利

金錢締交心腹在先日隨其往來有司莫知究詰近
日雖行禁戢仍在私通書信或用目把裝扮漢人出
外在於各衙門體探消息或買別土司下目把土民
或作投兵投文隨其出入無禁諸如此類不可枚舉
此皆播酋詭謀官司亟宜捕緝為此牌仰按察司官
吏即便移文守巡兵備等道通行有司衙門印捕等
官密查前項奸細或內地軍民交通書信或別土司
土人代伊打探或充入募兵之內俱要的確查訪如
果有據拏送該道府審明呈報有功官員另行優敘
如或故縱另於別衙門發覺定行拏拏究治決不輕
貸

行貴州恩仁守巡隄防

為督撫地方事本年八月初四日據分守恩仁道呈
據永靖把總呈報播酋同子楊朝棟於六月初旬統
兵叁路出綦江等處二十八日偽巡警七人各殺牛
剝諭設關造圍修路待酋四川回兵要犯偏橋恩石
府衛將軍民盡同上圍龍泉永靖指揮虜同生死存

巡警自知罪難容誅大家驚亂立意殺虜以作墊臂等情又據守備楊惟中呈報播酋四處割營將黃沙坎等處通衢挖斷小路閉塞夷目袁守剛點兵往馬頭山各備飯米要往真州夔川等處夷目趙士登統兵至穴塘坎要來掣人包哨等因到道呈報本部院看得該邊防守應用將兵糧草與夫偵探把隘製器設險等項牌行司道查議又經行催不帝再三迄今未報殊為可慮今據呈報前因查得該酋在川曾聲言要犯龍泉等處該道偵報亦有此息首雖說謫此言未必盡虛該邊隄防將兵最宜加謹守禦除行總兵官沈尚文防禦外為此牌仰思仁守巡道官吏即便嚴行都司管思石守備事楊惟中永靖把總指揮胡効忠及該邊防守大小等官各督率所部軍兵將隣播一帶地方無分晝宵萬分把截一應掏壕挖塹據險把隘積木累石等項但可以杆禦播苗衝突俱要悉心料理仍懸購相應之人遠偵聲息倘遇苗兵出沒務要相機堵遏該道仍查照原行將所轄近播緩急地方某處應用防兵若干此時見在軍兵若干

應再調募某處某兵若干用何謀勇將官統領火器火藥應製若干一一計議調停上緊詳報以憑施行此係緊急軍機如或遲違責有攸歸

查送楊可棟屍棺

為督撫地方事據巡上東道呈抄播酋楊應龍申談道公文內稱七月初七日蒙差官傳諭施天地好生之德優禮禮儀給賞次男棺柩回鄉收葬又蒙發奸奴何邦卿係已死之屍于春一名原係為從等情到部院查得何邦卿原在府監追賊未完人犯并未具報病故乃突然送屍恐有隱情于春併送是何原委而腆儀之說未審虛實又聞何邦卿原係縊死不知何故事干國體道應行查為此牌仰按察司官吏即查何邦卿因何縊死何故送與播酋于春一名與楊可棟屍棺何故一同送入所稱優禮禮儀是何儀物何人備辦逐一秉公查明據實參呈詳報以憑施行毋違

行貴州布政司趁時糴米

為軍務事照得播酋近雖稍靜但戎心無厭恐謀

測前又曾聲言要犯貴州龍泉等處在我防禦自宜
周密今地方設防分布將兵漸有次第惟本色糧餉
一節乃目前急用之需節行貴州布政司預計買備
及令製造器械火藥等項去後未見回報曾否酌行
今據該司揭稱庫貯堪動軍興銀兩數目不止萬計
與雲南應還川省解點銀兩俱堪動支應糴糧米亟
應乘時收買又查該省往規上納事例等項倘中間
如係折色或照川中近例可以暫改本色者亦應亟
行庶得濟用為此牌仰布政司官吏查照先今牌內
事理即將庫貯見存銀并雲南解還肉應動若干趨
今時熟通詳速委官員照依時估多買米穀製造如
法收貯近便倉廩如事例等銀應否隨宜改徵本色
俱聽酌處施行其應製軍火器具速照原行製造仍
將買過米穀製過軍器改納本色等項緣由先行查
報毋得遲緩未便

行貴州沈總兵及思仁道防禦石阡

為軍務事本年八月十三日據貴州布政司帶管分
守思仁道應左布政使呈據石阡府申報七月初八

日據龍泉坪長官司報稱本月初二三四日連據各
哨把總報稱播苗破劫石離門又於馬頭山點兵數
日但言伺候楊應龍令箭至日每兵草鞋一雙飯米
三升不知何幹看係地方事情合行申報等因看得
石阡孤城切近播境萬一逆首衝突無將無兵何以
防禦合行飛報緊急乞賜遣將隄防等因報道具呈
本部院據此除移咨撫院及牌行^{總督}分布官兵隄
防外看得播苗兵形詭詐東出西沒殊不可測督兵
隄防最宜加謹第查石阡係近播地方未見設有官
兵應合再行為此牌仰^{本官}即便行查石阡一帶
要路首否安置官兵如原未分布即速調取勁兵委
官統領把截其龍泉等處但是隣播地方務要不時
申飭所在將官整理部兵器具時刻隄備毋得因循
此是^{本官}專責脫或疎虞責有攸歸

禁兵騷擾

為督撫地方事照得調集東南二道防播漢土軍兵
往來經過地方或分布住劄處所統領鈐束自有官
目徵調之時本部院曾將軍令開款申明豈知復有

違玩不遵紀律者如近日劄守重慶陝兵張思興等
二人止因打搶人財即照軍法就彼斬首曾從數人
俱各網打已為明鑒目今仍有軍兵經過州縣或分
布任劄去處誠恐復蹈故轍合再示諭為此仰奉
調漢土兵知悉自後如遇途次經行止宿及分布住
守處所敢有故違後開軍令許被害人把連所在官
司就便擒解本部院以軍法從事其各處居民亦不
許乘此勒指不容求舉借宿違者併究不貸

一凡兵經行離亂部伍擅取民間一木一菜一芻

一難者斬

一求舉借宿或分佈處所輒取民財物姦淫婦

女及燒人房屋者斬

一搶奪擄掠但傷人者斬

一強買貨物恃眾誣誣生事擾擾及與軍民相爭

者俱網打壹百

行巡東二道放糧規則

為督撫地方事照得東南二道漢土軍兵鱗集數至
幾萬每月支給銀兩數亦萬計近據藩司詳稱往歲

大征集兵處所支給糧餉俱聽監軍督餉二道覈放

通候事完方併銷算彼時征剿番探兵糧軍集不過

數月竣事之計今見在防禦官兵分布四散所需歲

月既難底止而其中收除豈盡無虛在各該道覈放

諒有成算在本部院查考漫無可憑相應查議畫一

不惟逐處官軍一覽在目抑且日後銷算着有確實

為此牌仰該道官吏即將防播漢土軍兵每月應支

本折銀米置立循環文簿二本開列管收除在四大

總數中有新收者撤下要見某月日調到某處軍兵

若干於何日到伍收糧起若將官召收奉何衙門准

允曾否委官點過次列開除如有逃故亦要見糧於

何日截支次列實在仍逐處撤開分別見在某處防

守若干俱不必花名其支放每月不得過初四五日

其簿二本一樣每月倒換一次以憑查驗毋得遲違

未便

行三省禁硝磺鹽斤入播

為督撫地方事照得販賣硝磺入夷與越境興販鹽
斤俱有明禁近查得有等奸商利揚首金錢於隣

播一帶地方將前項犯禁之物違法賣與徒知罔利恬不畏法其間情弊更未易數或就中通報內地聲息或假此挾帶諸夷出入貽患地方殊可痛恨合行嚴禁為此牌仰三省邊播守巡道官吏即便嚴行隣播州縣衛所印巡及將領把守關堡等官嚴禁軍民人等不許擅將硝磺鹽斤賣與播夷引惹邊釁如有違禁仍前販賣許巡緝負役官兵據實擒拏到官審確依軍令斬首有功之人賞銀拾兩係官員仍行優敘若播人遠赴收買或托隣封土司代買僻地交送俱要嚴行禁戢追奪一體從重究治施行毋違

發將兵守南川

為緊急夷情事據守東道報稱據南川縣申報偵得婁國等點苗兵三千有餘俱備紅色腦包絮被鎗刀弩鏃等物要來侵害南川等情到道呈報本部院為照播首攻陷綦江之後南川江津人民望風逃竄業已不次牌行道鎮分布將兵前去二處防守隨據萬總兵議將梅遊擊帶行鎮遠營五百名東開萬雲奉建等縣鄉兵共三千一百名邑梅平茶各一千名俱

守南川續又具報要將前兵住守重慶仍以酉陽土兵六千發守南川今照酉陽續報八月十一日起行土兵四千有零將到重慶該司土官冉御龍素稱忠勇有志報効應合起發防守為此牌仰守巡上東道官吏即行遊擊梅鼎臣將酉陽續到土兵四千餘名責令宜撫冉御龍選差的當目把統領前往南川防守應用軍器火藥隨便帶行本官務殫心盡瘁時勤偵探倘有播賊出沒相機堵截毋得輕躁深入亦不許疎虞悞事文到即便起程勿得遲留有負委用未便其冉御龍原領兵二千仍令本官統領防守府城如本官自願督兵一同防守南川者亦從其便或前兵不足應再摘發續到別兵併力固守該鎮道便宜施行具起行到縣日期飛報查考

責成永寧自衛

為督撫地方事照得播酋背負皇恩自取誅夷允懷忠奮勇者孰不痛恨查得土官奢世績母媳屢効忠勤且天朝流錫爵土豐肥至極今值逆酋犯順正其効勤宣力之時况水西安疆

臣節報自願備集兵糧肩承保土安民修器設整隨處擔認今永寧一方責任全在耆氏若談司土兵前調出者係外鄉之兵尚有內鄉無數精兵隨在應合責成防禦為此牌仰永寧掌印土官即便督勵所部勁兵晝夜防禦如修整設險積糧練兵之類一一整備至於永寧衛與相聯一帶地方處處隄防時時偵探如或賊勢眾大來犯一面馳報以憑再發兵將應援若或故違軍令具在先具遵奉緣由飛報

查南川江津餉

平播全書 牌上卷十
為軍務事照得南川近告警息大有可虞雖經履行鎮道遣發健兵專委遊擊梅鼎臣前去防禦但未審彼中曾否集有糧餉足敷軍兵五千幾時食用及照分守川東道有特司糧糶之任且見在渝城料理亟應行查并酌定運法以免枵腹之慮為此牌仰守東道官吏即查南川即令發去漢土軍兵若干除折色聽巡道照舊規動支委官前去放散外要見該縣曾經貯有糧米若干可足防守軍兵幾時支用如或不足即今作何轉輸前去就責縣官監守出納務須兵

到餉隨并將江津縣見貯在倉糧餉實數即今應否併運逐一速查明悉上緊具報以憑施行毋得遲違未便

責成製造軍器

平播全書 牌上卷十
為軍務事據布政司呈奉本部院批據該司呈議估造防播軍前應用綿甲腦包絮被長柄烏銃三眼火雷等項各該價值銀兩於本司庫貯銀內動支分發成龍保順欽馬夔嘉眉印雅瀘一十二府州分投承造等因具詳部院批行外看得前項軍中器具關係目前急用分行督造委屬相應為此牌仰該道官吏即便轉行後開道屬衙門將布政司發到官銀買造坐波器具委官監製務要件件堪用倘有草率虛冒錢糧臨時不便禦敵經造官役一併重治仍鑄匠人名以憑稽查各器具俱限一月以裏通完解驗以便發赴軍中應用毋得遲違未便

計開綿甲每件用花四斤裏面色布三文三尺四寸裏紙二十張綿線三兩并匠人工食共銀五錢五釐腦包每頂用青布三尺七寸白布三尺三寸

綿花十二兩毡四塊耳搭一條綿線五錢青絲線

一錢五分價值并裁縫工食一錢六分三釐

一分造綿甲腦包衙門 俱照該司發來式樣

成都府二千副 龍安府三百副 行巡西道

保寧府一千副 順慶府一千副 行守北道

欽州府一千五百副 馬湖府一百副 行巡瀘道

夔州府一千副 行巡下東道 嘉定州八百副 行守南道

眉州五百副 行守南道 潼川州一千副 行守北道

邛州五百副 行巡南道 雅州三百副 行巡上南道

平播全書 卷八 附錄 附錄 附錄

一造絮被每件用藍布裏面并花共重五斤長五

尺五寸寬五尺價銀三錢四分

一分造衙門

隆昌縣五百件 富順縣五百件 以上行巡下南

榮昌縣五百件 行巡上東道

一長柄鳥銃一千五百桿每桿價銀七錢發欽州

府督同守備劉天俸率家丁製造 行發瀘道

又劉天俸前次領價回該府打造三眼鏡一千桿

每桿價銀四錢零八釐火雷一萬個每個價銀一

錢姑先造一千個聽該道府一併督催完報 併行發

申嚴東南四道隄備

為緊急地方事本年九月初二日據貴州思石兵巡

道呈思石守備楊惟中報稱首於地名高崖都上壩

修建營房二百餘間聚劄多兵楊應龍調取各巡警

赴州宰殺牛馬猪羊將綦江等來五司七姓本頭梟

示軟血同盟聲言要攻龍泉思石一帶地方勢甚危

急又報於八月初一日祭旗初三日發兵又報首差

三十六所巡警家丁上州又招九股生苗共兵十萬

平播全書 卷八 附錄 附錄 附錄

楊首親統黃平一路往龍泉思南又稱龍泉司治原

係播州故土必要占奪又據石阡府報等獲播州細

作馬良貴審稱頭目趙仕登差來看船比伊領兵隨

後到江楊酋分差伊親田相公領兵三萬欲攻思南

趙仕登領二萬欲攻龍泉楊朝棟領二萬出表家渡

攻葛彰石阡楊應龍領三萬出烏江亦往思石會合

有良貴乘楊奎等便船過江探聽適遇彭希舜等獲

等因轉報到本部院據此看得播首叛逆自知天網

難逃迺又親統多苗欲攻黔省各處兇心愈熾詭計

愈深條云要犯黃平思石條云也割猫兒岡詐出詐
入變幻不可方物今川南東一帶雖稱隨處分布將來

蜂擁並至皆不可知水陸圖防之策亟宜究心隄禦

合再叮嚀申嚴為此除行總兵萬釐外案仰布政司各守巡道

官吏即將轄屬地方會同總兵官多方計議倘首狂

肆如昔蟻聚而至水陸作何堵遏何處安置伏兵設

以火器如何夾攻何處應屯一枝明布排柵列成營

伍如何扼險到處偵探到處隄備目前首得屢

旨必加狂圖急宜詳慎以期鞏固限文到四日內備

平播全書 卷八 牌五甲五

將設備過事宜逐款詳報以憑施行毋違

行督餉道往重慶理餉

為軍務事先據布政司呈奉本部院批據督餉道呈

議軍餉各款由詳已行該司覆議通詳到部院除允

行外為照防守將兵業已畢集今南川涪彭江津等

處見在渝城分兵前去所需日食糧餉勢必該道親

理為此牌仰該道官吏即便親詣重慶將買運糧餉

上緊催督照依原擬如兵行南川餉亦發隨但須以

兵臨食足不致枵腹仍督同各該文武等官將收囤

之處如法整理其糧米且運赴相應地方以待臨時
起發一切事宜該道隨宜料理回報務期到處有餉
戰守不致缺乏間有應詳者具詳應徑行者徑行先
將起程日期報查毋得遲違

行川東守巡道備兵馬糧草

為軍務事案查先該本部院牌行分守川北道查議

陝兵入境合用行糧馬匹草料事宜詳報批行按察

司覆議到本部院又另牌行驛傳道併議前來俱經

批行去後為照浙省兵馬數五六十千之上并河南二

平播全書 卷八 牌五甲六

千目前可到惟應用入境行糧并隨行馬匹草料與

將領等官乘用馬匹廩糧等項亟應預備為此牌仰

該道官吏照牌事理將浙兵并河南毛胡蘆等兵自

巫山入境至重慶經過一帶驛站合用行糧草料等

項照依單開款目以浙兵六千名河南二千名廣兵

三千名各計算逐一斟酌安置停妥上緊詳報以憑

施行毋得遲違未便

計開

一浙兵以六千名計算河南兵以二千名廣兵三

千名計并南特應用廩糧行糧馬匹草料等項
 一自巫山高唐驛起至重慶府止計若干站每站
 每站銀三分內支米一升五合折銀七釐五毫柴
 三斤折銀七毫共折銀八釐一毫仍該補給銀二
 分一釐九毫其馬約算幾千匹每匹每站支銀二
 分內支黃豆二升折銀八釐粟穀一升折銀二釐
 五毫草一束折銀二釐加煮豆柴一斤折銀二毫
 共折銀一分二釐七毫仍該補銀七釐三毫俱于
 入境之時委官府佐一員某人總理其食米馬料
 黃豆粟穀分作三次支給其燒柴馬草安置沿途
 歇宿驛站市鎮入戶聽委官驗兵驗馬支給如願
 領折色者即與支給
 一總管府佐一員某管五站或六站
 一分管知縣或府縣首領三員管米燒柴馬草
 一統兵將領及職官自有原來應付符驗廩糧夫
 馬外查得本省見行則例參遊中火下馬飯各三
 錢各邊守備中火下馬飯各二錢今統兵參遊都
 司留守守備體統漸隆下馬飯中火亦當酌議應

除行糧銀各照先年征剿議允規則於境上總委
 府佐官處計站數若干總支折色封送其經過各
 驛若令自備飯食似有不便其參遊都司職銜蚤
 膳中火宿食每次以一錢五分留守守備職銜一
 錢至把總千百總以下人數太多驛傳不給已有
 原派行糧不必再備飯食聽其隨便食用以上俱
 不許再索廩給口糧下程如有違者許總管官指
 名申報另處其官兵等原來馬匹間有倒損者委
 官查驗是實給以執照逐站撥馬遞送
 一原定協濟馬匹專為有應付員役而設如原無
 馬者又無應付例不與外應令總委官判刻小票
 用以私記關防仍於掛號境上查點給發一人支
 給一張逐站討撥遞送各官兵行糧既於境上支
 給不得重冒驛遞廩糧若無委官執照印票俱不
 准恃強混騎馬匹如有違法送統領官以軍法處
 治
 一安置燒柴馬草以便造飯止宿令各委官逐一
 查驗各軍民房屋量其大小先行安置燒柴鍋灶

每一家或二十名或三十名令其造飯歇宿不許
逃避仍令各總管官俱先將各該管驛站處寺觀
公館民房預行派定某寺觀容兵若干公館容兵
若干某民房容兵若干俱大書號帖於門就令各
站給散糧米併押運官兵到彼與同統兵官將各
兵儘其寺觀公館照數點入安歇如容止不盡之
兵方許點割民房敢有恃衆逞強不聽查點約束
爭入官房民舍占宿并短價強買民間一米一菜
淫污婦女擾害居民者或該管查出或被害之人
及同伴舉首得實量其事情輕重許管押官公同
原來統兵官照依軍法處治各店戶故意刁難抑
勒高價及先行逃避者許管押官開名送該管衙
門查究招詳該道發落至於渡口預備船隻除有
浮橋處所移行該道轉行各州縣作速整理安搭
如無浮橋地方即責之該管官多備船筏每處約
用二十隻擺設渡口專在伺候不許遠離每日量
給工食銀三分兵盡即止若船隻一時難備勘其
水勢淺緩可以安搭浮橋者尤為安便

一支給升斗將布政司發斛斗行令照式置
樣幾張印發各委管支放事完銷算
一陝兵自省城起至重慶止一帶或水或陸會同
驛傳道照原行另議詳報
行按察司兼理監軍事務
為軍務事查得前接部報兵部題奉
欽依川中添設監軍道二員料理一應事務除行該
司差人守催及將一道先行守束道來副使帶攝外
為照省會時下應行事宜如預備兵糧修製戎器操
練軍馬稽覈包冒兼之陝浙等省調到官兵鱗集甚
衆諸凡布置必須再得一道帶管庶有責成在驛傳
道應令肩理但該道有六道事務已屬繁冗又帶巡
西刑名更多查得按察總司堂務頗簡相應委代為
此牌仰該司官吏即將監軍道事務暫行帶管聽本
部院有行兵糧戎器等事一一料理俟監軍至日徑
自交代施行先具接管遵行緣由報查毋得遲違
行巡下南道督水寧兵
為軍務事據永寧宣撫司報稱播賊割兵二十七營

要來攻剗本撫地方是實等因又據巡下南道報稱播日趙提調領苗兵住劄羅之渡要出內地又稱見屯苗於花毛田坎路造船製器要與永寧土司仇殺本道覆查前報永敵殺播夷情形果實等因案查先據談道并將領各報永寧土兵把截播路與賊對壘斬獲首級奪獲器具收回擄去人口且稱落水陸岩不計其數已經批行獎賞及查驗功級詳報另行陞賞去後今據前因看係播賊憤兵思逞志在報復恐談土司戰守不力致有疎虞合行專官督戰為此

平播全書

卷下

牌二十五十一

牌仰談道官吏即便選差智勇官員前去嚴督談土司官把目精兵人等各牢守隘口如遇播賊入境儘力剿殺有功人負談道稽查明白不時詳報以聽獎賞仍候類 奏陞賞其談土司原撥守納谿土兵一千名并敘南先發守江津兵內再撥二千及鎮雄等兵速催前赴永寧聽談道并吳文傑分布併力防禦堵遏用保無虞毋得遲違未便

宣諭

為軍務事照得楊應龍殘害播民與兵造反 朝廷

發天下兵馬五十萬前來征剿原只誅他一人為民報讐誠恐播州之人不知趨避又且為彼哄誘拒敵官兵以致大兵所至玉石不分是 朝廷救民之仁反成害民之事今將 朝廷德意一一宣諭明白凡播州大小之人各宜尋思趨避禍福無常惟人所召臨岐不斷後悔何追各宜深思須至諭者

計開

一諭楊應龍你是一箇土司官自你祖宗來為一朝廷臣子二百餘年但凡你家獻木從征有些小功勞 朝廷便有大陞大賞何曾虧負了你只為你滅絕天理傷殘民命瀆亂綱常被人奏了 朝廷方纔提問你又不出發兵掣你你哄進白石口反殺了官兵二三千這一時已是你反了只為東西用兵沒工夫征你所以曲赦你罪把你撫了你只道 朝廷怕你越發無禮今年飛練殺了貴州官兵萬餘茶江攻了城池殺了將官殺虜百姓數萬這明明是你造反豈有再赦之理今 朝廷發天下兵馬五十餘萬一總督二巡撫五總兵六監軍

平播全書

卷下

牌二十五十一

專來剿你你就有翅也飛不去你一箇土官殺了
數十萬人就萬副凌遲也是不虧只可惜你的祖
宗絕了香火你的妻了斷了根苗你若自知罪大
惡極天地不容或自盡以謝 朝廷或單身自縛
軍前請罪或將大頭目及主謀領兵之人多斬縛
些獻出任從 朝廷處治那時節就是你已犯了
天條一身免不得死你的妻子還留得在爵土雖
難保全墳墓還不發掘你到九泉之下也還見得
你的祖宗你若再不悟可惜你的性命妻子與別
人換了功名富貴我說的是不是你再思之
一論田氏楊朝棟母子從古說大義滅親蓋世間
只有 朝廷為大人若得罪 朝廷雖其骨肉至
親能除了他也是忠臣孝子所謂亂臣賊子人人
得而誅之者也今楊應龍反了 朝廷罪在不赦
你做他妻子的當上思 朝廷法度為尊下思祖
宗香火為重將他殺了獻出軍前我已頒行
題過賞格免你死罪得奉你祖宗香火這是與
朝廷為忠臣與你祖宗為孝子豈不流芳於百世

不然大軍一至你們與他同死犛茅也不留一箇
萬世說你們是賊妻賊子豈不哀我我說的是不
是你試思之
一論楊瑞龍楊兆龍楊祥龍等並楊氏一族之人
你家祖宗與你立下基業是千年不毀的今楊應
龍造反致的大兵進剿莫說天兵所至玉石不分
就是你內司外司人連年被他殘害恨你一家人
入骨那時誰肯留你你們得他甚麼便宜與他同
死豈不哀我你們若及早下手把他殺了或挈住
獻出賞格上開得明白就著你們世為土官常享
富貴你們父祖九泉之下也喜歡你們我說的是
不是你等試思之
一論田一鵬田良玉田種玉等你們是楊應龍至
親常時與他用事誰人不知今應龍已罪在不赦
朝廷大兵進剿你們一家人都是與他同死有甚
好處你們若及早將他謀死或縛獻出定照賞
格你們就做他的宣慰使就享他的富貴豈不勝
似合族之人為他受死叫人輩輩說是反賊的親

戚我說的是不是你等試思之

一論何漢良李旭張玉揚北麟楊明楊珠孫時泰

黃明敬何廷玉馬忠傳一元袁子童陳太何世才

等今楊應龍得罪 朝廷發兵征剿只是殺他一

人以正其罪你們平日雖是為他謀事領兵原是

在他手下出乎不得已今賞格內明許將功贖罪

你們若將他殺了獻出首級決照賞格將你們就

做宣慰享他的富貴以前就有天大的罪惡也都

赦了今他定然哄你說你們與他同惡相濟既剿

他定不饒你不知道首從不同途功罪可相準且說

與你們眼前的事今松潘副總兵周國柱原名是

筆寫氣當初被劉東陽造反將他用營中他明

知 朝廷恩不可負只是一時無奈且跟從他却

暗與官兵相約大兵一進時他在劉東陽身邊將

東陽一刀殺了開了城門獻了首級督撫報知

朝廷當日加他都指揮使轉遊擊將軍今管副總

兵事不日就做總兵見領陝西三邊勁兵三萬來

剿應龍何等正大光明真是忠臣義士你們今日

殺了應龍只周國柱便是樣子我說的是不是

等試思之

一論十三姓苗夷仲家苗黑苗犵獠苗木老子姜

苗花苗萊家苗九股苗你們原是貴州銅仁鎮遠

等處良民楊應龍當初招你們來只說叫你們替

他當兵與 朝廷出力報効或與各土司讐殺原

不曾與你們相約同反 朝廷不想他誑得你們

來假以人家地土與你們種着人家妻子與你們

守着初時只哄你們替他做賊後來遂哄你們同

他造反不知 朝廷可是好惹的反賊可是該做

的今 朝廷怒了發天下兵馬五十萬來剿他你

們如何反得過 朝廷那時大兵一至連你們都

殺了有甚好處且如官兵替 朝廷殺賊勝了的

大陸大賞榮華富貴敗了的墓頂封官子孫世襲

你們替他出力勝了賞甚官爵敗了有甚恩典你

們種的地土是人家的白占人田地天也不容你

們守的妻女是人家的他到底不與你一心得手

時還暗算了你我今指與你們一條明路你們若

有本事殺了楊應龍或是他妻子獻了首級就照賞格叫你們做他的宣慰使象他的富貴若殺了他大頭目獻出也得做官你們若無本事殺了他不如急早回家各安生理我有招降官斷不害你返給與盤纏執照永為良民豈不勝似替反賊當兵子孫也落箇賊名俗語說得好晴乾不肯去只待雨淋頭他家的墳裏鬼哭祖宗也怕了你們如何不回心聞說他與你們刻血說誓這是哄你們的反了 朝廷天地不容鬼神不祐刻血何用他又必定哄你們說當時攻了綦江是你們今朝廷斷不饒你不知蛇無頭而不行造反的原是他一人今 朝廷只殺他一人莫被他哄到底做鬼也不伶俐我說的是不是你苗夷試思之一論五十四里八十八局八路十二庄十三親管五司七姓內司外司頭目提調坐寨人等婁國張讓鹿罕羅剛穆焯毋柱王繼先袁年鄭葵駱朝賓趙仕登朱敬張漢清等楊應龍節年殘害播州人民一語之錯便至斬首一事之忤便至傾家也不

知殺死多少好人淫污多少婦女先年秦民訐告也是出乎無奈他又不知自反 朝廷饒得他他還饒不得百姓把你播州祖代生養良民墳墓掘了灰骨揚了子孫殺了妻女污了地土賞了苗子妻女配與別人死者無葬身之地生者無還家之期何邦卿在重慶監裏還要出來將肉喂狗將頭吃酒撫按奏了 朝廷也怒將道府官提問了這都是替你播州百姓做主替你播州百姓祖宗伸冤你播州百姓也是人生父母養的如何無一些人心反替他出力與 朝廷做對頭抗拒天兵你們只見他眼前無奈著一兩句好話哄你們說他再不害你不知今番若再饒了他他得了活命依舊和你們算帳舊性兒不久發了家家還出等實人人還納絲銀但有違犯照舊殺戮你們的妻子還是苗子的你們的性命還是他的世間獸也獸不過你播州人你們何不將他殺了就得做他的播州宣慰使不然早投出來替 朝廷出力報本大小也討得箇官做他如今將你妻子監在養馬

城養難城這是甚麼道理 朝廷用人封妻廢子
應龍使人質子當妻你們妻子在裏面憑他與手
下人姦污有甚清白有甚割捨不得你們幹了好
事得了官爵做了良民怕沒妻子 朝廷為你們
做主你們自家返做不得主豈不可憐豈不可笑
我說的是不是你們試思之

一論四方流寓播州商民你們先年近日流寓播
州或因經商或因避罪或因傭工或因被掠或因
遊學原是良民豈是從他做賊不想楊應龍日日

平

吳

解

殺人朝朝弄兵你們受了多少殘害耽了多少驚
恐今日他反了 朝廷做了賊了又掣你們替他
充兵上陣贏了時他延旦夕之命輸了時你們永
作他鄉刀頭之鬼你家父母妻子親戚知也不知
又有一等小人攻發出來說你是從反之人從古
道得好一人造反九族皆誅那時有司推勘明白
把你九族誅了你也不知今幸大兵未進你們何
不急急走出我自招降官定不殺害且給盤纏
路引放你回家見了父母妻子六人親戚哭一場

笑一場死也死在你家裏豈不是好再不然你們
結黨成群把他殺了或將他妻子頭目殺了出來
獻功定照賞格陞賞你們若殺了他的還做宜慰
天大富貴只在眼前為福為禍在你自取我說的
是不是你們試思之

行湖廣布政司料理兵糧

為軍務事照得播賊楊應龍大逆不道自取誅夷屢
奉 明旨合兵進剿案查湖廣地方有偏橋鎮遠清
浪平溪等處相連播界節據呈報賊要衝突已經具

平

吳

解

題備移楚省撫院及徑行司道將揚州鎮江等處及
彼中漢土官兵共調集四五萬分布隣播關隘一面
買備半年糧餉隨運適中地方并委官打造衣甲器
具籌畫戰守機宜去後又經行催不啻數次若謂錢
糧不繼已將部議解蜀銀一十六萬兩有零盡留彼
中聽用且該省通屬庫貯銀米亦可正支備辦即今
川貴兩省兵齊糧足不日相機興師楚中絕無音耗
萬分可虞合再行催料理庶便一齊舉事為此除行
各該道外牌仰該司官吏即便查照節次奉有牌案

會同按都二司將應調集兵馬如楊州鎮江等兵已
經題 請者徑呈撫院請發咨文勘合差官前去守
催如原調該省所屬土司兵馬已到者一面分布未
到者一面嚴催應備本折糧餉即本部院前留該省
銀兩如果不敷無論司府州縣庫貯堪動正項糧銀
即行支買糧米或解給行坐二糧并應造軍火器具
俱一一如數備辦聽候約期行事倘或一事遲違牽
滯兩省數萬甲兵脫有疎失誰任其咎仍將調到某
處兵馬若干見在何處防守買過糧米若干見運何
處收貯并製造盔甲鎗刀火藥銃炮各若干實在數
目先行具報仍移文各司道將責成監軍督餉催兵
事宜一體遵照施行毋得遲緩未便

申飭道鎮防商

為軍務事近據守巡川東道報稱楊首差人出外院
道授文明係探聽內地聲息又據合江遊擊楊敏政
報稱播首差委夷目前來仁懷等里要鮮明衣
甲軍器戰馬聽候該首親臨調用各等因到部院看
得該賊連旬以來默靜以待惟在窺我內地少有一

毫懈弛湧驟突出志在不小即今該道轄屬地方雖
有調到漢土軍兵切慮防守疎虞合再戒嚴為此牌
仰守巡上東道 兵巡下南道 總兵萬營即便傳令川南一帶各
該將領及土司領兵官舍目把督率所部軍兵晝夜
加謹隄備仍不時差人偵探該賊情形如遇突出相
機併力堵截如彼詭計誘敵不可窮追務在緩急得
宜進止鄭重固不可容賊狂逞亦不得張皇失事此
在該道將不時戒備用保無虞毋得違慢未便

催湖北守道督餉

為緊急軍務事照得播首叛逆奉
旨征討楚屬偏橋等處均應進兵該省約用精兵四
萬先該本部院具 題移文院司各道一面調取及
支官銀買備半年餉米備用去後今照川貴兵集不
日相機行事不知楚中糧糶起運若干誠恐遲緩應
合再行查催為此牌仰該道官吏查照先今牌行事
理將該省四五萬官兵足用半年糧米會行布政司
委官分投運赴兵屯隣近地方收貯聽候接濟倘不
敷用移文該司再動四川留楚餉銀分發便道州縣

嚴限買運談道移駐辰沅一帶督催不得遠憑檄文致悞催備仍分委才能職官晝夜監督其米麩乾糧亦須剋期備辦奉委承理各官如或因循怠事著實懲治間有奉公勤慎趨事先竣談道揭報以憑優處施行此係即日與師軍機緊急事理毋得再遲未便

行總兵劉綎援合江

為緊急軍務事本月十八日據兵巡下川南道報稱播賊點兵數萬親統要由高洞赤水直抵合江乞發火器多兵應援等因又據塘報官岳鳳鳴報稱十五日五畝堡千戶吳承祖報稱曹副總兵吳都司差舍人史文富等稱播兵大約叁萬由木廣高洞等處攻打合江等因各報到本部院為照合江為川南要地全省水路咽喉今播賊統兵謀犯情形已露雖彼處有兵但寡衆不敵必須應援庶保無事為此牌仰本官即揀有能將官一員帶領勁兵一枝不拘幾千各携原有器具多發慣用火器軍兵無分星夜馳赴合江會同曹希彬吳從周多方設策隄備堅守城池不可為賊所誘墮彼奸謀如賊逼臨相機行事至於掄

壕挖塹設險埋伏查照節行再加整備先將發過將兵數日起程日期具報其重慶江津瀘納永寧等處尤須一體申飭萬分隄防恐賊聲東擊西少有疎忽責難他諉毋得遲違未便

給投降長官袁年王繼先

為督撫地方事據播州土司亦水里長官袁年呈稱先祖世傳忠孝止因二十二年故父袁子升奉調出兵進播不意奉撫父升於次年歸華二十五年內被播捉去苦死近年添設兵將年思本里接壤內地素沐王化父因應調寬死無辜年能自新恪守紀律豈容累累已申合江及楊遊擊處立約自後播州聲息年即抄報今本里遭毒倒懸莫解居民驚惶如坐湯火每欲督衆投奔有司保全殘喘恐為縣棍阻害赴愬無門伏望招順賜照身仰年操練談下土兵在彼造冊呈報聽令遵行等因又據仁懷里長官王繼先呈稱連年被播讎懷將親袁子升擒奪非命播惡自犯天討誠恐一舉難辦乞賜給文付下操練聽候大兵至日出力報効等情各具訴到部院案查

節據巡下南道并遊擊楊敏政各申呈夷目袁年玉
繼先二人率領所部土人妻小乞要投順安插等因
前來俱經批行審詢來歷果否出自真誠一面密行
查訪去後未報今據各目差人具訴乞要賜牌照身
一節相應俯從為此牌仰本目即便在彼操練兵士
造冊送報聽令征進若二目能令夷目土人擒斬立
功事理密圖應龍父子首級來獻定照

欽依陞賞事例世為播州宣慰仍賞銀壹萬兩如違
二司自取誅戮該目先將播地險要一切機宜密報
本部院以憑施行

行守巡荆南道調施南兵

為緊急軍務事照得施南容美等土兵已經牌行該
道轉行荊州府支給行糧起發赴楚偏橋分布去後
近查各該土司相距偏橋道路遙遠不便馳赴相應
改徵入川為此牌仰該道官吏即將原調施南容美
散毛等七土司行令各該土官查照前牌兵數各挑
選齊備責令就便入川徑赴涪州聽候分布其行糧
照依川中各土兵事例每名日支銀一分五釐以奉

地起至涪州止計筭已行夔州府照日動支差官徑
解各該土司如銀到彼該道差官一二員前來會同
蜀省差官前去面交各土司土官收領放散至於安
家一項原無開載明白曉諭遵守文到該道即令各
兵兼程前赴涪州不許遲延其偏橋兵馬聽該道通
詳屢次所行事理於附近土司上緊調發施行毋得
遲違

行總兵劉綎隄備重慶江津

為緊急軍務事照得播賊聲言要犯合江屢經牌行
本官應援去後彼中隄備固宜萬分加謹但逆賊為
謀甚狡恐係聲東擊西之計或撤我官兵相向合江
而自出重慶江津之間與本官決戰亦未可知所有
重慶江津一帶尤須查照節行萬分隄備為此牌仰
本官即將重慶江津南川等處各信地萬分加謹防
守一面熟思奇正相機處置如遇賊來多方設策併
力戰拒務使渠魁投首片甲不還仍須處處偵探用
保萬全先將戰守機宜密報部院以憑施行毋得遲
違未便

計處軍餉

為軍務事照得征播官兵本色糧餉節經本部院督
 行布政司議詳一起支銀三萬兩發西南北買米六
 萬石分解東南一起又支三萬兩發巡上東買穀十
 二萬石二起議將重慶所屬州縣秋糧改徵火米一
 十三萬四千八百七石五斗一起支西南濱江州縣
 倉穀二萬石一起支川東道屬州縣倉穀五萬二千
 九百有零解該府一起支銀一萬兩買米二萬石貯
 省各備支以上共計談米三十一萬石有零然當時
 以兵六七萬名計之足半年之食談備餉米一十萬
 八千今漸次添餉亦漸次添兵自七月以來東南冗
 食暨本省外省兵馬約有十萬即日兵齊進攻兩地
 多岐分運恐將來不敷支用臨時難免庚癸之呼應
 合再行計議為此牌仰四川布政司官吏會同監軍
 道從長查議見在東南本色糧餉實有若干可支官
 兵若干幾時支用倘或將來難繼應再買備若干務
 須有餘毋使不足如應買運酌定數自上緊呈詳請
 發官銀責成相應州縣耀買伺候以待起運再照泰

江即日應發將兵前去分布戰守合用糧餉亟應籌
 畫酌定如何起運應用何處人夫作何轉運沿途用
 何官兵防護到縣用何職官監收至於永寧一路亦
 進兵所必經者涪州武隆彭水等處目下調取施州
 衛土兵防守糧餉及轉運事宜均宜預計一面料理
 一面另詳呈報以憑施行毋得遲違

申飭道鎮加謹防禦

為緊急軍務事本月初二日據總兵劉統塘報防禦南
 川遊擊王之翰差人偵探播賊有真州民張廷瑞墨
 帖飛報楊應龍統兵出關數多不知何往又據縣民
 楊巨賓楊坤探得楊首點兵三萬令各備乾糧七日
 竹筴三根又據兵快吳正東楊傑報稱楊酋委於十
 九日發兵數萬備乾糧七日又在土坪寧溪取牛五
 十隻賞軍又差頭目帶人五十在黃桑壩起軍有真
 州百姓携男帶女搬出南川各處去訖除職發石砭
 司兵五千前去南川協守合行飛報等因到本部院
 為照播賊連旬以來不露清形詭謀端在不小據報
 點兵數萬各備乾糧竹筴一節度賊惡狀勢必東犯

南川衝突武涪一帶南出合江蹂躪敘瀘之間抑或

知我大帥已至率苗儘力向渝決戰皆未可知今南

合兩處為全省門戶喫緊要地均應多方隄備合再

申嚴為此牌仰本道官吏即將該屬東南一帶但隣

播處所比常萬分隄備嚴責各該官兵晝夜遠偵一

遇警報即催總兵官星馳督兵前去相機應援仍令

隨處官兵毋容時刻懈弛各不離甲冑枕戈以禦不

許遠離城廓輕與交敵暫且固守城池以保萬全至

於南川合江江津尤須多發勁兵多揀慣使火器人

平播全書 卷八 宋牌之卒九

役前去毋得違悞責有攸歸若有緩急情形不時馬

上飛報

柄牌傳諭陝兵不許沿途騷擾

為軍務事照得陝西甘肅延綏各鎮官兵奉

命入川征播各兵行止宿食自有將官千把總統領

應當遵照本部院節行軍令沿途秋毫無犯近據漢

中府申稱固原征播兵馬已過將官千把總家丁人

等或遷延數日索取折乾或細打召募橫騙無忌或

沿途宿娼縱兵搶奪各驛官民驚畏馬夫皆為逃散

除批行按察司嚴究正法外誠恐後到官兵仍前恣

肆不無拘雅法網合再禁諭為此牌仰陝西甘肅延

綏各鎮領兵等官查照本部院節行牌令事理將所

部兵馬嚴加約束若再如前縱兵騷擾搶奪財食綁

打夫牌等項事情查訪得實先將該管官員無論大

小俱照軍令從事為惡軍兵重則梟首輕則割耳網

打決不食言再行傳諭毋得故違特示

操演官兵

為軍務事照得近日調到本省外省漢土官兵鱗集

於東南兩路為數甚多雖各有所長馬步戰法帶有

隨身平昔慣使技藝但未知操練何似即今興師計

在目前合行演熟為此牌仰巡下東道監軍道官吏

即便行令統兵將官土官各將原領所部兵馬整齊帶

逐日預將交戰陣法時刻操演進止機宜緩急戰勢

逐一教習務俾將領與千百把總隊長盡熟部兵形

面武藝軍兵皆知本管號令至於馳騁馬戰打放火

器尤須勤練訓講奇法俟本部院即日臨閱試分

別勤惰以憑勸懲施行毋得遲違未便

再委文職押兵

為軍務事照得重慶等處漢土官兵雲集統率雖有

將領千百把總等官自宜恪遵軍令無敢違犯業經

於成都各衛揀選指揮千百戶等官各將土司土兵

令之每員監管千名或五六百名聽各分布去後應

再選委文職一員監押庶紀律嚴明誦令一新為此

牌仰兵巡下南監軍道官吏即將重慶涪州敘府瀘州江津

等處漢土軍兵每處再行選委文職一員先將職名

呈報以憑批行責令會同原領將官土官監押嚴禁

各遵紀律安靜守法每日專聽將官操練戰陣聽候

調遣施行毋得故縱遊蕩生事害人責有所歸

行湖貴操演官兵

為緊急軍務事照得楚黔省征播官兵據報業已調集

但須操練精熟庶可期於萬全即目約會典師事在

萬分緊急所據兵馬戰法合行申飭教演為此牌仰

湖廣監軍將領等官各將調到兵馬每日吊起操場

教演奇正戰法必使耳目習熟旗鼓馬步習熟進止

仍各盡所長或用鎗刀弩矢或用棍棒格馬或偷營

劫寨或打放某項火器逐一多方教習分別巧拙

加獎賞用示鼓舞如領兵等官視常怠忽即按軍法

從事此係軍機所關目下舉事幸毋遲緩

調永順保靖兵

為軍務事照得播賊揚應龍負國厚恩雄據絕地

統兵犯順流毒三藩本部院奉

命專征罪在罔赦除甘肅薊遼延綏固原天津朝鮮

諸鎮雲南廣浙山陝并川貴等省漢土官兵家丁三

十餘萬俱已徵調到渝分布外查得永順宣慰司宣

慰彭元錦保靖宣慰司宣慰彭養正忠勤素著部下

目犯土兵勇敢直前相應揀調用備前鋒為此除發

令旗差官前來外牌仰分守湖北道官吏照牌事理

即刻選委謀勇將官二員分投前去永順保靖二司

著落宣慰彭元錦彭養正各將部下土兵逐一挑選

彭元錦下七千名彭養正下五千名共一萬二千名

俱要年力精壯武藝高強各備鮮明衣甲鋒利器械

責令委官督同土官親自帶押沿途務要安靜秋毫無

犯如有改違即按軍法定限月終馳奏備案

聽候總兵官陳璘到彼分布戰守仍諭令二官竭忠報國建立奇勳有功之日本部院定照題

准事例持與敘薦褒加隆恩斷不與信就中如有老弱不堪者即行汰去毋容混冒充數致費糧餉其各兵行糧照依彼中事例聽該道即於道屬府州縣堪動銀內一面酌量支給一面具由通詳該省兩院施行此係萬分緊急事理毋得因循悞事責有所歸先具選調兵數起程日期飛報查考

再催湖廣布政司備餉製器

平播全書

卷八

德冊七十五

為緊急軍務事近准湖廣撫院咨據該司呈本省偏橋等處征播官兵三四萬已備糧餉三萬石解運聽支等因咨報到部院查得該省備餉三萬石不足前兵兩月之食已經牌行該司查照本部院履行事理備足半年餉米并議湖北一帶州縣將應徵大糧照川中事體改徵本色及查倉穀碾米運赴軍前聽支去後第恐該司仍前遲緩不無有悞事機即日川貴大舉楚中信地無兵無餉深屬可虞合再差人守催為此牌仰該司官吏查照先今牌行將四萬兵馬足

支半年糧米除見有三萬石移行督餉道一面起運外其餘不敷之數或動支庫銀或將湖北有司大糧改徵本色或碾各倉稻穀與折色銀兩俱要剋期運貯相應地方收貯聽候支給其軍火器具查照前移撫院轉發單開數目已造者上緊起發未造者日夜製造目下三省協力進攻一有違悞責難他諉速將完解過本折糧餉軍器等項數目具由呈報以憑施行毋遲

獎勵安疆臣

平播全書

卷八

解冊七十五

為軍務事照得貴州宣慰使司宣慰安疆臣心存報國志在安邊憤隣孽之駕禍則歷陳始末辯白最明防叛逆之披猖則捐糧置器隄備甚密滅賊之心大槩已見勤王之念不問可徵卓有父風肅將母命忠臣孝子孰有過焉即今大舉在邇相應先行獎勵以示激勸為此牌仰貴州布政司官吏即便動支官銀打造銀牌一面重十兩銀花二枝重三兩再買紅綠段四疋會同守巡貴寧二道差官用張鼓樂導送宣慰安疆臣收領以示本部院旌獎之意外動銀一

百兩擄賞領兵目犯人等仍諭令本官承獎之後竭忠盡節整棚兵馬凡隣播一帶信地目前尤加防備如遇播賊出沒乘虛進搗有功之日定照兵部并本部院題

准事例特與奏

請隆恩効勞獲功目把一體照格優敘陞賞決不爽信具獎勵過緣由報查

申嚴保甲密查奸細

為督撫地方事照得保甲之法專為弭盜安民譏察

平播全書

卷八

同華牌之五十五

漢夷奸細若印捕等官極力奉行即古人寓兵於農其為保障深屬有裨先該本部院入鎮之初業已通行去後今隨事考成各有司勤謹奉行者固有怠忽沉閣者亦多即今播賊猖亂官兵大舉奸細出沒猶然如故所有原行保甲及禁戢事宜合再申嚴為此牌仰該道官吏通行所屬府州縣衛所各將境內原編保甲查照舊規逐一條舉責令城市鄉村黨甲正副督率各甲人戶整齊原有旗鑼銃炮鎗刀矛矢鉞頭木棒等項器具各要鋒利倘有舊朽不堪禦賊速

令更換仍以每十戶為一甲置一大牌開列甲下人戶輪流直宿巡守如遇賊出即鳴金放炮各家一齊救援其近播去處若有防守官兵仍同併力追殺獲有苗夷功級無論官兵鄉兵一體從優給賞如有偷安呈報所司嚴行究治仍責巡直官兵黨甲密查漢土軍民人等間有不務生理潛入播夷傳報消息或播人出外窺探兵馬情形及漢民圖利窩藏通同為奸貽患內地許各甲人戶互相舉首挈送該管衙門查實具由轉解該道嚴行訊審招詳報奪如巡直負役因循避恣不行盤詰及各甲不行首正事發一體連坐仍以奉行動情定有司賢否該道宜著實申明務期奸細斂足盜賊潛消脫有虛應均屬未便各具遵奉緣由報查毋違

平播全書

卷八

同華牌之五十五

平播全書卷之八終

牌票目錄二

責令安疆臣奢世績乘虛搗巢

建房張二將祠宇

行令各將官置私記腰釘

製買船隻

給播州生員王達諭夷獻關

行辰沅兵備道召五司官兵

寶劍諭言

平播全書 卷之九目錄

招降播地叛苗

申飭三省道鎮嚴加防備

獎勵永寧官兵

申飭川東道鎮防備

議酌二將事權

行東西四道查議運餉人夫

行三省申飭詐偽

發兵綦江

再申飭三省邊防

督勵安疆臣搗巢

行湖廣布政司催兵糧

約束客兵

委總兵劉綎防守綦江

調施南兵入黔

查催糧料烘炒等項

撫苗告示

行貴州道府招撫苗夷

行二省各道驅逐播賊

平播全書 卷之九目錄

再催湖北督餉

行六監軍招降

投降執照

質妻子投降執照

禁止恐嚇

動銀募運餉夫

禁邊民劫殺降夷

行湖貴總兵應援思石

申嚴南川防守

總兵以下將領各乘馬

行思仁守道查龍泉情形

酌定運夫行四道

行道鎮會議護運交收事宜

安置降夷

通行水陸二路防賊逃遁

犒馬千乘

再催貴州布政司兵糧

發令南川并湖貴各監軍道

行總兵劉綎進茶江

安置茶南各降夷

行兩省約期進兵

分遣督陣員役

檄青總兵陳璘

發劍

行各道并委官料理各司職事

行拿楊惟中

禁殺降

再催三省道鎮至期進兵

爪探湖貴進兵日期

責成奢世續臨陣

犒再御龍

行道鎮破酋狡計

行湖貴道鎮分定官兵信地

行湖貴二省照川中懸賞

令催安奢二土司進兵

行高推官專督土兵

責令 安溫臣 奢世績 乘虛搗巢

為軍務事拾壹月拾玖日據塘報官朱自強報稱近有哨探人於本月初拾日在於秦江簡水鎮抄得楊酋壹牌內稱本司因離奴誣害捏聳妄奏至設防守挑累速禍本司豈肯甘心的於本月拾玖日點選拾叁種苗兵出外清理疆土各立界限仰丁山小溪松坎等里提調坐寨周承榮等將各里頭苗兵聽候調用牌至松坎驛墩等情轉報到本部院據此看得

平播全書 卷九 牌之九

樞賊楊應龍自知罪大惡極難逃整粉乃見我官兵到處雲集藏在旦夕遂爾張皇無措西突東奔但狡賊奸謀最詭變幻莫測抑或出其不意傾巢狂逞皆未可知倘衝犯是真亟應設策乘虛攻搗為此牌仰本官照牌事理速將所部兵馬上緊整棚令各多備乾糧一面多差伶俐人役遠入偵探如搗賊委果出犯川中內地 本本官官母媳 即親統大兵乘虛截斷歸路直搗巢穴有功之日定照先行牌諭緣由賞格事宜從厚優異特與奏

請寵錫隆恩獲功目把一體陞賞斷不與約毋得望依違致失機會具遵行緣由飛報查考

建房張二將祠宇

為樞賊突衝孤城將官血戰陣歿乞

賜照例贈廕以慰忠魂以勵羣心事近該本部院會

同巡按四川監察御史崔 看得原任叅將房嘉寵

原任遊擊今充戍領兵張良賢忠堪貫日氣可成紅

提一旅以捍危城率孤軍而當大敵斬將搴旗一代

之英風不泯成仁取義千年之俠骨猶香宜有

平播全書 卷九 牌之九 特褒用酬奇節議將房嘉寵照原官加贈三級張良

賢復原官量贈二級各廕一子本衛百戶世襲仍於

秦江地方立祠有司春秋致祭等因業已會 題去

後為照二將生前奮志鷹揚死後舍身馬革毋一思

及深用惻然所據建祠一節若待

明旨至日方行何以預妥忠魂而激慰羣心也相應

亟行鑒立用昭祀典為此牌仰巡上東道官吏照牌

事理即便選委能幹職官壹員帶領匠作人等親詣

秦江縣會同該縣掌印官就於城中相度地形速將

題建二將祠宇一所應用木石等料及匠作工食等項一面估計冊報一面動支官銀分投置辦鳩工修理務要形勢寬闊不許卑狹苟且完日繪塑二像如法安置撥人看守春秋以時致祭扁題表忠祠三字以示觀瞻至於二將屍骸在張良賢或難着落若房嘉寵者必須多方根尋務在得獲就於城外擇其風水完聚去處壘墳一所用棺裝盛以禮安葬立一碑記用垂不朽庶祀典昭而幽魂慰矣通候完日具由報查俱毋違錯未便

年譜全書

卷九

牌七

行令各將官置私記腰釘

為軍務事照得東南征播稗將等官奉委領兵行事軍中緩急機宜勢必具文傳報但各官原無印信每每申呈俱係白紙真偽之間殊無可辨應令製造釘封庶可杜其假詐為此牌仰四川布政司官吏備行東南二道及在省領兵副總叅遊等官一體遵照今後申呈軍機事務公文俱用腰釘上蓋某職某人腰釘封記數字其文用篆刻硃印不用真寫免滋奸弊通候播事完日照舊俱毋違錯

製買船隻

為緊急軍務事照得濱江一帶州縣運餉運器及渡送官兵等項俱用船隻但有司額設無幾勢必奪取商船船戶因而狐假河泊不安相應酌議置造庶得官民兩便為此牌仰督餉道官吏即行濱江州縣等衙門各掌印官動支官銀收買河船或另製造每州縣約買若干酌量大小定與數目或全買見成或半買半造無拘大小俱用新板堅固棚墊全備堪盛重載每船召募水手壹名或貳名常川在船聽候裝送糧餉或渡送官兵或運軍火器具一應物料等項不許別占有悞傳送此在該縣掌印官如法奉行尅期完報倘有因循違悞聽該道揭報以憑重究先將應支官銀買造船隻各數目具由詳報施行仍一面料理毋得違悞未便

年譜全書

卷九

牌七

給播州生員王達諭夷獻關

為督撫地方事照得播賊楊應龍完殘成性暴戾非常殺戮伍司官民貽患參省邊境惡貫已盈神人共憤即日聲罪致討用安漢土軍民順據該土司生員

王達呈稱願招夷目獻關開路及稱渭潭峯里捌牌
夷目人民原屬伊父王其質管理提調父子願往招
諭待後投見將官乞將伊等家小委官執令保固仍
令本處夷兵同為前鋒乞賞明文遵照前去等情據
此為照本生心存噬賊志在穩忠所據稱要招諭夷
民力圖擒勦相應先責以觀後效為此牌仰本生即
同伊父王其質前去渭潭等處開諭夷目安阿留潘
顯邦任老三傅舟羅廣武李祥道任朝茂任祥等曉
以禍福兩途先取各自投順其結回報若各目人等
果出真誠歸順俟大兵壓境令伊等投見將官獻三
渡關之後定先委官將各目人等家小保固不許一
兵擾害仍令盡行三里八牌夷兵數千或為鄉導或
作先鋒俱在本生父子悉心籌畫諄切曉諭各夷毋
懷貳心自取誅戮本生同衆行事務在鎮密毋得洩
機有功之日照兵部及本部院題
請陞賞恩例仍破格從優具 奏施行如有違悞或
模稜僨事三人具在決不輕貸
行辰沅兵備道召五司官兵

為軍務事照得播賊楊應龍背 國厚恩猖亂造反
劫殺五司荼毒七姓神人共憤
王法不原即今徵調天下漢土官兵夾攻征討賊在
旦夕訪得餘慶黃平草塘白泥重安五司官民雖遭
殺戮遺種尚多或寄命偏橋辰沅等處及潛住黃平
等司者不知其幾常懷報恨之心咸有滅賊之志合
行召集用為鄉導以備前鋒為此牌仰該道官吏照
牌事理即便分投差人前去偏鎮辰沅及黃平等處
傳諭餘慶等五司官民七姓苗夷人等如有奮志雪
讎願同官兵報效者報名在官逐一 點選精銳馳捷
一可當十者三千名責令隨帶原有衣甲器械具由
差人管押徑赴偏橋聽湖廣監軍總兵分布進剿有
功之日定照兵部并本部院題
准事例授官加賞決不食言其應支糧餉聽該道照
例支給毋得違悞未便
實劄諭言
為軍務事准兵部咨開播賊猖獗聲罪致討題請
欽賜督臣

高方寶劍以重事權奉

聖旨賜劍准給發不用命的許先斬後奏欽此差官

齋捧到本部院接領通行欽遵外為照

高方寶劍專為征討逆賊頒

賜軍中蓋欲整飭人心肅將

天討今照三省兵將已集約會進攻在邇合行示諭

俾知遵守為此示仰三省軍前文武將吏并漢土官

兵一體遵照各要矢滅此朝食之心嚴逗遛退縮之

戒上申 國威下雪民怨如有觀望不前臨敵避難

平播全書

卷九

解上之七

及應夾攻而不夾攻應援而不應援者 軍令具在

王法無親本部院惟知欽遵行事斷不輕宥各宜慎

之母貽後悔特示

招降播地叛苗

為督撫地方事照得播賊楊應龍兇殘成性暴戾非

常殺戮五司官民貽患三省邊境惡貫已盈神人共

憤卽目聲罪致討用安漢土軍民頃據偏橋衛儒學

生員李佩條陳擒剿事宜頗有可採為照本生既優

文學又熟韜鈴心存噬賊志在攄忠所據稱要招降

叛苗力圖擒剿相應先責以觀後效為此牌仰本生

協同把總劉應辰應襲湯大密往白泥司將叛惡楊

七楊鎮邊楊通太楊勝等又同李教梁廷祿將夷目

趙士登張祐羅廷倫莫老明秦萬拱秦公壽蒲榮等

又同本衛軍餘謝麟父子黎廷恩父子叔姪將總管

何漢良李彪及提調張云教楊奇杜勝祖張漢五夷

頭任老三等或用間以離其心或用計以伐其謀或

就便擒斬或隨宜撫諭但須誠心鄉導俱本生同劉

應辰李教等力擔相機而行又本生所呈平越一路

平播全書

卷九

解上之八

應用軍人閔遐田維棟入乾平飛練曉諭夷頭謝朝

俸等又用生員唐榮宇撫諭瓮水提調郭鳳夷目王

志龍等俱聽本生約同唐榮宇等各悉心籌畫力將

各夷開諭利害招撫來降毋阻道路免取誅夷本生

同衆行事務在鎮密毋得洩機有功之日照兵部及

本部院題

允陞賞恩例仍破格從優具 奏施行如有違悞或

模稜僨事三尺具在決不輕貸

申飭三省道鎮嚴加防備

為軍務事照得居重所以馭輕有備乃可無患播
楊應龍向來狂逞未已今則飲兵不犯誅其賊心自
知罪惡深重

天討難逃故爾陽為自衛其實陰有別圖即今操弄
戈矛蓄銳已久萬一出其不意肆流劫或焚燒糧
草或侵攻城池此先發制人之術困獸之鬪槩可見
矣誠恐將領等官以賊久不動晏然忘備卒墮其計
悞事匪小合再申飭戒嚴為此牌仰該道道官吏限文

到卽刻轉行所屬隣播府衛州縣及領兵將領等官
平播全書 卷九 牌七十九

各一體遵照各照所轄并分定信地九城池堡隘去
處必須加謹隄備以遏攻圍糧草器械等項務要着
實備禦以防焚劫仍多方偵探熟思預圖賊至則合
兵夾攻以取勝賊去則飲兵固守以待時一面多積
糧草一面訓練士卒候本部院約定師期刻日行剿
施行如或漫不經心泄泄無備致悞軍機者
勅劔具在應叅者據法叅究應斬者卽時斬首各宜
加慎如違自取罪戾具遵行過緣由報查

獎慰求寧官兵

為軍務事照得播賊楊應龍兇殘三省流毒隣封該

求寧宣撫司官目統兵五路奮勇截殺獲苗級陸穎

申報到本部院隨行巡下南道動銀貳百伍拾兩給

各兵以作牛酒之犒項據差官熊應山中解功級前

來又行布政司支銀陸拾兩徑給本官領回給散各

兵以作陸功之賞去後為照土官奢世績身雖女質

繼夫志以馳驅有承家之節義長官王堯王甫松頭

目劉國用劉國恩周愛等職掌兵權奉主命以勤勞

有許 國之忠貞以故上下同心士卒用命戰則勝

攻則取芳聲獨邁惟檠可嘉除紀錄候敘外合行表

揚以示勇進為此牌仰本官限文到卽刻督同王堯

劉國用等將該司勇敢土兵盡數調取相度地利多

方分布差人偵探如機會可乘則直搗猿猴之穴用

擒豺虎之雄此該司第一上功事或稍礙則飲兵固

守持重待動有功之日除本官加給服色建坊

旌表外各頭目或領漢官或領土官定照兵部并本

部院題

准事例褒以隆恩仍重加懸賞斷不食言慎勿觀望

逗遛坐失事機未便該司仍一面整點內兵貳萬候
大舉調進毋得違悞慎之慎之

申飭川東道鎮防備

為軍務事本年拾壹月貳拾捌日據監軍道并總兵本

劉繼官各塘報探得搆賊分付日把不要離心待夷兵

養就銳氣一同衝出徑到重慶又稱賊見南川有官

兵要暗發兵叁肆萬到彼又連路發有綿絮鎗弩等

件送在營中及分付官壩頭目暗地探聽南川官兵

劄有幾營且不要與鬪待看何如畧將些兵哄他起

平播全書

卷九

牌之十二

禍然後纔動手叫新官出真州千歲出官壩約齊攻

南川方往別處各等情轉報到部院看得逞賊向無

動靜蓄銳可知戒諭目把擬犯重慶雖未可信至於

探我南川官兵先挑後戰此狡賊奸謀不可不嚴加

設防者合行申飭為此牌仰該鎮道官吏文到卽刻轉

行防守南川將領漢土官兵各將分定信地加謹隄

備多方偵探賊至則併力截殺以示敵賊去則欽兵

固守以待時既勿聽其挑戰以輕出更勿中其詐敗

以窮追一意慎重共保萬全此後但有警息不時飛

報俱毋違悞未便

議酌二將事權

為調選精銳分任責成以便進剿事據鎮守四川總

兵官劉繼呈稱播酋楊應龍逆命犯順自知

天討難容招集苗兵修固設險以抗

王師公然傳檄欲出奇找尋一對頭似茲驚駭誠為

一大敵矣况職與酋曾同大征職之戰陣酋素知之

今既發牌點兵出犯必自統敵以向職職之戰與守

尤宜加備始克有濟惟是標下官兵僅止伍千貳百

平播全書

卷九

牌之十二

伍拾玖員各與中軍周以德并千總易朝臣等下兵

共近采捌千為數甚少難克制勝合無容職於前兩

次征倭併原隨征克緬虜等得勝舊役兵內揀選精

勇者連前共足叁萬之數自備軍器痛加選練候本

部院閱視派定一路或兩路任憑指揮親統進剿成

功之日自有公論倘不成功甘當認罪如兵選不精

器械不利不以實心報 國不惟明有 令典抑且

幽有鬼神充當殛之等因據此案照先該本部院看

得該鎮原為剿播而來祇因在途延致臺省多議

遂有調南之命咎由自取人所共知本官聞報即請交代本部院以該鎮謀勇素著且係育所憚故議勉留共圖大業業已檄行遵照去後今據前因為照送賊猖亂奉

天征討凡有血氣者莫不攘臂爭先領効一戰况大將乎總兵劉綎始而報代咸有怯懦之謠繼雖挽留尚多疑似之論乃該鎮不動聲色卓然任重教練兵馬整棚器械感激思奮比前更倍于是乎衆心大定而羣議不生矣茲者見賊誇張恐防出犯欲選精兵

平播全書

卷九

解上書卷

分路進剿此其一念量敵之志滅賊之心家之孝許國之忠聚有可見但新任總兵吳廣不久將到若一履任例應交代所據一應兵權進攻道路合行議定庶便責成爲此牌仰該道即會巡上東軍道公同劉帥逐一酌議要見該鎮一應事權作何統攝標下兵馬作何分管舊將分進何路應否獨當一面新將分進何路應否總制諸營軍中貴和何以同心可免忌妬之害決勝在合何以併力共收掃蕩之功務俾上不誤國下不殃民一一面訂明悉具由通詳以

憑定奪施行至於劉帥果能協同將士矢忠宣力運籌決策奮勇直前大收全捷者是崇先人昔已邁跡於九絲而本官今又流芳于播土其功豈淺淺耶本將應自有成筭無俟他人叮囑爲也

行東西四道查議運餉人夫

爲患切剝膚敬陳一得以圖萬全事先據督餉道議得征播轉運軍前餉米壹拾肆萬有零以通省可糧壹百壹拾玖萬有零計該派夫拾萬每名負米叁斗日行叁拾里限以叁個月轉運管中已允行該道議

平播全書

卷九

解上書卷

派法後奉報令該本部院復看得運夫准之丁糧編派無非均平賦役重聲易舉意耳俾夫止拾萬派之通省不無騷動及照川西川北上川南下川東四道地方距播甚遠上東下南貳道距播甚近前項運夫若於貳道出夫轉運事既省便又可責成西北上南下東四道徵銀解募既免動衆民多樂從合再酌議爲此除會按院外牌仰該道官吏即便會同督上東道查議餉米壹拾肆萬若用運夫拾萬每名每日給銀叁分大約以叁個月計算人各該銀貳兩柒錢以

通省丁糧壹百壹拾玖萬有零將西北上南下東四道所屬州縣先行派夫每糧壹石徵銀若干在官解作募夫工食以上東下南貳道先行徵銀重慶所屬派夫陸萬敘瀘所屬派夫肆萬專令轉運銀限年終徵解重瀘收貯聽支夫限次年正月中旬差人管押馳至貳處聽詳道分派轉運中間若有編派不足在川東則於綦南等處在川南則於高珙陸縣或又於揀下募兵之內多方召集倘再不敷或於他道隣近州縣酌量派足悉聽便宜從事其合用行糧布袋等件查照前牌施行此事關係頗重務要留心計安毋貽後議方為完策俱毋違錯未便

行三省申飭詐偽

為請查差官真偽以肅軍令事本月初壹日據湖廣分巡湖北道呈拾壹月初肆日據總督經畧軍門標下把總何世卿親執手本赴道稟稱奉提督劉差押小莖貳萬貳千有奇前去備鎮土司搞賞苗兵載至彼處不敢擅便乞批執照過關等情當該本道面審奉委根因又據執出紙印花欄令牌壹張內云總兵

平播全書

卷九

牌字字案

平播全書

卷九

牌字字案

官劉牌仰把總何世卿等領銀貳千肆百兩發買小鹽前至鎮遠施秉給散苗兵云云玖月拾貳日提督府押年月用關防鈐蓋本官續又吐稱奉總督軍門發銀給劉總兵差伊買鹽賞苗本道驗視牌內字跡差訛詰問應對矛盾恐係詐冒除將載鹽船隻封委巡捕員役看守及將何世卿拘留羈候外伏乞查閱卷案曾否轉委劉總兵令買前鹽若無本官名目即係詐偽請頒憲令咨本道盡法究擬另詳等因到本部院批本部院竝未發銀劉總兵處買鹽賞苗此係播賊因鹽禁太嚴無從市買故為偽牌盜買者一旦盤獲令人快然仰將原鹽盡數沒官何世卿嚴行究招詳報去後為照播地所缺者鹽也無鹽則無命其來遠矣故本部院屢禁不許鹽布與硝磺入播者一欲絕其養命之源一欲杜其交結之奸耳乃遂曾因見禁例嚴密無從市買偽造假印假牌令黨惡何世卿詐冒官差公然執持出境直至楚中盜買私鹽貳萬貳千有奇覓船裝載經過常德而世卿欲越關津遂具手本徑赴分巡湖北道投見希圖驗放若非該

道注意詰出幾為欺誑第遂賊既能偽造總兵關防
令牌標判畫押又指軍門轉行差遣可謂極惡神奸
真無所顧忌者誠恐偽造關防假牌假差不止總兵
與本部院兩處而諸衙門印記等項或亦難免則凡
差遣牌票往來支移皆不可不慎至於所買者恐不
止於私益一事布疋硝磺等項良必有之合就通行
申飭用肅軍令為此牌仰該通鎮官吏即便通行所屬
府衛州縣并巡司等衙門及各隘領兵將領等官一
體遵照除尋常事情外凡事干偵探軍機或在境內
車備全書 卷九 牌票等項

發兵綦江

為緊急軍務事照得綦江自殘破之後欲守無兵况
戰乎故從羣議不設隄防賊遂歛手不敢狂逞此緩

兵之計得矣今照三軍畢集九伐在邇所據該縣城
池亟應豫圖先用文武材官統領重兵鎮守其地庶
幾兵糧漸積可以舉事為此牌仰巡上東道官史
加酌議防禦兵馬應用幾何某處某枝共該若干應
委何官何將統領先去備禦某處某枝尚有若干應
以何官何將管束聽候調遣兵馬到彼務要多方安
割糧草運彼必預設法安屯城垣關隘坍塌者上緊
繕修公署倉廩損壞者火速葺理合用錢糧一面動
支興工一面具由通詳慎勿膠柱致誤事機至於賊
如不來城內城外作何分布賊或入犯在此在彼作
何應援務須長慮却顧共保萬全稍俟糧草運有次
第約期大舉施行此係最急速議報毋容遲緩未
便

再申飭三省邊防

為佳節屆臨再飭邊防以戒不虞事照得播賊犯順
警報不常本部院切慮攻心又慮攻城其隄防之約
申飭之令已不啻再三再四矣日今歲杪元旦屆臨
固人間至慶之會然兩軍對壘之際非將士燕樂之

時也萬一酣飲而不知酩酊而不覺賊反伺隙入寇
昏夜之間人不及甲馬不及鞍安能與之相角其不
取敗者幾希合再嚴加申飭為此牌仰該道官吏限
文到卽刻移文各路領兵將領等官各一體遵照凡
目下舊歲之杪新正之旦此等月日最宜謹慎一切
防備之策比常務須加嚴萬倍熟思領慮少為夜飲
常懷敵愾之心共効徙薪之計九城池堡隘去處則
晝夜隄備以遏攻圍糧草器械等項則時刻守禦以
防焚劫賊如不動則飲兵固守以養銳賊若入犯則
併力合攻以張威務期各保信地共收萬全候本部
院酌定師期不日大舉施行至於營中火燭與火炮
之類俱要謹慎以防疎虞敢有不遵禁諭或長飲不
知偵探晏安忘其設備致悞軍機者
勅劍具在決不敢私各宜慎之勿自速戾通具遵行
緣由報查

督勵安疆臣搗巢

為飛報萬分緊急地方事本月初陸日據貴州布政
司呈據防禦黃平情揮徐登階稟稱拾壹月拾玖日

未時探兵李孝夷頭阿保等各報稱播兵數萬由白
泥出小大章割營又由構皮灘過渡出苦菜坪到白
泥割下又報播苗在興隆擡頭坡割三大營八小營
今又發探馬來黃平長冲哨探有大翁舖軍民驚慌
搬移等語查得各報兵情如出一口且黃平在播巢
之中防兵伍千衆寡不及事勢燃眉伏乞速令安疆
臣遣兵由沙溪入播襲後庶興隆黃平之急少緩同
日又據按察司呈據興隆衛東坡堡軍人李萬等飛
報播兵數萬徑出後洞圍殺白田乾溪水口黃眼等
地燒擄人口房屋卽今糾合容山九股等處叛苗攻
打興備黃平東坡爛橋又執木刻上寫把總隆諭興
隆通衛官民吾今督兵數萬追尋奸徒馮權張素何
以爵等爾等早為發出以免刃兵執迷不發玉石不
分等語卽今屯兵離城伍里上阻重安下拆偏橋中
攻興黃徑通九股以為大逆請將發兵救援又據監
軍道張參議呈報相同各等因到部據此看得播賊
楊應龍不知滅在旦夕尚且聲兵四出為計愈狡積
罪愈深及照水西宣慰司兵精將勇中播萬倍本部

屢有秘計令爾宣慰安疆臣母子與目把人等就中
取事向未見動未審因何觀望若此卽今兵出黃平
內必空虛若能率兵數萬暗由沙溪直衝腹心以襲
其後賊必首尾不救勢必成擒犂庭掃穴功收此舉
合再督勵爲此牌仰宣慰安疆臣照牌事理限文到
卽刻點兵數萬親自統領督同目把直由沙溪徑進
或搗其巢或襲其後務入豺虎之穴盡掃犬羊之羣
解黃平之圍建拓土之業功莫大焉定照兵部及本
部題

准事例從實具奏將母子棄嘉隆恩割撥播地世守
目把人等授以指揮實職仍重加懸賞決不食言如
或逗遛不進致誤軍機者不知該司作何收拾也慎
之慎之速速毋忽

行湖廣布政司催兵糧

爲軍務事案查節行湖省布政司調集彼中漢土官
兵肆伍萬分布隣播關隘一面買備半年糧餉隨運
適中地方并委官打造軍器火器又經節次行催去
後未見報到兵糧如何徵調器具如何修製卽今川

貴調到漢土官兵俱已畢集糧餉器具諸事皆齊本
部院卽日建牙重慶興師計在目前只慮楚中整備
未足難免牽制况蜀兵今已拾萬之上日費本折不
貲早進一日得省錢糧若干事勢燃眉難再稽緩且
聖懷西顧甚殷萬一以該省兵糧遲悞

震怒則將誰諉合行再催爲此牌仰該司官吏卽便
查照先今事理轉行各該道將兵糧二事并軍火器
具作速備辦回報以憑施行毋再遲延未便

約束客兵

爲軍務事照得陝西三鎮并河南等省官兵業已畢
集渝城人馬衆多爭端易啓惟是禁令森嚴庶可杜
其後患爲此牌仰該道官吏卽便會同總兵劉繼督
行各該領兵將官各將所部軍兵嚴加約束凡買食
買物俱要兩平交易無事在營操練熟習弓馬鎗刀
有警卽赴截殺務要奮勇先登倘有不守紀律在於
街市生事或騙人酒食或強取米菜之類卽押赴
令前按法網打如情罪深重仍斬首施行該管將官
失於鈐束一體連坐不貸

委總兵劉綎防守綦江

為緊急軍務事據兵巡上川東道呈稱綦江雖已殘破然城郭民居尚堪整頓為我老營以備屯糧之資萬一狡謀復逞化為煨燼則我數萬士馬難免野棲數萬芻糧豈能露積請乞先發精兵一枝令驍將一員統領前去防護等因到部院案照先該本部院看得該縣殘破之後應用文武材官統領重兵鎮守已經牌行該道并監軍及劉總兵會議去後未報今據前因為照綦江係我屬邑殘黎係我編氓發兵捍禦勢不容已第恐遂賊聞知拚命衝突寔未可知必湏大將坐鎮其中庶得角力及照總兵官劉綎素負勇畧為賊所憚者相應行委前去彈壓則先聲所至賊膽頓寒為此牌仰本官一面先行料理候本部院至渝面議軍機之後即便帶領部兵并漢土精兵參萬名前往該縣坐鎮賊來則併力截殺賊去則設伏勦擒勿俾跳梁稍俟糧草運有次第約期大舉施行

調施南兵入黔

為軍務事照得播賊猖亂動兵征剿查得貴州思南

府龍泉司係通播大道應用官兵參萬由此夾攻但

該府無兵可恃若不酌處萬一乘虛衝出似非完策

所有本部院徵調施南土司官兵捌千名不日經過

黔武地方相應免行入川就近改從該府進播不足

之數聽候另行調補為此牌仰思仁道官吏即行思

南府遵照如施南官兵捌千員名到彼諭令暫且住

候聽由龍泉道入播分布施行除行糧已經川省解

給外其坐糧每日該銀貳分肆釐本折兼支俱要多

方備預萬兵半年之費如有不敷速詳該省兩院借

處接濟此係軍機重情如或違悞責有所歸并查該

府及婺川防守官兵見有若干一併具由回報一面

多處糧料以憑另行調發馬步官兵仍呈撫院知會

毋得違悞

查催糧料烘炒等項

為緊急軍務事照得征播官兵業已分布進攻所據

隨營餉米烘炒米蘆鹽馬匹豆料等項皆時下急需

先經節次督催并取各州縣已未完數目造冊齎查

去後未據兩報誠恐遲悞合再嚴催為此牌仰

布政司
督餉道

官吏查照單開先今各起詳允買運及改徵本色餉米各項數目要見某衙門原買某項軍需若干已完運貯某處若干有無實收可憑未完若干因何不行起解又秋糧改徵本色并各倉稻穀碾運原定各若干見徵何處未完若干即今收貯重瀘一帶濱江屯兵地方某處有米烘炒煎鹽豆料各若干炒米應於某衙門炒備一一清查如有未完即便分投差人守催起運仍分別完欠備造文冊壹本呈報以便徑行查催其烘炒炒米該司具議呈以兵陸萬計故僅造

平橋全書

卷九

牌七十五

緊急議分行產泰州縣動支官銀再造烘炒若干一面先行一面詳報不許遲延未便

撫苗告示

總督部院示照得播賊楊應龍始於飛練繼於綦江殺戮官兵荼毒萬姓神人共憤

王法不原致屢朝廷奮怒調發天下兵馬伍拾餘萬即日進剿賊在旦夕乃逆賊尚不知死復行劫掠

東坡欄橋王辭更欲入犯黃平興隆偏橋誠恐致股

苗夷不知順遂誤聽誘哄糾合為害連累借亡不無可憫合行撫諭為此示仰偏橋興隆黃平地方致股苗夷知悉播賊楊應龍罪惡深重朝廷必剿既無可生之路又無招撫之情毋聽誘哄黨護為非中有真心投降及眾所推服者許同差去撫苗官員引見該道量加獎賞或給以冠帶管束地方其有誤入賊巢各苗又諭令潛行逃歸依出首者聽其自新立不追問有能報効殺賊者有功之日定照兵部并本部院題

平橋全書

卷九

牌七十五

准事例加官受賞决不食言設或執迷不省大兵到日玉石不分悔之晚矣思之慎之特示

行貴州道府招撫苗夷

為軍務事為此除發告示前來曉諭外牌仰該道府

吏即便添差機變能官同本部院差官指揮曹仁佐

前去九股地方撫拘各苗到官逐一傳諭播賊已犯

必誅之條絕無招撫之路各安生理保守身命毋聽

誘哄黨助為非中有向化投順及為諸苗所推服者

引見該道即加犒賞仍給以冠帶管束地方其有誤

入賊巢願歸者聽其出首許令自新並不追究有能率眾報効併力殺賊者有功之日定照兵部拜本部院題

唯事例加官受賞決不食言設或執迷不省大兵到日玉石不分悔之晚矣其應用賞需并製造冠帶銀兩即於該府稅課銀內一面酌量動支一面通詳施行該道仍呈撫院并巡道知會俱毋違錯未便行二省各道驅逐播賊

為緊急軍務事照得播賊揚應龍項糾各苗攻破東坡爛橋王解殺擄鎮遠許花等處此堡仍令惡目何漢良率兵屯割偏橋與隆接取九股生苗東應外合結聚不散及照偏橋迤東迤西乃黔省交衝之地唇齒相連之所節行二省道鎮等官發兵分布慎防窺出已不啻再三再四矣今寇入門庭患在肘腋未審兩地文武各官作何防禦作何驅逐擬合嚴查為此牌仰該道官吏照牌事理即會同總兵董元鎮備查賊兵前攻東坡等處黔省官兵會否救應令屯偏橋等處二省官兵會否交鋒今既剽營不散或合兵夾

攻或設法驅逐與夫九股生苗依附賊黨業應外合或多方離散或用計勦剿俱要同心協力極瀾救焚以靖地方各體奉公之心毋懷秦越之視限文到叁日務將各苗驅散驛路通達如或彼此觀望逗遛不前萬一失悞軍機以致債事本部院定行據法叅究決不輕縱各具賊兵解散及有無失事緣由報查仍移文左監軍道上荆南道都清兵巡道守湖北督餉道一體知會施行俱毋違悞未便

再催湖北督餉

為緊急軍務事據分守湖北督餉道呈稱奉文催督兵餉已經買完米壹萬肆千捌百玖拾石零倉穀碾米壹萬伍千伍拾石零陸續起運近又再碾倉儲得米壹萬石又動銀買米伍千餘石接運前去等因到部院為照該省信地應用官兵肆萬有奇每名每日支米壹升壹月該米壹萬貳千壹年該米壹拾肆萬有奇今該省前後具報止有米肆萬伍千不敷伍月之食萬一師期難定數萬兵馬枵腹干係誠為不小合再催買為此牌仰湖北督餉道官吏查照節行將

肆萬官兵壹年之餉除已買及倉儲碾運聽該道催
運偏鎮一帶收貯聽支外尚少之數或動道屬庫銀
糴買或再碾倉穀起運多方設法星火措辦至於乾
糧烘炒炒米薑鹽等項俱要運赴彼中聽候支給此
特川貴卽目舉事不比往昔尚可稍待况播賊已破
東坡爛橋劫虜鎮遠偏橋一帶屯堡俱係楚中信地
卽今各苗驅之不去見在彼中屯營阻塞三省官道
此是何等景象當事文武豈可泄然怠緩自貽伊戚
也該道專司餉務責有攸關脫有違悞均屬木便速
將續買餉米的確數目具報查考毋違未便

行六監軍招降

為廣招降准免死以全億萬生命事照得逆賊楊應
龍殘害播民與兵造反 朝廷發天下兵馬征剿原
只誅他父子二人脅從罔治碩播州之人雖曾與賊
謀事領兵原是在他手下屈於勢力要非得已本部
院仰體 朝廷好生德意並不追論况殺降者不祥
誰肯樂此卽今進兵在邇恐各頭目苗夷人等不知
側隱仁政疑畏不出投見萬一大兵一至玉石不分

驟加誅戮有所不忍合行刻發免死小票聽給收照
以全衆命為此牌仰該道官吏卽便密切分投差人
直去播境傳諭應龍手下軍師黃明敬孫時太等謀
士何漢良李旭張玉彭道何廷瑞等總管楊兆麒郭
通緒何邦寧等伊親田一鵬田良玉等提調巡警尚
守忠趙仕登謝朝俸張漢武羅臣朱敬袁守剛王大
安石勝俸等苗頭吳金錢共金富石朝貴曹萬曹嚴
等各里頭目婁國張謙穆焯袁整等伊妻田氏弟瑞
龍兆龍從龍等管國內官葉喜受問懷石等挑溪庄
丁伍拾肆里捌拾捌局人戶節招九股苗及紅脚黑
脚等苗俱許投降竝不加害如有傾心向化願來投
順者俱見忠義先給免死小票執照待彼果有真心
又將妻子親屬送質至日另給後票收執安插得所
自今伊始盡洗舊惡聽立新功有功之日照格陞賞
決不食言如或詐降及勾引姦細為害者盡誅不貸

投降執照

欽差總督軍門照得播賊楊應龍與兵造反 朝廷
發天下兵馬征剿原只誅他父子二人脅從罔治今

某雖曾與賊謀事領兵原是在他手下屬於勢力實非得已茲既傾心向北願出投降足徵忠順應准免死給票執照為此票仰本人即將妻子親屬送質以表真誠盡洗舊惡聽立新功有功之日照格陞賞決不食言設或詐降及勾引姦細為惡者盡誅不貸

質妻子投降執照

欽差總督軍門照得播賊楊應龍與兵造反朝廷發天下兵馬征剿原只誅他父子二人脅從罔治今某雖曾與賊謀事領兵原是在他手下屈於勢力實非得已茲既傾心向北願出投降足徵忠順又將妻子親屬送質充見真誠應准免死給票收執自今伊始盡洗舊惡聽立新功有功之日照格陞賞決不食言設或詐降及勾引姦細為惡者盡誅不貸

禁止恐嚇

為軍務事照得易暴以仁止戈為武遂賊楊應龍稱兵犯順自干

夫誅 朝廷命將興師凡以伐暴救民非得已也近訪得渝城內外有等無籍棍徒諗知昔年遂賊久繫

城中士民多有與之相識者往往假以通播黨逆名色恣行恐嚇人無寧居殊可痛恨不知遂賊未叛之前播為王土彼為王臣何人不可與之往來遂賊既叛以後彼為亂臣賊子人人得而誅之自剿

旨一下其妻子頭目半多去遂效順投狀歸誠况內地良民誰肯以身試法與之相通乎且近奉

明旨止誅應龍父子其餘脅從之人但肯投降即准免死立功此在賊黨且然豈有復以往事波及善良之理合行曉諭為此示仰遠近居民以後宜大家戮

力同心共圖滅賊永除民害其以前凡與播賊往來事情不必告言官司亦不必准理若有造言生事惑亂視聽者事發實定行稟斬決不輕貸須至告示者

動銀募運餉夫

為軍務事照得運糧夫役先據督餉道議將通省丁糧派夫轉運呈詳前來批行開近該本部院經過簡資內隆一帶地方據道路之言咸稱派運多難召募為便應當通變仍照本部院初議責之上東下南二道募夫轉運但募夫恐無身家籍貫難以資成就以

該道原派里甲夫數為用內下南定擬肆萬上東
擬崇萬叁千之上合用工食每名日給叁分壹月玖
錢叁個月該銀貳兩崇錢卽以全省丁糧共該派銀
貳拾萬餘兩并議以後督餉道專管水運至重瀘貳
處東南守巡道專管催夫運至營中如有夫無米責
在督餉有米無夫責在守巡又經通行遵照去後所
據前銀欲就派行各該有司起徵但事勢急迫且非
徵科之時合先動解以俟處補為此牌仰布政司官
吏卽於庫貯大木餘銀內動支貳拾萬兩以拾貳萬
解川東捌萬解川南充作運餉募夫工食俟應徵之
時照例起科解補施行此係立等催夫事理作速起
發毋得遲違未便

禁遣民劫殺降夷

總督部院示逆賊楊應龍兇暴淫霍嗜殺無忌數年
以來播州之人如在水火近聞大兵征剿紛紛携家
出降去逆效順便是良民

明旨寬仁原許勿治近聞有先年投出播民及播邊
一帶棍徒往往指以報讎及塘報名色九遇播民逃

出投生者輒恣行劫掠不行報官以致陷溺之民進
退無門上失天地好生之德下負部院招降之意殊
可痛恨除已前不究外今後但遇播民出外帶有的
親父母妻男子姪或携有牛馬家財真心投降者塘
報人役卽報知所在各該縣掌印官與同將領等官
虛心查審別無偽情許卽收留安置得所如有棍徒
將出降之人乘機劫掠阻絕來路審實定行梟斬若
中有詐降之人乘機出外探聽聲息卽係奸細一面
收監具報務要查審的確固不可容奸輕入又不可
阻其歸降此在文武各官調停而行毋得違錯特示
行湖貴總兵應援思石

為萬分緊急地方事本年正月初壹日據貴州兵巡
思石道呈據石阡府呈准龍泉楊都司手本內稱播
酋楊應龍喪心狂逞大肆猖獗已無天日稱言各巡
警不破龍泉思石想是與外司交通已將杜勝祖李
旭全家抄殺勒令何漢良督同巡警統領大兵數萬
攻打思石龍整地方事果燃眉較與往時警報甚屬
不同難容須刻苟延但本府孤懸僻地將少兵單設

若突至實難堵敵請乞速移銅仁并各總鎮帶調精
兵星夜前來急救合行飛報等因到部院看得遂賊
楊應龍頃者方破東坡爛橋王解旋復攻圍偏橋黃
平今則又欲入寇思石龍葵且先殺巡警以懲怯懦
則激何漢良力攻之計昭然見矣及照貴州總兵童
元鎮湖廣總兵陳璘欽奉

簡命職在專征若二將同心僇力境兵合剿勢如拉
朽且均有地方之責難容坐視合行督屬為此牌仰
本官限文到即率部下兵馬馳至思石地方督同彼

中防守官兵多方分布相機戰守務要大挫賊兵保

全境土上紆 朝廷西顧之憂下解軍民水火之厄
論功酬報爵賞具存如或逗遛不前致令焚劫村落
失陷城池國有常法何敢相貸慎之慎之先具起程

日期飛報查考

申嚴南川防守

為軍務事近據塘報官報稱有綦江縣民李國二李
守權報參拾日午時接黃加言書信稱楊朝棟正月
初貳日出寨于山此行必有事情寨兵不時臨境難

以離動今星夜走報乞馬上飛報南川綦江加兵且
黃加言口稱初貳初叁出有的信等情報到本部院
看得該賊父子自知滅期計在旦夕方寸潰亂故隨
處揚兵如待烹釜魚東衝西突計無所施據報前情
事勢近真合行申嚴為此牌仰該鎮官吏即將南川
地方警報事情嚴責彼處土漢官兵同心僇力決策
運籌分布把截通播隘路前後犄角為勢不時差人

遠行偵探 該道仍令總兵劉繼一面發 令責成西石

二土司官兵如賊果出相機撲滅倘再報情形夥眾

本官即馳赴援敵如當捕殺之時官兵逗遛不前即

押赴 旗令下正法施行若將官應敵失策致賊滋
蔓為害

賜劔具在決不姑息先具遵行緣由報查

總兵以下將領各乘馬

為軍務事照得將領乘馬例也但北方副參遊皆乘
馬南方則皆乘轎此亦積習相沿無足為異惟進剿
搃賊在即將領當身先士卒須演習鞍馬方便征進
若此時尚拘舊套日坐肩輿待進兵方乘馬彼時

人馬不相得何以克敵制勝為此牌仰監軍道官吏
即便轉行各路領兵將領等官一體遵照自今以後
各宜乘馬習戰不得復擁肩輿直至賊平事定方復
其舊若以乘馬勞不如坐轎逸則當早平逆賊坐享
其逸不亦可乎其總兵體統原重轎馬隨便俱毋違
錯各具遵行緣由報查

行思仁守道查龍泉情形

為萬分緊急軍務事本月初肆日據貴州清軍督糧
帶管分守思仁道郭恭政呈稱去年拾貳月拾玖日

平播全書

卷九

龍泉情形

據指揮胡効忠部下逃出紅兵張問仁鄭紹勳報稱
拾捌日播苗四面抄殺將川礮錫落三跳綏陽各哨
官郭明選喻時興蕭才一冉文榮同各哨兵盡行擄
去候同別兵一齊開刀楊守備胡把總見被圍在鳳
凰山不知這半日作何抵殺又據猷木關探兵周萬
陽等報稱各關哨把總官兵盡被殺擄逃散惟綏陽把
總李冠領殘兵數百至營傳言思南鄉官蕭察院不
與代辯決要拋死大做一番至思南過年又據龍泉
守備楊惟忠呈報貳拾貳日據土官安民志報稱播

曾大書白牌內云恭江黃平二路兵進警急趕集各

所巡警苗兵前去救援見聚三跳水天平等處貳拾

叁日突至龍泉土缺河與營哨官兵敵殺數陣見在

相持等情除本道遣防守思南把總王應輔黃儒兵

共壹千名令守備徐元爵領赴龍泉救應外合行轉

報等因到部案查先據兵巡思石道路副使報稱播

賊令何漢良統兵欲犯思石龍葵隨該本部馬上檄

行湖貴二省總兵陳璘童元鎮各帶部下兵馬并催

原調施南土兵捌千名改發思葵兩處各星馳前來

平播全書

卷九

龍泉情形

策應續據該道報稱播兵來攻龍泉又經馬上檄催

前項官兵火速前來救應去後今據前因除再催前

項官兵馳赴外看得思仁道所報賊兵已將川礮錫

落三跳綏陽各哨官兵盡行殺擄楊守備胡把總見

被圍困土缺河見在相持則龍泉孤城勢如累卵萬

一龍泉有失思葵必然震驚添兵防禦設法驅逐誠

不可時刻少緩者今寇在門庭而思石道與思南府

婺川縣各壤接川境本部院駐劄重慶急走不過肆

伍日之程乃腊之拾捌日地方失事至今二旬之外

因何杳無一聞泄泄至此據法即當參究但未審情
形是否虛實姑再嚴查為此牌仰該道官吏即將前
項所報殺擄及兩軍相拒或勝或負等項情狀逐一
火速查明一面多集兵馬嚴加隄備相機戰守一面
徑申該省撫院上緊添兵分發救援其失事員役查
明另報先將賊情有無解散緣由馬上飛報查考再
毋遲悞未便

酌定運夫行四道

為酌定運夫以便遵守事據兵巡上川東道議將東
路兵巡下川南議將南路各陸運入夫每道各編派
捌萬名等因據此案照先該本部院議將二道轉運
餉米壹拾肆萬石定期叁個月每名日給銀叁分於
上東下南二道就近募夫轉運去後今據前因該本
部院計算征兵壹拾貳萬每名日給食米壹升壹日
該米壹千貳百石拾日壹萬貳千石壹月叁萬陸千
石叁個月該拾萬捌千石又以每夫壹名每日運米
叁斗壹萬名叁千石陸萬名壹萬捌千石陸運該拾
萬捌千石是陸萬之夫循環陸轉米拾萬捌千堪足

壹拾貳萬之兵叁月之食也所據二道征兵各計陸

萬則運未之夫每道止用叁萬可知及照師期逼近

糧糈當隨此查自重慶一路由綦江一路由南川俱

係水路至彼進營又當相度地里酌量轉輸矧征兵

糧餉既有行坐之分則運夫工食亦當有勞逸之等

合再通行遵照為此牌仰該道官吏即便會同巡下南

道將重慶收貯餉米照依原行雇募船隻撥給人夫

一面運合江伺候至於到彼轉發營中陸運人

夫遵照今定止用叁萬派行重慶府所屬涪州縣

召募齊備內將壹萬伍千分撥綦江壹萬伍千分撥南川各

聽候發運不許違悞多派之數悉行停止以免拘擾

仍酌量道路之險夷以定遣夫之多寡既不可過多

以勞民又不可太減以悞事惟求人力便益糧運獲

通其應給工食行則全給坐則半給庶幾勞逸妥當

而征夫不致藉口矣此外糧餉如有不足聽候臨期

追加不在此限具派募過人夫發運過餉米數目報

查仍移守道知會

行道鎮會議護運交收事宜

為軍務事照得軍前餉米運夫俱已酌定通行遵照
去後所有護運交收二事尚未講求事關重務合行
會議為此牌仰該道鎮道官吏即便會同監軍守巡各道

將川東川南四路進兵運餉事宜逐一討議要見轉
將秦南永合二路

運餉米行則作何護送止則作何隄防可免他虞米
運到彼部者作何交割復運受者作何收貯聽支俾
得兩便與夫未盡事宜從長計議妥當具由通詳以
憑施行必使人夫無恐糧運獲疏俱毋違錯

安置降夷

手播全書 卷九 牌三十四

為軍務事照得播地夷民一則被酋害一則畏我
茲誅傾心向化襁負而來相應安插用示優恤為此

牌仰川東監軍道官吏即便置造白旗二面桿上書

招降二字一樹於江北遙運所一樹於佛圖關外將

已至者逐一安置得所未至者聽其來降該道專委

堪用武職官二員分投帶兵在彼巡緝但有來降就

便安插隨寓宿食一面譏察來歷不許容留奸黨投

順各民如奉各衙門喚審方許差兵管押進城審完

仍回降所住劄非奉調取擅便入城先將委官重治

降民以軍法細打委官及手下人役不許恐嚇來降
之人如有故違查出一併究罪該道將布置過緣由
呈報毋違

通行水陸二路防賊逃遁

為警隘路以防逃遁事照得大兵一進勢必瓦解誠
恐逆賊一慮官兵擒斬一慮左右內變不肯甘心就
戮希冀苟免或統兵假道衝突或變名易服充作經
商或削髮披緇詐為僧道預蓄遁計寔未可知訪得
播之岐路雖多無如九股為最一自酋地由羗水草

塘出乎越衛地方一自涓潭由餘慶黃平重安凱里

一自板角關由龍泉司長雀思石地方通偏橋衛施
秉縣進容山司俱入九股實係播州咽喉之地加之

此中熟苗數萬一用為鄉導引路而入此地四出漫
散即難窮追合行嚴加把截庶免逃遁為此牌仰貴

州監軍道官吏即便轉行各路領兵將領等官一體
遵照各將前項九股關隘道路照依分定信地多撥

軍兵嚴加把截凡一應往來軍民人等勿拘經商僧
道但有面生可疑及異言異服者俱要用心盤詰如

有拿獲大奸巨惡或叛賊私逃而能捕獲擒獻者定
行照格陞賞決不食言如或坐視怠玩不行盤詰以
致叛賊私遁及受財賈放者事發定以

賜劄行事斷不輕容各宜慎之毋忽仍移文思仁思
石都清新鎮青寧守巡各道一體遵照具遵行過緣
由繳查毋得違違未便

犒馬千乘

為優犒首功土官以鼓敵愾事照得石砭宣撫司宣
撫馬千乘守禦邊城紀律嚴肅防逐入寇則枕戈以
待時遇賊衝鋒則驅兵以向敵故擒斬者伍拾餘級
而蹂踏者陸柒險若功奪諸司之先首破叛賊之膽
忠動雅負勇猛足稱且妻秦氏隨營報効功亦可嘉
俱應獎犒以鼓敵愾為此除部下有功目兵當即照
功支賞外牌仰本官即將解發銀花肆枝共重叁兩
貳錢銀碗肆個共重壹拾貳兩貳段肆疋共重貳拾
兩銀牌貳面本官夫妻均分收領以示軍門優犒首
功之意本官承獎之後務要獎率三軍竭忠報國
成功之日自有厚酬慎勿始勤終怠可也

再催貴州布政司兵糧

為緊急軍務事照得貴州兵糧整備半年之上迄今
尚未就緒甚屬掣肘此時川中漢土官兵數計壹拾
伍萬之上分布已悉糧餉亦陸續運赴進兵地方惟
黔省司道漫不注意本部院節行文移不啻千言差
催人役絡繹不絕未審何事坐致稽遲即今該賊見
屯多兵東衝西突於龍泉思石等處狂逞不已是明
知該省以軍機等見賊故爾輕視若此今照師期逼
近大舉齊進勢同燃眉合再嚴催為此牌仰該司官
吏即將該省本色糧米并乾糧烘炒炒米魚鹽薑蒜
之類要見運完者見解何處何官監收聽支軍火器
具製完者分給其將領收領未完者會否差人守催
近日會題新募精兵叁萬曾否募足見委何將領
統督分布何地屯劄如其中尚有未完備者上緊一
日一次差人前去守催不出此月足備以便齊進此
係立待定期事理先將已齊各數目并近日分路責
成緣由飛報如經承所司間有玩違愆期悞事者指
名開來以憑拿解以

賜劍行事決不姑息

發 令南川并湖貴各監軍道
為軍務事照得監軍道奉

命監軍征剿播賊九軍中分布漢土官兵指授緩急
機宜當對壘之際部領士卒應進不進應援不援與
夫臨陣退縮等事俱係 軍令攸關特發 令旗庶
便行事為此牌仰該道官吏即將發到 令旗一桿
面收執軍前調度一應事宜敢有平時阻撓兵機不
遵驅使臨陣畏縮退避致損 國威及洩漏機密交
平播全書 卷九 牌五十四

行總兵劉綎進綦江

為飛報地方緊急軍情事本年正月拾貳日卯時據
重慶府同知管綦江縣事周作樂報稱本月拾肆日
午時分據本縣塘報踰頭旺報稱探得賊兵於拾叁
日未時在地名大壩離縣貳拾伍里將一人祭旗就
將生員歐爵伏希然等房屋燒毀拾肆日又探得播

兵貳參百馬參隻由插旗山過三溪小河至羅一黃

家擄掠男婦不知其數將訴冤條款木牌丟水當獲
一塊付令狐椎王貴等馳報外卑職看係地方緊急
軍情理合塘報等因到部看得遂賊統兵已入綦地
殺人祭旗燒焚房屋擄掠男女且去城止貳拾伍里
該地防守兵陸續發去不下萬餘畧不以一矢相加
遣不知設兵何用恐從此賊遂欺我怯懦長驅入寇
若非大將親臨調度恐難挫其狂鋒為此牌仰本官
照牌事理即日整棚部下兵馬星馳前去該縣督回
領兵將領等官多方設伏相機戰守機會可乘則率
眾以拒敵事當少待則堅壁以待時務使遂賊不致
狂圖地方得以寧謐軍中一切機宜悉聽便宜從事
仍不時飛報以慰拳拳俱勿違悞未便下

安置綦南各降夷

為慎收降以潰賊黨事照得收納降民業經監軍巡
東二道會議散往綦江南川江津一帶鄉村就中安
插撫恤諸議俱已詳盡但數日以來據報攜帶家口
續投者接踵而至誠恐地狹人多棲集一處宿食不

便致啓釁端合再設法安置使各得所為此牌仰

上東道官吏即便行恭南合江江津等處責成掌印

官將投降夷民除已安置得所外如有叢聚未便或

日前以次來降者審無詐偽俱發江北地方散處中

間聚有叢索可以糊口者聽其自贍貧乏無所倚靠

者即行該州縣掌印官查明酌共人口多寡量給粥

米於收貯稻穀內動支給養有司官系遠有方降人

得所者事完優薦若安插失所致有意外之虞者定

行重處具安插過數目緣由報查

行兩省約期進兵

為軍務事照得播賊楊應龍兇同梟獍過豺狼拒

敵

王師三省盡為塗炭殺戮將領萬姓悉被虔劉惡極

滔天罪已淪於不道孽盈彌地犯豈止於無將城野

難堪人神共憤恫尤可懼

王法不原本部院奉

命總督職在專征且朝廷斷以征剿為期則主將

當以蕩平自誓即今糧草處處務集而兵馬在在雲

屯加之文武同心中外協力既眾誠已眾同應整師

而問罪合就約會共伸大舉為此牌仰該道即便獎

率文武特吏漢土官兵的於貳月拾貳日各照分定

道路同日齊進開刀剿殺至拾捌日各抵播州師期

已定各宜奮勇摠忠布昭

聖武犁庭掃穴謀慮務出於萬全震疊

天威戡定期收於一戰未清三省之妖氛共戡四海

之憤恨用命衝鋒直前奏績者賞格具在斷不食言

違命逗遛畏縮罔功不依期進兵策應因而失誤軍

機者

賜劍森嚴決不姑貸

分遣督牌員役

為軍務事照得三省合兵棚路攻播每路應用督陣

官兵各肆員名官執紅旗兵捧令牌各一面隨營催

督進剿庶幾人有闔志事功可集合就分定通行為

此票仰執旗官某捧牌兵某一體遵照至期前去某

路隨營督陣凡我漢土官兵但遇與賊對壘即捧旗

牌奮力催督令直前衝鋒破敵如有怯懦不前退縮

不進者即報監軍總鎮聽於 令旗下登時斬首以
殉如各官徇情阿縱隱匿不報以致失悞軍機者一
體梟示不貸

檄責總兵陳璘

為緊急軍務事照得播賊披猖致煩

天討凡為臣子孰不欲投袂而起滅此朝食頃據湖
廣總兵官詳稱職過武岡州據守備宗孟開報奉下
湖南道明文轉奉兩臺止募得兵伍拾名送職閱驗
送道簡選則楚兵之集否可見又稱楚糧未見何處

平播全書

卷九

劉道牌之四十九

器械未見完備職所統廣兵三營糧食已缺恐到彼
復稱未備乞請咨兩廣召募興寧等兵即不得肆萬
亦得參萬等因到部除批行外為照湖廣兵糧本部
院自昨歲陸月以來檄催文移不啻千言差過人役
往返無數今查官兵數目近於正月拾陸日辰常兵
備道報稱已召募過漢土官兵壹萬參千玖百壹拾
壹員各鎮軍哨兵壹千名見在偏鎮防守又本部院
徑調永順宣慰司兵壹萬名保靖宣慰司兵壹萬名
烏羅長官司貳千名并餘慶等司願報効驍兵參千

名是前後已有兵參萬玖千有零其餘連鎮軍麻陽
澱浦等處加調者共約肆萬之上矣其糧餉一項湖
廣布政司報稱動銀糴買并播倉穀已有參萬餘石
分守湖北道報稱節奉明文遵照動銀糴買并動倉
穀拾分之參播米共計柒萬參千餘石陸續見運鎮
遠等倉收貯是糧餉已有拾萬石之上矣又稱買完
鹽貳萬斤薑壹萬斤魚壹拾貳萬斤又發銀柒百兩
於沅州辰州等處收買糯米以作乾糧之用其軍火器
具靖銅等衛堪用及修完者已運沅州聽令取用各
等因在卷乃今本官未查確實屢次具文申稱兵糧
何在豈其入境之初止聞人言便爾周章失措耶或
先為此文托之不備以為將來委過之地耶夫應龍
小豎子耳本官所當又只捫路之一耳帶來廣東精
兵已及貳千之上本處土漢官兵不下肆萬有餘撫
院親臨各道畢集何所不備而必欲招廣兵若三省
之中有遼將則招遼兵有閩將則招閩兵是以環播
貳拾萬之兵將坐食以待一二將領之招家兵也事
當何時火賊當何時滅乎本官當今驍將海外皆知

平播全書

卷九

牌三之五十一

其名決不以應龍虛聲遂爾退怯當由未至沅州未見兵糧實數故為老成持重之慮但專以輕為而失亦以重發而悞即今師期已發春水將生若再遷延便是夏日狂賊得勢平定無期思之寒心合行開諭為此牌仰該鎮官吏即便遵照將所部兵馬已到者設法分布未到者作速行催照依頒定師期責成信地進攻仍諭領兵備裨將領及漢土官兵務俱齊心協力掃穴犁庭有功之日定照賞格施行如或仍前推委行懈怠軍機者本部院惟知執法從事決不寬假毋得遲違未便

平播全書

卷九

牌二十五十一

發劍

為軍務事照得本部院欽承

明命總督三藩提七省之雄師征一方之反賊該兵

部具題

賜劍以重事權奉

聖旨賜劍有不用命的許先斬後奏欽此除欽遵外為照事屬三省兵分捌路人心渙散法在便宜除將欽賜尚方寶劍留在轅門遵旨行事外所據六監軍

六總兵各專生殺之權威有便宜之令相應仰體聖意各發一劍以便行事為此除將寶劍一口發總兵官收候外牌仰該鎮道即便會同總兵官監軍道一體遵照安置營中凡有臨敵避難不肯用命應夾攻而不夾攻應應援而不應援者即押至令旗下以賜劍行事施行毋得違錯

行各道并委官料理各司職事

為軍務事照得軍旅之事非一才一力所能辦者故

止藉監司以綜理之下賴百執事以分任之然後群

策群力輻湊嚮應而膚功可立奏也播賊楊應龍遂

天造反與師問罪進剿在邇頃將川中肆路軍前應

用監軍督餉紀功等道督理監紀督運糧餉大小文

武等官俱經案行司道轉行遵照去後今訪軍前實

心奉行者事無不豫至若視為末務不行幹理者尚

爾憐然無知萬一推延悞事責將誰諉所有原行分

管職掌合再通行申飭俾知遵守庶便責成為此

一行東南監軍二道劄仰該道官吏照劄事理即便

遵照專理監軍職事凡軍中運籌決勝破圍搗巢出

平播全書

卷十

牌二十五十一

正出奇用間用謀或計擒元光或離散黨與或聲東擊西或將計就計與夫攻其無備出其不意諸如此者在該道與主將臨事相機應變而動非本部院所能遙制以至官軍賞罰將領功罪軍中一切大小情弊應徑行者徑行應揭報者揭報仍督同贊理監紀官同知史朝貞推官高折枝知府蔡宗憲同知趙世德計議而行俱毋違錯未便一行巡上東巡下南巡下東故馬廬道為此劄仰該道官吏即便遵照專理蔡江南川合江永寧一路催積兵馬紀驗功次兼分督糧運執事凡軍中合用本折糧餉轉運夫役俱要催督接濟必使運夫不致失誤軍餉得以疏通至於擒斬功級如遇官兵解到須發贊理監紀官辯驗真的除幼小婦女及無小功俱削去外其餘壯功分別應賞應紀填給按院印發功票一面行賞一面呈報施行毋得違錯未便

一行蔡江南川合江永寧贊理監紀官重慶府推官高折枝敘州府同知史朝貞馬湖府知府蔡宗憲嘉定州同知趙世德劄仰本官即便專理蔡江南川合

江永寧路監紀二事凡軍中運籌決勝進止機宜悉聽贊理擒斬功級老幼真偽悉聽辯驗應紀應賞一切奸弊悉聽裁酌摘發百凡機務仍呈監軍紀功二道計議而行務須計出萬全功收一戰本官邊才於斯見矣俱毋違錯未便

一行運收糧餉官重慶府同知王陞馬蒙府通判劉之瀾涪州州判馮恭運協理達州州同李潤放散為此劄仰本官即便督同榮縣主簿周有德隄為縣典史張特逢青神縣典史李希賢汶川縣典史蔣一浙自南川起發處一路管中住劄本官專一監收監支幕職二官各聽往來驅使凡遇各府州縣轉運糧餉到管逐一驗視乾圓潔淨者即便照數隨營收貯聽候軍兵隨便本折兼支照冊放散不許短少仍多方遮蓋不得浥爛其有糠粃不堪及短少者責令颺簸潔淨截數收貯行令原解州縣照數運補至於一收一支俱用平斗毋容增減各官俱聽巡上東巡下東道提調其銀米或有不繼及各處轉運遲滯者即呈該道催發接濟此處米或支盡或移管就便隨同官

軍以漸而進至播州止此係三軍張口待哺重務如
 有托故避難捏病推諉致悞軍機者定行從重究處
 決不輕貸一行督夫運餉官蓬州知州毛秉光巫山
 縣知縣陳應式爲此劄仰本官即便督同播州長官
 司吏目徐里雲陽縣典史徐嘉慶新寧縣典史熊子
 元松坎驛驛丞張二南自南川起發處一路營中住
 劄本官專一督夫運餉幕職二官各聽往來協同稽
 查催償凡遇各州縣轉運餉未到彼即便約會遊擊
 任承爵帶領軍兵同管押查則拾途防護夜則加
 謹巡邏一程徑送一程計至營中交與運收糧餉官
 收貯明白循環往來隨同官兵以漸而進運完停止
 俱聽巡上東巡下東道提調如運夫或有逃逸不行
 送到官兵或有偷惰不行護運者據實揭申該道轉
 呈本部院以憑重處若各官間有托故避難捏病推
 諉致悞軍機者亦行重究不饒

一行運收糧餉官夔州府通判尹紹臯協理合州知
 州段文郁放散爲此劄仰本官即便督同彭山縣主
 簿夏子賢梁山縣典史劉國文渠縣主簿陳迪梓潼

縣典史李楚長壽縣知縣郭維屏散給自綦江起發
 處一路營中住劄本官專一監收監支照前云
 一行督夫運餉官大寧縣知縣何躍龍儀隴縣知縣
 素煥爲此劄仰本官即便督同鄰水縣主簿張大化
 仁水驛驛丞李兆慶營山縣典史喻廷龍烏江驛驛
 丞徐承智自綦江起發處一路營中住劄本官專一
 督夫運餉幕職二官各聽往來協同稽查催償凡遇
 各州縣轉運餉米到彼即便約會都司程試帶領軍
 兵云前

一行運收糧餉官敘州府同知李廷謙新繁縣知縣
 魏光祚爲此劄仰本官即便督同大邑縣主簿王家
 士蒲江縣典史施雲鳳金堂縣典史劉承恩內江縣
 典史張希伯自合江起發處一路營中住劄本官專
 一云前

一行督夫運餉官榮縣知縣樂繼同彭縣知縣鄭酒德
 爲此劄仰本官即便督同仁壽縣主簿吳國藩彭縣
 典史羅富昌安縣典史倪輝德陽縣典史黃廷文自
 合江起發處一路營中住劄本官專一督夫運餉幕

職二官各聽往來協同稽查催儻凡遇各州縣轉運
餉米到彼即便約會帶領軍兵云前

一行運收糧餉官順慶府同知馬性和資陽縣原任
知縣詹淑為此劄仰本官即便督同漢州吏目左鉅
峨眉縣典史張東陽并研縣主簿吳時霖平羌驛驛
丞黃鉞自永寧起發處一路營中住劄云前

一督夫運餉官資陽縣知縣葉世孝內江縣知縣楊
應登劄仰本官即便督同茂州判官梅子鳳岳池縣
主簿朱朝輔夾江縣主簿熊伯仁西充縣典史林元

李播全書

卷九

史牌王孟其

見自永寧起發處一路營中住劄本官專一督夫運
餉幕職二官各聽往來協同稽查催儻凡遇各州縣
轉運餉米到彼即便約會參將王慶吉帶領軍兵云
前

行拿楊惟中

為軍務事案照先據管思石守備事都司楊惟中呈
稱卑職循例出謁郭叅政面議地方事宜行至地名
剪芥溪正月初五日遂齎兵犯龍泉綁去土官安民
志除死傷官兵查實為報等因到本部院已經牌行

該道將本官姑饒死罪聽立功保守思石地方去後
今貳拾伍日又據分巡思石及據該府復中楊惟中
先期徑至鸚鵡溪將家眷移送潮底河下潛住以致
誘苗入境等因該本部院會同貴州撫院郭為照
本官身為將領定有地方乃賊未來輒挈家而走擅
離信地遂為逆賊所乘土官安民志率兵交攻身罹
鋒刃所部軍民無官兵救援悉遭荼毒皆由本官坐
視以致大失軍機法應拿究為此牌仰思石道官吏
即將楊惟中嚴拿監候一面備查該司殺虜人數官
兵的有若干漢土居民共去若干龍泉司印見在何
處及將本官失機情由據實依律招參以憑處治其
龍泉地方一面責令叅將陳良玘王一桂各多發勁
兵戍守仍行思石二府速備糧餉聽候進剿施行先
具監候緣由報查毋違

禁殺降

為軍務事照得石砮酉陽土兵近日得功原係攻破
金筑險寨官壩大營該本部院指授監紀道府機宜
用以寒賊之膽庶使被害之人早得出降非漫為也

李播全書

卷九

史牌王孟其

乃各領兵官不知緣故遂因此縱兵搜索截殺降人
日報零級殘民命傷天理是豈吊民伐罪之意除查
明另究外應合申飭為此牌仰川南監軍道官吏轉
行各營領兵將官禁諭漢土大小官兵各宜靜守邊
界聽候令到方許進剿有投降者查實引赴該道查
明發內地安插即以功論如再縱兵殺降不但論
功審實仍以違令處斬決不輕貸毋得故違未便

再催三省道鎮至期進兵

為軍務事照得三省合兵征剿播賊信地已分師期

平播全書

卷九

牌之五十九

已定及令整糊兵馬屯積糧草束裝以待至期並舉
去後第恐大小文武視為泛常致悞大事合再嚴督
為此牌仰該道鎮官吏即便會同監軍道將該路兵
馬整點齊備糧草屯積傳當與夫軍火器具等項一
一整齊至期督率大小三軍一齊並進所謂疾雷之
下不及掩耳斬關而入在茲一舉若或至期却稱兵
馬未齊糧草未就遂巡不進逗遛不前致悞軍機者
勅劍具在決不赦私各具遵行緣由報查

爪探湖貴進兵日期

為軍務事照得三省合兵剿播主將偏裨與監軍
官信地已分師期已約業經通行至日並攻去後第
恐各路大小官員視為兒戲至期觀望不進有悞大
事合就差人分投爪探為此牌仰本官即便馳赴貴州
廣偏一帶地方密探某路某兵若干是何將
官統領的於某月日開刀進攻某路某兵若干是何
將官統領至期觀望不進逐查明白據實先行飛報
既不許受囑徇情又不許藉口差探乘機生事擾害
官兵查出罪不輕貸

平播全書

卷九

牌之六十

責成奢世續臨陣

為軍務事照得永寧原報土兵係宣撫奢世續節申
自願傾土出兵報効協同剿播本部院屢徑行牌整
備聽令至期進攻又經厚行犒賞以示鼓舞去後今
照師期已定三省官兵是日一齊開刀進剿但恐兵
不精利徒以老弱充數何以使強敵披靡又或本官不
親行但使目把統領何以使部卒用命若待不能成
功或致僨事然後行法究治即於本官不便然於
國家亦何利焉相應再行申飭為此牌仰本官即將

部下土兵行令自把劉國用等嚴行挑選必人人精壯一可當十本官親自統率躬赴播境劄營聽主將號令至期開刀進攻直搗賊巢掃穴犁庭用收奇捷彼時論功行賞自有特異之典如或託諸部目不行親詣陣前有悞事機訪出重處賜劍具在定不輕恕

犒丹御龍

為軍務事據酉陽宣撫司宣撫丹御龍并把總冉大周各申解督率自兵克破官霸大寨共擒斬播賊參

半播全書

卷九

牌七

牌七

百零壹名顆到部據此行據監軍道驗明除將部下有功目兵當即照功行賞外看得宣撫丹御龍壯懷激烈紀律嚴明志滅窮兇則奮勇先登大破險寨於貳日恩聯勁卒則僇力轉戰首建奇捷以多功賊膽因之頓寒忠勤自茲表見把總冉大周心存報效力在懍忠擒斬亦多功可嘉尚俱應獎犒以鼓敵愾為此牌仰本官即將解發銀花貳枝共重貳兩銀牌貳面共重貳拾兩銀碗貳個共重捌兩色段貳疋送給本官又重壹兩銀花貳枝色段壹疋白銀捌兩賞冉

大周各收領以示軍門優犒之意本官與冉大周承獎之後務要獎率三軍竭忠報國掃穴犁庭成功之日自有厚酬慎勿始勤終怠可也

行道鎮破酋狡計

為軍務事據貴州左監軍道報稱緝獲楊酋老虎兵劉奇才劉恩供稱應龍聞知各省大兵分作拾貳哨進播應龍與心腹庄局家丁內親管估刻共壹萬米千人同上海龍國拒守本國實在倉米大小參肆千間其未上刻外親管苗兵并里民兵於養馬城養雞

半播全書

卷九

牌七

城奪三窩等處硬劄營寨應龍號兵貳萬於千溪頭舖劄一大營拒川路楊朝棟號兵貳萬於桃溪墳壩頭劄一大營拒水西并烏江兵田氏號兵壹萬於毛坪劄壹營防永寧截龍國後路令太監劉元提調顏和羅留元尚意等集六統制所轄漢夷民赴板山圍敵水西羅兵令總管何漢良統集涇潭夷漢拒馬腦等圍敵思南龍泉偏橋兵令偽安撫楊珠并楊留陳大恩楊三等統集西平瓮水司地黑壩夷漢土兵敵河渡江界牛場平越兵令夷頭羅剛等領安羅三寨

苗兵拒合江永寧之兵另以兵拾名立為一隊內參
名用長鎗參名用弩參名用副刀壹名用斬馬刀或
撈鈎另總用兵壹百名披虎皮常川教演驚嚇馬軍
等情轉報到本部院為照該賊久知我兵四集亦知
戒期不遠分兵拒險拒我進攻觀其收人心復生丁
上固固守又教各兵假辦虎形驚嚇馬軍一則儘力
死拒一則退圍以守此狡賊勢所必有者惟目前破
敵之方制勝之策亟應預謀為此牌仰該道鎮官吏
即將播賊分營屯兵拒我攻剿與教兵披掛虎皮等
計并賊所用長鎗刀弩等器逐一多方籌弄查照近
發進兵須知事宜參酌熟講後用何項狡計我以何
策破敵務須密諭三軍俾人人悉知其計以鼓臨敵
膽氣仍通行各將領知會毋違

行湖貴道鎮分定官兵信地

為軍務事照得三省合兵柵路攻播蜀任其四黔任
其三楚任其一除川省四路業已分布外所有湖貴
二省文武官員前雖有行尚多缺略茲者官兵存在
大備應再酌定申明庶便責成如貴州一路從烏江

進則貴陽兵參萬餘總兵童元鎮參將謝崇爵守備
陳雲龍沐燦中軍張澍劉岳士知府隴澄知州岑紹
勳等主之一路從沙溪進則水西兵參萬餘參將朱
鶴齡宣慰安疆臣千戶王安民等主之此皆貴州左
監軍楊寅秋督也一路從黃平進則合興隆黃平平
越兵參萬餘總兵李應祥副總兵陳寅參將楊顯劉
効節守備汪如淵宣慰彭元錦等主之此貴州右監
軍張存意督也一路從龍泉進則偏橋兵參萬施南
兵柵千總兵陳璘副總兵陳良玘參將王一桂都司
錢中選守備王之棟徐允爵宣慰彭養政宣撫覃宜
覃玉鑑安撫覃大豐等主之此湖廣監軍魏養蒙督
也其宣慰彭元錦查先該本部院調兵壹萬由偏橋
進今據貴州撫院咨稱調該司兵伍千駐興隆如該
司兵伍千已駐興隆則尚有伍千應進備橋本官宜
自領一路伍千責成忠勇自把督領一路伍千以上
三總兵合四川三總兵陳璘在偏橋李應祥在平越
童元鎮在貴陽劉挺在綦江吳廣在永寧馬孔英提
騎兵往來接應勇將強兵星羅綦布真有虎豹在山

之勢加之副總叅遊宣慰宣撫等官左右聯絡犄角儼有首尾率然之形區區小醜不足平矣自今師期已在眉睫毋容頃刻少緩者所有酌定信地合再通行遵守為此牌仰該道鎮官吏即便會同監軍道總兵官轉行部下分定副總叅遊都司守備宣慰宣撫知府知州安撫長官等官各一體遵照分定信地點齊兵馬整搦器械運籌決策束裝以待至期黎明一齊開刀入關剿殺施行師期已定道路已分如或畏怯不前違期不進致誤軍機者

平播全書

卷九

余牌三之三

賜劍具在決不輕貸如龍泉賊勢未退總兵陳璘即發驍將一員帶領勁兵一枝星馳前來合思石等兵一齊直搗一面先行剿逐一面隨後進兵無容滋蔓各具遵行緣由飛報查考

行湖貴二省照川中懸賞

為軍務事照得征播懸賞條例業已奉有

欽依通行三省一體遵照去後今照官兵屯營播境即日掃穴犁庭然非重賞無以鼓三軍之勇除川省各路已經解發官帑付監紀等官隨營懸示克敵擒

賞外所有該省應合一例舉行為此牌仰監軍道官吏即於軍餉銀內動支每路發壹千兩或貳千兩秤封停當差官解去軍前交與管餉官收貯遇有險寨險岡及大枝勁賊官兵如肯用命者酌量懸示不拘叁伍百兩約以當先用命者有成效者即便給賞則人心見利必趨而逐賊可以不戰自屈矣具支解過緣由呈報查考毋得遲違未便

令催安奢二土司進兵

為軍務事照得播賊造及奉

平播全書

卷九

起牌三之三

命吊伐三省合兵同日進剿已經酌定師期

州撫院并行監軍總兵轉行領兵流土等官一體遵照至日舉事及慮該司兵不精利強敵無能被靡官

不親行部率不肯用命履行申飭嚴加挑選督至播

境聽令去後今照師期屆臨正耀武揚威之日奪關

斬寇之時合行督進為此除差官齎捧令旗前來

外牌仰王中奢世續即便督令目把劉國川等將部下

士兵叁萬名親自統率照依分定信地於貳月拾貳

日開刀剿殺拾捌日直抵播州及照此徵總兵官六

偏裨無限宣慰司三宣撫司五而土知府知州招討
安撫長官則又無限也各擁推兵死士之衆均懷德
忠吞賊之謀已非一朝一夕矣若該司存孤疑觀望
之心蓄螭蚌相持之計恐爲他人所乘如近日惡目
趙士登者李佩謀之不早而爲曾文學以計取之目
今佩惟垂首喪氣已耳本部院指授立功在此在彼
何足爲異第恐如李佩一失既於本官付托不效卽
於 國家尺寸無補將何報稱以荅
明命宜早決之毋自悞矣慎之慎之

平播全書

卷九

十一

行高推官專督土兵

爲軍務事照得播賊猖亂奉

天征討進兵逼近撲滅可期但惟南川一路漢土錯
雜南北相挽人情既多驚駭將官更鮮駕馭若不專
官約束何以驅周命而肅軍紀也爲照推官高折枝
恩信素孚土人推服况當見在監紀相應就近行委
爲此除差官齋捧 令旗前來外牌仰本官卽將百
陽石砭二司土兵二枝聽其提調時加鼓舞以增敵
愾凡軍中一切進止機宜仍約會總兵將領計議而

行若有難破之寨難登之險或大枝勁敵勢難仰攻
者則懸重賞或參伍百兩功成之日卽移管餉官照
格行賞俱聽便宜行事至有不用命及離次亂紀者
緩則綁赴監軍道以 尚方從事急則本官會同將
領土兵徑於 令旗下施行本官務要大展謀猷早
奏成績庶幾不負任使其將領等官如有驕拗或畏
縮不前者據實揭報以憑重處施行

平播全書

卷九

十一

平播全書卷之九終

平播全書卷之十

牌票目錄三

行令各衙門徑自料理軍中事務

行四兵道督催運夫

行川東道鎮申飭基江軍情

禁息兵爭行連坐之法

行劉總兵截殺

行四兵道催兵糧

曉諭進兵

查動銀兩招撫投降苗寨

行劉帥防賊衝突

行安疆臣一意進兵

再催各路進兵

申定衝鋒賞賚

獎總兵劉綎首捷併催兩省進兵

禁軍兵不許執指運夫

督勵運餉官夫

催總兵劉綎進兵

催督安疆臣進兵

申諭兵將

行五分守動倉穀碾米

獎賞克洞官兵

催各路進兵

查通省庫銀解充軍餉行守巡道

行湖北道運糧

再催茶南進兵

催水寧合江進兵

催進兵

催湖貴進兵

布散賞格

催南川進兵

催水寧進兵

查永合二路兵情

再催湖貴進兵

催偏橋龍泉興隆進兵

告示發總兵劉綎

催安疆臣進兵
催永寧路進兵
勸務農業禁兵騷擾
再催南川路進兵
行總兵陳璘由白泥進兵
催總兵劉綎進兵
行湖廣催餉究革管糧通判
再催湖貴進兵
停獲賞格
青成末年王繼先于本地方護餉
委黃通判管偏橋糧運行督餉道
催彭元錦進兵
獎馬千乘
獎戒陳璘李應祥二總兵
催龍泉進兵行思石道
催碁永進兵
再催各路進兵
行擊劉效節楊惟中

再禁殺降
獎賞破桑木關官兵
再催碁路進兵
以地畝稅糧派軍餉
以丁糧派夫價
催總兵劉綎進兵
催各路進兵
再催各路進兵
再催永寧進兵
行龍泉路官兵相機戰守
申飭龍泉招降報功奸弊
碁江路糧餉不繼行擊叅將麻鎮
諭催永寧進兵
催永寧兵
詰問安疆臣
行重慶府發銀賞龍泉功
催碁永二路進兵
催湖杜道運糧

給施州衛指揮唐一麒加銜劄付

責水西進兵

行獎安疆臣兄弟

行守下南道督夫

催湖省道鎮會兵搗巢

行監軍道獎賞破關

中飭軍中匪婦人

平播全書

卷之十

牌

五

平播全書卷之十

牌票三

行令各道徑自料理軍中事務

為緊急軍務事照得征播師期業已計定軍中一切事務既不可缺又不可遲若件件請詳然後乃行往返耽延坐致遲悞相應暫破拘攣用從權變為此牌仰該道官吏照牌事理今後除機密重情法應計議者仍聽通詳外其餘一應小事應用忙迫如委用文武調撥兵馬轉運糧餉計處運夫起發軍火器具火藥馬匹匠作人夫等項但係軍中緊急事件一面徑自酌行一面具由呈報不必呈請致滋往返耽悞事統俟兵務完日仍照舊規施行通毋故違未便

行四兵道督催運夫

為軍務事近據各委官報稱各處運夫多有入包攬數名及將領到米糶賣空身前來直至交米州縣方行買納米貴或無米多束手無策輒至逃避等因看得運夫一節履行正官經理申嚴再四今乃不行清查委之無力棍徒假稱省祭義官名色描鼠同眠致滋奸弊今進剿期迫若前途營中乏餉有悞軍機

即將經承各員役寸斬亦無益於事應合嚴責為此
牌仰該道官吏即行各州縣凡派有運夫者各掌印
官責有風力佐貳首領管押前來如佐領不堪掌印
官即將印務交與教官親自督押前來領運刻期交
納以後若仍有包攬逃走等弊致誤軍機者先將掌
印官拏問其餘以下員役定行以軍法重處決不輕
貸該道立刻催行毋違

行川東道申飭茶江軍情

為緊急軍務事本月初陸日卯時據總兵官劉綎呈
據標下領兵防禦茶江都司周敦吉等報稱楊酋親
統苗兵貳萬由大路松坎安穩楊珠領苗壹萬有餘
由小溪里穆炤地方只在初柒日來犯茶江等情到
職看得所報雖未委虛實在我分布宜周除整棚兵
馬分劄險要如果入犯分投截殺及行防禦江津將
領隄防楊珠穆炤等賊嚴加哨備遇警聽令夾攻務
獲萬全等因到部看得逆賊頃者出犯龍泉因被我
兵破其金竹官壩岩圍等寨遂爾撤回內顧連日畧
無動靜已甚疑之蓋狡賊探知湖貴各路兵勢稍緩

特欲併力茶江或明由正路誘敵或暗從間道攻襲
拚死一逞以挫我鋒此先發之術昭然甚明所據防
禦誘餌之計當在此一舉以奪其魄為此牌仰該道
官吏即刻傳諭茶南江津各路將領等官多方哨探
加意隄防整棚兵馬籌定計策或挑戰以誘其來或
設伏以斷其後機會可乘則併力一擊時當有待則
少俟並舉事緩指麾將領截殺事急該鎮奮勇前驅
務使逆賊不致得志而我銳氣自此鷹揚有不戰戰
必勝矣

行道鎮禁兵爭行連坐之法

為軍務事照得各管官兵奉命剿賊聚首一處便
是一家遇有變小爭競當聽同夥老成曉事者叶和
勸解即宜冰消霧釋有何難受便至群毆不顧身命
大功在前各將好漢氣力殺賊有名有利到家父母
妻子望見歡喜今為小忿私鬪喪身豈不失望又無
美名此本部院深於各兵有所不取者合行戒諭為
此牌仰該道官吏即便轉行各路領兵將領等官一體
出示曉諭各管官兵知悉今後但有二人相毆不論

是非各網打壹百聚至十人以上者摘將起禍兩人亦不論曲直並斬以殉若事起散兵仍罪坐甲長事起甲長罪坐隊長事起隊長罪坐哨長事起哨長罪坐千總事起千總罪坐將領定行連坐各按軍法從事斷不輕貸

行劉總兵截殺

為緊急軍務事本月初八日卯時據總兵劉綎報稱本職於初六日抵碁江隨據哨役王時報稱播首出犯東溪等處本日申時又據監軍道差役口報撞見播首有步兵千餘馬兵五六百已出俱披紅繫被各執長鎗等情抵晚又見號火傳至有警看得楊首自出之情雖未委真的然賊出情形已真除於初七日發兵前去東溪迎敵并劉老管相機進剿外理合塘報又據川東監軍道稟報相同各等因到部案照初六日據報首兵必於初七日出犯碁江當即牌行分兵截殺去後今據前因看得此賊曾有傳言但探得該鎮在於何處必要決一勝負據此是知該鎮已創碁江故首出此地欲挫該鎮銳氣是未可知但今各

路俱將進兵彼首親出則前有勦敵後有警報正其奪氣之時一戰擒之未可知也今毋論出與不出然賊兵既已大至自宜整兵迎敵為此牌仰該鎮即刻督令部下大小將領相機戰守賊如果來若銳氣甚熾則堅壁以待疫困然後分兵擊之設若初來未整即指麾群帥併力勦殺驅逐入巢不必牽延時日致滋延遲此該鎮初出碁江第一功也慎之慎之

行西兵道催兵糧

為軍務事照得剿播興師已在目下師行糧從理所必然乃近日訪得糧尚未運至邊城夫尚未催至邊地至於委用分管糧運各官往往恣行推諉如陸雲松已到而稱病如段文郁中途而復返遠者遷延不來近者改委不定臨事避難習以為常轉相效尤牢不可破異日悞事即以重法處之彼避事之人亦自甘心於國事何利焉合行申飭督催為此牌仰該道官吏即便馬上差人嚴催各委官務要齊到原派地方再催各經管官將原派夫役亦齊到原坐地方伺候進兵隨運米糧在各州縣者速運至近播城邑

以便轉運該道仍與監軍道及總兵官大小將領不時計筭或營中道路延長夫數量應增募或進兵路分多歧官夫亦應分隨或軍士應自行帶糧或運夫應各帶兵器一切事宜原行未備者徑自酌處妥當要在濟事本部院不從中制如以成議已定略不關心延緩稽遲以致悞事即該道安得辭其責乎以後但有某處官到某處夫到不時報以憑稽查處治有委官推托希圖改委者另自叅呈重究

曉諭進兵

為軍務事照得本部院於二月十二日起馬親統天下兵馬五十萬分十八路並進前往播州擒逆賊楊應龍凡該州地方漢土官民九種十三姓楊保人等投降者全家免死拒敵者九族皆誅擒斬應龍父子來獻者照格陞賞的不食言

查動銀兩招撫投降苗寨

為軍務事照得興隆等處九股夷苗近日羅拜投降實出真誠據委官指揮曹仁佐稟稱招過四十餘寨本官自備銀五十五兩買備花紅牛酒之類賞過各

苗即今見在招撫所據合用銀兩應合動給為此牌仰新鎮道官吏即查各願撫處寨苗是何寨分如果出自真誠該道即於都勻鎮遠等府縣庫堪動銀兩酌量動支若干打造銀牌買備花紅牛酒另委一官同指揮曹仁佐前去各苗寨撫處事完將動過銀數委過職官撫過苗寨開報查考此係綏系遠人至緊首務毋得遲違未便仍呈該省撫院知會

行劉帥防賊衝突

為軍務事據督理綦江監紀官同知史朝貞稟稱審據生擒苗羅受吐稱楊應龍命母柱穆焯周俸祖等六提調共統兵九千人先來劉營東溪又於松坎地方修截路二條探聽大兵出日親來綦江迎敵拚命直衝重慶等因到部者得此路既有盛兵又有該鎮親臨調度逆賊即生兩翼亦莫能越胡為尚敢狂悖拒命長驅興言及此令人切齒為此牌仰該鎮即將綦江一路關隘險阻箐林去處前後左右暗伏奇兵數枝安置硬弩火器分布停當賊如不動則挑戰以激其鬪設或來衝則奮力以折其鋒必須前後掩至

左右夾攻奮勇血戰一鼓成擒所謂衆人逐兔在茲一舉談鎮其決策圖之倘或不行備禦不行侈力萬一長驅直衝而莫能堵或從岐路夜入而襲其後不但談鎮前後受敵恐府城為之震驚矣此在談鎮慎之母忍

行安疆臣一意進兵

為緊急軍情事十六日據塘報千戶潘之玉報稱二月初八日有貴州宋宣慰母大哭進城赴院道報說有子承恩在洪邊劉營被擄首發兵擄去隨從兵士

平播全書

卷十

牌三之合

千餘盡被殺擄又據武舉周英單騎飛報初六日酋兵來戰一陣散去初七日五鼓不知苗兵何時已渡洪邊河來圍管周英覺早即時上馬逃回視承恩被捉是實省中嚴謹城門士民甚是驚惶等因到部看得宣慰宋承恩素非逆賊敵手而使之孤軍劄於比隣之地此亦設備者之疎於計也本官身膺重責既不度豈又不隄防致賊夜渡圍困若履無人之境破寨被擒實出自取何足為異但承恩原係逆賊之婿就中佯輸詐敗希圖取事寔未可知矧安疆臣與宋

承恩雖有同僚之誼據其時事恐亦難與為之援者即今大兵已進立等處得者持姑息之心更懷觀望之計不知承恩與朝廷孰輕孰重萬一不察顛倒不辨是非牽制急緩致悞軍機恐非臣子之義亦非身家之福為此牌仰本官照牌事理即便查照原行欽遵 明旨一心任事親自統率兵馬火速自抵播州務將黨惡盡斬元兇就擒一以見談司官日報國之忠一以表不負本部院與貴州責成至意如或藉口同僚有礙加兵孤疑不進觀望不前縱賊長奸致悞軍機者即係通同詭套誰肯信之是蹈播州之漸也慎之慎之

再催各路進兵

為軍務事照得大兵併臨賊必窮蹙乃今數日以來香無動靜似懷畏縮之心尚有觀望之計沮銷士氣甚屬不振合就查催為此票仰談鎮官吏即查談路官兵既已依期併進正揮戈躍馬之日爭旗奪鼓之秋緣何軍中絕無消息連日未見捷報不知是何情形牽延時日一面嚴督上緊搗巢一面定計先擒元

平播全書

卷十

牌三之九

惡星火飛報以慰奉奉如或再行延緩觀望不前及
輕率寡謀為賊所誘致悞軍機者有
賜劄在慎之慎之

申定衝鋒賞賚

為軍務事照得賞格內開苗級一顆賞銀五兩今加
倍賞銀十兩已經懸示外為照近日克破金竹關壩
等寨所獲功次此係未進大兵之前勦剿零功照級
賞賚斬級之人今大兵既進之後與賊對壘之時當
以衝鋒破敵為第一等功不分有無功級首當優賞
得級者次之庶人心奮勵苦樂通均合就通行申明
為此牌仰該鎮道即便轉行各該領兵將領等官一體
遵照今後每營先定衝鋒人數凡遇上陣大敵衝鋒
之人果能奮勇當先破陣致挫賊鋒者擒斬功級或
係有名首惡或係脅從餘黨直俟收兵解驗明白聽
委官照格給賞領回聽本營領兵官通計功賞若干
分別定數衝鋒者重賞斬級者量賞以示殿最如衝
鋒雖定而臨陣之時未曾破敵皆由對敵散兵自獲
功級者則全賞斬級之人衝鋒不與不許妄冒混爭

及狗情不均如違各以軍法從事決不輕貸

獎總兵劉綎首捷并催兩省進兵

為軍務事本月十八日卯時據提調綦江總兵官劉
綎報稱十二日出師東溪進隨報揚首添兵七千助
提調楊兆林率穆炳鹿罕等拒敵 王師就經分布
標下官兵進剿十四日本職到李漢壩前哨望見賊
衆是日晚彼此劄營十五日黎明與賊大戰從卯
至未我兵連贏數陣攻打二洞當陣擒斬寨長頭目
并賊級及俘獲婦女牲畜頗多各賊奔回楠木洞見
在圍困找相攻取必期盡滅以便長驅等因到部查
自大兵並進之後數日以來通無動靜又經三次督
催去後今據前因看得八路齊進獨該鎮首破賊鋒
功稱第一孰有讓焉自此賊膽已落諸寨震驚破竹
之勢已成掃穴之功可必但楠木洞雖已逼圍尚未
克破誠恐人心易驕賊詐難測既慎困獸復闢再防
賊兵出援法貴速圖用收成績為此牌仰該鎮道官吏
即便督率官兵將楠木洞一面奮勇速攻以收全捷
一面多方設伏以斷抄援掃此羣醜長驅而進畫定

方略早殄渠魁雪軍民向隅之悲紆 朝廷西顧之慮此該鎮竭臣子之忠亦本部院之所景望者慎之慎之 一行五監軍五總兵自此賊膽已落諸巢震驚所據各路官兵亟宜乘此瓦解之勢共收掃蕩之功合行督催為此牌仰該道官吏即便切責將領官兵務要彼此協力早夜圖謀直搗賊巢盡殲羣醜雪軍民向隅之泣紓 朝廷西顧之憂如或再行怠緩牽延不進本部院以奉行之遲速為功罪之斷案 尚方嚴重恐難追悔慎之慎之

禁軍兵不許執指運夫

為軍務事照得運夫之役專為轉餉以供官兵肩擔臂負登山越嶺艱苦備極者乃運至營中轉回中途而遇進管軍兵中有不遵紀律擁眾恃強將人夫截路拘執或搜取隨帶盤纏或勒令挑負行李以致赤進之夫或畏懼逃回或借此中止致誤軍機深可痛恨除已往外合行嚴禁為此牌仰領兵將領等官今後分發軍士進營務要嚴諭恪守紀律如有仍前用強執挈運夫搜去盤纏及勒令挑負行李以致違悞

軍餉者許領兵官即將違犯軍兵登時斬首以殉如領兵官徇情不舉者本部院爪探員役報至定將本官按以軍法從事決不輕貸

督勵運餉官夫

總督軍門示

- 一掌印官不親自押夫運餉者罷職不敘
 - 一押運員役包夫者斬
 - 一運夫脫逃者斬
 - 一運夫違限一日以上網打一百三日以上者斬
 - 一運夫違限三日以上脫逃三人以上押運員役網打一百違限五日以上脫逃十人以上皆斬
 - 一軍兵搜奪回夫盤纏及勒令背負衣械者斬
- 催總兵劉綎進兵

為軍務事頃據該鎮報稱兵至李漢壩與賊楊兆林穆昭鹿罕等對敵連破二洞擒斬多功餘賊奔回楠木洞見在洞前圍困以俟我相攻取必期盡滅以便長驅據此則楊兆林等皆釜中之魚也乃今四日之上未見克破第恐賊兵出救不無牽制法在速圖不

宜久待為此牌仰該鎮即刺督率將領三軍多方分
布一面大張必剿之威一面開布投降之路籌定方
畧相機撫剿一應機宜悉聽便宜從事若此賊不滅
糧運難通糧運不通長驅難計老師費財非完策也
慎之慎之

催督安疆臣進兵

為軍務事照得貴州宣慰司兵既甲於諸司界更邇
於各路誠能矢心殲寇何異摧枯拉朽今四川綦南
兩路已成破竹之勢酉石二司更多克洞之功乃宣

平播全書

卷十

春

牌主之十四

慰安疆臣胡為半月之上按兵不動似有首鼠之計
明懷蟬螭之私除暴安民據忠報國恐不應如是
合就差人守催為此牌仰本官即便督率自把陳恩
柯阿哥等統領勁卒直搗播州賊斬元兇蕩平群醜
庶幾上荅朝廷委任之誠下盡臣子修職之分不
然副托不效心事不明即百口無以自解也慎之慎
之

中諭兵將

為軍務事照得播賊楊應龍大逆不道與師征剿將

皆東南西北之豪傑兵多邊腹土漢之貌貅遠者萬
里而來近者千里而至一時聚首曠世奇逢以此堂
堂之師趕趕之士麾旌所指不日就擒真足以雪眾
憤而伸國威各路將官共襄厥功矣但恐八路入
關之後會合播州之間將權不一軍令多弛萬一爭
功爭財自相起釁甚非所以肅天討而安職分也
及照本部院奉命專征職在安民如將官恪遵職
業樹有勞績者固與之敘功若故違軍令自作不典
者亦與之定罪然俟其有過而罪之不若禁使勿犯
之為愈合行嚴諭為此牌仰該鎮官吏即便轉諭各
營諸將各司土官一體知悉方今入境分道進關之
前目下抵播首惡就擒之後毋爭功起釁爭財相戕
毋懷私而乘機報復毋恃強而縱肆欺凌俱靜聽本
部院秉公敘錄共沾爵賞如或故違不遵盡削功勞
仍重加叅究决不輕貸

行五分守動倉穀碾米

為緊急軍務事照得征播官兵俱已進營節報攻破
險洞擒斬俘獲漸有次第惟軍前糧餉雖經儲積頗

平播全書

卷十

考

牌主之十五

厚要在有備無患斯為得策今查通省府州縣預備等倉稻穀數年以來未經動賑即有賑貸去處又經買補填實相應酌量動支碾米以濟急用為此牌仰該道官吏即行後開府州縣將見在稻穀無論預備常平社倉俱即動支三分之二星夜碾成熟米係瀕江等處一面先行起解不瀕江者相距不滿一二月之程一面陸運水路地方以次轉運仍各照後開坐定去處聽解軍前支用其應委職官與陸路合用人夫水路合用船隻俱要先期備辦伺候以便臨歧發行仍令各衙門文到之日先將見在穀數及應碾米數先行飛報查考毋得遲違未便

獎賞克洞官兵

為獎賞首破險洞官兵以鼓敵愾事連據監軍并巡道報稱總兵劉綎躬率兵將克破楠木險洞擒斬多功等因塘報到部為照楠木洞係穆炤等賊黨所據夙稱險惡從來奢効忠楊應龍所屢圖之而不能一造其域者乃本官獎率三軍奮不顧身一鼓而攻破之大振我軍之威立破逆賊之膽功居第一捷報無

雙所據本官之決勝萬全及將士之鼓舞用命均有可嘉相應獎賞以鼓勇進為此牌仰該道官吏即將發來共重二兩銀花二樹紅段一疋綠段一疋又動支懸賞銀五百兩內將二十兩折充銀碗盃盤同花段送交該鎮餘銀四百八十兩聽憑該鎮分散部下官兵各收領有死傷者仍厚為優恤以示本部院旌異首克險洞懸賞之意具支送過緣由報查

催各路進兵

為軍務事照得八路官兵會合進剿今已十日之上昨據總兵劉綎報破楠木等洞又經本部院動支犒賞外其餘杳無一聞為照各路戰將雄兵無慮數十萬乃今有以沿途小伐塞責者有全無一功具報者悠悠曠日老師費財殊非長策合行申嚴督催為此牌仰該道官吏即便嚴催部下將領官兵務要同心協力奮勇爭先剋期會合擒惡搗巢萬全取勝以慰眾望毋得逗遛觀望曠日持久自貽伊戚亦毋妄聽誘引輕率寡謀墮失機宜凜凜軍令具在本部院毫不寬假也慎之慎之

查通省庫銀解充軍餉行守巡道

為軍務事照得征播官兵分路並進節報尅破夷洞
擒斬頗多第七省官兵日費糧餉不可勝計目今司
儲已支大半而師期難以逆料錢糧宜當預處檢查
通省府州縣在貯銀兩堪充軍餉者數雖無多亦可
濟用擬合通行清查為此牌仰該道官吏即便轉行
道屬府州縣速將貯庫實在銀兩除正項留備聽支
外其餘各項錢糧不拘多寡盡數查出開造一冊一
面通詳一面起解重慶府收貯聽充軍餉之用施行
軍情重大立等待支毋得違錯未便仍移文布政司
知會

行湖北道運糧

為軍務事本月二十六日據塘報稱十八日生員
李佩兵一千見在偏橋候監軍道過堂領糧督餉道
尚未到衛陳總兵所統之兵已進者缺糧饑餓呼天
叫地無可奈何其餘未進者向監軍道告討竟無措
處等情到部為照該省官兵四萬一年糧餉節行轉
解偏橋收貯聽支催督之文何止百次乃該省當事

各官半年之上所幹何事無糧不住兵自古重之今

官兵已進者既乏接支之粟而未進者又無起發之
糧坐令枵腹寧不寒心該道職專督運責任匪輕其
坐視悞事之咎真不知所終者為此牌仰該道官吏
限文到即刻星馳至偏橋駐劄督理糧運將已進者
火速發去放散接濟未進者登時支給起發入營仍
多方催償厚加儲積轉運營中以備關支如或仍前
泄泄致有脫中之虞夫悞軍機者本部院只知有
勅令在慎之慎之

再催秦南進兵

為軍務事照得兵難遠度事忌中制然未有不入虎
穴而能得虎子者該路官兵安管既定養銳已久似
應相機進取不宜老師費財合行催督為此牌仰該
道即便督率將領從長計議畫定方略如事勢未便
則持重以待時機會可乘則速發以趨利其未動也
要使敵不能測其既動也要使敵不能拒一戰收功
萬全制勝此本部院所拭目而望者也慎之慎之

催永寧合江進兵

為軍務事照得永寧一路兵踰六萬開刀之令將近
二旬將領諸司絕無一功走報又無情形來稟豈談
路與賊相持而攻戰機宜大與各路不同耶師旅重
事泄然至此似此將領按法即當重處但念用兵之
際姑記嚴催為此牌仰該鎮官吏即便會同叅將吳
文傑等務期同心協力決策運籌督勵三軍奮勇血
戰設法破隘相機搗巢早奏奇功共懋爵賞如再觀
望遲遲及輕率寡謀墮賊所誘致悞軍機者
尚方具在決不敢私慎之

催進兵

為軍務事照得三省各兵八路討逆約於本月十二
日一同入關十八日各抵播州及將軍撥軍令俱經
通行遵照去後為照播本叢叅之地賊係烏合之徒
茲以八路齊下勢如大山壓卵逆賊縱有羸虎之雄
豈能飛身救應矧把關者不過依附鼠輩當此大敵
自當潰敗即今已成破竹之勢當收犁庭之功法在
直前不宜殿後合就督勵為此牌仰該鎮官吏即刻
切責領兵將領等官如關隘既克不必停留一面選

差鄉導多方哨探一面督率精兵相機進剿倘遇大
枝勁敵務要併力血戰左右夾攻直搗虎狼之巢盡
掃犬羊之衆早奏奇功共懋上賞毋得觀望不前致
悞軍機未便

催湖貴進兵

為軍務事照得征剿播酋師期久過川省各路已經
深入敵境日與接戰連報斬馘之功乃湖貴二省寂
無聲息近聞各總兵將領監軍等官或高坐會城或
結營近地擁兵自保寸步不移明欲令逆賊盡銳以
攻川兵坐觀成敗存心如此何以濟事本應按法重
處用肅軍威合再催督為此牌仰該鎮官吏文到即
刻嚴督三軍戮力攻戰務須斬關而入殲厥渠魁懋
賞之典自不相吝如再遲遲觀望坐失事機定先掣
中軍後掣將領監軍兵糧等道一體從重叅究決不
輕貸

布散賞格

為軍務事照得本部院刊發
旨意賞格諭言書冊條款等件分發監軍總兵將領

等官總計多者數幾五六百亦不下二三百在前
或謂相隔遠礙於傳遞自今官兵已入播境此項
賞格諭言若不及時遍發置之高架不但徒為無益
而關內夷民何能得知是自閉其門而養寇為敵也
為此牌仰談道鎮限文到即便轉行特領等官各將本
部院節奉分發

旨意賞格諭言等件火速盡數取至軍前或於對壘
之時擲丟過陣或用俘獲之人放歸齋去但可以得
通傳遞之法悉聽施為俾之彼此觀看傳說倘能悔
悟來降者加意察其真誠即准歸順不許加害庶連
結之黨可以潛消狂狡之賊可以孤立矣慎之完日
具散給過緣由數目報查

催南川進兵

為軍務事照得談路前哨官兵已劄喬溪後隊軍士
料以漸進其邑梅之兵若已齊到即當合哨同心斬
關而入且逆賊父子目下併力綦江關內必然空虛
自應乘機取事不宜曠日持久使賊反增堅守非上
策也為此票仰談道官吏文到即會監軍道并軍前

文武等官共議桑木關或用攻克或行暗襲嚴督三
軍戮力同心上緊攻取長驅直入穢厥渠魁懋賞之
典自不相吝毋再觀望坐失事機未便

催承寧進兵

為軍務事照得談路前哨官兵已劄二郎壩其後隊
軍士若已到齊即當乘銳斬關而入且逆賊父子目
下併力綦江關內必然空虛自應乘機取事不宜曠
日持久使賊反增堅守非上策也為此票仰吳總兵
官吏文到即會監軍道并軍前文武等官共議岩門
關或用攻克或行暗襲嚴督三軍戮力同心上緊攻
取長驅直入穢厥渠魁懋賞之典自不相吝毋得觀
望坐失事機未便

查合永二路兵情

為軍務事照得合江永寧二路官兵進營已久捷報
無聞連日塘報或云札土城或云札二郎壩或稱軍
士缺糧採厥而食或云逆賊札兵一十七營於澗壩
及至差人偵探盡是空營種種情形皆莫可測擬合
嚴查為此牌仰吳總兵即查該路官兵見札何處

糧餉曾否到齊軍士有無接濟逆首所札營兵是否
有無或是張疑以惑我兵或係設伏以誘我進逐一
哨探的確畫定方畧可戰即戰應守則守務期計出
萬全功收一舉毋得曠日持久老師費財致誤軍機
未便先具細查過前項情形緣由飛報查考

再催湖貴進兵

為軍務事據擒獲奸細供稱逆賊所憚者劉總兵水
西兵除此二路餘皆不足掛齒意要結好水西攻擊
劉帥本部院未以為然乃昨初一日逆子楊朝棟果

平補全書

卷一

解事

自領兵三萬直出綦江幸劉帥大挫其鋒斬首數百
今報逆賊父子尚以重兵屯駐石虎關意圖死拒則
前報昭然不虛切以各路官兵持久不進或者心懷
疑畏是誠有之至於水西地近兵強又知逆賊父子
全師而出若肯乘虛搗巢勢若摧枯拉朽乃亦按兵
不動是首鼠兩端坐觀成敗又昭然見也如此尚可
倚耶除另行查處外所有各路兵將合就督勵為此
牌仰該道官吏限文到查照節行并今牌內事理乘
此逆賊父子兵出綦江獎率三軍奮力血戰直入搗

巢擒渠魁懋爵賞在茲一舉毋得仍前退縮不進致
悞事機定照前牌施行決不輕貸其安氏之兵不必
督責看他作何收拾復

催偏橋龍泉興隆進兵

為軍務事頃據塘報該路官兵方抵白泥龍泉毋論曠日
持久逗遛不進只開刀以來逆賊探知二省四路按
兵不動初一日令逆子領兵三萬直衝綦江幸劉總
兵大挫其鋒擒斬數百今報逆賊父子尚以重兵屯
駐石虎關意在死拒則關內必然空虛自宜乘機進
取一可以坐收大捷一可以分綦江之勢不知該路
何憚而不為也豈以

平補全書

卷一

解事

尚方之劔可嘗試耶合再督勵為此牌仰該道文到
即便查照節行并今牌內事理督勵將領獎率三軍
長驅前進克關破隘擒惡搗巢功收萬全在茲一舉
如或仍前逗遛不前致悞軍機定照前牌施行決不
輕貸

告示發總兵劉綎

總督軍門示

一播州苗兵有能擒斬楊朝棟來獻者賞銀一千

兩官授指揮使

一播州苗兵有能擒斬楊惟棟來獻者賞銀一千

兩官授正千戶

一播州苗兵有能擒斬楊明楊珠來獻者賞銀五百

兩官授副千戶

一播州苗兵有能擒斬田飛鵬鹿罕穆焜楊真母

柱周五巴楊兆麟何樣等來獻者賞銀三百兩官

授試百戶

一播州苗兵有能把住婁山關不容楊朝棟等走

入者事成之日賞銀授官與擒斬同

一我兵有能擒斬以上各頭目者賞銀授官亦如

之

一各頭目有能自斬親信用事之人親來歸降者

賞銀授官亦如之

催安疆臣進兵

為軍務事照得水西宣慰安疆臣奉

命征剿播賊身膺重寄責任匪輕本部院屢經加獎

不次切責已不啻再三再四矣乃今進兵二旬之外

川省各路連日接戰擒斬多功破洞克關兵逼內地

長驅搗巢計在眉睫而該司擁兵數萬香無一功不

知平日誇能之說希望之請將何指也明有首鼠兩

端之情坐觀成敗之迹昭昭在人耳目矣兵貴神速

無取拙遲合再督勵為此牌仰本官文到即自度力

量如能建功報 國除暴安民則即日督率自兵奮

勇先登共殄渠魁仍取具一力平播進兵甘結回報

本部院以表真誠倘不能幹此大功止欲因人成事

亦要明白直說毋得怯懦支吾致誤軍機未便

催水寧路進兵

為軍務事據永寧監紀官蔡知府稟據土官袁初探

得楊首統兵三萬出澗壩拒二郎壩官兵楊朝棟領

兵不知多少出貓兒岡拒松坎官兵等情報到據此

看得逆賊因憚劉帥威名故爾遣子朝棟出犯綦江

雖被劉帥殺敗即今尚在此中扎營未退又知湖貴

俱在觀望不進以致畧無內顧之心整兵親出似非

虛語勿問大衝綦江澗壩而聲東擊西勢必一逞所據合永二路官兵既已整棚齊備法應乘機進取不宜曠日持久為此牌仰該鎮文到即督令部下將兵多方設伏賊果來則併力迎敵賊未動則相機破關岩門一克諸道並進長驅搗巢賊斬渠魁盡掃惡逆該鎮仍親率將士隨後接應務要計出萬全功收一舉早奏奇勳共受上賞此本部院之所跂足而望斷不肯少負血戰之勞者諒之諒之

勸務農業禁兵騷擾

為及時務農以安民生事照得東作方殷正民間播種之時但恐附近地方小民近罹戎馬之擾攘或因運餉之勞煩疲於應命耕力不前三春一失九秋何望擬合行諭為此牌仰該道官吏即便轉行進兵附近縣分曉諭四境人民知悉各要趁時耕種及早栽插以冀秋成之望庶免枵腹之虞如從征軍兵敢有擅動居民草木牛驢猪雞等物驚擾者許被害之人徑赴監軍該道或委官處稟告照依軍法輕則網打重則斬首施行毋得姑縱未便

再催南川路進兵

為軍務事照得南川路領兵宜撫馬千乘項進神衛壩兵至赤岩遇賊拒道則奮斬首級四十五顆宜撫冉御龍今進清溪河兵至礪子山遇賊伏路則敵斬苗級六十八顆看得二司官兵勇冠三軍所向無敵本部院近日又將平峇邑梅等司官兵調發合哨真虎而翼者矧四司官兵素稱克和同心戮力今初薄賊境即著奇捷賊膽頓破滅此可期相應乘機進取不宜曠日持久為此票仰該道鎮文到即督四司官兵決策奮勇斬關搗巢首獻渠魁盡斬惡黨該鎮仍親率將兵隨後接應務期計出萬全功收一舉早奏奇勳共受上賞此本部院之所跂足而望斷不肯少負血戰之勞者諒之諒之

行總兵陳璘由白泥進兵

為軍務事近據鎮守備橋總兵官陳璘呈送該路進兵圖畫書冊到部內將備橋龍泉各分一路就中路道之險夷苗民之順逆撫剿戰守之機宜安營扎寨之地利貼說精詳明如指掌本部院翻閱之餘不覺

虜在目中矣除龍泉路已分行副總兵陳良批
選剿外查得該鎮自偏橋起由楓香大塘白泥草坪
大小烏江餘慶至涓潭取道抵播州甚得要領可以
持循矣乃偶聞該鎮舍白泥攻三渡正道而從思石
進龍泉若果如此悞之甚矣蓋緊要者無如白泥一
帶此中四牌諸苗作梗必該鎮與李總鎮合兵先剿
此苗以清運道然後乃可長驅方為上策若舍此而
他往萬一各道並進賊勢危急糾合諸苗由此乘虛
衝出則偏橋不保大事去矣失機之罪誰其任之且
龍泉小徑也一陳副總提二萬之眾破一板角尚有
餘裕安用彼大將多兵為哉該鎮素諳韜鈴何始而
如此深謀繼而如此淺見甚孤倚望不勝焦思矧將
在外君命有所不受即本部院奉
命總督尚不中制誰敢擊而肘也為此牌仰該鎮查
照原議一心任事毋為人給督率三軍仍從白泥進
攻會同李總鎮先將四牌諸苗剿殺盡絕然後分路
長驅直搗播巢務將渠魁就縛黨與悉擒大展雄武
之才早奏蕩平之績論功酬報爵賞具存中間偏裨

有不用命糧餉有不接濟者指名揭報本部院應參
究者即行參拏應斬首者即行梟示決不輕貸若該
鎮不遵號令進兵以致違悞軍機者責有所歸具遵
行過緣由報查
催總兵劉綎進兵
為軍務事照得該鎮大破三洞與九盤之捷本部院
單敘該鎮首功特疏具題矣連據塘報東路則真
州之望草龍泉之板角偏橋之三渡西路則二郎壩
之岩門兵俱逼關斬獲多功各有並進之會因計四
路一進賊勢必分勢分而婁山之守不撤即解體矣
該鎮將士養銳數日可以整搦乘機取事驅石虎以
斬婁山關跨海龍而奪白田壩所謂有效之師無堅
不破合行查催為此牌仰該鎮即查楊朝棟曾否退
去張漢清等見在何處如尚抗拒或揮兵盡殄以便
專力長驅或扎營把截以圖撤身徑進兵貴神速師
在相時若得急早破關首先搗圍逆賊不足擒全捷
可畢奏矣此本部院所以最望於該鎮者非飾詞也
諒之

行湖廣催餉究革管糧通判

為緊急軍務事案照先該本部院查得陳總兵所部兵馬屯營播境眾兵饑餓呼天叫地無可奈何隨經牌行該道一面催運一面查究去後未報今又訪得該鎮官兵進攻白泥搜山之後官兵仍無糧食饑餒不堪總兵差把總韋金太等六十人奔至鎮遠與管糧通判周以敬處請糧本官竟不肯發為照該路糧餉節經本部院催備運貯偏鎮聽支不知該道因何不行起發至於通判周以敬既司餉務當知人生一日無食必不能生乃三軍告匱請餉竟不支給致令枵腹號泣有人心者決不若是如此悞事豈容尸位按法即應拏究姑先革職示懲為此牌仰分守湖北督餉道官吏即將通判周以敬先行革職聽候參拏餉務另委才能官員管理該道查照屢行理事前來督同管餉等官將見在糧餉火速起運營中聽支未到分投催促解去接濟該道如再不著實經理官兵仍前缺食致悞軍機本部院惟知有三尺法也慎之慎之具遵行緣由運發過米數不時馬上飛報以憑

平播全書

卷十

神牌五十五

查考毋違

再催湖貴進兵

為軍務事照得本部院總督三省奉勅令兵征剿播賊欽奉上命賜以尚方寶劔如有不用命者先斬後奏欽此遵將八路兵馬定限二月十二日開刀十八日直抵播州如違以賜劔行事去後在

平播全書

卷十

神牌五十五

尚方至重矣乃今師期已近彌月催督不啻五申止據川中各路所報剋洞破寨擒斬亦多招降甚眾而該省各路官兵不但無功可報抑且杳無一言觀望不前坐違原限據法即當遵旨從事但念用人之際姑再立限以示寬假期收厥功為此牌仰該道官吏自今為始督勵兵丁定限三月二十日同到白田壩會哨三軍並集八道齊攻入虎穴必得虎子搗龍窟定斬首頭如仍前畏怯逗遛不行入關者該道以婦人髮髻一頂女衣一身用鼓

樂迎至總兵營內即將談鎮下中軍官綁赴本部院
原發一令旗下細打一百棍過至三月二十五日不
到海龍圍下者將中軍官解解轅門按以

尚方行事若至月終即率領兵官一例施行決不輕
貸蓋曠日持久師老財費法在必行非本部院所能
主者慎之慎之母貽後悔

俘獲賞格

為軍務事據兵巡下川京道呈據南川督理監紀推
官高折枝具呈議稱征播漢土各兵但生擒一名解
驗的實首賊賞銀二兩從賊一兩婦女每口五錢幼
男女每口二錢給賞以示鼓舞具呈到道覆議應從
所請備行本官遵照如遇發兵擒出賊衆男婦幼小
等功俱要審實將有功軍兵分別於懸賞銀內動支
其男婦人口隨便安插等因具詳到部院批允去後
看得擒獲男婦賞格據議委屬相應合行一體遵照
為此牌仰重慶府官吏查照前項擒獲男婦賞格但
有奉發到府即便分別犒賞其俘獲婦女幼男或照
往例變價以充賞需此在該府酌行詳報毋得違錯

責成表年王繼先於本地方護餉

為軍務事照得赤水里長官表年王繼先真誠向化志節可
嘉除給劄付冠帶及頒賜銀牌花紅旌獎外查得軍
中轉輸糧餉路從本官所管地方經過相應行委護
運庶保無虞為此牌仰本官協同表年李長年將部
下夷兵嚴加操練分發長灘等處一帶地方設伏把
守凡遇官兵管押糧運經過務要晝夜隄防往來護
送如有播賊出劫殘寇截搶者必須盡行擒斬本官
既已學好歸順自當傾心效用上答

天朝之厚恩下盡已身之職分通候事完具 題授
職以永終譽如或裏應外合作奸犯科自取誅夷未
便慎之慎之

委黃通判管偏橋糧運行督餉道

為軍務事照得糧餉為三軍之命脉即平常無事之
時尚不可缺况征戰乎乃湖廣偏橋一路兵馬已經
陳總兵魏監軍遵照師期於前二月十二日入哨開
刀矣所賴人人宿飽方克用力乃前者營兵六十遠
赴鎮遠關領月糧應支發而不支發今者永兵萬眾

經過彼中告領預支應順給而不順給致使隨到隨
乏枵腹往來怨聲載道令人寒心但途次既不准支
而營中又不解發不知司餉者欲何為也除將理餉
官通判周以敬牌行革職聽叅外合行催督為此牌
仰該道即便轉行通判黃陞高再多委能幹官三五
員限文到即刻馳至鎮遠偏橋一帶地方查照原行
速將該路糧餉運夫已到者火速轉運營中聽支未
到者上緊催發軍前接濟今後凡遇總鎮監軍有行
支糧者即便給發必使運道疏通師得宿飽事完之
日論功優敘決不食言如或怠緩悞事致軍有脫巾
之虞如周以敬者自干罪戾未便

一牌行魏監軍為此除行督餉道及通判黃陞高等
嚴行催償外牌仰該道鎮官吏即便不妨督兵事務多
方徑自催併今後該營糧餉或轉運不繼或支用將
盡一面嚴文督催一面徑行關領務使糧運疏通師
獲宿飽凡賊有不滅責在該鎮糧有不繼責在委官
慎之慎之又若委官抗違不遵致悞軍機者據實揭
報以憑拏問罷職決不輕貸

催彭元錦進兵

為軍務事頃據塘報永順宣慰彭元錦統兵一萬已
到偏橋入哨及稱師有紀律兵多精勇等情到部據
此則前此所云整搦以待信不誣也及照本官連篇
建白足徵滅寇之誠提兵過來尤見勤

王之念謀猷並著忠義凜然此土司中之拔萃者也
但兵貴神速機在相時不宜曠日持久老師費財合
行督勵以收厥功為此牌仰本官限文到乘其初至
銳氣正盛之時聽總鎮調遣獎率軍兵畫定方略首
破三渡關次取海龍圍大展宣効之誠早奏蕩平之
績所謂入虎穴而得虎子搗龍圍以斬龍首勿食斯
言可也提報至日定行照格具奏褒以隆恩決不
相負慎勿畏怯不前未便慎之慎之

獎馬千乘

為軍務事連據監軍道並監紀官報稱石砭宣撫司
統兵宣撫馬千乘自出師以來奮勇先登屢建奇捷
首挫賊鋒等情轉報到部看得本官壯貌雄姿丹心
豹畧經百戰之場身先士卒而所向無前提一旅之

師躬入高深而當之立碎賊鋒屢挫勳績居多此土
司中忠義之出類者相應加獎以風怯懦為此牌仰
誥道本官即便轉行宣撫馬千乘限文到即便整棚
兵馬畫定方略或合同諸營或單取一路先克桑木
關即搗海龍圍擒元兇殲群醜大張捷仗之威用奏
蕩平之績功成之日本部院破格具題將本官褒
以隆恩其妻秦氏特加封誥蓋誥司功高諸土司理
合薦揚以旌能者決不相負惟一意立功毋負軍門
所最望者慎之慎之

獎戒陳璘李應祥二總兵

為軍務事連據塘報鎮守偏橋總兵官陳璘親統兵
馬依期出師二月十五日兵至白泥行未十里遇賊
接戰率兵向前奮勇迎敵擒斬賊級三十五名顆俘
獲男婦一十八名口二十七口官兵進次龍溪深箐
密林去四牌不遠前哨報有埋伏督兵趨敵時方雨
霽又轉順風火器亂發賊兵難當登高拒險矢石如
雨隊長謝漢月臨陣先退本官親斬陣前諸兵奮衝
各賊披靡通計斬首九十一顆等情轉報到部為照

湖廣總兵陳璘奮虎威而躬馳陣上四牌之捷無雙
戮鼠竄而立殉軍中一戰之功累百甘苦同于士卒
忠赤出于性成且無秦越相視之情更多同舟共濟
之義真武將中之英傑無能出其右者合行加獎以
風怯懦為此牌仰本官限文到即便決策定謀再將
七牌殘寇盡行誅剿以清運道然後提兵並進破三
渡關搗海龍圍擒渠魁殲群醜大展智勇之才早奏
蕩平之績捷音至日本部院定行破格具題隆以
爵賞的不相負軍中一應機宜悉聽便宜從事決不
中制惟談鎮一力竭忠精難除暴安民是所最望者
諒之諒之

為軍務事連據塘報鎮守偏橋總兵官陳璘親統兵
馬依期出師二月十五日兵至白泥行未十里遇賊
接戰率兵向前奮勇迎敵擒斬賊級三十五名顆俘
獲男婦一十八名口二十七口官兵進次龍溪深箐
密林去四牌不遠前哨報有埋伏督兵趨敵時方雨
霽又轉順風火器亂發賊兵難當登高拒險矢石如
雨隊長謝漢月臨陣先退本官親斬陣前諸兵奮衝

各賊披靡通計斬首九十一顆等情轉報到部為照湖廣總兵陳璘奮虎威而躬馳陣上四牌之捷無雙戮鼠竄而立殉軍中一戰之功累百甘苦同于士卒忠赤出于性成且無秦越相視之情更多同舟共濟之義真武將中之英傑無能出其右者及照貴州總兵李應祥身為大將責任匪細白泥乃信地也應並進而並進期約已違四牌係勁敵也當夾攻而不夾攻策應何謂一籌莫展寸步不前律以畏縮之條即應叅究重處合再姑記嚴加切責為此牌仰本官限文到即刻統率部下兵馬直搗海龍圍擒渠魁殲群醜大紓神人之憤以雪軍民之冤有功之日定加優敘如或仍前畏怯不前觀望不進致悞軍機者定行重加叅究決不輕貸慎之慎之

催龍泉進兵行思石道

為軍務事照得龍泉一路將多員兵二萬可謂精而且盛誠能併力奮勇直奪板關苦竹何異探囊取物乃率師已進龍泉去二關不遠風聞播賊有老虎兵三百欲來衝管遂即藉口主將有令撤回黃楊堽高

壘避佳夫以三百之賊不能接戰萬一有盛於此者則當縮頸而奔矣法懦至此殊可痛恨誤國殃民債事不小據法即當重處姑再行催為此牌仰該道限文到移文叅將陳良此督率漢土官兵相機拔營前進直抵關前或用計襲取或奮勇夾攻既破之後即劄營關上會同各路之兵共搗龍圍擒斬渠魁如或仍前畏怯不前過期不克者定以軍法從事慎之慎之

催恭永進兵

為軍務事照得南川路官兵已過望草去桑木關止二十里進關即抵播壩矣所望各路並進以分其勢共成掃穴之功乃該路自九獅子戰之後至今寸步不進止令南川一路以孤軍當賊恐將來不能迓逗遛之罪合就督催為此牌仰該道鎮官吏即便統率三軍長驅直進搗白田壩取海龍圍盡擒惡黨悉拔根株斯為勝筭如仍前逗遛不進致悞軍機者不但取巾

再催各路進兵

為軍務事本月十二日卯時據南川總兵監軍等官
報稱初八日克破桑木關等因到部院看得該路官
兵效死克敵首破險關功居第一除行旌獎懸賞外
為照逆賊所恃者關也今我官兵一鼓而首破其一
賊膽喪矣其餘諸關自是解體且官兵即據其關虎
視播州腹心之地此土崩瓦解之勢當不戰自焚為
此粟仰本談錄文到即日督率官兵進高江渡若門等關奪
白田壩搗圍擒惡俾賊首尾莫救在茲一舉毋得仍
前疑畏退縮不前及不能克取者決照

平播全書
明旨從事不怨

行掣劉效節揚惟中

為軍務事據湖廣右監軍道呈准總兵陳璘移稱
云等因到部看得逆賊所恃為敵者白泥與四牌之
生苗也人多兇悍擒剿為難是以責成兩省合攻者
誠重之也本部院原定師期以二月十二日開刀乃
總兵李應祥高坐會城不行依期進兵已干法紀幸
今日報有一捷姑勿論已若叅將劉效節者既奉調
遣分有信地胡為始見敵衆則藏繼見敵危方出應

夫攻而不夾攻應策應而不策應若非陳總兵身先
士卒親冒矢石決策制勝則損威不小矣緣該省將
官率多怯懦不前失事重大恬不知畏者蓋因龍泉
守備楊惟中避賊失地覆軍損官已經掣問止因一
時缺人代管遂令戴罪殺賊立功贖罪惟中未盡本
法以致效節旋復倣尤及查惟中近日雖報有功多
係投降零級原非斬關搗巢即有亦難准贖所據二
官一則失地覆軍一則臨陣退縮俱干軍令法當
掣究為此除差官齎捧令旗前來外牌仰監軍道
平播全書
官吏限文到即掣叅將劉效節守備楊惟中各到道
添差職官牢固管押解赴軍門以憑按法施行其一
官所管兵馬事務即呈撫院選委謀勇將官二員火
速交代接管具由報知不必呈詳此係失誤軍機重
情毋得徇私寬縱未便

再禁殺降

為軍務事照得王者之師惟在除暴安民不欲窮兵
贖武祇緣應龍父子叛逆不道自取誅夷節奉
明旨所誅者罪止渠父子二人脅從罔治今大兵並

進斬關破寨已衝腹心然出於勢屈素知畏法者孰

不落膽喪魂羅拜乞降者自是接踵而至如近日

安羅等村投降夷民羅國鳴等真川燕子岩等處一帶投降夷民約計萬餘已經安

插得所即同內地良民訪得有等領兵將領及土司

官目明知零星賊級必係殺降希圖冒賞乃竟不行

嚴禁佯為不知甚或遁同故縱匿不發覺傷天理滅

良心莫此為甚及查律例擅殺降人并被擄逃回人

口冒作賊功者俱以故殺論本管將官失於鈐束降

級調衛甚者罷職充軍載在

李梅全書

令典昭如日星夫何若因聞知恬不為異猶鼠朋奸

深可痛恨合行嚴戒為此牌仰該道官吏即便轉行

領兵將領土司目把一體遵照叮嚀告戒各該所部

漢土軍兵務須謹遵節頒禁令自今以後如遇播夷

已投降者即同良民聽其隨處安插如臨陣乞降者

即送道鎮或監紀等官處審實安置不許恣行搶掠

恐嚇索詐或土官目把占恠子女斷割恩愛如有妄

殺一人者查訪得出或被入告發犯法軍兵即行梟

斬本管將領土官目把以故縱論罪決不輕恕各具

遵依緣由報查仍移文總兵官知會毋違

獎賞破桑木關官兵

為獎賞首破險關官兵以鼓敵愾事據川東監軍道

報據南川真州監紀推官高折枝報該總兵馬孔英

塘報初八日夜據前哨官兵報到各土司兵及毛兵

尅破桑木關官兵據關劄守等因到部院看逆賊

所恃者關也乃我漢土官兵夜造其關奮不顧身一

鼓而破之大振我軍之威立破逆賊之膽功居第一

勇敢無雙且今已立赤幟於關前徐當就烹遊魚於

李梅全書

釜底矣所據將官之決勝萬全及軍士之鼓舞用命

均有可嘉查得賞格內開一漢土官兵有能奮勇先

登入關者陞三級賞銀一千兩除陞級聽候并敘外

合先獎賞以鼓勇進為此牌仰該道官吏即於懸賞

銀內動支銀一千兩解去營中聽推官高折枝會同

總兵馬孔英將首捷賊鋒奮勇先登入關官兵酌量

人之勇怯兵之多寡分別等第登時給賞其有死傷

者仍加厚為優恤以示本部院旌其首捷險關懸賞

之意具支賞過緣由報查

再催綦路進兵

為軍務事據綦江路監紀官同知史朝貞報據鄉導報稱拾貳日哨探至箐子壩見彼處播民自播州回取飯米稱說楊應龍傳令初捌日點苗出關親領一枝由新開徑路小水九里出白節巷來九盤子敵戰分一枝往望草真州絕南川餉道據報情形亦有近似果然則賊出巢空可乘似當急發一令促永合二路乘虛併進使賊顧巢不然九盤子各營尚可以逸待勞南川之餉不亦危乎等因到部看得賊若出關分兵敵戰必不傳令令人知之今使取米者皆知之此虛聲也縱使果來亦必顧家兵力能分則領出者亦必不多自當直前迎而破之無有不克乃信其虛聲高坐九盤子為以逸待勞之計反欲他路乘機進兵何其怯也若使兵尚在綦江城便可坐綦江待之乎應合哨不合哨軍令具在將欲嘗試尚方乎合行亟催為此牌仰該鎮即便催督三軍刻期前進席捲關隘不必過忌致滋疑畏如再逗遛不前中軍將領等官定照軍令以

尚方從事決不棄信慎之慎之

以地畝稅糧派軍餉

為夷氛甚惡

天討宜彰懇乞亟發餉銀以佐軍興等事萬曆二十七年十一月內准戶部咨該本部院會題云云等因奉

聖旨是軍興餉急這四川湖廣地畝加派准權宜行著總督於三省通融支用仍禁有司豪右巧避貪漁等弊毋致累害窮民兵罷之日即行具奏減免欽此移咨前來隨該本部院看得蜀民自採辦以來連歲兵荒民不堪命意者播事早完具題蠲免不欲加賦於民遂爾素候未發乃今征剿之師雖已進攻而凱旋之期實難逆觀今餉費無窮財用有限若不預為會計萬一臨渴掘井其何能濟所謂部議前項加派地畝賦稅合行起徵為此案仰布政司官吏即便查照題奉

欽依內事理限文到日通行所屬府州縣掌印官出給告示諭令小民遵照

明旨於正賦之外照依原額每糧一石徵銀一錢二分共足一十二萬三千四百二十五兩定限四月終旬盡完起解在川東川北三道解重慶府在川南川西三道解瀘州各貯庫聽支接濟軍餉各有司仍編簡明由單給與花戶俾知照數辦納如經管官吏并解戶豪右人等巧避貪漁以致累害窮民者或訪出或告發定將正官嚴加叅究吏書解戶從重問遣決不輕貸通候事寧停止倘凱旋在即前銀未支即作下年應納正數仍題

請蠲免以示蘇息此係專以地畝稅糧起科毋得派及人丁混徵擾民未便仍移文分守督餉各道一體督催施行

以丁糧派夫價

為憲切剝膚救陳一得以圖萬全事萬曆二十七年九月內准戶部咨該工部左侍郎趙題議四事內一款亟加寬恤以固人心大軍一興征調轉輸勢必不能罷其力役但須就中調停加意撫字知運糧一節酌計一縣該遵若干石脚價若干兩即於道縣丁

糧不論應否優免派銀若干交納有司雇夫委官督運等因覆奉

聖旨銀兩准給發軍興為急編派著照丁糧出辦毋以優免靠損小民欽此移咨前來先是本部院行據督餉道議得川省從征官兵大約一十八萬該運夫一十二萬酌以丁糧一例編派貧者出夫運餉富者出銀幫貼聽其自相募應以便眾輕易舉行間適接待即趙前疏看係行令徵銀雇夫彼時欲行徵派慮恐納解不前隨計算運夫一十二萬師期三月每名日給工食銀三分行則全給坐則半給每月二十日為行十日作坐計每月該銀七錢五分三箇月該銀二兩二錢五分十二萬人共該銀二十七萬五千兩上東下南二道去播稍近則就近派夫轉運免徵脚價上南下東西北四道距播寫遠則徵銀解作募價免行派夫一面借支軍餉募運一面聽候起徵填補今查軍前餉需支放將盡所有前項夫價原係題奉

明旨應徵之數應合查議起徵為此除會按院將

上東下南二道編夫之苦難以派及外案仰布政
官吏即查運夫十二萬該工食銀二十七萬五千兩
要見上南下東西壯四道所屬州縣共該額糧若干
人丁若干每糧一石該派銀若干每人丁二丁准糧
一石該派銀若干通共該銀若干務足原借過軍餉
二十七萬五千兩之數會計明白一面先行各該府
州縣掌印官出給告示諭令小民遵照

明旨於正賦之外照依本等項下丁糧如數辦納定
限四月末旬盡完起解一面具由通詳不必允後方
行致滋往返耽誤在下川東川北二道解重慶在上

川南川西二道解瀘州各收貯補庫聽支接濟軍餉
各有司仍照舊規編置簡明由單給與花戶俾知照
數辦納如經該官吏并解戶蹈襲舊弊恣意重秤多
加火耗指勒刁難藉損小民者或訪出或告發定將
正官嚴加參究吏書從重問遣決不輕貸此係不論
優免專以丁糧起科毋得影射混徵擾民未便仍移
文分守督餉各道一體督催施行

催總兵劉綎進兵

為軍務事照得綦江路近日又添甘陝鎮雄各處兵
馬近萬則兵力不為不重矣乃亦按兵不動大都以
穆昶來降為進止似矣但此賊或言來降或言為質
又或必待大兵入關方投即此遷延不決親身未至
明示詭計偷生或俟首兵併力出戰決非真心聽撫
若就輕為聽信恐至墮其奸謀是以我之有制而反
不能克彼之無制矣為此票仰該鎮限文到即差的
當人役再去偵探此賊情形如其真降令其即日來
投免沮帷幄之先謀銷士卒之銳氣設或仍前延調
則分別順逆率師前進相機盡剿蓋以眾加寡以順
討逆何必拘拘以此輩為輕重而牽制也軍令具在
他檄茲不重喙慎之慎之

催各路進兵

為軍務事據貴州左監軍道報稱重總兵督水西兵
擬十一日打烏江開推以江漲改十三日進有永順
兵以奉令在先遂不肯待同壩陽兵一枝渡河曾不
移時萬軍畢渡焚燒險關十里烟蔽前哨已出刀靶
水泥溝石坎之險盡已綦布屯劄士氣騰躍勢已破

竹等因到部看得永順壩陽之兵不滿二萬而飛越

端急之水克破至險之關何其壯也快哉快哉若水寧

偏橋平越以重兵四萬返不能破一岩門關令人聞之

當愧死萬萬矣合行督勵為此牌仰該道鎮限文到即

日移催劉陳總兵曹副將率兵進關火速徑搗賊圍

蓋烏江一破距播地僅八十里今此路官兵齊衝腹

心逆賊父子魂魄皆喪安能出兵迎敵只管向前勿

再疑畏縮頸也速速

再催各路進兵

為軍務事照得烏沙路之陳頓兵不進該本部院

立限三月二十日進白田壩至期不行入關者該道

以中憫冠服迎至本營將本中軍官網打一

百棍過至二十五日不到海龍圍者中軍官鄉解轅

門斬首狗象若至月終即掣領兵官一例施行蓋法

在必行軍中無戲言者是也今計限期已屆誠恐至

期畏縮如故該道狗情不行是廢法也合就嚴督為

此牌仰該道官吏即催朱務遵軍令的擬二十

日破關到白田壩至期不進者即將中憫冠服迎送

本官收受就將本官中軍官網打一百棍過至二十

五日不到海龍圍者即將中軍官鄉解轅門以

尚方行事如該道狗情不行者叅究不貸

再催永寧進兵

為軍務事照得副總兵曹希彬原任永寧閱歷既久

中間土夷之情性人心之向背無不周知故本部院

不以本官見奉叅提特委專督該司土兵蓋知本官

與該司官目恩信相孚上下相應必然言聽計從事

無不濟者乃今進兵一月以上該司別無創立之功

且聞執拗不聽調遣逗遛不肯向前似此驕悍養之

何益本官職在監臨因何坐視不加策勵委用謂何

合行督責為此牌仰監軍道官吏轉行曹希彬即便

遵照原行專督永寧一司土兵取路直進凡該司一

切事務進止機宜悉聽本官督同官目協心計議上

緊進剿早奏奇功以慰勗望如再仍前藉口含糊推

奸悞事致失機會者本官不但無復功名之望且行有

尚方之及矣慎之慎之具遵行緣由報查毋遲

行龍泉路官兵相機戰守

為軍務事據龍泉路監紀知縣鄧弘烈報稱本月十五日統施南散毛忠峒等兵與賊大戰克破板角關擒斬多功乞賜發兵接應又據參將王一桂呈報相同等因到部院為照十一日據報永順司官兵恐違軍令不待他助單約塌陽之兵飛越烏江立破此隘本部院方行獎賞去後乃今該路又報施南三司與賊力戰旋又斬關是四司皆有滅此朝食之志自非忠義所激真心任事曷以至此除另行獎賞外及照破關既難守關亦難固今烏江一路兵馬三枝已衝

平播金書

本

腹心而婁山岩門三渡黃灘諸關每日以打不日當克以時逆賊膽落魂消自顧不暇安能提兵遠出但困獸思鬪不可不防合行隄備為此牌仰談道官吏本官即便移行副總兵陳良玘移文陳副總兵王參將督率在營大小兵將逐一分布某兵據關屯劄某兵在關前某兵在關後又某在岐路之左某在岐路之右分定信地立營固守賊如不來不可妄動設或來衝相機戰守或前後策應或在右夾攻悉聽便宜行事如應策應而不策應及應夾攻而不夾攻與夫深入窮追致墮誘計者責有

所歸少俠哨探我兵諸路並進然後驅兵直搗共掃巢穴擒斬渠魁早奏捷音共受上賞仍諭宣撫覃宜等務要用心任事始終如一功成之日斷加優厚決不相負毋違悞未便

申飭龍泉招降報功奸弊

為軍務事照得龍泉一路官兵自二月十二日出師以來頓兵不動以致各軍無所事事日以劫掠殃民慘更過於播寇又訪得招撫夷民有先係此營撫出至中途為彼營強者所奪要去報功者有趙甲招出

平播金書

本

人口無兵接引為錢乙官兵撞遇遂指為奸細或擒或斬以為功者人自為心惟功是嗜且把總所獲之功不鳴之於叅守叅守所報之功不聞之於主將皆係徑報以致零星不禁人人俱能殺人而不必稟奉將令其于體統蓋甚謬矣合行申飭為此牌仰思石道官吏即便移文副總兵陳良玘并監紀推官吳天祐各遵照嚴禁各營軍士俱要遵守紀律不許仍前專肆劫掠擄害居民其招撫夷民聽其各自具文引見如有恃強搶奪及殺降報功者或告發或訪出即

擬抵償此在監紀官留心詰問摘發不許輕縱至主將無功以各裨將之功為功裨將無功以各把總之功為功如奉將令攻打一處堵截某處或臨陣或伏路所獲功次宜盡報之主將主將即據其所報者轉報俱毋違錯未便

綦江路糧餉不繼行軍參將麻鎮

為軍務事節據綦江路將官報稱進兵在即糧餉不能繼隨訪係護餉參將麻鎮退怯不前以致三軍枵腹不能應敵及查本官前有文稱必欲得軍六千方敢護餉及查各路並未以六千護餉者本官已擁兵三千去城百里尚不敢進前途豈不悞事合行等問為此牌仰巡上東道官吏即添差人員同差去官將麻鎮解赴轅門以憑處治速行都司程試前去護運其綦江城行都司哈光顯前來防守俱毋違錯未便

諭催永寧進兵

為軍務事照得永寧一路調到撫司土兵數至三萬不為不多本折各已支給不為不厚乃今開刀一月

之上未豎尺寸之功明係觀望逗遛有違軍令且該土司與別司不同尔家孤兒寡婦別土司不時欺害本部院常與尔作主使尔官民俱得相安無事自宜盡忠竭節圖報萬一奈何為別司誘引相率觀望是自求禍也即應行法合再催督為此合行牌仰該司土官吏即便獎率日把土兵各奮忠勇破關殺賊功成之日本部院據實上

聞定將本官

封為忠節夫人各目把分土加爵各有酬賞決不相負如再延遲不進定行盡法處治決不姑息各宜深思毋貽後悔

催永寧兵

為軍務事照得征剿播賊已經通行三省於十二日開刀進剿又經通行永寧水西二土司各土官親自領兵催督去後止據貴州宣慰司報稱宣慰安疆臣領兵駐則窩其母鳳氏領兵在兩剝止候至期進剿今照原限十二日今已十三日永寧宣撫土官奢世續並未報有出邊日期駐劄地方 朝命森嚴軍令

顯赫輒尔高以私家寸步不移豈欲存留播首以盡
狐兔之情耶抑是坐觀成敗徐看螭蟻之勢耶有干
軍法合行切責為此牌仰該司土官著世續文到即
便起身赴邊督兵進剿先將起程日期所至地方馳
報如再遷延觀望本官心事可知義旗反指悔之晚
矣

詰責安疆臣

為軍務事項報河渡失事本部院以為勝敗乃兵家
常事何足為訝且謂烏江已據險要又有水西兵割
左右萬無一失乃今播賊親統苗兵兩出既衝河渡
再衝烏江而該司既不發兵救應又不乘虛搗巢惟
佯為不知坐觀成敗且軍前一云水西兵馬會話一
云水西兵馬在內不知是何至意此本部院真不可
曉者合行查催為此牌仰該司官吏即查播賊兩次
出兵河渡烏江該司因何不行救應坐觀成敗又因
何不行乘虛直搗縱賊歸巢與夫曾否有無兵馬在
內會話等情詞出口是何緣故即今應否進兵乘
機取事以明心迹逐一明白回報以釋此疑毋得含

糊支吾未便

行重慶府銀賞龍泉功

為飛報血戰大捷等事據委官雙流知縣鄧弘烈呈
稱施兵八千自三月十三四等日攻破險壘險關
連日戰陣殺賊無數至十八日申酉戌三時據三土
司飛報本日寅卯時播首統馬步四萬名為老虎兵
二路包圍關隘我師叅將王一桂指揮唐一麒督施
南等司宣撫等官分兵迎敵從寅至未血戰百合我
兵雖少殺賊萬餘屍橫遍野血流成河未暇斬級向
路將官遠隔四十餘里絕無一卒應援等情連報到
職為照施兵戰氣百倍以一當百奮勇驍雄王唐二
官親冒矢石屢戰屢勝賊眾喪膽官兵効力例應獎
賞等因到部近據各司報稱官兵于十五日克破板
角關斬獲多功方擬行賞聞今據前因看得施南散
毛忠峒三司官兵八千員名奉調前來協同湖貴二
省官兵由龍泉路分道進剿出師已逾一月率皆逗
遛不前獨施南官兵方報已破險關復大戰得勝忠
勇過人實為奇捷相應獎賞以鼓勇進為此牌仰該

府官吏即於庫貯懸賞銀內動支五百兩差委能幹
官員管押前赴兵巡思石道告投轉發知縣鄧弘烈
聽本官公同叅將王一桂分散施南三司有功官兵
收領以示本部院優待尅關大戰懸賞之意具支發
銀數報查毋違

催碁水二路進兵

為軍務事照得貴州近克烏江關將以為喜乃連日
以來被賊詐敗誘敵復假水西兵馬換旗不作整備
變起倉卒遂致衝破此勝敗係兵家之常事不足為

平播全書

卷之六十一

訝但本部院曾有密諭凡入關之後俱要札定待各
路兵齊方進如南川之桑木龍泉之板角克破已久
堅壁以守按兵以待何等萬全今烏江輕率寡謀墮
其香餌固其自取若使碁水寧二路及早入關以
分其勢則烏江不致取敗且長驅直搗矣奈何二路
損兵不移以致賊窺動靜抽身撤兵併力以向以致
此路有失實係二路之過殊可痛恨為此牌仰本館通
即今大兵既已逼關自當克進據險以守或直搗長
驅或相機而動一以解烏江之危一以殲逆賊之黨

因何一向凭几而望更要等到何時如不能克明白
一言以釋此疑毋使本部院晝夜焦思也速速

催湖北道運糧

為軍務事據分守湖北督餉道稟稱楚師應進龍泉
而陳總兵由白泥進烏江遂有兩路饋糧在烏江者
往返八日在龍泉者往返十日米在鎮遠偏橋不能
盡發見在人夫四千五百人分作二路糧多夫少路
遠入難不能翼而飛者以此獲罪運也命也惟是天
理人心豈容泯滅等因到部院據此為照陳總兵田

平播全書

卷之六十一

白泥不進龍泉原係本部院分布蓋白泥接壤四牌
悍苗若越此他往此輩衝出偏橋為害不小故進白
泥先掃此寇非為懸賞為楚也掃白泥而渡江自與
龍泉路合矣兵有深機自難別議及照運夫每名可
運米三十四千五百人往返十日止運米一千三百
五十石而已兵一名每名每日應支米一升四萬兵
十日該支米四千石此即往來不歇已僅足三分之
一况加以陰雨艱延夫有不行之時兵無不食之理
其為不足屈指可知此與分兵何干乎縱使陳總兵

進龍泉糧可得足乎夫兵行糧從兵分則糧分兵合則糧合若兵多而糧少則宜增糧若糧多而夫少則宜增夫今談道不議增夫而病分兵不倅甚矣川中一兵一夫更番迭運尚若不繼楚即近播一二萬夫亦不可少乃今運夫之少一至於此何怪乎兵採厥以充饑將呼天而無從也迄今近地尚爾如此此去入播道途長遠將焉賴之軍兵枵腹此安危之機不可不計業已悞事即歸咎于命有何益乎且數萬軍之命豈可輕易擬合再行為此牌仰談道官吏即便查照節行事理速將該路四萬有奇官兵糧餉不妨會同辰沅兵備及監軍二道同心協力督率通判黃陞高上緊催督備運管中聽支以救脫中之虞其人夫必計道里之遠近往返之遲速或以一名管二兵或管三兵不及之數或派之就近州縣之甲夫或取之就近州縣之民壯及就近衛所之軍餘又或抽取城守之軍兵俱無不可惟求取足共濟時艱不必拘泥致悞大事糧運流通師獲宿飽逆賊早滅共結此事方得息肩若糧不通賊不滅本部院與督事各官

皆不知所終者慎之慎之火速火速

給施州衛指揮唐一麒加銜劄付

為軍務事照得領兵征播湖廣施州衛指揮僉事唐一麒於本月十五日獨領施兵打破板角關又孤軍守關賊來敗走之連日大戰一十五陣斬獲賊級四百餘功具報前來令人大快為照本官英姿邁眾壯志超群兼人勇猛冒矢石而立破險關料敵精明越山嶺而盡殲群醜此在諸領兵官中功為第一者冷先加以職銜以示旌異為此劄仰本官即便遵照以守備職銜任事待成功之日特為題請實授并諸土官一體破格陞賞此後要須鼓舞殺賊長驅直搗擒斬逆賊父子更有非常恩典斷不相負

責水西進兵

為軍務事照得宣慰安疆臣提兵伐播一克三關聞土官龍澄進兵剿播深至大水田者莫不稱奇賊膽因之已落滿擬破竹之勢已成犁庭之功可必矣不虞河渡烏江之師偶有少挫此勝負乃兵家常事固不足為輕重但據塘報有謂該司

差人換旗者有謂水西羅兵在內者本部院不能無疑近據談省撫道稱係逆賊詭計始為釋然蓋疆臣母子夙有許國之忠而陳恩叩見轅門亦有報效之志豈有自食其言而速欺天不韙之罪或者逆賊反問他人忌妬耳第談司兵與烏江兵相去不遠彼路失事談路全不見救援且賊兵經過新站土官隴澄亦未見阻截終招妬功之嫌難免私通之議合行督勵為此牌仰本官即查逆賊既過新河烏二關該府因何不行發兵阻截是何目把失誤有無情弊即今

行獎安疆臣兄弟

為捷報事本年三月三十日據貴州宣慰司宣慰安疆臣報稱本月十三日統率自兵攻破黑水關大紅關又於十六日同鎮雄府土官隴澄攻破洛蒙關大水田官兵距播州僅十里乘勝搗巢逆酋當旦暮授首矣等因到部院看得二官持重有謀

入賊地冒矢石而連克多關直透虎巢越山溪而盡殲群醜伊母鳳氏性稟貞淑躬履戰場有繼夫之大志有勤

王之真誠賢母賢子難兄難弟誠可嘉尚雖近日烏江河渡之失不免有坐視不救之譏而提兵徑搗大水田若履無人之境此人所難者相應旌獎以鼓舞進為此牌仰談道即便轉行宣慰安疆臣土官隴澄并伊母鳳氏各遵照承獎之後益勵忠猷嚴督軍兵擒賊父子以樹崇勲照格題

行守下南督夫

為軍務事照得合江路前後編派運夫三萬永寧路四萬計數似已足用乃夫既倍加糧尤不繼師未飽宿頻頻督催在在告匱其故為何蓋因官兵進營漸遠路險轉運艱難加之管押負役不行護送以致人夫任意遷延大率坐此查得綦江路近因轉輸不繼復於原議三萬之外再加一倍始獲流通所據二路

運夫亦應一例議增庶免濟事除行巡下南敘馬濕
二道各於原議州縣酌量派增外為照三路官兵始
則會集幹壩地方今則徑進崖門直搗海龍岡所需
糧餉不啻然眉雖有兵巡二道分任其事然兵多路
遠一人一手拮据難周及照下南一道總屬分守轄
屬則二路戎務皆其職掌催夫督運均有責任今官
兵並進惟二郎壩缺人料理相應專委催僱共圖滅
賊為此牌仰該道官吏即便親詣二郎壩嚴督管餉
管運等官催僱糧餉等項一日一次督夫運入營中

催湖省道鎮會兵稿集

為軍務事照得川省官兵南川路以前月二十六日
入關婁山路以前月三十日入關永合路以本月初
一日入關即今日日與賊大戰擒斬甚多賊已窮急
滅亡不遠乃各路尚多觀望不進以三省八路之眾
令川兵獨當其鋒尅期久違法紀何在除另行外合

再嚴催為此牌仰本鎮文到督勵官兵即刻星馳前
進會合白田壩搗海龍岡共擒逆賊綁獻
闕廷大彰 國典此係川兵立等會合萬分緊急事
理如再觀望延遲定掣各鎮中軍官遵奉
勅劄行事決不食言

行監軍道獎賞破關

為獎賞克破險關官兵以鼓敵愾事照得婁山關為
北路之險逆賊之所憑恃者乃據劉總兵率同將領
等官併力克破大振我軍之威頓寒逆賊之膽赤幟
大鑒於關內遊鮑就烹於釜底矣良由將官之決勝
萬全軍士之鼓勇用命查得賞格內開漢土官兵有
能奮勇先登入婁山關者陞三級賞銀一千兩除陞
級聽候并敘外合先獎賞為此牌仰該道官吏即於
懸賞銀內動支一千兩解去營中聽同知府蔡宗憲會
同劉總兵將首擒賊鋒奮勇先登入關官兵酌量入
之勇怯兵之多寡分別等第從公給賞以勵三軍其
有死傷者仍厚加優恤以示本部院旌異尅險之意
具支賞過緣由報查

申飭軍中匪婦人

為軍務事照得本部院原頒軍令內開一創營內地
焚人房舍淫人妻女搶人財物者斬一俘獲賊屬子
女及被擄男婦隱匿入已不即報官者網打一百等
因通行頒示嚴且切矣今訪各營奉行頗謹惟諛路
軍兵不以殺賊為事往利其所有他不暇及即擄
掠妻女一事填滿營房縱其姦占肆無忌憚耗已之
銳氣增賊之憤敵深可痛恨且狡酋詭計多端專一
安排婦女或聚之於空寨之內任其行姦或散之於
大道之間餌其收取一墮其計即被挫衄如近日烏
江河渡是也本管將官知而故縱法當通行掣究按
法行事姑再申飭為此牌仰談道鎮道官吏即便移文總
兵轉行將領等官各將本管軍兵姦占妻女逐一查
出審問姓氏備造一冊解赴重慶府點驗變價充犒
如有隱匿不發本部院密訪得出定行指名擒拏梟
示仍將本管將官一體重究决不輕饒今後從征務
要奮勇殺賊毋得仍前再行擄掠致墮賊計干犯軍
令未便

平播全書卷之十終

平播全書卷之十終

平播全書卷之十一

牌票四

脩綦江衙門候親征駐劄

黔路乏糧行餉道

獎賞水西鎮推官兵

催彭元錦進兵

行道鎮蔡納降縱賊

催各路齊心搗巢

行巡下東道改道運餉

行陳李二總鎮合營進攻

詰責劉總兵協力殺賊

行陳李二總兵防賊逃入九股

行各路會合舉事

發陞官空劄

行道鎮協力進剿

催合江餉未行巡下南道

行守東道監軍

行守東道督餉

平播全書 卷之十一目錄

分布四面攻圍

行總兵劉綎進兵

再催破圍

行各路報功不得過一日

行各道查敘功次

柄牌催兵攻圍

再催各路攻圍

查奢兵私相兌糧

行令水西絕私用命

催陳李二總兵入關

行水西兵不得全占圍後

令降民復業

行道鎮攻圍勿准詐降

再催攻圍

營中禁約

委中軍官監督攻圍

查水西通賊

查賊詐死趣兵搗巢

平播全書 卷之十一目錄

催解各路中軍官

行守東二監軍查逐賊身死攻圍搗巢

革吳廣職銜

查議運糧撤兵行守東二監軍道

再申飭殺賊

再催攻圍

攻圍條件

行湖貴鎮道申飭秘示條款

禁取破圍財物

平播全書 卷之十目錄

查革蔡知府監紀

獎總兵劉繼

催總兵陳璘攻圍

再行分地攻圍

行三省監軍攻圍招降

查妄報功

聞訃申飭

申飭輪攻日期

破賊厭鎮法

策勵吳廣勿輒借口乏糧

查妄報功

行畢節道退兵攻圍

用計破圍

行造益元散發營并中途安置

稽查餉米

選鋒破圍

申飭監紀職掌

行周國柱領兵守播

平播全書 卷之十一目錄

委守東道綜理善後

鑄銅鼎銘文發各土司

立銅標

行高推官賑恤降民

查處獻俘銀兩

發還吳總兵解獻銀器

止陳總兵追獻銀物

發回陳總兵解獻銀器

脩茶江衙門候親征駐劄

為軍務事照得大兵四合滅賊甚易但恐諸將不肯齊心夾攻未免曠日持久老師費財今本部院擬不日親臨營中督陣刻期進剿所有駐劄衙門合行脩理為此牌仰巡上東道官吏即行茶江縣掌印官將本部院駐劄衙門作速量加脩理齊備牆垣須要高厚週圍蓋以荆茨至於入播一帶路道亦要上緊脩砌平坦以便經行合用錢糧一面動支興工一面具

由詳報毋得遲悞未便

黔路乏糧行餉道

為軍務事照得南丹獨山平州豐寧等官兵奉調前來征剿播賊節據塘報頗有戰功各兵近自參月拾叁日起因無裹糧延至貳拾柒日豐寧官兵盡皆歸去平州三去其一南丹去其半為照師行糧從自古記之乃該路監司承委官員獨不思人情一日不再食則饑而使之枵腹對壘以致各兵半月無糧相率而去萬一各兵盡散遂賊乘虛突出其債事豈淺淺

耶在各委官固不足惜而該道責任頗重不知何以解也殊可駭異擬合行查為此牌仰該道官吏即查

該路官兵既無糧餉承委官員因何不行轉輸該道因何不行催督各兵既多星散緣何不行阻留任其自去遂賊未滅該路倚何夾攻作何收拾一面逐一查明據實回報一面速將在營官兵多方撫恤給與糧餉如或仍前視為末務不肯經心督催接濟以致復有脫中之虞者責有攸歸未便

獎賞水西鎮雄官兵

為旌獎衝鋒官兵以鼓忠勇事據貴州左監軍道報據烏江沙溪貳哨把事王嘉猷陳恩報稱自兵直抵賊巢大水田也劄連日攻圍長箐等圍至貳拾玖日遂賊楊應龍父子因見本府斬其來使首其餽儀親領大兵前來迎敵該水西鎮雄合兵大戰敗走死者不可勝數又據塘報首具下程銀兩田氏以臺盃段疋騾頭差人送澄不受呈解貴州撫院查驗各等因到部看得宣慰安疆臣土官隴澄深入巢穴屢立戰功雖無首級之來獻實多矢石之交加至於斬使激

戰足見超距之勇而饋儀不受充徵清節之風此土
司中所難者相應嘉獎以示旌異為此牌仰監軍道
官吏即便會同畢節道於懸賞銀內動支壹千兩內
將壹百貳拾兩分為叁分每分肆拾兩折花段銀牌
送給宣慰安疆臣土官隴澄并伊母鳳氏其餘捌百
捌拾兩分給目把陳恩王嘉猷等及水西鎮雄散兵
作牛酒各收領以示本部院并撫院旌異忠勇衝鋒
官兵之意仍行令益奮忠勇以殲元兇大膺懋賞具
支給過緣由報查

催彭元錦進兵

為軍務事據承順宣慰彭元錦報稱卑職始以糧運
衍期師行已遲沿途又苦夫馬缺乏匍匐不前比至
進營兵皆食盡復令各兵轉往備橋運米曠日持久
疲於奔命以致閑住龍溪寸功未建懇乞頒賜憲檄
限以斬關渡江等因到部院看得本官夙負忠勇深
諳機宜即其疊疊之條陳可知趕赴之敵愾乃因糧
餉不繼遂致迭遭言及至此殊可痛恨近該本部嚴
文督催茲已就緒合行督勵進取以收厥功為此牌

仰本官限文到即便統率部下兵馬聽總兵陳璘分
布調遣上緊斬關渡江直抵白田壩會合諸哨齊心
併力攻取海龍固共擒逆賊上報 朝廷下盡職分
早奏奇功懋膺爵賞川省諸路俱已合營立等共舉
慎勿愆延失其時也慎之慎之

行道鎮禁納降縱賊

為軍務事照得兵已入關賊亡只在旦夕若各路齊
力夾攻逆賊行且坐盡乃賊見事急姑以文來乞降
明欲一緩我師而圖之一愚其下而用之此時即當

斬使焚書示以必剿則眾苗膽寒瓦解獨夫何地可
容乃各營文武官不能決斷有加以犒賞而約期者
有屢納其使而留營者使賊得欺其下人謂行且見
撫死守以待似此舉動明係縱賊可為深恨為此牌
仰該道官吏即宜申嚴軍令戒約兵將合力夾攻期
於滅賊其有投降者除賊之黨與及播之苗民原宜
潰黨照格施行外若逆賊自己遣使具文及稱出妻
見子等語并不得憑信若使人到營或斬或解不得
放回致透漏消息令賊得以欺人負固且懈我軍心

又觀其初貳日使人於綦江營初叁日兵來初柒日使人於合江營初捌日兵來明係愚我以後但有賊使來更宜倍加謹嚴以防接戰若仍前往來不絕是假不拒來使之名爲納賄通播之地三尺具在

催各路齊心搗巢

爲軍務事照得川省大兵既已深入賊巢連營拒賊必須同心協力彼此應援方克有濟誠恐各將自分爾我坐視觀望有悞軍機異日卽按法定罪何裨於事合行申明爲此牌仰該鎮自今以後各營既已合

平播全書

卷十一

十一

哨必須彼此應援如我去攻賊則或倚其前或角其後或擊其左或擊其右各照信地齊進不可參差如賊來攻我則正哨對敵隣哨接應近者要其歸遠者擣其國務使聲勢相倚不可坐視以後有功則大家論功有罪則大家論罪若本營雖稍有失而應援得力使別營成功者本營仍以功論若本營雖無失而應援不力使別營有失者本營仍以罪論法在必行必無假借自示之後若仍心懷嫉忌情分爾我已無功則惟恐人之有功已有罪則惟求人之同罪如此

存心犬豕不如公論昭彰從重究罪決不輕縱

行巡下東道改道運餉

爲軍務事照得南川一路官兵已經屯劄高坪應運糧餉自南川由官壩入婁山道路近便餉道無阻業已牌行該道查議改運去後續據營中各官鄉導人役各稱南川過真州入桑木關抵高坪路幾千里高坪過婁山僅伍拾里婁山至南川僅叁百里省路大半甚屬相應各報與本部採訪相同所據未發之餉亟應改運爲此牌仰該道官吏卽便督行管餉管運

平播全書

卷十一

十一

等官將南川糧餉除已發者行令護餉官運送至營交割其未發糧餉改由官壩婁山入高坪至營一面先差人由婁山查看先達該營知會一面將防護官兵及押運委官原在真州望草等處者必俟盡回方撤護兵轉向婁山毋得倉皇遺漏致前去運夫或有疎虞亦勿得稽遲後運致不接濟其真州一帶地方行令鄭駱二土官嚴加防護用保無虞俱毋違錯未便

行陳李二總鎮合營進攻

為賊勢猖獗懇乞添兵合哨等事據湖廣右監軍道呈播賊拾餘萬空巢而出來拒楚師俱屯聚三渡關上其關外朱牌青蛇長坎瑪瑙土門等處煙火貳拾里不絕賊徒亦不下朱捌萬楚兵一路僅叁萬眾寡之勢大相懸絕不便徑趨此路原擬黔楚合剿請催李總兵統兵與陳總兵合哨共掃朱牌各圍等因到部院為照川省四路官兵逼海龍圍下若龍瓜養馬各圍俱已打破劄兵左右晝夜環攻立等黔楚官兵共擒逆賊乃二省主將誤聽參寨賊虛聲尚在關外趨趨不進切查關內之賊不滿伍萬屢被官兵入關殺戮將盡關外豈有拾萬之理殊為無據但諸圍不下有礙長驅必二將合剿方為勝算合就督催為此牌仰該鎮即便帶領部下兵馬刻日渡江與陳總兵合營相機密謀戰守攻克各圍直入播州會同川中各路將兵共擒逆賊早奏膚功毋得自分彼此有違軍紀致貽後悔不便

詰責劉總兵協力殺賊

為軍務事照得總兵官劉繼屢經指摘朝野側目本

平播全書

卷十一

七

平播全書

卷十一

七

部院排羣議而留之致令該科參駁謂與朝廷背馳而爭本部院之知遇本官可謂古今無貳矣本官上感朝廷使過之仁下念本部院非常之遇謂宜大奮勇武首殲元兇為自己解不韙之名為地方造無窮之福本部院方有詞於朝廷有顏於川省乃本官自入播以來畧無建豎肆月初壹之戰令偏裨孤軍遠劄為賊所襲一營皆沒本部院尚以偶有遺慮未即詰責乃數日以來按兵不舉坐觀成敗且受賊使連日不絕未卜何意初肆日以後賊日日與永合兵戰既未見該營應援拾貳日賊單衝南川營亦未見本官合哨豈以已有敗着幸人之同之耶抑以本自畏賊一蹶而不復振耶即今天熱雨多久在賊巢萬一奸細得行別營受累即本部院引罪所不待言本官六扛之聲著在邸報尚能保其身家否耶本部院與本官不但共事亦且同禍何惜盡言以貽後悔為此牌仰本官文到即便誓心報國奮勇殺賊身為盟主與二路克期齊進務須一鼓成功以謝人言以膺爵賞即本部院亦與有榮施焉如再遷延觀望

或別有機關令遂賊苟延同事受禍本部院先以軍法從事而後上聞決不甘心為所愚弄也須至牌者

行陳李二總兵防賊逃入九股

為飛報軍情事據南川監紀推官高折枝報稱肆月拾壹日捉獲石砮司馬千駟幼僕張文道供稱千駟同播賊在困聞大兵去國不遠文道遂於初拾日逃出稱應龍計窮欲統兵徑殺出白泥地方逃入湖廣金峒九股苗聚兵等情據此看得川中各路官兵已圍海龍圍乃遂賊計無所之欲奔九股聚兵之說較與本部院屢行隄防之約大畧相符雖我官兵星羅棋布諒不致漏網然隄防之策豈容少解為此牌仰該鎮督率部下官兵一面克圍入關共圖殄賊一面申飭各該關堡把守官兵晝宵加謹隄防仍申諭投降九股等夷苗如遇遂賊逃遁務要登時縛獻以憑照例授官加賞不許容隱如或疎虞致賊漏網責有所歸

行各路會合舉事

為軍務事照得官兵入關遂賊上國恭江路劄關子

山未合路劄水牛塘南川路劄蒙子橋道理相距不

過拾肆伍生勢成犄角即湖貴稍後亦足以角力矣

但困獸思圖死灰復燃必拼死一戰而後甘心入國

此勢之所必至者萬一將領各自為心秦越相視兵

士不肯齊力彼此參差即非勝算所賴各路會合並

舉方得萬全合再申嚴督勵為此牌仰該道官吏即

行該鎮督率漢土官兵時時會合同心舉事圍圍搗

巢共擒大慙早奏捷音以慰本部院拭目佇望至意

如或各懷猜忌參差悞事或彼出兵而此不應或此

被攻而彼不援或遠放銃炮以了事或故張賊勢而

後期有一於斯定以軍法從事須至牌者

發陞官空劄

為軍務事照得大兵已入賊巢擒斬逆賊應在目下

但凡人之情無感不興烈士之心有激愈奮節經發

過懸賞銀兩雖多恐功名之士不重財利必須懸示

官爵方可責其用命為此牌仰監軍道官吏即將發

去空劄貳拾張轉發未合貳路監紀官各拾張責令

在營會同總兵官如遇大敵當前領衝擊以挫狂鋒

又如間道可乘額出奇以破賊固諸凡至險至難之事可期一舉成功者即與本人定約先照功蹟大小於空劄內填定姓名職銜責之用命如遇成功當即給授仍候事完之日題

請實授應加陞者照格加陞毋得過於吝惜致悞事機亦勿得徇情濫給致壞名器每給過壹張即將姓名功蹟緣由開報用不盡者事完類總

計發去空劄 指揮參張 千戶參張 百戶肆

張 守東道貳拾張

行道鎮協力進剿

為軍務事照得川兵四路入關已經半月之上未見報有攻取消息誠恐老師費財坐失機會漸入溽暑取事更難且賊頗知兵萬一停囚長智別有作用或夜襲或詐降或劫糧或反間一為所中大事去矣彼時即將各將盡置於法亦何濟於事合行申諭為此牌仰該鎮官吏即今自渝抵播方數百里本部院亦難逢定期會聽憑各總兵與各監紀官就近約期進攻或犄前角後或設伏張疑或以正合而以奇勝之

或以少嘗而以眾覆之務要信誓必明期會不爽合數萬人之心為一人之心合數萬人之力為一人之力必期雪耻除兇一勞永逸懋功懋賞自有令甲若遷延不決觀望不前已有失而幸人之敗已有功而忘人之同以仗鉞登壇之任為行險徼幸之圖致悞大事明有國法陰有神譴上方之劍且將試矣

催合江餉米行巡下南道

為緊急軍務事據巡下南道揭報水陸運過米數到部院查得該道督發自參月參拾日起肆月拾伍日止共運過餉米壹千柒百柒拾玖石伍斗吳總兵統領入營官兵計參萬以上日支米壹升共該參百石半月該肆千伍百餘石今該道止發壹千柒百柒拾石不敷陸日之食尚有玖日何以為炊如此發運眾兵安得不餒險國何由而破四路兵馬糧餉三路皆有盈餘唯合江一路時時告匱再四行催未見力行合再嚴催為此牌仰該道官吏即便督行各該委官催僱人夫船隻水陸多方起運每日發行糧米務足參萬官兵一日之食稍有不足必致枵腹况兵臨賊

圍日夜接戰如此不得宿飽何以責其用命倘各委
官仍前怠忽慎事聽該道指名揭報以憑重處施行
毋得再違未便

行守東道監軍

為軍務事照得川兵四路已逼圍下釜底之魚滅在
旦夕矣但哨雖合尚有彼前此不前期雖約亦多甲
進乙不進似此參差之形明有爾我之勢即今若不
及時斷定萬一日延一日溽暑多雨取事更難而老
師費財事久生變坐失機會真莫知所終者查得按

平播書

卷十一

十一

十一

察司管分守川東道事張按察使久歷邊疆素諳戎
務且播地實其專責相應行委綜理為此牌仰該道
即便不妨原務兼程馳赴營中會同監軍張叅政謝
叅政劉總兵吳總兵馬總兵曹副將等各各監紀等
官共集公所務要上下協謀文武同心仍憑 神明
歃血盟誓書定方畧糾合三軍刻定日期一齊竝舉
互相夾攻遠近接應直搗巢穴擒斬渠魁計出萬全
功收一舉上報 朝廷下盡職分早奏奇功共懋爵
賞如或仍前參差不進逗遛不前或坐觀成敗致悞

軍機悞 國殃民者即據實揭報前來本部院先以
尚方行事然後奏

聞的不爽信且各官既違盟誓必殃及子孫神靈不
祐豈云草草該道須要大展謀猷任怨任勞矢心報
國忠憤忘家慎勿疑忌遠嫌有孤委托未便

行守東道督餉

為軍務事照得大兵肆合環攻賊巢日需糧餉最為
喫緊今照在外則有敘瀘道總理轉運已有次序而
營中尚乏一道綜理其事以致分委官員無所稟受

平播書

卷十一

十一

十一

贏絀不均殊欠調停合行專督共濟時艱為此牌仰
該道官吏即便親詣營中專一總理四路糧餉仍會
同川東張叅政徐僉事川南史副使劉叅議如某營
轉運不前上緊設法輓運某路人夫不齊火速差人
催僱務俾師得宿飽又如彼有餘此或不足則通融
借支待至另補無致貽三軍枵腹之虞該道毋忌勞
怨有負委托未便

分布四面攻圍

為軍務事照得捌路大兵已入播州圍海龍圍遂賊

授首應在目下但恐三省文武心志不齊號令不一
或有相爭相妬坐失事機甚至相害相戕并為敗類
反使逆賊乘隙逃走或衝突為梗皆不可知彼時即
將漢土文武各官盡裁以法亦曷益已為此牌仰該
道鎮官吏即照後開分定方位也劉營寨約期火攻出
奇應變任其所為不從中制惟是不許爽期會不許
亂方所近隣者必須應援同哨者無分彼此事平之
日除得賊者照格優異外餘哨即不得以功論一
體陞賞若或別生機械損人利己或包藏禍心通賊
取事或故縱賊逃亡他所或教誘賊攻害別哨事發
不論漢土官兵俱以軍法從事 王法無私 尚方
可畏各宜慎之

計開

四川蔡江路南川路攻圍前門之西北
湖貴偏橋路平越路攻圍前門之東北
四川合江路永寧路攻圍後門之西南
貴州烏江路沙溪路攻圍後門之東南
以上四圍前圍後如路窄者任其共出請兵合哨齊

進如路寬者任其各出大兵分道進進但不許觀
望逗遛及通賊泄機致有他虞違者定以 尚方
從事凡會期監軍道與總兵官俱畫押為憑不得
參差以四川鎮道為首不得挽越致難遵守若別
有緊要機宜大家商同即徑行之不必拘於成案
亦不必往返請命但不許夾襍私意致悞大事則
自有軍法在

行總兵劉繼進兵

為軍務事據同知史朝貞揭稱劉總兵自負謂擒賊
事只須三日可了然必欲軍門一目擊之而後甘心
焉據總兵劉繼亦稱賊已危困功在垂成伏望節鉞
速賜降臨早建蕩平之勲等因到部院據此為照征
播之費日可萬金一向老師費財令人心灰目斷今
既賊已危困蕩平之期只在數日該鎮即宜一鼓平
賊報捷轅門以收完局何故遷延不決必欲候本部
院目擊而後為快本部院就近調度自可急足相聞
即今章疏之奏報文移之催儻非營中可辦馬上可
了勢不能即至至亦不在數日之內何故舍其至易

至簡而坐延時日乎恐傍起生疑謂該鎮力能平賊不肯早決通播留播之議紛紜而起非算也為一停囚長智別有他虞參日之期何以為駟馬之追乎合行責成為此牌仰本官文到即便作速決策及早滅賊今文到可參日報來可參日平賊可參日總計拾日之內專候捷音如再支吾遷延軍令具在

再催破圍

為軍務事照得三省陸帥欽承

明旨提捌路之雄兵攻一圍之小醜半月以來連催

數次既不併力齊上而又無偏師直衝日延一日無動無靜總之借口滾木礮石之加畧無批抗搗虛之策似此畏首畏尾之為豈是多算多勝之道曠日持久老師費財若再姑息事無抵止相應立限期速成功為此牌仰六監軍道官吏自今為始督勵該路兵將日日設法攻打或運土石相度疊壘或伐竹木找搭雲梯或合兵齊進或本路自取務要破圍獻俘掃蕩巢穴如過初拾日尚無成功不能入圍擒賊者該道即將該鎮領兵中軍官縛解來轅門以憑處

總兵官聽參蓋

明旨森嚴非本部院所樂為也該道監督兵務責任匪輕慎勿徇情庇護緘默不言未便

行各路報功級不得過一日

為軍務事照得軍中斬級當日戰罷一查可知原無難事近日各路報功惟南川路每次首級皆當日報明其餘三路全屬含糊有先報捷功數日後方報首級數者有竟不報數直至紀功道文到方有數者有稱斬獲不計者如岩門之戰數日方報白石口之戰亦數日方報且前後兩報數目不同今十八之戰止南川路報功參首恭合二路竟無功級之數殊不可曉若非無功妄報必係搜索充數如此用法紀何在合行嚴查為此牌仰該道官吏即行各營以後功級當日即報數目不許混稱斬級不計亦不許延至拾日半月方行補報及數目參差違者俱不准算仍將各該將領兵官治以冒濫之罪

行各道查敘功次

為軍務事照得官兵四合賊已上圍環而攻之蕩平

不日真足以雪衆憤而伸 國威所據各路從征漢
土官兵節次攻克過關隘擒斬過功級招降過人口
雖經屢據塘報但查中間所報率多互異多寡不等
有礙查敘係干題 奏難以草草合就先行清查以
免臨期遲誤為此牌仰該道官吏即便會同紀功道
備查該路漢土官兵要見興師以來何官何兵克過
某關某寨若干擒斬拒敵惡苗為首若干為從若干
俘獲男婦若干招降逆黨若干全活被虜人口若干
與夫把截隘路護運糧餉防守城池但有功次可錄
者俱要備細查據的確挨順月日先主將監軍督餉
紀功各道次監紀管餉并監收監支督夫督運領兵
偏裨大小等官以及部兵功次與隨營陰醫雜流等
項照依舊規一例鋪敘總造一冊仍另造簡明小冊
一併聽齋再照文武各官武職有殫心奉公奮勇討
賊者有故違軍令失悞軍機者文職有轉輸如期出
納無弊者有儲運不前收支欠明者應敘應論必項
每一路撥為一冊分別功罪詳註考語限蕩平之日
卽行星馳齋報以憑覆覈具 題周昭勸懲既不許

遺漏參差又不許徇私冒濫一秉至公以彰盛舉其
領兵等官或係實職或係名色毋分本省外省漢土
等官俱要詳具衙門真正職銜以便查敘毋得依違
混開致滋駁查往返耽延未便
柄牌催兵攻圍
為軍務事照得遂賊楊應龍前為出狎之虎尚肆跳
梁今乃釜中之魚何難烹煉八路官兵既已連營合
壘須要膠力同心盡雪三藩萬姓之冤大伸戮將屠
城之憤法在速圖時不可緩合就督勵為此牌仰某
路官兵即便遵照會同七路兵將務要獎帥馳驟併
力搗巢破囤輯和行陣設策擒惡獻俘盡祛秦越毋
分爾我立俟捷音不復多贅如再不相體諒過違三
日不行捷報者卽拿中軍官與中幟之辱又至矣慎
之慎之
再催各路攻圍
為軍務事照得大兵八路環攻一圍以衆加寡以順
討遂以我之有制克彼之重亡誠能益奮忠勇鼓舞
兵士或合兵齊進一路或分道各取一隅或前行而

後繼或在攻而右援試探虎穴未必不得虎子者今乃互相延捱頓兵不動蓋非持重之計實畏險阻之難不知困雖險而無兵可恃首固狡而窮蹙可圖不就及時剪除使之偷存喘息非長策也本當行拿主將中軍官并遺中摺之辱始再督催為此牌仰該道限文到即便移會七路官兵刻定日時或合兵竝進或分投攻打破國獻俘立收全捷將領陞賞軍士犒勞必破格厚酬決不空言相誘如或再違日時彼此不動法令之行自不能已

手播金書

卷十一

十一

查奢兵私相充糧

為軍務事訪得永寧宣撫司土官奢世續遠住石寶擁兵自衛且日止縱令目兵與運夫私相充支及搬運子女牛馬為事若營中兵士既不給糧將何充腹又不督戰安望成功似此利下自潤全無公家之急以致上下交怨威令不行徒擁虛名全無實用方今大兵四合遂賊上圍環而攻之不足破矣所據該司之兵留之無益似應先撤以免糜費但未委虛實合就行查為此牌仰該道官吏即查宣撫司官不給糧

不督陣擁兵虛冒私充作奸等弊無則責令上緊攻圍擒賊速奏大功以膺上賞有則悉聽該道酌量具詳先將此兵撤回以省煩費毋得違錯至緊至緊行令水西絕私用命

為軍務事照得水西土司及鎮雄土府兵馬近已累立戰功深入賊地忠順之心已明形影之疑盡釋不但黔省賴其兵力即該司亦得享其勲名誠可嘉尚但今合兵圍國功在垂成計須萬全合行申諭為此牌仰該道官吏轉行該司府即便嚴督部兵夾攻取事務全終始以保令各其部下攤兵苗兵或有爭功爭能與川湖貴各營官兵及別司土兵相關闕者必以軍法裁斷無令以小忿防壞大事其土漢目把人等或有與賊中相往來者亦必以軍法杜絕無令以小利漏洩軍機即賊子賊妻或以親故之誼希求護庇之私者亦必斬使焚書立絕私交以全大義勿為所賣致損功名此皆目下緊要務數本部院切切籌慮不止為地方亦為該司也不然倘有刁蛇枉影之疑又有投杼按劍之事即本部院確然相信外間

手播金書

卷十一

十一

曉之口安能家置壹喙乎行百里者半九十該司必能達此矣須至牌者

催陳李二總兵入關

為軍務事照得總兵陳璘旬日以來連將青蛇碼

渡長坎等國以次攻克擒斬甚夥本部院一喜功可

加尚一喜會哨可期乃川中四路與沙溪烏江二哨

前則殺賊大敗今則圍困海龍若得該鎮提兵合擊

可以計日成擒胡為半月竟不見來萬一停囚長智

別有他變將誰歸為此牌仰該鎮官吏即統三軍

刻日馳赴播州會同蜀中諸將奮勇行忠堅心竭力

務擣猱猱之穴盡誅豺豕之羣亟早獻俘共收全捷

如再延捱逗遛不進致誤軍機者定拿領兵中軍官

按以尚方從事鎮密究不貸

行水西兵不得全占圍後

為軍務事據營中塘報稱各路兵馬俱在圍前水

西兵馬獨在圍後等因到本部院為照八路進兵水

西兵馬不過八路中之一耳圍左右無路可攻獨前

後有路乃三省七路兵三十萬俱在前而水西一路

兵獨在後是欲以一路而專七路之功非事體也且

該土司目把人等多有與播人相往來者恐招烏江

之疑更為忠順之累相應查處為此牌仰守東道即

會同貴州鎮道行令水西鎮雄兵馬止照各路事體

同貴州兵馬攻一路不得全占圍後不許別路進攻

仍遠劄營攻時向前罷攻時退劄不得時常往來致

取嫌疑以干軍令

令降民復業

為查復向化夷民以安生命事照得播州五十四里

與八司夷民連年以來既遭叛賊害又值兵戈擾

攘進退維谷聚散靡寧以致男不得耕女不得織妨

廢農業數載於茲今照各路合兵圍圍城在旦夕播

地既已蕩平惡苗悉行征剿所據歸順良民相應發

回復業以全生命但前者領兵等官與塘報等役假

以招降為由乘機搶奪子女搜檢家財降民茹苦莫

敢伸言即今遣回歸農若非委用得人安靜行事萬

一復有縱肆者於其間藉口安插百端恐嚇索要

財物此等窮民其何以堪合行併禁為此牌仰該道

官吏即便會同監軍道選委廉能職官一員嚴禁不

許多帶塘報人等督令車騎躬詣降民屯劄處所將

該道所轄松坎真州仁懷苑紅龍泉白泥沙溪偏橋抵海龍園地方歸順良民

逐戶清出悉心查審除送賊原招直苗不許容留姑

准免死一一遞解回籍外凡係前項地方里分夷民

諭令各回原土安插照舊住坐趁時耕種不許拋荒

務要各安生理毋作非為如有恃強霸占爭奪擾攘

及仍前通苗為奸為盜者定行誅剿不宥委官須要

安靜行事毋得帶領塘報多人致滋擾害事完論功

手摺全書 卷十一

敘錄各將安插復業過夷民男婦姓名備造各冊一

存本衙門一報本部院收查俱毋違錯未便

行道鎮攻圍勿准詐降

為軍情事伍月初捌日據川東監軍道塘報肆月貳

拾玖日丑時據合江監紀知府蔡宗憲稟稱首遣鄉

導劉庸刻話乞以田氏於貳拾玖日早具表投降

請諸文武會謀乃可該本道於是日早會同總兵劉

縱馬孔英并各將領監紀等官齊至圍邊吳總兵營

前比有田氏率其子遠隔圍下在三十六步俯伏跪

投降 表道鎮稟帖又訴狀一紙各等情轉報到部

院看得送首屢次以妻子乞降計已數數茲伊母子

若果真心畏誅自宜照賞格擒斬應龍投降軍前方

可准信今乃聽其擁兵自衛空言支吾且恭迎天臺

一語非賺人入彀繼之以兵乎如此舉動既不破其

奸謀又不整兵相向反為自限三日何其愚也至蔡

知府稟帖內云真則受之以圖後舉是何主意豈尚

欲緩兵養寇耶事在肩曉豈宜屢次失策合行切責

為此牌仰該鎮道今後再不必聽其空言詐降以緩時

日惟獎率三軍照依分定前後門路一意進攻仍晝

夜隄備以戒不虞左右設伏以防衝突漸入炎暑兵

貴神速此本部院日夜拳拳踴躍者若將領監紀等

官不行上緊攻賊假借受降故延日時即以通播重

論慎勿再延

再催攻圍

為軍務事照得播賊上國兵不滿萬人知之征播

兵無論三省即四川三總兵所領已是實在精兵拾

肆萬以十人擒一人亦可立盡乃自賊上國以來止

是四月二十五日一攻軍令不嚴反致損失因而軍士心灰將領膽寒更不復言攻圍事賊知其情使人約降明欲緩兵取事本部院先已有斬使焚書之文不知何故不遵反墮其計更立寬限以懈軍心在營文武如林無識者既欲專功自利有識者亦皆袖手傍觀又縱容賊使往來盡得營中虛實逗遛延日復一日累累行文差人守催武職之跋扈者既傲脫自尊文職之僂諂者又辯給自信不知各文武與賊何親與 朝廷何讎而其心隳九仞之功貽三省之

平掃全書

卷十

加

害獨不慮有 尚方之劍耶除近日縱賊失機著有顯跡者查明摘叅究治外合再嚴催為此牌仰該 官吏文到即便會同各路軟血同盟文職運謀武職効力各出精銳更番攻取得賊之後勿問出自何人大家論功若致債事逸賊或別有失悞軍機除所由自當重論卽別哨亦不得言功且當連坐各宜深思毋致後悔

營中禁約

總督軍門今將營中禁約事宜開列於後

一千把總軍士有私領婦女出營寄住別處者以臨陣在逃處斬將官連坐
一軍兵有告假出關買牛殺賣希圖厚利致虛營伍者以臨陣在逃處斬將官連坐
一小委文官及千把總有索運夫銀錢方收米者分毫以上皆斬總運官不能覺察連坐
一軍兵有私收運夫銀錢折米者斬運夫同罪總運官不能覺察連坐
一攻圍之時軍士但取牛馬婦女財物者卽斬以狗將領縱容者連坐
委中軍官監督攻圍
為軍務事照得本部院總督三藩文武合剿一賊動三億萬之雄師費幾百萬之餽餉兵糧可謂雲集文武可謂風動正宜盡累朝之逋寇建千載之奇勲則功在 旂常名垂竹帛矣胡為入關已及四旬攻圍將及一月不次催督竟不能下豈果圍之難破賊之難制蓋由官兵視為泛常人心懈怠不肯用命故耳卽今若不申嚴 尚方以示懲一戒百恐催案如山

平掃全書

卷十

四

徒勞無益而曠日持久老師費財萬一別生他變將何結局為此牌仰本官即便馳去營中會同監軍各道拜總鎮及領兵將領等官每日責令督陣官監押官兵照依坐定門路分投攻打前後夾攻必期刻日破圍擒斬元兇務要同心協力不許妨害嫉妬成功之日一體優敘如有畏怯不前觀望不進不肯用命者不拘中軍領兵將領等官許本官指名揭報以憑拿解轅門照例梟示決不輕饒仍一日一報以驗勤隋本官務要秉公執法以副委用如或徇情故縱一體連坐不貸

手抄金書 卷十一 牌北三十五

查水西通賊

為軍務事據營中申報稱安兵自到後山日與遂賊通書來往萬一前以死報後以生遁官兵不能禁之我兵衝入圍中罪人不得何以完報伏乞嚴行水西勿為藏奸賊可蕩平等情到部院照得水西官兵素稱與賊有唇齒之交令人不能無疑乃近日却餽儀擒賊使更又大戰敗之向來心迹一旦了然且本部院切計遂賊造反法在盡誅該司與之來往甚屬無

謂故愈不信胡為今日兵臨圍下復有此說擬合行查為此牌仰^{監軍}道即查水西宣慰司官兵既已精白一心芳聲初著因何復又受賄通賊屯兵圍下往來不絕意欲何為逐一查明追究下落若安疆臣原無此事或係目兵違法交通亦要查究示懲一面搗巢獻俘一面具由申報如或仍前逗遛交通及破圍之後不行擒獻賊有迹遁者責有所歸該司即百口恐亦難辯者

查賊詐死趣兵搗巢

為軍務事據總兵吳廣稟稱五月初陸日圍上有人來報酋於初五日亥時服毒而死令之送屍赴驗又云合圍俱要具祭方行送出等情轉報到部為照遂賊楊應龍詭詐多端變幻莫測蓋因四月末旬以來疊見斬其來使不准詐降攻打愈急自知難支故作此狀將誰欺耶且酋既死田氏母子與一圍賊黨自宜隨即將屍送驗自縛下圍請死緣何藉口牽延以緩我師非假死搪抵詐死誘敵之計乎大兵三十萬日費不止萬金自宜一鼓蕩平豈可招降即今若延

手抄金書 卷十一 牌北三十五

日不亟搗巢穴追捕元兇擒其妻子織其當類盡後禍本恐遂賊詐死埋名潛林伏箐將征旗未返變亂隨生罔眾欺

君之罪誰則任之况逆賊迭反罪應誅絕原無妻子投降保全爵土之說今兵臨圍下逗遛不進却與說降許之爵土明係受賄縱賊除叅論外合就督責為此牌仰該鎮道即便移文總兵吳廣及各營監紀并各鎮將領文武等官毋分賊屍真偽獎率三軍上緊攻圍擒捕逆酋仍將田氏母子大小兒女一家人等并

脅從黨惡賊犯拒敵者殺死生擒者縛出盡解軍前聽候俘獻務要一掃盡絕寸草不留設或逆賊果死辨驗不偽事屬具廣首報即取本官并結各紙一報本部院一收存道鎮監紀各衙門備查以後賊或復出或變亂隨生責在本官一面承認再勿逗遛不前致墮賊計其水西土司不許縱賊奔逸已責成該道約束如有違犯罪歸該道各將領毋得借口遷延致悞軍機未便

催解各路中軍官

為軍務事近該本部院於本月初二日牌行各道鎮督兵攻打破圍獻俘如過初拾日不能入圍擒賊者將各鎮領兵中軍官解轅門處斬總兵官聽叅去後今又逾期四日仍未克圍擒酋乃各帥擁兵尸位一籌莫展日推一日結局何時所據各中軍官法難寬宥合行催解為此牌仰該道官吏即將主將中軍官文到即便解轅門梟斬其總兵官俱令戴罪殺賊聽叅毋得延縱

行守東二監軍查逆賊身死攻圍搗巢

為軍務事頃據總兵吳廣報稱逆賊楊應龍於本月初伍日亥時服毒而死等情到部隨看得田氏所云明係假詐牽延以緩我師牌行監軍總鎮將領等官督率三軍上緊攻圍擒首獻俘去後業查先該本部院密切有行一今日之舉要在必得罪人生擒為上斬首次之若賊自縊必要有屍自焚必要有蹟若查無踪跡是賊逸也逸從何處放從何人罪必有歸若以假屍假級捏充者以官員人等說謊論一賊之妻子及親黨頭目主謀人等係生擒者活解來以備獻

俘係斬首者必要大衆驗視明白方准不得信口捏報以亂直實違者罪之一賊滅之後各監軍總兵監紀官公同至國上驗視賊之財物家資金銀衣器各另封鎖造冊登記呈詳以便批發給賞若有寶物應進

獻者公同封識冊報仍各撥兵委官看守不得縱兵恣掠致取嫌疑一各將領各約束部兵不許爭功爭財自相殺傷違者削領兵官之功仍以罪論等因通行鎮遵照外爲照前項肆欵頗爲詳切乃酋因見官

平播全書

卷十一

平播全書

兵攻圍緊急自知滅在旦夕果作此態令人駭異但未審道鎮曾否相信合再申明詰問爲此牌仰該道官吏即便會同分守川東及川東川南監軍二道并四路監紀等官逐一詰查卽如所謂遂酋真死要見身屍係何辯驗或據何爲憑設係詐死要見此賊見潛何處或所逸何方田氏母子大小兒女一家人等與脅從黨惡賊犯曾否盡數擒斬綁縛獻出賊國有無攻克官兵曾否屯守家資器物曾否封記係何官兵守護以上事事必須逐件究明方爲全功少有一

事不明不結或係債帥在內通賊受財容令詐死埋名縱酋脫逸或主持招降全爵欺誑抗拒延緩我師致懈軍心別有他虞者一面督率三軍破圍搗巢一掃盡剿一面就將通賊奸人毋分文武據實參呈應拿問者登時拿問應參題者卽行參題以爲罔衆欺

君之戒決不輕饒此本部院與道鎮身任其責不得不深思長慮該道務要盡忠報國根究下落毋得徇情庇護未便

平播全書

卷十一

平播全書

革吳廣職銜

爲軍務事照得鎮守四川總兵官吳廣原以本部院中軍官拔置大帥統領官兵征剿播酋受

恩不爲不深承委不爲不重本官宜思

主辱臣死之義堅滅此朝食之心身先士卒首縛元兇蕩平播土奠安西南方爲盡職方爲稱任乃自開刀以來招降頗多人關以後戰功亦著本部院未嘗不移文嘉獎望成功何期小器易盈微軀自愛自四月初八日經戰之後頓起益生之心全無滅賊之

志遂賊知其心灰意懶因遂假意行成本官貪其香餌墮其深墜遣使往來按兵不動致賊今日詐降明日詐死懈我軍心增賊實備日復一日老師費財先是本部院聞其已中賊計移檄申禁斬使焚書之文昭然具在本官視如故紙畧不遵行又知其專功自利大失人和特遣分守張按察使赴營會同鎮道將領監紀等官歛血盟誓同心滅賊本官高臥營中三請方至則首稱揚應龍要限十日又稱事不成我不過回家做指揮官此皆萬耳萬目共見共聞營中塘報人人開報者不知本官于賊何親于國何讐而傲睨跋扈其心縱賊查得本部院所奉勅書云欽此今本官所犯照屢旨宜從重處分先斬後奏照勅命宜先取死罪招由戴罪殺賊今三省四總兵領兵二十餘萬即去此一人亦不為少但臨敵易將兵家所忌向來征戰亦有微勞姑且革去總兵職銜充為事官戴罪殺賊為此除行總兵吳廣遵照外牌仰該道官吏即便移文本官以後宜盡改舊過力圖新

功與各營總兵將領官合哨應援專力攻圍與各該道并監紀官同心戮力一意滅賊若十日之內克圍擒賊蕩平播土唯復其官仍以功敘若仍前執拗剛愎逗遛退縮或怨望生事更起別端尚方具在王法無私須宜深思毋致後悔

查議運糧撤兵行守東二監軍道為軍務事照得遂賊造反與師吊伐即今逼圍上圍功在事成但兵多道遠運糧恐不給應否將糧運至中途營兵來接或將多兵量分一半即為運糧之兵以代運夫之力或將兗兵漸次徑行撤散以省糧運三者孰為可行合再查議為此牌仰該道即便密會總兵官酌議妥當應徑行者徑行應呈詳者呈詳其賊已平仍須重兵彈壓各總兵標下及應留之兵仍須每路萬餘以備搜山及計議善後事宜明白方行班師再為遣發不可一時散盡俱毋違錯未便再申飭殺賊

為剿捕等事案照近准兵部咨開楊首謀叛詐詐多高其自秦省似其貌者不下數人倘勢迫力窮輒施

狂惑之計少不加察者惡漏網而大兵撤回狡猾復出則地方之物力徒虛而

天朝之威力難據是在道將親統大兵直逼賊穴首惡嚴加覈閱不可輕忽苟且賊之心腹爪牙不可輕縱致遺後患又賞格內開一應龍頭目人等若賞格懸示兩月之後既不能擒斬又不肯投降直至拒敵交兵為賊盡力即以謀反盡誅各等因俱經申諭去後為照進兵以來已逾三月在逆賊勢窮詐死已不出本兵所料在賊黨負固不悛又久違賞格明條日前之計惟有一意遵

旨盡剿此外再勿復有招降等說致懈軍心合再申飭為此牌仰該道即便親統大兵直逼賊穴毋論晝夜分投攻打必圖破而後已必賊獲而後休又須嚴加覈閱不許輕忽苟且至於楊氏親枝心腹爪牙頭目人等悉行剿絕一掃蕩平務使種類不遺以免日後為患自今申戒之後兵不進賊不滅及更復有他議者不拘文武以通賊論一面拿究一面奏題決不輕貸

再催攻圍

為軍務事照得總兵吳廣剛悞畏縮縱賊遺患不稱任使本應從重以軍法處分念用人之際姑革職充為事官責令立功贖罪去後及照各路領兵官向來進兵各有路道今日攻圍各有信地功罪自有賞罰彼此原不節制柰何數日以來以一人之喪心為諸將之借口大家懈惰全不進取至於監軍道原為監理軍務督兼督撫本部院托重非輕柰何傍觀坐視既無督併之文亦無參呈之檄未效鷹鷂之逐奚取監督之司各贊理監紀官逐隊隨行緘口結舌坐視舟中之敵雅同局外之觀雖有如無溺職已甚通應參究姑再督責為此牌仰該道官吏文到即便嚴督各路兵將查照分定信地剋期夾攻務得渠魁並殲餘黨立奏蕩平方稱倚注其將領贊理等官有懷奸飾詐避事縱賊等弊不特揭報以憑重處如再疑畏寬假以致債事罪有所歸必不相貸

攻圍條件

為軍務事照得三省五總兵二三十裨將領兵二三

十萬圍一孤國上僅數千殘苗無計剿除坐延時
日利令智昏者則信其詐降詐死為真且駕言就中
取事畏賊如虎者亦但以兩多糧少為詞更不慮愈
久愈難今賊養數千苗蠻尚知秦養之恩為之效死
朝廷以高爵厚祿養文武官員累世榮顯一旦用兵
惟袖手傍觀只營利避害更無一點實心為國可見
朝廷養士尚不如應龍養苗真可愧恨今巾幗之辱
亦不能加於無志之人 尚方之劍亦不能遍於貧
生之衆特此申論尚冀猛省所有條件開示於後各
宜遵行須至牌者

平播全書

卷廿一

牌四十四

一賊黨許降正賊不許降况賊自入關以來屢以
詐降害我官軍今後但有與楊應龍田氏楊朝棟
約降者即係逆黨眾共剿之
一霧雨不可攻即治攻具天晴無雨及雨小無霧
即合攻失期者以黨逆論
一川兵水西兵圍固已久信地已定偏橋龍泉平
越兵方至當與各監軍會同議定信地不得用強
混擾致有爭競

一各路監軍久不到營不知所司何事姑行帶管
平越路總兵已至監軍未至即以該省監軍楊按
察使代監之偏橋路總兵已至監軍未至即以四
川監軍張崇政代監之監軍不得推托總兵不得
違拗如本路監軍已至即仍其舊

一合江路先因該路兵多派之後右前左貳處今
湖貴兵已至合江宜止占一處不得仍占兩處
一九分布約會務出公心會議事體以少就多有
眾議的見可行而一二人執拗不從即係賊黨大

家火速開報即以軍法從事

一允約會期大家詢謀僉同其移文移單則以
分守川東道張按察使為首庶免推托

一兵多糧遠恐後難繼各營兵有陣亡者即開除
有病弱者即汰去大率一路於原領兵數去三分
之一亦不為少多亦無用且難餉也

一各監軍即各差人嚴催運餉不得專靠督餉官
恐遠不及事

一今日之事西南半壁天下所係成事者即係忠

義為國壞事者即係奸邪悞國成事者豈必手刃
逆首但盡力攻擊期會不爽即是壞事者豈必助
賊為逆但專功妬功自私自利者皆是一向營中情
態本部院分毫皆知異日當據實陳敘必不使巧
偽者居先拙實者居後慎之慎之
以上條件紛紜只為大家不肯攻圍遂費許多區
處又恐事久變生諸路前功盡棄後禍更不可知
若齊心齊力攻圍破功成豈不快哉惟願不付
之空言云爾

行湖貴鎮道申飭秘示條款

為軍務事案照先該本部院看得與師伐播賊計多
端未破之前恐中逆酋奸謀奸計既破之後恐我官
兵爭功爭財於是約為四款密示云一今日之舉要
在必得罪人生擒為上斬首次之云二仍以罪論等
因通行訖近有四川總兵吳廣不遵密約受其假詐
延緩我師已經查駁叅究令其戴罪殺賊去後為照
前開四款頗亦詳切第未審各路文武等官曾否相
信萬一如吳廣者悞事不小與其事發而罪之孰若

平播全書 卷十一 木牌四之四十五

禁取破圍財物

禁之使勿犯也合再申飭為此牌仰該道官吏即便
移行總鎮監紀等官一體遵照自今以後再勿聽其
假詐惟一意進兵破圍搗巢不拘逆賊與田氏母子
楊氏宗枝脅從黨惡一槩盡誅寸草不留仍以生擒
為上斬首次之以便殿最至於賊獲之後道鎮與監
紀官公同至圍驗視賊之家資寶物金銀衣器等件
登記封識撥人看守仍即飛報本部院以憑分別進
獻并批賞有功官兵以表功勞如有不遵紀律恃強
攘奪爭功爭財者將領以下小兵以上聽道鎮登時
綁赴 令旗前梟首示衆決不輕饒若將領等官縱
兵恣掠致有意外之虞者盡削前功仍以罪論不貸
為軍務事照得官兵已將破圍逆賊目下成擒所據
賊之家資寶物金銀衣器等物前已牌行分守監軍
各道公同監紀等官驗封看守聽候應解 內府者
解進應犒賞者聽本部院批賞去後但恐官兵破圍
之時各總兵官不肯鈐來部兵致有爭功爭財互相
戕殺致放弊端合再嚴禁為此牌仰該道官吏即便

平播全書 卷十一 木牌四之四十五

會同該鎮并監紀等官如破圍之時嚴加鈐束兵士
首先必得罪人必則封識府庫既不許恃強爭功又
不許乘機爭財務要肅靜林立各守隊伍如有誼譁
嚷亂爭功爭財者不分官兵聽鎮道登時綁赴令
旗前斬首示眾其家資寶玩公同驗封明白飛報本
部院以憑分別進

獻給賞施行如有隱漏藏匿及將官不行約束縱容
軍兵別起釁端者定將剿賊大功盡削仍行重加參
處不貸

查華蔡知府監紀

為軍務事據合江監紀知府蔡宗憲稟稱田氏投表
後初陸日又據楊朝棟詳申楊應龍初伍日亥時身
死比職與吳總兵欲因謀行間朝棟母子初捌日扶
襯出關候驗因與復入職請諸道鎮天晴驗之就中
取事則朝棟母子及諸黨惡必授首過半隨即急攻
應龍可得乃諸文武人各一心必不待驗止欲明攻
明攻非不正堂堂然不免費力居多或賊酋事急
一時逸出及自投岩火且彼近獲有禁南兵衣甲倘

混我兵而逸孰能識之此職等不必然之慮似未可
盡以為非今欲再問然不可復得矣案照近據本官
稟稱田氏乞表即其來果真所重亦不在此婦但欲
借其黨就中取事可以少省工夫業限三日內回報
可否容圖之若首計衝突逸遁勢必不能惟水西意
不可測但得與官兵合攻後路無少參商則成功在
旦夕矣遂首表文漫無確語不敢呈上貳拾伍日因
酋乞降職與吳總兵業斬差來楊永用拒絕矣今田
氏果來姑容觀釁而動等因又據總兵吳廣連報田
氏母子出降及稱遂賊於初伍日夜服毒而死等情
節經遂知詭詐駁行急攻去後今據前因為照遂賊
若果懼誅真死田氏母子自是連夜送屍軍前舉國
下關投奔以求緩死猶畏其遲乃報死既不送驗據
國又不納降其詐死抗拒昭然顯著乃知府蔡宗憲
總兵吳廣不知有何高見必欲驗屍招降果何為也
即如所謂朝棟詐申欲因謀行間待其扶襯出關欲
就中取事明係支吾逃遁之詞既係詐申賊又何肯
母子扶襯出關若母子扶襯出關則賊已盡得何又

云授首過半賊母子及黨惡既已授首又何用急攻
且連日天多淫雨幸一晴霽正可急攻乃必待天晴
驗屍不知雨中獨不可驗屍乎賊恐攻之故每遇天
晴便設一計今又自定天晴驗屍是又代賊設計也
又云恐賊投之岩火今所恨賊不投岩火若投岩火
有何不可又云衣甲相混逸出即驗屍何保其不逸
出句句有無一中機之語蓋緣該營文武官以專
功之心中反間之計日為賊用而不自知以致坐延
半月畧無功效師老財費職此之由見事已敗露無
可遮却東支西吾茫無定向又云今欲問之不可
得是知其計無復之而歸過於人此等存心尤為可
恨今討賊日費萬金後此事且不可知豈為營官說
謊貪功之地本應參究姑從曲處為此牌仰川南監
軍道即將知府蔡宗憲原管監紀事務即日革去責
令統率馬湖官兵捌千攻圍殺賊立功贖罪如或不
效定行併論從重參處決不輕貸其監理事務該道
代之紀功事務轉行同知趙世德兼管毋得違悞未
便各具遵行緣由報查

獎總兵劉綎

為軍務事據川東監軍道塘報總兵劉綎親自攻圍
手放大銃肆架致火薰其面起一泡為照本官素稱
忠勇矢志滅賊今手自發炮致傷其面殊足嘉獎又
足憐念為此牌仰守東道即便將懸賞銀用書封拾
兩倉書樂餌之資四字親自送至本官營中以見本
部院相勞之意仍令本官以後益復親履行陣嚴督
攻擊破賊之日定以元功論敘

催總兵陳璘攻圍

為軍務事照得總兵官陳璘廣東芳聲未艾海外威
名甚殷茲者欽承
明命征剿播酋首克三圍猶如拉朽再破三渡勢若
燎毛遂賊因之喪膽一路遂亦蕩平本部院竊計該
鎮一至合兵夾攻圍不足平矣胡為旬日以來亦以
招降為事不展一籌頓兵不動令人駭然不意該鎮
素稱老練智過孫吳熟諳韜鈴何所不解乃今一旦
聽信偵帥所愚畧無滅賊之心自干不忠之誚此本
部院所不取者合行督勵為此牌仰該鎮限文到即

便會同各路監軍總鎮及將領等官挑選精兵照
分定信地刻期並舉前後衝擊左右夾攻務要破圍
獻俘以靖逕醜如或仍前聽信吳廣所愚再行招降
延緩我師致悞軍機者不但盡棄前功本部院定行
從重叅究决不輕貸

再行分地攻圍

為軍務事案照先據總兵吳廣塘報會同各鎮及監
軍道議定各分信地夾攻緣由到本部院據此看係
會同分布必是妥當已經牌行各鎮道遵照去後隨

平播全書

卷十一

牌四十四

據分守監軍三道呈報眾謀僉同一揭內所分布比
前塘報稍有異同本部院亦以為兵形無定軍機何
常既經眾謀僉同定是大家遵守亦不必更行申明
反亂視聽乃近日查得總兵吳廣先日所投塘報原
不曾約會各鎮道止是自己欲前後俱占以圖專功
及湖廣總兵陳璘到又不由大家分布徑引之與已
同割以致信地不均恭南二路至有可用之兵無可
攻之地吳廣却又為賊所愚與監紀蔡宗憲自約
階更不約攻陳璘又為吳廣所愚亦不議

延日不知 朝廷遣將發兵欲以何為除另行叅究

外擬合再行為此牌仰該鎮文到即行令各營以後

止照三道後次與各鎮會議定眾謀僉同單開信地

攻打不必拘定本部院前行如近日湖貴兵各到該

道即會三省監軍道與各鎮總兵官大家再一議定

信地揷立牌撥令各盡地而守如賊從何處越逸即

各認其罪其進攻之時應某枝為正某枝為奇某為

當鋒某為應援止照原議將湖貴兵一同派入俱聽

商同分布或別有攻取之術牌內開載不盡者任從

大家公議公行並不中制若既定之後參差亦遵或

當議之時執拗不定即係賊黨眾共擯之一面報來

以憑叅拿以後一切軍機俱要公同商定其商議事

體以四川分守川東道為主以各監軍俱有分定營

伍恐為人借口有偏私之嫌該道為本部院所專委

無分定營伍故也倘該道以一人獨主為嫌仍以四

川貴州二左監軍道協同主持一人關獨早一官秩

獨崇各有所取也其各路監軍不妨各監本路至於

各鎮總兵止宜照大家議定遵行不得借口將在軍

君命有所不受之說為專已自私之地蓋他時征討以一總兵為主自應權歸一人今伍總兵勢均力敵莫能相下若各是其見各私其功成何事體本部院方居四路之中便於備催糧運既不能即入山今托重於鎮道又專委於守道所望亟出公心共成

王事若復以粗心浮氣恣憑宵臆或以私已專功攬亂事權致九仞之功虧於一簣此豈朝廷養士之報本部院托重之心乎 國法無私青史可畏一盡心永享忠臣孝子之名一失足永墮賊子亂臣之黨

行三省監軍攻圍招降

為軍務事照得大兵剿播以二十萬兵馬圍一孤圍曠日持久竟不能下訪求其故蓋緣初圍時為賊所愚信其詐降詐死全不攻擊致賊得以招降欺其下人防守益固後知其詐又一味攻擊凡有投降者出亦不准信即殺以冒功以故圍上之人自必死大家抗拒以致兩敗俱傷智勇俱困雖久之賊常消磨盡絕然我之勞費亦已甚矣不知 朝廷征播原

平播全書 卷十一 牌四之五十一

為討賊逆賊之罪止於一家况首惡不宥曾從原免

明旨昭然賞格具在即今投降之人如王繼先袁年羅國明羅國顯安鑾陳任賢田良王闕宗傅楊光耀等或給之冠帶或給以優養本部院毫不爽信營中何故貪功妄殺致干天和且將官原以賊賊為功不

平播全書 卷十一 牌四之五十二

一而責令鄉導降夷人等遍加傳諭多方招撫除送首拜妻子田氏楊朝棟等一家必剿無赦外其餘左右一切軍師提調巡警目把苗夷親族人等俱許納降但係棄其衣甲器械隻身下圍投降者不分男女審果不偽即准免死給票執照發出安插不許驚阻及擅行妄殺違者抵死不饒其有能將逆賊楊應龍楊朝棟田氏或擒或斬真正身首來獻者定照格陞賞決不吝惜本部院以信制馭諸夷的不爽約慎勿疑畏各營仍一面攻圍一面招降不得以招降便廢攻圍亦不得指攻圍妄殺降人蓋即兩軍對壘應敵

者殺投戈者免自不相妨各營仍須文武同心公平進取勿得如前私招私攻中賊之計延時日自取罪累未便

查妄報功

為軍務事據巡下南紀功道報據監紀知府蔡宗憲報稱伍月初拾日辰時職隨道鎮親督四路官兵前後左右圍攻賊囤鐵柱飛虎二關城樓城墻焚拆殆盡賊兵屢合屢敗被銃打傷甚多止存飛龍朝天太平三關另行設法攻打又稱副總參遊曹希彬等官

平播全書

卷十

黃

關西五十五

兵已奪後路對面小山趕至城門邊把住廣兵馬湖兵土城兵共斬級肆拾餘顆又據該道報據都司吳從周報稱初拾日奉令夾攻自旦至晚窮日血戰攻破頭關又進二關燒進城樓二座推倒城墻肆拾餘丈但日暮兵疲三關更險只得收兵其後路齊攻亦已奪山進逼關城之下各有斬級聽候類解各等因到部院據此查得初拾日之戰塘報經本部院參互審質卽據營中往來差人及大小官役人等口報知是日總兵馬孔英率李經任承爵哈光顯萬民英等督

陝毛百石平茶劉勝等兵與推官高折枝在關前總

兵劉綬率周以德李為瑚徐珊易朝臣莫如爵等官

兵與同知史朝貞在前左總兵吳廣在左山與川東

分守監軍及知府蔡宗憲在七發吳從周兵浙兵在

山下攻打關左城外山坡周國柱羅星率陝兵駱有

餘晏朝海漆太然兵同曹希彬吳文傑杜熊兆等在

後囤領大炮邊兵永寧兵廣兵及畢節道督水西兵

一併攻打囤後此是日分布之人畧也前後左右一

時攻打四面受敵賊不能支如前關則石砬兵當前

平播全書

卷十一

關西五十五

馬總兵千總馬積冒傷先登鐵柱關正樓之側左水關樓則劉總兵部兵先登賊大敗走卽拆墻燒樓一時俱潰此南茶二路血戰之勞若吳從周兵衆方進見彼賊下便卽開走以致左右不能獨立三進三退怒斬執旗督陣者何謂也乃蔡宗憲與吳從周自不思忖混稱克破二關燒樓拆墻誇誕裝飾何其大謬不然囤後官兵奪取圓山直抵後門把守移札圓山安立排柵功亦奇矣但非一路之力乃獨稱廣兵馬湖之兵有功又稱親督四路官兵前後左右圍攻賊

國果能分身應之抑止在國前協同替棄乎至若吳
從周前門既無攻打之功後路與伊何預亦復混報
此又厚顏無耻之甚者大抵該路文武別無創立謀
猷惟以筆舌為事觀其目前固未破之前屢屢攘
功若此俟其既破之後爭功爭財必為各路倡率合
行查究為此牌仰守東道官吏即便會同監軍二道
秉公嚴查初拾日之戰要見鐵柱左水二關與燒樓
拆牆及圍後奪取三山的係何路何哨官兵攻克何
路何哨官兵未攻或雖攻打退怯無功蔡宗憲曾否
前後左右俱到監督吳從周後路與伊無干因何亦
行混報中間是何情弊又查各路止報克鐵鑄關合
江一路並報克飛虎關即今飛虎關有無見在曾否
為何人克破逐一查明回報以憑施行此後各路官
兵或係同攻或係自攻俱聽該道與監軍二道據實
開報毋得仍前虛捏混報查出取究未便

聞計中飭

為軍務事照得本部院稔遂賊之將亡憤諸將之不
振方在秣馬脂車入營督戰忽於貳拾貳日接得察

報有先侍郎府君之變蓋緣討賊無功債事殃民以
致家門之禍延蔓至此呼天搶地已死復生自念身
為人子辭親從仕醫藥不親含殮不與有子若此不
如無生即欲刎頸穴胃從先人於地下已而念夫不
可死者有二親未葬不可以死賊未滅不可以死然
欲葬親必先滅賊不然用兵經歲老師費財貽禍西
南海內必允其夫策

皇上必罰其不效自身無處所况能歸而葬親乎
除即日疏請官交代仍照往例丁憂候代官照常

平播書

卷十

所留之五十五

行事外擬合催督為此牌仰該道官吏文到即便獎

率三軍克日攻圍一鼓擒賊早奏蕩平庶本部院得

借口復

命式過其歸是該鎮不但有功於 國家有功於西

南其為錫福於本部院更無涯也本部院即世世仰

之寧止一敘勞酬功之典如其遷延如故結絕無期

甚至通賊縱賊為所不可為以犯明法而干大戮本

部院即在候

肯必且便宜行法墨纒登堂手 尚方而親誅之決

不令其憤事悞 國且悞本部院使忠與孝兩無當也 須至牌者

申飭輪攻日期

為軍務事據川東監軍道稟稱 案照先據總兵

吳廣塘報 又經申明去後行據川貴督兵監軍

七道呈稱三省大兵齊集圍下今困賊月餘未覩寸

功日復一日彼此推延作何結局該七道公議圍前

圍後分日分哨至期各領部下漢土官兵奮勇攻打

務要同心併力庶可奏功除行各總兵官遵照外但

事干軍機誠恐各鎮有專功懷利者仍前推諉不肯

協力成功伏乞本部院嚴行申飭庶有責成計開伍

月拾玖日起至貳拾叁日止共伍日永合偏橋二哨

叁日水西貳日俱攻圍後綦南貴州攻圍前以牽其

勢如圍後成功各路幸甚萬一勢難卒克綦南平越

二哨繼攻圍後叁日貳拾肆日起至貳拾陸日止共

叁日綦南平越二哨攻圍後永合偏橋二哨攻圍前

以牽其勢等因批行訖今據前因為照吳廣前報會

同分布本院以本官係鎮守總兵必然秉公服眾詎

平播全書 卷十一 附四之五

意粗心大膽私已專功今前後分攻已近一月攻圍

既不能下講降賊又不降所謂不效之師正宜改絃

易轍以遠嫌疑則六道之議以五路攻伍日三路攻

叁日更番迭遣無非均勞逸品殿最期成功之速滅

賊之早誠大公之論平心之處有何不可各行督責

為此牌仰該道即便集思廣益開誠布公照依分定

日期督率兵將前後輪攻不問伍日叁日效則通以

功論不効併以罪罰設或不違眾議即不効其罪猶

輕違眾議又不効即本部院亦未如之何也已

平播全書 卷十一 附四之五

勅書森嚴 尚方具在斷不敢上下雷同自貽伊戚

具遵行緣由報查

破賊厭鎮法

為軍務事據營中報賊凡遇我兵放銃即令婦人脫

去中衣向我兵以簸扇之炮不得中此厭鎮法也合

行破解為此票仰分守川東道即便移文監軍二道

知會以後遇此令軍中即斬黑狗頭以血洒之法立

破

策勵吳廣勿輒借口乏糧

為軍務事據總兵吳廣稟稱李春先原招兵肆百玖拾貳名發守前門以糧食匱乏全營逃散及稱半月以來竟無升合到營等情為照李春先被該鎮壹百陸拾棍打死其兵無主自應逃散至於營中之米有餘不足原以相補該營未向來有餘之時任從兵上開市貨賣畧無樽節以致近日淫雨衝橋糧阻兵饑輒以逆賊衝出為詞且自圍固以來一月之上何不攻取逐日講降直至師老財匱中賊之計又欲以兵餒為詞縱賊衝出如此兵將為賊而設耶為地方而設耶為此牌仰川南監軍道官即便一面移文督餉道催運入營一面督兵上緊攻圍其營中瘡病衰弱不堪之兵一一點驗汰出勿令坐食虛耗糧米其各將領向來折乾耗糧之弊責令盡行改圖如有虛軍實糧空耗國儲及坐食講降不行攻取甚至假以無食嗾之鼓譟縱之逃散希圖罷兵得賊以遂其納賄賣國之奸者不論是何文武必誅不貸

查妄報功

為軍務事連日接得營中塘報任意舖張無一實事

無一實話如此扶同欺隱不知賊何日得平事何日得結如川南監軍道報稱伍月拾肆日攻圍馬湖營報效生員張正印斬級壹顆夫馬湖兵捌千蔡知府督領半年以來費糧幾萬何無一人向前獨一報效生員斬級此生員奉何明文報效何處人氏何將官統領又據該道報初拾日之戰所開頭領名字不下百餘又稱賊擁萬兵來敵夫賊圍上殘苗無多八人見之况是日前後夾攻永合一路何遂有萬餘迎敵我兵頭目百餘所領兵當不下數萬何安兵先退官兵亦退彼退而我不退有何不可又報拾柒日分七路行兵夫圍後止一路如何分七路若路已填乎何不七路竝進直破其城又據總兵陳璘報稱拾叁日夾擊海龍圍守備楊惟中奮勇向前斬級陸顆夫陳總兵所領一路兵叁萬將數員皆何在而獨一貪生怕死之楊惟中龍泉抱頭鼠竄携妻以逃坑死萬人幸得脫死又日日殺降要功長坎圍下一日殺降入叁百心尚不足今又來圍上冒功又稱斬級陸顆不知是降人首級是病死人首級不然是日廣兵與賊

對坐竝未交戰何處得級該鎮止欲為之安功脫罪
獨不慮為三省參拾萬官軍所笑耶即今師老財匱
運餉之苦家戶騷然大將日日擁兵坐食未見寸功
但催戰便稱無糧却又日日說謊妄報文官抄謄故
紙更不經目不過為之傳報而已不知自古以來有
如此而能成功滅賊者乎本部院讀之髮立毗裂不
知各文武何以安心何以消日將來何以自免合行
嚴查為此牌仰守東道官吏到即將上項情節一
一質對要見是何人作弊何人說謊其生員張正印
如係買功安級即依律招解楊惟中已行拿問陳總
兵不許占恠不發致以敗軍之將買級冒功沮我士
氣以後大家要出良心存公道幹實事說實話無令
朝廷養士不如遂賊養苗又近日聞營中於各處找
零人首級及病死糧夫軍兵之首亦為所竊又有養
降人以待殺者一遇攻圍便以報功觀永合路一向
只約降相屍別營兵着一鉛彈打賊尚羣然開罵乃
日日有報首級定是此類曹希彬等又每報陣亡輕
重傷至數百人此皆邊上熟套老奸巨猾所為不知

此遂可以微幸脫罪乎一併先申明之俟再犯拿門
行畢節道退兵攻圍
為軍務事據貴州畢節兵巡道稟稱受賄之說流布
道路職不敢明指其有亦安敢遽保其無惟遂賊則
原未逸也連日特攻彼兵死鬪我兵傷損甚多非遂
賊孰驅之藉令急而賄以逸誰敢任者克國有日賊
能盡免俘降之口乎諸目狡而多智斷不為此禁讎
爭禁搶擄自今日第一喫緊務願犬羊之性非盡可
口舌化誨能必見利不動乎今惟令退兵一舍嚴防
奔逸而以國後讓兵劄營攻打總之攻固功也守亦
功也不惟釋多口之疑抑可杜競爭之漸安氏自為
計與職等為安氏計似無出此者等因到部院除禁
讎爭搶業已申飭外為照賊自上國官兵四圍本釜
中之魚安能他遁乃今環攻月餘竟不能下果賊難
破實由我之人心向背不一不肯同心併力耳今勿
論通賊受賄有無情弊所當迴避即屢攻不效亦當
改絃易轍以責別將聽立新功安得曠日株守虛糜
老費據議退兵一舍嚴防奔逸而以漢兵劄攻深得

伐謀妙算相應依擬合就通行為此牌仰該道官吏
即便移會川湖貴州監軍等道行令水西兵馬暫退
一舍嚴防奔逸聽前路三鎮官兵劄營攻打成功之
日不問攻守一體論功併敘決不分別惟犄角相應
共奏凱旋是所跋望者俱毋違悞未便

用計破圍

為軍務事據降民田良玉稟稱圍前左邊水巷右邊
婆婆巷又寶峰山左側各有小路一條共三處可以
攀上前日王等由此脫逃等情據此諮詢萬曆元年
圍九絲城不下時有議者謂此山形勢似虎若擊其
腰賊破遂緩中攻自玖月初壹日起令奢兵攻其頭
郭成兵攻其尾連打捌日柴夜賊力甚疲盡將精銳
者撤據兩頭懈怠中守次日重陽知蠻此夜飲酒必
然睡熟三更時分令降夷么兒引平茶衝鋒兵伍百
攀緣附葛魚貫先登吹石砒兵次吳鯨兵相繼而上
斬其把隘數人舉炮一聲諸營吶喊並進城中亂竄
登時蕩平此出其不意攻其無備之驗也今前後攻
打不為不急既左水巷右婆婆巷與寶峰山左側各

平播全書

卷十

解圍

有小徑大都此圍似與九絲彷彿頃良王等既能作
附而下則我兵亦可以攀緣而上既九絲會用夜半
偷上成功則今日獨不可劬此計而襲取乎合行查
議為此牌仰該道官吏即便會同監軍總鎮并監紀
將領等官逐一密切計議以上三路既可下必能上
如是可取則遴選能爬山越嶺飛檐走壁勇士數百
束裝伺候前後連攻數日待其賊勢疲憊三路防守
稍懈着令各兵三路攀緣而上團聚剗定拚死敵往
舉炮為號則賊膽盡寒前後解體諸路並進奮勇接
應此圍可破大功可奏矣如是畏怯不前不思計破
日惟放銃吶喊老帥費財將何抵止奈何奈何
行造益元散發營并中途安置
為軍務事照得即今盛暑之際營中軍兵攻圍途間
運夫往來每以中暑生疾殊可憫惻合製益元散藥
備發為此票仰重慶府官吏即便動支官銀差人分
投收買甘草三五百斤滑石二三千斤多撥醫生速
合為未製成益元散每營各發五六百斤以濟三軍
解渴又自安穩驛起至圍下止或二三十里高草處

平播全書

卷十

解圍

所堪以停歇飲水之處立一草舍安置瓦礫木桶畜水每處責令一人管藥料理以便運夫食飲解暑祛疾具支過銀數發過藥斤報查毋違

稽查餉米

為軍務事照得四路兵馬逃亡既多汰去亦眾則兵減夫不減宜乎運糧有餘師獲宿飽胡乃愈稱不足票票馳報其故何哉若非領兵等官差入中途邀截折銷必係軍兵雜役私相兌賣而奸頑運夫借此息肩上下蒙蔽加之收餉委官日久因循不加整刷止

平播全書

卷十一

柳牌四之六十五

憑吏書通同作弊私收免帖報數了事竟置不問以致糧米到營者少大都坐此即今若不立法稽考則餽餉有限需用無窮脫有不支將何接濟分守川東道原係總理糧運仍應專督為此牌仰該道官吏即便查照原行轉行管餉運餉官今後起解餉米運到營中即具數報道該道驗過給與一票執照方許支餉官照票收納如無該道印票不准作數庶私折私兌之弊或可少祛至於各路漢土軍兵中有病弱不堪及冗員冗食法應陸續沙汰者即會同監軍道詳

議撤去以免糜費與夫逃亡事故各名下月糧即日住支如有不行開除捏稱竝無逃亡及仍前折銷兌支等弊圖冒糧餉者毋分官兵人等指名拿究應梟示者登時梟示應網打者即行網打慎勿輕貸先將汰過名數揭報

選鋒破圍

為軍務事照得圍圍日久屢攻不下非人不眾蓋因兵無選鋒耳茲欲選鋒必汰病弱省此之糧增彼之犒庶克有濟合就查議為此牌仰守東道官吏即便

平播全書

卷十一

柳牌四之六十五

會同東南二監軍道將募南未合四路漢土軍兵逐一挑選膽勇過人技藝精熟情願先登破圍衝鋒殺賊一可當十者每路數百名每人懸賞銀拾兩脫有損傷外加拾兩優恤毫不可少次者留營防守其餘病弱不堪者即行汰去以免糜費齊心破敵在此一舉文到火速奉行再不得疑畏觀望老師憤事未便具挑選過衝鋒汰撤過弱兵各名數飛報查考

申飭監紀職掌

為軍務事照得監軍者監督將官運籌決勝有進無

退之謂紀功者稽覈將官報驗功級有無應紀應削之謂至於監紀委官一則贅畫監軍一則劬勦紀功承委分任摘弊發奸此監軍與委官之職掌也今乃有大不然者如監紀官此日將官本未與賊交鋒人所共知者不但不能催督臨陣且事後聽其所愚依違成風扶同報戰將誰欺乎又如一日雖與交戰原無功次亦人所共見者不但不能駁問功從何來復與鋪張捏報監紀謂何再如頃者營中官軍擄掠女子無限竟不一言逃亡軍士極多竟不一報將官員功冒糧奸弊蝟集竟不一發且無功佐之爭功有過與之隱弊以若所為非監紀乃將官之坐營也深可痛恨合再申嚴為此牌仰守東道官吏即便移文監軍二道申嚴監紀等官自今務要監督將領等官親率軍兵攻打賊國每有無與賊交戰或身先士卒或畏怯不前有功則報有功不得沉埋有過則報有過毋容委冒如或仍前以無作有未攻作戰黨護爭功捏文混報欺天罔人與夫軍兵逃亡日支糧餉一功奸弊再行蒙蔽坐視觀望不一實報者定行從重

參究不貸

行周國柱領兵守播

為軍務事照得播賊雖云甫平地方已見大定近議於各總鎮標下共留兵卒萬似覺過多無所事事相應專委偏將一員統領防守以省冗食及照管松潘副總兵事參將周國柱謀勇兼資堪以彈壓合行委用為此除行二監軍四兵道四總鎮每路止留本處兵卒千共壹萬貳千餘兵盡數撤回外牌仰本官即便統領前兵壹萬貳千專一在播分布防守駕馭夷漢用資保障此後建置衙門脩築城垣等項事宜悉聽會同各道與委官計議而行毋得違錯未便

委守東道綜理善後

為集議善後事宜等事照得播賊已平法應改革已將建置事宜節行該道并三省監軍兵備總鎮及監紀等官會議去後連催未報蓋緣功成之後監軍有督兵之行兵備有地方之責總鎮等官各圖自便孰肯任勞以致互相推諉日延一日剗圍破賊滅拓土千里用夏變夷貽範萬世若非慎始安望保終及照

分守川東道張按察使本以八面之才可當三藩之
寄况近日督兵八路流土懾服上下歸依前項建置
事宜自非該道綜理恐致棄舍道傍相應專委用臻
實効為此牌仰該道官吏即將後開條款逐一查議
應經理者上緊多方經理應脩舉者及時設法脩舉
俱作速條開通詳以憑一面具題一面施行該道
仍與原在營費理監紀各官不時往來綦播之間親
歷處治勿憚一勞以垂永利所謂萬代瞻仰在此一
舉毋得違錯

計開

一留兵壹萬貳千要見有無足數足則內將一半
留守白田壩以備工作一半分撥海龍金子等處
或黃山岩門桑木等關每處叁伍百名相度衝僻
緩急扼塞要害用資保障設有不足即於萬縣羅
網壩或於戎珙建武所召募補足務要不出萬餘
之上查明回報

一綦江南川合江永寧四路運貯關內見存餉米
各有若干共計若干扣算堪足萬餘之兵幾月之

食何官收貯見在何處各縣衛及瀘州重慶見貯
米若干應足各兵幾月之食如關內米食盡作何
轉運其關內米仍速委官清查勿致遺失查明回
報

一自綦入播除東溪安穩二驛夫馬供億屬綦答
應勿論外自松坎桐梓播川永安湘川五驛原係
土驛今播州各處既改為流則此五驛亦當改流
其各驛應用夫馬供億或將此中一帶田地丈量
計算約種若干定為一分召人耕種免其征賦如
川北軍站故事責令當差走遞如事體穩便人情
樂從則藉名取結在官以便承認期垂永久或掣
肘難行則作何徵派必須議定設處疏通以免阻
滯查明回報

一播地既平一切田土俱應盡行沒官召人耕種
稍待二年後照例起科辦納糧差近聞有等無知
愚民流移積棍覬覦膏腴假稱原業徑行霸占夫
朝廷動了多少兵馬費了多少錢糧方有此土豈
容混賴幸成法當禁戢稔惡不悛仍加治罪以警

其餘查明回報至於奏民原係造券起事之人今
捕賊雖平然殺人命數拾萬費錢糧數百萬皆此
輩釀成之禍今卽准其復業或原有資產者方許
告官查明量給以見誅君吊民之意若原無產業
及雖有產業而不經告官輒自霸占者事發以亂
民處斬

一谷之輿論酌之地利咸謂白田壩應設一府附
郭一衛一縣松坎地方三元壩應設一縣湄潭應
設一縣黃平真州應改爲州以上設府衛設縣改

五播全書

卷十一

廣西志

州之制應屬地方里至俱宜分明其各司長官原
係印信相傳未曾附送或首先投順者應量授何
項土職以存其宗祀至於白田壩建衙門脩城垣
應用木石與一切建造事宜及丈量田土清理疆
界應用文職凡在事府佐等官悉聽委用把守隘
口應用武職隨便任使不必拘泥致滋牽延一面
及時經理一面條議通詳一應未盡事宜文內未
經開載者俱聽開陳於後及不時呈詳以便舉行
毋致廢時失事

鑄銅牌文發各土司

爲軍務事照得西南各省土司自國初開設以來
恪守臣節並無異志偶值逆賊楊應龍恣行反叛致
連

天誅敗家亡身可爲永鑒今僱兵之日宜通行諸土
司承爲鑒戒自保爵土奠安西南爲此牌仰守東道
官吏卽便轉行該府將軍前給軍銅鍋蓋數枚來改
鑄器分爲三等將軍前調用過川湖貴州雲南廣
西宣慰宣撫長官各以上中下製造給之其上銘文
具照後式鑄完之日呈請頒發先以每等一件呈驗
酒至牌者

五播全書

卷十一

廣西志

計開銘文

惟星拱北惟水朝東惟

天王御極八方會同惟西南夷各世其封惟敬

天念祖庶以不墜厥宗順

天者吉逆

天者凶以爲不信視楊應龍

萬曆二十八年六月吉日

欽差總督川湖貴軍門右都御史李 造

立銅標

為軍務事崇仰兵巡上川東道即使轉行重慶府動支官銀收買銅斤責令匠作如法鑄造高一丈三尺者銅柱一根將後開銘文鑄入于上豎于海龍國之顛入石三尺上露一丈用鎮疆土以垂永久具動支過銀數鑄立過緣由報查

計開銘文

皇帝二十有八年播人告誡

平播全書

卷十一

牌四之七十三

天王赫怒爰整六師以誅不供百十有四日盡俘羣醜遂瀦其宮設吏治之方三千里始入

皇封載勒銅標永鎮西南臣李化龍

行高推官賑恤降民

為軍務事照得播州招撫投降降民夷雖經監紀等官安插然遭楊酋之亂室廬既空衣食無措若不少加賑恤其何以遂安養生存之計查得涪州合江二處撤兵之後積剩餉米計數頗多相應酌量動支以示賑恤為此除會撥院及將烏江沙溪二路行貴州備

橋路行湖廣各撫說每路動米壹萬石賑濟外牌伴

本官即將播州近日大征招撫投降降民夷盡數查出大約以餉米壹萬石為率每戶給與叁斗以示賑恤凡與涪州相近者造冊逐戶經送涪州管餉官近恭江江津合江者連人徑送合江管餉官各於積貯各州縣解州餉米內照數動支給領事先將支用餉米數目及賑恤過民夷姓名造冊通行呈詳以憑會

題施行

查處獻俘銀兩

為軍務事案照先該本院部牌行八路監軍總兵道鎮九賊滅之後務要約束部兵不許爭功爭財其賊之家資俱要封識登記呈詳以便分別給賞奏報去後續據各道鎮塘報圍破之日賊之家財盡被亂兵搶掠無存及本院部再三行查方報有奪獲銅鼓盔甲鞍轡刀劍鎗弩等器續又報有銀兩前來本院部初亦疑之近訪得所報銀兩原非圍上賊贓盡是各總兵扣除懸賞功賞銀兩湊合充數以掩縱兵搶掠之罪為照地方蕩平大功已定賊之家財有則留

平播全書

卷十一

牌四之七十三

之地方以充軍餉無則亦不失賊之家財盡行給與

旨若勉強造作以圖進

獻無論軍士血戰懸賞功賞不可扣除而此等舉動亦不可為訓也他日地方有事何以用人除銅鼓盛甲鞍轡刀劍鎗弩等項應與播犯一同解進外為此牌仰該道官吏即查總兵劉綎吳廣所報各兵奪獲報兩是否賊之真贓如是賊贓為何先報掠盡後報此數如係虛報之數不必追求如係懸賞功賞等銀則原數不必開除仍應照舊還官作正支銷毋得違錯仍具由通行呈報查考

發還兵總兵解獻銀器

為軍務事近據總兵吳廣開報破圍所獲器械及稱內有銀盆二個銀碗十個共重一百兩等因到院部第未審此物是否果在圍上搜得或係該鎮因見行查旋行造作者今進

獻者止於器械各件獨將此物攙入其中似屬欠雅擬合行查為此票仰巡上東道即查該鎮所報前項

盆碗一百兩是否在圍所獲如係該鎮造作仍給還該鎮收領取領報查毋違

止陳總兵追獻銀物

為軍務事據鎮守備橋總兵官陳璘呈奉本院部憲牌遵將賊婦田氏何氏竝諸葛鼓四面刀弩一百八十一件鉛關防一顆於八月初七日差把總徐學會等管解赴投又准左右監軍手本亦同前事連日會同拘集各營領兵把總哨官再三查審責令四營嚴加查搜得各兵在巢所得銀鍋銀盃等項共重一千九百二十三兩四錢三分除另差人管解前赴外合先呈報等因據此案照先該本院部牌行八路監軍總兵道鎮凡賊滅之後務要約束部兵不許爭功爭財其賊之家資俱要封識登記呈詳以便分別給賞奏報去後今據前因看得各鎮道原報破圍之日賊之家財盡被亂兵搶掠無存及本院部再三行查始據該鎮止報起解前項賊婦銅鼓刀弩等項竝未開有在巢搜得銀鍋銀盃等件迺今日久又突有搜獲賊賊之中竊意此物若果得之圍上何不言於未追

之前條爾報於既追之後或係扣減軍糧功賞旋為
造作湊合充數以掩縱兵搶掠之罪亦不可知且未
經該省撫院并監軍等道驗實轉報尤難准信為照
地方蕩平大功已定賊之家財有則留之地方以充
軍餉無則亦不失賊之家財盡行給與之
肯若強勉造作以圖進

獻無論軍士血戰功賞不可扣除而此等舉動亦不
可為訓也他日地方有事何以用人為此牌仰該鎮
官吏即將原報賊婦二口并銅鼓刀弩等器上緊催

平糶全書

卷十一

解中主本

督起解川貴俘犯已去旬日遲則追之不及恐致悞
事其今次文內所報銀鍋銀盔等件未解則已若已
起解即行趕回仍查是否賊之贓仗如係賊贓為何
前起不言今次方報如非原物今當作何議處徑與
該省監軍會議妥當務要與人情事體兩無妨礙呈
詳該省撫院徑自施行毋得違錯未便

發回陳總兵解獻銀器

為軍務事據鎮守備橋總兵陳璘呈差指揮趙繼勳
等領解官兵在巢所得銀鍋銀盔等項銀器共重一

千九百二十三兩四錢三分到院部案照先據該鎮
呈差把總徐學曾等管解賊婦二口銅鼓四面鉛造
關防一顆斬馬刀四十二把倭刀一百零六把大弩
三十三架及稱官兵在巢奪獲銀器另行解報等因
前來隨將賊婦羈候銅鼓賊仗發仰四川按察司挑
選堪用者具報起解及看得播地蕩平大功已定據
報續獲銀器似係因見行查扣除懸賞功賞銀兩勉
強造作以圖進

獻之意隨於九月二十六日牌行該鎮并左右監軍
二道備查該鎮所報銀鍋等件未解則已若已起解
即行趕回仍查是否賊之贓仗如非原物今當作何
議處會議妥當與事體兩無妨礙呈詳該省撫院徑
自施行去後續據按察司呈報揀得該鎮前解器械
止有銅鼓四面大弩二架堪以進

平糶全書

卷十一

解中主本

獻隨差守備萬民英并該鎮差官徐學曾同賊婦二
口管解前去沿途追趕交與遊擊江萬仞領解赴京
去訖及將其餘不堪贓仗發仰成都府收貯外今據
前因看得前項銀鍋等器已行免解無容收貯合行

發回為此除將今解銀器共重一千九百二十三兩
四錢三分照舊給與差官趙繼勳等領回外牌仰該
鎮官吏即便查收照依原行牌內事理施行具收領
過緣由報查

平播全書

卷十一

上之三十一

平播全書卷之十一終

平播全書卷之十二

書札目錄一

內閣趙二相公

內閣趙二相公 田東翁大司馬

田東翁大司馬

郭青螺中丞

又

內閣趙二相公

莫副使睿

二

重慶府

陝西各邊督撫諸公

內閣趙二相公 田東翁大司馬 兵科

莫副使

又

蔡副使守愚

陳毓台中丞

莫副使

平播全書

卷十目錄

上之三十一

王晴江中丞

內閣趙二相公 田東翁大司馬 兵科

又

支簡亭中丞

劉總兵繼

來副使三聘

劉總兵

內閣趙二相公 田東翁大司馬

曾景默中丞

平橋全書

卷十三目錄

書一七十一

詹祭政啓東

萬總兵整

來莫二副使 萬總兵

徐僉事仲佳

內閣趙二相公 田東翁大司馬 李對翁太

宰 兵科

來副使

內閣趙二相公 田東翁大司馬 李對翁太

宰 吏兵二科

莫副使

又

萬總兵

莫副使

萬總兵

內閣趙二相公 田東翁大司馬 職方 兵

科

少司空趙寧字公

來副使

平橋全書

卷十二目錄

書一七十三

又

萬總兵 來莫二副使

內閣趙二相公 楊后翁大司空 工科

萬總兵

內閣趙二相公 田東翁大司馬

內閣趙二相公 田東翁大司馬 兵科

來副使

又

劉祭議一相

李崇政 維禎

來副使

又

莫副使

李副使 廷謨

田東翁大司馬

莫副使

萬總兵

內閣趙沈二相公 田東翁大司馬

平播全書

卷十一目錄

書一十四卷

來副使

劉參議

來副使

洪副使 澄源

劉參議

楊小林少司馬

內閣趙沈二相公 田東翁大司馬 科道

張監軍 棟

劉總兵 來莫二副使

劉參議

徐僉事

內閣趙沈二相公 田東翁大司馬

徐理齋中丞

張監軍

楊濟寰中丞

劉參議

徐僉事

支簡亭中丞

平播全書

卷十二目錄

書一十四卷

史副使

劉參議 莫副使

史副使

劉總兵

易按察使 登瀛

楊監軍 寅秋

內閣趙沈二相公 田東翁大司馬 兵科職

方

徐僉事

來副使

張監軍

沈按察使季文

楊監軍

史副使

又

盧副使泮

郭青螺中丞二首

沈按察使

支簡亭 郭青螺中丞

沈按察使

張叅政文耀

徐僉事

來副使

劉叅議

童總兵

魏叅議養蒙

郭青螺中丞二首

平播全書 卷之五

書十一之六

陳總兵璘

楊監軍

田東翁大司馬

內閣趙沈二相公 田東翁大司馬 陳應翁大

司農 戶科 職方

少司空趙寧字公

湖貴撫院監軍總兵守巡四川監軍總兵守巡

楊監軍

張監軍

陳總兵

支簡亭中丞

諭副總兵曹希彬

塘報書

支簡亭中丞

貴州張監軍存意

郭青螺中丞

劉總兵

陳總兵

平播全書 卷之五

書十一之六

按察司

史副使

高推官折枝

內閣趙二相公

平播全書

卷十二目錄

平播全書卷之十二

書札一

內閣趙二相公

入境詢問楊酋自敗黔師之後別無舉動消息但恐見督兵進剿之旨自知難遁天誅先祭制人快於一逞亦未可知然此酋必不敢遠離巢穴即有侵軼料無大事也惟是兩敵相當先能自守方可攻入而此中向來惟以宣諭為主兵將一無所備守且不能剿於何有此時收拾業以後時而總兵劉綎茫無消息不知何日可到倘其已過都門乞台臺命大司馬馬上差人催督之其餘事體俟咨詢已定必須審彼已情為先後着未敢漫言也臨啓無任瞻仰

內閣趙二相公 田東翁大司馬

初龍之受事也見有貴州之事知酋惡難赦矣然以為今兵餉未集王程甚迫急難措手且當徐圖使彼若仍襲故套具文孫飭且當明許自新而陰伺其便需以歲月自可得志乃不意龍甫至而酋已先反矣蜀地全無兵新置二千餘烏合之衆難保必勝守且可虞何況戰乎土司兵急難調至即調至僅可遏

其內衝不能保其不殺掠邊氓也此首父雄三巴漢
兵心膽已碎土兵狐兔有情若只倚本地之兵事且
不知所底為今之計惟調邊兵二枝浙兵二枝馬步
萬餘以為主兵則蜀人之氣自倍土司皆為我用彼
不得志自當歸巢然後環而圍之懸賞為購不移時
而內變作矣此計處遂酋之大畧也但眼下無兵只
須死守龍已差人於陝鎮借募向西來時曾以相托
亦有許者故近日別疏所請地方雖多所重惟在陝
浙其餘則地方隣近必令各土司以兵守隘乃可促
其亡耳至於調遣之時自有斟酌決不肯多調發
以糜糧餉乞台臺俱賜准行為望

田東翁大司馬

首見近日貴州覆疏及

旨意乃曰 朝廷已不容我老楊我老楊只得拚死
做了遂領兵以出妻子泣諫不從此其意亦叵測矣
西川兵將無可用者惟一房加寵又有勇無謀不能
駕馭今酋大兵已至綦江若綦江不守則全蜀震驚
甚可慮也川兵土兵皆非其敵首常言吳陝兵來我

還讓也若川兵不必來我持一竿可驅幾萬也今調
陝兵已遲然他處益難矣弟過陝時王晴江公已許
為我募三千但召募更遲今已發使借延綏入衛兵
三千不知其在否又一面令募矣又於李次翁處乞
將各鎮兵每鎮借發二三千料沒多亦須有少此惟
望部文主持催促之蓋達虜槍掠不過數日即出此
酋若得城郭為據則西川之憂所不忍言所謂急中
有急陝兵之調萬不容已惟台臺留意焉浙兵於劉
用齋公處借一枝此時浙中無事定是肯發又山東

之南兵防海甚屬無用若發來甚為有益乞台臺覆
疏說明即移文浙江山東撫院發來限以時日甚便
大抵今所難者惟是目下全無兵而各處紛紛徵調
酋益疑忌益狂逞先發制人無以禦之然不明言則
各省無明文難以調動所以前小疏只照原
勅混請不定某枝某枝今台臺覆疏亦只可云某處
某兵無用可摘發防禦不必急言進剿渠以為事緩
尚未必拚死做也若渠拚死做目下真是可虞伏惟
台臺留神為望劉縫畧無消息深為可恨乞嚴催之

若此兵此將須更得一北總兵如麻貴之類兩下為之方可然此時無一兵又不可虛設總兵俟數日後看形勢再圖之也

郭青螺中丞

語有之天下雖安忘戰必危今天下不為無事矣大要難起方圖事過猶擾苟幸無事之方則漠然忘之矣不知黔事若何即以蜀論沃野千里諸土司環而居之居重馭輕詎宜晏然無備乃成都境內無將無兵所恃為兵將者土司耳獨坐窮山放虎自衛何怪乎土酋一起而束手無措也今黔蜀兩地皆被兵而

平播全書

卷十一

書一之四

水

酋獨自將侵蜀重兵歷境意殊叵測即募烏合之眾調土漢之兵取應目前然眾寡強弱兩不相當僅而自全無問戰矣文胷中自有數萬甲兵了此當自無難領難起倉卒得無少勞神慮否茲專人上候並以請事伏惟台照臨楮依依

又

播事向來欲緩圖之以內備未修難問外事也乃酋效於督兵進剿之

肯我輩甫至業已反矣此天促其亡無足為異獨向來此中當事者以招撫可恃一切無備而黔中又且往遺之禽自空其國今卒然有變何以措手乃知重然輕為其為悞事均也於今只須急於修備保守地方城池為上村落次之此中已沿邊皆苗不知黔中何似若已猖獗必須奏報幸以稿來其報則止說其搶掠之狀而後以淺淺數語結之不必多說處置致洩事機或奏或塘無所不可統惟台裁

內閣沈二相公

平播全書

卷十一

書一之五

地

酋自知罪在不赦益復先發制人龍入境之先已陳兵境上比報至方四出徵調而陷城之報至矣房張二將素稱驍勇一朝陷沒全蜀為之喪氣而彼且信信未已聲言欲取重慶龍已發總兵馳往而火急徵兵運餉以繼其後計數日之間城守粗備或可無慮願兵皆出於土司未可全倚而召募烏合之眾守或可恃戰必不能非得陝浙二處見兵地方終屬可慮乞台臺諭大司馬急督發馬雖秦中邊虜難輕議調然虜之舉止用自守非久當出若此酋據蜀禍將

何極且彼中四鎮但量行摘調不過逃亡未補之數而集少為多所裨於蜀大矣惟白臺鑒裁臨啓無任仰望之至

莫副使睿

每接來書令人悶默仗節伏羲自是賢士大夫家法吾輩行事要令天下後世人無異議目前禍福利害安足問哉然聖人無死地彼其隨機應變當自有餘亦顧與門下共圖之而已此中人情真是難保頃時時體察而又行以鎮靜為宜大要只是無兵則人心

平播全書

卷十一

書十一之六

惶惑但得兵數千人心皆定矣今調發已及半月四方之兵當有至者先儘各處漢兵即上兵如原係忠勇者聞者亦可用之其不可保者則令駐劄城外或發之隘口以我將官相監防守再多者發之各縣處處有兵人自氣壯賊自氣奪矣彼中鄉先生多有識者凡事無妨商量此同舟遇風之時不患其不為左右手也

二 此洩以緩賊者

鄉先生之書字字有味從來鄉官言語多不說盡今

已事急只須如此長慮若從來事事皆若此長慮而當事者又開誠受之何至今日哉 朝廷雖有剿旨亦未必拏定必剿蓋只欲嚇之使求撫耳然縱欲必剿而閩外之事原不中制曩不佞初至彼若泥首請罪願聽處分亦何詎不可撫哉不意房將一激又有此禍今日言撫似覺少難然酋不殺縣官不殺城內餘民入城之後歛師而去即此數端尚有可撫之機酋兇悍不願未必知此或其宗祀不應絕滅其祖宗陰啓之也至鄉先生所慮此事報京又有

平播全書

卷十二

書十一之七

嚴旨酋復狂逞亦未可必蓋酋若有心望撫即有嚴旨不動也邢崑老來時何曾無剿旨何曾畢竟剿得成我等伎倆彼豈不知耶大抵酋若從此歛戢大家尚可省事若更弄兵不已則莫知所終今與之言撫酋亦不信我內地惟是調兵積糧固守城池以待之耳見鄉先生為致意俟兵餉稍集僕亦欲東當面請教此不一

重慶府 此洩以緩賊者

酋之要撫其真心耶抑探我耶川中兵力該府所知

舍撫無可為計然欲明白 題撫則又難開口以新
有綦江一事方報警而即言撫言者將議其後矣商
若狂逞止此不復再犯撫之亦自無難但恐其流毒
不已令人欲撫不得則不免兩下皆成騎虎矣今且
須嚴為之備徐觀其後固不可用壯而妄動亦不可
恃撫而忘備此從來兵家長策也草草不一

陝西各邊督撫諸公

發兵事已奉啓知必勞神慮惟是逆酋自知不免狂
逞當無所不至所需兵將真如救焚且秋防已畢燒

平補全書

卷十一

書十一之八

春

荒後即無用設守移緩就急總之 國事知必無吝
也陝兵多悍而不就約束所至易擾川人畏之聞風
逃避乞臺下選一風力文武官齎 令約之幸甚東
征之後各省調兵皆不開糧川省突然用兵餉銀急
難湊手昨援例具 題欲得止給行糧料必見 允
敢預以告知臺下亦必見亮也事勢窘急百凡仰借
伏惟 垂矜臨發可勝懇禱

內閣題 二相公 田東翁大司馬 兵科

賊近以零首竊蜀之邊境而大勢犯湖貴意必深入

其地一則搶掠以備食用一則招苗以資戰守二省
兵食急難湊手其偏橋一帶生苗出入無忌久之恐
群苗盡為播用湖省之憂更甚於貴省陳璘今不知
何在昨已 題改湖廣總兵必須嚴催赴偏橋駐劄
而童元鎮防守平越興隆貴陽一帶乃無慮也伏惟
台臺垂鑒昨見戶兵二部各發餉銀庶幾可濟燃眉
但兵部馬價二十萬俱為實數尚患其少戶部以楚
助蜀以滇助黔似皆虛數昨得雲南撫院書調兵止
許四千行糧亦稱難備仍令四川解銀往方可發兵
則十萬之助必不可得矣湖廣白蠟等銀九萬自十
七年起至今止明是帶徵解太倉餘銀十六萬似是
存留必尚拖欠即令借別項銀恐亦無二三十萬堪
借之銀今貴州無地無賊不敢調兵只謂無餉若再
遲時月何以支持今湖廣既設總兵四川亦不敢望
湖廣之助已咨二省撫院將前湖廣之銀暫且二省
分用然必無實數亦成畫餅此必再於太僕寺動銀
三十萬三省各發十萬有銀省分如前所請借兩廣
福建河南等處共奏三十萬三省再各發十萬以後

平補全書

卷十一

書十一之九

夏

不足川湖二省量行加派錢糧貴州則二部協助尚為易處今日方奉到咨未暇具題先以上聞倘蒙從中行下俾各省督撫遵奉則兵無乏餉賊不足平矣說惟台臺垂炤

莫副使

酋既以申呈來亦即隨宜以文告荅之無妨推誠開諭也但遲旬餘調兵已集府城斷然可保我守既堅彼氣自奪矣目前之計只須夜以繼日經營戰守乘虛搗巢之說尚未可恃貴州大敗之後人無固志彼決不敢主張安氏為此雖已再說之恐終不從耳聞酋造舡此信頗真須隄防之大砲火箭皆可燒舡宜早備也調兵既多尤費處置房屋銀米之類皆須預為區處早定妥官以時給散勿令一人失所若使其少有闕曠便搖衆心為害更甚於無兵矣慎之慎之又

得報門下蒙謹良為憮然顧四人之中獨從其薄亦足以明公道矣此當以為慰不當以為慮也南川之爭已領昨據守道報賊欲向城故急令營兵不意東

鄉又遭一番荼毒奈何彼既犯捨我即防守亦自常事且亡羊補牢亦以後矣不必慮其以為詞也自今有兵在城或自後亦不敢城外竊掠即彼來攻四千人亦足以守况又有應援之兵乎不然彼狂賊萬一乘其空虛突入城內即朝入暮出亦是破城守備不設何以自解今日已有

嚴旨遂酋狂逞殊未可料當處處設防無謂其不來也小園甚為明悉向來諸人獻圖無及此者倘謂岳武穆出之袖中者非此耶弟今日進兵必須萬全白石口飛練並碁江而三矣安疆臣豈可強使奢世續亦難獨任稍俟湖貴兵集奉教當有日耳向以門下與總鎮不合故令守道調停其間乃今復相矛盾何也人有不及可以情恕望寬大以容之僕竊謂二君同鄉同年同僚同事此宜指日相明出心相示以共濟此艱難而水火冰炭若南北司然古謂胡越同舟左右相扶者乃謬語耶僕不揣望以後共廉藺之車造房杜之業區區此紙以當解紛第恐人微言輕不足以及回尊聽耳

蔡副使守愚

綿甲照布政司行造者尚不隔矢石昨令以花五斤布二層紙百張為一件方隔矢石其價則須少增今各處所造如尚未完者可令照此為之尚得其一半之用已完者亦不必改造又費事也須小袖長窄乃可原厥袖亦宜易之統惟留意焉

陳毓台中丞

頃承台命滇中兵少未敢再瀆茲承台教業以萬兵相借先發六千不啻從天而下賊亡有日矣感何言

平播全書

卷十一

書之十一

川中有陝浙之兵加以本地兵可得數萬原擬以雲南廣西二處兵濟貴州今即六千亦可增黔中八分氣勢乞台臺徑發之彼中已行令彼中備餉矣行糧既蒙處給坐糧自於所在地方支給無更累滇中之理但乞兵行之前自台臺約鎮守各先發二牌一至貴州繳一至四川重慶繳言沐府提兵六萬親來行剿庶賊黨寒心可不攻而自破也賊將來必至內潰兵惟蚤發為宜沐鎮守聲言入川而移鎮雲蓋則賊即有朝不保夕之勢美賊惟畏該動聲勢不知其虛實

也惟台臺轉達之外備二千發之川中亦見處處有滇兵更為萬全此中坐糧自有無煩台慮不幸值荆人之戚因留使者七日而後發伏惟鑒原尚容嗣布

莫副使

酋之退或別有籌策所不可知然我惟益脩守備常如賊至自可無慮也安氏搗巢之說貴州不肯昨已奉告今恐師老財匱欲早賜處分與貴州商議者欲搗巢耶欲遂進剿耶以如此兵力言剿恐不滿應龍一笈耳兵不可廢則餉不宜惜宜專心料理糧餉令師得夙飽庶目下安心且將來可用有兵無兵其苦一也不佞向固言之矣二官留此用之草草不盡

王晴江中丞

蜀地告急危於累碁計無所之於是乎馳霄雲之騎效包胥之哭良非得已猥蒙吾兄不棄慨然許可半欲遣發半欲召募同仇之誼雪嶺非高弟獨何心而不刺骨為感乎賊破碁江之後虜掠數日未即長驅弟姑以計緩之而火急徵兵尋見稍稍有備未敢即向渝城然其兇鋒雷焰不可嚮通斷非川兵所能

支也計今借兵之疏想已得請卽他不可知而入
衛一枝必無不許料此時虜已犯過自不妨以精人
健馬相借耳

內閣趙二相公 田東翁大司馬 兵科

今之談播事者有遲速兩端遲則欲需以數年而速
則欲決於目下夫兵觀拙速然亦未有不能拙而速
者今糧餉未克兵將未集僅僅二三萬烏合之士兵
欲浪戰以決雌雄是飛練與蒸江之緒也必無幸矣
此原不知兵之說無足論也若遲久之說蓋主坐困

年備全書

卷七十四

策

宋

坐困必用衆用衆卽酌中乎亦須川六萬湖貴各三
萬以十二萬之師相守數年老師費財且虞他變蓋
效營平金城之計而不知營平先散兵後屯田今之
兵非可散而糧無可屯故不相當也大抵今日之事
在張坐困之局局面已定而後相機急趨之其緊要
則先奪其氣彼素輕川兵今乃調秦兵浙兵滇兵廣
兵湖兵處處調動而不多彼且莫測吾之多少又見
非平日易與之兵而氣先奪矣次散其黨衆有懼心
人無固志招之易來緩之且逸况彼殘營有年誰肯

為之死守者當是時而後懸賞以購之不得則進兵
以逼之十二萬人分為四路可攻可守可進可退不
遲不速惟吾所為而令彼必不能得志於我法所謂
衆則分之是也如此者速則半年遲則一年可以決
事矣若如是而猶有遺慮則天也人定勝天當再圖
之耳川省進兵之道二綦江遠永寧近而皆險甚湖
貴進兵之道各一皆近而少平他日先入當在湖貴
故須以二總兵領二枝互為掎角而齊入蓋雖不俟
川兵自足相當乃為勝筭若如他年貴兵失期川師
不支則難矣兵已移調近又得

年備全書

卷七十五

策

明

明旨促之庶不後期然須年內俱齊則木落天乾庶
易舉事糧餉三省皆急而貴州尤甚蓋別處尚可借
貴州無可借也三十萬之發目前少遲便當束手統
乞臺下垂允幸甚

又

湖廣總兵之設必不容已蓋應龍所招生苗皆自偏
橋出入貴州總兵若專坐此處則不能顧別處矣嘉
靖時湖苗反叛曾設總督於沅州事平而後令貴州

兼制今若無湖省專官止令貴州以強弩之未漫然
遙制久之群苗為播所誘見搶掠有利處處蠢動恐
害流全省其禍又不專在播也然則今日即撫鎮並
設於沅州亦不為過况總兵乎湖廣有專閫而後以
一省之全力當入播之一路貴州亦然四川力稍大
獨當二路此如萬箭射招無弗中者乃為十全必克
之道也或疑以一土司而紛紛建設得無多事不知
今日播酋乃倭虜之勢今日播事乃治亂之關叠撲
滅則寓內降心稍滋蔓則他方環起此豈事在得已
乎播全書 卷十一 書之十七

支簡亭中丞

兵餉事原欲候教到方請乃日久不至而偏橋一帶
羣苗如蟻恐致失陷地方遂僭議之湖省總兵必不
容已陳璘不知何在今方自朝鮮來赴廣西任只在
江中乞差人查之即留之湖省一面調兵候
旨到任可也南直隸一帶應調之兵應行應天鳳陽
二撫院亦乞早行去此兵皆滇羊內齊又施州衛六

兵中路散毛等司弟已令借一萬內惟單宣化一枝
不可調以其為揚應龍之親也不日調至偏橋等處
本折餉銀皆須早備永順保靖之兵精者亦可得一
萬麻陽武崗柯家兵並十三哨殺手不知可湊一萬
否再益以南直隸之兵無慮四萬一總兵將之其於
平播綽綽有餘矣此不獨為守地方專為進剿而設
者總兵用陳璘其季應祥仍令前來弟令之領川兵
常一路也湖廣大省錢糧自多專靠京運必不濟事
但可借用者即乞借之可留用者即乞留之兵無糧
平播全書 卷十一 書之十七

一日亦不可居本色米亦乞運至沅州一帶地方仍
乞預派定他日入播運夫自偏橋入播地近而路平
亦不甚費力也湖北三道誰為可倚即乞定為督餉
監兵如本道缺官或不甚知兵事即乞於別道選委
之省城各道人皆表表即於內定委前至辰沅一帶
會同各道行事尤妙大駕於年內亦須到沅庶便調
度施州衛土兵不知去湖近去川近弟再查明調發
其餘土兵則乞調之偏橋一帶仍會知郭青翁彼係
兼制地方又相近知之更真也彼所以不敢調兵只

為無餉餉則惟望吾光處之貴州自顧不暇况能為湖廣計乎第一餉事要緊萬惟留意不盡

劉總兵銜

意將軍將抵重慶矣乃九月朔尚在荊州耶夔門上水所謂三朝三暮黃牛如故者無乘舟之理取陸而前可也郭守道東行係兩月前事未必驛丞遊縣至今且楚蜀一帶久有行令水陸兩備以待之矣賊即狂狡堅城可據戰守在我何慮焉入蜀境即急以文來庶便 奏報賊近修怨於永寧為其所破狂鋒漸

平播全書

卷十一

書一之十八

志

來副使三聘

木洞乃避兵之處梅遊擊在此何為天下有避兵將官耶異矣異矣吳從周已用之合江江津發程試守之此處別無將官有即發去綦江之城更空於南川目下亦不必守也遂道進表人只可止回若已押來又肘鎖之則斷無回理可徑送來處之矣此不可膠柱也賊修路三條是出來否不曰兵來不除道乎但

須萬分謹備之耳

劉總兵

蔡江報至 主上震怒同朝憤惋大發海內之師十道俱來此亦遂賊天亡之時也將軍受命半年有餘矣遷延不進以至於今都下人心甚為不平萬一懸購令出遂賊就縛亦何顏入夔門乎雖有磁基不如待時識時務者在俊傑非將軍誰當此者日夜無程前進若至渝城可否前來計事當以賊勢緩急決之諸侯面盡

平播全書

卷十一

奉

書一之十九

內閣趙二相公 田東翁大司馬

昨按君送稿來有一刺之外別無他說議論不一人心滋散等語蓋憤遂賊之無狀而欲剪此朝食其議甚正弟用兵之道百相詐也百相欺也惟當機而發之如矢離絃一發即到則善矣今兵將兩無守且不足戰於何有若但日日張皇為進剿之狀徒益引其狂逞耳無論進剿即行間懸賞亦俟兵到兵不到亦無應者總之外人但可觀其結局 廟堂亦止責其成功兵機固有難於顯言者恐都中從此又滋議論

故敢及之伏惟台詔幸甚

曾景默中丞

川中情事具在報疏不敢復贅惟是計無所出告急之使四出不啻下申胥之泣嚼霽雲之指矣而有應有不應即應者亦姑徐徐云尔未有投袂而起義形於色恨不一日而手援之如臺下者此之高誼直薄雲天自當與天下共祝頌之獨區區一人一方之感德已哉河北人勇而知義毛葫蘆堅悍真可摧堅二起皆勁兵也而又皆不佞舊治民此之為助豈直一臂力乎感戢感戢謹已厚為供具待之差官回草草附謝

詹參政啓東

兵事突起卒然無備在所皆然不直楚也今上已赫然震怒大發兵餉無所復斬我輩得以借手矣惟是太倉空虛猶不免括之本省尚費力碩百允錢糧皆得徑動則亦綽綽有餘矣昨已具題湖省添一總兵集兵四萬駐劄偏橋此專為進剿之用他日成功當在此路門下擇餉乃其專司望及早計

處本折二餉皆令充溢則食足兵精坐獲全勝而鄴侯之功首屬門下矣多兵難以屯之一處須四衛地方分割以便臨時分布勿謂各衛去播遠以為不必設兵此乃藏兵待用非專設也幸蚤留神必無悞事萬萬播兵之來動以數萬而近日楚省募兵以一二千為說此不滿遂首一笑若如此不如不募耳望早與兵道言之草草

萬總兵鑒

永寧之報急於星火乃近有人自彼來者又畧無聞知且云貴州按院於彼巡歷又何也豈天類前番耶此無論虛實而瀘合防守必不可緩合江兵已足瀘州雖少尚隔江昨發敘州二千入納谿又三千赴永寧不知嗾手否鎮雄之兵久已調遣但一處有到即可恃賴且永寧兵不在播州之下亦自可恃也若發重慶之兵以援永寧則萬萬不可將軍且宜靜鎮亦未可輕去淪僕久欲東而諸司相議皆以為今且宜守未可輕戰僕一動反速其來而又無能戰之兵一不相當全省震動即按院亦云然乃近見守道字來

急欲挑戰豈彼處兵已可用乎幸將軍以實教之若可戰僕即往矣不然若只嬰城固守則鎮道督萬兵亦自有餘何用僕也

來莫二副使 萬總兵

再御龍有文欲盡領其兵守南川亦是又欲得絮甲不知有此物否即有或可量給之萬人之甲不能全給也彼土兵往日之甲亦只自備耳昨議酉陽只以續到之兵守南川而以平茶邑梅之兵佐之今既欲以酉陽在府之兵發出須將平茶邑梅再留天全一

平播全書

卷三

書之三

枝原議發江津者俱留守重慶方可不然重慶兵太少甚不宜也賊有人來恐是欲發兵先以此人試探須萬分加謹備禦第一要緊在重慶萬不可忽囑囑又報賊有碗口大筏纜恐欲為渡江之用聞松潘番賊渡河皆用此賊征過松潘恐知之也大砲守河急宜多備火藥尤不可不加意儲備慎之慎之

徐僉事仲佳

守南川之議行之久矣何至今而兵糧尚無着落也火砲火藥城守之必需者並其衣甲鎗刀而無之則

何以向敵令人驚駭二十日之糧轉眼即盡可為寒心若以此嘗試不止於不能保守地方而已幸急議處之若有膽勇將官能以輕兵一枝嬰城固守而其餘屯之木洞等處沿途以為應兵何如不然則急運糧餉而以萬兵據城亦自無慮此須與王之翰確議之士兵即用之亦須為計萬全乃可使不然一失其心或挫其鋒後且不可用統惟速計妥確一面行之一面詳報可也

內閣趙二相公

田東翁大司馬

李對翁公

平播全書

卷三

書之三

宰 兵科

川省不但無兵亦無一知兵之人如重慶之事大敵在前召募兵士半容假冒將領之職司何在道府查究固其宜也然又株連蔓引簞楚因禁當悍兵側目之時豈可為苛察繳統之事蓋文臣亦與有咎焉第所行者法難以過責耳二人殊死已足正法約束不嚴罪專在將軍任回衛亦足以盡其罪矣道府尚訐其多賊既出讐口自難盡信龍方欲駕馭將領得其死力豈可以搆訐無憑之語形之白簡惟台臺垂察

馬重慶危城道府大吏眼目諸司無人堪此惟台空
擇人而使之臨啓不勝仰生之至

來副使

來教都領得報巡道已有

旨然須令照常行事候代無遂閉門致搖人心可也
巡下南暮年值此殊為可惜令人悵悵人之意見自
難相同但處此多難之時須大家克己相下事有不
可不妨相商耳不直行監軍之事甚是不但此時軍
中事原不可直行蓋將無回令若行之率易倘有不

平播全書

卷十二

書之十四

受便難收回以後須事事斟酌當而後發則妙矣兵
無用者宜去之而亦不可盡去前已奉告綿甲已分
造火器解重慶已多想未查耳今再送去然須要樂
好要善放之人不然無益幸亟查之賊今方犯貴州
彼處告急所以此中無消息若其旋兵恐又至此今
日防河守城乃第一義且無言戰兵既少又無將士
兵豈可獨任必候劉將到議之巫山忠州之事竟甚
何如查實教之

內閣趙二相公

田東翁大司馬

李對翁太

宰 吏兵二科

川人畏播酋如虎故提兵所至諸所要索無不如意
奏民起釁釀禍死有餘辜但執而與之則非法體及
今不一言恐他日開門延寇習以為常而大事去矣
賊方壓境不便易官故議薄罰以觀其後統惟台鑒
莫副使

據巴縣報令人駭異陝兵總鎮家丁也何得有此豈
以本官陞任遂不受其約束耶幸不大至狼狽然亦
不可使聞於隣國矣宜與總鎮計之法其首惡而宥

平播全書

卷十二

稿

書之十四

其脅從明白處分威惠並行可也軍興之際凡事宜
從寬簡不可過求不可稽延不可盡人之情不可斂
衆之怨一不加重舟中敵國甚可慮也第一尤在糧
餉今土漢兵應得糧餉不知已給否幸留意焉
又

永寧衛掌印官一日而三告急查原文係七月十六
日發者蓋即宣撫司文內所稱楊應龍差人守其隘
口永寧之人遂驚疑而告急耳若謂總鎮計遣文傑
或未必其為謀之蚤而遠若是且恐未可便駭動永

寧衛官也俟行查之據奸細所言楊酋似原未入圍
蓋我於重慶增兵彼自不肯歛兵入圍此理勢之必
然也造船之說久已奉告今知劉總兵將到渠無回
國之理或揚兵而出皆不可知若謂總鎮召其來令
人鼓譟不知彼時總鎮何以自免妻子在松九族在
籍獨不慮從逐之誅耶今去之亦無妨但城中無一
將官彼雖庸人其名位尚重彼處止一梅鼎臣又不
知在城中否吳文傑來又不知勝似萬總兵否若以
為必不可同處再急見教姑以兵馬責之道府而且
令之回松候代亦無不可草草

萬總兵

三揭俱悉楊富等爭打軍中常事無足為意該道不
日且行亦無足多辨也兵何常之有練之則可用逸
之則生事在所馭耳火器火藥俱發守道應取用者
用之然亦須有節筭數行文支來不時查考若任其
自支放盡賊來反無火器矣各邊借火藥如金玉各
道俱有循環正恐賊來無備故也西陽兵今在何處
如在涪州則南川宜另摘發如已去南川涪州亦宜

摘發但重慶非萬兵不可守恐亦無兵可摘須催邑
梅烏蒙等兵耳吳文傑已留之永寧即令用鎮雄兵
若彼處無警亦可調來守江津也合江兵已足只將
不堪耳已差催曹希彬將軍可再催之若再遲必須
叅處擊問不重處不足以整衆也即以此意示之要
緊在偵探幸留意無忽

莫副使

來教俱悉今賊方窺我虛實正宜矯情鎮物之時鄙
意前事既已可一切置之經營戰守庶不放心不然
應敵舟中日不暇給恐不可聞於隣國也萬帥已陞
自當離任然又無不候代之理彼雖住劄松潘但其
移守重慶已經 奏報且與劉帥為代自當在重慶
守候者似難議撤且劉帥有稟帖來不日且到矣未
有總兵敢加害道府者昨陝兵若毫有傷犯道府彼
且身無處所即今亦且皇皇待罪並無他詞門下可
寧心需之且與好相處無多慮也高推官並諭之強
敵在前奸民在傍且彼五日京兆耳何事不能忍須
史耶同舟之情語遂過苦惟亮之

萬總兵

賊窺永寧兵勢甚盛吳文傑帶兵不知幾何川西川南兵原調雖多不知到者幾處且瀘合納賂俱近永寧俱宜厚防若重慶但有兵四五千外亦可發之瀘合等處相機進止或救永寧或截江口此據上流亦以防重慶也惟將軍熟思其便行之

內閣趙二相公 田東翁大司馬 職方兵

科

松潘近與火落赤為隣亦重邊也防播總兵必任重

平持

卷五

書卷五

續

慶相去可二千里一柄固難兩持一人又難兩顧協守副將之設必不容已其人則須有家丁有威望者魯光祖取其家丁戴延春馬孔英取其威望惟台裁擇用之播賊近雖撤茶江之兵然又留屯境上脩倉積糧將以肄我邊播州縣無所不應防無所不慮寡今所議設先後八將人各三千總二萬四千耳若川兵則更倍其數亦不足若秦浙之兵則即此亦足以守矣更益之以川兵土司兵即勦亦舉而措之耳兵或調或募久近不同終須必至惟糧餉無慮急宜發

圓解陝邊每年十萬借滇餉尚欠二十萬若秦中免解滇中補還目下尚可三十萬餘再議處惟台臺留神主持為望蜀民已在水火若黔民則旦夕斃矣需時耳此時此地權稅開礦亂已不遠可更速之乎急行停止非獨保二省亦以為天下也更惟台臺留神主持為望

少司空趙寧宇公

人來承教娓娓千言臺下之為桑梓慮何其切而為

平持

卷五

書卷五

續

不佞謀何其忠也賊初破茶江若疾走渝城半日可下今則萬萬不能矣此所謂社稷之靈而臺下之庇也不佞久欲至渝但該鎮道先以招撫給賊已緩其兵若復至恐反速其來謀之按君甚謂不可故且俟之若大將到客兵來不佞即建旗鼓而臨之恐釜中之魚未有不授首者弟未知天意何如耳要之廟堂主持一定凡事無不可為何况小醜則惟臺下從中圖之此賊若再寬假數年之內且無西川何况渝城此不佞寔言非倖功而漫議也今日川兵必不可用蓋從來征討止用土司川兵原未見敵又為遂

簡積威所劫心膽已碎昨發之戍守將領面無人色
軍士欲投河而死白石口綦江之事可為明鑒土司
兵多持兩端且亦非苗兵之敵然則不借容兵何以
了此在宋吳氏兄弟用以抗金蓋緣百戰之餘人久
習練若今日即曰簡練豈遂堪用蓋兵士練膽為上
練技次之須上陣數番自然膽壯若只在教場中操
練卽三年五載亦無益也故調秦兵浙兵取其經戰
再調滇兵廣兵浙兵取其與逆酋不連有外兵則
本處土兵亦無敢持兩端者然后人人可用分道而
進賊不足平矣夫兵觀拙速未聞巧之遲也大兵四
集如山壓卵加以懸購內變必作罪人一得大事卽
了若曠日逢久且有別變不見近日渝城兵變乎滿
城文武如林無一可倚武官則臨大敵而猶為鼠竊
狗偷之態文官則馭大衆而猶行苛察繳繞之法季
氏之憂不在顯更直令人仰屋竊嘆耳業已具稿會
諸公大請兵餉不日疏至惟臺下主持懇懇

來副使

賊向貴州偏橋等處一為虜招一為招生苗以陸我

新將至而接戰此理勢之可料者永寧告急已行敘
府發兵援之必不可分重慶之兵援永寧也彼亦勁
敵豈易下哉來教言戰太易非吾所望無論萬帥未
曾經戰卽慣戰之將一手豈能獨拍哉諸裨將原未
經戰又膽落於賊驅之強戰必有他慮則西南之事
去矣僕所取戰將非久當至今但自守彼必不敢深
入卽深入而我亦有兵相機戰守卽不大勝亦不大
敗也但目前不至大敗後圖之易易耳門下初議甚
妥故僕敢以重托乃今輒不自堅其說當由為不知
兵者所迫耳凡用兵宜智深而勇沉不萬全不發若
微倖一切為少年推鋒之計僕所不取望熟思之總
兵有文言衣甲器械火藥之類一不給與而止責其
戰彼豈能空手向敵門下胡不一料理之也南川之
守以糧為主糧不至則兵不能久土兵一失其心再
不可用矣慎之慎之

又

我兵尚少且新將未至又無慣戰之裨將決無據苗
兒崗之理總兵若至南川則重慶人心恐搖亦非計

也酉陽兵亦自足守南川平茶兵再調來亦足以守涪州但平茶續調兵急難卒至若酉陽兵已至南川尚慮涪州之單弱卽於重慶城內摘撥一二千亦可必不可多摘矣酉陽與平茶邑梅有無嫌隙若有隙可令解釋小嫌以成大事無則已土官須獎藉之乃可使也此外惟江津可慮已調吳文傑帶敘州兵五千去但未能卽到只得俟之此時只可守尚未可戰再俟月餘則可以戰矣兵將俱無足倚不可強逼之戰慎之慎之僕欲東而司道以為未可試相議以為何如草草

萬總兵 來莫二副使

向云置守宜自內而外謂賊已斂退不宜動兵以挑之也若賊欲發兵據城卽綦江亦不可令再入况南川乎彼雖空城亦是縣治賊若再入卽是又破一城本部亦無以自解况鎮道乎原議梅陽臣守南川吳文傑守江津久奉詳允彼時無兵故止托之江上應援今有兵矣文傑脫身永寧島臣藏身重慶有將如此何所用之今宜令馮臣領酉陽續到兵守南川文

傑仍取回守江津綦江俟異日信地一失自有正律不相假也本部亦不日東矣

內閣趙二相公 楊后翁大司空 工科

川民之苦大者乃在採木卽播酋亦不是過蓋播之害有方有時木之害則家戶被之所謂殺人以刃與政無以異也二運幸完皮毛俱盡獨有骨耳重以播事骨化形消其何日之有若更起三運其有人乎卽使鬼為之亦勞神矣今木運已多 斲工未起少停之以待事寧似無不可以 天之靈台臺之庇萬一徽幸逆賊就擒夜郎千里不啻鄧林驅遺民而斬伐之杞梓梗楠將蔽江下也卽十 斲又何難焉天不遂亡蜀安知不有是事為民請命不自知其言之支伏惟台炤幸甚

萬總兵

楊正宗是何人所探報何若此真也被中人有可以為偵探之用者各以名聞有出入賊巢久者遣一二入來面問之賊欲甘心永寧必有一戰向日吳文傑勃勃欲以自見近乃寂然豈所謂見小敵勇大敵怯

耶便中示之

內閣趙二相公 田東翁大司馬

部議賞格極為妥當然此時大將未到客兵未齊賊之死黨尚眾未敢懸也兵將齊防守定一懸示而逆黨瓦解矣內有一二未備及行兵節次賞罰謹酌議具題俟可懸則與部議一同懸之若機會可圖即旨未到亦徑懸之一免在野未知竟死誰手然恐必不能出於諸格之外也湖廣既有總兵監軍必不可已自別省來不能即至故求於該省用之統惟台臺

垂察允行幸甚

內閣趙二相公 田東翁大司馬 兵科

東征諸將不為無功然亦史策所時有也此曹遂趁而自功不可嚮邇若在定三秦收兩京之上者劉綎十步一息稱疾稱苦百般作態今且入蜀姑寬之以觀其作用曹希彬尤而效之徘徊江上隱居放言自以為常勝之家未聞滅官馬武以此向人也沈尚文不處則候代將官無一可使童元鎮似是畏賊但事在目前更之反遲故且抑而使之亦竟未知其作何

狀耳逐賊亦無甚遠畧但其自為謀者忠而諸將為國謀者不忠不威不懲中人常態惟台臺垂察擊甚

來副使

首又差人來具文其意益不可測其詞甚卑蓋緩我而欲突出不可知更宜嚴備各處城守宜百分留心南川糧宜早運之恐其斷吾道耳烏蒙鎮雄兵當再催之天全兵亦加調陝兵亦已將到出此月則百無慮惟目下極緊要須日日小心不可時刻懈也再御

龍九有所請皆免從之以示鼓舞須令其守法東眾乃可再大周行獎須該道有文可也首今次差人仍照前押送來不可發之夔州反啓其疑前功盡廢矣行且再有文去諭之此不一

劉叅議一相

永寧一向警急不敢開口撤兵今欲撤回二千想亦實不得已彼既有急我不能助而反留其兵恐失其心且兵皆念家若永寧不守則五千人之心盡搖矣彼既欲得二千即以二千付之合江之眾近萬去此

一千不為少惟建武兵一千昨已批令楊敏政領去
今既永寧兵分則此兵不可再分並敏政且留之合
江若恐曹希彬到而彼之江津則呈一詳來留其兵
或只以三五百付之可也蓋以川南之兵將守川南
自是當然耳王繼先表年皆觀望之虜合江人與之
有親者甚多可說之令歸我則賊自不能越而過合
江此一着勝兵一萬可急圖之賊十月內必犯永寧
謹備之草草

又

平播全書 卷十三 書之三十一
永寧兵所藏非奸細前有文申辯頗明今二家見相
讐言殺尚恨推不出何故若欲推出何難將領情不脫
事一至於此真是可恨須鎮雄兵到可議之也賊前
為永寧所敗今治兵不已殊有可慮永寧兵雖勁終
不如播兵且攻守之勢不同若併力一處則不能當
矣今宜急助之守吳文傑欲撤納谿土兵一千可以
發之近又發敘兵二千守納谿矣又調敘兵三千先
欲守永寧後以永寧無警改守江津今永寧復急只
得兩顧且發一千於江津而以二千發之永寧其兵

為程試所領今正在起行可分也即與敘瀘道言之
今日是川南大關係永寧不守則川貴路絕不可不
慮表年之父為賊磔死渠恨不剗刃其腹以中國不
能庇之故不能絕之耳王繼祖之母袁氏即表年之
家女也表年與王繼先為姑舅之親去年二酋所以
不破五畝堡蓋王繼祖之情分耳今宜以繼祖仍守
此地即令招二酋內附能招來則繼祖重陞用之二
酋不附賊則合江安矣可急圖之田賦方在重慶回
當發去草草

李恭政雜損

平播全書 卷十三 書之三十一
初冬舟行木落水平三峽失險亦自快事來教奉奉
地方事深感招兵憲牌之說更無影嚮此中人多造
言近有為不佞懸購送首一概文理亦不惡傳之賊
巢逆酋為之落膽具文乞哀可為一咲酋未及時原
是一土司久住該府即士民與之往來亦自常事惟
今年奉旨以後乃為賊耳何得追論往事令人人
自危此蓋舊巡道無大度而好深求流禍至今可恨
也使中幸為明之

來副使

遂首又差人來具文蓋為偽檄所嚇耳此何人所為亦大有意惜世襲總兵之說露出脚手遂為賊者破大抵此時賊知無生路恐當出而一逞宜嚴備之不佞又恐劉總兵初到我兵未齊未可即與之戰再為一檄以緩其出試為一文覓一人達之綦江人自有顧去者只令無洩吾機事可也去則言其差人送來省下審問矣若賊無變動狂逞之形前檄不用亦可須相機為之但可緩賊不必避嫌也

又

承教各款種種皆實用皆要著何門下練於兵事若此不佞自是得一右手矣諸所經畫有已行者有未行者今即圖之惟進兵不宜速尤為老成之見川中文武兵將上下無知兵者彼為欲速之說非有成算蓋無兵則厭寇有兵則又厭兵即今當事中亦有若此者何怪其他乎金城屯田坐困先零今若守定此賊亦可坐困何用急急也

莫副使

昨守道文來亦恐分布不周故行查議今得來教良是聚則有餘分則不足此二語者足以盡今日之兵勢矣綦江已破之城目下自難議守南川已空亦不須急江津宜發兵第不知近日復有調到者否武隆彭水去播若是之遠該道何以急之豈以水路近乎今守道至渝幸開誠共議此同舟遇風之時自宜若左右手相扶者苟可善事不必自己若應見教者不妨走使相商苟有不可即十易之不為過諸葛武侯不云乎違覆而得中若棄敝庭而獲珠玉刻印銷印豈有成心僕所慮者諸公雷同附和事後則謂事有所主原不自我若違覆則求之不得者勿以為煩也開誠心布公道集眾思廣慮益願與諸公共勉之吾輩學問正須今日多難之時用之耳草草

李副使廷謨

合江江津俱屬要地三千兵恐尚不足為守非多也宜急發行糧令速赴信地遂首駐兵境上向往更不可知倘其以虛文緩我而突然復起何以應之地方生靈可念錢糧無足深惜聞合江募兵以無糧大有

怨言宜早為之處若必不可用不如揀退如尚可用
須給之糧遲疑不決一有脫中之呼事更多矣幸留意焉

田東翁大司馬

前於陝西調兵方有虜報李次翁回書以為必不可
借其詞頗決不佞計無所出只得議募其實募兵甚
費甚遲谷文已悉且今之酋所招苗兵頗悍而整召
募烏合亦難取勝必煩慣戰之將慣戰之兵一戰破
之則土崩瓦解內變必作自成擒矣次之雖不大勝
亦不大敗兩強相拒尚可就中用計終於取勝若再
有差池則氣難復振大事去矣不佞所以必欲用秦
兵用浙兵又欲用見兵與戰將蓋以今之時非可嘗
試之時今之事非可嘗試之事也延綏寧夏二鎮已
允發三千三百若餘三鎮每借一千便可了此但不
佞一借不應難於啓口若台臺肯賜主持實為無量
之賜不然唯有召募耳其浙兵山東兵東征兵亦均
乞用原營見兵一則有部伍可戰一則有糧餉止支
行糧尚可省費而行糧坐糧又須照內地調兵事例

議定題

請發下若照征倭例則不能支矣要之彼遠征異國
事自難相比也蜀固無兵餉亦不多而黔中更束手
無措目下以太倉如洗內帑難望故且請留秦餉
取滇餉其實秦餉尚是實數滇餉尤在渺茫且即使
俱到亦不足用俟於黔楚查來然後再請或太僕或
內庫必須先請發五六十萬乃可濟事夫兵觀拙
速未聞巧之捷也兵餉已集我氣正銳彼氣自奪就
中取事不三月而事可決矣若曠日遲久師老財匱
其費更多且有他虞不佞熟思其便乃以奉聞伏惟
裁決更乞秘密勿洩為望

莫副使

永寧為川貴要路永寧危則兩省之路不通而川南
可以安驅故救永寧亦以自救也重慶若有兵可守
即發二三千往無妨但重慶之兵似亦不多空國而
援亦有可慮此在該道斟酌之但城內留四五千入
餘即可往也幸以此字與總鎮商之若不能往永寧
瀘州合江納谿之防亦宜增添防上流乃極要之著

若賊已破永寧此着尤不可緩統惟相議行之事機
問不容髮斷而敢行慮善以動此兩者不可一缺也
草草

萬總兵

聞賊造船此有兩三次信到乃的信也此其意欲何
為欲夜渡以襲城乎欲遂流而上分劫各州縣乎宜
嚴偵而預防之緊要處用大砲打碎其舡則無能為
矣賊遲疑不發此有二說一則因有招撫牌還望寬
釋一則亦以緩我而彼突然水陸並進以取重慶或
流劫內地也既已通使不妨開誠諭之令就牢籠因
之而脩實備此皆兵家要機細作偵探尤為要緊惟
將軍圖之

內閣趙二相公 田東翁大司馬

初龍入境後得酋進兵之報知其自分不赦逞於一
決也時兵將俱無虞有失陷因行一牌於該道令詰
責之大段言酋雖奉有剿

旨然部覆尚欲行勘此其人尚在死生之間今何為
稱兵犯順自投死地併其一線生路而自塞之是何

平播全書

卷十一

書字中

本

平播全書

卷十一

書字中

本

人撥置伊有何冤情查明速報蓋假示撫形以惑
之也文至而綦江已破且盛言必取重慶該道不得
已仍以原文諭之總兵又以一旗招之酋雖知非真
然不無希望遂亦具文往復遲疑不進者數日而我
兵近渝者漸已調到普知重慶難下只須止兵今則
兵到重慶者業已滿萬攻不足守有餘矣使酋當時
長驅直搗全蜀可虞今則門戶已堅堂奧益固亦天
之不欲亡蜀也但蜀兵脆弱土司兵觀望戰固不能
守亦難久若酋再以全力持久坐困一城終屬可慮
必須得陝兵浙兵乃於戰守有賴故川人望外省兵
如農望歲不知今已得

請否惟台臺垂神是禱酋先年原無逆節亦無遠略
惟邇來我所以處置者全未得宜剿一番撫一番皆
為彼增一番兵力長一番雄心今則公然有不軌之
心萌割據之志矣諸凡上下文移舌劍唇鋒總是反
書無容更僕幸今方內少事得以專力圖之若以天
之靈滅此大憝而後朝食真為潛消無窮之禍而
宗社生靈之福也查先年蜀中都蠻叛逆成化時程

尚書信征之用師十八萬...成功萬曆初曾巡撫
省吾征之用師十四萬...定今播州之險不下
九絲應龍之狡十倍都蠻三省用兵非十萬以上難
以奏效總之蜀六萬黔楚各三萬再減亦須十萬更
減則非十全必克之道矣俟兩省總兵到防守已固
方可上陳今則且只自守無暇言剿也錢糧約用百
萬川湖二省或可搜括貴州空虛必難措處從來貴
州尋常兵餉取助川湖今兩省亦在用兵難以他餉
查雲南有原借四川二十萬今雖議允發還貴州恐
彼處一時難以如數兩廣福建庫銀尚有積餘一處
借十萬則貴州方可足招兵之費此無論攻與守皆
不容已者也伏惟台臺垂矜

來副使

川兵近京已行鼓譟此自難用去留任之不必問也
易動難安原是土風於通州每人領糧九兩豈曰不
厚卽如近日忠州之事又誰激之總之遂首造反無
人治之衆遂尤而效之耳分布事仍須門下至渝與
鎮道合議之巡道之意重在守重慶以固根本亦是

正論今日之守宜自內而外賊乃不覺不然內地無
備突發多兵守綦江賊以為且進剿合兵來攻又成
往事矣故今日之兵宜厚積內地待各處皆可守而
後一齊去為宜總煩與鎮道議行糧餉事且照此中
例給之彼無說自可相安所謂民可使由不可使知
也若欲從厚兵尚多事尚長將來何以給之用兵卽
不宜計餉亦不可太過如東征之餉太多今內地遂
難用兵若當時為國家遠慮亦應再有斟酌耳聞酉
陽兵所過甚是騷擾已刻告示發禁矣經過之處該
道自可禁之查舊無土兵經過犒賞事例似難開端
若必不容已試議一規則來看何如平茶司兵已行
文矣

劉參議

兵無餉一日亦不可用况土兵素非吾所優養者乎
前道調兵至境颺去不顧遂耽延數日可為深恨昨
已行藩司解銀五千至可均給之今再令發去以後
宜先來呈請莫待臨時也抽兵銀今已抵正餉宜嚴
催之川南一帶把總等皆報有兵不知何故宜細查

之如果堪用亦令在籍候諭如不堪用卽明諭解職
無令聚之一處生事遂首卽借兵水西水西亦必不
應彼雖土司亦看風勢未有事已至此而猶甘心為
賊用者瀘合一帶秋糧卽可令收本色以為軍餉前
已有行宜查之合江以萬人坐食一處恐米不給卽
有銀亦無從置也幸留意焉

來副使

烏羅請調未論真偽且答之曰卽當達之軍門爾但
整兵聽調然後再查可用方以見教也此土司旣屬

書卷十一

書之四十七

卷十一

銅仁自當聽貴州調用彼所以不投貴州而投四川
者以貴州作事甚密全無征討之聲而四川此機已
露耳彼所謂不可力敵宜以計擒者亦曾問之否天
全兵已到一千見守重慶永寧兵已到六千見守瀘
合烏蒙調在後其到雖遲然無不至之理若平茶邑
梅之未至或是未發行糧耳重慶道府一向以事急
倉皇諸事多無頭緒又益以文武不和其精神全用
於構訐軍事益踈從來給散錢糧無一字相聞昨屢
查之方造一揭來則已費過數萬尚有二萬復行藉

司以二萬解去矣大計已決非自今日但舊將難倚
新將未至苗劄兵境上酋亦久住松坎若更顯行益
復激起只須且如來教所謂強為鎮靜收拾民心而
已水西別有施為此後必不為賊用水西之母鳳氏
非田氏逆酋之妻則田氏也初意此費可百萬今以
川東已事計之恐百萬猶不足卽以百萬論此中官
帑或可借湊其半楚中向無積蓄恐不能也久已行
查尚未報來必須該省有文方可具題自難急如
意耳目今所調各兵無論漢兵不可用卽土兵亦非

書卷十一

書之四十七

卷十一

播苗之敵兵將不齊決不可妄施計策露機桃累目
今急務惟望門下速至渝城調和文武分布兵將偵
探賊情稽查錢糧卽對重慶人只以防守招撫為言
彼中人多有為賊耳目者嗣有機宜時時見教酉陽
兵恐無一萬之數不知亦有三五千可當鋒者否各
處城守要緊恐賊以劉縱將至而突出以示強耳但
新將至則我氣自壯賊氣自奪方可漸須圖之目今
正偃旗息鼓包羞忍耻之日無亟亟也此字秘之秘

洪副使澄源

西南夷見播酋無狀尤而效之其鴛鴦及履無足異者今但當專力楊氏滅則諸夷膽落矣安酋廢驛供之額漸不可長此酋今方歸化可乘此切責之令必受命渠惕於大義當無不從不然此中道阻則兩省之軍機滯矣幸留意焉永寧與賊為讐可使以義若門下一臨其地則綢繆益固不止自守漸可圖賊矣亦水鳥撒皆賊後門不可無防也倘俟布復不

劉參議

賊有必犯合江之勢已行劉帥摘重慶兵三五千援之蓋以瀘州援兵不下萬三千人陝兵且至即催之前去賊三萬乃其虛聲此時不敢空國而出也惟益勵二將併力固守但得完城即以功論幸嚴諭之袁年王繼先各差人來投文已密給以照此終得其一臂之力者但目下不可令其明來或陰納其質可也鎮雄兵初三日發此時當至須再催之賊若至合江則瀘州已震于隣兵亦不可全發去須酌之其吳文

傑亦當上援已行之矣

楊小林少司馬

西蜀不天逆賊為梗計無所出告急門下蒙慨然允許感已刺心嗣見樞府不允以為別自有意未敢再贊乃蒙高懷雅誼情急在原特為題

請假大將之權發出疆之旅此等舉動即當古入中亦不多見况今世乎不佞龍誠與三巴士庶骨刻而心藏之非諛也

主上急於西顧大疏料無不允得

旨之日即行馬帥統北兵劉帥統南兵兩路並進更與湖貴二帥夾攻賊直釜魚枕肉耳徽天之幸倘得殲此逆種再造西川門下功當為第一岷江如帶峨峰如礪榮名休問寧有極哉使旋先此復謝自棧道而南敬擊牛醢酒以待義旅百惟蚤發為望

內閣題二相公 田東翁大司馬 科道

近見邸報都下之人皆咎龍不東保重慶此蓋重慶慶之人之過計而不知今日之事別自有急保重慶非所急也夫重慶東之根本也無重慶則全蜀危

曰不急領重慶天險也但得三千人無不可守者當龍未入蜀時重慶之中奸細滿眼更無一兵一將足為守禦此則重慶真急矣乃龍一入省卽令萬鏊馳入其中且令先擊奸細一日而得十六人撲殺之沉屍於河其後賊下綦江以無內應尚不敢直攻重慶况今日乎今重慶之兵已萬餘矣不直重慶合江南川江津瀘永諸處急者萬餘緩者數千皆有備矣賊犯永寧而不利聲犯合江而竟不敢尚復慮重慶爭蓋保重慶者賊下綦江時之要着而非所語於今日也當賊下綦江時龍卽欲入保其中念目下兵將皆無卽賊來不過嬰城固守而已賊若以輕兵綴重慶而分兵犯隣播州縣彼時羽檄不飛應援路絕何地不可攻何城不可下大抵固守一重慶則一總兵有餘保全各州縣則非總督在外調度不可當其時龍尚欲至近地調度會鎮道事急以招撫給賊龍亦行牌諭之賊遂逢徊不進龍復以計緩之賊信之遂不卽出龍若東行更速其叛是以止在省城調發而不復東也賊以六月破綦江至七月而重慶之兵已足

以守至八月而各城之兵皆足以守今惟不足於攻耳故前此之急在守後此之急在攻守則宜隨方應之攻則非先於省城料理不可蓋進攻之具如火器火藥綿甲絮被弓箭鎗刀之類向來百無一備皆於省下開局製造以至買米買馬運糧諸事皆須與司道面計朝計定而夕發行日日督催時時稽考則一日可有二日之工急急為之尚恐年內不齊有悞來春大舉若東駐重慶文移往返耽延日時外疑賊而內悞事何益之有今諸事漸已有緒若再遲時月而東可以萬全但人言紛紛更不移駐恐言者益多更駭聽聞已於目下東發矣夫都門議論自是難一萬里行師亦不必一一求懸合於適度者之口然不明其所以則外議紛紛終勞神慮故頃啜啜自明非得已也龍自入川來死於家妻死於任衰親懸望以日為年含悲茹哀形神欲盡恨不滅此朝食早釋重負乃外議尚有短長比以知舉事之難矣龍止為其所可為不復置辨然不敢不盡於台臺伏惟台臺審察終賜主持龍臨啓無任瞻望之至

張監軍棟

來揭所言種種當機僕懲於前人輕敵之害故凡事詳審而後行之然詳審之過未免有傷於猶豫者亦自知之得教更覺爽然甘言疾也至言藥也方以為幸何謂不忌乎奏民之言不可全信彼半為將官遊說者且前人以誤信喪師今安可又墮其計况賊方以奏民叛主為詞而我率奏民以攻之師直為壯曲為老彼死亦不服也火器之類向來此中文武無一知者即付之將官亦無益今幸北將多來可委製造

平播全書

卷五

書之五

何

劉總兵 來莫二副使

賊劄兵南川想欲入犯須相機禦之彼來攻則極力戰守彼若只防守亦不可輕犯之恐為所誘也今將軍初至須萬分審慎第一保地方無虞方可圖賊若少挫則氣難振不可不加意草草

劉參議

聖人有言臨事而懼好謀而成此中人不知兵只聽

奏民及投募者之言謂賊易與遂頻年以此敗事真為可嘆然賊又未必真有二三十萬戰兵也蓋賊大衆自不下二三十萬此是通男婦並虜掠之衆言者未為實數而精兵則又自有數今言彼人人皆以一當十亦未必然也大抵極富強之國亦不過戰兵十萬精兵二萬而已賊勢大約如此今我須以十萬倍之我六路齊心賊不能六路齊心應之我即一二路有利銳不損大勢賊若一二路不利則事去矣此猶是兩敵相當道其常耳至於上伐下加小順討逆臨時懸購一張彼衆日減我衆日增豈遂相持到了乎川南兵五六萬亦無不可再多則無用處近見募兵數亦多但不知皆可用否器械精利否舉事之期不遠須着實加意兵不在多亦不妨多若多而能一舉成功則費反少更妙在入耳今川南募兵調兵更幾何須以實數開來山東所調來亦南兵非山東人也曹希彬陞真否見報當有文夫此不一

平播全書

卷五

書之五

何

徐僉事

不佞初入蜀時京時人即寄書來言劉帥不可用為其生平好以虛兵冒厚餉不得則嗾之鼓譟以挾官府若用之後必有悔不佞以為在遠左時曾見其人恂謹恭順畧無跋扈之態此必有欲謀其總兵者所倡言耳不之信也比至蜀見其條陳內首爭糧餉甚以為不宜即以書達之令無照朝鮮事例爭餉以惑軍心後其家人來又丁寧之不知其敢稟之否乃按

平橋全書

書之五十四

徐

院已祭之矣今又有此柰何不令人以為口實乎既稱宰牛飲血祭旗飲酒亦不必查究但恐都門聞之又有別說則不便矣渠父子世為總兵富貴已極武流側目柰何其不自謹勅也人多言其兵無實數即從容選補亦自無妨不必一槩多招無賴之人以致生事起釁則連彼亦收拾不得因小失大豈智者所為乎因指摘以自表見方是有心人所為古來真正英雄豪傑必自踐兢惕厲中來若照以前一片驕氣豈但無福必且有禍門下既與為同鄉宜盡言相告

以實成就之無但為軟羨交也近日渠有文來言據各處報兵五萬餘請俱發行糧調來選三萬用不知此二萬發回能保無鼓譟劫畧之事否此亦殊欠思量又昨該道所呈軍器冊內馬兵三千步兵七千其應用器械多至三萬餘如鳥銃三眼銃鎗耙狼筈長鎗之類皆一人不能兼二器者不知是如何筭來以後皆細與斟酌之時日無多須件件踏實乃克有濟也既有此一審渠須緊做之剋期見效則因敗為功乃其終身受用處是在門下夾持之耳不盡

平橋全書

書之五十五

徐

內閣趙二相公 田東翁大司馬

賊初下綦江若長驅直搗即成都亦且不守無論重慶當是時更無別策惟有招撫耳龍故行一牌為督撫地方事照得楊應龍向雖有進勦之旨然部議猶令兩省巡按會勘此其人尚在生死之間若其悔罪乞哀尚有可生之路今不知何故統領多兵突犯內地意欲何為豈不知四海九州比之一播孰大應龍之勢比之劉東陽平秀吉孰強豈天奪之魄自取滅亡令傍觀者欲救之不得耶今幸兵未

深入若其速行欲退盡數歸巢猶可圍全若更猖獗
不已則雖欲保全之不可得矣合先晚諭為此牌仰
該道即便差人速行晚諭以後彼有差人勿得殺害
兩國交兵不拒來使况彼原係土司乎聞彼以地界
防兵為詞此只宜具文申請何事張皇乃邇自速
天誅也該道併諭之又牌前事照得楊應龍雖有近
旨行勦然部議猶令兩省巡按行勘是 朝廷尚未
盡絕之也轉禍為福正在此時本部院入境意其必
囚首乞哀自求生路不知是何項姦人誘引令其無
辜搆害平補全書 畫之五十六
故興兵隨處屯劄甘心必犯內地豈其陰譴已重令
必欲併一線之路塞之而後不知耶即應調兵行剿
但恐 朝廷德意彼或未知業經晚諭去後未據回
報今幸兵未深入如盡回巢尚得瓦全若復狂逞恐
將來百口無能自文合再晚諭為此牌仰該道即便
差官速行晚諭倘彼有不自之冤許令速行申辯毋
再輕弄干戈自取 天誅該道速諭之毋違賊初已
絕意於撫後見此牌雖不甚信不能無希冀焉遂激
兵回而以文來訴寃且索秦民屍棺之類其詞甚

倨龍批云播州係累朝爵土楊應龍亦素有功勞
朝廷安忍一旦廢之以貴州報伊戕殺官兵不言剿
則無以示四夷耳觀部覆猶欲兩省按院行勘此其
為伊留意尚有餘恩伊乃公然狂逞何也意欲示威
於人不免增罪於己誰為應龍畫此計者愚亦甚矣
今日之事既云激於控訴無門若欲眾歸巢靜聽處
分尚可自解仰該道速宣諭之何邦卿等以何事潛
匿曾經何衙門問斷伊男身屍見在何所查明另報
賊得之以為兵部真有開豁之意遂差人行賄本兵
而靜以待之不復出矣重慶鄉官又恐破城報到必
有平補全書 書之五十七
嚴旨賊復闕出具書該道令龍設策彌之且請龍急
入重慶龍謂前任總督一意行撫故可徑駐重慶今
龍若徑駐重慶彼必來求實撫何以待之許之則後
難收拾不許則當即狂逞即重慶可全而各城難保
矣故為一書答該道云鄉先生之書字字有味從來
鄉官言語多不說盡今已事急只須如此長慮若從
來事事皆若此長慮而當事者又開誠受之何至今

日哉 朝廷雖有剿旨亦未必孥定必剿蓋只欲嚇
之使求撫耳然縱欲必剿而關外之事原不中制曩
不佞初至彼若泥首請罪願聽處分亦何詐不可撫
哉不意房將一激又有此禍今日言撫似覺少雖然
酋不殺縣官不殺城內餘民入城之後歛師而去卽
此數端尚有可撫之機酋兇悍不顧未必知此或其
宗祀不應絕滅其祖宗陰啓之也至鄉先生所慮此
事報京又有

嚴旨酋復狂逞亦未必然蓋酋若有心望撫卽有

平播全書 卷十一 書之五十八
嚴旨不動也邢崑翁來時何曾無剿

旨何曾畢竟剿得成我等倆彼豈不知耶大抵酋若
從此歛戢大家尚可省事若更弄兵不已則莫知所
終今與之言撫酋亦不信我內地惟是調兵積糧固
守城池以待之耳見鄉先生為致意俟兵餉稍集僕
亦欲東當面請教此不一一此書總是假話只欲惑
賊仍令該道備送鄉官看之故洩於與賊相信之人
使達賊巢以為為伊訶得上司私書也賊遂深信不
疑亦時時以入犯之虛聲挾我而竟不出各城遂皆

得保全以待調兵之至今則賊雖已知必剿然兵餉
已集自可無慮且賊終為前私書所惑尚以節來

旨意為挾撫也酋近日謂安疆臣曰川貴軍門批我
文書意思甚好我且待之此可知矣蓋龍之所以一
向不東行原為一東行則賊卽出重慶雖無恙而別
城可虞不東行則賊不敢垂涎重慶卽各城亦
且不敢輕犯歷觀自六月以來止四張虛聲竟未敢
一攻城止一犯永寧耳以永寧係土司故也今報欲

犯南川亦不知若何然南川自綦江破時人已逃盡
平播全書 卷十一 書之五十九

庫獄皆移已為空城但恐賊據之故以二土司萬餘
之兵守之卽來亦足相當若重慶則萬萬無慮者今
目下且入重慶明彰天討以前伎倆可不必用亦可
不必言惟是一向苦心緩賊形神欲瘁其不卽入重
慶尤是緩賊要着而外人不知內有招撫給賊一節
恐滋多口又未可明言於人乃今言者不已不得不
盡白於台臺亦欲台臺知賊之愚終可以計滅也今
播人聞調天下之兵駭懼無地龍復密行招誘賊之
心腹牙爪半已外向大兵一集必且死解向非借客

兵聲勢不但賊不懼即其左右親信之人亦不懼即有奇計將安所施此則在廟堂主持無為傍觀之說所搖即賊不足平矣伏惟台臺垂矧臨啓無任瞻仰之至

徐理齋中丞

應龍小豎子耳何能知兵知兵則不反矣一彈丸之地四周皆玉土大兵雲合懸賞為購即左右隣比當有爭先取事者必無幸矣所恨以前當事不畏之如虎則視之如無破壞決裂以至於斯今一旦而欲刻用靜繼以大兵懾其心利用多本地之兵不可使須借外兵之慣戰者此必不可易者也弟不即入重慶蓋倏撫緩之俟兵積耳乃都門不知便爾曉曉來教決之於心委之於命聖人復起不能易也仰承雅愛簡發兵將感何可言人旋先此復謝

張監軍

劉帥有志立功甚善既有兵一萬三千即於土兵及見兵內挑選一萬七千何不可之與有必欲一一自

平播全書

卷十一

書之卷十一

見

募乃為可用乎信陵君並將六國獨何人哉斯其故不可知矣昨已有字許之只慮其言之不效不知異日何以相見也代生員書並諭賊文俱佳而答書尤妙賊得之當必欺其下人而求一逞不可不嚴為之防彼不能遠出只令以大砲為守且莫與戰彼自無如之何懸賞告示文冊俱備只以偏橋無兵故少遲之恐其計無所之四出劫掠耳頃數日後可懸今當先發幾十本去聽密行之可也此中將領畏賊如虎又往往為賊用他日進兵南北二種將官尚費調停須面議也諸可為間者不妨用之仍一面報知庶免掣肘不然鄙意且欲令王永興等為間而論文已若此若不知不悞事耶來教所謂偏裨用間必報主帥知之有味乎其言之也南川之守宜與劉帥議之須得一健將而又知進退者可亟商之永寧自守其地不應給糧昨照五路防守各發五十金犒之亦自足也揭內言請兵添語並呈覽未見何語豈遺之耶

楊濟寰中丞

海內之兵如雲而至以天之靈臺下之庇

平播全書

卷十一

書之卷十一

海

當不遠矣惟是廣西狼兵一萬貴州恃以為命者而迄今杳無音耗坐是四川亦未敢進兵蓋犄角之勢不全亦兵家之所忌也事一日不決則已淪之蹂躪一日未已臺下為桑梓計當必有惻然動念者望刻下督發仍令遄至黔中官帑無一錢成兵皆待哺外省廣西所借十萬尤須發在兵行之前不然一至脫中不可言矣總之兵餉皆須年內外至遲則害事不小萬懇萬懇

劉參議

手播全書 卷之三 書之三十一 宋
鎮雄兵果是如何若果不受節制不妨發回不然平時擾民臨難不用命何益乎烏蒙兵若更甚亦可權宜阻止近新報黃郎馬氏兵多至八千永寧內司兵昨已認二萬已令整備本地再加選募亦可得一二萬則安用此土兵而令之為害也曹希彬初時高卧夷陵投揭言事謬自貴重以為將三十年身經百餘戰未嘗敗壯今以常勝之家難與慮敵故不敢輕進僕惡其誇詐無禮已叅令待罪管事今即陞恐亦未得赴任也近細訪之言其人平時溫和小心不類此

等舉動然則前揭乃代筆者之不知事而彼為所誤可為一笑且聞其在永寧久甚得人心且知夷情故令之來標下與計事欲別委用之可即以此語之庶彼心安耳王夢吉亦知戰否申于朝真可用但恐亦非戰將也即具文來留之可矣

徐僉事

賊有何兵妄稱百萬獨不慮五十四里之人笑乎知其方寸亂矣困獸猶鬪須防其突重涪南江武彭一帶皆宜嚴防王將索賄土官不可復用宜就近擇人代之已批總兵矣不佞目下即東諸侯面盡

支簡亭中丞

承教應天鳳陽二撫院不肯發兵想吾兄調兵時二院未見
俞旨自不敢發非獨不肯也然弟亦尚未見
俞旨若果有
旨發兵彼自當速發來無待吾輩之促矣今吾兄但當備餉以待之若無
旨吾輩強之亦不來若否

旨吾輩不催亦自至也若備餉而彼不來則餉自有用不為虛費弟俟到果有

旨方促之不然亦任之蓋今已遲即來恐無及也昨

弟恐誤事已發旗牌二次於永順調兵七千保靖調

兵五千計冬底春初可至偏橋乞兄亦差官催之仍

一面備本折之餉此外再調募二萬以上共足四萬

則足用矣進兵只在正月萬無再遲之理弟目下即

至重慶乞兄早駕陳璘即未至弟已行李應祥代事

若不來即參之幸以語之可也部中既允加編則已

平播全書 卷十三 書之四十四 有項下不問何銀皆可借用近又有搜括庫銀之

旨乞將應借用銀作速解至沅州等處以備軍興不

然恐以為無碍而括去則愈難矣此目前要緊事也

無論代事及正總兵並督餉監軍等道若年內不至

沅州偏橋等處弟即參之乞亟行知會萬懇萬懇文

武寧雖至而無兵兵雖至而無餉兵餉雖集而器械

火藥等項一有不備亦害事決不可再遲昨湖江守

巡道文來皆支詞謾語畧無實事弟固不敢強人以

難亦何肯坐受詭譎藩司亦數米而炊不見所發何

銀所借何項恐賊以川貴有備而衝出即利害不小不但不能成功而已竊為兄慮之恃在同舟特以奉告弟六月至今日不暇食夜不交睫亡室有病而不暇治專為一播事耳惟兄留意無忽

史副使

糧運事昨畧一計之米一石夫三名十四萬米應用

夫四十八萬不覺驚駭此輩累累道途集之東南二

處何事不有甚可慮也且只為三斗米而奔走一人

於數千里之外計費人可三金又當以百萬計此與

採木不同彼散而此聚彼以歲計此以月計故也因

筭常碩之三月運三四回則一人當運米一石而人

可省三之二但不知有無妨礙又思之或只派於近

播府縣如重夔敘瀘而遠處徵銀貼之亦可又不知

人數可足否不虞逃散否此宜亟議過馬上差人來

商量事已迫不可不早也見在米俱宜從水運至重

瀘二處宜嚴催之不盡

劉參議 莫副使

兵既集行當進攻糧運急矣督餉道派夫通省固是

有挹擊之法然來途甚遠運米甚少所謂三十鐘而致一石且一省騷然多人駢集甚未便也今欲派之近處恐多則民不堪欲募之近處恐無着落而易近竊思之播事一日不了則近播之民一日不安則調遠兵以進攻而驅近民以運餉亦未為不可也如近日合江南川江津綦江之民皆欲聯什伍為守夫守危事也而尚甘之若止令運餉則其樂從可知鄙意欲隣播州縣募民為運最邊播者令出夫最多稍近者次之最遠者免之其夫或稍給以食米之價大抵川南運夫可四萬川東運夫可六萬每夫一日與之行糧分半或二分此可行否若可行門下即派數責成之此造福全省非細事也事在燃眉幸亟留意古人云寬一分民受賜一分今日寬一分民受賜百分奈何不加之意乎懇囑懇囑

史副使

轉餉一事僕連日思之當食而廢者當寢而起坐古人云憂心如醉憂心如搗此之謂也夫以四十八萬人而聚之二城之下進兵無期宿食何所進兵有期

錯足何地其為不可行明矣今減為十萬川東得其六川南得其四亦尚覺多然難以再減矣但夫來太遠則費亦不貲夫來太早則費亦不貲昔人云寬一分則民受賜一分今可更思其所以寬之者否鄙意若敘瀘一帶供川南重慶一府加以成都之東夔州之西順慶之南供川東亦可足用否若近者出夫遠者量徵銀貼之亦兩便也昨綦江募兵應者數千且不願給糧而守若給以工食而運糧其樂從可知川南投兵者趾錯於途一呼可得數千今試與巡下南巡上東二道商之若彼能募夫即不能全募或近播者募之稍遠者派之再遠者出銀貼之但募得近處一名即寬得遠處數家亦是小民無量之福且近地人運糧道路既熟心亦不懼遠處人運糧道路既生心亦多憂此不可同日語也若兵交而不解遠人懼而逃近人則惟恐其不勝而不肯逃矣此又可坐照者也今宜驟行州縣且為十萬之派而待另文到即發行方再酌其便而調停之乃為萬全蓋進兵極早在正月遲乃二月先調近者運之而後調遠者繼之

自可及也若只責之有司彼夫出門而事畢矣異日有患即參摯百有司不足以解吾輩之罪也此非細事故爾諄諄幸亟留意無忽口祇宜用線織者佳但急不能得宜用雙布仍令人備一厚油絨以防陰兩交之何處宜用篋兜收之否俱宜早計早行也

劉總兵

比日知將軍治兵備械日夜不遑甚以為慰若將軍用心如此賊無足平也招兵事昨已有行須得苗兵為佳若只尋常兵亦與向所招等耳幸留心焉招降一節今且宜密行如袁弁玉繼先等兩月前皆已受牌而去但外人不知耳若人知之傳與應龍而害其家則餘人以為外不足恃而且堅其內附之心矣如扶歡壩之苗且不必令出所慮甚是彼小人但欲招出一人即以為功不顧其後此等即與監軍道盡言無妨也

易按察使登瀛

賊久不動胡又狂逞貴州久不設備只恃安氏而安氏原未與賊絕宜其爾也今惟有驅安氏直搗其巢

則各路之圍立解若安氏不肯亦令揚兵為進搗之狀而後可從其密圖之計也不然目下攻城破邑吾輩當其罪他日兵齊戰勝安氏收其功則彼且用我而何忠順之有此不可不亟與青翁言之也草草不盡

楊監軍寅秋

賊久不出乃突而犯貴州蓋因前日殺其招苗因有此舉一示威以鎮人心一通路以度惡苗甚可恨也貴州一向不甚設防止恃安氏顧安氏原未與之絕賊何所忌而不狂逞若安氏肯與之絕仗義執言奉天討罪賊且抱頭奔國之不暇而敢出兵乎今宜驅安氏之兵直搗其巢兵至沙溪而黃平備橋之苗盡奔歸矣安氏一歆附忠順之美名一歆獲陞賞之厚實一歆不絕隣封之交尚存香火之情必待我與之為幡幟而後坐收漁人之功此等作用可以欺天下乎幸與郭青翁亟議所以使安氏使安氏必先令安氏絕賊安氏一與之絕賊當破膽不敢一步離其巢然後探虎穴得虎子惟其所為無不如意耳賊目把

有尚義黃繼之二人者若安氏漢把能擒以獻先賞以指揮劄付幸諭之洪邊送親事必不可聽彼倣以送女令親信出入省城成何事體且賊不久當滅宋宣慰能甘心與之偕亡乎當令自以他事辭之若安疆臣更不能為我守省城則安在其為忠順哉廣西狼兵雲南土兵不日且至當差人迎而催之至當無慮賊也大舉的於春首百凡留意無忽

內閣趙二相公 田東翁大司馬 兵科 職

方

平播全書 卷十一 書之廿一
賊知罪在不赦頗欲肆行衝突又恐外兵難敵內人不附故虛喝四川而不敢進因突犯黃平興隆之間乘其兵力稍虛主帥不至一以招苗自固一以示強挾撫其計益拙其勢益窮矣今川中秦兵已入境浙兵尚未到然土漢之兵已足自保惟是貴州惟恃安氏而糧餉不充不敢多調其兵惟用以防省城耳迨東地方不能相及也今賊到始調援恐兵至而賊已去矣雲南廣西兵年內外當至至則貴可無虞惟偏橋一帶貴州既難遠顧湖廣又緩視之龍不得已

方為之募調計正月中或僅可及三萬之數龍當量發馬兵助之第兵猶可催糧每告匱唇乾舌敝督策難前萬分無奈須明言之惟望 廟堂主持嚴責亟備庶春間師期尚無悞也川中自餉已難貴州又來告借義在同舟即羅雀掘鼠亦須均分己以五萬給之如此那攢終成兩敵東征西討所用若何腹心之憂奈何惜此伏惟台臺垂念主持幸甚劉綎近似知罪俟龍駐渝從容觀之以定任使此時吳廣未到渠亦自應候代也陳璘聞有牌到偏橋計當與吳廣先後至亦在新年內外沈尚文自銅仁安車而去董元鎮續至亦高坐銅仁此皆有題過
明旨令駐偏橋者即陳璘已至渠亦當在平越興隆之間駐銅仁何為今 朝廷之令已不行於總兵何況督撫若處元鎮別無替人只得裁抑使之如更不堪勢須更換此須各裨將俱至又須預先題明蓋總兵非可輕易者故不敢以便宜驟行之也屢偵播內群情盡搖又密行道將以賞格招降亦多狡結外附者總觀其成未敢預潰然總兵尚多未至自難遽議

進兵大都龍之意寧遠無速寧後無先寧以濡須待無窮之機會不以造次貽噬臍之深悔恐道將中有貪功求速逞者望無主其說外刻完賞格二本呈覽內龍所題格內人名間有與前不同者緣近查其少

徐僉事

分布事俟面議此時可謂無將然韓白英衛間世一出自不必借才異代也人各盡其心事無不可為淪中兵日招集餉不時給再有脫中之呼恐難終諉曰無此事二道時時酌議便宜區處勿以呈詳往返致有紛紜不一

來副使

五司人怨雖深而力甚微止可以為嚮導若用以推堅則誤事矣運夫正在議處沐國且至非露機括也草草

張監軍

來教俱領用間雖難然此等小醜即顛倒之亦何害

不足多慮也進兵路分尚須酌議江津非入播之路止宜防守合江仍通綦江路今直達播州者川中惟三路永寧綦江真州真州則由南川進者惟將少可慮若南北相兼亦尚可支持統係面盡不一

沈按察使季文

閱播圖令人躍然聚米為山寧復是過蓋虜不但在吾目中且在掌中矣今泄泄從事者既痛癢不關即沾沾自喜者又得失相半安得數輩有心人如門下與之共滅此賊乎煩照此一樣畫二十張各省撫鎮道將要緊者各給一張其路道手摺亦乞多造然後縮小刻一板印刷盡給行間即賊見之當咋舌死矣懇懇

楊監軍

途中接教一何其詳悉周到事事當機也諸事在蜀者似已有備二省日日行催紙渝墨敝至今竟不得其要領黔省貧弱難過責之然亦覺因循偷安坐費時日楚省則但以紙上文字往復令人恨恨昨不得已具疏言之然何濟於事來教所謂雖盡法何益者

也今當再催之卽十得五六亦可矣楚省且不論貴省無兵卽襟然徵調止二萬人多無實數不足用也今惟恃廣西狼兵又不卽到雲南兵亦以夷警未卽來蒙揚之兵太少惟安氏兵可用耳已與陳恩言令歸而起六萬兵半守省城半守沙溪他日卽以兩路進彼已應允且言目下尚支吾之但有師期卽一味勇進不知可信否惟熟察之此卽吾兄所監之軍不可不留意也漢兵操練終不濟事不如用見成土兵若水西六萬廣西一萬雲南八千益以黔兵無慮十萬長驅直搗何慮賊乎黃岑寨膽苗既殘地方阻官道則惟有剽耳卽欲撫亦先剽而後撫便宜決策是也乃一不以相聞何耶賊必款犯黃平宜急備之無忽

史副使

瀘州吏書為奸幾誤軍興法應斬但此時運夫未議定差官一掣則各處震動派夫州懸恐千後至之誅一日盡集夫於重瀘未便也故仍行該道掣處之凡用嚴刑必煩立法既妥而後可一切從事耳合江進

兵仍會翼山關者此路攻守須臨時乃定以經播州外司之地須其人降順無他而後可議進兵也今但議夫瀘州若臨時進兵只撥瀘州夫往足矣

又

就近派夫自是不易之理不然以神宣威茂諸處來川東運糧豈但千里餽糧士有饑色而已惟是糧餉可以責之餉道運夫必當責之守巡方為妥當何者專與不專也且川東川南相去遠者幾於千里卽該道督水運尚可遙制若催陸運自當親臨兩地難周豈不悞事今定為就近派夫官徵銀給以工食仍照該道原派一石三名之數仍用里甲川南止用敘瀘二處川東止用重慶一府餉道但催一省水運俱至重瀘二處守巡則分催二處陸運至綦江至永寧以至播州皆其責也有夫無米責在餉道有米無夫責在守巡目下無銀且借大木餘銀用之事完派補如此則不矣該道原行而近者以得銀為幸遠者以免役為安上下兩利矣不佞熟思其便無以易此若再有不妥不佞亦當任其責耳已行之二守巡處昨詳

業已少之今三千得無太少問藍芳感渠言不患少
彼能用寡即任之矣今彼已去可在彼議定即發行
治糗以隨因糧於敵此二言者尚為可慮蓋糗不能
多而敵無可因則事去矣須仍為運給之無以省事
為主軍事必不得從省也別教謂當機立斷直同指
掌所指何事幸再教之草草

楊監軍 童總兵

自開刀來各路報捷獨烏江路甚為寥寥亦知其去
賊巢近必有待也乃今一戰而渡江奪關豈不快哉
安氏即觀望見此景象豈得全然不動恐從此賊遂
亂矣此中自南川路破桑木關之後即四出催攢各
路計二十前後方可抵關今該路以十一二破關則
只與南川路相應各路尚未得齊也然貴州三路一
催可至至則岩門婁山板角三渡亦取次入矣刻下
惟是奪關而據之則關為我用以戰以守無不如意
真快事也計此月終無不滅賊者僕直拭目俟之耳
懸賞不可失信南川路已給之矣

吳總兵

向來二萬有餘之兵分佈於以東與隆黃平等處或
可自保今不佞且發鎮雄兵三千去此水西之弟而
原谷所請者也又調到施州兵當從婺川發龍泉但
遠水近火尚不相及聞支簡亭兄已來沅州彼必有
自為偏橋計者但偏橋警息九股路絕賊即可圖矣
弟思之勦苗終不如招苗恐其處處蠢動故也第弟
亦臆說若丈見之真則撫勦惟所為矣也重兵三萬
以斷賊招苗之路此必不可緩者無問 廟堂從不
從廟堂原不中制何必待

命也如蜀中弟原題兵六七萬而今調至十四五萬
不然賊豈有不來者多兵而早了之與少兵而遲了
功相萬也大舉在眼前乞丈撫各多兵雲南有夷變
兵來尚遲惟廣西可亟催之五萬餉已解滇令安氏
以兵防之草草不備

又

黔中危急弟日夜憂之計無所出業以十道遣使催
促兵將願雖鞭之長不及馬腹其柰之何昨以一檄
移安疆臣令發兵守省城並一二枝之興隆且以千

金為牛酒犒其兵仍厚賞其母子想可得其力者又將施南衛土兵八千移之思南以應援龍泉一帶計正月初亦可至矣偏橋則數行楚中備之據王兵備言兵已漸集可保無事仍行令二總兵退苗約以文到三日而苗不退者劍當及之想當致死向敵苗或可散而後可圖大舉也曹仁佐持諭帖去諭之仍令該道動銀為備牛酒不知有無否昨差人來言前次犒安兵百金布政司窆三日乃完令人駭愕以單瓢陋巷之家而欲為斬將奪旗之事其可得乎弟久已

平橋全書

卷五

書

七

行司先解銀五萬去今想將到又移一咨於楚中令以十萬給黔此部咨奉

沈按察使

至渝城終於調度為便顧川中狗鼠癩疥無足多憂貴州警報如雲令人應接不暇奈何承教路道機宜種種當心百務鞅掌之時誰能助我一臂者惟門下耳李旭欲外向而機洩全家殺盡矣此賊益自速其亡也省下所造諸物火速發來差人押解舟行為便一物自有一物之用幸致意右轄公草草

支簡亭 郭青螺二中丞

賞格所以不輕發以我不明言征剿則賊亦且以事緩欺其下而不敢肆行衝突我尚得以候兵集而大

平橋全書

卷五

書

九

舉耳今賊已知罪無所逃東衝西突此時而不發賞格反自悞矣宜大張告示明懸賞格書冊諭遍地發去彼人人解體號令不行而後可坐困也師期不出一月便可速募多兵以圖大舉此時更不可惜錢糧懇懇

沈按察使

陳恩老成習事連日鼓舞之頗覺輸心似可大得其一臂之力者此等人不啻吳楚之劇孟得之真隱然一敵國云乃門下業以破格犒之固知大君子之見

出尋常萬萬矣諸凡打造在省者已急催之鉛彈鐵
蒺藜皆少門下徑行添造之諸可佐軍興者亟亟為
之無妨便宜也草草

張叅政文耀

得教知己榮泣為慰戎馬在郊即宜視事成都之行
可無庸也渝城兵多自宜分布分布者政所謂駐之
要路以減其勢使軍民兩便耳而議者謂分布早有
師老之嫌蓋以分布即為進兵誤矣汰其冗分其勢
正今日之急務門下初至而留心若此僕何慮焉

徐僉事

劉帥果有滅賊之志則吾之留未為不是也帥自能
辨賊乃往日條陳原為賣重迨至紛紜乃知世間只
有一箇忠誠外此皆落坑陷墜耳雖然如此今却又
十分性急不得急行無好步王道須萬全也今日惟
招誘一節為十分緊要然外司久已歸心惟其親信
之人能招為內應方妙耳如袁牟王繼先等皆自十
月內密領本部牌去者今明受其母於重慶彼處去
賊巢近恐應龍知之迨害其家不可不慎今允招一

人須能保全之人乃歸心若事未成而先受害則後
來者懼矣僕不日至渝城大懸賞格明示宣諭彼中
無不瓦解者然後大兵齊進首末有不授首者也進
兵必不可過春期幸與帥言令日夜圖之不日面盡

來副使

來教字字着實謂賊突出而擊我之必救誠然然川
中亦不能即出蓋彼之不能來猶吾之不能往也惟
湖貴為可慮耳三人容細問之草草

劉叅議

川南兵冗汰之無妨此與千金買駿不類彼偶一為
之耳今乃日日懸千金買死馬之骨縱使積骨如山
可得為馬否以無用之兵食易竭之餉可為寒心幸
力圖之

童總兵

逆賊狂逞貴竹帖危將軍又不至不得不一言之
朝廷量裁處以示法耳賊平且以功論矣東坡爛橋
之事彼中多咎將軍不出銅仁今可急移駐備橋與
隆興楚中犄角逐賊不然人言可畏軍政具存僕即

愛將軍不能私也今所調兵廣西一萬雲南七千水西三萬屬貴州用永順保靖各一萬烏羅二千屬湖廣用而二省召募者不與馬陸續當至至即鼓譟用之大征在即宜先退偏橋興隆之賊乃可從事且以此觀將軍矣

魏參議養蒙

監軍借重已奉

明旨此宜蚤夜圖之曷可遲也賊雖外示狂逞而內實窘急川中賞格久發其下皆有離心大兵促之無

平播全書

卷十一

書之全

不亡之理今所慮惟偏橋之兵未集恐其事急衝出流害全楚故且遲之然進兵必不過二月過此則雨水連綿河不可渡矣永順保靖兵各調一萬久已有行門下急急差人催之又敘浦麻陽十三哨等兵共三萬分發差人催來必於二月之朔齊至偏橋乃可不悞陳璘勇將將此三萬人鼓行而前乃一勦敵自無慮也此舉所係甚大且兵親拙速不聞巧違萬望留意為禱

郭青螺中丞 二首

昨得借銀之教當日行布政司先發五萬即令原來承差催之限半月到黔當無悞也若道猶不通仍須五萬再以一信來即解去矣若道已通則且莫還川但有到者且留用之後到者相還未晚也童元鎮已祭之又以一人守催動身門下亦可看人催之此輩

貪生畏死不顧羞耻昨劉綬亦三承差跟定方肯起身若與之說門面話彼亦無所用耻矣昔曾確菴與

劉顯書云將軍若不親到地方但差人領兵去本院必參將軍顯得之痛哭而行彼亦撫鎮也門下何所

平播全書

卷十一

書之全

吝於童弁乎近得監軍報賊必欲克黃平奈何如不得已即令安氏且以萬兵守黃平偏橋賊決不敢與之相犯也若以別兵守賊盡銳攻之尚不可保何如如九股苗既破地方惟有勒耳勒而後撫亦無不可但須止勒一枝之為害者其餘不可擊及之恐處處蠢動則大可慮是在將領加意若不必可剿則即厚兵以防之而斷賊招苗之路尤為急務統惟門下詳審之賊既已無所忌憚則賞格不妨分行但須令安氏發重兵守定省城弟近已於陳恩言之渠回日即

起兵六萬矣門下可先檄其二三萬守省城以東則萬全之慮也偏橋諸處難望楚中乞門下一面料理防守萬萬內江道中草草

又

近貴州承差來言十三日起身賊尚於東坡割大營也然則何時退乎昨不得已令安氏起兵三萬防省城三萬出沙溪以疑之弟安兵入省必須糧餉恐不能當此奈何蓋弟恐賊急而奔省城故以安兵當之若糧少或安兵不可全恃又在門下酌之多少當徑行也廣西狼兵一萬不知至否雲南兵先到者幾何查進兵平越一路省城一路沙溪一路洪邊一路貴州兵恐不能分四路則以沙溪聽之安氏洪邊出奇兵數千而平越省城二路須各用正兵三萬雲南廣西不及二萬尚須四萬則貴州前後募調兵與安氏之兵可以足之矣惟文分派之若兵多洪邊亦為正兵亦可也將官李應祥董元鎮各領一路劉效節止可守黃平其新起用二將並續到者為誰作何分布亦乞示之偏橋一路屬之楚中自有陳璘思南婺川

平播全書

卷十一

書之五十四

平播全書

卷十一

書之五十五

龍泉一路則以施州衛土司兵八千當之不足之數已行該道查三處原有兵若干不足者當再補之亦務足三萬以下之數則糧料必須該府出之乞夫亟行陰知府備之可也曩恐彼中道不通已遣人徑行該府惟文再以間使催之惟偏橋一路兵糧俱與貴州無干若地方亦自相關尚不可不照管也思南少一將楊惟中難當大任陳寅何如此中當再遣一將幫之並以楊惟中協之亦可但恐陳寅王鳴鶴皆不可卒至陳寅又或東路用之奈何劉綎已留吳廣已到川中似可無虞惟慮二省耳

陳總兵璘

將軍已至賊當破膽真從天而下也四川之兵久集時時擾其邊境又以賞格招其脅從投降者纍纍於途惟俟湖貴兵集即刻期入矣湖省已為調兵三萬今將軍復領廣兵三千足可當湖兵一萬永保二土司兵素稱勁幸鼓舞使之錢糧器具已行所司給之然土兵各有器械漢兵用亦無多想自能給也火器之類各衛亦有可以用之川當四路貴當三路湖止

當偏橋一路為力甚易幸將軍努力為之師期必不
過二月蓋三月以後水發瘴生甚為不便且川師已
老貴師亦集自不能便待也由偏橋至湄潭入捕路
甚平坦可以長驅逆賊多為陰溝暗釜以陷人宜慎
防之近賊狂逞垂涎思石宜亟救之將軍即宜駐偏
橋庶可招徠降人規恢進取逆賊多詐近將領多有
受其欺者不可不防草草

楊監軍

貴州一日而三報警令人心急如焚已專人發施州
之兵從發川入發鎮雄之兵從永寧入然不能即至
也童元鎮陳璘今在何處已差人促之夾擊亦未易
即達也總之鞭長不及馬腹其勢則然所恨者水西
之兵不肯為我盡力耳不得已令綦江南川之兵各
擾其境上石砮之兵遂一日而破其七寨攻其所必
救賊庶幾舍貴而之川乎川尚足以當之無慮也貴
州但得少暇即當集兵以俟大舉凡用兵者不亡即
圖存不死即求生敗即圖勝罪即圖功如無無端不
可一時自暇逸也聞雲南之兵已到廣西亦不遠

此二兵至即為正兵蒙天眷之兵亦不惡平越一路
無慮三萬思南已有施州八千彼中再湊二萬亦可
得三萬永保之兵俱併於偏橋此楚兵也沙溪之兵
總聽安氏則四路各有正兵矣鼓行而前賊何能一
一支持乎運餉之夫宜及早定川中亦至今方有定
議蓋此中從未用兵一夥秀才自不相習無怪也熟
食無如炒米每軍自帶五日之糧彼中路近即可足
用進關之後夫隨而運可相及也平越則童元鎮領
龍泉不知誰陳良班何如乞彼中即商量覓見教難
再往這也進兵的不可過二月至三月則雨水連綿
不便矣幸亟圖之

田東翁大司馬

前承教賞格有許之過者龍細關之無甚抵牾部格
處惟有加賞銀一萬兩及入關各賞一千與入播之
三千克圖之五千耳總之不及三萬也查曾確菴懸
賞登九絲城賞銀三萬兩李大頭目一名五千兩後
平茶土官先登獨得九千兩其二萬兩餘衆分之則
重賞濟事所從來矣蓋官爵多虛後往往有不與者

獨賞銀無不與故川人所重惟此不得不以此激之也
今亦不敢改此款惟聞播人及土司恐其子殺父而
降復為土司未肯盡力攻之故直改以其子投降止
於免死承其香火不言及爵土也再以二冊呈覽安
氏之賞亦止照常昨陳恩來龍面問之渠止言但得
成功之後量與一二長官之地足矣不復言貴州撫
院所許想知龍之不許而不敢言也龍亦再三開諭
之渠唯唯聽命因犒賞其官兵令之盡力防守貴州
蓋用而不用不用而用渠自無不盡心者事成之後
彼自當聽命於上無足慮也今若一味拒之則彼與
之合勢事更難矣吳廣蓋廉勇良將甚快人意但性
太急又不知川中地利而劉綎且懼禍貪功甚欲自
效比之前日似兩人然今進剿在即鄙意欲兩用之
分路而進俟議定當再以聞昨得敝縣王考功書言
臺下令其屬龍勿惑人言敢不心領願龍之區區一
念自起家時已定矣若不欲誅此賊則必不來矣裴
晉公有言賊滅則朝天有期賊在則歸闕無日龍不
肖竊以自銘願臺下無過慮也臨啓惟有皇悚

內閣學士二相公 田東翁大司馬 陳應翁大

司農 戶科 職方

自龍入渝城以來兵威頗振賊氣漸奪加以明張賞
格密行間諜以故逆黨洵懼降人接踵賊之第一心
腹李旭者首欲外奔賊覺而盡誅其家又以綦江之
事起自婁國悔恨而捷之至死勢已衰矣今而後蜀
無慮賊惟有圖賊耳所苦黔楚之兵力急難卒振而
二大將一未至一至矣以兵力單薄遷延於銅仁賊
遂突出興隆偏橋之間焚東坡斷官道招苗自固興
黃清偏龍泉諸處各嬰城告急而該省始議招兵然
晚矣先是龍屢行招兵為備而該省直以錢糧不足
辭不得已以川省給糧調來施州土兵八千鎮雄土
兵三千發之往戍復催雲南廣西一萬往援又調永
保土兵各一萬往戍偏橋即令陳璘到日督之進勦
然俱不能卒至也聞應龍已不敢出關茲所閱貴州
者其在邊四牌苗結連外苗耳數亦不多已行令集
兵相機勦之而蜀中綦江南川各令出兵擾其境庶
賊牽於北顧或可解貴州之急大抵攻其所必救彼

勢自不能久俟有解散之報當再以聞然貴州當事慮在目前之無兵若龍之所慮則以招兵已無救目前獨慮招調之兵不日至而餉不足以給之也川中已借給十萬此後毫不能加矣若廣西雲南福建之餉復不以時至則奈何此中山川險惡道途阻修即自蜀餉黔文到即發往迤在一月之外况他省乎若非仰借

明旨一嚴催之終致悞事伏惟台亮吳廣以二十八日入渝陳璘亦且至沅州李應祥入京追之不及其餘偏裨泄泄不至亦無處行催計貴州之有是滇廣之兵合即宜進勦而將領往往若此殊可慮也統惟台臺裁行幸甚

少司空趙寧字公

三運木仰仗台庇幸得羅株此固臺下流惠棠梓之雅意然令不佞得以少蘇疲民專力征討幸何甚感戢感戢冬月入渝城美哉江山之固此一世之雄也如此形勢向來幾為逆賊所據念之令人髮立兵威頗振賊氣漸奪投降之民接踵而至無慮賊矣惟湖

貴兵將未齊少遲進勦然亦不能久稽也客兵俱之邊播各城總鎮亦目下發去計數日後渝城止不佞標兵與原守城兵耳蓋兵在各邊城內自無用多兵以擾閭閻也運餉夫議定止於近處召募遠處量徵銀以給之亦自無多運米收米向來不得其人頗為民害今亦各立以章程總之凡可以濟軍興而蘇民困者不敢不勉力圖之惟耳目所未及才識所不到則望臺下不時教之顯望顯望

湖貴撫院監軍總兵守陴門川監軍總兵守巡

我輩受

命討賊賊不滅何以自解冬月天乾極可舉事無奈二省兵未齊只得待之計至二月主客兵集正應及其鋒而用之且賞格頒後賊黨盡有外向之心李旭被殺人人自危法曰亂而取之此逆賊天亡之時不可失也所定師期不先不後適當其可過此則雨落水發無了期矣各路並進賊即全勝之時亦且應接不暇况其上有懼心下有離心有不成破竹之勢者乎開刀之後有進無退一有疎虞

賜劍具在幸三令而五申之法曰必死則生幸生則死當日為行間誦之可也萬代瞻仰在此一舉白刃在前青史在後流芳遺臭請擇於斯同舟之言無復兩可幸惟亮在

楊監軍

每得書為之快然用兵事真米實麵一些空隙容不得乃從來二省往來上下文移只一味之乎者也紙上支吾竟無一實事所以至今茫無實效使川中十餘萬之兵坐食待之殊為可恨若早如吾兄事事料理年內即可完矣今師期雖不可迫然至三月則水發瘴生蛇虫皆能為害軍士苦熱何以向敵蓋必無出仲月之理計正月已盡外兵必無不來即不全到然水西兵自足當一路又有新召募苗兵萬五千人亦足當一路若少再招之三四萬無所不可貴州極有兵川兵皆半是黔人也止用之一月入播之後即遣還所費幾何川中銀已解十萬去楚中又令解十萬本色亦可取給目下黔中但能支兩月之食以後責成楚中必不悞也水西一向牢籠今事已至此只

東坡全集

卷十

書之九十一

得破格鼓舞之若成功之後彼自知法度何敢蹈播州之績宜勿示以疑致廢前功貴州去播地近易於相通但多方差人傳賞格入關內自有斬之以降者如趙仕登其明鑒也急行之無失童元鎮李應祥各令當一路龍泉一路以一能將如王鳴鶴陳寅之類領之即陳良玘亦可昨已發施州兵八千赴龍泉而該府以無糧為解不知川中調來兵遂可遠役川人以餉之手乞急與青前言令該府縣備餉無致脫巾而呼則難收拾矣尚有一二枝欲發今亦不敢發去鎮雄兵亦不敢發恐其無糧而搶掠也事在眼前萬惟留神懇懇

張監軍

今日得陳璘揭語多磊磊落落終是丈夫劉帥似不及也以數語激之當勃然飛動乃可使矣堯平事大有端緒當令謝道准其兵以安遠人之心此中更有大機括弟無有其陸賈之舌可使者耳誓師後即進鎮道行真州事猶可及也事在眉睫而無可趨于之以相馳騫者安得如吾兄與楊臨泉數言共殲此

東坡全集

卷十

書之九十二

醜如反掌耳草草

陳總兵

播州過二月即不可入故昨相議將軍若至二月不到亦須進兵不能待矣今將軍乃以歲裡至沅此天之所以亡賊也此時議招廣兵亦何可及水兵亦已不用今直用湖廣土司兵耳永保兵天下有名往年平廣賊多用之重以募兵不下四萬將軍若撫而用之此無敵之勢也師期在即幸日夜圖之無曰我至未久若賊臨城下可不與對壘曰我至未久乎賊黨已有離心不甚用命况數道並進豈能分身相敵此將軍嚙手成功之時不可失也思石龍葵一路最近備橋貴州總鎮遠不相及故昨題請兩鎮並得管轄其地兵將俱乏已為調施州兵八千幸再少助以兵以一裨將督之即可當一路以分賊之勢與備橋相為應援乃萬全之勢也揚應龍一毛賊今以六總兵共擒之已是可羞若再不能擒豈不可羞之甚將軍東征稱首功此番亦須首敘乃副盛名僕有拭目而俟之耳

支簡亭中丞

日月不居轉眼春仲此後水發河漲一步不可入播境矣我輩半年以來寢食俱廢所規度者謂何而臨機坐失養虎遺患千里畏人何時是了念及國法可為寒心今不佞誓不與此賊俱生已於正月十五日誓師發二大將於境上乞門下亦即獎率三軍約誓督發先令齊力養氣以需後令一齊進攻此後止發期會更不問物力之備不備也事在燒眉百惟蚤計萬懇萬懇

諭副總兵曹希彬

諭曹希彬你有稟帖來說鼓舞永寧人大小頭目踴躍向用我已知之又說與立合同不知何事但土夷性貪賞格已定你却不可分外妄許他致後日難應是我失信即到水西便如永寧刻血說誓都不妨只是鼓舞他用力便了却不可隨意許他他若亂說你說自有賞格這事我不敢專主恐你許得過了後難應也你切記之其犒賞銀如已到可面給之如未到叫人看守你回日若差人去賞也罷隨宜行之此諭

帖你自知之莫擊與土司人看故諭

塘報書

賊知罪在不赦恣行狂逞然不敢向川而向貴以貴州之兵力未齊也自川援貴道阻且修因令川境兵各出以擾之石砫兵已報斬獲酉陽兵復有報至百級尚未查明姑俟後報此後賊當撤貴州之圍以向川川兵力能折其鋒少延時日永順滇廣之兵可齊約期並進環而攻之賊無幸矣天氣向熱水發瘴生俱有可慮方日夜力圖之必於春月了此不敢留賊以憂

君父也臨啓無任皇悚之至

支簡亭中丞

師期已定計兄當不日至沅州矣貴州無力自完龍泉已成不守若吾輩不助之亦難逃應援之責弟先發所調施州土兵八千往近又發所調平茶土兵五千往為之守發川思南皆自給以餉恐黔中無餉兵亦不能居乞兄亦行陳總兵發萬人往則發思南之勢壯而吾輩之責塞乃可議進取也若石阡逼近備橋

平播全書

卷五

書

二十一

想又不待言矣貴州本折俱無吾輩須各餉其兵乃不悞事萬萬大抵楚兵已近四五萬即摘萬人以援思石尚自足進一路而龍泉一路原題屬陳總兵管者則兄亦不得不加之意耳陳總兵謀勇俱足允稱能將但須凡事應付之乃肯盡心其所請錢糧亦不多惟加意懇懇

貴州張監軍存意

貴竹自有兩監軍而氣增百倍乃知長城萬里端只在人來教種種當機令人心賞貴州非無兵苦無餉耳亦非無餉苦不早計耳只如借餉蜀中若早言之則三萬勝兵即可立至何至有東坡之失今龍泉又見告矣頃以施州土兵八千援之尚未至而城已陷今復促之救發川思南又發平茶五千建越五百以一將將之而往折色銀已給以一月第恐無處糴買而彼中本色亦從未備也可柰何煩門下力催之但有一二月本色之供即可了此賊矣約期已發勢難中止然播中三月以後雨多水漲處處阻礙不可復入再延歲時無貴州矣此亦破釜沉船之時不可不

平播全書

卷五

書

二十一

亟坐也幸門下力圖之彼中去播近易於招降大懸
官格密行招誘人人倒戈自可不煩兵而下奇正並
川端不出此禹代瞻仰與門下共之幸留意焉無忽

郭青螺中丞

師期已近乃忽有龍泉之事令人懊惱不已楊惟中
自以為善川播目乃一旦狼狽至此始信作偽之不
可久也弟先欲遣馬兵去一路來疲銳不堪計至彼
中當多整於道者因催施州土兵八千來令駐龍發
以當之乃兵未至而龍泉破矣柰何今恐發川思南
有失賊勢益張我氣益奪因當日發平茶兵五千自
武隆往計五六日可到倘賊尚未甚狂逞尚可以保
蔡川思南若石阡則去偏橋近已行陳總兵援之當
無慮也此時益多招兵一以候大舉一以保地方不
然彼一急而衝一有所失我氣自奪矣龍泉事頗大
不可不備門下有稿可急發來此事無妨大舉不可
以此便有退阻惟日夜料理為望酉陽兵自南川入
破其一大營斬首三百蓋弟原令以牽其擾貴州之
兵者計此後或當稍退則思石無慮矣援思南兵三

起一萬三千五百弟各給以一月折色但本色不能
多帶去乞門下速行府縣為備本色若折色再一月
彼中若無弟亦發去也曹希彬來二氏用命大舉事
十八九成惟力圖之懇懇思仁道此時他之楊惟中
不守信地皆理之不可曉者似不容無一弟恐彼
處無將且令惟中免死守思南然一面議處無不可
也惟速示之萬萬

劉總兵

平播之事將軍但能了此一生心事不辯自明誰能
施其謗口乎若目下行後亦不必有過慮僕既以兵
事付之將軍但責成功決不以人言為輕重也惟是
審時相機早建大功無失良會此非獨為國亦以自
為將軍必能審此無事多言寨子山江津二處事皆
成烏有令人悵悵乃知挽先一着之說的為不誣昔
人有言機會之來豈有窮乎惟將軍留意焉

陳總兵

將軍今世之偉丈夫也本部何幸得與共事缺為面
談良以為恨今將用兵事宜隨其所憶漫然書之以

當促膝惟將軍留意焉

入播之路有八蜀有四路不必言黔有三路曰貴陽曰平越曰龍泉楚有一路曰偏橋今龍泉一路題過為楚鎮守管則黔楚各得二路然龍泉偏橋相去甚近分而為二合而為一無所不可此在用兵者臨時酌定非所能遙度也

今播賊不比倭虜皆萬人一心者須以力敵播賊止應龍一人造逆即妻子亦不與同心其下人皆有畏死求生之意况賞格隆重人人動心宜遣古

平播全書

卷七

書之十百

辯之人處處招降若其肯降隨便給以執照當有不煩兵而下者偏橋指揮曹仁佐龍泉守備楊惟中皆素知播人頭目之情可令招之惟中失守信地應死姑饒死令立功若能招得大頭目獻關入播方可原免不然死終不免也可與言之

播賊無火器攻之須用火器今該鎮帶來有硝磺有火器便是長技矣
播賊於險路多挖斷又為賺坑上覆以上下安之
蓋宜詢問鄉道而進無墮其計或用水牛前行亦

可

思石偏橋發川進兵時酌量留兵城守餘分道而進若人眾五日之糧然後運夫隨之亦自不悞彼處路近故也

彼處苗頭阿萬任老三等皆欲投降提調張雲教等皆與賊有夙恨皆可用熟脚招之但受降如受敵須加詳審不可為所欺也

賊用兵好伏兵於數十里之外乘夜突衝人不及備凡進時夜營宜慎防

平播全書

卷七

書之十百

將軍所進只一路用兵無多但一料理即可齊備有所需者與該道索之若不能急備者隨宜處之但求濟事而已若但曰彼不應付致我不趁手此是後來委過之談至於委過則已無功可稱勲名安在不足言矣况又有必不可委者哉

沈按察使

顏京等所言無一事不切實如云官糶易取今已破矣劉縱鋪排等語顏京等三路行兵之說乃違疑不發而再御龍白南川先進一鼓而賊已奔斬首三百

所遺資糧八千人舉之不一而足川邊人俱有所獲一大快也其一營兵實只有二三千可見額京等之言不妄耳貴州之無備不止一端固是無錢亦是因循若早借則早給之矣銀已解去十萬今又發兵一萬三千為之守思南發川本折皆我供之亦無可奈何也楚中兵糧畧有端緒而陳璘尚以無備為言求緩師期已切責令之如約所定師期正如來教也大約蜀中似已全備二省只可五六分若待之到底亦不得完全只得如此舉事所謂以魯之衆加齊之半亦可克也未知天意若何耳

史副使

用兵重事誰保萬全兵連禍結不知何日可了前言免派夫銀望梅止渴殊近於戲非遂可為據也若兵事不解則東南之苦役不休東南不休則西北之派銀難免此時而議及西北之不派東南之不徵不亦太早計乎至於蠲免各項錢糧尤為駭人聽觀今方借餉各省請餉內帑又經部議加派錢糧乃無端而議蠲免不水不旱不荒不罹兵不善後胡遂及此

炊未熟而議抽薪非所以為計也若地方人聞此議則嘵嘵然動不平之議東西南北之人俱不可使矣萬勿復言師期不數日催夫為急經理進兵運餉事尤急正使俾夜作晝亦止得二十餘日望專心理事調停人情一着且放下正使好事者妄生萋菲然異議方興大事已畢乃為斂手不然恐無補於往事而又反廢夫目前也各夫給米原為入山以後蓋無處買米耳若在重瀘涪合則去家既近米尚可買彼寧願支折色矣此等事皆須訪問斟酌人情為之未可臆決若苦於無米不如給銀僕所慮正在入山以後耳幸與該道虛心議定而行之不必再有往返今只恐運夫不集有悞入山僕日夜慮之不能成寐幸留心焉

高推官折枝

二兵交關微公幾至多事彼將官素有軍紀者何至憤憤若是已行監軍道查究至當有處也若將官自能處首禍者亦自可了但恐其不能處則不若查明處之漢約法三章曰殺人者死傷人及盜抵罪亦

事乎多言

內閣趙沈二相公

西蜀多故民不堪命又矣乃地震山崩雜然而見天
災人禍可為寒心天鼓鳴於東南似是天聲遐布應
在賊亡亦不可知惟是川之西北推稅採礦襟還紛
擾山崩地震正當其間恐當有揭竿斬木而起者慮
不獨在播也夫德隆則後服道衰則先叛蜀人易動
難安自昔記之矣多方消弭如室鼠穴猶恐不及奈
何以多事擾之伏惟台鑒力賜主持亟回

平播全書
上意以奠邊方地方幸甚

平播全書卷之十二終

平播全書卷之十三

書札目錄二

內閣趙沈二相公 田東翁大司馬 兵科 職

方

思南陰知府銘

沈按察使

陳總兵

高推官

李總兵應祥

廖總兵

童總兵元鎮

高推官

諭遊擊王之翰

諭參將吳文傑

徐僉事

謝監軍 劉參議

徐僉事

湖廣胡魏二監軍

湖廣胡魏二監軍

內閣趙二相公 田東翁大司馬 兵科 職

方

劉總兵

郭青螺中丞

宋芳麓按院

陳總兵

劉總兵

馬湖蔡知府宗憲

思南府吳推官天祐著石所府印

陳總兵

劉參議

謝監軍

劉參議

劉總兵

徐僉事

郭青螺中丞

支簡亭中丞

劉總兵

平播公 卷十三目錄 二 宋

史副使

內閣沈相公

郭青螺中丞

雙流知縣鄧洪烈

江津知縣陳大經

內閣趙二相公 田東翁大司馬

劉總兵

吳總兵

路副使雲龍

劉參議二首

劉總兵

陳副使與相

楊監軍

張參政三道同此

謝監軍

湖廣川南道鎮

諭水西漢把陳恩

諭永順司宣慰彭元錦

平播公 卷十三目錄 三

蔡知府	郭青螺中丞	支簡亭中丞	劉叅議	劉總兵	高推官	貴州張監軍	劉總兵	貴州三司	史副使	劉叅議	劉總兵	劉叅議	徐僉事	吳總兵	劉總兵	吳總兵	高推官
-----	-------	-------	-----	-----	-----	-------	-----	------	-----	-----	-----	-----	-----	-----	-----	-----	-----

平
卷十三目錄
四
九

劉總兵	陳總兵	支簡亭中丞	洪副使	張叅政	劉叅議	三省鎮道	郭青螺中丞	張同知	張叅政	蔡知府	楊監軍	張監軍	內閣 <small>趙</small> 二相公 田東翁大司馬 兵科職	內閣 <small>沈</small> 二相公 田東翁大司馬	謝監軍	張監軍
-----	-----	-------	-----	-----	-----	------	-------	-----	-----	-----	-----	-----	--	-----------------------------------	-----	-----

平
卷十三目錄
五

劉總兵	張同知 熬	高推官	張監軍	謝監軍	劉總兵	三省鎮道	魏監軍	貴州撫道	謝監軍	高推官	李脩吾 中丞	戴鳳岐 制府	劉總兵	諭坐營都司 周敦吉	蔡知府	賈州張監軍	吳總兵
-----	----------	-----	-----	-----	-----	------	-----	------	-----	-----	-----------	-----------	-----	--------------	-----	-------	-----

郭青螺 中丞	吳總兵	劉總兵	謝張二監軍	馬總兵 高推官	劉參議	張參政	諭副總兵 曹希彬	吳總兵	張同知	汪登原 中丞	劉參議	楊監軍 童總兵	吳總兵	張監軍	徐僉事	陳總兵	張監軍
-----------	-----	-----	-------	------------	-----	-----	-------------	-----	-----	-----------	-----	------------	-----	-----	-----	-----	-----

吳總兵

蔡知府 趙州同世德

內閣趙二相公 田東翁大司馬

謝監軍

吳總兵

劉叅議

高推官

謝監軍

支簡亭中丞

張監軍

湖北守道兵道二監軍

蔡知府

李總兵

魏監軍

史副使

楊監軍

張監軍

李總兵

平播全書 卷下 二月錄 八

張監軍

劉總兵

楊監軍

洪副使

魏監軍

詹副使

張叅議文奇

劉叅議

內閣趙二相公 田東翁大司馬

貴寧道梅叅議國棟

楊監軍

宋芳麓侍御

郭青螺中丞 宋芳麓侍御

史副使 劉叅議

趙州同

史副使

又

楊監軍 洪副使

播全書 卷下 三月錄 九

內閣趙二相公 田東翁大司馬 兵科 職

方

劉將逗遛驕蹇罷之為宜第其父子久竊虛聲於蜀中間閭細民無不知有劉大刀者即士大夫能洞見其底蘊而小民無知則以其來為喜去為悲也人情不甚相遠計應龍狡賊必且輕之然播民之見亦川民之見當必以其來為懼去為喜矣道將士民皆以為宜留故不能不順其情然兵分四路將分二方各司其地若兩省然競進爭功更濟於事青州新舊二將亦如此用之大抵昔人竝將者同領一軍同攻一城故以兩不相下為嫌乃今分路分兵則多多益善故不可以例論也伏惟台臺裁察幸甚

思南陰知府鑒

思石去賊不遠一向因循無備動以貧弱為辭即貧家遂可不防賊乎今事已至此柰何楊惟中棄軍而逃失機債事已行拿問今惟有死中求生以保地方施州衛兵八千平茶兵五千建越兵五百俱發去當

急備本色已發銀去買酒急急收買若再委之無慮

買則土兵無食必且劫掠不可不知也若賊已去龍

泉即令我兵分劄龍泉婺川而思南運餉給之惟一

意求濟事毫不可推委董元鎮在貴州省城遠不可

至已行陳璘發陳良玘來川中領兵為王一桂孔繼

祖三將俱至地方決可保則當由龍泉進兵剿賊矣

幸亟圖之無後

沈按察使

播目來戎衣大帽意頗自得乃知用兵之事臭腐神

奇真無定也已發監軍道令鼓舞用之賊勢已急但

為備於關內貴州之兵已漸集大舉當不悞矣

陳總兵

師期已定決無改移此時楚兵已集正可長驅矣近

雖有龍泉之失然楊惟中領兵先送其家眷止餘上

官安民志以五百兵而當數千之寇何能自存惟中

已拿問民志當贈賸同歸於死但有流芳遺臭之不

同耳前曾有啓欲將偏橋思石合一路而進今得貴

州撫院所開路道亦如此蓋偏橋思石龍泉之兵總

之在於瀟潭而入關也兵既多須分奇正正兵由
路進奇兵由小路偷入張疑設伏隨機應變只在人
耳若龍泉有苗據則宜合大兵先取之此時遂酋內
兵一步不敢出關在關外者不過散苗能降則降之
不能降則剿之如摧枯拉朽何難之有川中發去施
州衛土兵八千原為應援思南者此兵甚勁與永保
同進剿時令之衝鋒賊必不能當此一路有永保施
州土兵必能得其力幸鼓舞用之土兵全在鼓舞不
可挫折以取其然將軍熟於兵事者當自知之也兵
多須有統紀凡事聽將軍專決之本部必不中制將
軍天下奇男子一生忠勇名在海外茲所當不過八
路之一何足為難但洗耳以聽捷音耳

高推官

此中之人奸詐反覆乃其常態外方人初至不知而
信之遂致黑白不分事體決裂從來如此前車既覆
可為明鑑而在事文武爭以招降自奇不知但為此
輩使耳聞來揭為之一笑以後應處者徑處之應言
言明言之不避忌不遷就庶無至債事乃所望也

李總兵應祥

將軍與童將軍並用此部議也事定之後將軍之綱
兵自在得來揭似必欲即真而後來者此非當事借
重之意古之純臣先公後私今 國家多難即草澤
之人咸思仗義勤王將軍受總兵之銜而來何所不
足乃必欲受代而後任事耶如以為無兵則調募已
多以為無

勅印則今之廢閣將官給劄領兵者不少何況

欽除總兵此必不可也師期已定賞罰自明幸彈力

從事勿貽後時之悔不盡

陳總兵

將軍到未久於彼中地利夷情曙於指掌乃知世間
事但得有心人逢早無不可為令人快然今人但見
賊破龍泉便以為不易與碩龍泉之失揚惟中原未
與戰若遇將軍彼且片甲不返能望勝乎昨已行文
拿惟中誅之而該道有文來言渠自願恢復龍泉因
緩其死限以十日十日不能復龍泉將軍即斬之仍
誅之也不然何以謝萬民乎大抵彼中一帶吏人皆

有求生之心但未進兵不敢出耳歲裡賊令何漢臣
攻龍泉漢良恐攻之則不便投降但於關外放火而
去賊知之因將漢良收監復令楊珠來封刀逼之乃
始攻破耳此可以知賊中心矣近川兵攻官壩其
頭目郭輝等驅苗使戰苗曰此是天兵與常時土司
與殺不同我等不敢對敵皆散去輝等不得已自領
親兵相當皆為我兵斬首至百餘此又可以知賊中
人心矣今楚中土兵若到聲勢自大諸苗不死則降
若土兵未到一面催取一面進兵夜多火盡多炮張
疑設伏令之不測多少賊亦無不降者但須嚴於受
降勿為所欺耳土兵所喜犒賞莫情錢糧今大兵俱
進不日賊手即費亦不多已力與該省撫道言之鉛
彈若無人象酒壺錫器皆可為之大砲則鐵石子皆
可凡事皆從捷法急圖之勿靠有司此一夥秀才終
致悞事可恨也

童總兵元鎮

龍泉之失罪在楊惟中將軍但遙制耳向以將軍來
遂不得不少有指摘近聞該省撫道極道將軍任事

之勇極力推轂僕為之喜而不寐是非無定毀譽何
常將軍能立金石之功僕不敢不為延丹青之譽戰
士之鋒端文士之筆端蓋互相發以相成也惟將軍
留意焉

高推官

陝西軍閥據處已妥但須令各將與土司歃血為盟
永不相讐可也進兵仍分二路或前或後為妥將領
可用者少正為之悶悶公乃慨然欲自將以前吾門
之士遂有可與行三軍者豈不快哉即為一牌竝發
令付之惟公所向不為中制但須事事慎重務保萬
全臨事而懼好謀而成聖人之所貴也糧運事恐夫
尚少竝為經理之草草

諭遊擊王之翰

諭原任遊擊王之翰汝先年領兵涇潭夫事已是廢
人止因地方多事聊以使過後聞汝處土官又多物
議即欲行法緣進兵在通姑青後效今當進剿合行
曉諭為此仰本官以後宜知上人器使之意盡心圖
報務立功名不得仍前苟且悞事若不實心幹事徒

亦窺暇行私不受本管節制或不聽監軍調度得邀
功卽邀功得避事卽避事本部院雖在數百里外大
小將領心行功罪一生品格無不周知况汝近在目
前手若有悞大事通前論罪必不假借 尚方之劍
先斬後聞汝所知也特諭

諭叅將吳文傑

諭叅將吳文傑永寧兵稱雄勁地近播州今日大征
是汝唾手功名之日近委副將曹希彬去非是分汝
之權乃以助汝之勢汝宜與之和同行事共立功名
每見將官有彼此相嫌多致悞事不知功成則共享
其利功不成則共受其害不但不忠亦不智矣汝宜
以此爲戒永寧土官土兵宜鼓舞使之用命自有賞
罰毫不失信共分兒周兒等頭目若不擒賊成功便
每人戴一頂髮髻來見我說與知之特諭

徐僉事

運夫不足昨以奉告再加八千若少卽再加亦無妨
此時進兵如船到江心補漏已遲然勝於不補慎不
可膠柱而鼓瑟也

謝監軍 劉叅議

黃郎兵既至亦不宜多汰此兵未嘗養之一日臨時
用之卽冒餉亦不多且土兵亦未可以大小論要其
氣勁不怕死可使耳合江之事殊駭聽聞其過專在
廣兵吳總兵氣盈志驕其下尤而效之此番再不處
則再不可使且自貽之禍矣幸與言之懸賞銀初無
定數此令先携去耳但多懸無不可所少非財也彼
中有投降者此時若查的卽可收若不真卽當處無
用兩可矣草草

徐僉事

南川餉事一至於此令人駭嘆此該道駐劄之地何
不一親督理而任其所爲乎目下發兵何以措手萬
一悞事豈能毫相假借本部所調來兵數萬皆一一
過堂今運夫總之萬餘而該道不一經目何得不至
狼狽此後宜胼手胝足下行有司之事不宜深居高
拱但行文移極溺救焚自不得以常格拘也只此相
囑再不瑣瑣矣

湖廣胡魏二監軍

楚中百事延緩但以文移支吾可為痛恨若非門下
與陳將軍奮發圖前一日作數日之事恐並其城池
失之况剿乎如承順兵彼欲得十六日行糧守道只
與以八日此時即寬與數日何妨而為此拘拘也講
錢糧索應付乃土司常態但大處節制之此小處若
一一樽節則不能使之矣計此時各土兵想已到須
加意鼓舞用之若能得其心自能隨我驅使安用漢
兵彈壓如川省南川一路二萬皆土司兵高推官以
一儒生將之攻險陷堅無不如意今且欲直到海龍
圍而止矣各處調來兵此時發去已遲昨已發施州
兵八千從思南去矣此地近題過屬陳將軍正門下
所監可調令合營也今日得湖北兵道揭言兵已集
一萬七千益以施州兵廣兵則二萬七八千矣永保
烏羅一到即可四萬此亦勅敵何謂弱乎幸如期鼓
行而前賊可立盡無慮也所議四款俱中機宜內亦
有見行者招降為第一要投順者多則不煩兵而下
矣惟是受降如受敵幸留意焉

內閣趙二相公 田東翁大司馬 兵科 職

方

龍一抵渝城賊自分死期不遠遂亦衝突若此聞其
先年嘗與人言 朝廷若不饒我我須拚死殺出逢
州打州逢縣打縣不知殺到甚麼處方了今日之
舉正合前言彼蓋以龍婪思石兵力稍薄欲甘心焉
以援兵不能即至故不免失龍泉以搗剿牽之蚤歸
故猶得全思婪使楊惟中只拒守三日賊以上邊兵
緊亦必撤回惜其不能耳龍初已行罕問即欲以
尚方致誅乃該道謂別無一將尚欲留之以捍府城
龍不意賊已撤去恐其長驅思南乃姑責以拒守今
須問明定罪要之終不能遁一死矣賊既歸巢令各
邊處處薄之而不深入黔狼兵行且至永順保靖計
日亦可至偏橋約會已定至期環而攻之必有土崩
瓦解之勢今未敢預言也龍經營半年不能得賊之
要領而先失一土司無所逃罪死生進退統候台臺
裁斷臨啓皇悚

劉總兵

報首欲出關迎敵論理此時賊似不敢親出若或天

逐其亡即親出亦不可知但我不可不嚴為之防耳
宜遠行哨探審其多少相機擊之少則迎其前多則
擊其歸全在此一陣萬分留心機不可失也賊無十
日之糧必不能遠出遠出亦必不能久住但嚴陣向
之無不勝者一面傳南川江津俱為應援賊少則攻
賊多則守皆隨其便可也

郭青螺中丞

師期久奉告至今差人未回也董元鎮在思石得無
悞進兵或取回或令從彼進無所不可惟在臺下弟
不能一一遙制之也無論大將偏將皆可進兵皆可
為主將不然八路安得八大將乎若悞師期則斷不
可即有一二枝兵未到亦無妨蓋八路齊進即有強
弱不同彼必不能當若有參差即獨強者亦有利鈍
此不可不留意催督也開刀以後如縛龍擒虎一步
鬆不得一時閑不得即不食不寢也說不得幸萬留
意龍泉之事弟不能無過焉不敢不待罪又不敢求
去以非其時也失一地方該道不可無任其責者於
理宜坐舊道故於大疏小有異同不然恐科中叅駁

耳凡此事宜會題以後宜令差人自川中去與
中路一也何如何如

宋芳麓按院

討賊之事川中頗有端緒惟二省未備待之至今猶
之手未備也計再待兩月猶之未備耳且恐別有失
陷加以時過師老舉事益難不得已約期進矣以
天之靈門下之庇倘曰以魯之衆加齊之半猶可克
也則幸甚願申嚴紀律鼓舞羣情不無望於門下幸
垂惠焉小稿數種統奉台覽幸教之一

陳總兵

師期已定此中劉吳二師已督兵赴邊收捕近邊營
寨以便如期長驅所至披靡無敢攖其鋒者惟見外
司頭目竝所遣內司監督親信人相携出降此可以
知賊之淺深矣將軍此時想必已整偏橋之旅軍中投
石超距之狀端可想見先聲所至草木皆兵賊有望
風倒戈耳偏橋原與龍泉為一路昨已奉告將軍總
偏橋之師令陳良玘領思石之兵合一社施州之
兵由龍泉進總會涓潭雄兵三萬斬關而入誰能當

之若慮思石單弱則留兵龍泉張疑以守亦一奇也
李將軍將平越黃平二路與將軍相為犄角今不知
到否如其未到將軍可竝此路將之一面合黃平掃
白泥一面合平越掃四牌而後渡江界河割朱家屯
則龍泉已在包羅而播州易於探囊又一奇也若李
將軍到則仍令督平越黃平二路自不妨耳兵難遙
度不佞亦只畧具大都至隨機應變擇利而趨將軍
自有圓機不佞安能一一於千里外臆決乎惟是無
悞開刀進剿之期與各路互為聲援則氣勢自壯賊
即人百其身亦不能分而應之矣兵合則強分則弱
各路齊進則弱亦強參差不齊則強亦弱不可不知
也進兵牌多寫幾面先傳人以驚人心或為數萬免
死木牌先投於內空處令人執以出即免殺或監招
降旗投戈空身者免殺降一人少一人之敵又不可
不知也懸賞銀令撫道多發無所不可總之俟將軍
自有妙用不佞但聽捷音入播之後賊若上四收捕
稍定宜戒妄殺攻圍出奇百九加意三十萬兵割一
慮宜嚴紀律切戒爭鬪統惟將軍留意無忽

劉總兵

此番之賊想是在邊各目報前日之警者觀其逢人
即殺可知其賊不多大兵一遇當盡殺之則後來無
敢攖其鋒者若是關內發來兵亦痛殺之留數人或
割其兩耳或剝其一目令之歸報則關內之賊寒心
此第一陣撕殺十分要緊不佞拭目以觀將軍作用
矣

馬湖蔡知府宗憲

黃郎兵與鎮雄兵相毆誤殺永寧兵則鎮雄永寧合
而擊黃郎兵亦事理之固然者也此不可遂謂助播
若廣兵擊殺陝兵多至十五人亦可曰與播有連乎
今只宜就事論事為之解紛息爭耳若彼此深求之
言勿聽之以搖人心也目下惟刻意鼓舞黃郎兵令
之前進白骨頭黑骨頭播人素膽落於此種惟留意
無忽

思南府吳同知天祐署石阡府印

思石二府兵八千糧萬石雖單弱亦足以自守矣
今惟有自川發去施州兵八千二府可植餉之亦無

多也公職專督餉幸以時給發無至有脫巾之虞大兵入播卽以夫運糧而尾其後此必不容已者龍泉卽不復亦無妨於進剿要之三省兵十道並進賊亦無暇爭龍泉蓋不待復而自無不復也若思石二府稍留兵自足以守賊豈有舍巢穴不守而遠出攻城者第城守之計自不可疎耳彼中撫鎮想自有調度惟公多方虞餉無誤兵行爲望

陳總兵

得來揭知楚中事事無備第一兵少而弱爲之憮然然此正月十六日發者計至師期尚有一月永保之兵卽加調者不能卽至而原調者亦必可來來則可用之兵已有萬餘加以施州之八千廣兵之二千可用之兵已在二萬之上矣餘兵雖弱尚可二萬計二萬中亦必有一萬可爲後隊一萬可充城守者以一

大將將三萬兵鼓行而前何慮賊也且平越興隆一路地里甚近鉦鼓相接緩則分急則合以五六萬兵合而爲一卽此自足平踏播州况此外尚有六路二十餘萬大兵乎火器火藥之類着緊用處亦自不多

平播全書

卷十一

貴書三之十五

將軍身親督之中夜不寐僕爲之快然舊器卽有不堪挑揀用之此中却饒此物所恨道遠期迫不能送去然計一月之內想已粗備也大抵賞格久懸賊中已有瓦解之勢又八路並進大兵三十萬賊自是應接不暇將軍但整兵而前或出奇或張疑或設伏或招降彼精兵無多皆以守固其餘皆無戰心者亂而取之蔑不濟矣但須詳審安定發必當機又於頭一陣大鼓三軍必期一勝則數節之後迎刃而解賊何能爲計此時應已得意而僕猶云云亦道其常且慮之遠故說之詳也歷來公文四次俱已到俱有回字想俱入覽此不一

劉參議

調陝於承寧謝監軍之議也若廣陝兵已相安動真不如靜矣鎮雄馬湖二兵亦具如該道所分布昨有文去亦是活法兵難遙度亦難遙制也此事初起總兵若能斬一廣兵以謝陝兵三軍自當帖然一有偏護遂效尤至此諸葛武侯曰吾心如秤不如秤必不足以行三軍惜吳帥知不出此今難再行法矣但

平播全書

卷十一

續

書三之十六

當謹其後耳軍中相關常事何必認罪此小家數舉
動非所望於高明不佞所慮惟在糧但餽餉不支即
為萬全他無問也幸留意焉袁年陳世賢在彼可急
遣來欲問以賊中事耳

謝監軍

永寧一路之兵多至四五萬幾加原議一倍則運夫
宜增募或令多支折色宜有定議而該道路略無一言
何也運道進二郎壩十日之程既稱險遠須有處置
宜蚤計之不時相聞瀘合兵相殺事已定各分路而
進不必更易永寧兵既願進一路亦從其便但緝麻
一路不防播兵突出抄我之後否亦須計明郭通緒
若投降即可受之開羅剛欲出降為播兵將家小取
至圍上竝分兒差人俱拿去是否竝查之若如此須
防之也永寧上司愛我學犒當此重任而言語不常
至取其結豈尚欲觀望耶宜嚴督之軍法甚重不可
干也奢世續必令親出令水西鳳氏亦出彼桀桀何
所恃乎運夫事萬望留意如少即將原州縣再加一
倍取之亦可或照該道原派盡用之亦可此須與餉

道時時言之無誤

劉參議

新帥備護營兵致上兵相效而起微門下悖大寬平
靜以鎮之幾有別事已與直指言之而門下以為歎
乎此帥廉勇足錄而褊急可慮恐營中無人調停之
蔡知府既督一軍便不能專傍總兵故復令梅同知
去名為督陣實令與總兵相傍令以其圓融消其褊
疎耳恐蔡守疑其相傍可以語之如梅子更不任亦
即見教掣回毋令生事事生也陝兵守五畝堡不免
以有用置之無用今浙兵到可令隨營而換以次者
守五畝其陝兵即令乘浙兵船來下水一日可至也
寧夏馬總兵至此兀坐城中無一兵相付俟陝兵來
即令領之策應蔡南蓋楊小翁原題欲以本官總領
陝兵亦正相應耳合江夫集此心稍放下尚未知永
寧如何敘府兵亦取來此中護餉者乃聞以守瀘州
何也

劉總兵

舉事之初最宜詳慎周訪吉為賊所欺幾致大劫可

為痛恨若此後無一戰功則軍威已挫即招之人亦不應况剿乎且此等小醜梗道何以長驅婁山料彼眾不能四五千而袁鰲穆焰已貳於我約會江津之眾彼此夾擊即可掃清矣幸留意焉

徐僉事

法令不行起於姑息太過川省有司慢事傲上習以為常其流之弊至於違悞軍興可嘆也一日得二公移沈憲長以失悞軍器解大提問新津令門下以失悞運夫叅處大足令若司道任怨若此何法不行何賊不平僕有樂觀其成耳敬謝敬謝

郭青螺中丞

承教誓師條約已領第止言其大都此乃更入細微而為一更壯但恐道里延長岐路甚多倘賊從別路衝出包我兵之後奈何前承教即以二紙移陳帥令相機分合今竝錄覽蓋兵無定形分布已定千里之外更掣其肘恐彼反以為苦莫若只聽其便宜舉事擇利而行可也楊惟中會拿之後又有該道文來言

欲仍守龍泉弟因彼中無一將官恐思石有失故復允之昨見

肯意令弟無疑畏不肯斬將致失事機此疏至恐又得

嚴旨然其實此番是應龍親來惟中即當之只有死耳今即緩其死亦不為廢法也施州兵八千已於初二日自彭水行計初五可至婺川初七八可至龍泉正及師期平茶兵未發恐彼中無糧致有別事故也兵既進只得令抵死向前更催水西為要多方招降但得入關三十萬人便可踏為平土幸萬分留意懇懇弟為此事鬚髮白矣

支簡亭中丞

承台教總為施州八千兵餉事此兵弟原欲同永保兵俱調為楚用者後聞人言該衛兵去蜀止數日入蜀便入楚不便弟以楚中求保兵已多故從便調之從蜀入黔為黔中用蓋從兵之便也乃黔院以龍泉一帶新題屬楚將燕制遂欲食楚之餉而思南府官又以該府本折俱無不能給餉為詞弟意委備於

楚則遠不能至委餉於黔則貧不能供若留之蜀而不發則思石一破慘酷可憐若發之兵而不餉則脫巾一呼驛騷可慮不得已一面發兵一面發餉三月折色俱從蜀給止令思南用蜀之銀為買色而近尚報兵止有一日之食已再催供應若其不給便當叅處弟之心良亦苦矣黔以無餉遂至無兵若目前不進剿歷夏及秋黔當無堅城矣何云有備乎黔近播而不能自完楚力頗完而兄在遠各道又鮮有加意者弟不得已一責成各道非為黔亦為楚也倘兄不以為罪則幸甚今師期興矣以天之靈殲此逆酋則幸甚若不即結更望膠力同心共滅此賊黔即不能無推委然亦力不能給我輩但可助者不妨助之但得一日早了則三省之福萬世之伐也惟兄亮之

劉總兵

得捷報令人快然此八路第一功也大兵四合賊據孤洞立見撲滅若果真心投降納妻子為質亦可容之令招頂山之賊但須萬分審察若妻子不真無受

其欺聞應龍已將各賊妻子拘之養馬城則此亦難得真妻子或即其本身拘執之但不殺令以招降亦可若但我力可取彼心不可知即當殺之專機之會間不容髮幸與監紀官詳議行之務保萬全可也糧運如不給即發兵一二千迎之不可全靠麻鎮恐致悞事幸留意

史副使

三月之外糧餉不繼此自當慮豈可必於成功而姑聽之乎若曰三月之外可慮不在餉則兵精糧足此夕更有何慮縱使別有可慮然必無罷兵之理兵不罷則糧不得不處即別有可慮亦俟事起再圖之縱使不佞以功不成被譴亦不可貽後人以難也楚中漕糧已有

旨不發只須自為計耳總之就近與監軍道總兵商量行之一面增夫一面減兵一面講本折兼支隨方逐圓要在不悞幸惟多方留意為囑

內閣沈相公

連奉台臺第九第十次書指授機宜職悉具備不出

廟堂之上折衝尊俎之間此西南億萬生靈之幸也
龍即不才豈不知感進兵事別有開陳不敢再贊項
蒙台諭大將加意失意無聊者應為劉縱董元鎮大
功不可專倚一土司應為水西敢不祇領但縱於去
歲十月到於時吳廣香無音信又別無一裨將可倚
只須照例留之候代渠因而懼禍貪功亟意復用練
兵治器日不暇給人情翕然以為可用即龍閱其兵
械亦果可用遂許留之其後吳廣以通年至地利人
情皆不甚諳亦請留之願與分路而進龍遂具疏
之前已上啓近見報已革其然分布已定只得
之進兵渠驕態全無一意畏禍今用之即未可必其
獨立大功至於通播貽患可以其無蓋彼當一路若
有不任自當治其罪若駕禍於人誰肯甘之彼歸家
尚懼有禍况肯益通播以速其禍乎即以形跡之間
決去之亦無不可惟是目下無人當此路不得不用
之亦蜀人士之公議也至於董元鎮據該省撫道皆
甚言其可用又李應祥不入黔而坐於楚地且文來
請必欲即直乃來此又近於劉縱初來氣象恐使功

尚不如使過故亦竝用之總之周播四面近三千里
分路而進若兩省然將雖多而反以為利不以為害
也若水西之用則有大不得已者渠助播蓋有年矣
今若欲滅播而不與共功且明示以外之之意彼必
以為平播之後必且及彼而助之愈力今名為調天
下兵馬其實浙三千陝六千廣三千河南二千山東
一千天津五百共萬五千有奇而已此外皆三省土
司兵即雲南廣西亦土兵也水西知吾漢兵之不多
而內助播外搗土司則狐兔之說牢不可破土司之
戰不力漢兵之技立窮事且去矣今之用蓋不得已
也惟是該省初以播勢難支許之稍過頗虞後來難
處近其自把陳恩到龍數問之亦只言事平之後但
願加銜分地而已龍問之曰加銜自有
旨意賞格亦欲分地遂欲分播州城乎恩曰何敢介
但近水西地方得一二長官地足矣龍曰此亦無大
事介何過慮恩曰但各目把言 朝廷費許多大錢
糧兵馬功成之後豈肯以地與人龍曰固也然 朝
廷原有瓜分其地之

肯若尔成功亦須瓜分此以全此信蓋朝廷所以制馭土司惟此一節若今日失信且如異日安疆臣若反再以土地許人人不信了渠俯首唯唯而去遂亦起兵大抵瓜分之說既有

明旨渠若得賊須分一二以完此信即倍此約彼亦必不敢有他唐人有言吳元濟既擒王承宗破膽矣蓋今之難惟恐人心不一糧餉不繼功不即成若功成不患難處也龍日夜籌之忘寢食者久矣輒敢責陳以紓台慮伏惟崇炤臨啓無任仰望之至

郭青螺中丞

招降給賞此原議之所不及補行甚宜已通行矣貴竹分布惟平越兵力尚薄大將又新至殊為可慮今日得報知已有三萬願為合之衆尚多未至者亦未足恃也若將官相機出奇招降納叛以巧取事亦自成功恐等帥不及此耳施州兵八千至發川止有一日之食可為寒心鄧知縣親詣思南告饑見不佞差人而泣數行下此耳可聞於賊乎弟已發三月折色而米亦不肯羅人情若此國事何賴恐不得不一指

及之非刻也支簡翁有答來必不肯認此餉弟直答以已發蜀餉足為二省解紛矣陳良玘已到思南王一桂已向龍泉火器火藥斧鉞之類皆從蜀發去惟本色不能至幸望臺下一催殷守令無若楊惟中龍泉既失而但以恢復自多也龍泉止有積骸數千而惟中謂斬級三十殆與鬼戰可為一笑今日聞賊拿宋承恩去與其女成親真所謂惡姻緣不知承恩能就中取事否吾進兵之日洪邊督報之想其有夙約也鎮雄之兵此中無所用但恐發回其領兵官缺望

而生事耳臺下可令龐澄差二三知事頭目速來押去無令生事則甚善懇懇

雙流知縣鄧弘烈

昨差人來言該縣山行七八日不騎而步至發川親往思南告饑臣子急公義當如此今之為有司者高坐營私卽一年不能當該縣一日也當益展獻為以成大事金石之業在茲行矣施州兵餉貴州湖廣兩相推諉可為痛恨本部恐至悞事昨已發三月本色價銀行思南府買米發一月折色給之今再發一月

去以後按月發去無可奈何只得如此當以信義諭諸土司官官兵吾不負彼彼亦當不負吾也若思南道府再不雜買轉運有悞本色之供卽具文來叅處之聞王一桂不能約束土兵何以爲將宜令勉力竝聽陳良玘節制至關當約會南川真州金子壩之兵同進氣力益盛受降一節尤須小心賊甚狡或詐降以欺我或開關而誘我大要自己嚴爲防守令土兵無貪小利捨掠散亂則賊卽詐無能爲矣諸所請火藥等器皆已發去若營中無用烏銃百子銃者卽轉送之陳總兵彼或有用也

檄書

卷十三

年書三十二

江津知縣陳大經

楠木洞到棋盤堡纔百三十里何謂到縣六七百里也王芬爲前鋒杜熊兆合後楊敏政卽宜護運不然大兵已出又何必擁城自守乎若楊真母柱諸賊未絕則王芬等宜剗點脚壩以阨其吭若諸賊已盡則王芬等卽隨劉總兵分布直抵婁山關楊敏政盡率諸兵護餉不過量留三五百兵城守而已本部已調陳嗣昌來守城楊敏政令之一意護餉可也其支餉

官自當隨營支散無待言矣總之軍前之事在將相機進取難以遙度若文武同心各求自盡則無事不可爲也軍中事宜不時飛報

內閣趙二相公 田東翁大司馬

賊自知難遁天誅肆行衝突再不舉事恐遂無貴州只得力與之角况川省之兵久屯湖貴之兵新至歲方旱河尚乾天時人事俱似相成剋期進攻衆謂得筭第未知天意若何耳龍以綿力有重任但以身殉無所復慮伏惟台臺主持臨啓無任瞻仰之至

檄書

卷十三

年書三十二

劉總兵

卽日得報楠木洞已下更快人意又得川南監軍稟賊於西路抽兵來綦江路接打羅剛亦來前有報安羅之賊來合楊兆林等當不誣也宜百分謹慎備之步步爲營火藥火器不可發之太早以致不繼浙兵萬縣兵皆可用者其江津兵去縣太遠糧運艱難若楊真母柱之賊未淨不可令之前去以貽後憂只宜扼守可也統惟隨宜處置務保萬全軍士勿以小勝而驕宜養銳厲精以當大敵萬代瞻仰在此舉矣

吳總兵

將軍斬曾九足以謝陝兵矣不然禍未已也瀘州兵盡調之永寧何以足三萬之數今鎮雄兵驕悍決不可與永寧兵同處除此之外馬湖八千浙江二千陝兵二千吳從周等兵五千廣兵三千建武等兵二千總二萬餘耳永寧五千原在合江者今何在乎賊若止二萬我兵亦須三萬以上乃可保全勝此須與永寧兵合哨破之然後斬關而入可也寧可謀為萬全不敢輕舉妄動自是正論但須早至幹壩扼險出奇乃可入關至幹壩當以一軍劄小水田為綦江路聲援可也劉帥兵少又無土兵賊又撤別路之兵以向之必須厚為之備聞其自已捐銀以調袁初之兵蓋非得已且調止一千又云須在軍門原調之外此即可與之此一家之事永寧兵多自宜分以相助萬勿分彼此也幹壩到播川驛不遠須揚兵以為之助聞曹副將自知之陳世賢已到袁年已賞犒發回彼不欲同川南進兵防袁初輩害之也王繼先不出恐亦此意然既投降無不納質者須令其出妻子或自投

兄已遣袁年諭之矣若果有二心當再以聞草草

路副使雲龍

賊破龍泉殺人劫財欲已足矣志已滿矣豈肯移兵移粟以守之乎恢復之說就其言而姑允之令以捍思南耳楊惟中輒以此自命試問綦江破後自去年六月至今年正月方遣兵入其中是誰恢復之小人耻不畏不斬真是笑刑若非立功終難逃死可以語之以彼處無餉故平茶邑梅兵不敢發去已從真州入矣思石兵若從苦竹關入至金子壩亦可與真

平播全書

卷十三

書三十三

州大兵合哨蓋兵可助餉可助而運夫不能遠去故於蜀地入就運夫耳至合哨則蜀亦黔黔亦蜀矣陳良玘頗知兵當督勵之令其立功但須謹慎無為賊所欺此時想已入境却無令其觀望取罪也

劉參議二首

合江雖宜進婁山但吳帥提調川南自無與劉帥同入婁山之理所差者永合既欲合哨則合江之兵宜分一半令一偏將將之入婁山但當時慮不及此耳袁年白哲美丈夫視無死法宜其出降陳世賢妻子

自在國上安得有真者彼觀時勢而效順自應取其
 新不可遂其詐王繼先真有觀望之意但業以賞其
 母人皆知之即處之恐搖投降者之心故寬之袁年
 出想渠無不出即不出亦必不為害蓋應龍遠不能
 庇彼吾朝發而又可擒之彼胡能為哉吳帥甚苦糧
 運幸着實催之非用重法難濟大事川東包夫人打
 死者數矣以一大將將五千人深入夷地至於絕糧
 啜粥採蕨而食備極醜態尚與降人之不觀望有是
 理乎九分布事宜畧與商量彼方延頸望後兵而絕
 平播全書 卷之五十一 六書之三十一

發尚若不給今合江一路兵頗少但糧不知到否運
 夫不知足否該道又不合江威茂又別道不知頭
 尾事事可慮師期久過吳總兵尚來催糧全不見進
 兵影響該道與蔡守又擁兵自保不敢過王繼先之
 門永寧三萬之兵當以候總兵俱不進是以一二枝
 而牽掣兩路之兵也兵貴神速今在內地迂延若此
 令人思之夜不成寐今該道只宜一意催夫運糧兵
 急催付吳總兵蔡守不能將兵即以合江將領將之
 令彼監之火急行之無再商量慢事其合江一路通
 婁山關者亦留兵防守其隘口以防零賊衝突然有
 袁年為之敵亦不必宿重兵也今劉總兵日日與賊
 交戰已破數洞南川兵已深入敵境夷人望風投降
 獨此路事事不備若閉門屋裏坐者可為寒心辛留
 意無忽

劉總兵

連日進兵事不知若何穆昭楊真母柱之賊不知已
 掃清否尚有鹿罕周五巴楊兆林何樣等在爬頭箐
 九壩庄等處皆有小路通貓兒岡檳梓驛者則貓兒

岡點脚壩必須有一兵防守方可免於包截王芬之
兵若令為一路自趙羊水爬頭箐抵婁山關恐兵少
糧亦難護若令屯劄點脚壩等處以防衝突包裹之
賊似為兩便不知可否軍前之事惟將軍主持偶有
所見姑以相商耳但此時恐各賊俱盡又當放心前
進無事他疑矣

陳副使與相

施州兵自蜀入守黔地而欲給餉於楚楚人難之有
以也蜀已發銀黔酒買米運米無再靠楚人荷戈推
鋒之士能束腹而候議論之定乎用兵若斯奈何不
為賊所笑施州土兵頗難駕馭但須先足其食方可
行法師行糧從更須一軍護餉無為賊所襲也運官
運夫稽悞者須以重典督之故發令去便於行法耳
軍中事時時報知不盡

楊監軍

賊擒采承恩原為成婚世間惡姻緣有若此者直所
謂以師婚也賊方於桃溪架屋栽花以迎新婚其女
且打鞦韆而承恩以初三誓師十二進兵皆報之安

見其有二心乎水西發兵否彼聞遣且不絕偵報亦
時有山兜伎倆何特是盡只須催督之耳陳璘進龍
泉涓潭為正以李應祥一枝兵幾不能軍故令之隨
宜分合想當不悞水西烏江不同哨中之不可測者
謂何便中當及之聞雲南兵甚不佳沐總兵空行之
牌亦不至陳毓翁又云遣象兵來亦不知到否師期
久過急擊勿失幸留意焉若大兵入關得賊貴州去
之甚近兄宜亟入其中以定人心布軍令無令過殺
以傷天和禱禱此後事宜時時報知可也

張參政 三道同此

兵行之初運夫不齊遂以乏糧借口連日嚴催急於
星火計已無不至此後却當計兵計米常令有數日
之食不先不後適相接續此則在委官多方計筭方
得妥當不然無則數日不給有則一擁而至饑則食
乏飽則棄餘雖積粟如山何濟於事今宜查一路兵
實數却計應給之數大約每月八二斗則三萬人該
六千石八三斗則該九千石今發過幾何自幾日支
起可至幾日止其後運逐漸發去者可至幾日止

日日計算無令乏絕亦無令拋棄乃善事也至發米收米一運二運各須有印信單目明白或該道給以空印紙令填亦可與總委官議為畫一之法行之一面見教草草

謝監軍

十二開刀今已數日矣十八抵播今過三日矣劉總兵日日與賊接戰已破數洞南川兵深入敵境夷人望風投降獨永寧一路全無影響尚未報到二郎壩何況幹壩何況岩門以此用兵將欲坐觀成散乎若有說則可若無說則是諸公落永寧穀中而不自覺也吳總兵今何在永合二處兵皆兄監之何不從長專決而耽延時日為急以見教無令人焦勞無已也

湖廣川南道鎮

六兵已舉有進無退賊即有武騎千羣亦豈能分身應之一路小苗見大兵來無不降者有不降者即撲滅之如燎毛耳共搗巢穴削株掘根在此一舉天子賜尚方之劍調天下之兵若遂久不決致有他虞即不佞無以自解况諸公乎幸嚴督之計出萬全

功收一戰此不佞所日夜懸望者也軍法重復期之諄奈不稟凜乎

諭水西漢把陳恩

諭陳恩亦動以忠順恩信為言今恩信甚明忠順何在師期已過按兵不舉何以自明亦常言不絕賊者為行計也須至進兵方可絕之今已進兵猶未絕也情見觀望何計之行亦官若負吾恩信吾告之朝廷豈肯善罷楊應龍是何等氣勢何等兵力而今若此矣宜審處之毋忽

平勝全書

卷三

書三

諭永順司宣慰彭元錦

諭宣慰彭元錦亦家先世以來南征北戰多立功名海內之人無不知之今播賊遂天動兵征討亦宜嚴督軍士務殲元惡以建殊勳懋官懋賞自有甲令歷來文揭忠義諒然每一披閱輒為色喜今天下兵馬各省土司皆在此處古人有云義氣常凌豪士前功名肯落他人後此軍門所望於亦者也故諭

蔡知府

陳世賢若非遂賊心腹則不用之為提調矣姑贊賞

之以風後來亦雍齒且侯之意也王繼先事已付之該道馮元膺在彼所言何事問之乃不能道一詞但云繼先一條草人何能為者想到此受其母之賄而變其詞平播人情態大抵如此凡用之即宜防之若元膺者變詐閃爍即不用之亦可也

郭青螺中水

湖省漕糧三十七萬三省分用後見報倉場疏留得旨下部以為無復望矣近得部咨似未覆倉場本原糧仍許發者可為一快已移咨支簡翁三省各分十
平播全書 卷三十一
二萬乞臺下差人守催之陸續發來近便地方轉運無所不可幸無遲也兵進數日畧無音耗烏江一路兵二萬得無少單雲兵聞不佳狼兵不知可否亦順兵雖強尚恨其少若水西擣其中堅萬無足慮矣乃察其情形尚在觀望今却不可仍與好面皮須多方責備之又多差人監押之不然騎牆觀望猶可且陰為之助則事去矣觀其不與鎮雄合哨此意可知萬惟留意運夫極要緊弟數日寢食俱忘始有次第幸從中路近然不可不加之意也劉綎將綦江路叛目

漸已掃清真州一路望風而降消息頗佳惟望三省齊力賊無難授首萬乞留意仍不時見教為望

支簡亭中丞

湖省漕糧三十七萬先經戶部允發三省支用後見倉場疏留奉

旨下部以為無復望矣近得部咨似已不覆倉場本而仍照原議發用者謹以咨請乞兄作急督發近貴者發貴近川者發川荊州一府糧不知幾何若令沿江凌撥十二萬溯江而上入夔門達重慶即一月可至若遠則過五月瞿唐如象一步不可上矣萬望蚤發為懇進兵數日畧無音耗不知若何幸就近督之惟糧運為苦而陸運又苦中之苦第志寢食者數日四路糧運始有次第不知彼中若何三省既均分十二萬之儲則湖省須餉龍泉路此更不可易也惟台裁

劉參議

監軍道有揭來言進兵之路自二郎壩分為二路表裏夾攻岩門關下之更易即令如議行矣謂西路別

有機括者云何何不以見教也鎮雄兵議定急以聞
王繼光畢竟不殺為是蔡守膽如芥子若不以兵付
將官則八千人尚不足自衛也如彼隨營意懶即令
梅同知前去此子固沾沾自喜但多易耳吳帥之兵
終少永寧之兵又難分也但可發者即發之去無留
之令其苦難蓋彼尚不知鎮雄之不可發未寧也知
之益奴奴矣劉謙兵是合江數急以付之凡將官用
兵我輩但可與商量不可大張主帥督撫亦然恐該
道不知此意故敢悉心以告不盡

劉總兵

聞安穩松坎一帶賊人欲投降恐蔡人害之只得死
拒官兵此輩終成灰滅但目下梗塞不便今發告示
去招之有投降者即押之重慶庶蔡人不得害之而
運道無虞兵可長驅也告示須於敵境張之一切賞
格多方傳入幸留意無忽

高推官

連日得揭報見營中法度嚴明軍士和叶僕為之喜
而不寐知公乃真可與行三軍矣惟是糧餉一事令

平播全書 卷五十一 書三下

人心碎至志饑食蓋一向行文催促急於星火乃不
意有司延玩之甚也近分守道已入南川各有司皆
領夫親去想無不到之糧矣萬一不足則不可不一
計筭但飄然而去須就近將糧分俵軍士令各自帶
數日之糧前行然後令糧夫回取於路仍連珠為營
以便接應但至關劄住則糧以次到而兵得宿飽乃
可再裹糧而入關也就中如有破竹之勢可以因糧
於敵非所預知惟是自為萬全之計不可不如此此
大利大害所關不可不萬分留意兵如太多即留一
二營劄於路上為聲援亦可免餽運不給之患也統
惟斟酌要在濟事萬惟留意無忽劉總兵兵亦各自
帶糧去蓋此乃自己性命自是妥緊聞楊酋笑土兵
無紀律好搶掠云但以一二庄財物婦女妾之即可
盡殲之矣此亦不可不令知之而收歛防備也

貴州張監軍

永順勁兵也數至一萬可以橫行播州豈可但守東
坡而已調守烏江足破賊鋒是謂得筭非失策也苗
之助播也以其強其擾黔也以其弱八路進兵播且

平播全書 卷五十一 書三下

不保苗當坐而觀之耳卽有他慮三五千尋常兵卽
可防之多用傘蓋火器以振軍聲彼莫測虛實卽不
敢動矣至白泥四牌必湏合兵掃清則在該道與二
帥圖之綦江之兵十戰十勝已淨掃關外之苗南川
兵所至望風投降無格鬪者永寧聚兵八萬平壓賊
巢旦夕碎矣彼中此時想已得志惟嚴督之無至後
期入關軍中事時時見教不一

劉總兵

初聞楠木洞之破以爲亦常事耳近聞其洞甚險乃
永寧播州所圖之不能得者今一舉而破之亦以奇
矣將軍宣勞將士用命良快人意今發懸賞銀卹爲
牛酒之需辛擇其充衝鋒者厚給之死傷者倍之庶
人知鼓舞前可無堅敵也卽日凄風涼雨三軍淋漓
可憫本部恨不能以身代之奈何奈何

貴州三司

誓師成禮知諸公之重其事矣遂賊未滅糧餉不給
不佞恨不能割肉補瘡以實行伍禮儀燕享之費且
令帶四充餉若以

天之靈諸公之庇遂賊授首罷兵息民卽勉爲諸公
舉一觴所不慚也草草

史副使

調兵事昨已告此無大關係卽有誤言誤聽亦不足
較計短長大家地方大家兵馬在彼猶在此也今二
道所急不在兵在餉耳兵過三萬自可常勝卽有增
減任之將官惟是兵進愈深餉轉愈難一運之後夫
或有苦難逃避者自永寧至二郎壩又至岩門又至
養馬城爲路各幾何幾日可一轉夫與兵是否相當
作何預計此宜時時討算今兵馬已足本折已足只
運餉不絕成功便易一成之後大家受用其餘閑氣
一切擲之矣以後望日日以運糧事相報令不佞少
紓焦勞其餘爭是爭非不佞再不復言亦望勿言及
之也永寧是三軍家當防兵二百何以放心遂賊曾
有燒糧之說二百人卽巡警盤詰亦不足况防守耶
土同知王好善兵四百及程上策黃甲李酉麟等兵
可留千餘於城護餉之兵卽二千亦可也惟酌行之

劉參議

合江糧運近訪一水路如果可行省力五倍可卽一面查看行之今日勦王繼先畢竟不妥彼有險固楊應龍從來不能得志今一旦圖之彼曾報兵五百必有一二千人若知之而據固自守運夫一人不敢赴土城矣卽今吳總兵已向永寧借糧若再停運三五日一軍皆當餓死卽使付之分兒彼正攻圍交兵運夫亦不敢行猶之乎病運也縱使彼觀望亦必不敢明白劫糧昨稱糧運有警或是分兒父子故爲此舉以害之亦不可知今只當將計就計籠絡之以求糧運無阻勦非所急若不得楊應龍此輩卽殺千萬何益哉今恐該道不放心因差一官行一牌去責令繼先來重慶令其兵卽守地方護運夫彼若出卽可無虞卽不出亦必承認護運可以坦然矣一面行水運以備不測今該道只宜日夜籌算運糧事處處行催州縣官不可分心他事也

劉總兵

楠木洞之捷雖奇然所斬獲者外司苗民所招降者綦江人戶原是應龍所不照管不著疼熱者今已休

兵五七日矣正宜乘此前進席卷零賊直斬重關賊自瓦解若只以驗功等事遷延不進各路旣入將軍獨後何以自解則今日之斬獲反是賊以餌我疲我爲我塞責了事之計矣此不可不慮也江津兵旣合浙兵又至此路已有四萬何慮賊哉將軍留意無忽

劉參議

婁山抵合江乃正路也此不可無防三道俱在邊城催糧尚若不給而該道必欲至二郎壩何爲此一事斷須相從無再以便宜請若人人皆可便宜則事去矣今川南有敗形四兵將不和一文武不和二人各自賢三以衆爲政四吾憂之至髮白齒焦而諸公猶若平常無事然且柰何陝兵畢竟作何處二千雄兵調自數千里外費餉不貲可惜也鎮雄兵亦宜有定議然此猶小事只糧運萬分緊急李廷謙王塾皆庸才不能事事而該道又欲棄之他往吾不知所終矣

徐僉事

運米營中當寬然有餘使數萬雄兵安心討賊無憂匱乏至哉言乎安所得此語而稱之不佞爲之擊節

數四自是無慮南川路矣聽之門下不為中藏矣川東俱略有次第獨川南可憂奈何

吳總兵

劉將軍已度松坎陳將軍已掃白泥將軍尚未報過二郎壩也幹壩岩門何時可至安村羅村會否歸降言日夜望之眼穿腸斷矣用土兵宜時時拊循之恩威竝用不可一味厲威嚴使其離心則難用也僕嘗恐將軍性急輕進今進取却甚從容然又不可一味從容恐失事機耳糧餉何如不之絕否報之

劉總兵

連日無移營消息何也張漢清之賊不多可一舉殲之即可到頂山矣節報賊欲出來包截此是以虛聲嚇我糧夫然亦不可不備俾獲人口宜蚤解之巡道不必候吏同知恐久之不便關防致誤正事此一小捷便牽延數日後將何以舉大事乎李旭之不死天也賊當終滅於旭手耳鹿罕小寇何足為有無然乃此處誤傳非賊之計也陳將軍已掃白泥有報矣

吳總兵

營中消息若何何不見報一二安羅各村已投降否曹副將於彼中夷情甚熟凡事可以商量再與監軍道商量當無不妥其別道亦不必事事與言恐致致掣肘不便行等也戒暴怒審機宜務使上下情通人入用命即賊不足平矣陳世賢仍令原官帶回即發之曹副將令彼用之以招來降人將軍不必置之左右蓋播州人與川人合惟川人能用之耳糧已足否時時報來

高推官

漸近敵境百凡宜慎頭人來降更宜審詳無為所欺若漢人寓播而喜亂行詐者不妨誅之勿以姑息貽害進兵路道用寄覽賊中聲息香然無聞居然有背城借一之意從此以往日如對敵約會入關虎穴得子端可必矣

劉總兵

即日紅旗來報將軍破楊朝棟之兵若果如此良快人意但賊若以親子領兵來衝此是欲決於一擲者若不得意須糾眾再來可嚴備之務以全取勝則效

一役也將軍之功真第一矣訖俟後報

陳總兵

楚中糧運向虞其悞特以具題乃竟悞也今想已到如尚未也卽具文來叅之不可存體面令三軍忍飢赴敵將領夫馬自備成何事體事有大於此者爲何事統寫來當一體叅之耳楊惟中到底不幹實事昨不知何處找得亡人首級遂以恢復龍泉自命揚揚得意不知此遂可以免死乎以此人付與將軍但須勉之立功立功不奇死不免也昨得新

平播全書

卷十三

書之四十七

旨令本部院毋得疑畏不行法致失事機昨處此子頗過疑若仍前說詭不實做終須斷耳四牌七牌此時想已掃盡便可割大營於關上約會齊入矣劉鎮守一戰而走楊朝棟斬首千餘亦一快事想將軍更有等而上之者望望

支簡亭中丞

承教楚兵以四萬計乃陳帥有揭報見在隨行止九千人何也兵如此其少更苦無糧此何以故望嚴催之運夫須令正官自押乃不悞楚中力非不足

法耳行兵須用重典有司悞事者徑革其任佐貳

下不時懲治又須多差人守催無以騷擾爲慮蓋一勞永逸不得不如此所謂逸道使民生道殺民者也施州兵八千第已全出三月本折以楚兵守黔地又楚帥信地而蜀爲之出餉第只恐土兵無糧生出別事又費收拾耳大抵土地者朝廷之土地錢糧者朝廷之錢糧大家儘力支持何分彼此該道所云全是小家子說話不必聽之也若三月之後師猶不解則望兄姑供一季蓋黔力如不贍致有別事少不得貽累二省但

平播全書

卷十三

書之四十七

社稷有靈此賊或未必至彼時猶不了耳蜀中餉米將竭十二萬漕粟仰楚中如大厦望留神蚤發爲感

洪副使

安氏兵不舉或欲觀螭蚌之勢也所不可知或尚存狐兔之情也所不可知是在門下嚴督之更以忠順之福觀望之禍開譬之彼其募下多智人如陳恩等皆號爲讀書能文章者乃不能明義理識時勢則亦謂之讀書不識書也若宋參息之書無足爲有無

仰遂賊所自撰或其黨代撰者也安氏自不為所惑但無令失之太巧則佳矣劉帥一戰而走楊朝棟斬首千餘亦一快也

張叅政

降夷至六百九十餘宜轉發之江北遠地豈可令在營中宜急取解也賸受一人何必正法殺人多矣豈須此輩令背負示諭賞格招降乃善策也但恐已窺綦江之虛可放去否酌之酌之今日報劉帥大捷果爾則門下發縱指示之功豈淺淺哉

劉叅議

楊朝棟兵至綦江路一戰而敗奔回復創羅古地與官兵相拒此其不肯退去明矣向傳賊欲力敵劉總兵以驚各路今敗而不退其兵必多又聞貴州屢報賊父子俱領兵出綦江則應龍又在婁山關調度者此亦勦敵也劉總兵兵止三萬請兵甚急門下所畫策正合機宜今宜先發馬兵取江津間道入東溪以應援之其鎮雄及袁初等兵以後繼發俱令由江津來相機前進方安蓋彼大兵既在婁山則宜合力推

退方可分為奇正長驅直擣此機萬不可失也其內地之路處處相通奇正分合無不如意總之不戾於門下原指袁初等兵即以季長年領之鎮雄兵須藍芳威如未到即張本等且領來亦可也吳總兵報安羅二村俱降船門之外兵不血刃則益無事多兵矣但糧運則不可不為留意耳

三省鎮道

三省兵三十萬與逆賊環向而爭播州上伐下大加小順討逆與袁曹之官渡劉項之鴻溝固已萬萬不侔矣乃各路久踰師期遲疑不進此非獨武弁貪生畏死也文臣苟幸省事欲乘人之捷而居其功者曰進兵倘一路成功未必為首功也一路敗罪且此路獨當之矣若大事不就自有總督非他人之責也此等心事無甚難知不知事若不就僕且人人數其觀望逗遛之罪告之於朝使各蔽法焉而後自即刑不以大吏遺不以卑官分也不然朝廷設撫鎮司道豈皆欲坐觀成敗而獨令一總督之為拮据乎此月不完此疏必上幸與諸公言之撫院處亦蚤以告

不然今日不言即他日言之晚矣

郭青螺中丞

宋承恩不勝其伉儷之念身自投賊此何足為進剿之輕重無用急急上聞也土司董神頭兇險我輩被其作使馳騫不休彼反以為得意矣水西按兵不舉反欲臺下幸其營若不能殺賊即營壘如山何足言乎昔陳恩與弟言勿斷伊往來使得行計弟曰尋常智任之若定有師期豈得不進渠曰若有師期則不敢不進兵矣今師期久過蜀中日與賊戰而彼但割其內地三月初一日楊朝棟親與劉繼接戰兵敗痛哭而歸人皆見之彼以為松坎之說非也乃至今日方上討賊之疏此非獨欲玩我輩如土木更欲弄朝廷於股掌耳數日後弟欲上一疏明此事臺下幸勿以為訝昨見報廣西助滇餉三十萬今閩中十萬當已到楚中弟已令以十二萬本色餉黔仍為催折色十萬昨蜀中已送去十萬則目前事勢黔富而蜀貧矣龍泉施兵八千黔楚皆不認餉弟只得認之昨方伯君來言蜀藏已竭自給亦難不能餉黔也弟為

平播全書

卷十三

書五十五

之茫然自失故鳳陽之銀未敢發去然已差人催廣西矣附白

張同知鰲

合江運事狼狽一至於此若非該廳留心稽考極力擔當此一路兵俱當餓死何論討賊乎水運事本部自去年八月間已查考明白甚在可行而該道畧不議及所以專官前去舉行今該廳亦同此見本部眠始帖席矣已於嘉定合州等處差官刷船三百到卽收以發運若其可行立承寧一路亦從此去充使事也幸力圖之吳總兵兵至月半糧當盡奈何幸其兵尚未至三萬若及二十以前到尤可及也過此無米則可憂之甚矣力圖之力圖之

平播全書

卷十三

書五十五

張叅政

楠木洞之下九盤子之捷皆天也以此觀天意知賊不足平矣南川兵已深入敵境不可更分已於川南調兵一萬益之數日內可陸續至也賊必不能親至大戰蓋過初十則各路兵皆深入彼自應接不暇矣但綦江路不可不厚積而嚴防之已行劉帥堅壁勿

戰以老其師待其退而進擊之師亦有兵者當不錯也彼需浙兵為甚常與之留別六守城可矣運夫致殞情殊可傷以後令米至即收若趙奇者可一懲之當以其詳見教草草

蔡知府

有自營中來者言親見該府短衣草履上下於山巖之間二千石米穡阜蓋至貴倨矣一旦而冒煙嵐衝風雨與士卒分其勞役僕為之惻然動念焉願丈夫定傾保大經營四方此為實事彼下惟坐車中如三

手播金書

卷五

書三

日新婦此為鬚眉女流耳即以彼易此志士不為也今想已至二郎壩過此以往則為賊地衝鋒破敵非文儒事此一軍止宜付之將領應敵而該府自在大營行監紀之事庶事有專責立得實用賊必不敢出岩門關謂應龍自到二郎壩者未必然也楊朝棟則實至點脚壩已為劉總兵破之斬首數百痛哭而歸矣

楊監軍

八路進兵各路兵各三四萬原欲以一

州全師更剋期齊進以八加一此泰山壓卵之勢也今湖貴按兵不進而令川獨當其鋒已非貴又不禁安氏之往來而令此時猶與之通信此非之非者也向來所云通信不絕欲以計除賊耳今通信半年矣所行何計所殺何賊遂賊父子親率兵與川中二總兵角若不倚安氏為泰山何敢空國而出若此楊朝棟兵敗松坎痛哭而歸至今猶在兆陽水若曰行計殺賊此時即可乘虛擣入更待何時行何計乎他日官軍殺賊至必不能存之時則掩之以收漁人之功

手播金書

卷五

書三

若官軍一不勝則竟與連和曰吾且行計也以一土司玩弄 朝廷於掌股之上以為無天日手數日後無消息吾欲明言於 朝一處之以戒觀望然此猶土司常事也烏江一哨雲南兵狼兵永順兵本處土兵不為少矣畧不見一出奇制勝此又何也重帥豈亦有四十八枝頭目可以自固耶異矣異矣省城路甚近運糧極便乃無夫何故郭青羽宜只在省下督運不宜入安氏營徒費時失事也弟一月以來與四兵道不寢不食僅能了一運糧事即黔安得以泄泄

了此幸力圖之不盡

張監軍

安羅桃紅三村俱降安鸞仍斬一提調一參寨一苗
三級獻功自贖羅剛女已送出本身未至有云吳帥
留在內作用有云彼尚未肯即出總之縱不即降亦
已持兩端矣只可任之却不宜如巡下南之多疑也
王繼先來見眼雖昏口甚辨其心機太過衰年亦美
丈夫也在舟中尚長吁云恨我恨我蓋見吳帥舉動
率易恐非賊敵而慮之耳至此聞楊朝棟被破想當
死心今不自振厲而責人觀望可乎即留之此處事
寧放歸矣

內閣趙二相公 田東翁大司馬 兵科 職
方

外人易視播賊者以為大兵各路並進羣賊應接不
暇脅從之衆非死則降彼遂賊獨坐窮山直成擒耳
即龍分佈之意亦以為然乃既進兵而知其不爾也
唐人有言吳少誠拒命三十年淮蔡雖在中州實同
夷虜况播州原自夷地應龍又以積威劫之手大抵

播州之人自以為賊用命殺將屠城罪犯大逆即投

降恐不免一死又以年來剿撫無定徃日歸降之人
業以自速其禍今日之事莫知所終而賊又質其妻
子一有前却立見誅夷故不得不為之死守死戰諸
路皆然恭江者為劉繼激於人言急欲建功故身先
士卒累戰皆捷蓋雖諸路亦時有小捷而功則惟繼
為多且奇至三月初一之戰尚有傳其殺賊子一人
名以棟者恐未真不敢入報也自是以後降者當多
賊勢漸衰矣惟是寒賊藏匿箐中恐梗糧道必須掃
盡乃可深入而連日天雨泥濘難以長驅直擣必須
徐徐而進不無少費日時然當亦不至長夏矣三省
道里險遠人不協心催兵催糧焦勞欲死所不敢言
惟是以

天之靈倘滅此賊即與之偕亡無恨則惟台臺少盡
察焉

內閣趙二相公 田東翁大司馬
劉繼無他唯有貪耳然其貪亦不盡用之肥家也日
出兵恭江龍岡其軍資器械一一精好良馬三百騰

驍健未嘗領於官也楠木洞之戰左手執銀右手執劍而呼曰用命者領吾銀不用命者領吾劍一時赴鬪而死者四十餘人三月初一之戰夜中發其偏裨接戰勝負未分質明身自衝營舞大刀立斬數人賊衆呼曰劉總命來矣一時崩潰尚有傳其殺賊子者恐不的不敢入報也當是時即伯夷成辟陳仲子作隊安所用之乃知古人使貪使詐良有以耳水西跋扈真是可恨向來推誠鼓舞乃僅得其觀望若使示之以疑必助播無疑矣犬羊之性重在唇齒不知有君亦其固然今但佯為不知催之用命但使止於觀望亦吾之利也又恐其觀鱗蚌之勢收漁人之功彼時自有

明旨賞格亦無難處惟是都門省議論而但責省事者以成功則幸甚然非所敢必也臨啓無任瞻仰之至

謝監軍

三寨既降岩門已在掌中快甚快甚糧運若更如期則兵得宿飽可以長驅矣據羅國明言彼在內日侍

遂龍若知上司之意如此即可擒之可惜通之不早及今尚可圖之曹副將有何籌策可與商之也大兵此時想已劄關上乎南川已深入得捷西路必須進兵以牽之不可延緩致彼受累三寨人甚多何以為養宜為置處不可令不得所而悔其降羅剛有消息急報知不盡

張監軍

劉總兵見報有文來已行牌留之疏已久發彼方騎虎自不得去也求寧兵退二百里蓋播人妄言亦因

前日無糧不進之故今且降萬人破一圍斬首百餘不日安插降人定即劄岩門關矣南川向聞劄清溪待馬帥恐失事機故催之進別有字令高推官抵關劄管但恐其太銳今再叮之湖廣兵以無糧久駐白泥計今想當到涇潭吳總兵網打袁葵是實蓋聽奏民之讒者何頃挫之有袁幸未潛伏也昨已奉報矣尚未到耶羅國明等談賊中事甚悉彼尚欲於關內與劉帥決戰但恐不能耳李旭已絕不得近前則朱應元之事尚茫然也今所憂惟高推官太輕敵可就

近時消息之草草

劉總兵

留疏久上自應候

肯昨有文行去矣今何故又以回衛為詞大敵在前
兩軍對壘豈尋題辭避之日一懈軍心功反為罪矣
宜力圖進取勿再有陳今各路且將入關無令更有
逗遛之議也火器等項俱發蒸江甚多就近取之草
草

張同知熬

運事經畫甚妥可謂良工苦心此事但一刻放鬆營
中必有受其饑者不可不汲汲也水運甚便據該道
所報刷船近二百本部院所取又三百若五百船齊
到則連永寧一路似亦可供所省運夫又不少宜力
行之合江米止萬石將來恐不給宜催各處之未到
者諸款皆有條理宜時時管中稽查之收支不悞來
去如期則餉無不足矣夫價作如何支給須有節縮
不可冒濫並報聞

高推官

昨得報知兵至望草此賊地也出真州境矣自是以

往處處皆賊宜步步慎重若長驅直搗恐去之大遠
賊從間道發輕兵而斷吾糧道甚為不便又各路尚
未報抵關則此一校兵不可獨入關前有單謂抵關
劉大營探望各處一齊進入今即不能全候齊亦須
二三處同入已催各路若至月之二十日不入關者
以中愾辱其將計彼時當有抵關者方可取次前進
也古云深入敵境利在速戰此為孤軍無援因糧於
敵者言今吾兵糧足自宜以全取勝特此相告幸
與諸將熟計之草草

張監軍

承差催進兵八路通行不專為南川也此承差初五
日方到南川初六日去而酉兵望草之潰在初三日
今來揭稱承差飛馳催高推官進兵兵遂逼望草去
關止半日程與賊相迎酉兵見勢大遂潰我不敗事
則是以酉兵之潰為承差催之豈事情乎當發使催
兵不佞止知南川兵尚真州不知其已近播地也
催者自催各道就近監理自宜以時消息之乃今日

恐遂深入則是只聽其進而該道畧不止之也若
則安所托重於監督乎夫抵今日之事大利大害自
是不佞當之若就中機宜必湏大家殫心從事若畧
不引手止從傍評論此惟按院宜然吾輩苟內人皆
不宜爾也劉縯一路止調鎮雄陝兵二枝乃吳帥所
不要者當初說時遠近相傳以為應龍必益兵來巡
東道與史同知日日為請即城中人皆以為宜厚其
防兵家寧可多備自初六七後即日日促之前進今
且差人守催之矣夫大抵穆紹楊真鹿罕之賊未清亦
自難責以長驅今番乃南川深入之過未可便責各
路觀望也以後南川之事湏加意料理一如身在營
中時時以持重為高推官言之若劉縯再不進功且
為罪自不相假草草

謝監軍

羅國明已到獎賞訖安鸞尚未到何也想其人多費
安插乎此時却不可惜費若三寨不下即斬首一百
已費銀千兩矣已行令以百金賑淘洪村若少徑加
之至二三百無不可安村羅村若已至即照此給之

或銀或米惟所便也南川兵已過望草去桑木關
兩舍永寧兵亦不可割岩門吳帥志欲凌雲今者
得無過於持重乎巾幗之辱行及之奈何奈何

劉總兵

初一之戰賊已破膽報復之說茫無的據南川兵已
抵關此中亦當前進連日晴明正可乘機穆紹若是
真降即可令來見若是詐降以緩我兵不可墮其計
中也只是東溪應劄一營留兵為守以防包截而移
軍苗兒崗則張漢清之兵在囊中然後掃平之後直
趨鬼岩尋閘道逼姜山此又為第一功也不然此路
兵雖經屢戰尚未入播境一步若南川路進關獨當
賊鋒則又不免有逗遛之議矣惟將軍裁之

三省鎮道

一進關時關內關外賊必有陷玩竹簽之類宜用
水牛前行或以椎椎地探之寸寸而進不可長驅
一賊常言終日防守幾時是了不如放一枝入關
與之併力一戰破其一路各路自懼今宜到關時
劉一大營以為家然後以輕騎探望各路俱到關

方一齊殺進賊自不能分身應之成擒必矣

一臨關特賊使人偽降或雖空身來降而預埋藏

兵器於外或雖有妻子而多係虜掠他人不干已

者但得吾受其降即就中取事此亦易見若一夥

精兵自是不同舉目可見若老弱男女參雜壯丁

無多此真降也可分別防之處之

一賊若事急或斬一貌類已者稱係手下擒斬應

龍來獻此亦不可即憑信懈吾防守須倍加謹嚴

各哨整隊齊入空其巢穴得其妻子審問的確真

偽自見矣

一賊若上固即分地屯劄迭行攻擊却不可分爭

信地須俟各主將監軍處分

魏監軍

陳將軍良將也楚中百無一備而毅然獨往亦足嘉

矣然自十二日出師至二十七日始掃四牌又何遲

也今已得勝彼竹之勢自當連刃而解宜令渡江掃

七牌入關掃揚州川中四路不日入關彼若後期何

以稱焉糧餉甚乏殊為可慮門下宜代催之吾輩一

生事尚有大於今日者乎年來天下事尚有大於今日者乎不以此時奮不顧身勉自策樹而拘形跡牽文法後此悔之何及宜力與餉道言之

貴州撫道

自進剿迄今整一月矣楚蜀之兵處處接戰獨貴州

三路晏然不動若無事然以為守便宜乎豈有自始

至終畧不動身者則直討便宜耳蓋平越路觀望烏

江烏江路觀望沙溪而沙溪路原自觀望不欲進兵

是安氏悞貴州貴州悞兩省也尤可異者原行陳璘

與李應祥合剿四牌以為貴兵弱須湖兵助之也乃

璘已剿四牌矣應祥竟不至並劉效節亦不至也夫

貴即貧弱各省代之出兵代之出餉已矣若並其戰

守代之則所為助兵助餉者何所用之今八路進兵

止以五路進而三路之不進者並在貴州即事成亦

不便敘事不成不知貴州何以自解今止宜促水西

如水西竟不動則二哨亦宜自戰其地只當七路進

兵亦尚可了恐不宜聚各省之兵餉供水西之納交

也事急辭迫特此奉啓敢仗威靈一啟督之但長夏

之前苟得結局則幸甚不然事且莫知所終吾輩亦莫知所終也外禱報數紙奉覽

謝監軍

吳帥談兵其氣甚銳乃今逗遛不進豈有他意耶可察之以報聞向送來圖言兩路夾攻岩門甚為得策今聞又以一路進八萬人進一羊腸鳥道只進兵亦須三四日何論交鋒此又何也彼中相去遠須專決而亟圖之若遷延不決是以兩路為一路而竟亦未得收一路之用也則八萬人之冗食何所用之曹希彬輩有何意見豈欲嘗試 尚方耶多少漢土官兵落一南川書生之後可嘆也

高推官

得報知已奪桑木關勦播之功重在克關今為第一功矣但入之太深各路未齊殊有可慮只宜深溝高壘厚立拒馬以自守待各路抵關方可齊入充宜時時以奇兵照管糧運恐賊以輕兵絕糧道則可慮更宜速攻已專人奉告今再申之賊頗知兵亦甚重關

克關甚易此必有意不可以為易此而忽之則

有報欲誘進一枝決戰者或正此意不然則以關道包截抄劫事事宜防毫不可忽也已一日三差人於各路催兵但耐守三五日即可保全勝矣

李脩吾中丞

以一小醜騷動天下乃知涓涓不絕將成江河語非虛也五萬銀已到不啻雪中之炭後五萬更乞蚤發為幸王鳴鶴有文已不來則餉當全發矣見報知彼中且有揚竿斬木之衆時事若此宜其生心以吾兄之雄畧直須折舊據之此宜削株撥根為之於早無令滋蔓蔓難圖也此中兵已進擒斬千計招降萬計頗有破竹之勢但入虎穴得虎子尚有待耳差官回草草附此漢世祖曰每一發兵頭須為白奈何奈何

戴鳳岐制府

自有播事以來三省兵餉事事取之兩廣是兩廣代三省受役也乃臺下又多方加意耐應如嚮即所自為兩廣計當不是過此之高誼今世可多得我直須於三代以上求之銜恩戴德寧直不佞即三省吏民家戶祝之矣黔人積粟以待大兵楚人償金以耐

積德具如來命致之二省第恐楚方苦於餉寡未即奉還須俟異日何如兵已進擒斬千計柘隆萬計頗有破竹之勢惟道險雨多入虎穴得虎子尚有待耳敢附報以紓台懷

劉總兵

昨文已批行且有牌矣留疏計到京已久數日後當有旨下此何等時而欲決去若必欲去則本部必崇非虛言也南川路已深入此一路豈可不進宜照節次催文整兵前進萬無再有舉動致賊聞之反大不便禍福功罪決於此時幸熟思之今差官口傳郵意幸無忽

諭坐營都司周敦吉

諭周敦吉汝隨總鎮屢建奇功初一之捷尤快人意但今已十三日矣撥整自守一步不入播境向言遠賊應龍初七八十一二必來報復今何在平今南川兵深入敵境已奪桑木關其江一軍尚未敢望見猶兒岡何況松坎何況頂山何況撞梓何況婁山若南川兵稍有利鈍則是尔輩初虛張以催人後逗遛而

悞事何以自解尚方之劍可嘗試乎功罪無常禍福自取軍令一下首及中軍尔所知也若能提兵前進再建奇功則一月主捷懋賞懋官豈能尔負故諭

蔡知府

投降之人至一萬以上則老幼婦女當不下六七千豈有以六七千家口寄命人手而為變者若其果至便是真心無可疑也雖曰受降如受敵至於事在不疑亦須推誠若人人而疑之則無事可為矣穆炤之妻子俱獲於川東方在川東請降何故又報之川南

此人多詐若非本身來必不可信無為所牽馬湖兵

當任從總兵調度已行司遊擊領之該府只隨管監理不必臨敵也蓋文職臨敵則兵馬只可自護反為不便耳禁妄殺正監紀之事該府宜一面申嚴且零功不弄按院有行往者不可諫來者猶可追也草草

貴州張監軍

昨據偏橋塘報云陳將軍進掃四牌李將軍違期不至方以為恨有文切責大將比後一日而得捷報乃知李將軍欲一取單于耳快甚快甚黔兵素弱此舉

不但震動播州亦可壓服水西豈不快哉此時想已抵關幸天心殫力圖之不入虎穴不得虎子萬代瞻仰在此舉矣

吳總兵

將體甚尊將權甚專川南之事專托將軍即本部院亦但約期會授方畧至於分布之事亦不能一一遙制也近得彼中文官議論甚為紛雜恐掣將軍之肘故特行申飭可但一意督兵進取無為所阻撓馬湖兵一枝專責成司懋官不許蔡知府阻當浙兵一枝

卷三

書之三

專責成封建不許梅同知阻當蓋此二枝兵皆因其難馭故令文官押之進營非遂欲文官用兵也若文官可領兵則不用設將領矣馬湖黑骨頭白骨頭一枝尤為播人所畏若蔡知府選以自衛則此一枝衝鋒之兵少矣凡將領不聽調度者任從網打若文官有阻撓者急以揭來當置之永寧一路亦只責成曹吳二將不許趙州同阻當蓋彼只贊理燕紀非遂欲分大將之權也但將軍處文武官亦須和平相與凡事與監軍道商議而行不可尚氣昨聞袁整來降

網之一繩彼頭目也既來降何必細之如此之類皆關軍機今當入關尤為要緊事事留心可也

郭青螺中丞

楊惟中止欠一斬故劉效節甘心避賊姑息一二懦將使法令不行三軍解體倘大事壅成又復決裂則三十萬官兵數百萬本折付之枉費西南天下且不可知吾輩即死不足塞責也今日之舉甚非得已效節之兵煩吾丈亟擇能者領之無令悞事若惟中之兵已令交徐允爵矣俛俛不盡

卷三

書之三

吳總兵

將軍以二月初六出兵曰恐悞師期也今四十日矣一步不入播境將以何待以為兵少乎二路合一路七萬之上矣以為糧乏乎兩路水陸齊供轉輸如雲矣以為道梗乎三村投降兵不血刃矣若是而猶裹足不前直怕賊耳賊信可怕然南川路已據桑木關彼亦人耳非有兩鼻四目也若被路以孤軍受因此路寧遜其罪乎欲行法於中軍且少俟之幸亟決擇無忽本部甚尊大將甚任大將正為此事專責大將

耳

劉總兵

自三月初壹日至今半月矣畧無移營消息但云賊將出關來賊若一月不出便可一月不進乎畧糧坐甲惟敵是求若聞賊將出而不進則必待賊盡而後可入關乎南川路固皆男子綦江路未必皆婦人也若彼路以孤軍受困則此路之罪更重然而名出其下萬萬矣欲擊中軍來處且姑待之幸加決擇無忽

謝張二監軍

南川兵劄桑木關以日為年日望各路齊進而綦江永合路遷延玩愒畧不關心豈彼一路皆男子此一路皆婦人耶若彼路以孤軍受困則應合哨而不合哨軍令具在毫不以相假也文到而不進其若以髮髻一頂女衣一套鼓樂送之營中無以姑息坐受其累草草

高推官 馬總兵

連日以孤軍深入為憂又聞賊欲截我糧道今查有南坪大壩、路可急防也此外宜防處俱可防之已

發中帳催各路不日齊抵則無慮矣萬分留神囑囑圖一紙附覽

劉參議

來教謂賊聲東擊西何視賊之大而自待之淺也賊此時尚能以奇兵擣瀘合則三五年前已無四川矣鎮雄兵既不願入綦江路即令藍芳威領之從野磊子進惟餉事則煩門下專任之無令他日有前却也此路進兵則合江安於太山李長年之兵仍令速赴南川護餉高推官已奪關而據之需護餉兵如救焚溺勿再往返草草

張參政

劉帥已遣官諭之若再作態直崇之耳以一裨將把守猫兒崗便不進婁山關豈遂不能滅賊乎纔建小小功勞便爾百般撒嬌乃知小人都不可與作緣陝兵向為廣兵殺傷方且憐之乃爾生事當查治之既爾難馭不如令之隨營免為民害也李奇泗何人乃爾既江津兵該道何不徑擊治之即行文矣晉兵似是虛聲果來耶當迎而禁之事體紛紜千頭萬緒乃

知每一發兵頭項為白非誣也各渡口船隻有否周
同知太迂遲柰何

諭副總兵曹希彬

諭副將曹希彬汝稟帖來稱不可輕進輕下項待各
路兵到相當又言差人去催安兵為齊到聲勢此言
不為無見但待各路到是也待安兵齊非也安兵原
是觀望聞柯阿箇又受了楊應龍金銀無數以故按
兵不進今我兵進尚不能保他兵進若欲待他兵進
而後進則無進兵之日矣至於各路兵亦難待齊彼
此觀望不知誰是該先到的且八路之中惟有永寧
合江兩路合一路兵至七八萬尚不肯先進誰肯先
進乎况南川一路已奪了桑木關烏江一路已奪了
老君關今永寧即奪了岩門關已是第三功了更候
何人豈仍欲候綦江一路耶綦江一路劉總兵因見
了回衛之報具文來辭本部又行文留他以此律返
耽延了五六日若非此事耽延今已到關矣永合路
兵衆糧足坐了四十餘日一步不進端的何以自解
况安羅三寨已投降了尚不敢進若不投降待如何

今再差人說去此時中樞之辱想已送過了人若怕
賊也不以為羞過此惟有劍耳

吳總兵

按院所云得寸則寸得尺則尺此為初時進取相機
進止之說也今已開刀四十日各路有破關者豈可
坐而待之此宜長驅直擣無庸更遲回矣安羅二村
人至二萬若出則無地可容此宜質其頭人之妻子
於內地而令仍居其所以自守蓋吾兵已至幹壩則
賊亦不能遠出害之也此須得其誠心乃可若真偽
未明自難放心在將軍酌之若以此事稽遲進兵恐
落賊緩兵之計又不可不察也或以一將與一文官
安插之而驅兵前進亦可統惟隨機應變要在不悞
事非能一一遙度陳世賢已發回合江即令赴將軍
處草草

張同知

水路一通運事大便為之一快若非本部力主於上
該廳力行於下未易有此也但恐各處未完未到
有悞轉運今可開來本部徑催之草草

汪登原中丞

川省久不用兵軍器一無所備近雖日夜備造急不能多過承垂念自遠解發屢之中流一壺且當千金享之何況艤艦巨艦乎感甚感甚未完者仍望自水路發來無妨多多益善也差官四附此上謝

劉參議

從來土兵不甚奉將令惟賴有監軍耳吳帥既不能服土兵謝道即當一力擔承而悠悠忽忽玩日愒月此何以故便中力為言之僕亦專責之矣榜同知之

平糶全書

卷十三

書二十五黃

遣其所以前已奉告乃本官至合江送回一條陳云職之責任似不減於大將而權不兩持又云既在彼須自由不然安能以無所表見之身云云不佞讀之茫然自失謂此狂人也若在彼只日與大將爭權而事去矣故亟喚之回大抵軍中貪人詐人奸人庸人皆可用惟狂人不可用為其以兵為戲而僥倖於一擲也今來教謂陣前當用此人恐亦見其表耳今如教令催水路糧即以佐監軍謀議必不可令握兵彼嘗欲以兵為戲也鎮雄兵原以五千欲從間道出奇

業已少之今三千得無太少問藍芳威渠言不患少彼能用寡即任之矣今彼已去可在彼議定即發行沿糗以隨因糧於敵此二言者尚為可慮蓋糗不能多而敵無可因則事去矣須仍為運給之無以省事為主軍事必不得從省也別教謂當機立斷直同指掌所指何事幸再教之草草

楊監軍 童總兵

自開刀來各路報捷獨烏江路甚為寥寥亦知其去賊巢近必有待也乃今一戰而渡江奪關豈不快哉

平糶全書

卷十三

書二十六黃

妾氏即觀望見此景象豈得全然不動恐從此賊遂亂矣此中自南川路破桑木關之後即四出催憤各路計二十前後方可抵關今該路以十一二破關則只與南川路相應各路尚未得齊也然貴州三路一催可至至則岩門婁山板角三渡亦取次入矣刻下惟是奪關而據之則關為我用以戰以守無不如意真快事也計此月終無不滅賊者僕直拭目俟之耳懸賞不可失信南川路已給之矣

吳總兵

兵久不進豈土司兵不肯用命乎此輩要在鼓舞之不可一味厲威嚴曹副將素得其心可專責成之也安插降人當專托監軍與監紀各官不必遠商之二道往返數日則悞事矣軍中必須調和人情乃克有濟將數萬人又與將數千人不同須人人得其心乃可用其命此宜克已下人無一此客氣乃可也常慮將軍性急恐失人心故時以此言進惟留意無忽

張監軍

劉帥已提兵前貴州又報奪烏江關而彼去婁山尚平播全書遠即至已落人後矣吳帥意蓋亦俟有秦江近關之信乃敢前者總之此二路抵關當在二十之後也但各道照原行催之彼以失期為慮無不亟亟者蓋前之定限止是空言今之違限者有明罰彼當無不以為意也弟亦日日發使督之矣自正月來已發過三疏官竊一進兵一捷功一今又當報一次矣蓋須時時報之以消海內姦雄之心不然鳳陽之事恐有接踵而起者可慮也務始言應龍向南川路去宜行令謹備之然此恐亦借話今貴州事急亦無暇矣

徐僉事

劉帥見報不得不求去然留疏已上勢不得去也已開諭之即整兵前矣貴州已奪烏江關渠望婁山尚在旬日內已落人後不庸不汲汲也別教知以念親分心顧此何時哉一刻放鬆萬人委命矣騎虎者勢不得下此善喻也不佞家事門下所知不但不敢開口亦不敢置之於心乃知國爾忘家亦勢所必至以天之靈旦夕滅賊為諸公列敘勳績之後吾輩乃可各行其志耳門下以兵道督夫蓋四道一體非代庖也附白

陳總兵

聞將軍與賊隔江相拒此死寇也勢無退理若自後夾擊之乃可接應將軍渡江而今施南兵已奪板角關此其勢亦難退則將軍亦設計渡江剪滅此寇尚可與板角之師為犄角而入關不然拒守日久兩軍俱老此危道也此二枝俱將軍信地僕不憂將軍大兵受板角之孤軍耳惟將軍留意無忽

張監軍

後昭狩得群差官親見之宜其反覆也劉帥處已
囑令慎用之但此帥太憨難以口舌爭直再四丁寧
之耳質其妾與子方是作用而渠且欲給之完聚豈
不憨哉已再與商之矣瀘合逃兵之事想當有之當
查實行施南兵已據板角關不知真州路去之遠近
昨見報李經等打苦竹關想亦不遠也若二路聲勢
相倚更爲雄壯幸亟與高推官言之劉帥亦提兵徇
徇行矣然須五六日後乃抵關也頃細思之各關之
打皆不費力當是賊不肯以兵守關恐其逐漸消磨
且奪內兵之氣因不復守但於白田壩待之若一路
先入則彼以全力制之卽各路齊入彼亦爲背城借
一之計此須令齊入而夾剿之彼自無能爲也若先
後入則非算矣水西近寄聲奢氏謂我輩俱看楊家
與官兵相殺若兵勝我二家方可動兵今我雖屢報
勝安氏兵猶未動也可見關外之捷彼皆不以爲意
關內當有一大戰此時方可決雌雄耳時高推官望
草一捷遂以爲賊易與殊爲率易可嚴諭之令準備
入關之大戰也

吳總兵

安氏觀望乃其本情今畢露矣奢氏不爲誘引足見
忠順但其兵至今不進難謂無狐兔之情已爲一牌
切責世續當令曹希彬開諭之若再觀望或雖進而
不盡力殺賊卽當盡法處之追申罷職矣將軍宜從
權鼓舞之人可以德感不可以威劫也劉帥已提兵
長驅不日卽抵婁山蓋穆炤已降一路無阻自是入
虎穴得虎子之勢將軍兩路合一提兵八萬慎不可
落人後留心留心

蔡知府 趙州同世德

南川路兵不進高推官策馬前行土漢兵只得隨之
遂不數日而克險關綦江路兵不進史同知集諸將
於營中向上四拜曰委官督吾已敝而將軍畧不動
請從此辭赴轅門待罪也劉帥倉皇拔寨而起今永
合二路兵七萬不爲不多矣開刀以來四十餘日時
不爲不久矣文武如林列營數百竟未有窺左足而
先應者監紀官亦未聞作何催督也無乃溺其職乎
夫有一官則有一官之事未有無事而設官者若設

官而不事事則無所事設官矣特此為問具以覽

內閣補二相公 田東翁大司馬

賊自楊朝棟敗歸不敢更出關迎敵惟分兵守關耳然無所不守則無所不寡故我兵至輒不能當遂據其關惟是各路或有零賊為梗未得齊到而其先抵關者亦守約束不以孤軍單入可無慮也劉繼戰後休兵方圖進取忽得華任回衛之報只得具文來辭又復移文留之往返之間耽延數日吳廣亦待之同進故此二路返不能抵關乃知臨敵易將真非策矣今已整兵前進總之此月終可齊到也賊中投降者雖多而死守者亦自不少若不進兵而但招降必無濟於事積威所切真可畏哉若不滅此賊遲以數年西南天下端不可信乎非兵無以立國而以和自愚不獨行之夷狄為不可也臨啓不勝皇悚

謝監軍

聞吳帥逢人即罵全無禮體以此將領上司皆心離而色輕之不用其命以故師久不進此事兄必知之何不一箴之也若此人剛愎不可教即當親自責成

裨將鼓舞土司俾之用命成功奈何道旁作舍日延

一日今貴州俱已進兵而此中迄落其後尚云待劉帥此蓋為將領所賣土司所愚而不自知也若劉帥有不測則彼遂終不進乎播州兵不過三四萬彼擁精兵七萬猶一步不敢前高推官何人哉降者若真此時必出此時不出必是偽降日日待之何所底止如此用兵不但以軍旅為兒戲且以法律為弁髦矣轉取入夏進退維谷天地雖大何以自容他日莫謂不佞不言也曹希彬即受辱主將亦應先國家之急何故甘心陷之以壞我事行斬之矣可以示之又聞劉國用欲得一守備衙衙不說來此有何大事而令之阻軍機乎需者事之賊也奈何奈何

吳總兵

聞將軍善罵人動則曰志八志八何必乃尔彼土司兵夷種也須籠絡使之若使心離則不為我用反為我害矣裨將雖屬官亦各有門面將軍不曾為裨將乎劉帥一帖之誤恨之至今奈何輒辱裨將也亦不恕矣又聞不許各營以揭帖來尤為無謂防民之口

甚於防川卽人君不可而况於人臣以上事亦偶介
風聞全非營中人騰謗者莫又過疑而罵之也播州
兵可用者不過四五萬今各路殺敗已多所餘無幾
將軍擁精兵七萬若人人得其心用其命破之有餘
所言待劉帥者此將領土司愚將軍賣將軍耳今各
路已進逗遛之罪將軍自當之卽與劉同罪彼且以
為快矣今將軍亦不必露此意但和顏悅色以鼓舞
裨將士兵俾之搗巢成功則萬全無害若仍前好剛
使氣使人人離心事必大壞不止不能成功而已營
中有親信人可與商之卽知吾言之不妄矣

劉參議

賊兵劉溫水是三月以前報卽楊朝棟之兵自溫水
出點脚鬪戰劉總兵者非欲出合江也袁年未投降
時彼尚不敢出合江况今日乎鎮雄兵既用之糧餉
須為議妥若待其行而令陳嗣昌督兵把住彼以無
糧返兵陳嗣昌能與之戰乎非長筭也王塾似亦不
可入此路以此路太險兵又不馴恐難收拾耳惟酌
之陳世賢無足為輕重者去留任之彼何敢入關入

關賊殺之矣

高推官

每得公移為之快然賊兵雖不多然我不可易視之
須以石為虎方是萬全且今聚兵二三十萬而止以
一枝與之角倘有利鈍反搖衆心故慎之又慎耳若
公見之極真亦任便宜然必須求萬全為妥也兵入
播地功級豈有假者該道拘泥之過當為言之田老
先生常言克播之役須當剪草除根無留禍種木揭
所言可謂得之草草

謝監軍

此時降人無甚可疑彼關內之人皆餓死卽求食亦
當出矣可盡心安插之勿與人議彼皆局促之見從
之則悞事多矣賊勢已衰兵宜速進大帥不能用衆
兄宜一面調和此君一面鼓舞兵將凡事果斷剛決
而行之則風行電掃功在目下矣不然兩多水漲糧
運艱難進退維谷何以自處念之念之

支簡亭中丞

陳帥從白况進而李帥不會已非原約乃遣偏將來

而劉效節又臨陣而逃可為痛恨已行拿解並行李
帥渡江合營矣惟是陳帥兵既深入糧運不繼致令
三萬人饑餓將死幾有反戈之事將來事勢尚不可
知餉道所司何事而狼狽至此弟已通行二監軍及
兵備道去催之然須有章程乃可備不然則亦無處
下手矣蜀中運夫皆取之近便州縣里甲每一州縣
有派三五千者有派二三千者日給銀二分令正官
押來入山如採木之事又四路以四兵道分催乃僅
僅不悞今楚中不知若何若事尚未就可一面照舊
催運一面於湖北州縣起夫接濟尚可及也不然事
且不知所終矣

張監軍

秦江兵已行吊岩子之防當查行此宜兩路共為備
可也因默猶聞况酋以知兵而率敢死之寇當事事
留心務圖全勝高推官自謂料敵之審然臨事而懼
聖人所以行三軍也惟是當機而發一發洞胃則妙
矣

湖北守道 兵道 二監軍

從來未聞兵先問糧今聚三四萬之兵而不給以糧
俾之叫天呼地採蕨而食自古有是事否焚地大人
眾只用二三十州縣每處起夫千名令掌印官親自
押來日給二分有銀則給之無銀則令戶族自貼其
其糧差此何難之有今日之事所謂使道使民生道
殺民萬不容已若只以姑息延捱三軍一呼且有別
禍不止不能成功而已大家利害所關誰是袖手旁
觀之人特此相囑幸惟留意凡事徑行莫待呈詳兩
院遲則無及矣

蔡知府

馬瑚兵豈可令護餉誰為此計者孟浪哉可亟抽入
營中也兵已發而顆粒無支此何以故已嚴催之科
水運不日到想有濟也今大家同舟濟則俱濟覆則
俱復何事不得言而有出位之說此世俗之見非所
望於賢者以後宜大其心胃以匡濟時艱為主無為
俗套所縛萬萬

李總兵

陳將軍進白泥搗四牌是為黔中掃除者將軍不與

合兵直以偏師會之知效節又臨陣而逃即後來有功非原約矣今陳帥已進龍泉將軍宜渡江界入黃灘若不能獨進仍須與合兵不然一味坐待其進而尾之則舉動不雅之甚矣謝朝俸等若投降則甚省事第聞賊近又得志於滇兵恐此輩又長其雄心未即降也是在將軍善圖之然莫令遂其緩我之奸則佳矣

魏監軍

陳將軍智勇足備真良將也楚得此將不能為之足兵足食以共成功業致令其告飢於千里之外是尚謂國有人乎永順兵只是欠鼓舞所以不進夫枵腹應敵即我兵亦不甘心曷可責之土兵兵連禍結勢難惜費今該省動則笑一年之費不知兵已深入若轉運不之則兵精糧足旬日內即可了此何事一年若只如此悠悠泄泄即十年何益我輩讀聖賢書所學何事於此時此事而不盡心何時何處盡心幸力圖之無令三軍脫巾而呼投戈而走令人以為忠於賊也

史副使

通省餉事豈不知其要緊只是四路陸運一日歇手不得此時交代甚為可虞所以只得抵死相托其通省事雖曰改委實欲自催之耳從來用兵之難莫難於今日謂事事皆須真米實麵一毫空隙容不得也賊勢已促我兵已勝拚命相推一兩月即可了此若稍有四慮便如上水船拽至九分忽然放手他日悔之晚矣留芳道真我輩共之身家乃其小者幸留意無忽

楊監軍

連報烏江河渡之失令人仰屋竊嘆然勝敗兵家之常勿以此遂灰心宜整兵御近地而添調土兵彭元錦之兵為所殲必不甘心廣兵亦尚有一萬未到可速催之卷土重來未可知也賊三月初碁江之敗其子幾不免尚能養威至今得志於我我大兵如雲豈遂以一失自阻乎必不然矣聞烏江之戰初已勝之後賊改服而來稱係安兵遂為所給是否米爾則安氏真不可知也此時彼不能搗巢亦宜應援而兄弟

兩人高坐不動何以自解彼常與各土司言莫先動兵須大兵勝乃可助之今日如此彼必助播矣可且祥為不知以切責之而以其的情見教萬萬

張監軍

來教料賊無能為是也但我不可以其無能為而輕之耳南川兵至逼賊巢三十里而不動此非人情也欲以驕我誘我待入其巢而後背城借一以為必勝之計此亦未為非筭也蓋賊之用兵原只威劫非身在行間未易取勝蒸江之役已不能出又不敢出又不敢用他人而托之親子托之親子亦敗則不能遣兵赴敵可知矣若至白田壩彼方親督一戰此最宜防之須三四路入然後彼無能為也聞播人言進關後各路尚未易會哨蓋相去各三四十里有大林箐亦難差入須於關外約就期會齊入相望扎營乃妙則須就近調度之烏江河渡皆以土兵無紀律深入為所紿而致敗今我不可不分圖全高推官少年推鋒之說未可全信各路進兵在目前奈何不能須更待乎土司兵常有爭頭功之說不可信之須與說

曰但賊賊誰非有大功者何必頭功也板角關之兵最勁可以約之但亦無令單入向因各路按兵不動而南川獨入故差人守催今入關在即及令之持重但時加鼓舞不復急催矣以時消息則在該道之善用之也

李總兵

該路報功獨多將軍之掃清羣蠻亦多勞矣人命關天慎無令及平人降人以各路間有此風故以相戒也烏江之失似是土司爭功自相陷害者非戰之罪亦非賊之強無以為意若彼處不能進只令留兵自守而以其餘合此路同進則勢併力多萬無可慮矣與董將軍商行之賊所苦只是併兵我兵併則彼無能為料此時想已過江須與三渡關同入無單枝見弱又不便也

張監軍

聞有真州之行甚以為慰因思有相商者數條用備軍前採擇

一播人恒言關內男女可十萬成兵者可五六萬

精兵可三四萬此從來相傳之說今自關刀以來雖屢有斬獲然皆關外人關內人惟與劉總兵一陣出關者萬三千人回者多半則關內實有三萬兵矣向來處處設守自是不足今我兵入關彼必聚而敵之若三萬必死之寇亦自勦敵何謂弱也今宜三四路齊入彼自無能為若以一路當之端非勝算

一賂人雖多遠者無慮我兵近關而關內出降者必須慎防且如賊把關甚嚴我尚千方百計覓入

軍播全書

卷十三

十一

書卷之十一

入內行計今關內出降者千百之中豈無一二為賊使出者肥水之戰朱序一呼尚能倒戈況今日手聞該路向令降民立營與吾兵對劄甚為非計今宜先發遣降民入內地無令近營可也

一關外擺塘與各路相約齊入至關內不便相約矣

一關上仍宜劄大營以屯糧為家糧夫必不敢入關也

一沿途橋船皆宜點檢無便道夫阻滯有矣糧道

一通播小徑皆宜令護餉兵嚴防以杜劫糧

一真人宜駕馭之勿失其心

一入關勿輕合哨近烏江之失乃賊假水西兵來

合哨者即水西兵亦宜防

一先約永寧兵直抵圍下彼若與綦江南川兵戰

敗則不能歸圍可擒之矣

一龍泉一路可相約同入以壯吾力

一賊若稱擒斬應龍來獻不可全信彼常養數十

假者代死也

一各兵入播賊若上圍火急報來以便調度

劉總兵

兵已至石虎關賊望風而退計此時當至婁山關矣

以前當勇往直前以後却宜安詳周慎臨敵不得不

介也計賊原不多而近日各處告敗則精兵尚不足

二三萬若川兵四路齊入便有如山壓卵之勢况以

將軍之威望奪其魄乎關外一約會同入賊不戰死

即當上圍矣張漢清鹿罕諸賊已降否若不降又不

敢入關恐為糧道之梗必須途中留兵為備莫但靠

鎮柵兵彼其兵恐反梗糧道今只令進乳灘一路
遙為聲勢且堵零賊也關內宜割大營此糧然後
進可退仍須發兵接糧此宜事事算到方安投降之
人宜慎防之即穆炤亦百分留意必事平此輩方可
信耳

楊監軍

烏江之事可為深恨然莫以此遂自阻只管整理敗
殘兵馬鼓舞振作以圖恢復一面催調雲南廣西永
順之兵不旬日可足原數矣如此方可以塞土司之
膽而知國家物力之大也水西只管驅使且密告以
外間悠悠之議令自為計且以消其邪心即不得其
力無論已洪君似頗方嚴可令善馭之草草

洪副使

連得黔省所得情形大令人駭然得教則尚在疑
信之間猶可折筭便也夫此輩非我族類即妬功
而矯命難謂無之若顯然為逆名利兩失恐其不敢
亦不肯惟以恩信紀法時中戒之料夷狄之邦無不
可行也背水為營既不力戰又不守橋自是我軍之

踈於計而盡委之他人鄙意終不謂然何如何如

鍾監軍

將在軍君命有所不受陳總兵身為大將手握重兵
不能便宜進兵而為人東扯西拽幾如招商店中之
衛世有此理乎為陳帥言不佞任將金石不移誰敢
撓其權者即以柱後惠文彈治之此時想已入播有
文從綦江路來二日即可達也

詹副使

兵已入播州去路更遠即二夫一兵亦不宜吝只要
目前完事便是一勞永逸若少有鬆慢則前功盡棄
即渾身是口說不得也將官當此時乃國家安危所
係全要文職官扶持若與之為讐是讐國也人臣而
讐國可乎龍泉路雖屬恩石道然楚兵自宜楚餉思
石道所餉者施州衛八千兵向日黔楚皆不認不佞
不得已發川銀為之買米責成恩石道運之而已非
黔餉也今四月終即滿以後仍須楚米餉之蓋楚有
漕米自應濟黔即以籌十二萬之數亦可若委之於
黔則彼必不能此楚兵也楚將信地也川中已餉三

月矣可常常餉之乎惟高明察之

梅叅議

大兵既入播州糧餉十分要緊須多方轉運常使不
乏此鄴侯之功也路既遠夫須多若至三百里之外
須一兵一夫乃濟幸圖之此一勞永逸之時矣

劉叅議

陳世賢以其為袁年之親也故令同進兵若曰即令
年監之耳若以為不可保則即發來羈之不宜用也
其家人靜元正月入播是未投降時事二月終方出

車播全書

卷十三

書卷十三

今云李元豈即此人復遣之入耶四周皆我兵恐亦
難入幸示其詳處此輩如孤豚耳何所復難惟恐驚
諸降者故且牢籠之不為信義也貴兵新敗我輩更
宜坦然示以不疑若先自疑則彼窺之矣然貴兵亦
不足為有無今川兵皆已進門且上國無用湖貴
也相宜日發供糧為要貴行人議隴澄謂其有劫功
當守之莫不侯以為劫功有之黨遂尚未可知若然
則錄之兵得無可疑蔡守遂因水西而疑及來會
如此則百石之外無一可恃之士矣

機國自有法人自有心正不宜如此多疑所謂三則
私意起而返惑者也

內閣沈二相公 田東翁大司馬

黔人多言水西陽順陰遂以故賊密不告我敗不援
猶有孤免之心今即報彼深入亦未易得其力也然
亦且駕馭之令其支吾而我就中取事若直責之則
彼且懼禍而勢愈合更難處矣黔撫與之款血為盟
一向以為必可信無疑龍以為黔撫忠智人也必且
有據而近亦不自堅其說直恐其中禍於省城囑以

車播全書

卷十三

書卷十三

必且為駕馭故龍不敢不以為台臺告恐有言及者
以備斟酌然犬羊之性終懼

天威須牢籠之中不廢督責庶可消其邪念也統惟
台臺鑒登

貴寧道梅叅議國樓

賊關外之令不甚行即有戰者亦遂黨自戰其地耳
水西之兵威頗盛無格鬪者宜也惟報功無級逼集
無戰則不可曉其詳其意蓋以剿給我以助給賊欲
兩下觀勝負而投足者惟使之而防之則不蹈烏江

之懈矣來救甚合鄙意敬謝密之密之

楊益軍

貴兵原宜一路進分而為二其力已薄安得不取侮
今若恢復河渡以報讐之兵乘事機之會桑榆之收
端可望矣惟力圖之草草

宋芳麓侍御

烏江之事昨已上問得教甚感感背水為陣兵既潰
溺自多但水國之人多善浮者亦自多所全濟耳惟
土兵一敗自有散歸者難定數也三月內劉總兵及

楊朝棟斬級止近二百而賊中實亡兵士六千賊中

傳以為殺二萬人此可以觀陣失之難於定數矣蓋

陣敗而兵士借此逃亡各處皆然願饒已破矣即多

少安足計乎惟是此一路雖敗無損全師之勢今各
路業以入關即此路仍卷土重來亦可也人多歸咎
土酋妬功左使然無故分兵得關不守兵無紀律士
無戰心種種敗形已具未盡而虫生之矣承差口傳
台命業以心識即為各將護備之以鄙意度之犬羊
之性或欲專功或欲庇隣皆不能保其無惟顯然為

逐則必不敢亦不肯而彼中當事畏之太過至慮及
省城則甚矣此輩以我之氣勢強弱為順遂我愈徇
彼愈肆其勢然也臺下以為何如

郭青螺中丞 宋芳麓侍御

川兵四路俱入關矣精兵可十五萬即有二十萬之
形若得陳李二總兵入則三十萬之勢矣此即有善
為播賊計者恐亦無如之何而陳李以烏江之失遂
巡不進云奉臺下今持重也今何時也半上不下豈
持重之時乎望借霜威一嚴催之過此時雖有智者

不能善其後矣是役也聞壩陽兵先走又云棄明遠

先走又云謝崇爵部兵先走總之以怯取敗乃其本

情若一切歸之黨逆者恐人各有心彼亦不服也先

走之人必須真之於法乃可用衆臺下以為何如水
西兵原調三萬近有掃土起兵之說恐不須此烏江
失守省城可慮令以所起兵留在本地防守省城不
必渡江已有行矣惟裁示之不盡

史副使 劉參議

差入自營中來者僕人人問之人人以為西路餉皆

不足進業之後必悞也果爾則可愛之甚僕為之
竊食矣今宜大破拘繫多方募調工食即如前議全
給亦可宜風火急圖無再遲疑僕但求全軍不責多
費不責擾民也今令守道於二郎壩總催兩路運官
運夫令早入營宜百分留意至懇至懇

趙州同

來揭持議甚是如此方為老成之見也今兵已入關
賊勢大窘惟要我兵日慎一日自可全勝圖之圖之
糧運可慮何不早言此何特也明目張膽以濟大事
便是忠必慮慮以後軍中事但可言者不特速
說來譬如數人乘舟雖揚帆把舵任各不同然濟則
俱濟覆則俱覆若但各司其事不相應援直待已覆
而後曰某失某事則直有訴之水府耳

史副使

求寧兵至四萬以上而夫不及三萬此其不足明矣
今事已在九分却不宜惜費火速添夫添價即多費
無妨若糧乏而兵四即積金如山何益乎成大業者
不惜小費蒸江不言而自增夫三萬僕感之次請矣

昔有築蜀城者眾疑其難成曰但把錢不當錢看把
人不當人看事無不成其後城果就今正其時也望
破格為之若合江分去米無多不必與較若使米有
餘即分之可也今日之事成則大家有功不成則大
家有罪讐之同舟遇風覆則俱覆濟則俱濟若胡越
相視待其既覆而後訴之河伯水府曰是某之罪也
何益矣不佞代湖貴出龍泉一路之餉亦求濟事而
人是 朝廷人錢是 朝廷錢彼力不能為吾幸
無之何苦不一引手以濟 朝廷之事情急詞
迫要之至理亦不外是惟高明察之守道中路總催
不能為門下代矣

又

別揭所開二路難易已悉然此不足言也今二路已
合為一路一旅脫中三軍立散賊若不滅該道能敘
功乎但千言萬語止於免祭而已丈夫行事先以免
祭自期可乎若鄙意則謂但宜多方處置求寬然有
餘可乞諸隣則成不獨成是大同無我之度也不但
隣邦即本路扣筭太窄兵將亦無樂用之氣夫軍法

與吏治不同土兵與漢兵不同秦越人之已疾老人
小兒婦人因證立方夫然後可以起死人而名聞天
下也桃李不言下自成蹊微門下誰望者草草

楊監軍 洪副使

水西從來善待之渠亦有忠順之名自烏江失事之
後黔中傳言至不可聞令人疑慮之甚乃昨有板角
關解投降一人到蓋賊中老虎軍也問以播事云安
三割大水田賊遣人問以我家與尔無讐何故如此
答曰尔家得罪 朝廷上司要我進兵我敢不進終
不然你姓楊的幹的叫我姓安的替你當了罷其
人痛哭而歸安三即隴澄堯臣也果尔則安氏固無
他意不必疑之矣播州差人言姓張水西人必知之
門下可徑問之見報兵法曰二心不可以使人疑志
不可以用軍若人有逆心而遂之固不智若人有忠
心而蔽之亦不祥惟門下留意無忽

平播全書卷之十三終

平播全書卷之十四

書札目錄三

吳總兵

鄧知縣

劉總兵

史同知朝貞

吳總兵

劉參議

張監軍

陳總兵

劉參議

又

熊參議宇奇

張參政

分巡武昌道馮僉事應京

總兵 監軍 監紀

魏監軍

吳總兵

史同知

平播全書 卷之十四

史副使	劉熊	二叅議	內閣	趙二相公	田東翁	大司馬	詹叅政	陳總兵	謝監軍	吳總兵	趙州同	劉總兵	史同知	楊監軍	劉叅議	張監軍	陳總兵	魏監軍	張叅政	馬總兵	高推官	支簡亭	中丞	史同知	高推官	郭青螺	中丞	史同知
-----	----	-----	----	------	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	----	-----	-----	-----	----	-----

張同知	蔡知府	吳總兵	劉叅議	高推官	劉總兵	史同知	張監軍	魏監軍	劉叅議	陳總兵	辰常兵	備道王	副使	應霖	史同知	洪副使	劉總兵	詹叅政	史同知	張按察	使	梅叅議
-----	-----	-----	-----	-----	-----	-----	-----	-----	-----	-----	-----	-----	----	----	-----	-----	-----	-----	-----	-----	---	-----

總兵 監軍

郭青螺中丞

梅同知燮

張監軍 張按察使

史副使

沈按察使

魏監軍

內閣趙沐二相公 四東翁大司馬

又

江纘石中丞

劉叅議

張按察使

張監軍

監軍道

吳總兵

劉總兵

諭宣慰安疆臣

沈統臺中丞

平播全書

卷之四

四

蔡知府

張監軍

劉總兵

謝監軍

蔡知府

三省鎮道

張監軍

易按察使

吳總兵

張叅政

江纘石中丞

張監軍 張按察使

謝監軍

劉叅議

洪副使

魏監軍 辰沅道王副使

張監軍

沈按察使

平播全書

卷之四

五

史副使
張按察使
邵知縣
張按察使
劉總兵
史副使
張監軍
陳總兵
高推官
張監軍
張按察使
謝監軍
內閣 <small>趙</small> 二相公 田東翁大司馬
張按察使
沈 <small>趙</small> 揚監軍
史副使
張按察使
劉叅議 徐僉事

張按察使 六監軍
陳總兵
劉叅議
蔡知府
內閣 <small>趙</small> 二相公 兵科 職方
謝監軍
張按察使
內閣 <small>趙</small> 二相公 田東翁大司馬
胡魏二監軍
湖青撫按
郭青螺中丞
內閣 <small>趙</small> 二相公 田東翁大司馬
思仁道陳副使
李次翁大司馬 賈春容 楊小林二少司馬
徐理齋 曾景默 王晴江 汪登源 劉用齋
劉右川六中丞

吳總兵

昨報取岩門關甚以為喜今不知進兵否然劉將軍初三日與播兵大戰關內賊兵尚多想岩門尚未進也今細訪播州之人以為岩門路小箐大輕兵可入重兵難進况六萬之衆魚貫而行若有敵來何以接戰此所謂雖衆無所用之也且彼此約期終難得濟到底兩下成孤軍耳與其合於關內不如合於關外今宜留兵守岩門而親統大兵從小水田入婁山關與劉將軍連營並劄互為犄角酌量進止仍一而分兵接南川路之兵來則三路大兵合而為一連營百里逆賊心膽俱碎不戰而屈矣其岩門兵聽曹希彬吳文傑出奇取事若彼處成功亦將軍之功也永寧兵分其壹萬來與馬湖廣浙及募兵為叁萬入婁山仍留貳萬與二將之壹萬共為叁萬守岩門則兩下俱有餘矣再三籌度勢瀆出此惟將軍熟思而速圖之幸甚

鄧知縣

川兵俱進關矣施州兵久屯板角恐老則難用陳總兵又無進關之期待至何時此兵本折皆川中供之即令與川兵合哨亦可不然恐久而糧絕人疲是自潰也今該縣宜會同各兵將徑赴真州大灘關等處與南川兵合哨仍先達知高推官彼中路遠不知就中事體何如如有別項阻礙亦徑自斟酌行之其錢糧以前長支者姑免扣除以酬其血戰之勞以後仍照例支可也兵難遙度凡事宜取便行之一面差人來報

劉總兵 史同知朝貞

既入敵境步步宜防松樹埡柴山壩乃自關上關大道今賊俱在關下我便當倚關為營外防衝擊內防包截一面進糧運一面會永合刻日夾攻賊必上圍矣若白田壩今已為空地到彼何為且已為水西放火報功有何陞賞乎今大兵前劄板橋而止以孤軍當松樹埡相去十里銃砲不聞宜賊之生心也今宜急劄近關俟會兵攻圍其南溪口諸處皆有間道可出關外斷糧者尤宜謹防但糧運不絕營柵已固只

二三路兵齊勢即大振賊將安往今已行吳帥同來合哨彼處路近通信為易惟南川路稍隔絕彼軍孤又不可深入已調施南兵與合哨當亦可旬日內至也只要齊力不可造次要嚴防守不可少疎工夫至此已是八九分只不失算便保全勝賊有文來支吾皆是緩兵之計不必照管亦不必回答蓋回答之文有一些活路彼便執之以欺其下若是無活路話彼又隱之不與人看總無益也只好散賞格多發告示諭文以解其黨為宜慎之

平播全書

卷三

書三之三

吳總兵

既得岩門養馬城不遠矣若破養馬城賊之頭人妻子俱出必有携以投降者初三日婁山關內劉帥與賊大戰追奔三十里若岩門兵入賊無歸路矣乃未見接應何也聞彼處路險箐深不便進兵若大兵難進即宜分兵守之而從小水田來入關合婁山哨已有文去惟將軍圖之又有報羅剛欲圖逆賊而將軍以為須要活的活的固如不可得即死的亦未為不可也當令曹副將與土司頭目圖之凡土司之功

不可令軍士爭奪之一有爭奪彼以後再不肯用命非徒無益且有害也入關懸賞已發行其陞級劉付須查明填給不然可與誰乎破關之後工夫已至九分百九慎圖劉帥孤軍深入將軍必須照管不然彼如有失亦不能辭其責也聞小水田路尚不通先日曾有行令以一軍接應今不知如何百惟留意無忽錢糧到否如不及可時時說來當嚴督之耳

劉參議

夫之多逃以無正官也即有正官而無法稽查亦難大抵事有綱領頭緒則易尋如正官在則正官責小押運小押運責里排里排責夫役引繩批根有要可尋即有少者或願補或拘喚尚可十得八九若無正官彼代押者又多以阜快頂義民彼其行止尚不知一夫是以夫押夫不至盡逃不已今宜儘正官佐貳般實義民管領夫給以價嚴其程限令早去早來不必以日三十里為限蓋令之消磨日久食費且盡是寬乃所以成廢也夫或三十或五十即立一有身家頭目與之一單令到即交米給與回照彼處收米官

平播全書

卷三

書三之三

登一流水簿總算不必候一處解官批文方收則夫自無守候之苦矣水運起旱處必用多夫一齊轉去若夫少米多往來不絕又不便也以上事體千緒萬端須理會有頭緒尚可收拾而要則在正官到在夫價給在往來速在收支快如此尚可將就完事不然以後且莫知所終矣鎮雄兵聞騷擾之甚如必不可用且留之少選發回即執旗官亦可無令去不然恐入山而劫掠運夫反梗糧運是在門下酌而斷之無令悔恨無已時也

張監軍

劉帥於三十日進婁山關至初三日將起兵赴白田壩賊兵忽來大戰先將王芬陳大綱營衝破二將戰死劉帥方知急赴接應大戰自辰至午少歇又自午至申賊遂大敗追奔三十里斬級甚多尚未報數彼雖報賊數萬問來人言實只二三萬可見賊之精銳止此矣劉帥銳砲甚精多打死賊皆馬上馱去亦勅敵哉向來所以不敵南川兵蓋專待此若南川兵遇之危矣今已劉管關內以待各路南川兵或可相機

合管乎第不知關內路道何如須令探問明白王芬營與劉帥止去五里賊以一兵隔之不令相聞故至於敗是日賊親張黃傘督陣幾為周敦吉之軍所得束傘而走想已膽落矣高推官說賊似已奄奄氣盡者聞此得無咋舌搔首乎

陳總兵

水西伎倆殊不可曉夷狄之性或欲死隣或欲專功皆不可知然亦止陰謀未敢顯然助逆也烏江之失自是我兵見賊而走以致奸細斷橋擠之於水蓋背水為陣不立營寨四散搶掠賊一乘之遂爾崩潰可盡歸之人乎劉帥入婁山關初三日賊暗來衝突潰一子營劉帥亟提大兵當之苦戰一日賊大崩潰斬首數百氣已奪矣今將軍宜亟來合哨我兵合氣自壯彼士司觀望之心自息即不為我用亦不為我害也永順二司兵可善馭之楚中無此兵則愈孤矣烏江之失所沉溺永順兵以數千計彭元錦當以此儆水西乃反效其所為耶可以此微動之來人口稟長坎青蛇瑪瑙三圍已克七牌盡掃得糧無數可供二

十日之食即此可以入關滅賊矣此天贊也望之望

劉參議

蜀兵入關逆酋上固此環而攻之之時也開川南路火器火藥皆以今以川東所製急送去至即多覓人夫連夜扛擡入營期以三日夜必到為佳糧餉急供之今日便累死也說不得所謂一刻千金者也草草

又

運夫如不足即當增募事已至此即招怨耗財亦所

平播全書

卷十四

書之七

不顧若但曰事不成而不敢逃罪然何益乎願以不佞計之夫至三萬而不足此非不足之患而不均之患也逃者不能盡究而往者未免獨累延捱者且苟一時之安而勤動者已受無涯之苦彼此相視以為固然即再增募愈多而愈不足也今宜極力清查極力催償罪責正官俾之行法庶以身使臂以臂使指且告以賊亡在旦夕一來便可完事若不來即賊平之後仍根株究治長柄大牌處處曉諭當人心悚動而可望子來也惟力圖之

熊參議字奇

兵入關矣賊上國矣呼吸之間便關成敗此而逃往已事如救火追亡人也繞說姑待明日便不可圖之

張參政

吳總兵已駐養馬城與二總兵會哨訖賊已上國圍下之賊無能枝梧者大事定矣料旬日間有佳音也今惟宜轉餉接濟耳草草

分巡武昌道馮僉事應京

衛所軍州縣民快亦兵也但驟而用之無益有損以

平播全書

卷十四

書之七

素未習戰耳所謂以不教民戰是謂棄之者也然教又不在武場而在戰陣所謂習慣如自然者也今宜汰其老弱揀其精壯日練習之而稍試之戰陣經三五戰則可用矣楚有苗患將來用兵未已幸留意焉
總兵 監軍 監紀
兵已入巢賊已上國計當不日授首今將攻圍以後事宜開列幸大家相商行之
一賊圍上不知有兵若干如兵少則宜急攻如兵多則宜柞斷路口使其不能下而徐攻之彼知無生路

三五日恐常有變

一大將軍滅虜砲裝至近國山頭打去令其上人人莫必其命自難久居

一聞國上有一水關賊先開住待我兵近關放下衝之不可不防

一賊如稱有內變斬首投降不可造次取信須審問明白嚴兵關下令賊黨俱下驗視真的方以為據其

妻子親族俱宜牢固鎖押以俟獻俘

一有名頭目原未投降者臨時挈獲即宜處決以免

平播全書

卷之十四

書之三十九

為害即有投降者宜押解出關安插無令在內防其

反戈相向應為獻俘之用者牢固鎖解以俟獻俘

一無論賊已滅未滅各營將官軍兵俱宜和同行事

彼此相下相讓大家有功若爭功爭財相戕相壞除

不准算功外仍行軍法

一賊首已亡賊兵已下各監軍總兵監紀官同至國

上公同檢視賊之財物家資登記明白造冊呈報仍

即封鎖撥人看守以便 奏報充賞或解京不可恣

游致生嫌疑

魏監軍

苦竹關一月前南川兵經過真州即遣兵一枝攻克斬首四十久已見報今之所克乃其一月前克過者譬之明年有入播州者難以功論矣四川大兵十八萬盡在播州合哨安得有閑賊復併力苦竹關此可無慮惟令陳總兵掃清七牌整隊入關可也

吳總兵

向以將軍進兵遲遲意頗疑之乃不知其一發而中堅也始如處女敵人開戶既如脫兔敵不及拒非此之謂耶快然快然聞兵已剗養馬城去賊甚近宜百九謹慎彼即上國猶恐其下衝也宜謹防之可攻則攻可守則守柵柄在我要之以合哨為急此時想與綦南二路犄角相應矣師克在和望三大將如樂之和以襄大事僕異日當百拜以謝聞營中糧少僕食不下咽已將各有司革職住俸責令日夜催償以後或可不悞綦合二路糧有餘永安庄所得賊糧甚多可借而食之也百惟留神不盡

史同知

平播全書

卷之十四

書之三十九

二周弁乃劉帥之左右手也此何時而可撤出亦孟
浪矣已止之總兵之兵誰可徑撤劉帥亦自不應也
初三之戰觀賊連日不出可見未為無功但我亦大
有損失須覺長賊之氣今須求萬全以絕禍本為望
吳帥兵苦乏食蓋彼處路遠難供也若永安庄有米
可以給之二帥不甚和而此一事劉帥切身之利害
甚大該廳可令其結好以共此功即云不佞之意可
也軍中多婦女甚非所宜見在者宜發出關後有獲
者即縱之以懈賊亦可亟宜留意

史副使 劉熊二參議

合江一路糧餉運夫多半在瀘州又欠運米至二三
萬此一時糧與夫並進各民有欲應夫者返以欠糧
不敢到官理必有之是兩悞也竊意夫須出之瀘州
糧可假於別處今不若將此一州緩其糧而急其夫
或不必領與夫價如運糧一石至營者即准算其糧
一石蓋即以糧價為夫價也聞談州米價一石至銀
一兩則此數正相當而民以速運為快必有不待督
責而自急者事易矣惟速議行之如有不便不妨

明言也此法行必有包運及折銷等弊則在嚴查之
有犯寘之於死必不敢矣

內閣 趙二相公 田東翁大司馬

烏江雖經失利各路進兵自如關外賊酋漸已掃盡
川中四路俱已入關黔中沙溪路亦已闖入所未抵
關者貴之平越楚之偏橋陳李二帥耳偏橋以糧運
不給平越則怵於烏江而却步總之旬日內亦無不
入也師初入未即合哨賊輪日併力於各路接戰往
往敗歸

天威所臨自是奪氣行且逼圍夾攻賊即不授首亦
必上罔不下矣上罔則終歸於盡但蚤暮之間耳惟
是九仞為山功在一篲日夜督厲必求萬全天意人
心料不相遠內所報水西戰功係貴州移文亦止據
其自報耳未經斬級終屬可疑惟目下有報水西與
賊大戰賊復大敗者則審問類酌的蓋事勢如此彼亦
不得不為我用也尚俟嗣報統希裁答

詹叅政

川兵盡入關楚兵獨以乏糧不得進事已至此無可

如何只得極力催之運夫亟與之價彼尚不敢逃也
凡用兵不可太惜費蓋費多而早完比之費少而遲
完者大不相同前已言之矣彭元錦有文告糧似是
並折色亦欠之者此子近為賊殲其軍於貴州一第
死焉讎恨方深正可使之如彼再調兵來不妨供之
運夫如無見銀即令民間私鬻而許以減免正糧無
所不可事完自當破格恤之耳聞軍中怨苦之聲不
絕何以責其用命幸力圖之若今番令賊遁逃吾輩
即死不足塞責也草草

陳總兵

昨差人來言瑪瑙青蛇等固已破矣近聞乃猶未也
此人敢爾說謊可恨可恨願以鄙意度之此三圍恐
目前未易下也蓋自貴州失事之後我氣反奪賊氣
反盛兼以賊顧其妻子有必死之心久與相角恐至
挫銳而耽時不無可慮不如因而招之降其脅從者
散遣之而頭人令立功自贖或易為力也但受降如
受敵須謹備之聞諸賊久已願降而將軍未至無適
為主往往將其講事之人殺之以至於此今宜相機

慶之無令失時生員王達奏民周世祿皆原係彼中
人可以問之願兵難遙度在將軍審處之耳川兵四
路已入關賊已無能為而此草又不能歸播亦易為
招然此三圍未下將軍終難長驅恐其議吾之後也

謝監軍 吳總兵 趙州同

報田氏出降此詐也逆賊心高氣傲其妻張氏一有
淫聲立令人碎其屍田氏若降知落誰手彼戰不勝
當一火焚之而後自殺豈有任其投降之理初二日
約降劉帥至初三日即大兵來今之約降非欲切營

劉總兵

即欲交兵非欲緩我合哨即欲乘來降而衝營取事
必不可信而信之且約降期萬一臨時以一民婦乘
轎來何以應之乎大將領兵惟敵是求各路方會哨
而此約降何以齊力攻賊乎今後當一力攻賊其頭
目及賊苗約降或可信仍須防之若賊父子妻妾約
降決不可信也前宜慎重後宜隄防糧道必通哨探
必謹若稍有驕惰則九仞之功虧於一簣即死不足
塞責矣

我兵深入敵境全在各路合哨應援前綦江路初三日與賊戰合江路未到關內也合江路初八日與賊大戰綦江路已久駐關內有成約矣乃竟不聞應援何也問宋人言是日若壯路有一枝兵包截賊可盡殲本部為之頓足長嘆而已今日將軍利害比他人不同歲裏播賊焚宋坡京師喧傳以為是將軍害陳帥今日吳帥有失將軍即百口無以自解矣左右掾書諸人恐有誤我事者不可全信其言以後望盡釋舊障力建大功此亦將軍之利不止為國家也不然恐不知所終矣穆焯欲用之幹一事可差人伴送速來草草

史同知

穆焯殊不可信人多言其降為應龍所使今應龍三使人於劉帥營中專為此子已令之通賄於帥之家人罵字者求退兵矣又言王芬之敗亦焯所使令劉帥遠逃可密查之仍密以此示劉帥今茲之事渠身家性命所關勿為人所賣也穆焯今托以取奉用可察令以的當人伴來此字火之勿洩

楊監軍

安楊二氏先世原為敵國安曾求親楊氏不從求以女嫁之亦不從蓋自負為太原詩禮舊家而安為羅鬼耻與同盟也其後楊氏奏民事起畏安氏不得已令子寄拜于時安國亨老且死疆臣立幼不省事其目把多受其金故每為之用而不知自陷於逆黨然彼初亦不知楊氏之造逆至是也去年破綦江後以所得子女送之初一次受之鳳氏不知也第二次送之鳳氏知之大罵謂此破城所得豈可輕受罵其人而却之回此老婦亦有識矣剿事起楊氏深結安氏安氏共約曰若官兵到桃溪庄少不得借我一焚以完前伴蓋前日報焚桃溪正此約也今年春鳳氏三使人勸之應龍叱之曰彼老婦何知世事疆臣亦使人說之勿反曰彼孺子何知雖佯拒之而實陰結之四十八枝頭目皆有禮又送以一三足銀鼎動其心臨發兵又厚餽其上祀即漢祀亦只得依違其間不能自主且懼禍也堯臣以在外府始皆不與其事又急於立功其人性頗直故直抵大水田已非初約至

殺其使而激之怒遂令相攻亦天也近又聞楊氏以金銀十損行成者安氏應之曰且看各路則事尚在猶豫此宜直諭堯臣曰余已立大功得榮名無為目把所賣使勞而無功則堯臣必且發其事而日把無如之何乃可得其金力也夷人信鬼疆臣喪目喪女其目把多以負楊氏盟動之今可直謂之曰此天之所以罰二心也不改此心且有別禍彼無不信者統惟留意王鳴鶴已催之赴貴陽矣

劉參議

平播全書

卷十四

書卷十七

昨吳帥有稟來言該道欲照南川例人月給米二斗軍士不肯此不可行也此例發於高推官止行之南川路蓋該路皆土兵其數原不足米多則無用故以折銀為例即其同路陝兵募兵仍支三斗矣永寧雖土兵而近其家以得米為利亦不肯支二斗今仍支三斗恭江路全支三斗若合江路漢兵多即土兵亦照過足數者若月給二斗必不足用宜其不肯今只宜催運米不可減軍食也連日見李向知報來全無起運之米心急如焚計此後又必有數日絕食者于

時深入久駐野菜已盡何以自活不可不急慮也今賊萬無復出之理近地一帶守隘護餉之兵皆可用移而送之二郎壩至岩門一帶防護零賊斷糧庶為有用急行之王塾諸事廢弛必宜更易今不得已且用之即賊平而此地仍須得一健全也彼廢事而媚民宜民之稱之耳鎮雄兵李萬賓與晏慶潤不和畏其殺害自投渝城稱兵一千點之止四百八十其他想類此可一查之聞晏慶潤旋招補即告以不必補只減數可也李長年兵報一千點只六百九十汰其不堪者只四百九十川南調來兵到此只得一半可見彼中募兵一人皆兼二人之食矣及今時時點查不為過者一人即省一人之食添糧不如減口凡理財者自其宅墮而積之皆有用也何如何如

張監軍

賊勢已急只要我應之不夫着數則無不平者最急在合哨合哨則眾寡不敵之甚以戰以守無不如意矣此時賊兵實不滿三萬而我川兵實已十四萬蓋五倍之矣何懼彼哉惟是陳總兵尚攻長坎等圍之

賊未下不能入關第令可破則破之不能破則與相
守而以計降之勿令輕舉致之得志反入關而出我
軍之皆安氏此時更無助賊之理我川兵可唾手取
賊矣惟悉心調度之高推官亦有文來令糧從婁山
關運可就彼分布妥當亦即入婁山關調度可也

陳總兵 魏監軍

連日得報長坎諸圍之賊未下此未易以力角也彼
妻子在上勢必死戰我軍士孤懸恐有怯心一不相
當大事去矣今川兵已入關圍賊無不知者賊知

平樓金書

卷十四

論卷三之三十九

之其求生之心更急我從此而招之甚易易也既降
則可長驅入關矣若彼不降則宜厚集精兵而與之
相拒或令之自相圖或乘隙而夾攻之必計筭萬全
乃可得志不然寧羈之無使入關添賊勢亦未為無
功也聞彭元錦已出宜厚撫其目把用之又聞桑植
容羨之兵將到不知可用否昨誤聽差人言三圍已
下故調施南兵入關合營旋知未下復差人止之今
想仍在彼若此數枝土兵合乃可圖賊大抵要相機
戰守不可輕易致有不便為佳惟力圖之草草

張叅政

大兵已在賊境久駐恐有他虞不如一舉撲滅之為
快各將不肯向前恐克期不定致有參差故不佞欲
抵關親督非得已也一面收拾諸凡俱不必齊整草
昧之時豈宜粉飾中軍坐營官舍之類草行露宿何
所不可不必為之經理為災地之累別教已領並復

馬總兵 高推官

在賊內地須與茶合二路對營相近彼此應援不可
在孤懸之處恐賊來衝而被處應援不到也陳李二

平樓金書

卷十四

論卷三之三十九

帥外賊未清尚不得來只川中三路合哨自足制賊
莫望湖貴恐至悞事又湖貴未入關則火燒州平天
坎之賊苗恐夜有從後偷營者宜四面照管或移營
近綦江路而糧即從婁山運庶萬全也三路既合聲
勢已大只不以一路當賊賊自無不滅者克敵制勝
只在此時圖之圖之

支簡亭中丞

川兵已盡入賊雖東支西吾已覺狼狽陳帥為諸圍
所苦不能疾入關亦只得聽之向之入路乃全無可

恃仍是川兵獨當賊耳王鳴鶴已調令赴貴州已不能軍又此將為郭青翁所題今又索之急也亦可為楚省餉矣草草

史同知

聞劉帥以松垣之敗頓有怯心初欲移營關外俟秋固之後懼有不測而止果爾則渠且身無處所矣賊已無多川兵十四五萬尚不能滅賊若一人言豈但為沈尚文已乎彼所畏死耳願死於敵即死猶香死於法即死猶臭死於敵死一身耳死於法並其家且不保矣况賊已垂亡我已必勝進而向敵固萬萬無死法也又聞酋多布金錢於其左右而穆炤黃三輩皆為之蠱惑遊說恐帥不察為人所賣並以累談聽可密與言之

高推官

壯哉此戰遂能抵海龍圍上養馬城也賊當破膽矣吳帥尚日與賊戰劉帥自初三一戰至今僅僅自保故態復萌已嚴檄責之若再尔則尚方及之矣賊言投降俱係詐每每投降書而兵即隨其後受降宜慎

若言首降並其妻子降皆不可信以本部計此首非闔門自焚則先殺其妻子而後自殺也今惟有合哨夾攻耳

郭青螺中丞

二稿已領弟再以楚蜀事入而報之不敢沒安氏之功也若以後功次丈仍令使者從此中來一同報之或弟處發稿總報之為宜昨支簡亭丈以丈未會遂急急報去亦送稿來則一功而兩處報重複且不雅恐都門有議也王鳴鶴如到徑可令代童元鎮昨弟尚以一牌行元鎮候代以彼中無人兵柄不可一日無所屬也蓋芳威才畧志氣俱可取而不甚穩行當發去安氏兄弟弟行文以千金充吾兩人之稿而隴澄却賄一節又令談道掣一忠清紅旗與之令出入載於馬前諸所鼓舞不遺餘力矣第恐大羊之性終不可測昨無端而請糧彼受門下萬金之給入之囊中顆粒不以享士帑藏錢糧豈可授之於壑乎已行談道切責之大抵此輩要恩威並用早破其奸方可烏江關之破只為少一撤先防其姦功若說破則不

敢矣閩銀已差人迎之令徑解黔川兵圍固已久李
應祥遲疑不進何故先是丈議會陳帥與之全掃四
牌七牌彼既違約今陳帥為七牌所苦不得進彼亦
不與夫擊弟以一牌切責之而彼反極詆陳帥此人
跋扈不下劉縉何以處之敬請教

史同知

劉帥關外之戰頗力關內殊覺不振似以初三一挫
而銳氣頓盡者連日接其稟帖塘報皆披點一片虛
詞全無實事又謂亟催各路並進尤為可笑今川兵

半播金書

卷十四

史書三之三

十五萬連營十里尚不合哨不應援不出良心公道
為國滅賊反講口舌相排擯則湖貴即來何益我此
不過坐延時日幸人有敗或為賊留一線生路而已
不知本兵已有以待之一有參差奇禍立至今不能
借人以助已而反矜己以誇人何其愚也可善開論
之知竟迷而不悟則亦只有法耳高推官一二千之
說即是劉總兵八九萬之說此皆不足為憑亦不足
爭辨總之賊兵原只四五萬今敗殘之餘不過二三
萬彼凡應敵必留一半守圍此其多寡居可知矣三

總兵領十五萬精兵坐守不敢向敵而自家炒鬧飭
虛挾詐無所不有不知 朝廷高爵厚祿養人何用
尚不如逆賊養苗至今猶為之盡死力也人各有良
心心各有公道幸與時時申明之若此事不成本部
徑以 尚方行戮而後待罪豈肯為人所賣乎吳總
兵所領兵忍饑苦戰甚為可憐有米當借之毋立而
視其死也

張同知

既發之米筭為實數是也但自縣至營動須一二十
日彼口與腹亦肯筭為實數乎此宜沿途設法催償
日夜周流無滯乃今以一冊筭數了事事益不可為
矣

半播金書

卷十四

史書三之三

蔡知府

今日之事吳帥可謂全勝蓋關外宜招降關內宜力
戰此大機宜也陳帥璘雖屢報首功至以千計而不
善招降遂令關外之苗據固不下反礙入關劉帥縉
雖關外再勝足寒賊膽而入關不戒為賊所襲子營
衝裨將殞後雖勝之不能掩敗也吳帥關外以不殺

為威招降數萬兵不血刃而入險關入關則又先居
高陽屢戰皆克且身先士卒嚴飭軍法致三軍枵腹
應敵無敢後者雖古名將何以加茲第近日似以深
入為悔反謂我愚之則可笑矣今惟有合哨為急劉
吳二帥原有隙當此之時宜令歃血同盟各出公道
心相援相濟又須時時開譬之令以公事為重可也
初八之戰劉帥不援已嚴責之再令則參之矣糧運
不給為之食不下咽瀘州守已革職且令押夫入山
又令綦南二路借米二千高推官有義氣必不相負
草草

吳總兵

開刀兩月止南川龍泉烏江三路抵關各路無至者
因移檄以中憫為辱蓋五路通行不止為永合一路
也劉帥遂於三月二十九日入莫山將軍營於初一
日入岩門本部方喜以為二帥尚有丈夫之氣乃將
軍以入關為悔乎聞入關後裨將有具稟請回者將

平播全書

卷十四

書三子夜

軍怒而欲參之今奈何反成疑慮也賊兵不滿三萬
敗殘之餘勢已不振我兵只永合二路已自七萬不
啻倍之但中軍令鼓士氣賊其如我何劉帥擬弄機
械謬稱合哨徑不以一兵應援已數其罪而責之俟
看其將來作用何似聞廣兵戰甚力有以一人戰三
人而盡敵之者可重賞之懸賞正為今日也又聞土
兵之戰不力豈曹吳二將欲坐觀成敗耶據實報來
糧運不繼憂心如焚已將瀘州守革職再不繼當參
談道聞夫役已源源而往但恐不即至已行令綦南
二路各借米一千劉帥或不肯高推官有義氣端不
負也可發軍徑於二路取之耳賊謀甚狡恐衝我守
關兵或絕糧道宜多方備之夜劫詐降尤宜在念也

劉參議

吳帥有稟來催糧其詞甚哀苦令人惻然動心恐數
日後當不能支則禍在兵將而罪在文官必須先等
邵知州李同知而後參之恐亦不能不累談道也柰
何張同知報一冊來稱運過米數可支至五月但纔
出門便算數彼豈能飛而食之乎談道宜速催之無

平播全書

卷十四

書三子夜

宜坐待是待禍也運糧一石准米一石亦似可行而
瀘守難之不知民間以為何如諸凡宜速計萬萬

高推官

劉帥耻其松堽之敗不無幸人同已之意以故兩哨
有戰皆不應援已嚴檄切責直數其罪且令史同知
開譬之矣既在同事又入賊巢凡事宜包籠之且令
為我用昨會兵之文雖佳然語多譏誚彼不能無恨
此非成大事者之長筭也馭得其道沮詐咸作使幸
留意焉

平播全書

卷四

書至平

劉總兵 史同知

四月初三之戰我軍殲二將領一土官兵士數百人
千把總且勿計此其敗亦不小矣雖旋即勝之斬馘
逐奔然首級無多不足以相當也當日即欲題奏以
為功在垂成而論罪恐都門又生議論故少待之今
半月以上矣既無應援別路之功亦無本路進取之
事不知何以相準昨塘報中擬拾牽綴全無事實至
以陰平裝璜之事相比更不相等此不足取信於本
部况可取信於按院乎今為談路計無他惟是虛心

克已結好兩路或併力夾攻或相機取事只要日下
成功無論何人成功皆是談路之利若再遷延時日
捏報支吾甚或坐觀成敗別路有失則百口無以自
解而部科且起而申前說將不知所終矣本部從來
在邊事事實報軍為將官任罪必不黨將官朋欺此
天下人所知也慎之慎之

張監軍

昨有文來云自土坪發今想已到營矣賊勢已衰三
路皆敵不過再一夾擊必上國無疑而我之將領不
齊心不合哨不應援久之恐反為賊所乘非細事也
今在彼可先調和諸文武冷之同心共濟彼此應援
却日日撓亂之彼將自救不暇其下面小國如龍爪
苦竹養馬之類或取之或降之則勢孤而心搖矣劉
帥經挫志氣似灰可以利害動之高推官只是出語
不謹如前會兵之檄過於譏誚安得令人樂為之用
此皆不可不一論之今令守道去監之歎血為盟但
其到尚遲惟力圖之不盡

魏監軍

平播全書

卷四

書至平

聞陳總兵已打破三國獨有青蛇未下業已在堂
矣談道尚未知耶蜀兵三戰三勝見攻海龍國逆賊
坐而待死無能為也想總兵刻下入關談道便可相
從軍中事冗百務經心知勞神慮至於憂讒畏譏則
不必然此 國家大事吾輩但得了此即死亦甘心
况其他耶韓魏公定策兩朝人曰事不成奈何曰事
不成不過族耳古人當事族且不畏今人遇小小利
害便尔疑畏所以事鮮有成即成亦不光明耳願與
談道共勉之草草

劉參議

餉乏事急不可以一途取若守株待兔決西江以活
轍鮒當求之枯魚之肆矣僧夫甚便川東見用之城
市排門交貴州見用之綦江路至用及護餉守城之
兵此皆可通變以救目前者惟在行雲流水當機立
斷不必商量歧路回車千里坐失此善喻也船運米
雖多而夫却少昨見一運米一百八十石用夫九十
人若到彼下船陸運六轉此一百八十石一月猶未
能盡至營也宜於水次盡處領屯多夫以待至即一

擁入營方佳此最要緊李萬賓所領鎮雄兵已發四
陽為發之緝麻地方至彼以一文徑令回彼去家近
自樂歸又不為害若先知其不用則一路騷擾矣晏
慶潤等兵亦當如此打發須後令安鸞未到此時賊
已垂亡彼降安得不直羅剛已為賊囚禁久矣

陳總兵

四國已下其三青蛇雖險如在掌中矣或招或剿惟
其所為但求早下七牌既淨便可長驅入關蜀中諸
大將攻海龍國已久只待將軍收功時哉不可失也

辰常兵備道王副使應霖

謂首得志於黔併力於楚非也川兵入關賊已上國
環而攻之不日且滅何力之併乎湄潭餘寇原不自
多以楚兵膽怯遂致連誅今各國亦已下矣兵入關
糧更急須倍常餽運無令乏絕容美施州之兵入關
自在陳帥麾下永順兵如不可使任陳帥去留之蓋
賊且亡亦無須多兵也但我輩不可以無糧遂滅其
兵兵須將官自為盈縮耳

史同知

向以劉帥入關半月坐觀成敗故切責之近乃報不
小國之功差強人意但聞將領不和彼此相欺今在
賊巢豈可若此宜與蔡守高推相結而匡正之令同
心戮力犄前角後方有濟也蜀以三將擁兵十餘萬
不能克一國而今水西垂涎其間不亦可羞之甚乎

洪副使

水西觀時勢者彼見楊氏將亡安得不為絕交此其
所以為水西也若興兵之初即以大義滅親毅然長
驅則忠順之名萬世不磨矣惜乎其不出此蓋土把

平播全書

卷十四

黃

七十三

誤漢把而漢把誤疆臣也所幸不遠之復尚足自解
耳賊有敢死兵二萬此尚義初出時景象也今已散
去想不及數千已上國自保直坐而待斃耳尚義原
非投降豈得免死此等人皆宜為獻俘之用勿失之
草草

劉總兵

今日之事賊滅則大家有功賊不滅則大家有罪至
於將軍利害更比他人不同前日約南川兵會高平
而竟負之自是不是監軍道之言則甚然自是正論

不可以為有成心也彼一言半語便受不得如功不
成賊不滅科部十言萬語紛然而起將軍又於何處
分辯乎今將軍與永合南川路皆不和又與監軍不
和難謂盡是別人不是今日史同知揭米言賊三日
可克但必欲本部親見之此語若令他人聞之又不
以為狡乎既三日可克即宜克之何必待本部親見
九幹事說話都要從實與人皆要和師克在和念
之念之本部亦且南矣若本部至而賊不滅徑以
尚方從事不欲親見之也

平播全書

卷十四

黃

七十三

詹參政

近有自營來者言糧幸不誤又三國已克亦可因糧
但我之運糧仍須照常不可靠其因糧致誤事也黔
中一府尚不如各省一縣夫亦不多只可責之供施
南八千及黔兵之運耳楚兵之在龍泉者恐不能供
也當與談道議安行之且兵既入播則糧只就近一
路運為便即板角一路亦可改之從三渡關運不必
經由龍泉矣惟黔運用思南夫者方由彼耳

史同知

南川夫利談路援之是矣既援之即曰乘勝取關可也却又於稟帖報援南川於塘報報分布克關克城兩下皆占便宜如此舉動欲人之不恨不爭得乎凡事皆宜實做寧可讓人不宜欺人劉帥似不知此意談廳日與箴之可也師克在和今劉帥以一人之身與吳總兵張監軍高推官皆不說話世間人豈皆不是乎若各路盡去劉帥能自成功乎即今日能自成功前日能獨進至今日乎成則大家有功不成則大家有罪而劉帥利害又與他人不同奈何其不自知

平掃全書

卷十四

十一

至今猶欲與人相爭專功而不認錯也既云三日可得賊即宜得之何必要本部親見近於戲矣本部且南若至而賊不滅徑行法耳不能待親見也

張按察使悌

入營甚速令人快然賊已無能為矣今所慮惟是各將領心不齊又有無耻之人攘功避事無所不為談道到彼可以天理良心之語激發之仍令歃血同盟庶可以杜其詐又攻圍無定向兵多易爭今分為八處也約定為前後夾攻庶可得賊而無爭攘之患惟

酌行之所開三款俱安即隨宜行之昨將領有倡為請本部入營親觀取賊之說者此欲延日留賊以遂其私可徑催令上緊完事無令以此借口有事不時報來可也草草

梅叅議

向見陳恩知安氏無他恩雖不甚明義理尚能識時勢也凡人之情無害而後求利無失而後求得若不計得失利害而一意冥行以速危亡者惟楊應龍為然此乃間氣所鍾不多得也執此以揣安氏知其終無他慮况今日乎烏江之事安氏幸災有之加功尚不可知彼將士耻敗自文耳劉綎入關賊劫之潰一子營後力戰乃勝之綎耻其先潰亦以安氏為詞僕謂之曰安楊已破面矣無庸借口也後知其二十九日之戰乃愧而噤口烏江兵將皆遠不及婁山將不在行間兵亂行而掠敗固宜然將誰尤焉今播賊已為川兵殺盡賊止率其戚屬保固上耳安氏初以無糧退見川兵勝復回攻圍欲以分功自當任之不必疑也貴州近為安氏敘功却又過於鋪張馭夷自有

平掃全書

卷南

十一

中道畏與狗不可政恐平吳之後當勞聖慮耳密之
密之有機事時時教之必不洩也

總兵 監軍

暑已深矣賊已散矣一孤國聚數千人其上六大將
領三十萬大兵環而守之莫敢先發也從古以來有
此事否今三日不完期五日不完期十日十日
再不獲賊則何以自解乎計文到無不滅賊之理今
亦不必瑣列攻取之法止將賊滅後事宜開具於後
幸大家商行之

平播全書

卷末

卷末

卷末

一今日之舉要在必得罪人生擒為上斬首次之
若賊自縊必要有屍自焚必要有蹟若香無踪跡
是賊逸也逸從何處放從何人罪必有歸若以假
屍假級捏充者以官員人等說謊論

一賊之妻子及親黨頭自主謀人等係生擒者活
解來以備獻俘係斬首者必要大眾驗視明白方
准不得信口捏報以亂真實違者罪之

一賊滅之後各監軍總兵監紀官公同至國上檢
視賊之財物家資金銀衣器各另封鎖造冊登記

呈詳以便批發給賞若有寶物應進

獻者公同封識冊報仍各撥兵委官看守不得縱兵

恣掠致取嫌疑

一各將領各約束部兵不許爭功爭財自相殺傷
違者刑領兵官之功仍以罪論

郭青螺中丞

平越哨之功同前沙溪哨類報之矣既破黃灘關便
可長驅圍下乃猶劄營不進何也來教謂賊上圍便
費歲月以弟計之彼圍周圍不數里吾二十萬之眾
力可移其山恐無俟歲月但恐遠遠劄營如應祥輩
者不少則須以歲月計耳安氏至此時不得不為我
盡力以後敘功望無過於彼鋪張恐難於收局也
密之密之

梅同知

前該廳議只算數責成州縣官而考其成本部固知
其有今日矣運夫日領官價便如雇工人一般只當
按日計工則營中米自有餘今不以日計而以月計
又令足數而止脫有不足數者何以相補事已悞

貴州縣官亦無及今宜改前法仍處處人人計日
算工自可無悞也此事至大至繁須胼手胝足為之
若只總其大綱則此中袖手之日即營中枵腹之日
矣行百里者半九十兵在關內無可因糧宜百分加
意可也

張監軍 張按察使

連日詢問圍前難攻圍後易攻水西只在後面想是
渠知此路永寧人亦知之但二土司兵相見即相殺
可以漢兵隔其中自不妨也前面找箱放大炮火箭
於圍上以打其人燒其房後面填壕過兵不兩三日
賊成擒矣只用攻圍法賊自可得招降亦難待其內
變不知何日恐我外面兵多有別事則又費收拾只
早以力取之為得也望望聞將領不和甚至欲
治兵相攻者豈欲為賊助一臂力耶教之教之

史副使

各處米來足為一快然當此青黃不接之時求無不
應即有司之勤事可嘉而小民之茹苦亦已甚矣今
惟有催之早完俾一甯之民早出湯火耳

平橋金考

卷十四

李

皇

播金考

卷十四

二

書

可知亦善地矣

沈按察使

烏江之事水西幸災有之加功未也將吏耻敗自文
借為口實人信之舉國若狂矣然亦賴有此不佞借
人言責之而水西大懼遂殺其僂而與之戰近又計
誘其心腹執而獻之又斬其通播之把目而泉之王
嘉猷之營以王嘉猷亦通播也人情若此不已急乎
向日有以用水西為慮恐後難處不佞答之曰無慮
也不曰吳元濟就擒王承宗破膽乎今果然矣陳恩

之稟亦急于自明之意門下所答甚為得之今賊已上圍固亦可攻不專待其內變也方促諸將攻之所恨者諸將各有爭功之心恐反壞事駕馭此輩更難於剿播若其不馴惟有劔耳欲與門下一面計善後之事不知可得一來否附問

魏監軍

三圍既破此時尚無入關之報何也二省人畏播如虎乃並死虎亦畏之如賊已上圍自保猶云其第三子守三渡關海龍圍下皆我兵其第三子他日何以

兵播金書

卷十

書志

上圍乎施州衛兵日在三渡關內劫掠尚復有一人守關乎既入關則偏橋龍泉合而為一兵可四五萬永順兵如不用命竟發而而他日參彭元錦違令之罪可也蓋攻固無用多兵楚中糧運又難可徑與大將議行之陳帥破青蛇圍之法可移之以破海龍圍幸急入若令他人得賊而此路猶在關外豈謂無功然終不得與海龍圍下諸道鎮同日而語也

內閣趙二相公 田東翁大司馬

兵以八路進賊勢難應援亦難防守故只集兵關內

以俟鏖戰三月二十九戰水西兵四月初三日戰碁江兵此二枝於八路中稱最勁矣然皆先敗而後勝之可見賊亦初敵未易與也水西初敗損兵千餘大頭目柯阿箇之二子俱重傷但土司耻敗不盡報耳初四日以後戰合江兵連二日不分勝敗至初七日投文詐降吳廣亦詐應之而嚴為備至初八日捲土來戰廣力戰敗之初十日賊集其眾苗而搆之曰尔軍不為我盡力我今上圍任官兵殺尔矣眾苗曰合江手硬碁江銳狼委難相敵明當敵南川耳至十一

兵播金書

卷十

書志

日詐降南川十二日劫營先已審出伏兵待之復敗而去於是父子相哭而上圍矣十六日川兵四路始會而約期十七日南川兵先至圍下各有殺傷日暮據其關十八日碁江兵至盡掃其圍下周圍之子圍苗兵有殺者有散者有去而投水西者今圍下已無苗賊惟率兵保固然無足慮也田一鵬楊兆麟等五十一人刻血為盟謀內變已差人告高推官領有執照矣內一人楊一元者泄其事賊盡縛之殺其妻子事遂不成然自此心腹盡潰父子相疑今但督兵四

面攻之彼事急不自焚則為人所執必不能逃也水
西原足觀望後以烏江之事人多歸咎於彼之歛弄
龍直移文責之遂懼而與之戰又誘執其頭目又率
兵隨川兵攻圍若急急焉表其忠順者所謂吳元濟
就擒王承宗破膽者也夷人情事自是若此彼不為
我害即佳况且為我用乎今而後但當問緩急無復
虞利鈍然龍亦且謹之又謹以圖萬全賊一日未死
未敢一日安枕臥也臨楮可勝惶悚之至

又

平播全書 卷十四 書三之四
賊已上圍勢在必下善後事宜謹先開款呈覽伏乞
批示以便遵行幸甚

一先雖有

旨不必改土為流明係鼓舞各土司使之用命今賊
已滅矣若不改土付之何人應於播州立一府一縣
一衛內立一道一總兵彈壓之其周圍地方隨便立
一二州三五縣隨宜設立要在妥當以七分屬貴州
以三分屬四川蓋貴州瘠薄以此補之而近四川者
又須從四川治為便也

一五司為禍之首已為賊殺絕其存者查係原長官
的派於設流之後隨其強弱或加以土吏目土巡檢
之名去其長官名色使他日不至生事

一係楊氏族除剿殺外有殺不盡者遷之閩廣地
方不復令得留播地使後人有興復之議係苗人者
除剿殺外餘歸之原土不令留播為害惟五十四里
之人得留但其人亦不多必有曠土應查其四方流
寓之人應發回者發回應存留者存留如再不足或
附近地方遷民以實之

平播全書 卷十四 書三之四
一投降之人原有賞格今難失信如袁年王繼先袁
蓋安鸞羅國明等原係長官各有地土大兵未動先
已投降今既改流亦難令仍長官之舊若降為庶民
又非初議或授以千百戶之職發之別衛所令世其
官議者必以為此皆賊黨賞之太重但彼若據地相
敵未免費力攻取如偏橋路三圍不下陳璘至今不
得入關則投降之功不下戰勝從來賞功有此款未
可廢也但尚未知諸人意向若何臨時再酌處之

肯意有土司擒斬應龍者即承其爵土之說原為未
動兵時彼能自己承領不費 朝廷之事也今已興
人動馬耗費錢糧無算播州兵已盡地已平賊只在
圍上他日縱使土司中有乘機違會得其首級不過
如呂馬董之類只得賞格中恩典足矣必不可拘於
前

江續石中丞

陳帥攻三圍其功甚奇畢竟是老将知兵也關外已
清計必入關攻海龍固矣去之漸遠糧運益難萬惟
留神督催但一二月糧運無悞賊無不盡之理若此
時少有乏絕則兵不能久屯九仞之功虧於一簣矣
關外尚可因糧關內無糧可因此須我輩自己下手
做莫付之司道也弟日日只是催糧所以川兵得早
入關萬望兄同此也會稿請教乞同上之再一疏則
事畢矣

劉參議

廣兵虛運夫何不早言今當令大將禁其後來而不

責其前事彼自相安也劉昇所言是實事魏光祚所
言則彼無才不能料理耳奢氏之玩即當呈之院道
移之士官奈何飲血成病此人似不堪此任宜早更
之前孫知州來及近按君來知貴道為運事備極勞
瘁誠憐念無已然亦無可奈何古云鞠躬盡瘁今日
乃知之耳僕自有事以來夜忘寢日忘食五官百骸
且忘其為我有也亦無可奈何耳幸事有九分只努
力一二月自可了幸共勉圖之囑囑

張按察使

連日營中寂無一報不知所幹何事今無他法只是
日日攻之更番迭進使彼日不得食夜不得寢以大
炮碎其樓櫓以火箭焚其房舍彼精神已疲心膽俱
碎不亡何待乃各將或欲行其私或欲專其功人各
有心坐淹時日不知此事一成大家有功此事一壞
大家有罪何其愚一至此可力譬曉之自到之日即
歃血訂盟日日夾攻十日而不下者未之有也水西
於此時可保不助播但恐其爭功妬功妨害官軍及
永寧兵則須明諭之也已有行於楊監軍洪兵道內

有公文言之不盡者須與張監軍面會二君一密言之入城之禁已行須在彼徑行申明令各大將自為法禁乃可不即遠行一檄亦未必有益望之望之

張監軍

賊知釜中之魚烹煉直須時耳連日略無音耗何也彼國周圍皆有高山有反高於圍者何不架炮及火箭打入而焚之後面有路既可挖斷亦可填平湖貴兵此時想已到三十萬之眾即海亦可填何況山溝平日日更番攻之晝夜不息彼倉皇無計非內變則

平播金書

卷十四

書之四

自盡矣此時賊說出降決無此理不可信也彼不死而付人生剛之乎即田氏之降尤不可信彼不令其與同死而付之他人乎此皆支吾延調欲以老我兵者絕不可信以墮其計水西累有戰功此時既不可卻之在彼又恐其壞事已行文約束之可面會楊道洪道與之密言令止防閑其為害却不可如前過於作使今後來難處也諸將亦各有妬功之心須調和而防禁之此時更一刻放鬆不得幸力圖早結萬萬

監軍道

後路易攻水西占之可與楊洪二君言令論之彼能取則取如不能取則與官軍迭攻其地無至久占悞事何如何如

吳總兵

播賊造逆問罪興師

皇上托重於本部本部托重於將軍此原欲剪草除根蕩平為效非如南倭北虜一戰取勝驅之境外即可結局也將軍自出師以來降安羅村斬郭通緒遂破岩門關戰水牛塘經百餘日未嘗敗北多獲首功

平播金書

卷十四

書之四

僕已重之嘉之節經奏之皇上只待功成優敘矣乃今久在圍下茫無成功數次催促益為諄語且曰非不能成功恐成功而不見知與無功者一般敘錄耳嗟乎是何其言之不忠也將軍起布衣至大將高爵厚祿延之子孫朝廷之恩天地非大江海非深即拍軀報國尤恐後時尚安問人之知不知功之敘不敘乎將軍為四川總兵即使他將成功亦將軍之功今不能借人成功反與人爭功不但不忠亦不智矣三月十七日攻圍既以書

約二鎮旋自背之具來稟帖可証也既背之又不令南川知致其如期發兵至於折損又不早救之十八日方至反與監紀官馳書催人為爭功之地別事可混賴談鎮之稟帖見在亦可混賴乎裨將與土司皆手尼爪牙本部數數教以好為駕馭乃至今猶尔怒罵致其解體灰心土司更不為用且如本部之待將軍良不薄若一二事不如意恐亦不能無責望能保下人不責望於將軍乎則又何以鼓舞用命也今動曰我做總兵不要緊要去就去嗟乎官至總兵而去亦不為輕富貴矣但恐功不成則身敗名滅欲去亦不得耳與將軍同休共戚事已至今不得不盡言相正以後望將軍但以朝廷之恩為重已之功名為輕和同列鎮獎率官兵極力擒賊不問何人成功皆是將軍之功若猶然逗遛觀望本部亦安能為之諱乎一篲不加前勞盡棄福輕乎羽禍重於地是在將軍決擇之也

劉總兵

既各鎮與監軍會議定攻豈即照此攻之彼係監軍

自應與將領設法攻打乃其職掌非代本部也本部只是查功罪而行賞罰若日日皆欲候號令而行則遠不相及豈軍政乎將軍自開刀以來一切攻取未嘗稟命於本部乃今功至九仞反事事請命何也本部但取完事不問其他任鎮道為之前日各鎮爭養馬等城之功不滿本部一笑乃將軍亦與之同爭尤可笑將軍自進征來尅三洞戰九盤打婁山節節功次皆已報聞然只待賊平乃得敘若賊平則前日之功已受用不盡若賊不平則前日之功皆成畫餅止宜論罪不宜論功矣又問將軍必欲自己得揚應龍尤可笑今如萬人逐兔安保我得有此心腸不免用計不免妬人反生出許多不好事來今即不問何人擒應龍將軍豈遂為無功乎若以爭功妬功而害事則並前日之功而掩之反為不可今日將軍只一意大家和同進攻期於共成王事天自不負人不必苦苦相爭也天大熱雨又多運夫又疲本部心急如焚而諸將爭一城一關之功更不着實幹事令人憤憤若將軍亦不體本部之心更何望焉

諭宣慰安疆臣

諭安疆臣隴澄近日報到母氏國之戰尚義等之擒

具見尔兄弟忠順本部院已為尔兄弟報功乃近日

營中塘報紛紛駭聽有云尔家占住後山不許別營

攻打有官兵及土司兵到多被擒殺有云官兵打坐

尔兵反吶喊為賊助勢有云尔兵不時上坐與賊往

來此等事想是尔日犯不知事者所為料尔兄弟不

知然壞尔家事不小尔兄弟宜禁絕之不然倘官兵

或土司兵一有損失烏江之謗又起本部院何以為

平播金書 卷十 書之四十五

尔症乎今日尔報功文内說十八日官軍失利尔兵

應援當日官兵四路合攻賊遂上坐原無失利之事

尔兵亦不曾應援本部院塘報管中不斷綵毫皆知

此又是尔日犯欲箴他人之功張自己之勢者殆于

不可六總兵提兵三十萬誰肯無故而當失利之名

以後文移宜令陳恩點檢過莫令不知事之人壞了

尔家大事楊應龍初時豈肯甘心逆逆只為目犯不

知事將他家業壞了其餘目犯尚多放肆不知事之

言因尔兄弟一向忠順我也不計較他以後尔凡事

謹慎保全名義故諭尔知

陳毓臺中丞

四月初川兵四路齊入賊三戰三北遂上國自保

今環而攻之雖未可即下然釜魚籠鳥終就刀砧似

已無足慮矣尚有慮其逸出者有台駕與鎮守在彼

彼即逸出猶可得况勢不能逸乎援照之兵此時又

不須多蓋賊勢已窮即此中冗兵亦已漸撤若靈益

則與水西不相能故此中前亦未敢調今自不必遣

也鎮守既至自可相忘並附以聞不盡

平播金書 卷十四 周寧書之五十一

蔡知府

吳帥有稟自四月十七發者内云十六日本職同蔡

知府與劉總兵面議必候各路到齊彼此約日並進

寧為一鼓成擒不為顧此失彼以故本職十七之約

又欲候諸哨同盟另行刻期則自十六日已欲變十

七日之約矣今該府稟稱四月十七日永合兵候基

南兵會攻賊國未至此何說也既變其約止二帥相

會馬帥處亦當達知乃竟不與言致其十七發兵失

利是永合路誤之也既誤之即當援之是日尚未發

兵至十八日早恭江發兵永合聞炮嚮方發兵纔出門又以霧大止之不止此本部差官李報國在營親見回報今本官見在可面質也本官云是日早在水合營辭歸至養馬城遇恭江兵則永合即發兵已在恭江之後矣乃又以一帖請恭江應援此又何說也南川兵七十八皆在圍下此本部所差塘報皆見今又云期而不至不知何在此又何說也以為期而不至則陝兵殺死六十人馬一百餘匹是誰殺之手有約而背之又不告人又不應援次日又不早發兵永合失律之罪即擢髮不足數矣監軍道所司何事何得不一責成尚可鞅鞅望之耶吳帥剛愎自用勅則罵人自言欲去身為大將不能滅賊何得善去該府不能匡正之而反比周之又倣效之耶該府自謂不為功名誰為為功名者本部不愛身家以擔此事豈肯為人作體而望熟息之賊若滅去就任諸公賊不滅即本部不得善去何况鎮道又何况以下者今該路惟有急圖滅賊以功贖罪耳前事已不能遮蓋無復費辭也

張監軍

塘報言田氏上降表又是緩兵之計賊或欲偷出亦不可知總之嚴防之急攻之為要若密圍之乃第二義蓋賊甚狡故難圖也各營兵多有冗而應裁就彼與總兵商量只作接糧或搜山之名暗暗發回令賊不覺方可久之運糧甚難亦為可慮弟欲前去親督又恐不能一時成功在彼反覺勢盡欲不去又杳無了期奈何奈何

劉總兵

昨以日久無功又恐為賊所給故以一檄切責聞將軍得檄痛哭欲自殺也何至是耶閱曾確菴公平變錄亦曾有責望公家先將軍之事亦得書大哭事正類此今番之舉與九絲事事相類獨少此一着今有此想乎賊不遠矣惟將軍圖之

謝監軍

頃聞尊恙甚以為慮知已喜勿藥又已入營可保全勝矣今賊已窮促惟急攻之為宜乃吳帥外示剛恭中實懦怯恭守又無實見惟爭競此小零功近且受

賊之欺但與約降賊至此時尚有降理乎永寧駕言
畏水西遠也不進三萬人養之何為水西豈敢明害
官兵近已嚴諭之想不復更作前態矣若永寧兵畢
竟不敢則調之前路而以恭商兵換之後而何所不
可幸與東監軍道議行之停囚長智事久有變萬不
可更延遲也

蔡知府

田氏乞哀為緩兵耳應龍必不以其妻妾為人所辱
今遂真其真降耶亦太痴矣廿五日約至廿九而出
半播全書

卷十四

三之三

廿九又約至初三而出至初三又不知約至何日老
我師而徐為之備賊計得矣二十萬大兵中賊計而
日日遷延宋人以和自愚者非耶今但更番迭攻彼
不死則降若但約期而待終無降理恐將領有所歸
過也慎之慎之

三省鎮道

一連日賊使往來營中將官不知防閑彼見我或有
一二處糧運不到者必以為糧盡兵當歸故死守不
下不知今已將一省錢糧盡派本邑一省丁糧盡派

運夫便是一年也吃不盡有賊中人可以此告之
一賊之身與妻子必無降理必不可信其餘則人人
無不欲降者仍宜令其親黨招之須招其老虎兵有
用之人若瘦癯老幼嬾女正可留之以耗其食不必
一緊濫招正中其計

一湖貴兵此時無不到之理便不到我川兵十餘萬
亦不少若使川兵成功自當獨敘川將何賴彼哉今
如湖貴兵至即與同攻如未至不必借口等待即將
川兵分為班次日日迭攻我之技長彼之技短但不
半播全書

卷十四

黃

三之三

中其餌為所誘畢竟彼有傷損我無傷損彼傷一人
即少一人不數日而盡矣
一攻戰之時一面招降有投降者即賞之定不可殺
害仍先立盟誓或寫之紙或寫之木即令進攻之兵
帶四時棄之令彼兵拾而觀之日日如此此又一法
為小木牌書字其上云播兵執此出投各營兵敢有
殺害者償命以此牌棄之圍路令執出即不殺則投
者多矣其投者即類解出關以絕後患不可用之隨
營以無家小難辨真偽也

一火器惟攻賊時可用若無故放之賊知是常套亦不為懼費藥甚多後將不給不可不慮也

一後路既可填即宜填之永合路兵不能獨填各路兵即助而填之亦即合兵攻之十萬兵人挾一木一石頃刻之間江河亦滿今永合路既不能填而攻之又不能與眾同之永寧兵又以水西借口觀望日復一日談路迹欲專功實自愚也獨不慮壞國家之事反為罪之魁乎

張監軍

平播全書

卷十四

卷之五十五

得二十二二十三兩日兩封塘報內所處攻圍事皆妥除信地已據吳帥所報分布訖餘即聽行之將在外君命有所不受况監軍乎若不得預軍事則何以監為昨已有文令總監四路及湖貴亦會行之事可行者一而行一面報付之新塘馬三日可達也再十日而不下必當親詣其地行誅罰焉安能靜靜坐待之乎據高推官所報水西尚無他腸亦無過二三若如此即推心鼓之與之共功庶收局為易吳帥至此時而欲遣之去甚非人情何以服其心然功金歸之恐

難處須斟酌駕馭之如以黃濟潛得其利而又免其害為佳耳

易按察使

田一鵬等之事不成共五十一人殺者逸者三之一餘尚不知存亡多有投川營者賊已亡在旦夕乃川將與水西各屯其下而無能攻之者陳李二將且遂巡關外一步不前猶報其尅關之功也 國家養將士尚不如應龍養苗尚有為之死者可為痛恨一尚方劔安能盡誅此輩乎草草

平播全書

卷十四

卷之五十五

吳總兵

得二十七日之揭乃言安疆臣不讓信地事者此軍機事宜差人馬上遞來何故付之解官遂延十四日方到豈不有悞軍機乎此事至今想監軍道已有處近聞安氏闕荆棘走泥塗開道四十里彼豈肯以路讓入莫若與之同攻談鎮為此事已與之有隙或以南川路兵同之可也偏橋兵如已到則就彼令與廣兵合尤妙但須要以和相處讓功讓能莫記舊仇莫說閒話方可望和若自己欲專功欲勝人而望人以

和誰為無氣之人不和必矣陳將軍年長官大於該鎮為御望者要合哨必須讓之莫聽文官言欲居其上以為敘功之地則萬萬不可數日前情形可見也一功半級動欲相爭爭出甚物事徒自取累耳水西兵至此時決無助播之事一向得其力豈可臨成功時便欲逐之去人誰堪之又時時說要殺他他豈肯引頸受刃乎水寧是本省土司任從打罵只得忍氣吞聲彼是別省土司只屬本部管然本部亦未可便輕言殺之也九事宜三思而行言宜三思而發若一

平播全書

卷之四

倫泰

味任性必害大事悔之晚矣若與陳將軍相處必須小心不可照劉將軍處之劉將軍能讓人陳將軍必不能讓人也再囑再囑

張叅政

僕非但欲至綦江也三總兵領十餘萬大兵守一圍無能下之且日日爭些須之功幾成敵國故欲親詣其一試尚方而收局焉又恐國果險非可即下者本部非可修去修來之人而營中久居又百事不便故且欲移綦江就近調度耳乃人人以為不便且

姑俟之若再數日而不能了此當由綦走播冒矢石而督陣即草行露宿所不計安問他乎邇來名分倒置足上首下不止一端綦知府失期悞事又說謊爭功張監軍一言面責之便投揭兩院盛氣爭辯此豈軍中所宜有耶楊氏之禍萌於無上今以燕伐燕亂胡以止我革當力持之驛馬幸有端緒當加意處之火藥諸項用夫既多當破格碩募厚其工食自有應者即別路為助亦難以空手使人猶之費也不如只在此顧為便耳

平播全書

卷之四

倫泰

江續石中丞

賊且滅矣尊駕今在沅州乎偏橋乎兵入益深糧運益遠一有脫巾之呼大事立變甚可畏也望吾兄就近嚴催之弟日來惟提調火藥匠與運糧夫二事便忘寢忘食所尚存者一息耳奈何奈何

監軍道 張按察使

播賊造反奉行

天誅凡在逆黨罪俱無赦况其妻子豈應苟全何物大膽奸人受其賄賂許以爵土按兵不進其心獻屍

即果獻屍官兵可不上國乎妻子即得保全乎爵土
可以復許乎是討逆者變而黨逆也今彼必借口賞
格不知賞格明有懸示兩月之後不投降盡行誅夷
之文今以脅從人多不可勝誅欲散其黨故不復一
切繩之耳若其妻子親族心腹頭目久拒天兵豈宜
復赦而不才文武利令智昏喪心病狂畧無忌憚言
之令人切齒談道身膺重任宜明示法紀大振軍威
百道俱攻務必元兇就擒黨類盡掃削株掘根永遏
亂畧方為全功垂之不朽不然任彼遷延長賊智慮
將來且有不可知者莫謂不佞今日不言也

平播全書

四

卷之九

謝監軍

吳帥與蔡守按兵不攻日日約降先是曾有詐死緩
兵之約流傳別語尚不可聞今報賊死詐也此事將
來當有一場勘問兄不亟入營為主且受其累夫與
兵以平播也誅其君殲其黨收其地方為完局今中
道而按兵講降名耶利耶公耶私耶監軍乃一軍之
主非可傍觀了事者他日莫謂弟今日不言也

劉參議

鎮雄兵去否如不去可云軍門欲行重究前殺平人

事恐頭人不得歸家彼當急急去也此軍皆漢人真
探無幾又為隴澄偷去昨李萬賓之兵至永寧猶
欲於餉道支五月糧差官不肯強押之行出門散盡
止餘二十六人回府其散者皆川南漢人也彼止為
圖至永寧誑糧故勉強到彼不得則走矣鎮雄兵大
率皆此類各省助餉難於移山本地徵糧苦于吮血
而吾輩不能覺察令此輩坐耗萬餘猶不得了思之
愧憤欲死奈何奈何

平播全書

四

卷之六

洪副使

自水西割後山而營中飛語如雷初言其恐害別營
兵僕謂反者之效已可見矣彼此時而反乎今不害
別營兵矣又言必受賄縱楊氏及藏匿者願以理度
之彼與楊氏非親也此時即親亦須以太義滅之匪
一亡國之首而負不可知之罪於身即愚如應龍亦
不為此况安氏乎惟縱賊一節計安氏兄弟但可得
首必自為功無肯縱者恐其目犯有食厚賄而欺其
主以替其者蓋彼計獲之則利歸其主而脫之則

利歸其身擇人重利計且為之則須令時時覺察防
閑可也第一莫與官軍爭功爭功必相仇相仇必相
刃則烏江之謗又紛然而起即甚愛彼者不能為之
解矣若破圍之後談道只照前行同各鎮道到彼封
府庫禁槍虜第一先禁擢鬼彼無知而生事恐累安
氏並累談道餘非所急來教謂以防奔逸則可先登
非所望也只如此足矣近有報應龍死者恐係詐死
緩兵之計願今日之舉主於平播殲其黨收其地方
謂完局彼即詐何為乎

魏監軍 辰沅道王副使

楚兵此時入關亦太遲矣入關之後無用多兵烏羅
兵止可運糧乃入之以耗糧耶永順兵既不可用即
宜發回土兵不通人性不可以漢法治之若其生事
須責成土官及其頭目鈴來今彭元錦已回只責其
頭目曉以利害禍福而散之昨已有一牌行至軍中
趁此可遣之也如除散去外所存無幾願留殺賊報
讎者却可留之在與總兵商行之耳

張監軍

賊欲以持久緩我故狡計屢出我軍中吳蔡二狂愚
墮其計中稽延半月已罪不容誅自投法網矣但彼
時先許受降後許驗屍大家似有半信半疑之意恐
孫時泰在圍鼓掌大笑不獨笑二狂愚笑大家不能
急斬其使而破其奸且與之講話自失機會也今別
無可言只有急攻一節緊攻三日圍無不破圍破而
天下之事畢矣原是拙速之局豈能變為巧遲但有
以遲求巧之心奇禍立見不止二狂愚之失計已也
功不論何人成計不必何人出但得了此以後百事

平播全書 卷十四

皆易處幸着實曉諸將無令仍有專功之心或復
循二狂愚之覆轍則事去矣吳廣只令居一處莫令
占兩路已有牌行之矣楊監軍如到即令監李應祥
之兵陳璘既與吳廣同營即令川中監之如魏監軍
到亦同監之另有牌可照行也施州兵與陳良玘是
龍泉路原屬陳璘信地此兵皆楚餉也如施州兵無
糧可借與之蓋此兵是原調川中借與楚中者無奈
何只得照管諸凡應行事宜各行牌去要緊處只在
速攻一破圍而天下之事畢矣至囑至囑

沈按察使

賊今不能逃以馬死也亦不能久以糧少水少柴然也但我之糧運亦大費事湖貴更不如川中久之亦恐有變惟急攻之三日決可下而吳廣蔡宗憲喪心病狂講降誤事今將吳革其職蔡革其監紀並叅之此月中或可望平賊矣來教俱佳而以各縣之麻繩為竹橋之用尤妙向來思之不及即當發行乃知留心世務者便頭頭是道耳謝謝

史副使

霖雨不休運夫為阻須多方圖維可橋則橋可舟則舟可筏則筏若付之無可奈何則一月連陰三軍餓死矣差官問疾苦無益也各州縣解到麻絕甚多皆在瀘州可取為搭橋之用甚便冗兵正可汰之如永寧土兵三萬即汰其半亦可急與監軍言之添糧不如減口今日之謂也

張按察使

天晴豈亡賊之期耶今更無他事惟有時時合賊無不盡之理更不可吝懸賞即今再解一萬

如前一萬用盡而後銀不至即借營中土司銀用彼各有功級銀在也攻具甚佳隨意為之但如此數日賊自了百惟留意無忽湖貴想無懸賞銀即共用之但取先登無問何處也

鄧知縣

施南兵躡捷正可用以攻囤乃以無糧散去湖貴各官誤事至此真可恨矣所留兵即隸南川哨給餉用之囤左右有小路夜潛登之苗皆不覺蓋問之昨新出降田良玉等得之施南兵正可行此事軍宜功甚多若更了此當陞為宣慰彼寧無意乎可密諭之莫令他處分其功也

張按察使

攻賊須齊攻一日一營路不甚寬用人不多我更番彼亦更番惟齊攻則但可上者即有人彼無能為矣蓋賊多不過萬人我每營三萬每日一營但出三千人則我營十日纔一轉而彼已日日人人受敵也雨亦可攻夜亦可攻若只待晴則先代之平淮蔡先年之平九絲不以雪以雨耶吳廣已叅之此外有

兵支吾悞事不論本省別省俱報來時時參之今須人人着眉决不令人多擲靠使他日因人成事者亦濫敘其間也田良玉言夜攻方可得但須以千金募死士乃可又上城之後須有後繼乃可統惟圖之劉帥尚可激勵成功近科有安疆臣劉綎並屬觀望之說此言甚屬可畏彼不立大功何以自免可明語之

草草

劉總兵

昨得京中小報內有抄來兵科本蓋因烏江失事條

平橋全書

卷十四

書三之六

陳者其中語直以將軍與吳氏並稱可畏哉向監軍道書語概及之將軍更忿然不平僕謂彼是好意一言半語便受不得着功不成部科紛然議及何處分辯今烏江失事已先波及况曰功不成乎將軍可以惕然省畏毅然圖前矣吳帥已不足倚正將軍收功之時當與監軍分守同心一德早結此局基南二路兵已七八萬即更番迭戰亦可了此不然一失此機後禍何極他日思吾言晚矣

史副使

從後路進兵不三日真是可了而老諄無端中道講降敗乃公事今日了之已出意外况三日乎永寧原自為一路曹希彬以提問之人領兵四萬日費數千金更不一圖進取但日以花言巧語支吾誅總兵尚是遲疑副將以下何難徑誅可亟語之無令以身試劍也糧實不及柰何柰何

張監軍

吳總兵分布塘報其上明書會同各鎮監軍監紀俱有姓名官銜僕以為此公同分派信地但彼打一塘報耳故即行遵照其後三道眾謀僉同之揭到查止大同小異以為想係大家商過更定者亦必照行不必又行矣不意彼原係自撒奸而虛報會同後却不同眾人之分布據彼剛愎只是專已妨人以遂其私乃前塘報又是舞文手段則募守之為也今二憾俱懲再行文申飭之然往來十日有餘矣可恨之甚彼若再不依急報來一面參一面誅其中軍官不必待僕到僕行豈能急待到不六月半乎連日所申明條戒至再至三營中但一遵行事無不了惟是此物

為崇亦地方劫運可明目張膽而爭之一面時時報
來莫與惜體而此物原不可以人理待也施南兵何
至一時散盡湖貴舉動若此若非川省則賊橫行中
原矣借糧之行已久若本路有則借無則已豈可捨
糧可徑處之閒各路糧夫湧至想亦不苦少矣今已
有行並監四路有事可徑行之若恐將領偏執與守
道同行之事出公行彼自無詞二人同心其利斷金
天下無不了之事矣即二省亦並得制之他日功成
三省之功皆其功也有不可以人理處者當如段秀
實以芴擊沈之法乃見力量草草

陳總兵

以二十萬大兵圍一孤圍不下初僕以為將軍老於
兵事俟其到當一鼓平也乃今到數日矣畧無處置
但聞與吳帥同坐營中使人約降而已即各鎮約攻
亦全不照應且令軍士坐而放炮以了事耳是豈所
望於將軍乎吳帥為賊所愚業已債事將軍奈何與
之同溺乎將軍在軍中久知人情達世故賊遠道至
此可全其妻子存其將士否誰可擔此事不與之同

逆乎各鎮勢均力敵自當聽監軍會同分布今吳帥
動曰除非軍門來方使動我不知自來用兵一總兵
皆有一軍門隨之乎本部即往豈一日可到今可按
兵不攻以待之乎本部行文總如故紙置之只挾之
親來分布是又揚應之故態也將軍老矣一生忠義
一世威名望善保之勿為人所愚草草

高推官

連日營中事體若何見報攻關獨南川路官兵多中
傷想各路袖手者多可恨可恨吳蔡中賊之閒反為
之用業已懲之今師已老宜急圖奇計破之田良玉
所開一單亦有可採與監軍圖之若後路可上大家
從彼上之除君之惡惟力是視莫與此輩惜體面亦
不必避嫌也營中事不時報來本部欲一往督之又
恐外面糧運稽遲入山太遠催督不便然又放心不
下奈何奈何

張監軍 張按察使

不孝孤有親之喪已不得稱人即生猶死所不即死
文內已詳之矣今所慮只慮此事不克有無處所不

得歸而弄親從此有快我事者便以不共戴天之讐
視之不傳刃於其腹不已幸為營中文武一誦之也

謝監軍

前難攻後易攻人人知之未合占易攻之地而不攻
又不令人攻亦人人知之今來揭反顛倒其辭謂前
功已成不敢貪人之功為已力所未解也自占後路
一月矣以前何幹今聞易地方安木城方找廂既安
才城找廂即乘三日之約攻之何堅不下乃竟不容
人攻一日是謂寧我不下必不容人之下之也信地

平掃全書

卷十

下

機宜之說殆不如是專功妨妬武人常態士大夫豈
可墮其術中而為之用慕守愉人也必不可聽勿以
自累慎之慎之

內閣

趙

二相公

田東翁大司馬

賊上固已二旬雖云險固然天下無不可破之險也
惟諸將齊心用命夾攻會當授首向來所防惟水西
與劉綏今水西見風行船已為我用劉綏畏死貪功
擊賊甚力以為賊在掌中乃突而有吳廣者以專功
之心中間謀之計反為賊用遂至延遲罪真不容於

死廣從來剛愎驕急非大將器以其果於用法欲借
其力以平賊而後易之乃今一旦至此令人恨不即
食其肉龍所奉

旨無誅大將之文只得照從重處分之

旨革其職如再不悛頑以便宜收之當再以

聞大抵賊已窮促之極觀其詐降詐死情態已見自
處吳廣後人心當為振厲即一鼓平之未可知也統
俟嗣報伏惟台鑒

又

平掃全書

卷十

下

龍之家事盡在疏中蓋去年之冬即應告歸終養矣
于時事勢無可歸之理計即告亦必不准只得勉強
督兵意以春夏平賊秋冬可歸家也乃賊未平而值
此變即推心溢血亦何益已川中去京師速即得代
速亦當三月方可出境停柩之父啣哀之母方寸已
亂之子何以延此三月此等情事即行道聞之亦當
心死况以身當之乎伏惟台臺主持急推代者仍令
早來受事此非為龍計乃為西南半壁計也若賊則
已必亡之形更一月不下亦當病死餓死縱是昨

陽義旅亦止可餘巡遠數人况逆賊乎無足煩台慮矣臨楮無任泣血哀懇之至

張按察使

若攻圍久不下仍是約降約降者非約楊朝棟田氏及應龍明言此三人必不赦而約何漢良孫時太黃七等即與之以印信牌文可與各營文武明講過做此事事成即免其死應陞賞者仍陞賞方是光明正大之事向來合江管只約田氏母子及堅衆人之心已不是又皆各營欲專功愈為不通令可大家商同公道做之然一面約降一面攻圍不可指此悞事也以攻為正以約為奇奇正相生斷可成功黃七之父已去成功即在此人不可知幸與各鎮道商之只莫令水西知之則洩之應龍壞事矣募能於內放火者賞之百金即令其差出之人歸而為之但火起即以爲功其糧焚自不能久也事已久師已老全不用計一味苦攻亦非長筭圍之圖之

沈按察使

不孝孤惡極罪盈禍及其親連日昏迷惑亂來教未

及若今所教攻車雲梯之製即取金堂令赴營為之矣事已至此一切軍務仍須嚴催之不孝不敢以

一家之罪過而妨大事望諸司體此意也不然即交代尚須二三月可兀坐而待之乎水西實不能攻圍若能攻則攻之久矣蓋其兵亦只虛聲無實用向來所報皆是裝飾今在圍下一籌莫展要之固實難攻我二十萬大兵火器如山不能得志彼一二萬土兵又無火器何能為今即許之以地亦無益也昨已處吳廣廣甚憤勵後當效命但文武同心事即可為矣

病中草草

楊監軍

近報安氏以酒罈裝火藥送賊又令以乘兩衝營果尔則是貴州四川自為敵也其罪不下楊氏矣一向川中道鎮有言弟皆以為妬口不信今稱同貴州張尤二道公審果尔則水西尚可一日留乎聞彼亦欲退而避嫌想以無糧托言以為名者若如此即好為遣之去可也洪道一向苦心正氣乃遇此非類真是無可奈何碩其駕馭之功自不可泯若及今而去不

至決裂則大家尚為全功何如何如弟已為天地罪人只忍死以待此事旦夕完則移駐候代矣惟我兄留意焉

史副使

糧不足為折乾者多而永寧其尤也聞永合二路兵在營不及原數之半而運夫則加數倍矣營中米則開市賣之米少則大將攘臂而呼此等物事不知養之何用令人恨不食其肉昨廵下南道查出一折乾把總已行營中斬之永寧兵若有冒濫談道自當查

實如昨鄧起龍之揭所言即移文二將汰病弱三五日可了又報來請文又行去不差半月乎兵道以督兵為責何事不可行而斤斤請命今之師老財費正坐各道任事不勇令人仰屋竊嘆而已藍芳威已行令搭橋餉米應停應緩即當行之但須催應運者俱運到蓋既無多餘則須顆顆皆到方不悞也添糧不如減口營中實數可裡查之

張按察使

用兵自有次第前日大兵入關賊初上國我勢方張

彼志不固百道俱攻旬日可了所謂乳而取之者也乃悍帥無知為人所愚按兵不攻以致今日賊守既固我力已疲即欲攻之亦必修器具齊兵力乃期必勝而悍帥又以得罪為懼驅無備之士肉薄而熾附之止以卒于敵耳乃談路文官反同聲附和而贊誦之此不過以其為同功一體之人敗則俱敗故昧良心而伸私說其心尚知有朝廷乎世道若斯可為一慨不孝嘗謂國家養士不如應龍養苗非誣也今惟一而招降其黨一面急攻其固自無不下攻則以百計攻之勿但恃力招則以百計招之勿拘一途多算勝少算不勝而況於無算乎攻城書冊附去內飛梯巢車等皆有可用惟商行之只令倭子坐於巢車之內以鳥銃打之彼城上人不敢立固上人不敢行矣諸凡此類可推廣之有出降者可以衣冠假之為招披花紅銀牌迎之固下彼苗子見利命亦不顧可令盡下也

劉參議 徐僉事

不孝得罪天地死不足贖所強顏視息者正欲以候

代之日督兵滅賊然後歸而葬親庶其尚得襄事不然則事不完

聖怒及之身且不保何能葬親今忠與孝已兩成盡餅惟是以門下之庇但得苟完此事苟全此身歸而以一掬土掩化者即長赴幽冥無所復恨惟望嚴催糧餉無至乏絕此百生之幸也承慰問心骨為銘卒卒奉謝寸心盡矣

張按察使 六監軍

不孝日望捷音不啻忍死乃連日來塘報亦且杳然豈果養威定計耶抑亦玩日愒月耶今必有無識將官以不孝聞訃反因而懈弛不知及不孝之在而完事也不孝敘錄時向日功勞必為之揄揚向日罪過必為之遮蓋一場辛苦尚不辜負若事久變生不孝且去後來者從前之事原不干已彼不以敘功為急而但以隱罪為慮加以三省按君俱有監軍之任事父不結何得無言恐人人得罪未知諸將之所稅駕矣此不孝所日夜慮之者非獨以自慮亦為諸將慮也幸為諸將一明其說若其不信吾言而玩愒如故

則不孝必一聲其罪而去不以煩後人齒類也行矣

陳總兵

公核用戴罪字本部院無此行也豈以父不滅賊有所不安於心耶但能滅賊何罪之戴以後可無用此矣所言監軍道手本云云此處並無此報不知其所以或其誤也不然則其故也恐將軍之疎於防而假此以相警戒也然以鄙意論之此皆不足介意今大題目只有滅賊大關節只有乘本部院候代之日而滅賊蓋此時滅賊本部院尚能為諸將敘功凡在行間皆向來之手足心膂也必且護其短而暴其長大家成一隊佳事豈不美哉不然玩日愒月久無成效本部院行且代去後來者始事原不相關不以敘功為心但以隱罪為慮且三按君皆監軍人各有心人各有口彼時只求目前景象尚不可得諸將且救過不暇能論功乎故竊以為今日一切形迹皆且放下即唾而亦任自乾但一意滅賊則萬全之籌也劉吳諸君見不出眉睫難以語此將軍春秋高人情世故

閱之稔矣曾見有師老財匱而能成功者乎曾見有師老財匱而無功而人無異議者乎今永保施南等兵散去者已二萬矣大衆一散能復合否他日無功可盡委之管餉官否將兵者亦有一二延捱逗遛之罪否彼且計何日開刀何日入關何日抵圍中間月日可盡曰無糧否即他人不言本部院能默默無言而去否恩讎付之身外人已置之兩忘同心同力以求滅賊以求早效無至有後時之悔此不但為國家計為本部院計即諸將自為計亦無出此不然大家不知所終他日思吾言晚矣

劉參議

乾銷之弊其來已久斬此二犯足杜後來尚恨聞之不早運夫照起夫地方增募直而更番甚善川東更番者數矣夫價但有文移何難銷算只要明示各夫知之無令吏胥乾沒謗歸於官此最緊要者鎮雄兵見播州垂亡喪氣而歸非晏慶潤之果忠順也廖選如可得尚當捶死可密圖之安氏兵已行撤去不令攻圍以絕他患趙應元即發鎮雄無用徒為彼添一

漢把耳當另圖所以使之者草草

蔡知府

談府與吳帥失策悞事揭報矛盾本部院未行文以前數以書詰責談府不辯也以為談府亦自知其錯能服善矣乃至今而突長其說詳之蓋止為通賄二字夫為通賄而辯則只曰原未通賄自有公論如吳帥之說足矣奈何並從前是非而欲滿靴之乎揭內所重在受金五十萬夫五十萬之說不但高推官無之即蔡南從來無之惟川南監軍稟帖曾有此語本部院且笑其迂以為此何足辯五十萬金何處奇頓今談府諄諄辯此不更迂耶夫本部院所行不才文武通賊受賄蓋聞該路數使降人李朝陽及秦民司仁愛等往來圍上數得賊金以惑亂軍情故明行戒諭令人絕交遠嫌今乃疑及高推官又牽扯曹吳二將曹吳二將畏賊有之通賊則未聞未可引以樹黨也至於從前失機悞事及捏報飾非如十七日已背約不發兵而曰待蔡南兵攻圍不至如田氏之降明白曰田氏果來觀舉而後改之曰知其詐降力阻其事

如賊報死明報諛道以且當議定應行事宜恐各路
又有先報者而今改之曰曾稟二道必不可信若以
為必不可信則任各路報之又何恐恐然畏其先報
耶此等反覆一切置之不言而但以受降相屍之事
盡推之各路文武夫初受降者誰也初受詐死之文
者誰也至十三日而猶驗屍陝兵放彈猶禁之者誰
也既請各路來又嗔各路不止之何若不請之為愈
乎夫寧直各路即本部院與兵部賞格及歷來

明旨何嘗無受降之說今但有為賊所欺者可盡引

平播金書

卷之三

七

書

之以分過乎今各路求攻圍後不得而曰各路俱不
敢攻後永合路獨從後攻張監軍責十七日失期而
橫以十八日之發兵相抵此等議論不可以欺三尺
之童而可以欺本部院乎夫軍中立草為標道府原
自相轄今該府疑心醜詆高推官已非雅道乃歸過
二道而曰魑魅魍魎之黨曰奸邪之黨曰虎狼之威
虺蛇之口詛咒嫚罵不一而足世間有此文移有此
體統乎吳帥動欲殺人該府動欲罵人豈不毅然大
丈夫哉惜乎其不加之播酋而但施之內地也本部

院雖至不才然三尺之法與三尺之劍
明主業已付之矣若漫無主持而令人人得以撒潑
放賴喝神罵鬼則溺職已甚安所用之該府如以為
是則可如以為非是則請更伸其說當為達之
此闕下一別白之也

內閣趙三相公 兵科 職方

播事仰仗台臺威靈幸底平定自二月十二日開刀
至今三月零二十餘日在遲速之間然亦勢窮理極
之時矣若諸將齊心用命尚不至此時然使劉綬不
累遭挫折吳廣不新經處分即再遲一月亦未知若
何不知此輩何苦必欲人顛倒之乃始効力也願此
番事體尤有大可幸者三水西素有通賊之名今番
用之萬非得已然終有拒虎進狼之慮自圍圍後龍
乃日以通賊縱賊移檄切責之渠懼而撤兵以去曰
姑以避嫌明心實怵於兵威虞波及也渠以五月二
十八日撤兵我師以六月初五日破圍功成而彼不
與自是不敢邀裂土之賞矣此可幸者一諸惡酋若
散處林箐終難收捕尚有後憂今聚之圍上無處奔

述我兵上圍問以語言但係苗音者即殺之遂無遺種此可幸者二賊父子或夜逸潛匿尚費搜尋尚延日時而今或就擒或自盡巢毀卵破毒孽為俘良快人意此可幸者三各營功級尚未查明惟南川路報圍前斬一千五百計逆黨尚無餘種業以下令止殺及撤兵並議留兵與善後之事統俟嗣報惟是龍日來國事家艱千哀萬苦形骸頓盡神氣無餘更遲日時當求之枯魚之肆矣懇乞垂恩俯憐急催代者速至臨啓無任哀號悲鳴之至

謝監軍

吳帥已為奸細所惑如落陷穽一處方如夢覺遂有此功法之不可以已也如是兄試思若李朝陽後來文書之類彼皆以為奇貨可居再與講降豈有今日乎蓋必兄斬使焚書而後賊之望絕我之氣厲則弟前日所以致恨於二子者是耶非耶永寧馬湖之兵當盡撤去浙兵亦當發回其價高而費大也去此則總兵標下只有廣兵三千或再於曹吳二將下共留三千湊六千留防足矣惟酌行之二路功次與文武

官應敘應議及地界招降人口之類須自下完報立等題敘勿遲地不可一寸與人勿信土司妄爭也賊屍並俘獲之人俱當解來賊之家資遂至搶劫無餘可為深恨此事所不憚人意獨此耳恐有議及之者未免為諸將累奈何奈何

張按察使

不世之功成於一日快哉微貴道之力不及此此當與海內共明之耳最快者賊子賊屬盡得無遺更為全美查賊第四子不見下落前水西報殺之妄也今又不見何哉聞此子勇而好鬪豈今方為亂兵所殺乎須查明不然恐後人以為竟失此子也凡賞格有名入皆可追求下落有無下落者仍以名捕之若見擒獲者即應解來矣賊之家資盡入貪弁亂軍之手可為痛恨然事已至此亦難過求不然大功方成却理賊罪亦不雅且亦竟不能得也昨已有一牌行查劉帥亦有一文申辯若有者落亦不當隱若無者落亦只可說明立案恐後有言及者即以為初情耳統在貴道與監軍酌之清地敘功撤兵留屯諸事件

要國下了之又須旬日之內久之則不孝不能待矣
今即行貴道總催三省各處令人守催莫令回則
難結也留兵不可太多亦不可太少須酌之應撤者
即撤去無濡滯一日即有一日之費也

內閣趙二相公 田東翁大司馬

賊之滅亡合門已無噍類加以兵將志在爭財奏民
志在復讎遂毀其室發其藏極其責緒其山真所謂
剪草除根靡有孑遺者今當留萬兵屯其中以一將
守之以防林箐嘯聚之奸然後改土為流建城設官
次第舉行則萬全之策也議設一府一衛三五州縣
當另以聞總之旬日後撤兵留屯敘功善後事可畢
竣惟是龍以非常之痛當非常之勞奄奄氣盡無復
人理初所自矢謂但得賊滅即與之偕亡無恨乃今
父死未葬母老無倚又覺此身未易捐棄願哭則恐
哭死而又不能禁其哭勞則恐勞死而又不能免其
勞惟有早得代歸尚可存如綫之緒則不無望於台
臺萬惟垂恩亟權代者此龍一家永世之感也不然
身且日漸昏迷事當日就廢亂悞身悞家以至悞國

悞天下尚忍言乎情苦辭急有涕如雨不知所云

胡魏二監軍

來揭以先登屬之綦江路謂搶財不止永合路俱是
公論然謂二張以功不盡出綦南而忿嫉非也二張
之拒解功謂其初六日再四喚審定不肯發直至初
八日而後解來故麾之耳且一向有行以謝監軍有
疾不來張監軍並監四路至於張守道則總監八路
者又何苦必欲功出綦南也攻雖分日然劉綎以先
登破其二城賊膽已寒因而內潰初六之功自因初
五之功成之則得賊之後即應公同審驗解報乃吳
陳二帥私之營中以為奇貨直待二道與議方始勉
從即此自是可惡何待搶劫而後為有罪乎國前難
攻後易攻吳廣自以為正總兵擅行分派自占後路
又引陳璘與同以排前路却守之四十餘日不下已
不能攻又不讓人攻只與講降蓋破圍之後而璘猶
令其營打報官嚴聚德為之遊說謂國不可力攻當
以招降計取也今竟何如而猶欲擅其功擅其空之
謂有人心乎此番若非本部革吳廣之職二張其輪

攻之呈則今日尚不知何如乃貴道因二將一偏之說而痛詆二道何也且二張連日所投揭深以諸兵將搶掠財物為恨而又以國體事體為言謂必不可深求其言比之貴道更深切著明亦未嘗過絕吳帥今來揭云云蓋為此弁所欺耳此事若狹久在事必一一明其功罪曰某也功罪相準某也功浮於罪某也罪浮於功某也有功無罪某也無功有罪令賞罰當實以示後世方為正法第今去若開其端恐後人不能收拾徒成聚訟故只得從寬敘之然而非不孝孤之意也王文成江西之事同事之人半得罪何害其為功謂懿美之績不無瑕玷此正奸弁為掩耳偷鈴之計恐嚇我輩以行其私者勿為所惑可也

湖貴撫按

破圍滅賊昨物物具疏題 知稿已呈覽近據各路塘報所言驗賊之屍及擒賊之家屬惡黨更為分明因類為報發塘庶令京師曉然知賊已撲滅無餘種也此番平賊諸凡無恨惟是賊之家資屢行上圍即行封鎖嚴禁搶掠而貪愚之弁申令不嚴致乘機搶

散一空今大事已定又難過求惟此尚有遺恨耳善後之策不知若何而可不孝計代事尚須兩月既無所事事又不敢逃歸只得為之經畫妥當而去惟臺下悉心教之萬懇萬懇

郭青螺中丞

不孝以播事已平可以塞責欲即以印送之門下徑自奔歸上疏以聞乃得

旨令蕩平賊巢處置悉備方許回籍則奈何有此一番又只得在此候代不敢即去心急如焚日惟忍死

人情若此豈不悲哉今擬草一善後疏待大教不至又恐來時有費商量處今直開陳請教不孝之意欲於白田壩設一府一衛一縣湄潭設一縣松坎設一縣黃平真州二司俱改為州且共設一府一衛二州三縣待後來人多而州縣以地遠不能處無妨添設也始意欲盡屬貴州而各司道議多不同或謂貴州兵單餉寡不能彈壓恐有他釁或謂安氏侵擾貴州力不能制之或謂經營締造尚須二三年費尚須幾十萬人尚須幾萬責之貴州則不能若以地歸之貴

州而諸締造盡屬之四川則不順不孝反覆思之亦自有理今欲且以白田壩一府一縣並真州一州松坎一縣屬川以白田壩一衛黃平一州湄潭一縣屬貴仍題定將來完全之後仍以府屬貴則何如真州黃平二司原皆有土官但真州係先從賊而後授順者今改之彼亦無詞但須仍存其宗祀與以一土州判吏目之銜不知黃平司土官在否與此相同否所以改黃平為州者以草塘瓊水白泥諸司之人必須得一州方可管也其五司亦有土官原為應龍剿滅盡者今不知有存者否若有存者亦與之以土銜如前彼亦無詞彼若欲仍舊為長官則必不可蓋此事皆彼釀起不並廢之已幸可有他望乎且彼原奏改上為流今豈可易其說乎以上事宜統乞逐款示下

內閣趙二相公 田東翁大司馬

龍不病於對壘之時而病於平賊之後彼時事急無暇病也蓋昔乃忍病今則忍死矣當龍聞計之前一日已秣馬脂車履及於門欲入營督戰次日得報而止然懼營中懈弛因揮涕而移文以死自誓諸文武

得之無不感激奮勵者而監軍張棟為甚初五日戰終日不食身自搖旗吶喊以督軍劉綎三登牆而三墜尚不敢退懼棟之議其後也是日遂破固又一日而棟病十日而死於途矣棟之死蓋代龍也行且厚為請 卹然何及已播地大定建置事已有次第見行推官高折枝同知張鰲在內經理大小文武官俱已酌定數日內當有疏聞第不知此時已推代龍者否前有事時真無暇病今無事則愈衰愈病愈病愈衰衰病相尋不至骨化形銷不已此台臺之所隱也若諸苦情則既已備矣事急辭迫不知所云

思仁道陳副使

黔之貧弱誰不知之然龍泉一路借兵於楚借餉於川第借黔人一運之耳不孝所以為黔亦至矣乃至併餉米亦不給之至今絕食而逃則有司之因循真可恨也何兵不思歸何上兵不虜掠何川中土兵數萬無一散歸者獨黔楚土兵盡去無存乎然則若無川兵想至今黔楚之兵獨在關外也痛哉

為寒心今賊已滅矣所不能忘情者恐將來有用

去事後之視今猶今之視昔也鄧知縣之說蓋恐各道怪之而為是支詞以應之且彼亦管餉之官懼罪且及之遂盡委之土兵之罪今總之亦不必深求只謹其後可也婺川尚有川米一千石可查出以餉留成之兵不然恐有司遂避罪而並乾沒之以泯其迹則益可惜矣草草

李次翁大司馬 賈春容 楊小林二少司馬

徐理齋 王晴江 汪登原 劉用齋 劉右

川 曾景默 六中丞

平播全書

再

分

頃以逆酋為孽震動西南倫安弛備之國百無一恃不得已乞師臺下過家垂念慨發雄兵

天威所臨百蠻騰落雷掃震驅遂無遺種今遠人得以少藉生全不孝得以少逭罪戾者分毫皆明賜也戴之世曷敢有忘敬因凱旋附言陳謝瘴鄉暑月勞瘁萬端物故頗多更堪憫惜其存者皆為一方造命之人統乞臺下覆露之不孝獲罪於天廷禍於親宇宙雖大何以自容伏苦口占言無倫次統乞台亮紙啞咽不知所云

平播全書卷之十四終

批詳一百八十二則

祭文三首

一件飛報夷情事重慶府申報楊應龍帶兵萬餘

劉安穩詳

批土酋情形若此乃內地向來晏然無備倘耶仰上

川東道會同總兵官加謹防禦應調土兵徑自調遣

應動錢糧查於府庫見在者徑自那動一面詳報萬

總兵高推官何日至彼並查報

一件地方事遊擊楊敏政呈報楊酋手書其情詭

詐目詳

批楊應龍不何芝情片宜具文控訴今統兵侵犯言

日講明將誰欺乎仰改馬瀘道嚴督該叅加意防守

無致疎虞責有所歸繳

一件地方事遊擊楊敏政呈報楊應龍目兵欲出

合江割穀攻打合江縣照驗

批楊應龍

天朝臣子若果有地界不明之事止應申請詳示何

至督兵侵擾豈非甘叛逆以速

天誅耶仰楊敏政以此情詰責之松潘兵准留防守

仍移文該道查給行糧新召勁兵亦詎取操練防禦無使滋蔓貽善地方繳

一件堵截事巡上東道呈防守南川指揮唐宗舜獲功給賞銀兩由詳

批我兵微有斬獲威勢亦振全賞半賞如議支給一級賞銀一兩得無太輕再一議之衆寡不敵難以輕戰須來則殺之去不窮追為宜是在該道相機行之繳

一件飛報軍情事巡上東道呈請發兵應援恭

及發工匠才箭等項由詳

批賊勢已深防禦刻不容緩萬總兵東行已久此時想至重慶仰該道與之協心防守務保萬全已發令旗於總兵處應調兵將徑行調取分布該道不時鼓舞兵將相機戰守事完分別功罪以憑賞罰應發丁匠等俱已催發訖此繳

一件軍務事巡上東道呈報楊苗增兵欲與秀崇將死戰查永川松坎及巴縣艾家壩等處民頗悍勇可當募選及調酉陽丹御龍兵二千由詳

批據議俱中肯綮俱如議速行之丹御龍向來感我恩德欲出兵一萬以勦播酋今正其為

國宣力之時也諭令奮勇當先事定當奏聞別加爵賞水西兵亦督發矣此繳

一件急報等事巡上東道呈報楊苗領兵攻破恭江縣由詳

批自警報之後本部院所調遣東援之兵不啻二萬以上云不發一兵何也即時日迫促就近當有至者仰行總兵官查明速報隨到即派防守不必齊也繳

一件飛報軍情事巡上東道呈報恭江失陷官兵陣亡重慶危在旦夕由詳

批苗所招生苗幾何而有八萬所言八萬詐也勿輕信以挫人心各處土漢兵已調至四萬餘向來原無預備豈能一呼即來今已數日想陸續隨遠近至矣但有至者隨宜分布相機戰守守城須以土著人為主今賊尚未至宜差人密偵向徃事事先知早為之計一應情形不時飛報毋誤繳

一件飛報軍情事巡上東道呈報播苗取受雙營民

屍棺由詳

批播州係累朝爵土楊應龍亦素有功勞

朝廷安忍一旦廢之以貴州報伊戕殺官軍不言勸則無以示四夷耳觀部覆猶欲兩省按院行勘此其

為伊留意尚有餘恩伊乃公然狂逞何也意欲示武於人不免增罪於已誰為應龍畫此計者愚亦甚矣

今日之事既云激於控訴無門若飲眾婦菓靜聽處分尚可自解仰該道速宣諭之何邦卿等以何事潛

匿曾經何衙門問斷伊男身屍見在何所查明另報

一件督撫地方事巡上東道呈報差指揮李光祚

傳諭楊酋俟取回文至日另報驗

批前以房嘉寵方與對壘而斬其使人殊非兵機故

有此行今渠已破城殺將若縱令以具文為詞差人

往返窺探虛實更為不便以後仍加意嚴防即有齋

文人亦勿令深入內地只為之轉文可也其在該道

酌行之繳

一件飛報軍情事巡上東道呈請催調

餉由詳

批兵將已四出嚴催今當有至者該道即行總兵官

分布防守糧已行各縣發二萬石順流放去非久當

至亦須預計安預處所內稱宋事今當力圖無貽悔

於後日乃為勝算此繳

一件軍務事巡上東道呈請速發兵將刻期來救

援由詳

批綦江已矣重慶南川江津等處城守之具越今播

兵暫退併工加修務為必可守以待敵庶免他日張

皇失措若賊至而舉動紛紜去而玩愒時日則城終

難保非算也仰道着實舉行此繳

一件督撫地方事敘馬瀘道呈報岡門堡被焚合

江難割眾兵將水寧兵暫屯瀘州由詳

批此堡畢竟何人所焚仰道查報逆首舉動殊不可

知我只得嚴兵為備不可以山鬼伎倆為作止也若

合江不能容兵任從移之瀘州是在該道相機行之

此繳

一件軍務事巡上東道呈請以後募兵俱要呈詳

本部仍行申飭將官由詳

批各將官原無招募文移今倉卒召兵恐有奸細又蹈貴州故事所關非小以後非奉本部院明文不許招兵非經該道查驗請詳不許支餉該道通行知會此繳

一件督撫地方事巡上東道呈犯人周華等招詳批本以周甫六之故致內地城破將戮殺人如麻乃叛華即夷之人竟從輕比各犯從甫六以矣豈遂畧不知其主之所為哉今即發配仍入播耳是縱之去也仰另究報

一件督撫地方事布政司呈巡上東道請餉銀今丁本司庫貯各項糧銀內借支二萬兩解巡上東驗發重慶接支由詳

批兵至二萬作何分布銀至二萬九千以前作何支用向後作何稽查該道府並未見呈詳何也即賊在近地亦宜一面行事一面詳報况今又非昔時比乎仰行令查明徑自詳報銀准解發繳

一件軍務事巡上東道呈查過播酋修建倉樓內詳

批遂酋不設險而修路此其欲分兵以肆我可知佈分布兵馬嚴為之備向後情形不時飛報繳

一件解發防備兵餉事布政司呈請支解貴州軍餉銀兩由詳

批取之雲南解之貴州四川何利焉安在其為處還借餉也但貴州空乏已極姑准差官解發仍移文雲南該司補還二十八年應解黔省工食亦准扣抵仍移文貴州該司知會此繳

一件督撫地方事巡下南道呈請漢土官兵月糧

由詳

批已行布政司解發矣兵已及門不為請餉致令脫巾而呼成何法體向來事多因循殊為可恨兵至一萬三千不為不多恐有老弱無用者一查汰之另詳

一件乞恩察若豁命報効事防播提調武舉胡順堯呈稱奉調防守綦江被揚酋破城擄上營受差指揮李光祚到營見卑職苦極向酋保職歸城卑職含忿莫伸與酋誓不俱生

乞賜精兵千餘且入酋穴斬揚應龍之頭由詳

批胡順堯敗軍之將也不戰死而生降遊法為幸乃
又求討俸糧又求來標下至云得精兵千餘直入酋
穴斬楊應龍之頭不知當日茶江二驍將三千戰士
彼何束手就擒耶小人無耻令人切齒仰總兵官細
打四十不許管事繳

一件病勢日增等事巡上東道呈本道患病致仕
詳

批近以渝城文武不和恐有他變故令守道至彼調
和其間非有他也分兵雖有前詳已行鎮道共議頃

平播全書

卷十五

批六

批

該道揭至業已先行此復何嫌何疑而以去就爭之
手信地在肩明例為重移送印信之事非今日所宜
言仰照舊視事以副一方之望賊自當勦但今日誰
為大將誰為偏裨某兵倚前某兵角後仰議妥通詳
繳

一件緊急軍務事總兵劉綎呈舉薦副將吳廣遊
擊楊庶等皆職習知其人謀勇作用足當一臂者
乞取前來分布由詳

批吳廣已為本部中軍不日提廣兵到此其楊庶等

一面咨部及移文各院守取訖仰該鎮仍星夜前來
即今調到兵已近四萬攻雖不足守已有餘須分布
嚴督防守無患而後可圖進取也繳

一件緊急軍務事劉總兵呈請於東征得勝兵內
選募精壯五千備呈本部彼見播事稍寧蒙劄內
開候請軍門議處自入關以來並無糧餉乞速賜
委官該州給散俾得兼備隨身衣械以慰枵腹之
望由詳

平播全書

卷十五

批九

批

批東征兵素飽厚餉且行糧至九月乃終今緣八月
安得費盡大敵壓境
明旨屢催急於星火而該鎮欲暫止荆州練兵此恐
不可聞於隣國亦不可聞於都下也已行布政司解
銀六千兩前去仰作速提兵前來勿令傍觀者再起
別議此繳

一件軍務事石砭宜撫司申稱奉調土兵三千赴
重慶城西劄營乞念本司兵力不當一面之寄再
請調二三千隨分一路前驅搖集由詳

批據申不但志勇過人亦且機宜諸練土司中得一

馬千乘足可當勝兵數萬本部院深所嘉賞仰將該司健兵再整三千聽令調發此繳

一件繳賞辭糧等事石砭宣撫司申本司護印正妻秦氏將兵道賞銀二十兩繳道并請前後土兵五千三員名支給糧餉外外報効兵二百六名不煩稟給由詳

批土司兵多有虛名冒餉者秦氏以一婦人能捐貲給兵辭賞報効此其賢加人數等矣仰廵上東道先動銀六兩打造銀牌一面上書女中丈夫四字給之

以示旌異待有功之日將其夫妻並薦于

朝另有恩異繳

一件督撫地方事重慶府黃平通判王三策申報

地方播情由詳

批該地方防守事宜節經移文貴州行查數四至今始相聞若非有警想尚泄泄視之耳可恨可恨已行該省添兵防禦仰本官協同將兵竭力固守如衆寡不敵不得浪戰損威但全城即以功論此繳

一件督撫地方事貴州宣慰安疆臣申辯並無助

兵揚奮為虐由詳

批安國亨昔年欲擒楊應龍本部院久知之此其深怒積怨至死不忘若楊酋得志安氏豈有安枕之日我助兵之說的知駕禍本部院原不深信據申更覺了然安疆臣年在幼冲明于大義土司中當為首出本部院深所愛重仰益遵照近

旨竭忠盡節懋建殊勲

朝廷不負功臣天地不虧正氣是在本官勉之耳此繳

一件懇恩俯允召兵以効微忠等事恭特曹希彬呈請於永寧等處召募土兵五六十教練以俟調

征由詳

批曹希彬以蒸江將官調合江已有信地自應兼程前來督兵防守今佯為不知捏文支吾托之召兵若將官人人如此不知

國家優養余曹何為畏敵如虎臨事避難猶云常勝之家不慮滅官馬武笑人耶今合江兵已萬餘守自有餘仰作速前來防守本部院原不責以浪戰無過

畏慎如再托病支吾定參提拿究

一件紂夷殺命事思南府申報拿獲奸細馬良貴

審稱楊應龍統兵要打龍泉思石由詳

批賊勢如此即今已一月有餘該府守備單弱尚復

有完城乎仰布按二司速呈該省撫院調二省就近

土兵防禦有無失陷仍行該道查明速報

一件地方夷情事巡下南道呈議免調取烏撒府

土兵由詳

批兵隨印轉答應知府何可發兵此前道之誤也事

已至此姑兩罷之令各聽後令不然恐有相仇殺又

多事矣須明諭之無令生疑繳

一件急報地方事巡下南道呈請委官防守地方

由詳

批王慶香守瀘州周大謨佐之有警應援合江楊敏

政守合江吳從同佐之有警應援納谿應援處所亦

同信地功罪同論仰通行知會此繳

一件地方事巡下南道呈報播酋令陳提調復來

羅之渡攻打附近地方乞發兵應援并發火器由

詳

批永寧係該參駐劄信地况有土司兵可以協守仰

行令協力防禦務保無虞火藥火器徑行支給須以

成藥若止燭硝何益須設專官製造乃可應急先以

委過火器官報

一件軍務事守東道呈南川縣報播兵劫擄東鄉

村由詳

批向日賊突破綦江南川人空城而逃故棄之不守

此無可柰何之權計也今兵衆已積可終棄乎若空

城可為長策則無用設守備不設之律矣仰照另行

發兵防守如不足不妨增兵一面詳報賊方傾巢犯

貴州回日必再犯川東其隣邊檄整防我襲之耳非

遂終不復出可置之度外也繳

一件督撫地方事布政司呈覆議督餉道條議運

餉等項由詳

批據議已妥俱准照行內水運一節宜蚤經理然此

其工夫三分之一耳水運所至重瀘涪三城以後方

賈處置仍行該道另摘詳懇顯行者顯行之應密行

者密行之兵家之勝不可先傳勿令賊逆得以擬我也此詳該司收之無使奸細錄去此繳

一件督撫地方事巡下南道呈報永寧土兵藏匿播酋奸細由詳

批永寧係忠順土司發兵報効何故藏匿奸細致生事端仰行該司長官陳希儒查明速報此事亦不過一二人所為土兵各有身家自知順逆何必過為疑慮仍令照舊防守繳

一件申報軍情事巡下南道呈報播酋攻打永寧

平播全書

卷五

批十四

李胤

宣撫司雷鳴村等處地方獲功由詳

批播兵縱橫內地如入無人之境永寧兵獨挫其鋒奢世續軍令嚴明可知仰該道先發紅段二疋銀牌一面重捌兩銀花二枝重二兩給賞世續其領兵頭目並首級查明速詳賞格一並議報

一件督撫地方事貴州宣慰安疆臣申稱奉令督兵防隣播一帶地方弁領兵二千赴省保障未盡

機宜請乞指示由詳

批據申本官為

國宣力殊可嘉尚仰益振兵威務獲全勝一切機宜照諭牌行本部院且樂觀其成此繳

一件軍務事守東道呈議定立偵探人役專官統領分布爪探由詳

批哨探乃中軍要務向來所以不專設者以賊勢方張我兵未集恐此輩友為賊用耳據議極得肯綮王佐等俱准收用仍會巡道查相應官員呈委總管一切給賞事宜俱如議支給事完通查類敘黃平新通判移文申飭繳

平播全書

卷之十五

批十五

從

一件督撫地方事巡下南道呈報地方夷情由詳批袁年之父袁子陞被楊應龍凌遲而死者袁年受應龍招安將來何以見伊父於地下即夷人必不爾也聞年為王繼祖之親仰即令本官密諭令不得忘親從逆此繳

一件地方軍情事巡下南道呈請兵防守永寧等處由詳

批永寧告急撤兵自衛亦非得已納谿一千並合江一千俱准發河西防守仍須漢兵二三千則近發敘

瀘道兵防永寧者摘一半附之可也賊志在報復行吳文傑督奢世續併力堵截務保萬全繳

一件緊急軍務事湖廣布政司呈議聽備征播兵餉由詳

批該省近已覆設總兵又經會題沿江諸處調兵

一萬有奇須於本省再備兵三萬方足以當一路土司雖有狐兔之情亦知順遂之勢在鼓舞用之耳施

州各司可得一萬永順保靖麻陽武岡各兵可得二萬仰行各道查調一面通詳楚既用兵餉蜀銀俱准

十補全書 卷之十五 批十六 留用不足者徑呈撫院另處一切兵糧年內須齊

諸凡事宜一面徑行一面詳報

一件地方事辰常熬靖道呈報苗犯東坡偏橋地

方已分發官兵應援防範由詳

批逆賊狂逞焚東坡劫爛橋事不為不急矣湖貴二

總兵官不為不高聲勢不為不大矣到任者果足不

而未任者逗遛不至不知城池失陷在事文武官有

一能逃其罪者乎劉自西馬一龍等既奉調遣亦至

沅州而止又何取於應援也仰該道差人露牌嚴行

催督文到三日而苗不散路不通

賜劔具在死法死敵等死耳榮辱大異惟諸將決擇之繳

一件督撫地方事巡下南道呈報楊首操練兵馬長官袁年投降似非真意由詳

批賊既練兵自宜嚴備袁年與賊義不共天投降非偽但此時納降稍早然不可不密結其心是在該道酌行之此繳

一件軍務事守上南督餉道呈買運水寧官兵餉

米由詳

批今方議買米銀尚未發文尚未行此月終安能逐

運一百石派夫集夫非一日之事也且一萬石止足

三萬人一月之食後將何給臨時再呈派運買辦不

益難益遲乎仰布政司會同餉道從長議妥二日內

報

一件軍務事布政司呈議武隆墊江巴大等縣錢

糧改充軍餉由詳

批各縣糧銀如議留該府充軍餉支用既不解司恐

該府緩於督催該縣急於徵收以致拖欠不完更為不便仰行川東守巡道嚴限一月內取該府庫收繳到方可扣抵此繳

一件緊用兵馬器械等事總兵劉綎呈請兵馬器

械由詳

批文內種種俱切實用至欲速圖進剿尤見滅賊之志甚銳若該鎮用心如此本部院何慮焉各項器械已行各衙門解至軍前驗試未完者一面買造主客兵已調至數萬前以該鎮言廣兵可用故調之今廣

軍播全書

卷之五

批十八

海

浙之兵皆將至又以為征虜征倭兵勇政倍之征倭之兵即川兵也今川南招募已多惟所調用且前征倭僅萬人今挑選二三萬何處得來查明另報

一件軍務事布政司呈議監軍道職掌由詳

批各處官兵無論主客俱聽該地方守巡道點驗及覈放錢糧監軍道掛號及稽查虛冒其餘俱如議行若將官跋扈不法有司稽違快事監軍並各道不時參呈處治通行各衙門知會繳

一件軍務事劉總兵呈請調到官兵行糧詳

前今川中土濼主客兵已未到不下十萬未見議作

何分布止議增調何也且調來方選選不中者又發

回無論行糧枉費而鼓譟騷擾之患種種可虞湖貴

二省方苦無兵今盡調之川中令彼何以為計仰監

軍巡東二道會同該鎮議妥另詳鎮溪所調赴重慶

兵係何衙門明文取來有無堪用並查報

一件緊急軍務事遊擊王之翰呈請發漢兵數千

互相調度由詳

批王之翰請發驍將漢兵其不能獨當一面可知仰

軍播全書

卷之五

批十九

丙

總兵官量撥精兵為之犄角周以德如見在標下即行令前去督防繳

一件逆苗恃

苗等事守東道呈報五司官民流落召集苗夷衝鋒

由詳

批五司為賊所破不能軍矣但其創鉅痛深倘所謂楚之三戶足以亡秦者乎姑以為鄉導可也用以行剿則踈矣仰黃平通判召集隨其多少編為隊伍令作楚兵鄉導繳

一件調選精銳勿任責成等事川東監軍道呈請
行令劉總兵將見二萬操練其少兵一面令刻期
調選以足三萬之數由詳

批兵貴精不貴多精則二萬已足不精卽三萬無益
也仰行令將見在兵嚴行操練以備進剿不足則建
武募兵及平茶等兵或別有調到者該道卽行揀選
如數而止湖貴方被兵不必遠行招募虛彼實此本
部院日夜憂之矣牛酒行糧等項照例議詳

一件緊急軍務事巡下南道呈土官袁起龍集兵
由詳

平播全書

卷十五

批二十

批土兵未動難議支糧仰行令整兵聽調臨時自有
優養賊黨已槿宜多方密行招誘不可久示持重恐
失事機是在該道圖之耳繳

一件軍務事川東監軍道呈賊兵劫殺夾口壩瀕
得動兵八九千前去綦江立營由詳

批綦江屢行屯守至今尚無成說若賊復得而焚之
是一穢破城也已行總兵官督發前去兵行之後
新縣官卽可赴彼視事糧運卽應隨發仰該道通行

移催繳

一件軍務事布政司呈議動支銀兩召商採買柴
薪由詳

批如議行此項召商得人無令市棍花費本銀無濟
于用是在掌印官留心本部院且以此評官矣此繳
一件軍務事貴州布政司呈議軍前理餉紀功官
員由詳

批各官既經議妥俱准委用貳司掌印官提調於省
城二監軍分督於東西貳路大征事重各須盡忠竭

平播全書

卷十五

批二十一

節彈力從事功成自有信史不朽不直目前優敘如
避難情事責各有歸通行申飭知會繳

一件播酋猖獗等事布政司呈添造軍器并支發
已未完數目由詳

批據議武備器具亦足以待敵矣准動支上緊催買
製造務在時月之間盡數報完日先將經管官分
別勤惰呈報以憑獎戒外鐵盛甲尚未議及仰行嘉
定趙州同一面估計一面打造另詳報

一件軍務事分巡湖北道呈議兵務由詳

必無望矣本部院後行調水保兵二萬麻陽等兵五千五司報警兵三千及十三哨殺手之類可足三萬以上仰火速差人催齊付之總兵亦足以當偏橋一路進勦事在燒眉不可遲也速報速報

一件申飭運餉事宜等事巡下南道呈議編派運餉夫役由詳

批原行並無五個月之說今一路夫價至三十六萬計四路當至百萬比之通省派夫更重是一解不如

一解也仰照另牌行繳

一件軍務事重慶府申請發運馬料由詳

批該府見在料如議運送該縣支用該縣所中原恐誤事遂至倉皇失措耳何遂以去就爭之哉同知不知為不尊知縣乃其本管署官之難何以稱焉寇在門庭日不暇給以一無要緊文移輒爾嘵嘵若此不知一日能辦此幾紙公文非所望於弘濟艱難者也繳一件慎收降事東監軍道呈委將官各隨帶兵招降並安置降夷由詳

批各官如擬委用降人審實俱發江州縣安插量支倉穀養贍有司官招携有方降人得所事完優薦安插失所致有他虞定行重處又訪得以前招降官多需索降人銀至三五兩不等名曰投降此禽獸夷狄所不忍為與楊應龍何別焉以後有犯治以軍法下人作弊罪坐本管通行申飭繳

一件酌定運夫等事巡上東道呈派定運夫由詳

批如議行民間切身利害須為着實籌算方便一分即受賜一分如近日南川之夫又來涪州運糧皆非

算也邇來民不堪命所不忍言幸留意焉繳

一件軍務事思南府申請行令調發施南土兵八

千名至婺川就便徑抵龍泉不必到府免滋往返

至於糧餉按月差官解給由詳

批逆賊狂逞該府危於累基本部院發銀調兵為之防守原行錢糧不敷徑詳該省兩院措處接濟今文內畧不見有措處呈請之意止令本部院寬運解發川人豈能遠赴黔中餉兵乎臨渴掘井人為遲今並井亦不極甚其可嘆也仰該府行徑詳該省

兩院措處兵准行令劄發川龍泉二處亦速行令預備糧餉若致脫中而呼責有所歸此繳

一件軍務事統領河南兵馬遊擊任承爵呈稱營兵由上水壞船滄死兵從鑑等十四名請給恤典由詳

批各兵萬里遠征未靖蠻煙先壑魚腹言之令人潸然淚下應得恤典仰監軍道議詳姜宗堂等覆舟殺人仰行巡上東道嚴究招報

一件飛報計斬播賊首惡事石阡都司錢中選呈

平播全書

卷之十五

批字三

報餘慶司寄住偏橋生員曾文學父子及李佑等將首惡趙仕登并家奴慶生等用計殺死斬首三顆特加敘賞由詳

批中川計殺李旭熙中計斬趙仕登賊之心腹手足頓失不足平矣仰右監軍道將曾文學先給發去劄付冠帶功次查明速報

一件逆酋威劫等事川東監軍道呈各土司不許以招降邀功生事阻絕降民由詳

批調土兵原為殺賊非令招降也乃因而為利致降

人夫所是助播為雲漸豈可長以後止許聽令征進不許妄招害民其以前劫奪手足並給原主如占恠不發罪之仍移文川南監軍道通行土司兵知會南川招降事聽高推官會同將領行該縣防守土漢兵聽周國柱嚴束候剿俱移文知之繳

一件軍務事東監軍道呈請中飭領兵各官不許妄行牌帖招諭惟整兵進剿由詳

批文職主招安武職主征進各司其事所以相成若領兵官一槩招降無論白頭牌票易於詐假且其禁

平播全書

卷之十五

批字四

令不嚴則下人之需索難免安插不妥則流人之怨恨易正更有他虞尤為可慮以後各領兵官止宜整兵聽征不得妄行招降違者罪之通行知會繳

一件軍餉事巡上東道呈抽驗法馬由詳

批如議行抽驗之法於華弊釐奸為最要但須於數日之前蚤為分散以便分鑿無令各兵以守候為苦反稱不便此繳

一件查究事東路管餉通判劉之澗中犯人盧旺

折夫賣餉由詳

批遠餉勞民誰不知之所以必如此者正以防近地之不足耳若如此輩所為坐見米價騰貴軍士枵腹矣事關軍機法難輕縱仰重寃報押夫官明知故縱並連坐之繳

一件軍務事巡下南道呈請總兵駐劄合江詳

批總兵總管一鎮今分一路已自拘方難更責之生守一隅無事駐鎮合江有事隨宜居中調度可也仰移知之繳

一件緊急軍務事陳總兵呈請咨行 兩廣軍門

召募廣兵二三萬以楚兵無之庶可濟事由詳

批楚地兵糧俱已備集各道所報文案昭然遂賊狂逞經歲於今春水漸生進兵已緩若待招廣兵而後從事非需以歲月不可是快西江之水活瀉敵之耐也兵觀拙速未聞巧遲岐路回車千里坐失崇山出都何可偶也仰照另文行繳

一件軍務事巡上東道呈議動銀發南川將聽支由詳

批逆賊狂逞生民如在水火在事文武宜披髮纓冠

而往救之乃至議及氈蓋裙褥之類可謂揖讓而救火雅拜而解圍矣然亦自有等風痺不知痛癢上官此時尚以儀文不備責人者又何怪乎該縣之倉皇失措也據議已妥俱准照行傳銀數照發懸賞銀候另行餘俱如議仍通行各衙門知會繳

一件軍務事巡上東道呈劉總兵續召募漢兵八百有零准收支糧由詳

批曹操南征兵八十萬周瑜禦之所以成赤壁之捷亦不過三萬而已今取一土酋八路之一用兵三萬止少一二百名尚欲再選此等舉動何可使聞於賊姑准收糧各項夫役俱在其內不必更取備於有司矣繳

一件軍務事貴州左監軍道呈報條議兵將部署料量糧運等項開款由詳

批各款條議纖悉俱備可謂良工苦心惜乎其稍遲也川省諸所已備貴省不知已備否如未備併工為之自有捷法如穀不能成米在城每一家散五斗一日可為米數千石如衣中散銀各家一副一月夜亦

可得數千件如造船不及即搭筏自可渡軍如運米無夫即以稍弱軍為之仍各執兵自衛如無火藥散硝磺營中隨帶木臼自舂諸凡此類皆可應急該道通行各道將連夜備之猶可及也繳

一件地方事分守思仁道姑令守備楊惟中戴罪立功恢復龍泉由詳

批楊惟中避賊失地已經拿問既稱情願恢復姑先取死罪招由質其妻子於獄如十日之內能復故地進兵者另議如係支吾即行監禁詳報

平播全書

卷之十五

批二十七貴

一件軍務事分守思仁道呈請發施南官兵八千

名糧餉接濟由詳

批已知該地方錢糧難處盡發萬餘兵本折之餉矣所動勞道府者惟有買米運米二事當日夜悉心料理勿再曰無處買無人運事事盡委之他人也繳

一件阻撓軍務事富順縣申稱民奸棍熊周盧多祿等包夫阻撓軍務駕捏匿名紙帖適市貼誣由

詳

批銅梁民倡義急公富順民興謠撓法二邑風俗人

心卽此可駭見矣此必一二棍徒所為無足為意該縣但為所可為不必為之灰沮亦不必多方伺察致及善良人各有心久當自定也繳

一件緊急軍務事巡上荆南道呈長陽等三戶土兵難以調用由詳

批今大兵已集無籍土戶况土官既狠不可使則有功無功俱為不便拒虎進狼非計之得也姑已之繳
一件帑藏罄竭等事貴州布政司呈詳議處軍兵詳由

平播全書

卷之十五

批二十八

志

批當用兵之時而議汰兵似駭聽聞不知汰冗兵正以養精兵其事蓋相成也仰二監軍道會議妥確通詳

一件清查差官真偽等事分巡湖北道呈犯久何世卿等招詳

世卿等招詳

批查招稱賴坤五鹽給有印信梘封註定常武地方發賣則船至常德可以止矣石仲先水程未顯地方招稱議往辰州浦口則亦宜至辰州而止於偏橋地方風馬牛不相及也何世卿為之具稟討照過關乃

稱總督標下把總奉劉提督差委押鹽至偏鎮土司

犒賞苗兵備橋鎮遠別無土司止有播州耳非欲入

播而何蓋世卿係備橋人密邇播州知彼中鹽禁價

高故欲攬鹽給照由偏鎮徑入播州圖利鹽商亦餌

其利而從之或別有播人交通亦不可知所重通播

盜甲其小小者也該道所駁頗見端緒問官以事大

未肯深求然使其計得行播人頓添十倍兵力害寧

有極我仰盡法推究確招詳報藍每包若干斤共估

價若干該道親驗以便充餉此繳

平播全書 卷之十五 批二十九 刻

一件地方事貴州右監軍道呈請申飭軍令以後

不許逗遛以責後効或行思石道行府勘查龍泉

失事的實另議由詳

批逆賊狂逞龍婆思石危如累碁各將領應援而

不應援應固守而不固守致令殺人如麻失地百里

擁旄建節之夫不如一土官安民志見危授命可恨

可羞仰一面嚴行將領勒日恢復贖罪仍令行思石

道勘明從重招舉通詳繳

一件軍務爭分守新無道呈運餉夫役進兵隘要

應用藥餌等項開款由詳

批據議運餉進兵事宜種種詳安可謂當機俱准照

行此時呈詳稍遲料彼中已一面料理想不悞事如

有未備不妨一面進兵一面急圖所謂七年之病三

年之艾及今圖之猶可及也繳

一件懲彰天鑑等事貴州宣慰司中宣慰宋承恩

願運功殺賊若日罪過不明乞移文本省查勘有

無忠奸情節等因由詳

批楊宋為婚土司常事無足異也惟逆賊應龍既已

得罪

朝廷事在必剿而宋承恩猶與之往來不絕即日不

漏洩軍情其誰信之雖然

朝廷之恩天蓋地容本部院之約撫順討逆即今賊

中頭目源源出降俱淮安插立功况宋承恩原係上

官豈以其曖昧之跡遂絕其血食之祀准免前罪且

容立功報効若能暗通田氏朝棟及左右人等斬應

龍以獻無論照格陞賞應龍之女仍給與之公義私

情兩得之矣此繳

平播全書 卷之十五 批三十 刻

一件乞委賢能佐領等事南川縣中再多委官員
協力各官收支餉米由詳

批解米之人守支已非事體至令此時即運至金子
壩幾於病狂斯時也而有斯令也傷於南川之民其
塗炭乎仰督餉道會同巡上東速行處妥繳

一件土兵相闕事巡下南道呈報鎮雄馬湖土兵
相殺由詳

批土兵遠調原為討賊乃不思一朝之忿動至操戈
相戕未有守之功已著跋扈之狀領兵官紀律不嚴

本應重坐念進剿在即姑不深究仰行令以後解紛
息爭立功贖罪如再蹈前非定行處斬領兵目把一
體治罪該道通行諭知繳

一件地方多務等事驛傳道呈龍場卷龍等驛申
請協濟由詳

批驛遞此時雖稱多事然興兵剿逐百年来不時見
也土司擁有爵土久享承平不於此時出力報効更
待何時即宜加增夫馬存工司自為裒益不宜求之
有司也仰諭行該司遵依應付無悞軍機此繳

一件督撫地方事貴州都清兵巡道呈宣化司土
舍何紹把總劉應辰子劉登閣召撫滾水等一十
五寨苗夷請頒賞花紅由詳

批各苗助逆實民罪不容誅既已向化姑准免死仍
呈該省撫院動支官銀製造花紅銀牌買辦牛酒大
行犒賞用獎忠順招撫有功員役事完通敘其革夷
冷西索股黃岑寨膽等罪逆深重怙終不悛難以姑
縱行令總兵官相機剿辦以除民害此繳

一件再陳一得等事總兵陳璘呈條議軍機五事
由詳

批大將得斬偏裨偏裨得斬千把總及哨隊長俱如
所議懇賞賞功銀業以有行當再令多發防邊事例
止以血戰為功不以損軍為罪今後亦止取獲賊不
問其他若不得賊而徒損軍則亦無所逃罪文法自
不必一一拘若乘機取事當錄其功返還後期又當
議其罪亦難以槩論也仰通申飭遵行以圖全勝此
繳

一件緊急軍情事總兵陳璘呈報思石二府無餉

按濟乞行思石道將行二府催辦由詳

批湖省兵糧自去年八月催償以至於今非一日矣

景象若斯令人驚駭經管各道非以空文支吾則以

閑言評議令人仰屋竊嘆而已事已然肩仰該鎮多

方召募催督有推委誤事者不問是何衙門從實揭

報以憑察究救焚拯溺勢難延緩該鎮任其勞本部

院當其怨他無所顧也此繳

一件地方事貴州遊擊楊惟中呈稱發兵裝塘一

鼓衝鋒陣斬首級五顆賊奔入關功雖無幾實解

癸川之危由詳

批楊惟中覆軍失地詭稱恢復免罪今一步不敢入

龍泉又以零級輒稱解癸川之關小人之無忌憚一

至于此可恨可恨仰分巡思石道嚴查究報

一件軍務事貴州按察司呈備橋長官楊國等撫

出九股苗頭費錢慮父子等相應從優賚賞或給

冠帶由詳

批捕賊向來妄稱九股叻逆明欲駕禍諸夷曹錢慮

既稱九股原未叻捕又欲截江剿賊忠順可嘉准給

劉冠帶約束群苗外賞三兩銀牌一面銀花二枝紅

段一尺用示優待若能截殺黃岑等苗及撫化土官

有功另行陞賞楊國臣謬思忠等行令再行招諭事

完通教此繳

一件查究事南川管餉通判劉之澗呈犯人汪意

等包貼運夫由詳

批轉運事關重大各有司漫不經心任從猾後包攬

致候軍典罪不容逭俱應提問姑責後效文內銅梁

等州縣正官先住俸戴罪責令親自督夫運米候事

完類參汪意等有罪人犯嚴拿究解仰守東道查行

繳

一件軍務事委官知縣鄧弘烈申稱各官兵到癸

川縣未有糧餉且思石二府俱各數少乞行設處

由詳

批屢行該道府預備糧餉又發銀令買備本部院所

以為思南至矣兵至而止有一日之食是尚可以為

國乎地方之不失隘者幸耳仰分守思仁道嚴行措

辦轉運進剿之期已過如誤大事責有所歸此繳

一件緊急軍務事楊惟中呈報本職乘銳與賊連戰數捷追入苗巢已經恢復龍泉掩埋骸骨召集流離以俟大兵由詳

批壯哉楊惟中遂乘銳直復龍泉也龍泉積骸滿街賊所厭棄得無與也戰乎仰思仁道查報

一件重地師旅方殷等事督餉道呈議派夫蠲免錢糧以濟軍興由詳

批東南派夫西北徵銀此法紀人情共稱便者非有所偏累於其間也今勅敵對壘兵刃未接天下之事

平補生書

卷之五

批三十五

未

未知始終西北尚未定議免派東南豈可預定免徵今但當戮力平賊勿生別議以搖人心令小民反不可使則事去矣繳

一件軍務事重慶府中發過各州縣夫價銀兩由詳

批原行該司解銀赴該府聽支募夫非欲其徑行支放也該府何所據而定為每夫一名該銀參兩二錢三分有零又何所據而徑分發各縣若各縣照數給夫不知此銀作何下落後來將何接濟署印官醉生

變死任憑吏書顛倒為公為私皆不可知仰巡上東道嚴提究解原銀連行各州縣毋得浪支致後不繼仍議妥確之法速報

一件緊急軍務事守東道呈請檄諭支發東路官兵餉銀由詳

批該府發各州縣銀何其速發該道所取銀何其遲蓋彼有常例此無常例故也吏書之罪不容於死向來各官為所侮弄幾於不成衙門可恨可嘆前銀曾否支發仰府速查報

平補生書

卷之五

批三十六

未

一件防虜事松潘道呈議暫免召募陝兵由詳批地各有兵兵各有用何必借才異地陝兵既無可募即募本地之驍健者充之是在將領訓練耳俱如議行繳

一件軍務事參將麻鎮呈請行查議脩船渡送運夫由詳

批船非一時可脩若待船成而後運糧遲矣或有見船可用或一面造船一面搭棧一面搭橋仰巡上東道督行該縣與麻參將協力為之松坎藩界

隨宜處置何待申詳此繳

一件極惡叛苗截路殺死官兵等事湖廣辰常兵備道呈報五開衛地方皮麻寨惡苗為害戕殺官兵數多由詳

批即今剿捕其餘小小苗警宜一切置之白刃交前不顧流矢勢則然也皮林寨之事甚微黃冲霄何人可任專征至撤勦播之兵以分之卒至失律喪師一軍皆沒豈不惜乎此等事從來不以一字相聞直待失機至此乃始呈報何也黃冲霄革任聽參急擇才

平播全書 卷之十五 批三十一

勇開將代之仍亟行各衛所州縣一體中嚴防守所殺官兵的數幾何查明速報

一件遵 明旨廣招徠等事總兵陳璘呈報招撫

過九股苗頭汪外學相等由詳

批苗人皆吾人也向未撫馭乖方致遂賊利啗威劫

反為彼用該鎮一旦招撫盡入版圖豈不快哉劉合

明准暫為管轄俟各苗報效有驗即給劉投官令永

歸王化該鎮小賞銀幾何而盡為撫苗之用仰監軍

道查補繳

道查補繳

道查補繳

道查補繳

道查補繳

道查補繳

一件軍務事重慶府申請查夫價銀兩由詳

批凡各州縣發銀該房吏書俱有一定常例所以不

及請詳擅自作數分發者利令智昏耳此何等大事

亦了無忘憚張忠定治蜀一錢斬吏有以也仰仍盡

法究報

一件軍務事巡下南道呈淘公灘降民二千一十

八名口安神石寶寨係連夫經過地方恐有疎虞

或安之別上由詳

批夷民歸化多至二千携家以出必無他虞若安插

失所及有他虞仰會同監軍散瀘二道議妥一面量

行賑恤無致饑餓於我上以阻後來者之路繳

一件遵 明旨廣招徠等事總兵陳璘呈報招撫過

夷苗由詳

批今日征剿止誅逆賊應龍其餘頭目親信之人但

肯投降即准免死立功况各寨苗夷乎各苗既願歸

化即當赦其往罪咸與維新仰移行監軍道各給免

死帖文隨便安插如能殺賊立功重加陞賞張為

等紀錄通敘此繳

等紀錄通敘此繳

一件急缺征兵糧餉事請以總兵呈征兵急缺糧餉請催發接濟由詳

批該省餉事自去年督催以至於今節據該道回文皆稱必不悞事今兵至白泥顆粒不給豈欲以兵與敵乎千里餽糧師不宿飽况告饑於千里之外乎嗟嗟事去矣事去矣數萬雄兵不見敵而餓死悠悠蒼天此何人哉仰督餉道一面嚴催一面回報無令撤兵就糧也

一件請議進兵事陝總兵呈報進兵道路由詳

車播全書

卷之十五

撫字十九

四

批該鎮進偏橋路陳良玘進龍泉路本部院分布久定已經奏聞公移私創不啻數四該省餉道止因糧米不備遂欲移兵就食擅行議撤是又一軍門也將在軍君命有所不受該鎮自當便宜行事何故千里請命坐失事機仰照原行速進如後期悞事責有所歸三渡關即偏橋入播之路苦竹關則在板角之西設伏張疑任陳良玘行之該鎮仍調度萬全不得狐疑取累此繳

一件地方孤懸無援等事湖廣布政司呈請

題番在廣虞衛司等項銀兩并嚴催解司委餉通候捕事寧日處補其加派錢糧免分貴州由詳

批捕賊一破偏橋直走清鎮全楚勢且不保今日利害三省共之何謂湖省用兵本為黔蜀也二省助黔奉有

明旨四川僅派銀十二萬已借十萬給黔湖廣派二十餘萬可以一萬塞責乎如曰該省養兵四萬則四川養兵十五六萬非無事也施州兵以楚兵用之楚帥信地亦四川餉之矣潛糧已屬京餉豈得遂作楚

車播全書

卷之十五

撫字十九

四

數廣西已餉黔三十萬矣湖省助黔非十萬不可仰作速解發無致悞事繳

一件軍務事管泰江事周同知呈請議加設馬匹應遞由詳

批該縣掌印官到任久矣及今方議馬匹何見之晚也此地里民瘡痍未起何堪走遠近已發各處馬五十匹當再發五十匹想亦足矣所議事體其究拘學非撥亂之才也仰巡上東道速議報

一件仰仗

威猷官兵奮勇攻破堅陣險國等事總兵李應祥
呈報官兵攻汀四牌並天邦國三百落等國斬獲
功級由詳

批貴兵素弱賊易視之乃今一舉而破三國斬首二
百餘級振積弱之勢寒群苗之膽豈不快哉仰監軍
道查明議敘仍行令益奮忠勇直搗賊巢以成全捷
繳

一件軍務事分巡貴寧道呈請憲檄責令安疆臣
戴罪與疾督兵進剿無逗遛示怯由詳

批天下興兵誅播水西一軍獨逗遛不進豈其目把
之昏於利乎抑亦安疆臣拙於計也與疾討賊自有
故事仰該道嚴督進兵無為傍觀者所疑

王法軍令未易于也繳

一件軍務事敘瀘道呈請發懸賞銀二千給吳文
傑曹希彬等支用由詳

批軍中既需懸賞即使隨便支發千里請詳豈不悞
事仰作速發去以後緊急事務須宜徑行無拘文法
悞事繳

一件軍務事東監軍道呈南川進桑木關一帶設
營首尾聯絡護餉由詳

批大兵深入急在糧餉防護單弱豈為萬全之策如
議楊登山在真州居中調度任承爵在清溪王之翰
在園村南川各領所部兵防護兵如不足就近便宜
撥給金秉鉞守城葉當春防守江口遠者各以軍法
從事該路兵行已遠聽該道就近調度將領阻撓參
乘重處餘俱如擬行繳

一件斬獲賊級事左監軍道呈報泗城州官兵於
蠟子渡河渡關河邊斬獲功級共二十顆由詳

批貴州土兵素以精強自命乃臨敵執訊獲醜首在
滇兵此輩得無汗顏仰查明類報

一件嚴寃凌虐罪囚事按察司呈犯官鄧學思等
招詳

批防播亦多方矣何汲汲於斃獄囚恭江罪囚出獄
以城破耳破城者非獄囚也斃之何為各官舉動若
此其不為賊魚肉幸矣鄧學思等姑依擬發落實收
繳張與行聽別卷另結

一件軍務事巡上東道呈請開銷犒賞銀兩由詳
批賞不踰時為有功也尋常無事何以賞為即有應
賞者本部院已行之矣各道之賞是亦不可以已乎
將來師老財匱脫中一呼欲再行賞難矣無政事則
財用不足此之謂也姑准開銷但恐不便奏繳耳此
繳

一件軍務事巡上東道呈請委官協運糧餉由詳

批麻鎮庸懦退怯有悞餉運已行拿解准行楊敏政
程試共理護餉之事盡地責成無致有失仍移行楊

敏政番兵千餘以一千總領之防守天津繳

一件軍務事巡上東道呈都司王芬等斬獲新村

楊木田賊級共六顆應否准敘准削由詳

批零級不算謂未見對敵報斬級恐有妄殺平人
冒功之事故禁之耳若打洞對陣衆證明白即無功
級先登者仍應議賞何論斬獲功級多少查原詳並
未到部院何處失迷查明詳報

一件軍需正急等事布政司呈乞題將搜括無礙
銀兩特賜停免由詳

批大兵進剿日費數千方且取之
內帑助之各省本處庫藏又安得有無礙錢糧此時
而議搜括是欲以蜀與賊耳仰候會
題行繳

一件飛報血戰大捷等事委官鄧知縣申報捕賊
統兵馬三萬餘二路包圍關隘施兵奮勇迎敵獲
功大勝由詳

批施兵以少擊衆擒斬數多良快人意仰候另文獎
賞及催楚兵合營聽本官督進上兵易驕賊謀最狡

仰令益加謹慎以保萬全功級驗明止將兩耳及小
功解該道查驗不必遠解此繳

一件軍務事巡下南道呈犯人孫孝招詳

批此事自去年有行到今只為餉米一事耳前云移
付工房今云除餉米另行造冊齎報外竟未見冊也
不知該吏問罪何益於事州官昏庸至此將何以佐
軍興仰將掌印官提究招報

一件軍務事巡下南道呈議安樂二縣運夫由詳
批舉大事當有一定規模移短運以克長運所濟無

幾並短運者逃避不來所失多矣彼中夫至三運苦累垂死不妨令自行更班無拘原行各路皆已數變其法乃通濟也繳

一件剿播重務愈處愈竭等事巡下南道呈報都司吳從周等報老弱陣亡兵數似應紀錄獎賞由

詳

批各官清查冗冒節省數多如議先行紀錄獎賞事

完仍優敘川南二路合為一路兵不必多乃各營文

武官扶同欺冒畧無清查可為痛恨仰仍通行查報

平播全書

卷之五

卷之五

一件乞天察辯鳴冤事巡下南道呈原任守備張

本立功贖罪由詳

批督餉亦可論功不在買級安功也若論材器使則

藍芳威宜入營張本宜督餉若合江之餉不悞功愈

斬級即當優敘仰查行繳

一件軍務事永寧宣撫司申稱奉調征播幸欲速

成完功以回天意敢安望圖瓜分叛土而渡忠順

之家倘獲微功乞

恩優賜級銜名色萬世仰賴至於本撫疆界各有圖

而可考內詳

批該司不願瓜分叛土止求加賜級銜勇而知義足嘉賞至於土司疆界自有版籍罔忘可考稽何必

先為喋喋也仰巡下南道查明類報

一件軍務事巡下南道呈請瀘州改徵餉米由詳

批欠糧者貧民應夫者亦貧民糧雖以二萬四千徵

銀而仍以一萬徵米恐米之所得無多而夫之不集

如故也姑准照原額盡徵折色仍少緩以待夫回之

日併徵之此時惟專令運糧土人之寬恩若此若再

有逃亡是該州真頑民不可以化誨懷服者當純任

平播全書

卷之五

卷之五

法耳此繳

一件軍務事瀘州申請將改徵餉米照舊原價徵

銀在官發富民兩平買運由詳

批瀘州當秋收之時官不催徵民不輸納今青黃不

接之時米安得不貴價安得不高此州運夫甚多不

為一處恐米與夫兩事皆悞但無令各處以為例可

也仰巡下南道查議報

一件軍務事同知張鰲呈詳委官專管瀘州并究

儆押夫省祭由詳

批瀘州運事之壞一至於此兵在敵巢一旦絕食不戰而潰奈何奈何仰巡下南道行令敘州府劉知府前來瀘州督理收放郡知州責令親自入山押夫况負賢二日內解報俱速行繳

一件軍務事巡下南道呈議運餉事宜由詳

批如議行內扣銀買米設法順帶恐亦有難行者須令張同知通變為之不必拘於成法致礙事機本部院但取不悞事耳不以一切之法責人也繳

平播全書

卷十五

批四十二

定

一件軍務事敘瀘道呈請查究未解餉米州縣由

詳

批倉穀碾米有何難事輒令延慢及至行催又捏報起解甚屬可恨仰行漢州九州縣官俱任俸戴罪管事如過三月不完官罷斥吏綱打革役如罪在解役並以軍法重處通行催併繳

一件軍務事貴州思石兵巡道呈報招降過播民王正倫等共八百二十六名口俱經給賞安插由

詳

批招降一人孤賊一黨全民一命甚善事也仰查明原招之人事完通敵聞兵有竊斬降人以充級甚及於行客者大干軍紀法在不赦該道時時覺察之此繳

一件飛報攻破險關等事思石兵巡道呈報施南等司管兵攻破板角關岩圍擒斬甚多另報由詳

批土兵奮勇克關功有可嘉至十八日賊合兵來攻又以孤軍破走之此足愧諸將之觀望者以後但宜申令嚴防包截會齊入壩不可過相責備以挫其銳

平播全書

卷十五

批四十二

仍速催陳總兵合哨並入以收全功此繳

一件飛報捷音事石砭司申報十七日督同各官

兵攻破金子圍寨乞速催諸路並進以援本路深

入詳

批據報師已出險前為坦途豈遂長驅入播耶仰監軍道就近調度令相機進止無以孤軍入巢繳

一件逆天酋惡逐殺生母等事巡上荆南道呈禁單寅化不得妄意出兵由詳

批單寅化助播之事不可知但其見播賊殘亡無日

而急於自白亦其畏王法守臣紀一念之良心也第與馬千乘難以並用姑令守分自保再有征調自當用之諭知之繳

一件軍務事巡上東道呈請再編夫相幫協運由詳

批一兵一夫即遠無不可供而猶苦不足此有司不能約束逃亡太多之故再派不無累民事急勢湏出此姑如議嚴行催發如再違悞正官拿問繳

一件仰仗

平補全書

卷十五

批四十九

天威官兵奮勇等事恩石兵巡道呈報官兵攻打關

岩圍斬獲功級由詳

批施兵以寡擊衆屢報斬獲功殊可嘉第孤軍久屯亦有可慮仰速催楚省所發峇美桑植之兵前來應援陳總兵日久不進殊非事體併差人守催前來令哨搖巢繳

一件軍務事巡上東道呈查過麻鎮失悞運餉緣

由詳

批麻鎮長怯逗遛致三軍絕食若非該鎮疾驅入關

因糧於敵其不致脫中之變者幾希既幸軍機未至大悞姑饒死牟職克為事官守城及護餉如再悞事通論前罪此繳

一件請找給安家行糧犒賞事婺川縣參將王鳴鶴呈請找給行糧犒賞由詳

批內地調發與出征絕國者原自不同安得以東征為比議添五錢是亦不可以已乎此兵已調發貴陽路仰貴州左監軍道會該參議妥通詳

一件緊急軍務事巡下東道呈犯人譚孟仁等招

平補全書

卷十五

批五十一

詳

批招兵重事也掌印官不清理委之佐領佐領不清理委之書手誰騙錢物尚可諉曰不知冊內公然造為護守城池各官無一經目者尚有天日乎此等朦官滿堂都應點革但知縣六月到任主簿三月到任念其初至該道姑提戒知縣責十板主簿責十五板諭天崇失悞軍機罪不止於徒配通提從重究報

一件飛報大破賊兵事宣慰安疆臣申報三月二

十九日本司與鎮雄兵於母氏圍與賊大戰殺死

賊首提調五十餘人又殺死第三子楊惟棟由詳
批該司兵從入播未經接刃本部院甚以為疑今一
戰大敗其衆令人快然已發千金充犒並行該省量
給糧餉今川兵已入圍圍仰益鼓舞兵衆奮勇夾攻
坐收全捷以膺懋賞此繳

一件軍務事左監軍道呈首楊應龍妻田氏餽送
隴澄禮物折程銀兩由詳

批壯哉隴澄杜私交絕利姝中討賊之義寒逆賊之
膽豈不毅然烈丈夫哉使向來當事及各土司皆立

平播全書

卷五

批五十一

批

心秉節若此曷至逆賊得遂其賄結之私致成滔天
之禍也已另行獎賞仰該道再製大紅段旗一面上
書忠清二字給之令每戰樹於馬前以作士氣此繳

一件飛報大捷事左監軍道呈報水西隴兵二十
九日大戰殺逆賊偽內府提調把總苗頭五十餘
人斬其子楊惟棟由詳

批烏江之役貴人於安氏有竊鉄之疑今一戰而心
跡白矣是役也統逆賊兇渠之魄保水西忠順之名
順逆之報錙銖不爽皆天也功次查明類報事平自

有澤典賊最兇狡即敗退不難恐耻行成仰益勉勵
疆臣第允嚴督目祀無為所惑務建全功以保榮名
膏上賞繳

一件申嚴第一軍令禁止殺降事兵巡思石道呈
請嚴禁殺降曷功乘機劫財等弊由詳

批龍泉一路主將久不到陳良玘威令不行致各營
將士往往殺降要功致賊黨死守不下可為深恨業
以行拿丁文明王義此風或少息乎該道所議良是
惜太晚耳如議嚴行禁戢有犯者將領叅究軍士徑

平播全書

卷五

批五十一

批

於 今下斬首即今川兵大入賊已上圍關內外假
息遊魂免死為幸不能奔衝該道無妨就近隨營彈
壓清理不即焚香告天無益也繳

一件酌議運夫以免偏累等事題下東道呈議運
夫由詳

批夫議更番固稱長便但起夫之處多則徵銀之處
少該路已用三十三州縣之夫通四路計之一百二
十州縣尚不足用也更於何處徵銀充價乎且用兵
亦未必至十月今既給價只原州縣量再起夫不足

者以附近州縣幫之不必起至三十州縣之多也再
議速報

一件軍務事宜慰安疆臣申稱自誓師以來節次
攻打關圍並稱烏江河渡官軍之失因本司地方
相去甚遠又無聲息可聞安能飛越援救等因由
詳

批一戰母氏國再執尚義黃繼之安氏兄弟報

國之心明於皎日本部院自是推誠相信無復疑也

仰畢節道諭令嚴督力戰以膺慰賞繳

平播全書

卷五

五十五

一件軍務事畢節道呈安疆臣兵實糧應否給與

由詳

批貴州征討率用水西之甲從不給糧非自今日頃

以剿播事重特爾破格該省所給已逾萬金即本部

院二次發犒已二千之上花幣逾等皆各土司所無

也安氏母子既已得金即應發來餉士早奏膚功乃

中道而議糧是以一戰勝敵償上司之犒賞而以無

糧退兵存隣比之私情誰為疆臣畫此計者不但不

忠於 朝廷亦不忠於 疆臣矣仰該道會同該叅

及監軍道嚴諭之如必訪探兵索糧及怯敵退兵查
實另報

一件計擒叛賊心腹事安疆臣申報本司計擒獲
賊心腹提調尚義等由詳

批尚義黃繼之遂賊之二心腹以當沙溪、路者也

久令安疆臣圖之今一旦誘執令人快然疆臣此心

可對天日誰謂水西觀望乎仲監軍道會同畢節道

審明尚義黃繼之再查一二坐寨緊要者固監留以

嚴俘餘盡梟示可也繳

平播全書

卷五

五十四

一件軍務事定遠縣申報買解過餉米積出羨餘

米三百石由詳

批該縣既完正餉又報餘米又不急於表暴先報本

府令報道令報兩院始以次申報又何其畧無自多

之心也仰督餉道先行縣動銀四兩充獎仍候事完

通教繳

一件輸穀助餉事太平縣申教官張以聞關稱係

永寧衛人原籍積有穀一百石願充軍餉由詳

批卜式尚知輸粟助邊今兵連禍結民窮財盡無一

人倡義助餉者張以開以一儒官有此舉可以風矣
仰督餉道行令運至合江聽支仍候事完議敘繳

一件黔哨失利賊將狂逞懇乞增兵加餉滅賊報
讐以收桑榆成績事永順宣慰彭元錦呈請再調

本司兵一萬名卑職外自備糧餉於前起之外再
備報效兵八千名即督發進巢由詳

批永順兵名聞天下乃播賊以計戮之一軍皆沒真
不共戴天之仇也該司此舉自不容已但今播賊為

川兵殺盡賊止率其戚屬上圍自保仰本官速督在
半補全書 卷五 批五十五

楚見兵前來合剿令健士上圍獲賊取心以祭死者
豈不快哉若待取兵回恐曠日持久為人所不得矣亟

圖之繳

一件天鑒叛奴欺愚擅權屠戮十族百姓逐父殺
母等事石砭宣撫司前掌印女土官覃氏申稱氏

男馬千乘誣氏通播虛情由詳

批覃氏通播黨逆罪不容誅今不知陰圖賊首因罪
為功乃嘵嘵申辯諛害忠順之馬千乘不知天生此

婦人何為乃令其以賊為親以子為讐此來投文想

亦為賊探聽者仰巡下東道嚴究報

一件軍務事分守思仁道呈施州兵糧所少折色
銀兩查在川省支辦期內或仍於川省發補或令

楚省接支或於黔中取給由詳

批此兵原應楚省支餉向以議論不定川省代為餉
耳已支者不補還足矣未支者自應於楚餉補足何
論期也仰照行繳

一件懇恩備達請官署理事巡上東道呈新復松
坎等五驛夫馬供應由詳

半補全書

卷五

批五十六

批

批據議已安但此各州縣方起運夫官民俱無暇日
復令徵銀供驛差遲至遲誤計算各項之費一年該
銀四千八百餘兩姑准於官銀內先支一半就近招
人買馬應差庶事濟而民亦不擾委官俱依擬用此
繳

一件多方議處等事布政司呈

批蜀藩既稱無米平買事曷可再強助米五千既有
王命亦何可不受但此事自本部院發之今不受銀

批蜀藩既稱無米平買事曷可再強助米五千既有
王命亦何可不受但此事自本部院發之今不受銀

而但助才身之助也義亦未安仰司姑備
五千石米價送之庶於事體為妥此繳

一件申明兵將獨入苦戰徑逼賊圍事高推官呈
稱十八日石砮等兵並綦江路兵攻破養馬城養
雞城海岩等關割營養雞養馬城若永合路則絕
無一兵至乃該路返捏報爭功坐收人已成之功
相應申明由詳

批賊已窮促亡在旦夕不能同心戮力尅日滅賊而
文武官轉相比爭一關一城之功甚至飾虛架偽
如鬼如蜮身自為賊何以代人

尚方之劔不試果不足以滅賊仰東南二監軍道會
同守東道查明速詳賊之墳墓有無發掘一併查報
一件夷兵因忿相殺事南路監紀知府蔡宗憲申
報鎮雄兵與馬湖兵相殺由詳

批各兵調來為剿賊而設未見尺寸之功報日日聞
殺不已古人勇於公戰怯於私鬥視之寧無汗顏既
已解釋姑不深究再有犯者定以軍法重處領兵官
一體連坐繳

一件請給部劄以勵血戰等事吳總兵呈請發部
劄數張以便填給奮勇官兵由詳

批大將領兵數萬不敢向敵日惟高坐約降以致部
兵與賊對坐終日不發一矢今乃為之請劄加銜將
誰欺欺天乎仰監軍道查報

一件軍務事劉總兵呈稱坐前左槽一帶雖分為
職信地見該二路兵陳二鎮官兵屯劄所餘無幾
但左槽既為首可奔逸之處而內水巷尤為喫緊
要地恐賊從此脫逸各將誰歸必須該道定立界

限庶免推諉由詳
批劉總兵雖經罷任奉
旨剿捕既有分定信地吳總兵何故又行越占該路

專以講降悞事已既不攻又不容人攻豈欲忠於賊
耶仰分守道會同各監軍道查明分定信地以便責
成繳

一件軍務事三省七監軍道呈各將官彼此推延
作何結局該七道公議因前因後分日分哨至期
攻打但事干軍機誠恐各鎮有專功懷利者仍前

推諉不肯協力成功伏乞

本部院嚴行申飭庶有責成由詳

批圍前難攻圍後易攻永合路占圍後一月已既不攻又不容人攻專以通賊縱賊為事殊可痛恨今議易地送攻甚為得法以後各遵依挨日攻取周而復始再有執拗不從及怠緩坐視者即係賊黨定拿來以尚方從事通行知會繳

一件合圍共逼賊寨事兵總兵呈請行令諸將齊心協力合圍攻堂由詳

平播空書

卷五

批五十九

批該鎮為賊所愚欲專受降之功屢盟屢叛縱賊至今今見賊詐大露無可遮飾却變為就中取事三鏡為號一鼓並進之說既有此議何不問告各鎮道一面白之本部院乎以前稟揭具在何嘗一字及此今輒舞文諉罪料該鎮不能辯此又監紀官之狡計也姑不深究以後照七道公詳批允事理分日易地迭攻周而復始如再執拗作梗擅自分布及坐視縱賊並差人於賊中往來印以遂黨論尚方且在慎之慎之繳

一件軍務事巡下南道呈把總袁成祖凌雲運尺乾銷米價乞行究處由詳

批營兵日減運夫日增乃糧餉只是不足固知有為之漏卮者在也袁成祖以一把總日折銷於外即傾西蜀之民以供合江一路之餉亦何益哉既有私票可據何所逃死仰兵總兵會同監軍道查係何營把總審實斬首梟示繳

一件軍務事委官知縣鄧弘烈申請借支川餉數百接濟嚴催楚餉補還由詳

平播空書

卷十七

批李

列

批楚餉不繼施兵盡散矣今容桑二司亦欲散去而督餉部餉等官袖手傍觀畧不經心若曰借川糧則川兵二十萬之餉豈神運鬼輸乎仰督餉道作速催解接濟仍將悞事各官查報以憑拿究繳

一件臥病不能供職事監紀史同知呈稱患病無醫可問乞允出外就醫等因由詳

批本官氣體素健何遂稱疾想因該營將領逗遛誤事縱賊遺患催之不動恐致叅究累及之故大賊未滅難容自便仰監軍道行令照舊供職仍嚴催劉總

其上緊攻圍平賊無得坐索高價致取罪累不便繳

一件勅播重務愈處愈竭等事都司其從周呈本

官領下募兵內有陣亡逃故近四百名請截日開

除又陳希儒土兵三千零請盡汰由詳

批永合路各兵逃亡甚多支糧如故今糧夫萬苦千

辛死者相枕各將官但委官於關外折乾在營者仍

脫中而呼監紀官付之不聞所司何事吳從周可謂

少知法紀然所報亦未盡仰監軍道速行清查繳

一件軍務事巡下南道呈犯兵劉承宗等銷米悞

餉由詳

批營中萬衆待哺差役從外折乾致李春先一軍以

無糧逃散大悞軍機何論首從劉承宗陳貴俱斬首

傳示三省營中為例小王兒既事不由已姑細打一

百計賊科罪吳從周差人壞事漫無稽查姑革去冠

帶令以青衣大帽領兵事完定奪魏光祿久不入營

致壞糧運仍照前行提問通行各營知會繳

一件軍務事貴州左監軍畢節二道呈查諭過水

西鎮雄司府土官據稱並無通賊之情不敢妄行

望功但求免罪請示或離國遠劄把截或徑掣回

由詳

批本部院通賊之禁甚嚴近將領有以招降誤事者

已經處治乃該司目把猶襲故常安得不滋紛紛之

議既欲撤退避嫌雅見恭順聞已於五月二十八日

回兵當聽之俟功完自當論功優敘近又有傳其擅

據播土播民為已業者或係謗言亦當謹慎有功非

難居功為難楊氏之禍始於無上必慎防弓蛇杯影

之疑無但執狡兔走狗之說也仰諭知之繳

一件遭際惡僚孽田自作等事播州應襲同知土

舍羅天寵呈請乞念忠順報效從征懇恩仍授撫

夷同知將原名下應管庄田乞另賞劄付給寵悉

聽上司節制由詳

批羅時豐一門為逆首職盡安得有子且彼釀禍構

累失守宗桃

朝廷取土地於逆賊之手羅天寵何人冒聞許多地

土欲掩而有之狂妄之罪幾不下揚酋矣仰監軍道

會同紀功道查議報

一件懇乞賞賜血戰微功等事石砭宣撫司申請
俯念微功懇收懸賞銀五千兩贖還羅網壩姜池
土民內撥一二所給本司管業由詳

批所謂瓜分地土者謂不用

朝廷人馬土司能自取之也今調天下大兵土司因
人成事微恩已幸輒妄意地土馬千乘不諳事體可
恨可恨仰高推官戒諭之繳

一件擒解苗賊事宜慰安種臣申報本司以避嫌
退兵乞將前後功次敘祿以光

平播全書

卷五

批卷五

天朝恩法以服西南人心其卑司兵尚屯大水田等

處剿補餘黨招插洞民聽候詳示由詳

批該司兵圍圍四十日屢攻不勝議論蜂起方令退
劄後被官兵一日而破圍今乃以為護人成功不勝
怨望何也該司以前戰功應候查明議敘今撤兵之
令欠下猶復劄兵大水田安插洞民奉何明文豈欲
據地以要

君耶揚氏之禍萌於無上保全爵土忠順為先仰遵
令撤回聽敘無致多事繳

一件酉陽官兵在營懷雙孀事永順宣慰司申請
嚴禁酉陽官兵不得在營起釁仍令歛血為盟由
詳

批酉陽人昔年為該司兵所魚食今既相見其反唇
相詆有之未聞有開槍之事也賊兵已撤亦無處更
歛血為盟但該司以後當盡釋舊怨克敦新好睦陸
和民以保榮名無再生釁釁相此繳

一件監理事竣夙疾舉發等事貴州左監軍道楊
按察使呈患病乞休由詳

平播全書

卷十五

批卷五

批該道自受事以來多方拮据備極勞瘁本院部深
所憐念今當奏凱論功之時正宜靜攝以需大受何
得言歸且善後之事尚費經營亦非可委而去之者
仰一面調理一面查敘功次及議善後事宜勿得杜
門廢事此繳

一件軍務事巡下南道呈請浙兵功賞由詳
批苗功比先年增一倍給賞此係

兵部題過賞格自應增行若老幼及失水未到及近
日克圍奔潰未對敵而殺之者或削除或半給自當

酌行又不可拘倍給之例也繳

一件施兵無糧散回等事分守思仁道呈報查過

督餉部餉官並未違悞糧餉由詳

批施兵實以無糧潰散此眾所共見共知今管餉官

所開數足者蓋儘起解之數美也雖解出而未到營

彼能飛而食之乎以楚兵守黔地食川糧而猶然不

能運至比至兵饑而散則曰彼原欲歸此借口可乎

今功已完亦難深求但舉大事不宜若此黔楚多事

用兵未已仍通行各官謹之於後可也繳

軍備全書

卷五

批六五

一件懇恩垂憐前烈等事重慶府申真州長官司

請設學校由詳

批此文出土子之手真人謄錄滿眼差字既不願改

流而獨願建學無非便於他日冒籍亦士子之意也

真人附播破碁今即投降豈得晏然如故仰巡上東

道速議報

一件披露愚衷乞查賞格等事永寧宣撫司申請

照賞格加叅將或比照烏蒙東川烏撒鎮雄等府

給以軍民府官職等因由詳

批永寧兵糜費錢糧甚多一向遲遲退怯何功之有

今奢世績輒欲占據安村羅村桃洪灘及仁懷赤水

地方明係叛逆罪不容誅仰巡下南道馬上差人查

看如已占據從實速報以憑剿辦毋違

一件懇定疆圍等事巡下南道呈解王繼先等由

詳

批告設縣治是也而仍欲催糧馬應征調得無尚有

擅地自治之意乎得隴望蜀小人常態仰會同在渝

各道議妥速報

軍備全書

卷十五

批六六

一件軍務事貴州左監軍道呈查李總兵官兵破

圍軍前將領並未搶掠圍中財物由詳

批此事置之不問則非法追之不已則非情止憑遂

賊口報坐追將領則不可以為訓惟是本院部預行

嚴禁三令五申各將公然弁髦視之令人憤憤文內

既稱該道親在營中耳目共覩仰從公實聞報以憑

追究繳

一件懇恩差官以安地方事永寧宣撫司申請將

洵洪安羅三村投降人民責令本撫承管得調

馬悉從輸納設土設流出首

上裁由詳

批洵洪安羅三村原係播地自應改流前該道建議
欠妥本院部批駁詳語甚明該司何故又行續擾至
有提調程馬之說殊無忌憚劉國用傳廷鑿等見利
忘義必欲陷奢世續為楊應龍而後已獨不慮已為
何漢良楊珠楊明之續耶仰巡下南道嚴行戒諭仍
查明速報

一件遵諭披瀝血誠乞賜照察以明心迹以

半播全書

卷十五

批六十一

安分誼事宣慰安疆臣申稱即日論功行賞普天
同慶乞念狗馬首事之難斬關摧鋒奪路之苦不
惜甄敘片語之褒得寵寵命由詳

批安疆臣母子兄弟戮力勤王本院部深所鑒知
即向以一二疑似之跡遂求道路悠悠之議乃今賊
已滅矣捕已平矣該司心跡明於皎日向來流言道
足為洗靈之地耳據申更見恭順之誠不日本院部
敘功上聞自當膺受上賞惟寧心以聽之不必疑
紛置辯也繳

一件軍務事巡下南道呈議扣番永合路各兵功
賞解京由詳

批扣銀解京本院部並無此行兵總兵何故公然倡
議想其侵剋太多恐激變軍士故為此以預為掩罪
之地耶該道輒為呈請誤矣誤矣今曾否扣番查明
速報

一件夙病忽發等事推官高折枝呈稱患病不能
供職今見奉委攝播州兵備職任事務重大益非
奄奄病軀能勝乞容休致調理由詳

半播全書

卷十五

批六十一

批播州新定經理維艱以本官有才守任勞任怨
選擇而使眾謂得人何事復有此請耶且播平已逾
半載被中需人甚急方在題

請何可言他仰重慶府諭留仍令作速入播視事無
再遷延繳

一件地方事巡下南道呈永寧宣撫司地方以河
為界近因防備官兵布劄憑陵請行委職官先正
疆界由詳

批仁懷赤水自前代來即為播地乃五十四里之數

王世光妻袁氏繳到 誥命可查今該道云仁赤地
方原屬蘭州有何憑據以河為界之說恐亦難憑永
寧惡自播州垂亡之時即撥置女官混申邊界為
異日爭占之地今果然矣該道以為倖復原業不知
果的為彼原業否緝麻山李博埡皆發兵斬級取之
彼皆以為已業是

朝廷三十萬大兵皆永寧紀綱之役而三省大擾大
費總為土司營家事也是誰開邊釁乎仰該道會同
川東守巡二道作速查明邊界以杜後爭限半月內
報

車播全書

卷五

批李九

一件議處魁因事督餉道呈重慶府條議餉米等
項開款由詳

批征播之役不得已而用民力萬苦千辛令人酸鼻
乃賊平兵解所司尚不為一處追銀追米雞犬不寧
不知生民何辜遭此厄也可嘆可嘆諸議俱准照行
仍速移文俾早遵守無令小民久在湯火繳

一件軍務事永順宣慰司統兵冠帶舍把彭宗惠
等呈稱各兵原因之食之苦殆非私逃懇乞明示

班回由詳

批凍死不拆屋餓死不捨糧此軍政也該司兵一缺
食即肆行搶掠不告而去有制之師豈若是乎既已
滅賊姑不深究准撤回無再生事取罪繳

祭文

祭諸葛武侯文

維 萬曆二十七年歲次己亥五月戊申朔越二十
五日壬申

欽差總督川湖貴州軍務兼理糧餉巡撫四川地方

車播全書

卷五

批七十

兵部右侍郎兼都察院右僉都御史李化龍奉

命入蜀道經

故漢丞相大將軍忠武侯諸葛公墓下乃陳性擊鼓
為文以祭其詞曰嗚呼惟公受性忠貞賦才殊絕功
蓋三分名晉萬劫昔漢中衰炎精霧塞九域橫分三
綱湮滅公於其間裂眦植髮輔漢興劉盡忠竭節此
擁操賊東伏權賊身拄乾坤手扶日月太華千尋洪
河百折大義精忠于今為烈化龍晚代末學無能為
役抱疴歸田耳老巖穴偶值多艱承乏授職誓銷氛

授以奠疆場瀘水巴山皆公舊國願垂陰祐永綏蒼
亦尚饗

祭房張二將軍文

維 萬曆二十八年歲次庚子二月乙亥朔越日

欽差總督川湖貴州軍務兼理糧餉巡撫四川地方
兵部右侍郎兼都察院右僉都御史李化龍率川東
監軍道左叅政張棟兵巡上川東道右叅政張文耀
暨重慶府衛縣文武官員謹以牲醴庶羞之儀致祭
于

半播全書

卷五

十一

十一

贈都督同知房將軍二位之神曰嗚呼二將軍之死

也經歲于今矣人亦有言死有重于泰山有輕于鴻

毛如二將軍之死輕耶重耶夫逆賊應龍淫怒以逞

荼毒生靈原野厭人之肉川谷流人之血既有年於

今矣人臣無將將則必誅封疆之臣滅此朝食豈俟

問哉乃數年來未有訟言誅之者何也懦者以私焚

者以賄苟就一切之利而不顧

國家久遠之害晚近庸臣大抵然耳蓋訟言誅之自

房將軍始將軍提一旅捍孤城豈足以當播州之全

師碩義氣所激直欲摔逆賊而平吞之思重身輕成

尊命賤所從來矣迨逆賊卷土而來相與從事於顏

行將軍不沮不懾擁孤軍以抗強敵又得謀勇具足

如張將軍其人者左右其間一戰東溪再戰四壩奮

臂一呼萬夫辟易斬將搴旗潰圍陷陣何其壯也終

以力盡援絕鼓衰士散竟至以身殉城然其英風義

烈猶足吐懦夫之氣激壯士之肝亦以奇矣且自二

將軍死而後賊負不可赦之罪人堅必誅賊之心九

伐方張四征伊始此非賊能死二將軍乃二將軍能

滅賊也假令守綦江者非有磊磊落落如二將軍必

且與賊通必且為賊諱養其鱗甲長其羽翼突而鵠

起席卷川巴李特孟昶前事不遠即不然而殺人者

可以不死無君者可以自全將使人懷問鼎之心戶

比齒焉之跡僭擬成風綱常掃地不及十年人其戎

乎瓦解陸沉豈足為喻蓋二將軍之死非獨以存蜀

是天下理亂得失之關也即謂之重於泰山是耶非

耶嗟乎人誰無死以法死以賄死以寒疾不汗五日

死以飲酒御婦人死等死耳要以生無名死無令

名

譽縱使百萬劫只如未生甚且遺之矣矣則其死
輕也二將軍死事既聞

天子嘉其義烈贈以極品賞以延世千秋廟貌比於
睢陽嗟嗟可不謂重耶化龍等既入渝城誓師剿逆
高二將軍之義乃為文以祭之二將軍有靈當且率
棊城之厲鬼以殺賊始信二將軍果能滅賊而死乃
益重也嗚呼尚饗

祭張監軍文

維 萬曆三十八年歲次庚子七 壬寅朔

丙辰

欽差總督川湖貴州軍務兼理糧餉巡撫四川地方
都察院右都御史兼兵部右侍郎李化龍謹以剛鬣
柔毛清酌庶品之儀致祭于

欽差監軍征播四川布政使司右叅政還樸張公之
靈柩前曰嗚呼鄙諺有之人死雷名誠得死所雖死
亦生惟公誕河山之粹氣毓燕趙之精英負奇每悲
歌慷慨臨事輒憤惋不平當其守山海備關州蓋嘗
九泥封關稱北門之鎖鑰亦嘗鳴劍拔營手絕大漠以

橫行既遂首之發難逐杖策而西征和門數語肝膽
立傾語時事腐心動色恨叩

九閣之無路談叛遂爵齧立髮頰捐七尺以相從遂
戎服而蹈重關之險乃匹馬而監却月之營信明天
日威肅雷霆望之者鶴唳風聲而避歸之者簞食虛
槩以迎既抵賊壘獨主齊盟時投袂而作三軍之氣
時揮戈而倡九地之攻義形於色即衆怒羣猜其奚
恤威加於敵遂灰飛雷掃以成功蓋開初五之戰公
獨搖旗助賊與賊相持者終日初六之入公則向來

車播全書

不下卒至巖形而敵精益夫功以此立病以此成者

與嗟夫公之死非一端矣當其機可乘而輒失盟屢
叛而無功甘養虎而遺患誰築室而返耕縮胸者為
賊所愚至不以一次相加遺庸債者縱恣剽掠等三
尺若一髮之輕即走卒為之氣塞何況受命而監國
之兵又况乎三月之間山嵐水瘴之與居困苦飢渴
之相仍公之死勞耶憤耶憂耶鬱耶不然胡為乎以
飄飄凌雲之氣不數日而失藏山之壑咽隣笛之聲
嗟乎公則死矣赤膽忠心之士竟與山原之道踵同

命世之容容碌碌者何限往往飽富貴而享功名
廉頗閻相如其人死矣千載之下猶有生氣曹踪李
志奄奄如泉下人何足為生憶當五月望後義師漸
老余且脂車秣馬欲馳入柳營而親取衡命者之首
乃以家計而不果於行獨洒泣而草檄誓一死以激
羣情卽大衆不無感動公獨搏膺頓足矢諸天日遂
以一日而克萬仞之城然則公之死半為國半為我
也余亦何心而不掩泣逐袂涕洟瀾而淚縱橫臨風
一奠茹哀數語蓋半以紀公殉國之蹟而半以洩昔
不平之鳴嗚呼哀哉尚饗

平播全書

卷之十五終

平播全書卷之十五終

平播全書後序

本朝西南夷部落以百數當
有事以其叢教阻絕不甚
治也自

上即位靈威四暢收建武討松
州類有成績論者以為美
談迨播事起輒皆以為難
不輕議歎然匪尋成赫
赫可稱斯固未易言矣
李公既定播西還因出記
數百篇以視嘉謨曰此軍
中奏擬書記也可論而存
之否嘉謨退而序品踰三
書成竊以為西南夷遠於

王化山川深阻毒霧菁林

人所居雖好兵者未能

逞也其中播最大地方二

千里民悍而財富逆首用

之敢于衡

命震驚天下使天不悔禍事未

可知以其權力較之思州

麓川譬如多日之于雞

大小筵楹何論建武二夷

然公也討之不數月而平

嘉謨親在軍中備見行事

今讀是書凡握筭之奇制

勝之畧雖不可以言盡

足以窺其萬一也頃已列

狀上

聞

國家報功每無所恠縉紳先

生非有軍功不侯然史牒

具存以功而封如靖遠新

建之倫多矣思州小醜未

底靈誅金少之見旋即下

惟

列祖猶以荒服用兵當蠲小故

不難裂土而侯之况茲討

播功烈較然足以垂之萬

世以是受百里之封開河

山之誓豈為溢乎后之

子讀其書想見其行事

洋乎其盛也已夫
罰軍之善物也言辭號
政之要體也播有事以來
議者盈庭其言如蓬蘼藤
葛然此依彼附期于牽纏
其得失可鏡已及公受
心書羽

背相

戒無論其他皆入敵之

腹披竅導卻孰敢差池

上既神聖善于任使每奏上輒

報可先是東征之後羣情

鼎沸公車日受封事又

數今茲迄無一言

平播全書十五卷

副都御史黃登賢家藏本

明李化龍撰化龍字于田長垣人萬曆甲戌進士

歷官兵部尙書謚襄毅事蹟具明史本傳播州楊

氏自唐乾符中據有其地歷二十九世八百餘年

萬曆初楊應龍爲宣慰使恃險作亂詔起化龍巡

撫四川尋進總督四川湖廣貴州軍務進討平之

以其地置遵義平越二府因裒軍中前後文牘編

爲是書前五卷爲進軍時奏疏六卷爲善後事宜

奏疏七卷爲咨文八卷至十一卷爲牌票十二卷

至十四卷爲書札十五卷爲評批爲祭文

案此書雖載文而不紀事然其文全爲平定

播州而作實具斯一事之始末其載文卽紀

事也又雖冠以奏議而僅三之一不可入奏

議雖出一人之手而大抵書記吏胥之所爲

不可以入別集故從其本事入之雜史類焉